




7/7/82


S. 1301A















A C T A  
PHYSICO-MEDICA  
ACADEMIÆ CÆSAREÆ  
LEOPOLDINO-CAROLINÆ  
NATURÆ CURIOSORUM  
*exhibentia*  
EPHEMERIDES  
*sive*  
OBSERVATIONES HISTORIAS  
ET EXPERIMENTA  
*a*  
CELEBERRIMIS GERMANIÆ  
ET EXTERARUM REGIONUM  
VIRIS  
habita & communicata,  
singulari studio  
*collecta.*  
VOLUMEN SECUNDUM  
cum APPENDICE  
ET PRIVILEGIO SACRÆ CÆSAREÆ MAJESTATIS.

---

NORIMBERGÆ,  
Apud HÆREDES W. M. ENDTERI ET J. A.  
ENGELBRECHTI VIDVAM.  
*Typis* JOH. ERNESTI ADELBULNERI A. MDCC XXX.



A T C A

PHYSIO-ANATOMY  
ACADEMIA CAROLINA  
LEOPOLDINO-CAROLINA  
NATURALIS HISTORIA

EPHEMERIDES

OBSERVATIONES HISTORIAE  
NATURALIS

CELEBRATIONE GERMANNIAE  
ET EXTENSIONE DOMINII

habitu et consuetudine  
signis et notis

VOLUMEN SECUNDUM

AT FRANKFURTI A. CAROLINA MARSATIA

APUD HARTUNG & W. M. FRIEDRICH  
IN BRECHTIVIAM  
DIE JON. FRANKFURTI A. MDCCLXX

INVICTISSIMO  
CAESARI  
CAROLO VI.

ROMANORVM  
IMPERATORI

SEMPER AVGVSTO

GERMANIAE, HISPANIAE,  
INDIARVM, HVNGARIAE, BOHEMIAE,  
CASTILIAE, LEGIONIS,

ARAGONIAE, SICILIAE VTRIVSQUE,  
HIEROSOLYMORVM,

NAVARRAE, DALMATIAE,  
CROATIAE, SCLAVONIAE,  
BVLGARIAE,

BOSNIAE, SERVIAE,

ET  
RASCIAE

REGI

ARCHIDVCI AVSTRIAE  
DVCI

BVRGVNDIAE, BRABANTIAE,  
MEDIOLANI, STYRIAE, CARINTHIAE,  
CARNIOLAE ET LVXEMBURGI  
WIRTEMBERGAE ET VTRIVSQUE SILESIAE,

PRINCIPI SVEVIAE  
MARCHIONI BVRGOVIAE, MORAVIAE  
ET LVSATIAE,

COMITI PRINCIPALI  
HABSPVRGI, TYROLIS, PFIRETARVM, KYBVIRGI  
ET GORITIAE,

PROVINCIALI ALSATIAE,

COMITI FLANDRIAЕ,  
DOMINO MARCHIAE VENEDICAE  
PORTENAVIAE ET SALINARVM  
*ET QVAE SVNT RELIQA.*

DOMINO ET ASSERTORI  
SVO

OMNIVM CLEMENTISSIMO  
EXIGVVM HOC PIETATIS  
ET OBSEQUII DEMISSISSIMI  
PIGNVS  
CONSECRAT

NVMINI ET MAIESTATI EIVS

AETERNVM DEVOTA  
NATVRAE CVRIOSORVM ACADEMIA.

**C**oncede quaeso, MAXIME PRINCIPVM,  
**AVGVSTE CAESAR**; *Gloria seculi*  
*Nostri perennis; turbulenti*  
*Optime pacificator orbis:*

*Concede quaeso, ut me solio* **TVO**  
*Devota sistam, voceque supplici*  
*Nunc denuo sacrem laboris*  
*Particulam, tenuesque chartas.*

**TV** nempe clementi, instar Apollinis,  
**INVICTE CAESAR!** *Numine suscitās*  
*Musam piam, nec semper arcum*  
*Tendis, & eiaculas in hostes:*

*Quin fructuose pacis amantior,*  
*Victoriarum iam satur, edoces*  
*Quod una sit pax aestimanda*  
*Innumeris potior triumphis.*

*Quare furorem deprimis impium,  
Qui bella saltem tristia cogitat;  
Pacem tenes; Janique templum,  
Mox iterum TVA dextra claudet.*

*Hinc pacis artes pulcrius enitent:  
Hinc fota crescit prosperitas mea,  
Sub CAESARIS SVMMI benignis  
Auspiciis, recreata pace.*

*Ergo salutem Principis optimi  
Omnes precantur, qua patet Imperi  
Porrecta Majestas ad ortum  
Solis, ab Hesperio cubili.*

*Nil CAROLI non efficient manus,  
Quas ipsa Cæli gratia protegit;  
Sen pax quietas servet, aut Mars  
Expediat per acuta bella.*

\* \* \*

REVE-

REVERENDISSIMO CELSISSIMOQUE

S. R. I. PRINCIPI

AC

DOMINO

DN. FRIDERICO CAROLO

EPISCOPO BAMBERGENSI

ET VVIRCEBURGENSI

FRANCIAE ORIENTALIS

DVCI

SACRAE CAESAR. MAIESTATIS

CONSILIARIO STATUS INTIMO

ET IMPERII VICE-CANCELLARIO

(ET QVAE SVNT RELIQUA)

PRINCIPI AC DOMINO NOSTRO

CLEMENTISSIMO

VITAM ET FELICITATEM.

REVERENDISSIMO CELSISIMO

S. R. I. PRINCIPIS

DOMINO

IN. FRIDERICO CAROLO

EPISCOPO RAVENNATENSIS

ET VIREBANTINIENSIS

PRAEPOSITO

CA.

SACRAE CAESAR. MAJESTATIS

CONSILIARIO ET VICE

ET IMPERII VICE-CONSILIARIO


(ET ORALIS INTERPRETE)

PRINCIPIS AC DOMINI

CLEMENSIS

VITAE ET FELICITATIS





REVERENDISSIME CELSISIMEQVE  
 PRINCEPS,  
 DOMINE CLEMENTISSIME.



**S**I, quantum dolorem ex  
 obitu EMINENTISSIMI  
 ELECTORIS MO-  
 GVNTINI, glorios.  
 memoriae *Patruī Tui*,  
 CELSISIME PRINCEPS, haud ita  
 pridem accepimus, eloqui conaremur,  
 ))(( 2 ueren-

verendum sane foret , ne uerba idonea  
nos deficerent. Etenim communis ille,  
fuit uniuerſae Germaniae luſtus, ac multo  
grauior , quam ut noſtro ſaltem exemplo  
repraeſentari poſſet. Liceat tamen no-  
bis , cum fortasſe damnum , quod iſto caſu  
publica res Patriae fecit , non aeſtimare  
ſatis , nedum exprimere ualeamus , pro  
tenui noſtra duntaxat parte conqueri amiſ-  
ſum PROTECTOREM *benigniſſimum* ,  
cuius ſingulari clementia in ſeptimum  
uſque luſtrum gauiſi ſumus. At enim  
uero , quemadmodum optimus ille Prin-  
ceps maximae uirtutis et gloriae ſuae  
digniſſimos haeredes , atque feliciffimos  
aemulos reliquit, Nepotes ſuos ; ita ſeor-  
ſum per TE, DOMINE CLEMEN-  
TISSIME , reſtitutam fore rem no-  
ſtram , eo magis confidimus, quo magis  
iam

iam celebrata per orbem existit illa in liberales et utiles humano generi artes ac scientias, harumque cultores propensissima uoluntas TVA. Neque enim in tam excelso dignitatis gradu, ad quem meritisimo peruenisti, despicias humiliora ista; neque sub onere muneris grauiissimi, quo negotia Imperii, publicae salutis causa, iubente AVGVSTISSIMO CAESARE, fortiter sustinere pergis, deponere uideris benignam Musarum curam, ipse *Musagetes incomparabilis*. Hoc nomine et nostram Academiam praepotenti tutelae, Tuae commendatam habebis, INDVLGENTISSIME PRINCEPS, ac post DEVM immortalem, SACRAMque CAESAREAM MAIESTATEM, institutum atque studia nostra, non modo facta tecta conseruabis, sed et perclementer ampli-

amplificabis. Quo summo beneficio nos  
obstricti, pro salute et incolumitate TVA,  
tanto ardentius Diuino Numini supplica-  
bimus, piaque uota nuncupabimus, quanto  
arctius illam cum emolumento Imperii  
copulatam nouimus,

**REVERENDISSIMAE CELSI-  
TVDINI TVAE**

humillimo cultu et obsequio  
addicti

**Academiae Imperial. Nat. Curios.  
Antistites et Collegae.**

## L. B. S.



*Comparet nunc tandem secundum  
Volumen Aëtorum Physico-Me-  
dicinalium, inde a triennio qui-  
dem promissum, sed non uno fato hætenus  
remoratum. Etenim ab illo tempore amisit  
Academia nostra duos bene meritos Ephe-  
meridum suarum Directores, D. D. HOFF-  
MANNVM, et VALENTINVM, quin et nuper  
admodum incomparabilem suum Præsidem,  
Dr. D. SCHROECKIVM, damno sane difficul-  
ter reparabili. Vnde non potuerunt non  
turbari quodammodo circuli nostri, ac retar-  
dari editio Aëtorum; quando et is, qui cu-  
ram eorundem legitime susceptam, hodie gerit, ex ancipiti  
ac diuturno morbo uix conualuit. Interea complurium  
DNN. Collegarum haud defuit industria laudabilis, cui  
non modo præsens obseruationum, tempestiue satis ob-  
latarum apparatus debetur, sed etiam confidere decet,  
fore, ut, ampliori subinde numero succedente, plura eius-  
modi Volumina, delectu etiam habito, condere  
Diuinis Auspiciis queamus.*

CATA-

# CATALOGVS

Nobilissimorum Dominorum, quorum Observationes Physico-Medicae in hoc Volumine continentur.

- D. D. Christianus Michael *Adolphi*, Facult. Med. Lipsiens. Assessor, Acad. Curios. pag. 194. 296. 367
- D. D. Michael *Alberti*, S. R. Maiest. Boruss. Aulae et Consistor. Magdeb. Consiliarius, Phys. et Med. Prof. Halensis, Acad. Curios. p. 314.
- Dn. M. Sigism. Iacobus *Apinus*, Gymnasii Aegid. Brunsvic. Rector, Acad. Cur. p. 91.
- D. Io. Iac. *Baierus*, Archiater & Comes Palat. Caesar. S. R. I. Nobilis, Ephemerid. Acad. Nat. Cur. h. t. Director, Vniuersit. Altorf. Senior et Professor Medic. primarius. p. 408. et App. 68.
- D. D. Frid. *Bauerus*, Medicus Lipsiensis, Acad. Curios. p. 17. 202.
- D. D. Conr. Berthold. *Behrens*, S. R. M. Britann. Archiater, Senator et Medicus Hildesf. Acad. Curios. p. 63.
- D. D. Rudolph. August. *Behrens*, Medicus Brunsvic. Acad. Curios. p. 83.
- D. D. Gottlieb Ephraim *Bernerus*, Med. Prof. Duysburg. Acad. Curios. p. 170.
- D. D. Io. Georg. *Brebisius*, Physicus Sen. Rotenburg. ad Tubarim, Acad. Curios. p. 13.
- D. D. Andr.



- D. D. Andr. Elias *Buchnerus* , Poliater Erfurt. Acad.  
Curios. p. 145. 210. 386.
- Dn. Io. Godofr. *Buchnerus* , Consil. Comit. Ruthen.  
Acad. Cur. p. 390.
- D. D. Franc. *Buttnerus* , Medicus Francof. ad Moen.  
Acad. Cur. p. 180.
- D. D. Elias *Camerarius* , Consil. et Arch. Duc. Wurtemb.  
Med. Prof. Tubing. Acad. Curios. p. 338.
- D. D. Io. Hartmann. *Degnerus* , Poliater Neomagen-  
sis, Acad. Cur. p. 268.
- Dn. Io. Gabriel *Doppelmeyer* , Mathem. Prof. Norimb.  
Acad. Cur. p. 177.
- D. D. Christian. Henr. *Erndelius* , Archiat. Reg. Polon.  
et Elect. Saxon. Acad. Cur. p. 262.
- D. D. Georg. Frid. *Franck de Franckenau* , Consil. Reg.  
Dan. et Prof. Med. Hafn. Acad. Cur. App. p. 129.
- D. D. Io. Henr. *Fuchsius* , Poliater Gothan. p. 322.
- D. D. Io. Christoph. *Goetzius* , Physicus Norimberg.  
Acad. Curios. p. 425.
- D. D. Conrad. *Grassius* , Archiater Comit. Stollberg.  
Acad. Curios. p. 187. 268.
- D. D. Samuel *Grassius* , filius , Medicus Vratislaviens.  
Acad. Cur. p. 157.
- D. D. Io. Caspar. *Grimmius* , Archiater Duc. Sax. Isenac.  
et Poliater Lipsiensis, Acad. Cur. p. 51.

XXX


D. D. Be-



- D. D. Benedictus *Gullmannus*, Physicus Augultanus,  
Acad. Curios. Adiunctus. p. 167. 181. 370.
- D. D. Ern. Frider. *Heimreich*, Medicus Coburgensis,  
Acad. Curios. p. 23.
- D. D. Christian. de *Helovich*, Archiater Duc. Holsat,  
Med. Vratislau. Acad. Curios. p. 130.
- D. D. Io. Frid. *Henckelius*, Phys. Prouinc. Freiberg. Misi.  
Acad. Curios. p. 361. 407.
- D. D. Daniel *Hoffmannus*, Poliater Tubingensis,  
Acad. Curios. p. 1.
- D. D. Godofredus *Klaunig*, Medicus Caesar. Aul.  
Acad. Curios. p. 32.
- D. D. Christian. *Kundmannus*, Medicus Vratislau  
Acad. Curios. p. 244.
- D. D. Iosephus *Lanzonus*, Prof. et Med. primarius  
Ferrariensis, Acad. Curios. p. 15. 178. 465.
- D. D. Hieronymus *Laubius*, Reg. Dan. Medicus Aul.  
Acad. Curios. p. 45. 238.
- D. D. Io. Georg. *Liebknecht*, Prof. Publ. Giessensis,  
Acad. Cur. Adiunctus. p. 78.
- D. D. Io. Adam *Limprecht*, Duc. Wurtemb. in Silesia  
olim Consiliarius, Acad. Curios. et Collegii Med.  
Berolin. Adiunctus. p. 44. 77. 109. 192. 261.  
287. 313. 406.
- D. D. Car. Frid. *Loeuv*, Consil. et Archiat. Duc. Saxon.  
et Wurtemberg. Acad. Cur. Adiunctus. App. p. 1.  
D. D. Gott-

- D. D. Gottlieb *Meinigius*, Consil. et Archiater Princip.  
Schwarzburg. Acad. Curios. p. 404.
- D. D. Petrus Anton. *Michelottus*, Medicus Venet.  
Acad. Cur. p. 53.
- D. D. Io. Bapt. *Morgagnus*, Med. Prof. Publ. Patau.  
Acad. Cur. p. 376.
- D. D. Willh. Bern. *Nebelius*, Med. Prof. Heidelberg.  
Acad. Cur. p. 12.
- D. D. Caspar *Neumannus*, Professor Chim. Berolin.  
Acad. Cur. p. 304.
- D. D. Phil. Henr. *Ristorius*, Poliater Moeno-Fran-  
cofurtensis. p. 270.
- D. D. Io. Andr. *Pitzlerus*, Archiater Hasso-Homburg.  
Acad. Cur. p. 268.
- D. D. Io. Adam. *Reimannus*, Medicus Eperienf. Hung.  
Acad. Cur. p. 288.
- D. D. Io. Carol. *Rostius*, Physicus Norimbergensis,  
Acad. Curios. p. 411.
- D. D. Io. *Salzmannus*, Medic. Profess. Argentinensis,  
Acad. Curios. p. 219. 398.
- D. D. Io. Iac. *Scheuchzerus*, Medicus et Prof. Tigur.  
Acad. Cur. Adiunctus. p. 96. et App. p. 41.
- D. D. Wolfgang. Henr. *Schrey*, Medicus Delitianus,  
Acad. Cur. p. 88. 198.
- D. D. Gotth. Ernest. *Serunius*, Physicus Primislauien-  
sis, Acad. Cur. p. 423.

- D. D. Christoph. Iac. *Treu*, Physicus Norimbergensis, Acad. Cur. p. 62. 110.
- D. D. Mich. Bern. *Valentini*, Archiater et Comes Palat. Caesar. S. R. I. Nobilis, Ephemerid. Acad. Nat. Cur. Director, in Acad. Giesl. Profess. Senior et redituum Inspector. p. 271. 396.
- Dn. Lic. Conr. Mich. *Valentini*, Physicus Grunberg. Acad. Cur. p. 281.
- Dn. Lic. Io. Ernest. *Valentini*, Medicus Comit. de Wied, Acad. Cur. p. 285.
- D. D. Wilh. Hulder. *Waldschmidtus*, Med. Prof. Kilon. Acad. Cur. App. p. 141.
- D. D. Phil. Iac. *Weigantus*, Medicus Viennensis, Acad. Curios. p. 402.
- D. D. Herm. Werner. Engelbrecht de *Westhoven*, Medicus Hammon. in Westphal. Acad. Cur. p. 202.
- D. D. Io. Petr. *Wolfart*, Consil. et Archiater Hasso-Cassel. Acad. Curios. p. 42.





# ACTORUM PHYSICO-MEDICORUM ACADEMIÆ - CÆSAREÆ NATURÆ CURIOSORUM VOLUMINIS II.

OBSERVATIO I.

DN. Lic. DANIELIS HOFFMANNI.

*Visus duplicatus.*



Quamvis in admiranda corporis humani fabrica nihil sit, quod sapientissimi Creatoris summam perfectionem, bonitatemque immensam digito non commonstret, magnam tamen inter hæc ipsa organa differentiam intercedere, cuilibet patet evidentissimè. Unde unum alio magis compositum atque ex pluribus partibus artificiosissimè inter se connexis conflatum apertè reperi-

rimus, hocque sensu unum alio perfectius dicimus, cum ad actiones suas edendas complicatio plurium compositorum requiratur; Hisce autem perpenſis, organisque corporis humani omnibus dextrè consideratis meritò dicendum erit Oculum humanum, si non organorum perfectissimum, ex summè perfectorum ad minimum numero esse, aut in illo primum jure merito obtinere locum, cum hujus conformatio adeo mirabilis, ususque illius tam sit nobilis, ut vix ullum in universo corpore magis compositum, aut cujus fabrica magis miranda usum præstantiorem homini largiatur, inveniri queat. Hæc ipsa autem hujus organi complicata adeo structura, eo ipso etiam majorem teneritudinem procliviorēque ad statum provincialem dispositionem ac inclinationem importare videtur, cum idem etiam in Mechanicis cernere liceat, &c. g. horologia portatilia quo minora & quo magis composita variis que indicibus instructa eo facilius etiam lædantur, sæpiusque præ majoribus simplicioribusque artificis opem ac restitutionem requirant: Unde etiam Cel. ille Parisiensium Ophthalmiater, *Dn. de Woolhouse* plusquam Centum oculorum morbos & à statu naturali recessus recenset, iisque, quod mireris, præter varia medicamenta plusquam quinquaginta Operationes Chirurgicas opponit: Inter hos autem varios admodum oculorum affectus, à quibus consequenter visio variè læditur, ea potissimum depravatio notari mereretur, qua objecta simplicia duplicia apparent, visusque fit duplicatus, quale exemplum in sene observatum paucis recensere liceat. Vir 76. annor. temperamenti sanguineo-cholerici, habitus corporis strictioris ac macilentioris, erroribus diætæ per omnem ferè vitam deditus, vitæ sedentariæ ex muneris ratione assuetus, inter prandium derepente dolore quodam Capitis, lateris præcipue sinistri admodum acuto ac lancinante corripitur, adeò, ut mensam deferere, lectumque petere coactus fuerit; Remedia dolori huic atroci opposita nervina, cephalica, anodyna, tam externa, quam interna, intra viginti quatuor ho-



ras ne minimum quidem attulere levamen, hinc vesicatorium nuchæ applicandum suadet Medicus, ægerque insignem inde, cuticula vix in vesicam elevata, doloris remissionem & versus scapulam illius lateris descensum reportat. Tertiò verò abhinc die, remittentibus sensim sensimque doloribus illis capitis intensis, sacris intentus, lectioni libri cujusdam ipsi admodum familiaris sese applicat, inter legendum autem non sine summa animi consternatione ex improvísò observat, se tam librum quam lineas literasque in illis obvias non uti antea visu simplici sed gemino jamac duplicato conspicerè; Unde seposuit, ut scilicet certior redderetur de mirabili hoc phænomeno, librum, alia objecta oculis obversantia intuitus, eadem etiam duplicia observat universa, Medico mox vocato obviam procedens manum porrigebat æger, quærens, quisnam ex duobus illis oculis ipsius obversantibus verus sit & quis apparens Medicus, idque non nisi contactu manus valuit discernere. Medicus vero consideratis omnibus circumstantiis tam prægressis quam præsentibus Venæ sectionem in pede revulsoriam, tertioque abhinc die scarificationem in dorso suadet, junctis simul medicamentis cephalicis nervinis ac antispasmodicis, quorum usu ab omni planè dolore fuit liberatus; subsistente autem pertinaciter sub continuato horum remedium usu visu illo duplicato in tertiam usque septimanam duplex agro huic applicari curat Medicus vesicatorium, in brachio scil. dextro unum alterum in pede sinistro, ac fluxu horum aliquandiu conservato depravatum hunc visum tollit tandem ad votum: Analogum huic exemplum in *Actis Literariis Suecicis* recensetur, de puero quodam Stockholmiensi 10. annor. qui inter ludendum pilâ nivea adeò percutiebatur, ut post ortum tumorem in externis præcipue oculi sinistri partibus, quas ictus pilæ potissime feriit, nullus ipsi ejusdem oculi usus per tres menses fuerit, sedatoque variis medicamentis, scarificatione potissime cutis pone aurem, tumore, visus quidem restituitur, duplicatus tamen, adeo, ut hoc vel illo oculo,

clauso videlicet altero, objecta videat simplicia, duobus verò oculis simul in situ tam remoto quam propinquo eadem duplicia observet: In nostro autem sene res longe aliter se habebat, is enim uno solummodo oculo clauso licet altero, Objecta quavis obversantia pariter duplicia videbat, quod singulare phenomenon frequenti facto experimento observavimus: In hoc verò uterque casus tam pueri quam senis convenit, quod in neutro horum ullum in oculis vitium externum vel distorsio, aut strabismus, vel aliud quodcunque potuerit observari malum, sed oculi in naturali plane situ ac statu comparuerint. Singularis hujus phenomenon rationem ac ætiologiam quod concernit, notissimum est, omnes omnium temporum Medicos illam in nervorum opticorum unione natoque circa illam vicio quævisse, cum ratio status naturalis, visus scilicet simplicis in illa potissimum sit fundata, unde jam olim Galenus lib. de usu part. statuit, hunc nervorum coalitum idcirco à natura factum esse, ne quod extra intuemur, duplex appareat, & Recentiores Anatomici prætendunt, hos nervos non coire per simplicem solum contactum & coalitum, sed potius per totalem substantiæ confusionem, ita ut unum deinde corpus constituent, hinc omnino difficilius explicatu est, qua ratione aliquid heterogenei in ipsa illa horum nervorum coalescentia sese insinuet, (quæ quorundam est sententia) sicque æquabilem illum utriusque nervi nexum impediat; Unde alii ex principiis mechanicis malunt respicere ad diversitatem axium conos per oculos ambos trajectos transeuntium, scilicet quod ambo oculorum axes, quos naturæ lex parallelos in eadem linea parallela exactissime requirit, hanc æqualitatem amittant, neque necessario non uno eodemque loco ac tempore objecta in retina delineentur, siquæque sententiam communi illo ac vulgari experimento confirmant, quod scilicet ubi digito alterutrum oculum deprimimus, illico duplicationem objecti observemus, ebriique ex solo muscutorum ocularium non delevato, quo alteruter oculus sursum aut deorsum



trahitur, idem phœnomenon sæpius experiantur, cum levissima etiam & quam vix sensu assequi licet, declinatio imaginum in retina depingendarum insignem in visione inferat diversitatem; Alii in hac visus depravati specie unicè respiciunt ad humorem crystallinum, ejusque peculiare vitium, quod in levi illius à pupillæ centro declinatione consistere prætendunt. Casum autem heic propositum aliam etiam ætiologiam, explicandique phænomeni rationem suggerere existimem, scilicet à solo partium oculi nervosarum spasmo ac spirituum motu per nervos potissimum opticos inordinato eandem provenire posse visus depravati ac aucti speciem, quod circumstantiæ tam ipsius morbi quam curationis in superioribus recensitæ haud obscurè docere videntur.

(*Tubinga Augustam Vindelicorum d. 25. April.*

*An. 1725. missa.)*

## SCHOLIUM.

**F**acio huc observatio similis in *Miscellan. S. R. I. Acad. Nat. Cur. Dec. I. A. I. pag. 223-196.* recensita.

## OBSERVATIO II.

DN. DANIELIS HOFFMANNI.

*Cordis vicinarumque partium prava Conformatio.*

**P**UELLÆ 11. annor. Patre Podagrico, Matre verò hysterica nata, à prima infantia sana atque vegeta, temperamenti calidioris ac ficcioris, habitus corporis gracilioris, anno ætatis sexto variolis in urbe grassantibus corripitur, benignis tamen, ac sine gravioribus symptomatibus decurrentibus: Ab illo autem tempore Parentes æque ac domestici sæpius obser-

vant, filiam hanc vegetam admodum inquieto somno noctes transigere, corpus huc illucque jactitare, & à levissima etiam causa externa evigilate, frequentissimequè cum admiratione, nec sine mœrore inordinatum ac plane extraordinarium arteriarum carotidum externarum pulsus totiusque thoracis motum post cursum præsertim velociorem attendunt: Sub auspiciis anni ætatis suæ decimi principio æstatis febris tertiana corripitur, quæ post usum variorum antifebrilium continuatum principio autumnii typum suum deserit, atque inordinate sine certa periodo ægram afflixit diutius vago decursu. Hæc ipsa autem febris tam tertiana quam anomala vermibus adscribebatur potissimum, eo magis, cum aliquando in inspectione excrementorum aliquot lumbrici detegerentur, unde sepositis aliis medicamentis ad anthelminthica properabat mater, ipsique, variis jam frustra hætenus adhibitis anthelminthicis, unguentum aliquod coloris fusci, (cujus compositio verò tanquam arcani cujusdam celabatur) umbilico imponendum, ab amica commendatur, cujus impositionem & applicationem illico factam hic peculiaris excipiebat effectus, ut, quamvis nullus amplius vermis in excrementis compareret, febris tamen anomala graviterque affligens altera statim die, magno Parentum gaudio, remitteret ac cessaret. Decimo vero abhinc die à febre libera & satis bene se habens, circa vespertinam subito de dolore insigni tensivo ac lancinante in medio colli lateris sinistri multis clamoribus conqueritur, qui per integram noctem subsequentem absque ullo intervallo vel remissione continuò affligit: Altero die versus pectus ejusdem lateris eadem cum vehementia descendit, & unà cum tussi sicca, haud parum dolores intendente, pleuritidem spurriam mentitur: Remedia antispasmodica, nervina, cum pectoralibus mixta externè & internè applicata tussim admodum molestam ita sedant, ut subsequente sputi visceri albicantis ac spumescantis excreatione aliquot dierum spatio planè cessaret, dolore interim ulterius versus inferiora, regionem

## *Cordis vicinarumque partium prava Conformatio. 7*

nem præsertim lienis, descendente, ægramque die nocteque misere affligente: Hæc autem mira admodum doloris atrocis anomalia ac variatio per octo menses durabat, ita, ut nunc cum tussi, nunc sine illa nunc in collo, nunc in pectore, cum terribili clamore totam viciniam replente ac molestante, nunc in ventriculo, nunc in hypochondriis potissimum sinistro enormiter sæviret.

Vehementiam doloris in pectore sæpissimè unguento pectorali, quo totum pectus illinebatur, una cum eclegmate quodam, infregit: In ventriculo, cum sæviret dolor, per modum cardialgiæ, maximo cum levamine potum theiformem ex herb. beton, veron. agrimon. aliisque pectoralibus ac visceralibus plantis toties cum fructu calidè hausit: Tensionum verò in sinistro hypochondrio augmentum ac ferociam frequentissime pressione manu forti infra costas spurias in regione scil. lienis ejusque non parte plana sed secante (mit dem schneidigen Theil der Hand) impedivit: In omnibus autem hisce doloribus mirum planè ac insolitum totius corporis situm ac decubitus servavit, nunc enim caput antrorsum nunc retrorsum è lecto propendebat, nunc in globum quasi convoluta ac contracta in lecto jacebat, nunc extra tectum stando levamen quærebat, nunc ligneis fornacem cingentibus cancellis mira brachiorum retrorsum versus torsione ac flexura affixa, tormentis quasi subjecta miserrime hæsit, nulloque modo nullisque persuasionibus ac argumentis ab illis avelli ac dimoveri potuit, obtinens scil. non leve à mira illa brachiorum extensione ac retorsione dolorum tensionumque levamen; Eo etiam porro nocte præsertim dolorum spasmodorumque impetus ægram adegit, ut celerrimè nuda sæpius magno conatu è lecto profiliret, adstantesque mirum in modum perterreret,

In his autem insignibus ac tantum non innumeris vicissitudinibus aliquoties foeda quædam scabies cum majoribus pus flavum continentibus pustulis tam in manibus quam pedibus,

dibus, non sine, levi quamvis, emolumento ac dolorum spas-  
morumque remissione prorupit, quæ tamen præter morem  
fœdæ ejusmodi scabiei nimis cito siccata, cessavit.

Ab usu per plures septimanas continuato succi nasturtii  
aquatici cum gelatina Corn. Cerv. aliisque remediis anti-  
spasmodicis pectoralibus ac visceralibus aliquoties levamen  
tensionumque relaxationem sensit ægra, ita, ut ob intervalla  
sæpius longa ac quieta spes parentibus de salute ac restitutio-  
ne filiæ charissimæ affulserit, quæ tamen iterum redeunte ma-  
jori vehementia dolore ac spasmo subito evanuit.

Inter varia varii generis remedia tam longo temporis  
tractu exhibita, tandem etiam ad Essentiam dulcem Hallen-  
sem eamque concentratam tanquam ad sacram anchoram,  
in similibus affectibus maximè deprædicatam, confugiebatur,  
à cujus autem continuato licet usu ne nimium solatii ac leva-  
minis obtinebatur, cum è contra vapulans illud multisque in-  
visum remedium Cortex scil. Peruvianus sæpissimè laudabilem  
admodum effectum præstiterit.

A nullo autem remediorum in tanta copia ac farragine  
exhibitorum tam internorum quam externorum evidentius  
diutiusque durans intervallum, notabilioremque dolorum re-  
missionem reportavit ægra, quam ab applicatis vel nuchæ vel  
brachiorum alterutro vesicatoriis, quæ toties, quoties impo-  
nebantur, largam admodum feri flavi copiam proliciebant,  
quorum tamen applicationem ob insignes ab illis metuen-  
dos dolores cum lacrymis deprecabatur, repudiabatque  
sæpius.

Urina hoc ipso tempore morbique decursu, uti ipse dō-  
lor, mirè variabat, nunc naturali similior, nunc tincta, cum  
sedimento bolari, nunc cum mucoso ac albicante, nunc turbi-  
da, nunc clara conspiciebatur.

Pulsus nunc naturalis nunc celerrimus, tam in quam ex-  
tra dolorum paroxysmum, nunc tremens ac titubans, nunc  
tensus ac plenus, nunc remissus ac debilis tangebatur, nun-  
quam

quam tamen, quod mireris, præsertim, si miram cordis difformitatem in Sectione cadaveris repertam, inferiusque descriptam consideres, vel inæqualis vel intermittens deprehensus fuit. Alvus tantum non quotidie deponeretur, tardior autem clysteribus variis injectis haud difficulter cedebat; necessaria autem hujus libertas, eò magis videbatur, cum per totum ferè hunc decursum inter enormes illos cruciatus appetitus ad cibos vigeret, cum è contra sitis rarissimè, sanguine licet æstuante, caloreque totius corporis urente, intenderetur, adeo, ut sæpius ad potum admoneri imò interdum cogi debuerit. Sub initium Mensis Novembris, die quodam, ut ita loquar, apyrexias; venæsectio in pede aliquot unciarum revulsoria, ac ventilatoria, ægrâ licet extremè emaciata ac tabidè consumpta, administratur, qui sanguis eductus in examine laudabilis, floridus, naturalis consistentiæ cum sufficiente quantitate feri deprehenditur: Eodem adhuc die circa vesperam redit dolor, non tamen adeo vehemens, in regione præcipue lienis tensivus, citiusque quam sperabatur, iterum remittit; subsequente nocte iterum inopinato ægram invadit, spatio autem duarum horarum præterlapso plenariè iterum cessat. Ab hoc ipso die, quod omni admiratione dignum, per intervallum atque inducias decem integras septimanas durantes (quæ summa DEI fuit benignitas) ab omni planè dolore ac spasmo libera vixit, & ita bene se habuit, ut non solum functiones confuleras obire, sed etiam è domo exire, cognatos absque omni molestia visitare, imò, quod maximè mirandum, cum sociis uti antea cursitare, variisque corporis commotionibus etiam gravioribus ludere potuerit, imo domestici non semel observant, filiam hanc ita nunc quietè ac profunde dormire, ut fortis etiam tumultus, clamoresque infantis in eodem conclavi proximè ipsi adjacentis insignes impunè tulerit, nec evigilarit, cum antea, uti supra notavimus, à levi etiam causâ expergefacta fuerit. Hisce autem decem septimanis præterlapsis, die Jovis, qui erat octavus Januarii circa vesperam subito, quasi per



incantationem, dolore iterum lateris sinistri corripitur, qui novas sensim agens radices paulo post ægram, uti antea, gravissimè affligit, imò omnes circumstantiæ speciesque dolorum jam intenduntur, molestioresque fiunt, tussis denuò molestat, nunc cum nunc sine exscreatione, tensio thoracis spasmodica summè dolorifica crescit, noctes insigni clamore ac vociferatione transigit, appetitus deiecitur, major lassitudo totiusque corpusculi debilitas sequitur, cum pulsu celerrimo ac tenso, æquali tamen, urina summè tincta nunc cum nunc sine sedimento bolari.

Die 12. Jan. Tussi hætenus admodum molestâ aliquantum remittente aliqualis pedum tumor à digitis ad malleolos sese extendens observatur, qui primum diurnæ pedum è lecto propendentia situique corporis erecto ab adstantibus adscribebatur, altius autem & versus genua ascendens majoris esse momenti altiorisque principii sufficienter ostendebat. Hic autem tumor continuato remediorum visceralium aperitivorum usu sensim iterum evanuit, subsistentibus tamen imò exacerbatis potius doloribus ac tensionibus tam in pectore quam in hypochondriis, ægram miserè excruciantibus. Circa medium autem mensis Februarii redit iterum tumor ille pedum œdematosus, crescendoque quotidie paucorum dierum spatio genua imò & femora occupat, remittente tamen aliquantisper dolorum spasmodorumque ferocia. Die 28. Febr. durus tensusque tangitur venter, eodemque die de terribili totius abdominis dolore cum constanti ejulatu ac clamore conqueritur, adeò, ut desperabunda quasi apercionem ejusdem cultro instituendam desiderarit, frequens autem clysterum injectio & hanc dolorum ferociam aliquantum sedavit, remittentibus tamen sensim manifestè satis totius corporis viribus, respirationeque difficiliore ac graviore facta. Die 3. Mart. manè hypothyria gravior diuque durans accedit, instantemque mortem haud obscurè prædicat, quæ etiam prostratis omnibus viribus ingruente vomendi conatu post meridiem successit.

**Sectio Cadaveris sequentia obtulit scrutanti.**

Infimus venter aquæ flavescentis libram unam continebat, cujus portio statim aperto illo profluebat.

Omentum superiora versus retractum, tenue ac laceratum.

Mesenterium multis glandulis scirrhescentibus diversæ magnitudinis conspicuum.

Pancreas parvæ nimis molis cum glandulis distinctis ac durioribus.

Intestina flaccida, vacua, & ab omni verme plane libera.

Lien induratus, scirrhusus, cœrulei coloris extraordinariæ molis.

Hepar insolitæ magnitudinis cum glandulis scirrhescentibus, bile in vesicula fellea fluida existente.

**Medius verò venter isthæc habuit notabilia.**

Thymus major justo, glandulas scirrhescentes offerens, ad cor usque protensus, ipsiusque substantiæ adhærens.

Mediastinum & pericardium spissescencia & carnosâ cum cordis substantia concreta ac coalita, nulla plane cavitare relicta, nulla consequenter aquâ pericardii præsentē ac conspicua.

Cor ob mediastinum, ac pericardium carnosum, ipsique firmissimè adhærens, difformem, majoremque justo massam referens, arctèque cum diaphragmate, quousque illud attingere potuit, massa illa quasi conglutinata connexum.

Auricula cordis sinistra tangebatur, dura, solida, ac cartilaginosa.

Sinister cordis ventriculus massam aliquam, magnitudinem ovi columbini superantem, coloris flavi, pinguedinis instar, quasi polypum adiposum, aquam flavescentem in suarum

quasi cellularum membra nacearum interstitiis continentem, nullibi adhærentem, sed sponte ex ventriculi cavitate incisâ procidentem, fovebat.

Pulmones turgidi, duri, omnibus partibus vicinis, sterno, pleura & costis, diaphragmatique ita firmiter adhærebant, ut non ubique sine cutelli acie ab illis separari potuerint.

Horum lobus sinister in frusta discissus largam materiæ purulentæ fusci coloris, haud tamen fœtentis, copiam fundebat, absque ulla tamen distincta vomica, vel conspicuo ulcere. Ex dextro vero itidem talis purulenta materia profluebat, in minori tamen longè quantitate.

### *OBSERVATIO III.*

DN. D. WILHELMI BERNHARDI  
NEBELII.

#### *Tumor testiculi dextri scirrhusus tandem medicamentis feliciter sublatus.*

**C**IVIS Heidelbergensis consistentis ætatis & temperamenti phlegmatici jam à pluribus annis contraxit tumorem durum totius testiculi dextri, sine inflammatione, & dolore saltem tensivo molestum, qui tamen sensim accrevit, donec ad pugni magnitudinem accesserit & suo pondere quoque molestus fuerit, venis spermaticis varicosè simul distentis. Suasit igitur Medici in auxilium vocati assumpsit quavis septimana semel ante somnum pilulas purgantes ex extracto catholico, resina jalappæ & 3 dulci, quibus multum feri per alvum evacuatum fuit, reliquis verò diebus manè atque vespere drachmam dimidiam corticis radicum ononidis verno tempore recens collecti & pulverisati cum paucis saccharo ex decocto radicis sarsaparillæ, vincetoxici, ononidis, chinæ & glycyrrhizæ, addito cordice rec. citri, valide hausit; simulque emplastrum



*De putatitio menstrui sanguinis præmaturo fluxu. 13*

plastrum diaphoreticum Myns. de sapone *Tachen.* & de ammoniaco parti tumenti imposuit, quibus remediis per quatuor septimanas in usum vocatis mollior evasit tumor & una nocte, qua pilulæ purgantes quinta vice assumptæ alvum plus quam vices moverunt & magnam feri copiam evacuarunt, penitus disparuit, ita ut affectus testiculus altero sano jam minor apparuerit & cirsocele quoque sublata fuerit.

(*Heidelbergæ Augustam Vind. d. 23. Maj. An. 1725.*

*missa.)*

**OBSERVATIO IV.**

**DN. D. JOHANNIS GEORGII**

**BREBISII**

De

*Putatitio menstrui sanguinis præmaturo fluxu.*

**C**omitissa quædam decem annorum consueverat acus capitatas ex pavimento colligere, intra dentes abscondere & per plures horas ita continere, quamvis Domina Mater exinde periculum metuens, ipsi prohiberet, virginibusque ad cameram famulantibus commendaret, ut diligenter Comitissam filiam observarent, an obediret, sibi que referrent; petulans tamen Comitissa in mala consuetudine perseverabat. Aliquando cum famula scatulam acubus capitatis plenam, in mensam minorem nocturnam Dn. Matris deponeret, accurrat filia, pugillum earum depromit, & intra dentes pro more illius abscondit; quo facto ad Dn. Matrem abit, malitiamque filiæ denuntiat; hæc filiam propius accedere, acusque reddere, imo cum factum plane negaret, os aperire jubet; ea tamen alapas metuens, deglutit acus, & postmodum à Dn. Matre pro infante declarata, prima die triumphum canit, altera vero multum alterata, pallida & mœsta, cibosque averfans, huc illuc anxia currit, & de causa interrogata, de dolore circa scrobicu-

lum cordis, postmodum de torminibus circa umbilicum conqueritur. D. Mater suspicans lumbricos, porrigit lac, decoctum cum allio, & cum alleviari se diceret, malè per hoc remedium rem se acu tetigisse credit. Non longe post tormina & dolores recrudescunt immaniter, alioque in loco, scilicet in regione lumbari, cum horrore & æstu, per paroxysmos quasi febriles, invadunt, insuper vomit continuè, propterea calculum renalem adesse statuitur. Ego quæsitus, ex symptomatibus invicem collatis, cum primis ex singulari mingendi conatu, nephritidem judico, & interne primo oleum amygdalorum dulcium cum syrupo de althæa, postmodum decoctum nephriticum Foresti propino, exerne vero unguentum ex unguento althea & populeo applicare jubeo, cum successu desideratissimo, nam dolor, æstus, vomitus, aliaque symptomata successive remittebant, & tandem plenarie evanescebant. Decimo quarto post acus deglutitas die famula & in Comitissæ lecto, & in indusio magnas sanguineas maculas observat, & novum phænomenum Dn. Matri refert; quæ menstrua præmatura sibi imaginans, per literas me vocat, hancque rem uberiori meo examini committit. Cum autem urina simul multo cruore referta esset, in priori thesi perseverabam, mictumque cruentum adesse statuebam; mater verò circa menstrua sollicita clanculùm juscula, foliis melosæ, menthæ, rorismarini, lauri, nec non croco alterata, sorbere juberet. Tandem circa tertiam septimanam, maximo vesicæ tenesmo, partus singularis ex vesica cum urina prodit, pro calculo habitus, magnitudine nuclei dactylorum tenuioris, aruginosus, & subtus pelticula subtili splendens, instar cornu ammonis metallici, levibus longis sulcis distinctus. Ut scirem, qualis sit calculus, malleo contundebam, & sic dehiscebat in aliquot longa frustra, inque aprium veniebant novem acus capitata, à Comitissâ malitiose antea deglutitæ; ipsa autem postmodum ultro abstinuit à simili vitio, ne majora pericula in posterum incurreret,

(Rosenburgo ad Tauber. d. 26. April. 1725. missa)

## SCHOION.

**A**dmiranda hîc est DEI in natura providentia, qua aciculæ sive sponte, sive fortuito deglutitæ non tantum per vias urinarias, sed & alias partes excernuntur. Per alvum autem via compendiosiori rejectæ leguntur in *Misc. Acad. Germ. Cur. Dec. II. A. VIII.* p. 169. Circa cartilagineum scutiformem vero extractæ ibid. p. 143. Optimum vero est, si statim vomitu rejiciuntur, ut in *Dec. III. A. II. p. 255.* observatum fuit.

## OBSERVATIO V.

DN. D. JOSEPHI LANZONI.

*Hydropicus feliciter curatus.*

**R**ever. D. Alexander Bertoldi, Sacerdos & Civis Ferrariensis, ætatis annor. 30. doloribus in ventre inferiori sæpe afflictus, præsertim in dextra abdominis parte, non sine modica intumescencia, quæ dolore cessato, evanescebat, tandem anno 1724 post consuetum dolorem incidit in hydropem, ex quo morbo velut conclamatum judicarunt Medici. Ad ejus curationem vocatus ego, statim urinæ vias aperendas suadeo, & syrupum de althæa Fernelii præscribo cum spiritu tartari & elix. propr. Paracelsi; inde consului, ut bis in die biberet vinum album generosum, quod prius ter per cineres genistæ transcolatum sit, ad instar lixivii; quo remedio usus, magnam confestim urinæ copiam emisit, cum sensibili abdominis detumescencia, imò continuato talis remedii usu perfectè convaluit, cum magna multorum admiratione, ita ab hodie hic Ferrariæ communiter in hydropis curatione tunc adhibetur lixivium. Similiter clar. Fulvius Gherli, Medicus Murimensis, amicus meus semper colendus in Cent. I. suar. Obser-

Observat. medic. ope talis vini asciticum liberatum fuisse fatetur.

## SCHOLION.

**H**Ydropem tutius diureticis, quam purgantibus curari, non tantum præsens observatio, sed & Dn. Burlet in Observationibus Academiae Regiae Scientiarum die 24. April. Anno 1700. communicatis testatur, qui hunc in finem Aquam Calcis vivæ summis laudibus effert, eoque majoribus si cum tinctura metallorum in Chymia rationali, Lugduni Batavorum Anno 1687. in 4. editæ, descripta, misceatur. Paratur autem Tinctura hæc ex stanno & cupro (quibus nonnulli aurum adjiciunt) & dupla portione Reguli antimonii Martialis simul ad iguem fufis, ita enim massa emergit metallica, quam Electrum minerale quidam vocant. Hanc in pulverem tenerum redactam ope nitri & pulveris Carbonum diuturna detonatione in scoriam speciem, cujus color ad pallide viridem accedit, redigunt. Hæc dum adhuc calet, in pulverem comminuitur & affusa certa quantitate spiritus vini aut juniperi digestionem committitur, sicque emergit tinctura pulcherrime rubra. Hujus duas aut tres uncias permiscebat aquæ calcis vivæ pintæ uni & illius mixturæ quotidie sex uncias exhibebat scorbuticis & hydropicis. Pellit egregiè per vias urinarias & sanguinem valide fundit, Vid. C. I. p. 409.

## OBSERVATIO VI.

DN. D. JOSEPHI LANZONI.

*Mors subitanea ex forti percussione in regione  
hepatis.*

**A**Nno præsentis mense Julio tutor ira percitus, alium vectorem socium pugno violenter percussit in jecoris regione, post quem ictum mox in terram prolapsus misere exspi-

expiravit. Aperto cadavere, instante Fisco & Curia, extravasatio sanguinis in abdomine est observata, & ruptura vasorum in hepate, hinc judicatum ex pugni percussione mortem accidisse. Sic mortem subitam ex percussa regione ventriculi notavi in Miscell. nostr. curios. Decur. 2. Observ. 12, pag. 386.

(*Ferraria Augustam Viudelicorum d. 6. Augusti Anno 1725. missa.*)

## **OBSERVATIO VII.**

**DN. D. JOHANNIS FRIDERICI BAUERI.**

*Palpitatio cordis ab hydropse pericardii & nimia cordis obesitate.*

**A**D facilitandum perpetuum cordis motum, aquam pericardii multum conferre, omnes fere Anatomici uno fatentur ore. Sed tanta requiritur hujus liquoris quantitas, quæ cor quidem humectare, neutiquam vero omne hujus cavitatis spatium replere & cor in motu suo impedire valet.

Galenicæ opinioni, quod nimia pericardii aqua faciat palpitationem, repugnat Diemerbroek Anatom. L. II. C. VI. & ad propriam suam experientiam provocat, quod scilicet in omnibus iis, in quibus post mortem humoris istius majorem reperit copiam, antea, dum morboſi vixerunt, nullam cordis palpitationem, sed saltim pulsum languidum & rariorem observaverit.

Nec à copia hujus liquoris tantam pericardii fieri angustiam, ulterius argumentatur Autor, ut cor in eo se movere nequeat, quin semper adeo laxum latumque maneat, ut cor in eo multo facilius sese movere possit. Sed pace hujus Celeberrimi Anatomici ab hac opinione recedamus, cum

omnino pro differentia subjectorum pericardii hydrops causa palpitationis esse queat. Quodsi enim saccus ille membranofus ab extravasata aqua adeo extendatur ut ad crepaturam usque fiat turgidus, præterea verò afflictus plethora laboret, mirum non est quod cor in suo motu impediatur & sanguis impetuose irrumpens, ob resistantiam incarcerati liquoris inordinatum & convulsivum motum excitet.

Luculentum exemplum inveni in quodam studiofo, qui per multos annos maxima cordis palpitatione vexabatur, omnibus medicamentis ad nauseam usque adversus hoc malum frustra adhibitis, tandem per repentinam hæmorrhagiam à sua miseria liberatus fuit. Post fata in præsentia meorum auditorum cadaver apèrui & remoto sterno illico pericardium, quod ad capitis fere magnitudinem erat extensum, in oculos incidebat. Pericardium instar vesicæ vento inflatæ turgidum, cum digito attingeretur, resonabat & ad rupturam erat extensum.

Inciso pericardio aqua flavescent scaturiebat, cujus quantitas vase duarum librarum vix asservari poterat. Evacuato liquore ipsum cor justæ & naturalis magnitudinis in conspectum venit, quod totum pinguedine adeo erat obdutum, ut ab initio magnam pinguedinis portionem præsentaret, dum non solum auriculæ sed & tota basis cum cuspidē pinguedine erat involuta. Duplex jam causa palpitationis, qua in vita miserrimus ille homo cruciatus fuit, inveniebatur, nimirum aqua, quæ cordis motum impedit & adeps, qua ordinario naturæ cursu alias hoc viscus destitutum esse solet, quæque adeo cor molestavit, ut non sine incommodo sese movere potuerit; cui denique accessit mortui constitutio plethorica, quare sanguis abundans, dum impetuose per venas incidit, non potuit non inordinatum in corde excitare motum.



OBSERVATIO VIII.

DN. D. JOHANN. FRIDERICI BAUERI.

*Pancreas & Hepar corruptum in pingui homine.*

**U**Bique fere Physiologi & Anatomici de usu Pancreatis Wirfungii hanc foveant opinionem, quod hujus visceris succus ad chyli massam constituendam adeo sit necessarius ut sine ipsius affluxu alimenta in massam chylosam converti non possint. Simile ferunt judicium de liquore illo amaricante, qui in hepate secernitur & cum succo pancreatico unam subintrat portam ad intestinum duodenum, quod scilicet in secretionem & depurationem chyli maximam absolvat operam. Equidem alii, sicuti *Nenterus in Theoria Hominis sani*, speciosis argumentis hanc opinionem dubiam reddunt, illeque demonstrat, bilem in chylicatione parum conferre, sed inutilem & excrementitium esse humorem, qui expellendis fecibus saltem sit destinatus. Non diffiteor de hac autorum opinionem mihi magnum subnatum esse dubium, cum succi pancreatici & bilis officinam in quodam hortulano post mortem plane corruptam deprehenderim, & tamen pinguedinis sufficientem copiam in locis consuetis observaverim. Diu ille hortulanus de summa respirandi difficultate & symptomatibus phthisicis familiaribus erat conquestus, hinc empiricorum opera contentus miseram suam vitam per multos annos sine spe reconvalescentiæ continuavit, usque dum ulterioris vitæ pertæsus miseriam suam cum morte mutavit. Post mortem mihi concedebatur cadaveris dissectio, ubi sequentia notatu digna observavi. Corpus non ita fuit macilentum, prout in phthisicis communiter observari solet, sed potius naturaliter constitutum, dum ubi vis pinguedinis sufficiens copia musculorum interstitia replevit. Thorax, cum aperiretur, plura præternaturalia conspectui offerebat.

bat. Pulmonum enim utrique lobi penitus obstructi & ulcerati fuerunt, quorum dexter præ altero id peculiare habuit, quod quodam crasso velo ita fuerit incarceratus, ut ad minimum se expandere non potuerit. Hæc spuria membrana lateraliter pericardio & sternum, in opposita vero parte pleurae, inferius diaphragmati adhaesit, ita ut, cum hunc pulmonum lobum examinare voluerim, forcice illam secare coactus sim. Similem recensent casum *Acta Medicorum Berol. Vol. X. p. m. 74.* de panno peculiari pulmonum lobum sinistrum investiente & costis affigente. In infimo ventre nec ullum viscus naturaliter erat constitutum; hepar erat scirrhum & vesicula fellea non bilem sed sanguinem nigricantem grumosum continebat. Tota Pancreatis substantia simile fatum passa est; adeo enim fuit indurata ut lapidosa videretur. Lien nullam habuit prærogativam sed corruptioni pariter fuit obnoxius.

In mesenterio id notatum dignum occurrebat, quod glandulae, quanquam non sicuti pancreas, nihilominus tamen naturalibus duriores & majores existerint. Omentum non aliter apparuit, ac si ex homine perfecte sano & integro fuerit desumptum, cum pinguedo ubique esset intertextæ. Jam quaeritur quomodo chylus laudabilis in hoc corrupto corpore elaboratus fuerit, & cum bilis & succus pancreaticus chylicationem juvare non potuerint, pinguedo sic generata.

Verum quidem est, quod ad chyli laudabilis præparationem maximopere requirantur liquoris gastrici scaturigines, quarum inventionem industriae *Bartholini, Nuckii* aliorumque debemus. Posteaquam ergo materia alimentorum dentium ope comminuta fuit, & humore salivali in pulviscentiam reducta, necesse est ut in ventriculo ulterius affluente undique menstruo ventriculi, assumpta solvantur & denique in intestinis & cum primis intestino duodeno, in quod bilis & succus pancreaticus se exonerant, vera digestio peragatur.

Quili-



Quilibet itaque perpendat, quæ sit causa, quod nulla in intestino duodeno inveniantur vasa lactea, cum non dum chylus ibidem sit perfectus. Cum vero in intestino duodeno chylus suam acquirat perfectionem, & rivi vel plane nulli vel impuro inserviant latici, qui tamen chylicationem absolvere creduntur, ad aliud menstruum gastricum erit respiciendum. Ipse primo ventriculus tale generat menstruum, quod assumpta dissolvit & digestionis fundamenta ponit, quæ digestio, ne nimis maturè absolvatur in intestino duodeno continuatur. Cum autem neque bilis neque succus pancreaticus, in hoc subjecto alimentorum solutioni inservire potuerint merito cum *Joh. Conrad. à Brunn*, alii fontes quorum scaturigines in hoc intestinum se exonerant & defectum succi pancreatici resarciunt, erunt investigandi. Citatus autor in peculiari tractatu de Pancreate secundo seu glandulis intestini duodeni demonstrat, innumeras glandulas ad elaborationem hujus laticis destinatas esse, ita ut Pancreas densa glandularum ventriculi & intestini duodeni congeries appellari possit. Quæ cum ita sint non à scopo quis aberrabit, cum rationem chyli laudabilis & pinguedinis in hoc individuo unice in harum glandularum vicario munere quærat. Veritatem hujus asserti illa corroborat observatio, quod canes pancreate spoliati, vegeti & sani nihilominus vivant, dum scilicet pancreatis excisi officium, alterum pancreas, ut cum Brunnero loquar, per tunicam duodeni expliciturum, in se suscipiat & defectum resarciat, ita ut chylus & ex hoc pinguedo elaboretur.

### *OBSERVATIO IX.*

DN. D. JOHANNIS FRIDERICI BAUERI.

*Dentes in vetula sexagenaria renati.*

**C**Irca annum ætatis vigesimum quartum, sextum, aut trigesimum duos adhuc dentes molares prorumpere &

dentium numerum absolvere tota die contingere experimur. Paulo rariores sunt casus, quod senibus dentes renascantur, cuius rei possibilitatem tamen *Joubertus in Apolog. Paradox. VII. Decad. II.* demonstrat, dum refert, quod anui nobili circa annum ætatis septuagesimum, plures renati sint dentes.

Similem observationem *Rhodijs C. I. Obs. 94. Aristoteles hist. animal. L. II. C. 4.* aliique plures memoriæ mandarunt. Mihi nota est mulier, quæ bis in senectute dentire cepit: primum anno ætatis quinquagesimo septimo magna & atrocia passâ est symptomata, nimirum dolores totius capitis enormes, quibus post aliquot dies se adjunxit faciei Erysipelas, ophthalmia & febris ardens, ita ut hujus mulieris status valde periculosus videretur. Dolores & æstus eo perdurarunt, quo usque novus dens incisior per gingivam proruperet & erosi dentis radicem exturbaret, quo facto omnia illa periculosa symptomata remittebant. Anno sexagesimo tertio eandem mulierem recensita symptomata repetita vice exercuerunt, insimul vero dentem molarem cariosum cum omnibus suis radicibus novus dens expulit & locum ipsius occupavit. Quod mirum, tam caninus quam molaris dens, qui ambo cariosi & corrupti fuerunt, suas radices in alveolis non reliquerant, sed corrosas easdem, novi progerminantes ante egressum extruserunt, ita ut exinde neutiquam *Diemerbroeckio Anat. L. IX. C. X.* sit applaudendum, quod in senibus dentium regeneratio hoc fiat modo, quod licet dentium basis, extra gingivas prostrans, fuerit erosa, tamen radices remaneant integræ & illasæ, ex quibus postea novi emergant dentes. Potius dicta observatio comprobat, quod dente licet cum tota sua radice evulso nihilominus, ut ut raro contingat, novus dens generari possit.

(*Lipsia Onoldum, d. 15. Decembr. An. 1725.*  
missa.)

## SCHOLIUM.

**Q**uomodo dentes hi in senibus (quos dentes sapientiae vulgò vocant) generari possint, haud difficulter hodie explicari potest, postquam Anatomicus quondam Celebratissimus *D. Rau* in embryonibus tot dentes secundarios, ceu totidem feminia, in cavernulis dentium observavit, quod primarii (sub quibus latent) erumpunt. Quodsi à teneris unguiculis unus aut alter tamdiu in cavernulis remaneat, nec cum aliis circa annum septimum (quo primarii ordinario excidunt) eruperit, fieri potest, ut in senectute tandem in apicem prodeant, cum primis si primarii carioli fiant & excidant, prout aliquot abhinc annis in *Odontologia Anatomico-Medica* seu *Disp. de vacillatione, casu & palingenesia dentium cap. II. §. 1. p. 10.* ostendimus.

M. B. V.

## OBSERVATIO X.

DN. D. FRID. JUSTI HEIMREICHII.

*Arsenicum album diapasmatis loco capillis inspersum, nocumentum, documentum.*

**J**uvenis viginti annorum in platea cucullum, seu papyraceum quoddam tegumentum pulveris albi plenum, & probe munitum reperit, quod secum portat, & domum reversus matri exhibet, quæ pulverem capillis inspergendum, & ad alborem illis conciliandum aptum & destinatum (*Haar-Poudre*) esse contendit, filioque suadet, ut eodem ad capillos apte componendos & dealbandos utatur, sperans, fore ut orationem valedictoriam, sequenti die, habiturus, compareat in Auditorio capillis exornator & comprior. Juvenis matris voluntati obsequitur, totum capitis ambitum, capillis obsitum, abunde hoc pulvere exornat  
seque

seque in scholam conferens reliquis valedicit. Mox vero dolores gravissimos sentit, & in facie pustulas ardentes, fertiliore segete exsurgentes, dolet. Oratione finita domum revertitur, & unguento de pomis, quod pomade inde dicere moris est, inungit, quo facto, malum incrementa sumit, & totius capitis intumescencia intolerabilisque ardor cutis capillis subjacentis sequitur, ambitu pustulis refertissimo. Parens, virus pulveris capiti inspersi suspicatus, odore ejusdem qualitatem detegere conabatur, & statim nasi tumorem, cum dolore & rubore reportabat, atque hinc de venenosa qualitate pulveris modo dicti albi cogitans in Filii gratiam Medici auxilium implorabat, qui lacte caprino tepefacto, capitis ambitum abluere jubebat, aliisque medicamentis, tum externis, tum internis malo ut resisteret, annitebatur; impedire vero non poterat, quin crusta digiti crassitiem æquans, cum capillis massam compactam formans & caput investiens, sese ostenderet, quæ elapsis aliquot septimanis propositis remediis ad malum requisitis, separabatur, & sanationem plenariam admittebat, relictis in facie maculis subfuscis. Confirmat hæc observatio Arsenici externe adhibiti virus, de cujus, interne usurpati, noxis, plures observationes legimus in scriptis *Sennerti*, *Timæi*, *Salmuthi*, *Hochstetteri*, *Gækeli*, *Sala*, *Ammanni*, *Valentini* & aliorum. Enimvero negari non potest interdum sine vitæ periculo magnas doses degluciri, quod Cardanus, exemplo personæ quæ Arsenici ʒj. devoraverit, nullamque noxam senserat, ostendit, sicut similiter huc referri potest mulier cacoehymica & habitus corporis obesioris, & tantum non obesissimi, quæ notabilem portionem Arsenici, in potu Thee dilutam, hauserat, & per 24. horas continuis vomitibus, cum clamoribus horrendis conjunctis, excruciabatur, & his sese remittentibus, artuum tremorem reportabat, quem pedum paralyxis sequebatur, & quod observando notatum, continuo alexipharmaca cujusdam Essentia usu tollebat. Plura,

perfo.

personarum, quibus ex Venenis assumtis maximum periculum, quæque feliciter sanitati fuerunt restitutæ, exempla passim prostant, in quibus sunt ea, quæ *Dn. D. Preussius* in puero, & *Dn. D. Vesti* in certa quadam familia ostenderunt.

Non minus usus Arsenici in substantiâ exhibiti in febribus intermittentibus est notissimus, cujus modestam excusationem in Celeberr. *Slevogtii* Prof. Jenens. *Propemptico inaugurali* legimus; nec me fugit Empiricus, qui per praxeostempus ultra 15. aut 16. libras consumpsisse dicitur, quamvis suo hac in re versetur periculo, à quo plures non abesse, quotidiana & sæpe tristis testatur experientia. Confer *Act. Medicor. Berolin. III. p. 29.* ubi de febrifugo Chirurgorum certissimo ac nequissimo agitur. Quemadmodum nec Arsenicum externe, ut Amuletum in Peste usurpatum magnum meretur applausum. Medicus enim Gallus *Guibertus* tale remedium ex ignorantia Linguae Arabicæ in Scholas Medicorum irrepisse ostendit, in qua Sandarach Cinamomum sonet, minime vero ex sententia Græcorum, Arsenicum rubrum vertendum est. Sed ne excurram longius dijudicanda potius hac occasione controversia, an Arsenicum inter psilotra locum habere possit? de quo tamen, ob rationes facile conjiciendas, & ob hoc, quo deterreor, exemplum, non immerito dubito. Quamquam enim Auripigmentum cum Calce viva (quod *Ill. Wedelius* in *Epistola ad Per-Illustr. Maurocordatum*, & alibi, pro *Rufinate Turcarum* habet) ut Psilotrum, ad depilandas partes adhibeatur, hoc tamen venenorum numero fere eximitur, allatis rationibus facile vincentibus, ab *Ill. Hoffmanno* Consil. Aul. Boruss. in *Obs. Chemicis lib. III. Obs. I.* atque hinc quod in Auripigmentum valet in Arsenicum convenire nequit. Denique paucis adhuc quæstionem tango an Metallum, præcipue Cuprum, interventu Arsenici dealbatum, vel etiam alia ratione argenti ipsius connubio nobilitatum, ac uti tradunt *Annal. Med. Phys. Wratislav. Ludovicus à Comitibus* in *Metallurgia &c.* in patinas, orbiculos, cochlearia formatum,

matum, nocivam & deleteriam in corpus humanum exerceat qualitatem? Quæstionem hanc intuens, inficiari nequeo, ut pluribus metallis, sic & cupro, vim inesse nocivam, quam sufficientissime monstravit Celeberrimus Aldorffensium *Prof. Dn. D. Schulzius in Dissert. Mors in Olla*; quatenus vero de adjecto Arsenico sermo est, hujus vim venenosam plenarie cicuratum esse, crediderim. Quem enim fugit Arsenicum sibi relictum, per fixationem & ignis torturam reddi innoxium, qualem modum Vir immortalis memoriæ *Illust. Dn. D. J. M. Hoffmannus* Consiliarius Aulicus & Archiater Onoldino-Brandenburgicus, Academia Nat. Cur. Director &c. *Actis laborat. Chem. Aldorff.* libro, qui in- & extra Germaniam summis laudibus ornatus, & in præcipuis Academiis prælectionum fundamentum ponitur, tradit, quod idem illud omnes Chymici ac Practici ex quibus *Helmontium, Ettmüllerum, Stablium, Bonatum, Wedelium, Schræderum, Zvingerum & Vaterum* nominabo, affirmant. Nonne Chirurghi Arsenicum fixatum in Ulceribus cacoëthicis & cancrosis cum fructu adbibent? Nonne hoc est illud Arsenicum fixatum, quo Rhesfeldius Leporam, teste Michaele in *MSC. de Morbis externis*, curavit? Hæc, & plura alia me inducunt, ut credam, Arsenicum ad dealbanda metalla adhibitum non solum plenarie fixatum & particulis volatilibus corrosivis, noxiis orbatum, sed etiam per partes metallorum disseminatum, iisque adeo sepultum esse, ut nullam noxam, hac ratione, corpori humano inferre valeat.

## OBSERVATIO XI.

DN D. FRIDERICI JUSTI HEIMREICHII.

*Ruptura Oculi cum fragore.*

**R**upturarum in humani corporis partes valentium varietate adeo conferti sunt Medicorum libri, ut earundem illarum Curationes, in Chirurgicis libris peculiaris capita constituere soleant. Inprimis Rupturæ Ligamentorum



torum, Tunicarum, Vasorum, sunt frequentissima, à Boneto in sepulchreto aliisque notata. Paulo rariores sunt Viscerum rupturæ, quas tamen observando notarunt Medici, Hepatis v. g. *Glissonius*, Lienis *Tulpius*, *Fontanus*, *Bohnius*, atque *Eyselius*, Uteri *Faschius*, Vesicæ felleæ *Salmuthus*, *Bertinus*, *Benrvenius*, ac *Fr. Hoffmannus*. Ex Vesicæ Urinariæ ruptura mortuum fuisse legimus oculatissimum illum Astronomum *Jychonem à Brabe*, cum Pragæ Rudolphi II. Imperatoris mensæ admotus, ab urina exitum moliente premeretur, & ut pudori confuleret, discedere & Vesicam levare dubitaret. Et licet non desint, qui hoc in dubium vocare sustinent, eosdem tamen convincere potest ruptura Vesicæ Urinariæ in Bove à *D. Ledelio* Viro celeberrimo, & in Equo, à Parente, *D. D. Johanne Heimreich* Professore Med. Phys. ac Lingv. Orient. Coburgens. notata: quemadmodum & paucas ante hebdomadas in Equo non castrato, robusto, avena quam devoraverat, referato, & ab auriga in valde acclivi viæ parte, ad trahendam magnam molem concitato, adeoque vires ultra modum concitante, observavimus. Intestinorum rupturam in Juda proditore contigisse docuit *B. Wedelius Exercit. Med. Philolog. Dec. I. Exerc. 1.* Simile fuisse fatum Arii Hæretici, idem ille *Wedelius l. c.* vere videtur posse contendere intuens imprimis ea, quæ *Athanasius Disput. I. contra Arium pag. 30. Tom. I.* & alibi, ex relatione præsentis *Macarii* Presbyteri scribit *Epist. ad Serap. p. 523.* Ego ipse multis spectatoribus comitatus, de duorum patibuli supplicio, hybernis mensibus, affectorum pedibus, eo quo æquinoctium vernum imminebat tempore manare vidi, qui fluxus per aliquot dies continuavit, hoc nonnulli capillarium vasorum Rupturæ deberi contendunt. Spontaneam Venarum aperturam in pedibus eorum, qui Venæsectionibus, quibus erant adfueti, neglectis, longius tempus insumserunt, à personis fide dignis accepi sæpius. Sed & rupturas in oculorum tunicas valere, & audito fragore fieri posse, sequenti exemplo ostendam. Fœmina quadraginta



circiter annos nata, eo, quo mensium fluxum patiebatur tempore à bove cornu suo pudenda ejus feriente, & levem confusionem inferente subito perterrita, mensium, nullo per octo hebdomadas indicio sese prodentium, suppressionem experiebatur. Horum fluxum ut promoveret, quartam mensuræ Vini partem, in ollam cupream indit, & elapsis 24. horis, illam epotat; quo factò menstrua nimium fluere incipiunt, sed procedente tempore imminuuntur, & tam quantitatis & qualitatis, quum temporis ratione vitium ostendunt & fœminam valetudinariam reddunt. Nam vitiosum sanguinis motum versus caput observat, & de variis ex sanguinis accumulatione ortis symptomatibus conqueritur, tandem inflammationem oculi, patitur, ad quam depellendam, balneator quidam cataplasma ex repellentibus & actu frigidis paratum, oculo imponi jubet. Fœmina morem gerit, statim vero dolores exacerbatos, & paulo post majorem oculi tumorem & ex orbita prominentiam sentit, nihilominus tamen remedii applicationem, meliora sperans, patienter continuat, donec præterlapsis fere viginti & quatuor horis, cum maximo terrore, doloribusque gravissimis rupturam oculi cum fragore distincto & notabili experitur, & effluentibus statim humoribus, aqueo, crystallino & vitreo, tunicisque disruptis concidentibus, & versus caput recedentibus, visu plene privatur. Eventus hujus rationem nullam videmus planiorem, quam elasticitatem & orgasticam vim humorum in oculo contentorum. Notum enim est, omnes humores in corpore humano esse ad elasticitatem aptos, eandemque accedente imprimis calore ostendere, quo mediante rarefiunt, expanduntur, & receptacula distendendo amplius spatium affectant, & maxime ex his ipsis ii, quibus aër copiose permixtus est, quod tam Experimentis physicis, quam Experientia in sano & morbofo statu confirmatum est. Frigus vero coarctare, & constringere poros, exhalationem insuper impedire, à nemine in dubium vocatur. His positis apparet, quod

quod oculus à sanguine ad caput congesto, accumulato & rarefacto, & turgidus non solum redditus, sed etiam humor aqueus cum aëre in poris ejus latitante rarefactus fuerit, & majus spatium occupasset, nisi actu frigida & repellentia imposita, fatalem antiperistasin effecissent, quippe quæ a) Calorem, ut cum Physicis loquar, ita coercere ac cogere in se ipsum possunt, ut sensibile virium suarum augmentum inde nanciscatur; b) Inflammationi quæ suppurandi potentiam habet, ad actuale suppurationem viam munire; c) poros constringendo exhalationem cohibuerunt, & ea re humorum organicorum, per transpirationem insensibilem immixtionem, impediverunt; d) fortasse etiam musculis & fibris ciliaribus, (quæ ex sententia *Rohaultii in Tract. Physico P. I. Cap. XXX. & Sturmii in Mathes. Juvenil. p. 23.* oculum in statu sano, pro visibilium objectorum vicinitate elongare & abbreviare valent) constrictionem & inde dependentem pressionem induxerunt, ut oculo humoribus copiosis ac rarefactis repleto, & exhalatione impedita, circumstantiis dictis concurrentibus, ruptura sonora & humorum omnium effusio potuerit evenire. Quod eo facilius conceptu erit, cum in Macrocosmo stupendos elasticitatis effectus videamus, nihil dicam de innumeris Experimentis in Physica experimentalis institui solitis, saltem ferri, chalybis & aliorum metallorum, facilius hyberno quam æstivo tempore superficie contracta & medio adhuc expanso, ad rupturam proclivium, Vitrorum elasticorum, aqua frigida accedente, juxta communem sententiam, materiam subtilem expandendi vi præditam, includentium, vel ex sententia *Sturmii in Col. Curios.* aliorumque, nimis particularum vitri structuræ obnoxiarum mentionem faciam, quæ supra dicta fortasse confirmabunt. Ne autem unum inter supra memorata præsupposita, nempe exhalationem prohibitam concurrentem, gratis assumisse videar, *Hoffmannum Halens.* duces sequor, qui spasmos flatuum causas esse contendit in canalibus intestinorum, quatenus poros

tunicarum intestinalium ocludant, ut vapores libere transpirare nequeant, & inde vi sua elastica, canales distendunt, vid. *Idea Fundament. Med. cap. IV.* quod in oculorum tunicas pari modo valet. Quid? quod cernimus frigidorum effectum constrictorium & reprimentem praesentaneum, in palastris, ubi non raro contusiones & fugillationes oculorum observantur, quae antevertuntur per momentaneam applicationem globuli Castus (*Rappier Knopff*) accedente leni pressione qua pori coarctantur, ut sanguis affluens & fugillationem minitans, vel ingressum non inveniat, vel reprimatur. Quamvis vero in Calibus levioribus hoc fieri possit ac soleat, in gravioribus non una opus est cautela, ut docet Celeberr. Jenens. Prof. Dn. D. *Teichmeyerus in Dissertatione de Repellentium notis.* His annectere placet quaestionem curiosam de Visu, amissis licet humoribus restituendo, quod cum magna verisimilitudine Kerkringius in spicilegio anatomico, & *Burrhus in Epistola ad Bartholinum*, docuerunt, confirmatumque fuit per observationem D. D. *Segeri Practici Stutgardensis*, quam Celeberr. D. D. *Heistero* communicavit, & hic in *Chirurgia* protulit, magisque corroboratum visum fuit per illud Parisiis observatum exemplum, ubi homo visum retinuit humore crystallino amisso, praesertim cum & *Nuckii* tentamen accedat, qui humoris vitrei portionem prominentem abscidit, magma ex albumine Ori, aqua rosarum, bolo Armena & Camphora paratum applicavit & visum restituit. Haec licet ita sint plurima tamen remanent dubia, quo minus oculi humoribus omnibus amissis Visionem restitui posse admittamus; nam ipse *Kerckringius de Burrho* affirmat, restituisse quidem humores in oculo canis, eundem tamen caecum mansisse, quemadmodum & *Kerckringius* se ejusmodi artificium possidere jactavit, sed revelare noluit, quod eo minus mirandum, quo majoribus tenebris involvitur, judicante *Wedelio in Aman. M. M.* Experimentum Segerianum quod attinet, speciales circumstantiae desiderantur. In Experimento

mento Nuckiano humoris crystallini defectus non fuit notatus, insuperque omiffæ sunt variæ notatu dignæ circumstantiæ, nec extra dubitationem sunt positæ relationes, cum per modernam experientiam non confirmantur, nec principiis Physico-Mathematicis speciatim opticis sint conformes, & non nisi rarissimis exemplis, quale in *Cl. Thumigii Versuchen von Erläuterung der merckwürdigen Begebenheit in der Natur*, de Visione per Nasum reperimus, stabiliantur, & forte fallaciam non causæ ut causæ, salvo tamen, rectius sentientium, iudicio, involvunt. Interim restitutionem humoris aquei neutiquam nego. Notissimum enim est, eundem per ductus à *Nuckio* inventos augeri posse, uti hoc non solum sufficienter declarat, sed etiam Exempla humoris restituti proponit, medicamentaque naturæ virtutem adjuvantia, designat, speciatim albumen ovi, Bolum Armenam, Camphoram,  $\nabla$  rosar. & plantag. laudat. Quod & alii Medici norunt, quem enim fugit, oculos egregie adjuvissæ Heerium per succum vesicularum Ulmi, *Burrhum* per  $\nabla$  Chelidon. m. & c. *Majorem* per fel humanum destillatum, *Wedelium* per liquorem ex humoribus oculi bovini destillatione paratum, *Rolsincium* per aquam Calcatrippæ. *Angelus à Sala* methodum, ex  $\varphi$  bracteat. cum vino malvatico liquorem viridem parandi, docet, haud contemnendum, quippe cujus ope, in Juvene & Concionatoris uxore, Norimbergæ Ann. 1610. miranda effecit. Sed & mihi nota est aqua ex Cichorio parata secretissima, in pluribus oculi affectibus utilissima. Dubium solummodo superest, de restitutione humoris crystallini, ex meris lamellis vasculosis compositi, & Vitrei vesiculis subtilissimis & Vasis neuro-lymphaticis, ex observatione Anatomicorum oculatissimorum, speciatim *Hovii*, constantis, ita ut illo restituto, Visus restituatur.

(*Coburgo Onoldum d. 30. Decemb. An. 1725.*

*missæ.)*

## OBSERVATIO XII.

DN. D. GODOFREDI KLAUNIGII.

*Tumoris strumosi medela in Mercurio.*

**P**atrocinium Lue venerea infectorum in se suscipere videtur *Jacobus Vercelloni, Pedemontanus*, dum in libro *de Prædendendorum Morbis & Lue venerea An. 1716. Astæ edito* probare nititur, ex pura Venere impuram nasci, & sanos Conjuges, si partibus Venerem spectantibus, nimis sæpe Coitum exercentes, abutantur, contrahere ex munditiæ sordes; ex his earundem partium labes & ipsissimum Malum Neapolitanum. Vereor autem ne cadat Causa Causæ hujus Patronus, si in Foro Medico, Judice Experientia & Ratione, jus dicatur, & secundum æquitatem feratur sententia. Conantur equidem non raro Medicis imponere fœda hac Lue conspurcati, Asylum nequitiae mox in hac, mox in alia ficta morbi causa quærentes, ut fucò declinent perpetrati Criminis Opprobrium. Verum talpa cœcior esset, qui Medicus in Praxi exercitatus non manibus palparet meridionalis à septentrionali scorbuto, quo ut plurimum nefandæ Veneris spolia occultare intendunt, differentiam, postquam illius Miasma secundum symptomata, huic Contagio propria, accuratori Mentis trutina examinare licuit, nec facile accedet illorum Opinioni, qui Syphilidem absque Contagio gigni statuunt. Inconcessæ certe Veritatis censeretur, peculiarem penitus esse Veneni Veneri Causam & indolem, prout etiam ulterjori non indiget probatione, ipsius in hydrargyro latere Antidotum verè quidem specificam, sed multis aliis pariter gravissimis Morbis, quibus cum Veneris nullum intercedit commercium, communem. Tædiosum foret repetere morbos Mercuriali Cura sæpius victos, quorum è numero sunt: Anasarca, Febris quarana, Scabies, Podagra, Malum Hypochondriacum, Cephalal-

gia



gia pertinacissima, Paralysis, Epilepsia, Vertigo, Corpulentia nimia, Mensium Obstructio, Fatuitas, Ulcera Cacoëthica & alii ab Observatoribus passim recensiti & in *J. D. Isaaci Diss. de salivatione Mercuriali aliis, præter Luem Veneream, morbis rebellibus exstirpandis, pari, sub Præsidio Magnif. Stablii Hale Sax. An. 1710. habita*, satis nervosè collecti. Phthiſeos scrophulose Cura, quæ ex Voſo mihi successit, sibi locum vendicat in *Nosocomii mei Charitatis Spec. 1. Hist. 2.* Huc etiam spectant Oculorum Vitia per Salivæ profluvium ope Mercurii excitatum, curata, eorumque exempla Oculis nostris se offerunt in modo laudata Dissertatione *de venerandum nostrum Præceptorem A. Q. Rivinum* allegante, qui Guttæ serenæ utriusque Oculi Salivatione Medelam dedit, qualem etiam præstitit *Celeberr. Helſterus* (teste *G. P. Vogtii Dissertatione de Amauroſi Salivatione curatâ, Altorſii 1713. ventilata*). Mulieri 46. annorum, judicans serum viscidum in tubulis nerveis stagnans, adjuvante Mercurio, tenue & fluxile eſſe reddendum. Non minori felicitate *Centurioni Batteville* diuturna Cæcitas sublata fuit pharmico Mercuriali ad gr. j. quotidie per Nares assumpto, cujus, ex Relatione Boyle, *Thom. Bartholinus* mentionem facit in *Epist. Medic. 92. Cent. 4.* pharmici præparationem sequentem communicans: R. Mercur. vulg. q. p. fiat per oleum Vitrioli efficacissimum præcipitatio, unde Spir. Vini semper fecens vices quinquies destillatione evocandus. Ut reliqua taceam, sufficiat indicasse, hydrargyrum utramque facere paginam in quibusvis Morbis, quorum fomes consistit in viscidâ humorum Dyſcrasia, quam attenuare ac radicitus corrige-re pollet, E Diametro vero contrarius est morbis à volatili acrimonia & Salium lucta dependentibus, ut non mirum sit, in vagâ Arthritide, præter alios, meo in Thoro Antecessori mortem accelerasse salivatoriam Curam, cujus funestum successum exhibet *celeberrimus Christ. de Helvich in Ephemer. Dec. III. an. 7. & 8. Obs. 7.* & consentientem habet *Perillustrem Præsidentem Schræckium*, rejicientem, turgescitibus humoribus in

A. P. M. Vol. II. Arch-

Arthritide vagâ, hanc Methodum, ut periculi plenam, vid. *Scholion ad obs. 120. Clariss. Dolai Dec. 2. an. 4. Ephemeridum nostrarum.* Exinde etiam illis, quos scorbutus calidus, antiquis *Fahren* dictus, vexat, Cura Mercurialis nunquam non maximum infert damnum, ipsemetque in Praxi meâ aliquoties didici, cum ejusmodi scorbuticis cogere provocare Mercurio salivam, salia acria, accedente hydrargyro, reddita fuisse longè acriora, & symptomata, quæ vagos, & instar Carbonum candentium urentes exprimunt dolores, multo atrociora. Prioris Energix memor, nullus dubitari herculeum tale Remedium opponere Tumori strumoso viscidam humorum Dyscrasiam præsupponenti, nec habeo, cur me pœniteat hujus Curæ, quam sequenti in casu communicare lubet.

Vir litteratus, Temperamenti phlegmatici, in Juventute subinde se voluptatibus, liberæ studiosorum Genti nimium acceptis atque gratis, dederat, nec, virilem ætatem attingens, Crapula illecebras adspernabatur. Cum anno ætatis 40. Officii Causa Iter hyemali ac nebuloso aëre suscepisset, redux expertus fuit circa interiora faucium dolorem lancinantem & distendentem inprimis in deglutitione, molestum. Chirurgus, cui fauces inspiciendi atque examinandi demandabatur facultas, omnia optime constituta pronunciavit, ut tamen aliquid egisse videretur, Gargarismatis usum enimmendavit. Aucto interim dolore, eoque Aures insimul occupante, post decimum diem iterum admissus fuit Chirurgus, qui demum aliqua inflammationis indicia observans, huic Gargarismata linimenta que, & dextræ Parotidi dolenti modoque tumenti Cataplasmata applicanda judicabat. Attamen hisce subsidiis integro Mensis spatio parum effecit, usque dum descenderet ad Decoctorum ex lignis & laxantium usum, quibus Curæ felicem Colophonem addidisse videbatur. Sed ecce! redeunte sequentis anni Augusto apparuit sub inferiori Maxilla versus dextrum Colli latus durities instar pisi, quæ cum Lunæ phasibus mutationes subiens, & augmentum, & cum dolore



lore versus genam, quasi fugitivo, decrementum fume-  
bat.

Decrat aliàs omnis sensus huic Tumori, & successive ipsi  
tanta accessit Moles, quæ modò Ovi anserini magnitudinem  
excedebat, & decresciente Luna parùm postmodum diminue-  
batur. Hinc perterritus, meritoque metuens deformis Ager,  
ac Tumor indiens crescens, qui jam inter scribendum, dum  
Caput flectebat, impedimento erat, aliquando Gulam com-  
primat, Medici ordinarii atque Chirurgi Auxilium efflagita-  
vit, verum uterque, ille scilicet rem flocci pendens, hic spiri-  
tum nervinum pro linimento suadens, ansam præbebat ad qua-  
renda Consilia magis seria. Ipsemet meditabatur ferrum &  
ignem, quorum electionem ex meo dependere voluit arbitrio.  
Arbiter itaque constitutus utrumque, si non frustraneum, an-  
cipitis certe aleæ, & periculosum, non potui non, quin pro-  
nunciarem, & quidem maturationis per caustica instituendæ  
negotium ob Ulceris Cancrofi metum, excisionem autem  
nullius fructus, cum Dyscrasia humorum viscida mox in Paro-  
tide, mox in sublingualibus infarctus & obstructions causans,  
quis non crederet, eam intra breve tempus, exciso licet hoc  
tumore, alibi similem iterum effectum producturam esse?  
Quapropter de Remedio totius Massæ humorum lentorem  
atque visciditatem corrigente & attenuante sollicitus, in Mer-  
curium incidi, quem tanquam Myriotechniten in deobstruen-  
dis Glandulis, & præcavendis, ne in his novi fiant decubitus,  
iterum iterumque commendare haud hesitavi. Huic Consi-  
lio assentiens Ager, accinxerat se Curae salivatoriae die 19. Ja-  
nuarii, quo primam Mercurii dulcis dosin assumens, præter-  
lapsis duodecim diebus à tribus drachmis & uno scrupulo  
prædicti Mercurii nihil incommodi sentiebat, si excipias pri-  
mis diebus liquidiorum alvi dejectionem mox diaiscordio  
Fracastorii impeditam, ut hâc ratione Mercurii vivi inunctio-  
nes interponere consultum duxerim. Ne autem circa Un-  
guenti præparationem mihi restaret dubium, malui eligere

simplicissimum ex Axungia porcinâ & hydrargyro unice compositum, sequentis Sydenhamii hypothesin, statuentis *Opusculor. p. m. 426. oleosa &c. simili Unguento addita energia frantum injicere, uti Carminativa Cathartica.* Attramen & hâc methodo, cui unciam semis Mercurii currentis impenderam, frustra fui operatus, & nullo penitus salivationis vestigio apparente, ex Ægri petito, priori Viâ insistere erat constitutum. Revocabatur iterum Mercurius dulcis in usum, quem innoxie ad diem 16. Febr. adhibere licuit, consumptis ejus drachmis quinque & dimidiâ. Nonne obstupescendi datur occasio, tantam Mercurii interne pariter atque externe Corpori communicatam quantitatem ad commovendam salivam ejusque fontes aperiendos minime fuisse capacem? Imo ne quidem Gingivarum intumescentiæ, vel inflammatio, aut foetor putredinosus, nec Capitis dolor, verbo: toto Curæ Cursu nulla penitus occurrebant symptomata de assumpto Mercurio restantia. Recordor *Observationis Ephem. D. 3. an. 9. & 10. d. J. C. Menzelio* communicatæ, quæ sistit Lue venereâ affectum duodecies enormiter unguento Mercuriali inunctum, cui pariter nulla Gingivarum aut faucium intumescencia, nec Salivæ profluvium excitari potuit, exinde autem adeo debilis & emaciatus reddebatur, ut singulis momentis putaretur mori, &, quod notandum, multum cogeatur mingere. In nostro contraria vides fata. Constarunt vires integræ, nec appetitus, nec somnus diminutus, &, quod mirum, parum reddidit lotii, cujus defectum sudore compensatum fuisse persuasus sum. Mercurii præparationi Culpam imputare velle, mihi nefas videtur, cum non ita pridem eodem Medicamento aliis ex voto largam satis provocaverim salivationem, cujus vices in nostro, prout innui, supplevit diaphoresis. Huic certè, & specificæ Mercurii activitati, quam nobis sapius insciis in humores mirâ Metamorphosi exerceret, adscribo Effectum durissimo Tumori salutare, utpote qui indies mole suâ diminutus yix rudera antiquæ Deformitatis reliquit. Et

ea radicitus extirpare procul dubio datum fuisset, si vel saliva, more alias solito, successisset profluvium, vel Æger voluisset consentire in hydrargyri Continuationem, quam vano metu timuit, contentus fermè omnimodâ strumosi Tumoris extirpatione, & spe, non amplius imposterum, correctâ jam universaliter lymphâ, successura ejusmodi Monstra. Ad Vulgi Captum, ne restet Mercurii in Corpore Mica, pulveribus diaphoreticis sulphure Aurato Antimonii constantibus, Curæ colophonem imponere placuit, quibus etiam sudor sequutus Verbis haud exprimendus, procedente sudorem à prima dosi leni Vomitu, & à secunda aliquot Alvi dejectionibus secundum *Observationem meam Ephem. Cent. 1. & 2. p. 46.* insertam. Relicto tuberculo adhuc intentus, casu incidi in *Charissimi mei Erndelii, Potentissimi Regis Polonorum Augusti Archiatri Relationem de itinere suo Batavo-Anglicano, ubi p. 127. Ravvi Experientia suffultus Emplastrum de Cumino*, tanquam Evporiston scirrhus Glandularum feliciter dissipans, laudat, cujus periculum in nostro facere haud pœnituit.

Abundet alius suo judicio, per me licet; Mihi interim firma stat sententia, herculeâ hac Clave, si urgeat necessitas, referenda esse Glandularum repagula, ne steatomatosa Materia vel abundantia & mole, vel cancroso ulcere lethalem inferat exitum. Omnium maxime Victoriâ pollicentur steatomata, quæ glandulas obsident collo & salivalibus vicinas, cum hostis non procul distet à porta, quâ debet ejici, & ejicietur eò facilius, quò citius prælaudatis armis aggredi dabitur Occasio.



## OBSERVATIO XIII.

DN.D. GODOFREDI KLAUNIGII.

*Historia laborantis Anasarca, eaque cessante de-  
mortui Anatome.*

**I**Ngemiscendi cum *Experientiss. Valeriola Obs. 4. Lib. I. p. 22.* quotidie adhuc se offert occasio, quod nobis non satis perspecti sint arcani Naturæ Motus quibus ipsa in servando Corpore nititur. Gloriamur de invento sanguinis Circulo, qui in investiganda humorum secretionē & viâ, tanquam in labyrintho fili Ariadnæi usum præstitit, quo duce ex densa antiquitatis Caligine in lucem penetravimus clariorem. Verum quem latet, hoc in circulo obscuras adhuc circulari Oeconomix animalis Functiones mathematica demonstratione multum egentes? Tamen si nulli labori & studio pepercerint sagacissimi Naturæ Mystæ, ut oculorum ingeniique Acumine permearent abstrusos aquæ ductuum in Corpore nostro Mazandros; attamen fatendum, in eis delineandis saltem primas hætenus duxisse lineas, & inter Desiderata Medica non ultimum mereri locum perfectam de humorum secretionē & motu cognitionem. Cognitu adhuc longè difficiliores sunt illæ Ambages, quas sæpius Natura in suam salutem ad ejiciendum peregrino tramite hostem molitur, nobisque admirari, nunquam verò satis perscrutari licet. Quis enim Mortalium inveniet viam, per quam acus deglutitæ à Stomacho ad Cervicis circa aurem dextram, ad Cruris, ad brachii superficiem, imò in urinariam Vesicam translata, & fausto omine exclusæ fuerunt? Quis vel cogitationibus assequatur meatus, quos sibi pro vita elegit natura, dum aciem scalpelli fractam & derelictam intra Venam tandem post aurem considerare fecit? ut plures taceam mysteriosos Casus quos *Casp. à Reies in Elysi jucund. Quæst. Campi Quæst. 92. ex observatorum scriptis collegit* adeò stupendos, ut  
sicre-

*si credas Arte Melampi  
Id factum, pecces, hic Medicina silet.*

Scilicet, etiam in morbis quam gravissimis, cum eorum Curam in se suscipit Natura, quæ, otiosè adstantibus ejus ministris, opus deploratum prudenter perficere, & Morborum Causas per occulta latibula educere, ac miraculosè extirpare valet. Nec facile à scopo aberrabit Conservationi intentum Corporis nostri principium movens (quod aut Archæum, aut Spiritum, aut cum *Celeberr. Wepfero* systematis nervosi Præsidentem nomines, perinde est) si saltem ipsi libera agendi concedatur facultas, & adhuc Viribus constet sufficientibus. His autem morbi Atrocialabefactatis, quis ipsi vicio verteret, nec laudaret Conatum, etiamsi non semper obtineat felicem Certaminis finem:

Ejusmodi luctam masculâ fortitudine à Natura susceptam admirabar in vilioris fortis Viro 37. annorum, Anasarcæ Tragœdiam modò memorandam experto. Suilla & Vervecina Carne, pecorum morbo extinctorum nutritus, ex Nauseâ inciderat in Febrem quartanam, cujus æstum in quolibet paroxysmo cerevisia aceto haud dissimili & copiosè haustâ extinguere non neglexerat. Curam itaque susque deque habens æger, præterlapso integro anno Febrem commutavit cum doloribus pedum lancinantibus, superveniente post duos Menses tumore illorum œdematoso. Post semestre spatium exanthemata scorbutica cum pruritu finem imponebant & doloribus & tumori, qui tamen elapso Mense rediens, non solum pedes & Crura, sed etiam Abdomen scrotumque quam maxime infestabat. Tali Corporis habitu me accessit, stipatus adhuc difficiliori anhelitu, siti atque prope Umbilicum duritie. Cum olim protrusa exanthemata judicarem critica, omnem ope Decoctorum ex lignis, lumbricis terrestribus, Centaur. min. Trifol. fibr. & similibus antiscorbuticis, movi  
lapi-

lapidem, ut iterum provocaretur Crisis hæc salutaris atque perfectior. Multum etiam spei elucescebat, postquam hydropicus Tumor & dicta durities parum evanescere, pruriginosus verò sensus, ac pustulæ in Corporis peripheriâ apparere inceperunt. Verum, continuatis licet selectissimis diaphoreticis, non potuimus impedire, quin universus habitus, nullo excepto membro, brevi ingentem in molem intumesceret, disparentibus laudatæ Criseos reliquiis. Pertinax alvi stipticitas & lotii suppressio inversam Methodum suadere videbantur; quapropter hydragogis & diureticis Morbum aggressus, illis parum, hisce autem, inprimis, quæ ex fixorum salium familia erant, alvum lubricam, & à Raphani rusticani Decocto, potus ordinarii loco, hausto, liberius Urinæ profluvium effeci. Hæc agebuntur, dum natura, Molestiarum quasi pertæsa, recollectis viribus impetuosè & per alvum, & quod rarò accidit, per totum Corporis Ambitum ex singulis poris stagnans intra musculos serum excludendi initium faceret. Poteris tibi imaginari scaturigines; quod glandulas miliares tegit Cutis, & in intestinis quærere Rivum, si clarè velis concipere immensum hunc lymphæ fluxum, qui quolibet bihorio nova postulabat stragula. Continuavit spontaneus atque criticus hic imber per integrum Mensem, quo transacto ab omni hydrope, successivè effuso, liber, viribus autem planè exhaustus æternæ libertatis particeps factus fuit; qui his in terris se profitebatur Mancipium.

Sequenti die Cadaveris inspectio instituta ne quidem minimum Anasarcae Vestigium nobis obtulit cognoscendum. Musculorum status à naturali nullibi declinans Mortis rea proclamare videbatur Viscera intus latentia. Horum Examine manus admoventes in abdomine Omentum, Ventriculum, hepar, lien, renes, Mensenterium, intestina ab omni culpa absolvere, eam verò Pancreati adjudicare nulli dubitavimus. Erant certè superius allegata viscera à quavis labe immunia, excepta modo nominata Glandula, Quartanariis ut plurimum



fatali, quam parvis filicibus infarctam dixisses ob scirrhus duos in ea undiquaque prognatos. Ulterius progressuris Thorax nihil heterogenei revelabat, nisi huc referre velis polypum gelatinosum dextro Cordis thalamo inhaerentem. Hæreo tamen talem ut Morbi Causam allegare, postquam experientia suffultus mihi probabilius videtur, ejusmodi Concretum pseudopolyposum à languido Cordis motu in affectibus chronicis ut plurimum produci, dum sanguis effusus & tardius procedens partes gelatinosas seponit. Eo magis adhuc confirmor, hunc polypum ultimæ Morbi periodo deberi, quoniam nec in hoc, nec in aliis ægris, quibus simile Monstrum post obitum à me detectum contigit, signa Cordis polypis quasi propria & à *Celcberr. Malpighio annotata, quæ in Ejus Operibus posthum. p. 62. legi possunt*, intellige: *precordiorum Angustiam, pulsum vibratum & intermittentem, vasa in jugulo dilatata, frequentem Animi defectum, Torporem brachii, & in eodem pulsus obscuritatem, in Sterno spasmodicum dolorem*, observare licuit.

Dissoluta hæc sanguinis Textura omnium Virium præsupponit dispendium, quod etiam in Nostro inanes reddidit Naturæ Conatus, etiamsi efficacissimos. Modò virtus erat hostis, expulso scilicet omni sero Corpus molestante; verum cum triumphum deberet canere Victor, ipsemet occubuit langvore suppressus.

## OBSERVATIO XIX.

DN. D. GODOFREDI KLAUNIGII.

*Clavi ΕΥΠΟΡΙΣΟΝ.*

**C**Lavi, à Musca Meatum auditorium occupante, rarò ob-  
vii Historiam *Observatione XVII. Ephemerid. Cent. VII. in*  
apricum proferre data fuit Occasio. Modò Mentionem injicere lubet Clavi quotidie sermè in Medica Praxi  
*A. P. M. Vol. II.* **F** occur-



occurrentis, quem spasticis Meningum doloribus favientem, certoque Capitis loco quasi incuneatum conqueruntur agri, & Medicorum Clinicorum industriam illuisse recorder. Me quidem minimè latet medendi Methodus, qua Clavum, vel hystericum, vel hypochondriacum nomines, eradicare al- laborant, nec intermisi eum iisdem aggredi armis, scilicet laxantibus, Nitrosis, absorbentibus, cinnabarinis, anodynis, tonicis &c. Clysmatibus, V.S. variisque topicis.

Verum ingenue fateri cogor, me ut plurimum specioso remedium apparatu parum effecisse, usque dum, revulso- riis Auxiliis derelictus, partem affectam propius accedere consultum duxi. Cominotus imprimis ejulatu Patientis, & mecum reputans, spasmodorum indolem sapius admittere reso- lutionem fortio rem, qualem, ut alia taceam Exempla, mem-bris Podagrâ laborantibus Moxa præstat, nullus hærebam du- ro Nodo durum opponere Cuneum, ipsique Clavo applicare hirudines. Vix peractâ suctione dolor, nulli hætenus Re- medio obediens, non solum inducias dedit, sed penitus ces- savit, ut Morbi Clavum Te evulsisse credidisses. Præterea ex- optatum hujus Curæ successum repetita comprobat Expe- rientia, commendanda illis quibus res est cum Morbo tali spinoso.

(*Pratavia Augustam Vind. A. 1726. d. 11. Mart. missa.*)

## OBSERVATIO XV.

DN. D. PETRI WOLFARTI.

De

*Raro tertio cerebri ventriculo vesica urinaria  
vicario.*

**C**Um die octava Mensis Novembris Anni elapsi Millesimi septingentesimi vigesimi tertii jurata obstetrix Maria  
Zin-

Zinnin me conveniret secum ferens infantem eadem die circa sextam & septimam vespertinam in lucem publicam editum ab Anna Barbara militis honesta & pia vidua, hunc in finem ut insolitam & omni admiratione dignam corporis tennelli configurationem qua possibili circumspeditione perlustrarem cumque ad certum sexum, quod autem ob subsecuturas rationes omnino fuit impossibile, reducerem. Hinc officii mei strenue adimpleretur partes totius corporis habitum externum nihil alienum à reliquis humanis habere comperi solam si excipias deformitatem ventris inferioris tam ab antica quam postica parte mox in excessu mox in defectu peccantem. Sic enim primo anus erat clausus prodromus etiam præternaturalis & molestæ valde exclusionis, quæ tandem cum involucris ordinariis subsequebatur. Ani defectum supplebar 2. rima quædam exigua C. infra umbilicum A. in quam hiabat intestinum rectum cum fæcibus simul paululum lymphæ urinæ fere analogæ quotidie excernens. Huic vicinæ 3. binæ protuberantiæ B. B. erant, duobus mentulis cum suis præputiis ex asse æmulis, uno vero altero accuratius, utroque interim vasis spermaticis prorsus orbato, quod etiam in spurio postmodum; 4. experti sumus Scroto D. D. Inter divaricata 5. crura propendebat sacculus E. satis considerabilis pellucidus instar vesicæ urinæ repletæ post natiuitatem ex applicatione sacculorum emollientium contractior redditus, haud inconcinne ad Aneurisma spurium referendus. Hactenus vir Experientissimus ac celeberrimus Dominus Doctor Grau Archiater & Physicus Urbis hujatis ordinarius collega meus peramandus, cui spectaculum hoc cernere prima vice contigit. Miser tandem hicce partus anhelans sub tristi hoc schemate lacte materno nutritus per nonnullas septimanas mundi ludibria ridens animam suam immortalī Deo placide reddens die insequentis mensis Decembris decima quarta cultro anatomico meo ultro fuit oblatas qui sequentia porro docuit ac detexit.

Ex modo nimirum laudato majori & inferiori sacculo E. Os hiabat in secundum E. 2. & ex hoc in tertium E. 3. ita ut quilibet cum altero communicaret, omnes vero una eademque serositate erant repleti. Perforato mediante lancetta inferiori omnis hæc destillabat in substratum vitrum ad quantitatem quartæ mensuræ Cassellanæ derumescens prorsus & collabentibus tumoribus. His discissis facilis concedebatur applicatio styli argentei usque ad tertium & medium cerebri ventriculū penetrantis, quæ cavitas eadem colluvie erat distenta & infarcta, vesicæ urinariæ vices, cum prorsus hæc deficeret, per canalem intra Spinalem medullam expresse formatum supplebat, quæ medulla Spinalis etiam circa initium tertiæ cavitatis, quod erat secunda dorsi vertebra supra lumbares dubio procul ex serositatis nimia acrimonia & falsedine tota erat erosa & corrupta. Plura curiosa detegere & publico specialius communicare superveniens putredo & vasorum subtilitas. v. g. Canalis ex tertio sacculo lympham serosam ad rimam c. advehentis investigatione, nos omnino frustravit. *Vid. Figur.*

(*Cassellis Augustam Vind. d. 25. Mart. An. 1726. missa.*)

## OBSERVATIO XVI.

DN. D. JOHANNIS ADAMI LIMPRECHTI.

De

*Tussi lotionem pedum ex sola aqua calida aliquoties subsequente.*

**F** Rigida externa motum illum corporis vehementem, quem tussim vocamus, sapissimè excitasse omnibus & lippis notum & tonsoribus, calida vero externa, eaque humida, inferioribus corporis humani partibus applicata, eundem

dem produxisse forsân rarius observatum est. Exemplum ejus esto sequens. Senex quidam septuaginta aliquot annorum, qui à frigusculo sæpius læditur, quotannis ferè circa hyemis initium tussi solitus affligi, ad sordidulos pedes ablundos aquam calidam circa finem autumnii anno præterito afferri jubet: postquam eos ad furas usque per spatium horæ dimidiæ huic immisisset in conclavi per fornacem calefacto, titillationem quandam in gutture sentit, hinc lecto vicino prius tepefacto non batillo cubiculari, sed lagenâ stannea aqua calidâ repleta sese statim committit, nulla hac vespere usus cœna, ad somnum nocturnum capiendum, hic interumpitur à tussi sicca cum qua per aliquot horas seni fuit colluctandum, id quod ipsi ante biennium & quadriennium post lotionem pedum in merâ aquâ calidâ ex diversissimis originibus sumpta contigisse etiam recordatur, imò tussim sensisse eò graviolem, quo aqua fuisset calidior, quâ usus fuisset. Medicus ægro familiaris hanc historiam percipiens in memoriam illi revocat vomicam pulmonum, post excretionem puris benè cocti per urinam, ante quindecim & quod excurrit annos, in tussientis corpore sanatam.

*Berolino Augustam Vindelicorum d. 8. May.  
A. 1726. missa.*

## OBSERVATIO XVII.

DN. D. HIERONYMI LAUBIL.

*Empyematicus abscessu sponte orto & aperto præter spem convalescens.*

**J**Uvenis torosus peripnevmonia gravi laborans illam quidem perfecte superasse visus est. Non longe vero post dolorem in superiori & anteriori thoracis dextri lateris regione ad scapulas & humerum se extendentem, motumque

brachii non solum impediens, sed atrophie ejusdem initia monstrantem percipit; qui neque frictionibus siccis, neque spirituosis foribus, neque sacculis resolventibus, neque anodynis cedens, tandem tumoris signa ad abscessum vergentis exhibebat, quapropter ejusdem maturationem promovere opus habuimus, quæ etiam brevi successit, factaque inter costam secundam & tertiam veram lateris dextri incisione copiosissima & vix credibilis puris albi cocti quantitas effluxit, vulnereque aperto servato per aliquot septimanas cum levamine ægri continuavit, simili materia purulenta quotidie per tussim simul rejecta. Exhibitis vulnerariis tam externis quàm internis per satis longum tempus, macies quæ à principio non solum in brachio, sed per totum corpus satis evidens erat, in habitum carnosiores paulatim transiit, tussis & sputum purulentum cessavit, dolor gravativus thoracis evanuit, respiratio libera evasit, vulnus, rejectis turundis, prompte consolidatum fuit, ægerque, viribus quotidie auctis, sanus jam & incolumis post quadrimestrem in Noscomio decubitus ad servitia nautica rediit.

## OBSERVATIO XVIII.

DN. D. HIERONYMI LAUBII.

*Abscessus saccatus in thorace Phthisici.*

**N**on æque propitium fatum expertus est cum præcedenti Miles quidam gregarius phthisi consummata in Nosodochio militari post decubitus unius mensis extinctus, in cujus cadavere sequentia notatu digna observare licuit. Remotis capitis integumentis ipsoque cranio intra curvaturas cerebri serum solico copiosius, & vasorum in sinum longitudinalinem abeuntium obstructio. In thorace Cor satis magnum, serum in pericardio vix ullum; pulmones ad tactum asperi

asperis & quasi granulis conspersi exterius, intus pure turgidi, dexter illorum lobus versus dorsum pleuræ & diaphragmati concretus. Ad latera pericardii infra pulmones ab insertione costæ quartæ cum vertebris dorsalibus usque ad septimam saccus albicans, pugnum recipiendi capax, in cellulas distinctus, pure repletus, integer in dextra thoracis cavitate: in sinistra autem similis minor pus in cavum pectoris fundens. Vertebrae, quibus incumbibat abscessus, inprimis 4. & 5. carie corrosæ. In Abdomine præter Hepar magnum induratum & ponderosum, & calculum minutum, angulosum & friabilem in vesicula fellis detentum, reliqua contenta sic satis naturaliter constituta videbantur.

*OBSERVATIO XIX.*

DN. D. HIERONYMI LAUBII.

*Pericardium sanguine distentum & Cor arrosum  
in cadavere Orthopnoici.*

**F**ebre continuata c. hæmoptysi ac difficili respirazione correptus navita è classi Regia ad Nosocomium mittitur, ibique post paucas dies febris imminutionem cum levamine quoad tussim molestam ex remediorum adhibitorum sedulo usu percepit, asthma vero cum præcordiorum anxietate quotidie augebatur adeo, ut vix nisi erectus respirare potuerit, facies livescebat, oculi sanguine suffusi, cum circulis ex atro rubentibus, palpebras inferiores circumdantibus funestum aspectum præbebant, donec post miserimum quinque hebdomadam decubitus anhelosæ vitæ mors optatum imponeret finem.

Magnitudo morbi cadaveris anatomicam inspectionem fuasit, nec laboris pœnituit: præter pulmones enim pure crasso infarctos & ubique ferme, inprimis in dextra cavitate ad-



natos in conspectum venit Pericardium sanguine grumoso adeo distentum, ut dimidium thoracis spatium expleret, pulmonesque ad latera derruderet. Cordis vero intus absconditi substantia exterior ubique exulcerata & quasi à vermibus profunde satis exesa, intus polyposis concretionibus in utroque ventriculo repleta apparuit, quin adeo deformatum nobilissimum hoc viscus fuit, ut nec auriculæ inveniri, nec vasa egredientia majora facile discerni potuerint.

## OBSERVATIO XX.

DN. D. HIERONYMI LAUBII.

*Pericardium cartilagineum cum corde coalitum in cadavere Hydropici.*

**N**auta cachetico-scorbuticus asthma gravissimo, tussi molesta & tumore abdominis, scroti, tibiæ pedumque hydropico detentus post brevem in Nosodochio maritimi status decubitus demortuus trihorio ab ultimo halitu cultro anatomico subjectus sequenti observationi curiosa ansam præbuit. Facies & thorax suffocati instar purpurascebant, integumenta incisa sanguinem copiosum stillabant, tunica adiposa sero difflebat. Levi in pectus pro costis à sterno separandis incisione facta ex utroque latere fontis instar cum impetu prosiliebat serum flavum, cujus quantitas in utraque cavitatelibras decem si non superabat, saltem æquabat. Pulmones exterius inflammati intus sero spumescente referti inveniebantur. Pericardium pollicis crassitiem explens non solum cum corde & diaphragmate firmissime coalitum erat, sed cartilagineam duritiem cultro difficulter cedentem habebat, & cor mole parvulum vix nisi ex ingressu & exitu vasorum à pericardio distinguendum abscondebatur. Vasis pulmonum majoribus non paucæ Vomica extus albi-

cantes,

cantes, intus cœrulescentes, quædam fabæ majoris magnitudine conspicuæ, accumbebant. Nec minor feri flavi copia ex abdomine inciso, quàm ex thorace effluxit, quod tenax adeo & glutinosum fuit, ut in tabulam projectum statim in tenues lamellas abierit. Ventriculus erat corrugatus, colon vero admodum distensum, ut vir robustissimus totum brachium facile intrudere potuisset. Venosa totius abdominis vasa sanguine crasso infarcta, scrotum femora & tibias ferum gelatinosum copiosum expandebat, Hepar tamen lien & renes sic satis naturaliter constituta conspiciebantur.

*OBSERVATIO XXI.*

DN.D. HIERONYMI LAUBII.

*Lienis & Renis ruptura ex casu ab alto letalis.*

**E** Malo in navim delapsus Classarius in Nosocomium deportatur, cum respiratione difficillima, sputo & urina cruentis pungentes in abdomine dolores patiens, quæ symptomata de hora in horam augebantur, donec tertia à decubitu die mors miseriam finiret. In cadavere levia saltem contusionis signa apparebant, nisi circa musculum oblique ascendentem dextrum prope os ilium; abdomine vero dissecto non exigua sanguinis copia effluxit, intestina, inprimis Colon ad gangrænam vergebant. Lien ad rupturam usque contusus & in dorso Renis sinistri foramen, duorum, digitorum capax conspiciebantur. Pulmonis lobus sinister versus dorsum & diaphragma valde inflammatus videbatur.

## OBSERVATIO XXII. DN. D. HIERONYMI LAUBII.

*Cranium & Sternum curiosum Scorbutici cum calculis pulmonum.*

**S**Ubofficialis quidam ex equitatu loricato Regio, valde scorbuticus ob ulcera duo maligna in Osse frontis aliquandiu moleste gestata circa festum Michaelis Nosocomium adit, ibique ope salivationis Mercurialis illa brevi consolidata laturatur, sed vix incepit gaudium, quin superveniente febre continua cum diarrhæa imminueretur, & his quidem pariter superatis accedente tumore abdominis & extremorum hydropico, ulceribusque capitis recrudescentibus, post semestrem tristissimum decubitum cum ipsa vita finiretur. In cadavere sequentia notare licuit: Cor flaccidum polypos maximos abscondens in pericardio copioso sero distento quasi natabat. Pulmones inflammati plurimis calculis erant infarcti. Hepar durum, lien tunica crassa circumdatus, vesicula fellis bile carens, Omentum laceratum, intestina copioso sero viscido innatantia conspiciebantur. Sternum in medio, à costa scil. tertia ad quintam profunde cariosum, ulceri pessimo diu, dum viveret, gestatio ansam præbuisse apparuit. Ipsum denique Cranium quatuor in locis carie exesum post mortem inspectio anatomica docuit, quamvis in vita duobus saltem in locis ejus suspicionem præbuerit. Primum scil. ulcus transibat usque in sinus frontales, quos defunctus habebat amplissimos, alterum utramque Cranii tabulam permeabat, tertium & quartum in osse bregmatis ad diploën usque abibant.

(Exhibita Augusta Vind. d. 31. May.  
1726.)

OBSER-

OBSERVATIO XXII.  
DN. D. JOHANNIS CASPARIS  
GRIMMII.

*Sistens virum, cujus Cor totum erat suppu-  
ratum.*

**V**ir quidam, tum ratione dignitatis, tum etiam singu-  
laris eruditionis celeberrimus, XXX. annorum ineun-  
te Vere anni præteriti hic Lipsiæ correptus fuit spa-  
smo pectoris & ventriculi, nam per intervalla perpeffus est  
insignes vomitus cum vehemente & continua palpitatione  
cordis & febre lenta. Etiamfi optima quæque adhibeban-  
tur medicamina, quæ quidem aliquale levamen suppedita-  
bant, nihilominus, cum XVI. hebdomadas laboraverat hoc  
insanabili morbo, subsecuta est beata analysis. Post sectio-  
nem cum alio Medico hujus loci, qui durante morbo ad  
consilium vocatus fuit, itidem cum binis Chirurgis aliisque  
adstantibus ad stuporem usque deprehendimus substantiam  
cordis plenarie suppuratam cum sero in cavitate thoracis  
extravasato & ferè innumeris vomicis pulmonum simulque  
epate scirrhuso. Quomodo ejusmodi homo cum tanta  
cordis læsione vivere queat, est dictu difficilimum & ferè  
incredibile; nam secundum effatum vetustissimum, est cor  
primum vivens & ultimum moriens, adeoque relin-  
quo hoc naturæ miraculum, aliis ad ulteriorem  
disquisitionem.



OBSERVATIO XXIV.  
DN. D. JOHANNIS CASPARIS  
GRIMMII.

*Sistens fœminam annorum XLVI. quæ post XXIII. annos embryon trium mensium enixa est.*

**F**œmina quædam honesta, quæ unicam filiam peperit anno ætatis circiter decimo octavo, antea quidem, sed postea nunquam fuit menstruata, & quidem sine omni valetudinis detrimento; anno autem ætatis suæ XLVI. enixa est embryon trium mensium. Quomodo vero in non menstruata & propemodum effocta muliere conceptio fieri potuerit, difficile dictu.

OBSERVATIO XXV.  
DN. D. JOHANNIS GRIMMII.

*Fœmina ex esu Mytulorum Kiloniensium venenatorum suffocatione correpta.*

**U**xor quædam non infimæ fortis ac dignitatis, ætatis suæ XLVI. alias robustæ constitutionis, postquam prandendo, me præsentem comedisset aliquot Mytulos recentes Kilonienses, post horæ quadrantem perpeffa fuit suffocationem, cum subsequenter pustulis curaneis per totum corpus, quod malum durabat per horam integram. Hanc fœminam curavi cum potu Thee cum lacte & Theriaca Andromachimixto; proculdubio inter hos mytulos fuerunt quidam venenati,

(Lipsia Augustam Vind. mense Maji A. 1726.  
missa.)

OBSER-

OBSERVATIO XXVI.

DN.D. PETRI ANTONII MICHELOTTI.

*Rari ac prope inauditi ex utero morbi historia  
cum necessariis Medicis animadver-  
sionibus.*

**E**X utero potissimum foeminis diversa, vehementiaque mala nasci, & experientia notum, & à Græciæ Principe Medico Hippocrate animadversum est. Perdiuturnæ & haud vulgaris nervorum in Splendidissima Muliere Distentionis Observationem cum *Luca Schroëckio* Celeberrimo hoc tempore Augustæ Vindelicorum Medico & A. C. N. C. Meritissimo Præside hos ante quatuor annos communicavi. In præsentia insolitæ, pene incredibilis, & nisi me amor negotii suscepti fallit, in omni Medicinæ Parentum cum Græcorum, tum Arabum memoria inauditæ ex Vulva ægritudinis historiam legentibus sisto.

Judæa Virgo duos & viginti annos nata cui *Riccam* parentes *Caraualei* cognominati dixerunt nomen, hos ante quinque & viginti menses in morbum incidit suppressæ ex tristibus animi affectionibus menstruæ purgationis: inde primum angina, tum interposito aliquo tempore Rheumatismo; deinde sinistri lateris dolore per hyemem correpta sanguinis ex brachiis, pedibusque detractione, aliisque idoneis medicamentis ab spectato, qui assidebat, Medico Moyse Coheno præscriptis curatur. Manente vitio mensium suppressionis cum vehementi ventris intensione, mœroreque cum crebro difficilique spiritu, concitatarum arteriarum pulsibus, continentibusque muscutorum ad brachia pertinentium exiguis tremoribus continuante, medicamenta mulieribus hysterico morbo ferè exanimatis præberi solita, & nominatim remedium, cui uterino elixiri nomen author Crollius imposuit,



data. Sub eo auxilio singultus, & cujusquemodi generis sive solidam sive fluidam formam habentium alimentorum vomitus exortus est, adversus quem medicamentorum tum opium recipientium, tum ventriculorum confortantium compositionibus frustra tentatis, quem modo laudabam, Medicus diffusis reliquis præfidiis ad gelidas ex aqua, in qua modo subacidorum cerasorum, modo fragorum, modo Limoniorum malorum succus cum modica Sacchari portione solutus erat, poriones prudenter confugit: quibus in Stomachi resolutione, vomitum neque calidis, neque anodynis remediis cedentem conjunctum habente, à me quoque prospero successu non semel adhibitis, consecutus quidem est, ut Ægra & continere, & coquere cibos posset, non tamen uti reliqua mala remitterent, ad quæ incunte autumnio anni MDCCXXVI. rerum omnium sive cibi, sive potus vel frigidissimi, sive medicamenti speciem obtinentium insigne fastidium, urinæ suppressio, inexpugnabilisque alvi adstrictio accessere. Eo tempore mollientia olea, aliaque medicamenta ducenda alvi causa in anum per clysterem infundebantur, quæ quum repellerentur, desperatis penè rebus, nutrientia quoque juscula ex capo, gallinaceisve pullis recentium ovorum vitellos intus solutos habentia in ultima intestina (ex quibus etiam lactea vasa oriri non esse negandum summus nostræ ætatis Professorum J. B. Morgagnus apprimè animadvertit) semel, atque iterum in agerere, tentatum est. Verum enim vero sive postremo Coli tractu & foras continuati etiam Recti magna parte à præpolente inclusorum flatuum vi reliqua intestina, & peritonæum vehementius distendente (quod verosimilius hoc in casu mihi videtur) ad dextrum, sinistrumve infimi ventris cavæ latus compulsi, atque ad id arctè oppressis; sive illis ipsis memoratorum intestinorum partibus ob valentissimas nervorum in thoracis, ac ventris imi penitiora pertinentium, quibus Ægra in præsentia quoque vexatur, distentiones maximopere contractis, resistentibusque. Sive hac inquam, sive illa de causa neque resistentia,

quæ

quæ dicebam, clysmata admitti quibant. Ita affectam, ita conflictatam nulla edendi, aut bibendi; nulla menjendi, nulla dejiciendi neque proximo hyeme, neque subsequente vere cupido cepit: forbilia ova, calida, repentiave juscula, ejusmodi generis vinum, gelidæ potiones etiam ex capro, & *sioccolatte* (sic enim à nostratibus appellatur) Lac saccharo commistum vel frigidissimum; hæc inquam, atque horum similia, aut ex toto in fastidio erant, aut reficiendarum virium causâ, non ex appetitu interdum assumpta, protinus reddebantur. Anni tempore verno acutissimo sinistri lateris dolore prehenditur: alii Medici ad consilium adhibiti sanguinem, ad eum levandum, pondere circiter unciarum trium ex respondente pede, jacenti, morbo, longissimaque abstinencia confectæ mittere non verentur. Ipso dolore per istiusmodi anceps auxilii genus, sub quo vires haud multum admodum labefactatæ sunt, sublato, sanguinis paulum costi extunditur. Post hæc singultus, seu potius quidam vomendi conatus, per quem humor colore subobscurus, odoreque urinae ad longum tempus in Ischuria retentæ persimilis evomebatur, subortus est, qui sine medicamentis brevi postea finivit. Subsequente æstate, sive raptim mutatione morbi aliqua ex parte in contrarium facta, sive blandis assidentis Matris alia atque alia pro cibo & potione assidue offerentis hortatibus, sollicitationibusque tandem decumbens Filia commota modò tenuem ex citreis malis aquam, modo Liquorem ex subacidorum ceraforum cum melle, ac vini spiritu fermentato succo (*Wissnà* vulgo hic appellatur) ad cochlearia aliquot haurire cœpit, atque intra hos quidem Liquores substitit donec ad medium circiter Octobrem anni proxime exacti, quo, constrictorio ventriculi motu sursum versus, cum atri ferè humoris vomitu, reverso, nec cibos, nec potiones, nec remedia devorare poterat, perventum est. Quum eam tum una cum curante Medico viderem, uti memoratum ventriculi motum remedio Liquidi Helmontii Laudani ex stillatitia citrei

trei mali aqua septem, octove guttarum numero potui daco cohibere, tentarent, suasic. Sed ne id quidem tenuit. Nilominus tamen intra octo dies, quibus mente jam turbata, brachia, & crura inæqualiter dispergens, seque huc illuc violenter interdum convertens modò obdormire, modò tristibus veluti exterrita imaginibus ejulare videbatur, ventriculus ex toto conquievit: atque ita quidem, ut & aquam, & liquorem, de quibus mentionem feci, continere octavo die posset; post quod tempus mentis quoque turbatio, terroresque remoti sunt, & ventris intentio, tametsi interim neque faeces, neque urina emittebantur, paulum imminui visa est. Silentio hic præterire non decet: duobus circiter mensibus antequam hujus admirandi morbi historiam perscribere inciperem, Ægram, & de quo supra scripsi latente dolore denuo exceptam, & ab eo, Sanguine ad duas, tresve uncias ex brachio dolenti lateri respondente extracto cito liberatam esse. Verum hoc illud est præcipue scitu necessarium: ipsius Ægræ, quæ à Septembrimense ccccxxiv. in præsens vitam sine omni quidem cibo, & menses decem sine omni ferè potu transegit, corpus neque ex toto languere, neque notabiliter emacrescere: quanquam insignis feri sanguine tincti copia cum ex pede, cum ex brachio, summæ quoque cutis Lymphæ ductibus scalpello in Sanguine mittendo laceratis, cicatriculisque (quarum ea, quæ in lavò brachio existit in profundum ulcus versa est) tardissimè forsitan ob malum universi corporis habitum confirmatis, quotidie longissimum tempus manavit.

Facies in præsentia quoque colore est quidem ferè naturali; at verò eam una cum reliquo corpore neque in speciem, quemadmodum ante hos tres menses videbatur (distendente scilicet tunc aëre ex omnium pene corporis articularum cruore animalium spirituum cuneolis, quam sanis hominibus esse debent acutioribus, pulso, atque muscularium fibrarum interstitiis, invisibilibusque cutis foraminibus in-

tercluso) naturaliter ali : cutis cum subjectis musculis ubique locorum, præterquam in abdomine, aliquantum collapsa clarè ostendit. Cuncti sensus, si unum tactum, qui una cum motu in dextro femine & crure hebes est, excipias, vigent; vigor animi nequaquam obtusus; supinum corpus semper, viribus musculorum affectis, jacet; ventriculus, præcordiaque cum reliqui imi ventris magna parte, & vehementer intenta sunt, & ad tactum leviter sonant; persistit quidem menstruorum, & urinæ suppressio: veruntamen nulla omnino urinariæ vesicæ turgentia manu percipitur; venter ne spiritum quidem per inferiores partes reddit; neque cibi, neque potus cupiditas ne in præsentia quidem est: verumtamen cremorem ex contusis dulcibus amygdalis aqua ex citreo malo expressi paulum, sic affectam à Matre assidue rogitatam sollicitatamque ante hos sex menses per diem, noctemque degustare cepisse, idque nunc quoque continuare, certissimum est: nullus quidem sudor præterquam in palmis manuum, pedumque plantis neque interdiu neque noctu oritur, attamen oleagineam materiam ex sebaceis universæ ferme cutis glandulis erumpere, cum ex totius pene corporis graveolentia, tum præcipue ex unctuosâ illa sorditie, quam suis indusiis inhærescere Ægra hæctenus se observasse mihi retulit, certo constat: corripit interdum quidam frigoris sensus; sæpe ventriculi, sæpius capitis dolor torquet; brachiorum, manuumque musculi in dextra præcipue parte continenter intremunt; tristitia sæpe quidem infestat, interdum tamen hilaritas est: nutrientia autem, de quibus supra scripsi, clysmata in rectum intestinum indita, ut protinus repelluntur, sic cujusquemodi generis & alimenta, & medicamenta vi deglutita extemplo in præsentia quoque redduntur. Verumtamen illud ignorare non oportet: acidulæ aquæ ex Fonte *Lalio Recobarii* importatæ cyathum unum alterumve mense circiter antequam huic Historiæ finem imponerem potui datum, ventricululum retinuisse, eoque tempore urinam

obscuri coloris exigua Ægram (quod tamen & præterita ætate, qua neguttam quidem illius mineralis aquæ assumpsit, bis, terve accidit) quantitate reddidisse.

Quod genus, quæ natura, per quas causas factus, & actus hic morbus sit, ad illa, quæ hætenus retuli, acriter intendentibus animum, haud difficulter admodum, ut opinor, innotescet. Lotii, eorum, quæ per alvum sanis excedere consueverunt, sudoris, menstruarum purgationum suppressio: narium muci, salivæ insigniter imminuta secretio: hæc, inquam, omnia in comprimentium morborum numerum, eorum nimirum, qui ab fluidorum in nostris corporibus, aut ex toto deficientibus, aut notabiliter decrefcentibus cooriuntur separationibus, referendum esse, præclare demonstrant: cœpisse verò à tristitia, & suppressis mensibus: artuum tremores, agitationes arteriarum, crebram, difficilemque respirationem, intensionem ventris, insolitam abstinentiam, mentis motionem ejuscemodi malis intervenisse: exanimari interdum Ægram, inde ad se redire; odoribus cum svavibus, tum foedis lædi; queri modo de corde, modo de ventriculo, sæpè de capite; modo tristem, modò hilarem esse; interdum sopore premi, plerumque vigilare; dextro femine, dextroque crure resolutam interdum videri, inde se dextrorsum, sinistrorsumque violenter convertere; varios appositos cibos, potionisque summo fastidio habere: hæc, inquam atque his similia Virginem nostram vehementissime ex vulva laborare haud obscurè indicant. Quod ad abditas, continentesque istiusmodi morbi causas attinet: invisibilis fluidi ex cerebro, & cerebello euntis, redeuntisque particulas in vehementes, dissonosque reditus motus summa mœsticia à primordiis morbi una cum nervis tum in exteriora, tam in penitiora corporis, & in uterum præcipue, finitimasque partes, pertinentibus repente actas esse, conjecerim. Increfcente deinde paulatim morbo, continuantibusque nerveorum filamentorum per thoracem, ac ventrem

discur-



discurrentium contractionibus, separationum, excretionum-  
que fluidorum naturales Leges ire cœpisse præcipites donec  
ad omnium pene, qui in nostro corpore sunt, humorum sup-  
pressiones, imminutasve secretiones perventum sit. Adhæc  
ingenti aërearum particularum copiâ, animalium spirituum  
impetu, acredineque (quæ longam abstinenciam sequi con-  
suevit) ex arteriarum ad ventriculum, intestina, jecur, sple-  
nem, uterum, peritonæum spectantium, arteriis reliqui cor-  
poris, ob vehementes, in quas à morbi usque primordiis con-  
tinenter aguntur distractiones, forsitan laxiorum : ex ha-  
rum, inquam, arteriarum sanguine expulsa, inque earum par-  
tium sinus, ac caveas nequaquam resistentes compulsâ, uni-  
versum pene ventrem vehementer intentum, & ventriculum  
ad eam distentionem redactum esse, ut motiones ad famem  
excitandam, retinendos, concoquendosque cibos pernecef-  
sarias jam obire non possit. Porro ut ex memoratorum spi-  
rituum in cor, arterias, thoracis, aliarumque partium influ-  
xibus quam naturaliter esse debent celerioribus, velociore  
cordis, & arteriarum motus crebram, difficilemque respira-  
tionem, musculorum tremores, continentesque vigilias ena-  
tas crediderim : sic inæquales, vehementesque membrorum,  
quas una cum temporariis mentis commotionibus Ægram  
non semel hoc in morbo excepisse, ante retuli, cogitationes,  
ex dissimilibus, præcipitibusque illorum ipsorum spirituum  
motibus exortas esse, existimarim. Sed illud potissimum in-  
terrogari meâ Legentibus posse sentio : qui fieri queat ut Ju-  
venis hæc & tamdiu sine ulla omnino alimento vixerit, & so-  
lo Liquoris, de quo supra memoratum est, potu vitam tot  
menses traxerit, in præsentiaque etiam sustineatur ? Quibus  
pro ingenii mei modulo respondeo : eam, non multo secus  
ac viperæ in vitreis vasculis vere, æstate atque autumnò inclu-  
sæ, seu potius terrestres cochleæ partem autumnî, totamque  
hyemem in opertis testaceis tabernaculis sine omni plane esca  
videntes, vitam trahere, verissimillimum esse. Namque &



continuo jacet in Lectulo & visibilium humorum pene nihil excernit. Manare vero exigua corpuscula tum per invisibilia cutis foramina, tum per os ex pulmonibus, ut omnino negare non audeam, sic eorum corpusculorum vaporum speciem habentium haud multum admodum hoc in morbo extra corpus ferri ex summæ tabis, & sudoris in universa ferme cute absentia maxime probabile censeo. Quandoquidem itaque jacens haud insigniter tenuatur, paulum admodum movetur, & visibilium quidem fluidorum ferè nihil, invisibilium verò paucillum reddit: manifestum est nec sanguinem, nec humores maximopere absumi; ac propterea neque villos, membranas, nervos, sanguinis aliorumque liquorum ductus, musculosque constituentes, mobilium particularum ex illis ipsis villis manare, atque per aëra dispergi jugiter conantium eruptione insigniter exinaniri, seu in tabem resolvi: atqui assumendi cibi necessitas in universis animantium generibus ex villorum memoratas partes conpingentium continua inanitione, notabilive continenter decedentium particularum naturales operationes, sive animales motus subsequi solita excretionem dependet. Juvenem igitur, de qua hætenus retuli, in qua fortasse oleaginei quoque humoris in sebaceis universæ cutis glandulis, Celebrissimo animadvertente Morgagno, secerni soliti, aucta præter naturam crassities insensibilem (quemadmodum Medici loquuntur) transpirationem insigniter minuit: & jejunium septem amplius menses sustulisse, & paucio fluido alimento etiam nunc sustineri, sine aliquo commento prodigii edisseri potest.

Ratione haud multum admodum dissimili quemadmodum Præstantissima Virgo ex Patricia Gente Foscarena Patavii in præsentia in cœnobio D. Marci commorans triennem ferè (quod à Viris Amplissimis ejus Consanguineis accepi) tulerit abstinentiam: aliaque Virgines, quæ referentibus *Fr. Ciresso*, eruditissimoque Fortunio Liceto plures annos nihil plane assumpsere, vitam traxerint, per causas mechanicas

## *Rari ac prope inauditi ex utero morbi historia. 61*

nicis similes exponi posse mihi videtur; nedum enodatè explicari complurium dierum, mensiumve abstinentiæ à *Jos. Quercetano, R. Dodonæo, Valesco Tarantano, Henricoque Sampsonio* observatæ.

Ex proposita Historia, aliisque hujuscemodi ab modo allegatis Rei Medicæ Scriptoribus perscriptis primum omnium constat, haud esse fabulam: homines interdum, mulieresque præsertim, quas uterus diutius malè habet, ab cujusquemodi generis cibis, & portionibus vi adversæ valetudinis abstinentes non duos tantummodo, tres pluresve dies, quemadmodum credebat Hippocrates, (\*) verum etiam complures menses, annosque vitam ducere posse. Hoc illud deinde colligitur; nostræ Aegræ corpus (mirum dictu) pro ratione longitudinis abstinentiæ haudquaquam esse tenuatum; secus ac in Puellis à *Citesio, Quercetano, & Sampsonio* (\*\*) productis, in quibus flaccescens abdomen cum arescentibus inclusis visceribus longissimo jejunio extenuatum ad Spinam collapsum observabatur. Verumtamen de Virgine quadam Patavina nostræ, quod ad abstinentiæ tempus, aliaque morbi symptomata spectat, haud multum dissimili ex *Alexandro Vigontio Medico* narrans ante laudatus *Licetus*, nequaquam eam tabidam, sed vivido colore, & in speciem Sanam extitisse, ait.

*(Venetiis Augustam Vind. d. 28. Junii A. 1726, missa)*

(\*) *Tanta omnibus corporibus spiritus necessitas extat, ut siquidem ab omnibus aliis abstineat homo, neque cibum sumat, neque potum, possit tamen duos, vel tres, & plures dies vivere &c. Lib. de Flatibus.*

(\*\*) *Vid. Ephem. A. N. C. Decur. 1. An. 111, & F. Liceti Libr. de iis, qui diu vivunt sine alimento.*

## OBSERVATIO XXVII.

DN. D. CHRISTOPHORI JACOBI  
TREV.*Enteroscheocele inveterata per Enteritidis alterius  
Mali curata.*

**V**Ir quidam triginta annorum affligebatur Hernia Incesti-  
no-Scrotali sinistri lateris, quam, Puerulus adhuc, ex  
scamno cadens olim sibi contraxerat. Parentes mox  
in Principio mali varia in Usum vocabant Remedia tum sym-  
pathetica, tum chirurgica, Transplantationes scilicet & Fa-  
scias, sed præter succellum optatum. Fuerunt postea, qui  
magnopere deprædicabant Illinitionem Olei olivarum Radici-  
bus recentibus incisis Telephii vulgaris *C. Bauh.* per simpli-  
cem Infusionem Saturati, sed etiam hujus Effectus Pollicita-  
tiones eludebat. Hoc unico Patiens gaudebat solatio, quod  
Tumor Herniosus eandem semper servaret magnitudinem  
Ovo gallinaceo majori similem atque noctu inter Decubi-  
tum quotidie evanesceret insuper vix ullum incommodum  
crearet. His jam assuefactus ante triennium patiebatur du-  
ram Allisionem Testiculi ejusdem lateris & subsequentem  
Tumorem inflammatorium Vasa spermatica simul occupan-  
tem. Tumor hicce Prolapsui Intestini Viam præcludebat  
etsi Patiens obambulare Dolores parvi pendens neque Re-  
medium quærens. Elapsis tribus ferme Hebdomadibus Dolor  
& Tumor Testiculi sponte sua cessabant, à quo Tempore af-  
flictus è Hernia se penitus simul liberatum sentiebat. Hujus  
Morbi per Morbum Curationem confirmat Casus analogus,  
quem ex Observatione Excell. D. D. Christoph. Lud. Gæckelii  
Filii, Collegæ nostri honoratissimi, benevole communicata  
adjungere possumus. Juvenis scilicet quidam viginti anno-  
rum

rum post saltum graviorem mox percipiebat Intestini in Scroti cavitatem sinistram descensum, successu Temporis Magnitudinem duarum propemodum tertiarum spithamæ Partium acquirentem. Hac Molestia per tredecim Annorum Cursum vexatus Fasciis semper uti cogebatur, utpote siue quibus Intestini Prolapsus non, nisi decumbendo, retineri poterat. Anno ætatis autem suæ trigesimo tertio vehementissima corripiebatur Colica spasmodica, gravissimis symptomatibus, Vomitu nimirum atque Tremore totius corporis, ipsas Convulsiones minante, stipata atque sex Hebdomadam intervallo ter recurrente, singula quoque Invasione tres circiter Dies sæviante. Hac demum penitus liberatus Æger Herniam simul evanuisse; ipsum insuper trium jam Annorum spatio, crebra quamvis Equitatione & continuo ferme Motu agitaturn, quicquam incommodi sensisse lætus animadvertebatur.

*OBSERVATIO XXVIII.*

DN. D. CONRADI BARTHOLDI  
BEHRENS.

*Infanticidii Scrutinium.*

## I.

**I**nfantidium proprie committitur in infante, qui vivus in lucem editus est.

## II.

Improprie autem tale audit, si mater improba extremis gravitatis mensibus omnia tentet, quæ foetum vel extinguant, aliaque ratione efficiant, quo minus is vivus in lucem prodire queat, aut si forte vivus lucem aspiciat, mox iterum moriatur. In specie si, quod ante aliquot annos hic accidit, mater

mater saltum violentum trans rivulum agat, aut abdomen arctius premat, ceu exemplo à *Weismanno in Ephemer. Natur. Curios. Cent. 3. obs. 70* adducto pater. Vel abdomen semper lato coriaceo cingulo constrictum gerat, ut in *Aët. Medic. Berolin. Dec. 1. Vol. 4. p. 191.* aut alias per ligaturas constringat. *Ibid. Vol. 9. p. 57.* Quod si ergo prægressis ejusmodi causis infans mortuus in lucem prodeat, nulla arbitror ratione mater ejusmodi conscia ab infanticidio absolvetur.

### III. *Infanticidium vero proprie dictum.*

Infanticidium vero proprie dictum non una ratione committitur. *Primo* si mater impediatur, aut obstetrix negligat, quo minus vasa Umbilicalia recte deligentur, vel potius perperam & malitiose præscindantur, aut violenter dilacerentur, quod ipsum Illustris Facultas Medica Lipsiensis pro vulnere simpliciter & absolute lethali pronunciavit apud *Ammannum. Medic. Critic. p. 455. Zitmannum. Medic. forens. Cent. 2. cas. 20. & Cent. 5. cas. 65.* Eoque casu corpusculum infantis sanguine carens & marcidum interdum deprehenditur, apud *Bierlingium Advers. Cur. Cent. 1. obs. 24.* & quandoque tota sectio infantis incruenta est, *Aët. Medic. Berol. D. 1. Vol. 2. p. 313.*

### IV.

*Secundo.* Si mater in partu se incurvando, cruraque de cussatim intorquendo foetus caput comprimatur, ut in eodem sanguis undique extravaseretur, infansque apoplecticus obeat, qualia exempla *Grubelius in Ephemer. Nat. Cur. Dent. 3. Ann. 5. Obs. 142. & Valentini in Pandect. Medic. Legal. Tom. 2. p. 564.* sistunt. Vel post partum talem capitis compressionem faciat, cujus in *Zitmanno. Centur. 5. Cas. 50. & Bohnio de Officio Medici p. 668.* exempla comparent,

### V.

*Tertio.* Si funiculus umbilicalis collo foetus circumvolutus

lulus strictius attrahatur & foetus suffocetur, ceu *Bohnius l.c.* testatur.

VI.

*Quarto.* Si mater nutrixve fauces constringat, adeoque foetum suffocet, cujus exempla *Schuchmannus in Ephemer. Nat. Cur. Dec. 3. Ann. 1. Obs. 104.* & *Paulinus in Philos. Lust-Stunden part. 2. p. 182.* suppeditant. Quo casu vasa cerebri sanguinea turgida apparent, notante *Wagnero in Nov. Liter. Mar. Balth. Ann. 1699. p. 20.*

VII.

*Quinto.* Si fontanella in capite digitis imprimatur ceu apud eundem *Schuchmannum l.c.* aut acicula cerebello infantuli infigatur, quod per stigma externum detectum fuit, apud *Ekardum.*

VIII.

*Sexto.* Si collum obtorqueatur, caputque luxetur, quod in anatome puelli semestris observavit *Wagnerus l.c. Ann. 1700. p. 272.* ubi vertebræ prima & secunda colli in anteriorem partem sedibus suis adeo dimotæ erant, ut spinalis medulla compressa cruenta ac copioso sero diffluens appareret, vasaque cerebri essent turgida, & pulmones instar suffocatorum solito magis turgidi atque lividiores conspicerentur. In alio infante colli fuggillati ac in diversis locis unguibus vellicati mentionem facit *Valentinus in Pandect. Medic. Legal. Tom. 2. p. 552.* quod tamen, cum sub inspiratione infantis corpusculum non simul apertum fuisset, pro insufficienti signo declaravit Illustris Facultas Medica Gieffensis. Quæ quoque apud *Eundem p. 803.* observatam in infante rotationem colli interiori corpusculo non inspecto pro certo & infallibili indicio violentæ enecationis reputare noluit.



## IX.

*Septimo.* Si ori ac faucibus infantis linteamina aliaque infarciantur, isque suffocetur.

## X.

*Octavo.* Si mater stylo acuto per vaginam & cervicem uteri immisso, & secundinas iisque conclusum embryonem trajiciat, cujus exemplum sistit *Brendelius Ephemer. Nat. Curios. cent. 4. obs. 67.*

## XI.

*Nono.* Si mater vel nutrix ebriosa infantem suffocet incubando in accubantem aut lactentem.

## XII.

Recensitis ita modis, quibus infanticidia peraguntur, ad dignotionem eorundem procedendum. Ubi primo statim loco considerandum an fœtus etiam perfectus, & justo tempore in lucem prodierit, cujus immaturi signa ex *Selectis meis physiologicis Sect. XXIV. §. 5.* sunt: Membrorum & corporis ipsius imperfectio, hujusque 1) Rubor, 2) Digiti unguibus earentes, quamvis contrarium hujus aliquando in abortu quinquemestri observatum sit, modo supputatio matris recte se habuerit. 3) Labia ut & aurium inferiores molliculi lobuli deficientes. 4) Bregma valde hians, & crinium in capite absentia. 5) Si in lucem editus, vocem non emittat. *Valentini Pand. Tom. 5. p. 84. Sylvius. prax. l. 3. p. 343. Westphalus Ephemer. Nat. Cur. Dec. 3. Ann. 5. obs. 285. Hartmannus ibid. Ann 4. obs. 84. Zachias Quæst. Med. Leg. Tom. 1. p. 74. & Tom. 2. p. 66. Glockengiesserus Act. Med. Berol. Dec. 1. Vol. 4. p. 82.*

## X.II.

Signa porro violentiæ illatæ facile per se apparent, quibus casibus tamen cutis rubor, contusio, maculæque lividæ hinc inde

inde comparentes violentiam ejusmodi non statim arguunt, cum à contrectatione foetus in partu difficiliore inprimis facile oriantur, teste *Facultate Medica Lipsiensi apud Zittmannum Medic. For. Centur. 6. casu. 62.* ac *Timeo à Guldenkleee Respons. 51.* & sapissime in infantibus qui Epilepsia, apoplexia ac suffocati intereunt, reperiuntur, ex sententia *Facult. Med. Giesens. ap. Valentin. Pandect. Med. Leg. part. 2. p. 603.* Eaque propter *Eadem Facultas ibidem p. 555.* ad quaestionem: an à sanguinis suffusione nigricans & compressa cel contusa ut videbatur cutis in ambabus narium alis certum violentæ mortis signum esset? negative respondit ex ea ratione, quod infans per firmiorem narium compressionem halitu privari ac suffocari non posset, cum eo non obstante ore melius ac naribus respirare potuisset. Conjungenda itaque cum maculis ejusmodi aliæ quoque circumstantiæ, quarum non raro una totam rem variat, ceu quoque ejusdem Facultatis responso *ibidem pag. 595.* maculas hujusmodi partus faciliore, & absque omni difficultate procedens suspectas reddit.

XIV.

Inprimis dignoscendum, an foetus vivus in lucem editus sit, adeoque extra uterum vixerit & respiraverit. Solent cum in finem pulmonem in aquam mergere, qui, si foetus vel semel tantum extra uterum respiravit, propter aërem in pulmone detentum, non submergitur, sed supernatat, adeoque foetus vivus in lucem editus est. Quod si vero foetus mortuus in lucem exclusus fuerit, nec extra uterum respiravit, non quoque supernatat pulmo, sed submergitur. Vexatissimum experimentum vocat *Valentinus in Pandect. Tom. 2. pag. 547.* cum in utramque partem disputatur. Si tamen distincte consideretur, rem non adeo in incerto relinquet. Scilicet pulmones naturaliter debent esse constituti, nec ob mucum vesiculas obviscantem ad inflationem inepti, compacti, adeoque graviores, qualia *Illustrissimus Schrackius Noster in*  

I 2

Ephe-

*Ephemer. Nat. Cur. Dec. 3. An. 1. Obs. 104. Schol. & centur. 2. Obs. 21. juxta cum Dolsio in Ephemer. Nat. Curios. Dec. 3. Ann. 5. Obs. 256. recte monent, & observatione Convulsi in Act. Erud. Lips. anno 1699. p. 51 probatur. Qualis etiam densitatis teste Diemberbroekio Anat. p. 287. pulmones fœtus in utero adhuc existentis, utpote functione sua adhuc carentes, deprehenduntur. Deinde proportionatam aquæ quantitatem huc advocat *Valentinus*, ceu qua non observata, facile errorem committi posse, ex principiis hydrostaticis constet. Atque his duabus conditionibus prægressis, experimentum hoc infallibile pronuntiavit *Facultas Medica Giesensis. ibid. Tom. 2. p. 562.* Ceu quoque re ipsa sic deprehensum à *Raygero Ephemer. Nat. Cur. Dec. 1. Ann. 6. Obs. 202. Schellhasto ibid. Dec. 2. Ann. 3. Obs. 158. Blancardo Collect. Med. Phys. Cent. 5. n. 92. Paullinio, Philosoph. Lust-Stunden. Tom. 2. p. 183. & peculiari scripto, typis An. 1691. expresso assertum à *Schreyero Cizensi Medico*, in quo inter alia pag. 10. pulmones vituli jam putrescentes ac fœtentes tam integros quam in fragmentis aquis innataste refertur. Quod si vero fœtui in partus difficultatibus extrinsecto calidoque adhuc halitus quipiam pro more inspirati fuerint, adeo certi quippiam ex innatatione ejusmodi concludi nequit, uti *Facultas Medica Giesensis* dicto loco iterum respondit. p. 565. An verò vice versa è pulmonibus in aquam subsidentibus æque certo concludi queat, fœtum in utero aut partus viis adhuc hærentem exspirasse adeo clarum non est, ut potius incertitudinem hujus experimenti contraria experimenta *Bohnii l. de offic. Med. p. 662. Ruyschii in Erndlii Itiner. Angl. Batav. p. 82. Schacheri in Nov. Liter. Germ. anno 1706. p. 20. demonstrat.* Ceu quoque incertitudinem ejusmodi supernatationis & submersionis pulmonum plenarie asseruerunt *Facultates Medicae Tubingensis ibid. p. 570. Wittenbergensis p. 583. Giesensis p. 595. Marpurgensis p. 508 & Lipsiensis ap. Zitzmannum* experimenta ejusmodi tantum pro argumento illustrante, nullatenus vero solitario & apodictico admitteren-**

res. Conjungenda igitur simul alia signa, quæ infantem nondum respirasse indubitato evincunt, præsertim in causis vitam & mortem concernentibus. *Waldschmidius Epist. 4. ad Dolaum p. 154.* certius experimentum de pulmonibus proponit, quod suo loco relinquo.

XV.

Vulgo etiam spumositatem circa os ac fauces infantis hunc ipsum vivum à matre suffocatum indicare asseritur, quod tamen indicium etiam insufficiens *Bohnius de offic. Med. p. 672.* ea propter pronunciat, quod in recens natorum ante partum, sub partu, & brevi post partum defunctorum faucibus ac pulmonum vasis trachealibus par spumofitas non raro observetur, eveniens aut ex mucositate pulmonum connata; aut ab aquis secundinarum foetus ora interiora irruentibus atque opplentibus, quales infarctus in plus minus vivis editis etiam reperiri nec mulierculas nostras latet.

XVI.

Umbilicalis tamen funiculus in infante flaccidus & livescens apparens pro indubitato iudicio, quod foetus mortuus in lucem editus sit, pronunciat à Facultate Medica *Lipsiensis ap. Zitzmannum Cent. 4. c. 35.*

XVII.

Deinde quoque in infantibus, qui nondum inspirarunt, adeoque mortui in lucem editi sunt, diaphragma sursum tractum apparet, teste *Blancardo in Cartesiano. Academ. p. 165.*

XVIII.

Non rarò in causa infanticidii mater negat, quod unquam gravida exstiterit, aut infantem in lucem peperit, quo casu & illa convincenda. Et hoc ipsum quidem absque dilatione ac mora instituendum, cum signa partus

prægressi intra paucos sæpe dies evanescent, adeoque si inspectio non statim, & tantum paucis à puerperio diebus effluxis instituat, omnino falsa sit judicio *Welschii* apud *Valentin* in *Pandect.* Tom. 1. p. 58. Et *Zacchias* *Quæst. Med. Leg.* Tom. 1. p. 303. post decem à partu dies signa ejusmodi non adeo amplius conspicua statuit, adeoque nihil quicquam probantia.

## XIX.

Primo igitur loco partium ejusdem genitalium constitutio externa sub inspectionem trahenda, evincuntque id ipsum hiatus cervicis uteri cum œdematosa pudendorum protuberantia, carunculas myrtoides oblitterante apud *Zacchiam* l. c. & Tom. 3. p. 134. & judicio *Facultatis Medicae Lips.* apud *Zitmannum* Cent. 4. cas. 37. & 81. Quibus & clitoridis prominentia ex relatione *Stegmanni* in *Ephemer. Natur. curios.* Dec. 3. Ann. 4. Obs. 112. addenda. Fissura autem illa magna, cujus parietes ab Anatomicis labia dicuntur, parte illa qua anum prospiciunt, in nondum puerperium passis arctius coherent & tensi sunt, ita ut eo ipso spatium illud, quod perinaeum vocatur, latius & longius, fissura autem ipsa versus anum præcipue angustior & arctior reddatur. Ejusmodi vero freni labiorum tensio in puerperio per foetus transitum insigniter laxatur, ipsaque fissura hac ratione anum versus non parum dilatatur, nec unquam post puerperium ad pristinam tensionem redit, ceu *Ravvius* in *Erndlii Itiner.* p. 106. egregie demonstravit. Quæ tamen hic simul de ossium pubis discessu à se invicem vulgo feruntur, falsis hypothesibus & impressionibus niti recte judicat *Welschius* in *Valentini Pandect.* Tom. 1. p. 58. & uberius à me in *Selectis physiologicis* tractata sunt, quamvis in foetu grandiori & partu difficili hoc ipsum negandum non sit.

## XX.

Alterum prægressi partus signum sunt rugæ in ventre existentes,

stentes, assertæ à *Cummeno in Ephemer. Nat. Cur. Dec. 1. Ann. 3. obs. 130.* Licet ejusmodi quid signum certum non suppeditat, cum mulier post superatum ascitem, hydropemque uteri similemque affectum rugosum ejusmodi integumentorum corporis habitum facile contraxerit, de cætero & mente & corpore incorrupta, ut recte *Zacchias l. 3. p. 303.* judicat unde & *Welschius in Valentini Pandect. Tom. 1. pag. 58.* signum hoc reliquis deficientibus omnino frivolum & falsum judicat. Lineam albam in abdomine sublividam in tertium usque à partu mensẽm existere experientia observavit *Dimerbroekius Anat. p. 13.*

XXI.

Imprimis vero ex lactis in mammis præsentia licet serosi adhuc, cum illarum soliditate & turgescencia certius quippiam concluditur, judicio *Facultatis Medicæ Lips.* apud *Zitmannum Cent. 3. cas. 81.* Quamvis enim in responso *Facultatis Medicæ Hassniensis apud Valentinum Tom. 2. p. 601. & Giessensis ibid. p. 629.* dubia quædam circa assertum hoc moveantur, prudens tamen Medicus in renunciando circumstantias sedulo ac solerti scrutamine facile distinxerit, cum nulla unquam demorte hominis cunctatio longior existat.

(*Hildesheimio Augustam Vindel. d. 15. Aug. A. 1726. missa.*)

SCHOLION.

**F**lures quidem foetum aut partum enecandi modos hic depingit Autor Celeberrimus; verum nec in his subsistit inexhausta meretricum astutia, quæ indies novas infanticidiorum artes (si modo artes vocari possint technæ diabolicæ) excogitavit easque sæpe intricatas, & iudicibus multum negotii creantes. Vidimus eam, quæ Gissæ infantulum demortuum in cacabo magno, urina & recrementis scatente, exhibuit perhibendo sibi foetum sub alvi exoneratione, eò excidisse, priusquam obstetricem advocare potuerit. Vidimus quæ



quæ se de ponte cadentem in flumine præ terrore peperisse partumque ab aquis (in quibus inveniebatur) sibi abreptum fuisse obstinate asseribat. Quis hic determinaverit, an studio & data opera, an ex improvilo & fortuito foetus utrobique suffocatus fuerit? Quodsi Medici desuper requisiti vel minimum dissentiant, in mitiorem, ut moris est, partem itur sicque evadunt inquisitæ, accedente cumprimis favore Judicis Criminalis.

Signis verò diagnosticis foetum non tam mortuum quam vivum in lucem editum fuisse demonstrantibus rectè etiam à DN. *Hallensibus* relatus nuper fuit sanguis in pulmonibus stagnans, non obstante, quod funiculus umbilicalis eò caruerit.

Casus sequens erat. Ancilla quædam Elifabetha Dörria Castellis die 27. Jan. A. 1725. eodem die, eadem hora & in eadem camera, in qua Domina ejus pariebat, sub lecto puellam enitebatur eamque sub culcitris abscondebat. Re per sanguinem è lecto effluentem detecta infantulus inspectioni legali committebatur, cujus seq. debetur

## VISUM REPERTUM

**Exteriorum gratia cum Responsis Latinitati redditum:**

Prævia requisitione Dnn. Praefectorum nos infra nominati Medicus & Chirurgus puellam demortuam, abs Elifabethæ Dörria d. 27. h. in lucem editam inspeximus & sub accurata visitatione & sectione corpusculi examinati sequentia observavimus: sc. 1) Foetum quoad omnia maturum & perfectum fuisse, utpote qui 2) externè nulla signa violentiæ illatæ præ se ferebat, nisi quod 3) funiculus umbilicalis tribus fere ulnæ quadrantibus à secundinis abruptus fuerit. 4) Incisis cum cute musculis, ut abdominis pateret cavitas, omnes partes perfectæ sanæ & bene constitutæ observabantur, quemadmodum & 5) Thorace aperto cor, pulmones, thymus &c. com-

completi quidem, pulmones tamen sanguine stagnante reperiuntur, cum pauca quantitate sanguinis extravasati in cavitate pectoris. 6) Cranio remoto cerebrum sanguine suffusum: sicut & supra cerebellum quoque aliquid sanguinis extravasati occurrebat. Tandem solitam probationem cum pulmonibus etiam instituimus, qui aquæ injecti statim ad fundum, deciderunt. Jam equidem pro signo communissimo hoc habetur, quod foetus exanimis in lucem editus fuerit. Ast *Zellerus, Bohnius*, aliique quamplures, celeberrimi Medici, hoc non tantum in dubium vocarunt, sed revera id pro signo demonstrativo haberi indeque certi quid erui nequit. Quapropter secundum partium modò descriptarum conditionem existimamus puellam quæ à stagnatione ac congestione sanguinis in pulmonibus & in cerebro vitam cum morte commutasse, id quod (salvo aliorum iudicio) vi conscientiae attestatur. Cassellis die 27. Jan. 1725.

*Joh. Justus Grav. D.*  
*T. H. Königer Chirurgus.*

## JUDICIUM COLLEGII MEDICI CASSELLANI.

Acta transmissa nos Decanus & Medici omnes & singuli Collegii Provincialis (excepto D. Gravio) perlegimus, maturè ponderavimus judiciumque nostrum conscientiosum de illis seqq. impertimus, quod ad

Quaest. 1) An infans vivus in lucem sit editus?

Respondemus omnino quod non, hocque exinde, quoniam è funiculo umbilicali nulla hæmorrhagia insecuta est, quæ tamen ut causa infantis à partu viventis causa alleganda erat. Adhæc submersio pulmonum tanquam proba ad decisionem concurrens, insecuta fuit.

Ad quæstionem 2) An infans manibus violentis occisus fuerit? nihil positivi statuere nec ita crudè & absolutè asserere possumus.

Quod tandem 3) quæstionem attinet, an sanguis in & supra cerebellum æque ac in cavitatem thoracis extravasatus, ut & pulmonum sugillatio absque violentia externa, cujus nulla manifesta signa extus apparuerunt, fieri potuerint? Existimamus & statuimus, quod tria hæc notabilia producta naturaliter & per se fieri non potuerint, eaque de causa statum quendam p. n. & morbosum exhibeant, ex quo merito & non sine fundamento concludendum infantem in principio vel progressu partus violentiam quandam perpeßum, vitam cum morte commutasse: Quis? vel per quod? à nobis determinari nequit, cum variæ causæ hic concurrere possint. Sign. Cassellis, d. 18. Mart. 1726.

Decanus, Doctores und Prof. Ord. Fac. Med.  
hujus loci.

P. Wolfart, Decanus.

A. Dern.

J. H. Huxholt.

J. C. Wagner.

## RESPONSUM FACULTATIS MEDICÆ HALENSIS.

Postquam amplissima Facultas Juridica h. l. nobis acta inquisitionalia, contra Elis. Döniam in puncto infanticidii, à Judicio Criminali & Scabinis Principalibus Hassio-Cassellanis ad ferendam sententiam sibi oblata communicavit, ut judicium rationale desuper seq. Quæstione :

*An & quomodo infans sub inquisitione inventus vitam amiserit?*

impertiremus, non potuimus non Acta omnia & singula

gula, una cum Relatione inspectionis & addito attestato Medico sedulo perlegere & collegialiter perpendere, hincque unanimis nostra sententia eo tendit, quod infans memoratus omnino vivus in lucem editus & prout verosimile est, per suffocationem perierit.

Licet enim 1) secundum tenorem iudicii à Collegio Medico Cassellano formati, infans qu. per hæmorrhagiam è funiculo umbilicali non periisset, inde tamen inferri non potest, eundem demortuum prognatum fuisse, cum suffocari potuerit, antequam funiculus umbilicalis abrumperetur.

Licet etiam 2) communissimè statuatur, pulmonibus sub recepta proba aquatica demersis infantem neutiquam respirasse, sed in utero materno mortuum fuisse; attamen hæc regula vix ac ne vix quidem universalis est, ex qua omnes & singuli casus decidi possint, in specie autem plane non quadrat & applicari potest, si quando pulmones sanguine stagnante, qualis hic inventus fuit, referti fuerunt, quum manifestum & clarum sit pulmones in suffocatis in aqua submergi.

Econtra 1) solide potius concludere licet, quod cum pulmones sanguine repleti fuerint, foetus vixerit & respiraverit, quia sanguinis unda vasa pulmonum replere non potuisset, nisi primum expansi fuerint, dum, ut constat, sanguis in embryonibus non eò, quo in adultis fit, modo per pulmones è dextro in sinistrum ventriculum, sed per foramen ovale in illum & in arteriam magnam per canalem arteriosum immediate deducatur. 2) Huc accendit, quod infans citò & facile in lucem editus sit. Adhæc 3) omnibus numeris & partibus perfectus, 4) propria Inquisitæ confessione tribus ante partum diebus adhuc vivus fuerit, nec 5) ulla indicia mortis ante & sub partu factæ observata sint.

Quod autem infans hic probabiliter per suffocationem aliquam obierit, exinde cum primis concluditur, quod 1) pulmones & vasa cerebri sanguine summoperè extensa & re-

pleta fuerint, sed & 1) partim supra cerebellum, partim in thorace sanguis extravasatus inventus fuit: urpote quæ consueta confectaria sunt suffocationis alicujus & post mortem in suffocatis ut plurimum occurrunt.

Harum circumstantiarum & momentorum intuitu primo nulla dubitandi causa occurrit infantem hunc absque vita repertum ante & post partum vixisse, abhinc secundo gravia indicia contra inquisitam militant (ut Dn. Jcti dubio procul observabunt) quod hæc ipsa infantulum suum per simultaneam & præproperam suffocationem vitâ privarit, quæ eò magis confirmantur, quod inquisita partum ab initio celaverit, infantem demortuum laciniis involverit & sub pulvinaribus absconderit, sub quibus is inventus fuit.

Quæ omnia principiis Artis consentanea in subsidium juris publicare & pro majori confirmatione responsum hoc sigillo Facultatis consueto roborare volumus. Sign. Hala, die 12. Julii, A. 1726.

*Decanus, Senior & Rel. Prof. Fac. Med.*

Cæterum obluctantibus & sententiæ suæ firmiter inhaerentibus Medicis Cassellanis Acta Anno seq. 1728. quoque Facultatibus Juridicæ & Medicæ Gissensibus transmissa fuerunt quæ ultima Facultati Medicæ Halensi, quoad singula ferè subscribebat.

Difficilior adhuc Casus se truxit A. 1728. cum puella rustica, infanticidii suspecta, quæ infantulum se peperisse quidem confessâ est, sed demortuum & prout adstruit massæ putridæ magis similem quam homini quam in cellâ defoderat. Inveniebatur etiam eo, quem indicebat, loco lintheum sanguine perfusum, cui involverat partum, prætereaq; nihil: observata simul felè in cella oberrante. An felim hanc studio, ut infantulum devoraret, cellæ immiserit? Deus novit! ad minimum ob corpus delicti non inventum usquedum hoc Dn. Judici Criminali magnum faceffit negotium.

*M. B. V.*

OBSER-

*OBSERVATIO XXIX.*

DN. D. JOHANNIS ADAMI LIMPRECHTI.

*De Singulari Sudore post superatas variolas.*

**P**Uella novem annorum, initio hujus seculi nata, variolis corripiebatur, his quo gravius decumbebat, eò minus persuaderi poterat ad patienter ferendum sudorem, qui per alexipharmacā multis Cinnabarinis juncta excitari tentabatur, ægra enim inquieta manibus pedibusque medio hyemis tempore nudis lectum superiorem à plurimis corporis sui anterioris partibus removebat & hac ratione exanthematum augmen impediabat. Morti proxima non ab adstantibus tantummodo, sed & à Medico judicata circa noctis meridiem ad somnum, quem aliquot noctes oculis suis non viderat, se componebat, expergefacta de nihilo amplius conquerebatur, & præterlapsis paucis diebus lecto suo prorsus valedicebat præter omnium spem atque expectationem sanitati restituta, relictis raris variolarum vestigiis, ex quibus in facie sua, postquam quatuor liberorum mater facta est, per pauca conspiciuntur. Solicitis de tam subita valerudinis mutatione locus cubilis occurrit, in quo ægrotantis clunes positæ fuerant, madore ita imbutus ut is per lectos duos plumis satis superque refertos ad ligneam usque cistam, cui lecti impositi erant, penetraret, eamque situ fere obduceret. Hæc humiditas, probe examinatis omnibus circumstantiis, orta fuit ex nimio sudore dictarum corporis partium, in aliis durante morbo inobservabili.

*(Berolino Augustam Vind. d. 17. Sept. A. 1726. missa.)*



## OBSERVATIO XXX.

DN. D. JOH. GEORGII LIEBKNECHT.

De

*Lapidibus figuratis in monte Wetteravia, Hausberg dicto atque hic descripto, nuper collectis.*

**P**Lacuit die V. Martii, elapsis S. paschatis feriis Butisbaccenses in vicinia regiones transire, easque perlustrando oculis, animum paulisper reficere. Quibus se primum objecit mons ille, à Butisbaco unica hora distans, der Hausberg vulgo dictus, cujus radices & pagos viciniore, Nieder-Weichsel, Ostheim, Hohen-Weichsel etc. ob fertilitatem agri maxime celebres, Francofurtum tendentes transire, & montem ipsum ob singularem cacuminis speciem mirari oportet, si modo tales existant, quibus ejusmodi Creatoris optimi opera curæ cordique magis, quam pecudibus, sunt. Cur autem WINCKELMANNUS Hassiacarum regionum topographus haud incelebris, in opere suo Cap. VI. hunc montem omiserit, nec alii de isthoc multum referant, juxta cum ignarissimis scio. Scio tamen hunc amenissimum montis prospectum olim Serenissimum Hassiæ Landgravium atque Principem PHILIPPUM juniorem movisse, ut ædificium, persona principali dignum, ibidem exstruere secum constituerit: sed nonnisi belli tunc furor in causa fuit, cur arcem polygonorum more constructam, & à nomine suo Philippus Cæs dictam, inter viciniore ibidem montes & campos, minus patentes hostium excursionibus, erigere decreverit. Nihilominus hæc montis cacumina Principi laudatissimo semper delectationi fuisse, & hominum memoria, & fodinarum ubivis testantur rudera, quæ visitanda & examinanda penitius

nicius ego iterum atque tertio huc deveni. Attamen singula, ut describam nec præsens locus, nec lapides ipsi permittunt, quos hac vice Venerab. loci prædicti & ad radices montis siti Pastor una cum filio natu majori, Medicinæ candidato dignissimo, obtulit; quare & hos tantum indicare sustineo, & quæ restant quoad montem ipsum, & reliqua lapidum genera & figuras, ibi occurrentes, & mineras & herbas &c. exponere in aliam occasionem reservabo. Occurrit autem primo lapis fissilis, albicans, & interdum partibus nigritantibus permixtus, qui *solarem quasi figuram*, seu radios & strias ex uno puncto prodeuntes, & ad circuli ductum impressas habet, & toties repræsentat, quoties columellæ ita lapideæ transversim velut in articulos separantur. Neque tamen hi ubivis in monte occurrunt, quia non omnes æque fissiles existunt, nec figuræ ipsæ cum iis omnibus conveniunt, quas *WINCKELMANNVS* l. c. fol. 269. in præfectura Hassiaca ad Fuldam fluvium & arcem *Spangenberg* obvias, ita describit, & depingit:

Das Schloß liegt am Wald, auf einem ziemlich hohen Berg, welcher daher der Spangenberg genannt wird, weil er an demselben, wie auch an einem Hügel gegen über, eine große Menge kleiner runder Steinlein gefunden werden, haben alle von Natur ein Bildnus, wie eine Spange, gleich man vor Alters an Schuhen getragen hat; Der Fürstlich Hessische Regierungs-Präsident, Herz Johann Dieterich Graf von Runowiz, hat auf mein Ersuchen, mir eine große Quantität verschrieben, woran bey genauer Untersuchung ich befunden, wie die Wunder spielende Natur sie auf beeden Seiten, nemlich oben und unten gezeichnet. Der ganze Berg ist von solchen Wunder-seltenen Steinen ausgefüllt, daß man ganze Klumpen heraus nehmen, mit seinem Messer zertheilen, und mit Durchschneidung der Figuren, kleine runde Steinlein darinnen formiret findet, in deren mitten ist ein durch und durch gehendes Punctlein, als ob sie durchbohret wären, sind

sind sämtlich Cirkel rund nach Geometrischer Art, theils haben gemeiniglich XII. oder XXIV. Strahlen, oder Strichlein, gleichwie eine Uhr- oder Stunden-Zeiger, das man meynen sollte, als ob sie durch eines Künstlers Hand mit grossen Fleiß also formiret wären, das sie doch von der Natur also zubereitet sind, vermuthlich zu einem gewissen Zweck, oder Wirkung in der Arzney, die uns unbekandt ist, gestalt die sinnreiche und niemals müßige Natur nichts oder wenigstens vornimmt, dahinter nicht etwas besonderes stecke. Ja was noch Wunder würdiger ist, so habe ich drey Wunder bildende Figuren darunter gefunden, als erstlich einen natürlichen doppelten zweyköpfigten Adler, zum andern einen Hahn, und zum dritten einen Türkischen Tulband auf dem Kopff, welche drey vortreffliche Mahler-Kunst-Stücke der Natur, in unbegreiflicher Bildung der Steine in die Hochfürstliche Kunst-Kammer, ich zu mehrer Beurlaubung geschicket habe, 2c. 2c. Quæ verba auctoris integra ideo adponere volui, quia rarius ille occurrit. Sed ad nostrum montem, der Hausberg, revertimur, qui subinde materiam continet nunc ex atro, nunc suffusco splendentem, metallicam; quæ ipsa forte jam olim rerum metallicarum peritos, & laudatissimum *Hassia Principem* movit, ut tales lapides mire splendentes, interius præfertim, & magnam partem sub dio jacentes, usibus suis collegerint. Estque materia hæc dura admodum, nec illi dissimilis, si splendorem excipimus, quam lapides prope Giesam nostram in montosis nonnullis locis occurrentes variique coloris lapillos alios, quasi perpetuo glutine coherentes exhibent: unde non immerito, die *Wurst-Steine*, à similitudine coloris varii farciminum adpellant. Quod gluten olim sine dubio molle in se omnem lapillorum formam recepit, ceu quidem ocularis refert inspectio, accedente vero duritie, illos tam firmiter retinet & firmitus, quam alibi ipsa lapidum materia solet. Hujus igitur materiæ ampla frusta heic occurrunt, istorumque magna copia, quæ firmissima &

far confuse continent *musculitas*, *conchitas*, nunc majores nunc minores striatas & *pectunculitas*. His atque aliis *conchitis* innumerabilibus, parvis & minimis, si finduntur lapides, id quod nonnisi vi mallei fit, majores adhærent, quibus interdum *se-lenita* immiscentur, majores & minores & minimæ, formam terdum oblongam habent & strias inæqualiter surgentes, at utrinque æquales, & obliquo tractu testas repræsentant in-  
 instar Ostrearum, die *Auster-Schaalen*: his porro & *mytuli*, & *pholades* varii generis adsunt cum interstitiis suis. An autem ipsæ conchitæ à glutine suo separari integræ possint median-  
 te fortassis aqua aut alio liquore, id ob temporis rationem experiri hactenus non potui. Magna etiam his insunt fora-  
 mina & cavitates, quæ aperte exhalationum tractus, die *Berg-  
 Witterung*, monstrant; unde, si quis exiguum frustulum vi-  
 tro aquæ pleno injiciet, moxque auribus adplicabit, notabi-  
 lem percipit stridorem, & quidem, si frigida erit aqua, lapis  
 undique cinctus erit bullulis, minus verò in calida; unde  
 facile quis plura poterit colligere phænomena alibi recen-  
 senda.

Interdum massa, quam glutinum vocavi, penitus fere potest separari à conchitis & illis lapillis, quos forte *bucardi-tes* vocant, & *hysterolithos*, notas muliebris sexus prope refe-  
 rentibus. Sed nondum inveni tales ibi in tam magna & no-  
 tabili forma, quam quidem Braubacenses nostri montes ex-  
 hibent, nisi forte tempus adhuc plures protulerit; interea  
 glutinum ejusdem coloris & constitutionis videtur esse cum  
 Braubacensibus lapillis, antea dictis. Notari etiam meretur,  
*Musculitas* & *conchitas* striatos ita in massa, tanquam matrice, di-  
 spersas, nonnullos ambitu gaudere ferrato, quas ideo ad *telli-  
 nitarum* figuras non immerito referimus, modo feliciter à ma-  
 trice separari queant. Ut ut autem satis confuse in prædicta  
 massa tales adpareant figuræ, tamen videntur plurimæ juxta  
 latitudinem se invicem excipere, & illæ quæ profundius la-  
 tent, eo magis separabiles existunt.

Sunt insuper penes me nonnulla frustra, prædicto modo separata, quæ intet complura *conchitarum*, *hysterolithorum* genera indicata, illas subinde *solarium* formas & porro *stellas quinquangulares*, ejusdem cum *solaribus* magnitudinis & rotunditatis monstrant impressas ubicunque radii ex unico centro prodeuntes, suntque versus peripheriam acuti, non aliter ac stellæ ipsæ signantur. Gleich als wann diese mit Fleiß, nach Art eines Stempels oder Pertschaffts in dieser Masse, als in Wachs eingedruckt wären. Quæ formæ intra certas cavitates, interdum sat amplas, adparent.

Ubi præcipuum, quod miror, est in nonnullis durioribus magisque splendentibus frustris cavitatum ratio, quæ insuper pauciores continent *conchitas* maximam partem lapidificatas ita, ut quotiescunque talis per medium frangatur, ibi nigricans punctum in ipso quasi centro adpareat. In his porro conspiciuntur tales cavitates, quæ *conchitarum* plane formam internam habent & strias, imo sæpius animalculorum quasi exuvias quoties finduntur. Id quod tanto magis attendi meretur, quo duriores isti lapides existunt adeo, ut non nisi summa mallei vi conterantur. Habent autem cavitates modo cœruleum colorem, qui ab artificibus rerum metallicorum der Pfauen Schwanz audit, modo nigricantem; qui uterque non potest non esse à sulphureo-bituminosis ardentibus illis exhalationibus von den verschiedenen Berg-Wirterungen.

Ab ejusmodi exhalationibus forte erit ut nonnullarum *conchitarum* superficies plane videatur consumpta gleichsam verwittert, sed ita, ut striæ adhuc integræ existant. Ad eundem quoque modum adsunt cavitates striatæ & aliæ consumptæ, quibus semper ejusmodi animalculorum exuviæ insunt, sed inter spissiora & solidiora semper prædicta lapidum frustra.

Qui primo loco recensiti supra sunt *lapides solaris figura*, *Entrochorum* & *trochitarum* nomine, satis trito, ab *oryctophilis* desi-

designantur. Qui vero *stellarem* quinque angulorum figuram referunt, *Astroita* seu *Asteria* vocari solent. Satis autem exploratum hodie habetur, utrosque nihil aliud esse, quam *stellatarum marinarum* (quas à ramorum multitudine & amplitudine cinata, *Medusa capita* appellant) dissolutos articulos. Et illorum quidem lapillorum omnis generis phænomena & innumeras figurarum varietates incredibili studio & mira felicitate luculenter ex posuit *Mich. Reinhold. Rosinus* Munda Saxo, in eruditissimo prodromo de *Lithozois*, olim *marinis*, nunc vero *subterraneis*, sive de *stellis marinis*. Hamburgi 1719. in 4.

(*Gießsa Augustam Vind. d. 2. Sept. A. 1726. missa.*)

# OBSERVATIO XXXI.

DN. D. RUDOLPHI AUGUSTI  
BEHRENS.

## *Cephalea ab hydrope ventriculorum cerebri, causa autocheiria.*

Certum omnino est ea cadaverum humanorum anatomica inspectione, quæ administrandæ justitiæ gratia à medicis & chirurgis fieri debet, nihil facile circumstantiarum ratione radiosius & conscientiæ simul intuitu periculosius esse. Ad primum enim quod attinet, certe eadem ut plurimum in locis minus ad tale negotium aptis atque commodis, brevi temporis spatio & renitentibus atque reluctantibus cognatis, ut reliqua taceam, fieri solent. Posterius vero si spectas, quam facile accidit ut aut iniquum rei patrocini-um suscipiatur, aut insons supremo afficiatur supplicio, utrinque sic sæpius periclitante honesta medici judicantis existimatione. Interea cum hodie apud nos paulo infrequentius occasiones rimandi humana cadavera sese offe-



rant, vel hoc ipso quādam jucunditas his molestis alias & suspensa quasi manu peragendis occupationibus conciliatur. Ne dicam, quod interdum hac occasione professoribus curiosis quādam antehac plane non aut parum observata phænomena occurrant. Hoc ut exemplo confirmem, enarrabo quid mihi his diebus cadaver jussu Magistratus urbani secanti sese obtulerit, & totam rem inde à principio repetam. Fœmina infimæ conditionis quadraginta circiter annorum ab immani capitis dolore diu gravissime afflicta, & nonnunquam, ut vicini retulerunt, illius acerbitate in amentiam, & furorem quasi deducta, die quarto septembris anni præterlapsi media circiter nocte è lectulo mariti clam sese subducit, domo egreditur & posito ante vicinum puteum vestimento, in eundem sese dat præcipitem atque pedibus insistens, summo diluculo exanimis offenditur & extrahitur. Re ad magistratum delata, mihi committitur ut cadaveris dissectionem instituiam & de genere & causa mortis nec non utrum viva vel mortua in puteum esset aut delapsa aut projecta decernerem, præcipue cum rumor esset in illa vicinia die antecedente maximam contentionem inter maritum atque uxorem fuisse. Pomeridianis igitur horis negotium aggressus, deprehendi primo in habitu externo nullo violentiæ illaræ sed & nulla aut prorsus obscura convulsionis, quæ suffocationem comitari solet, signa. Interiora autem pectoris cum scrutarer paulo quidem fiebam certior de suffocatione: ast non dum poteram satis dijudicare quibus ex causis mors illius fœminæ tantopere esset accelerata ut nullum quasi reluctantis naturæ indicium in illius corpore conspicerem & vel levissima opera suffocata esse videretur. Sed mox capite aperto apparuit, nam cerebri vasa undique erant sanguine turgidissima & ventriculi cerebri anteriores ita sero sanguineo repleti atque distenti, ut illud cum impetu simulac cultri apex eo pertingeret, statim prosiliret. Non potui igitur aliter judicare quam quod illud serum ventriculos cerebri mirum in modum distendens

stendens, non solum excitato gravissimo capitis cruciatu verum etiam ipsa sua pressione miseram foeminam in melancholicum furorem deduxerit, ipsamque mortem gravi illa in lapsu commotione, & necessaria capitis ad parietes purei allisione accedente, mirum quantum acceleraverit. Ut vero fontes illius humoris detegerem protraxi ex illis undis ipsum choroideum plexum, non dubitans ex illius vasis præternaturaliter sese habentibus illum transfudasse, neque me fefellit opinio, nam lateribus vasorum illius, hinc & inde parvæ hydatides, aquæ guttas æmulantes, adhærebant, & talibus successu temporis ruptis, procul dubio lymphæ illa cerebri ventriculi erat instillata.

Torus dereliquo plexus choroideus digitorum tactu granulatus videbatur; hinc ego non dubitans, me cerniturum illa corpuscula quæ à nonnullis celeberrimis anatomicis pro glandulis plexus choroidei fuerunt reputata, iudice autem oculatissimo in anatomicis *Ruysschio* mere præternaturales illius sunt hydatides, bonam illius partem mecum abstuli, ut domi eandem oculo armato considerarem, sed die deficiente istam contemplationem in posteram lucem differre & plexum istum interea in aquam frigidam recondere coactus sum.

Altera autem die cum negotium aggrederer, conspexi pariter clarissime sic dictas glandulas retis mirabilis puras esse minimas hydatides, glandularum quidem faciem primo intuitu mentientes, facile tamen si accuratius consideraveris pelluciditate sua sese prodentes. Neque minus conspexi bene multos minimos vermiculos pediculorum facie, pedibus anterioribus rostrisque ruberrimis instructos istum plexum perreptantes, certe jam pridem apud *Bartholinum* in Historiis anatomicis vermis majoris in cerebro generati facta est mentio & pariter à *Rolfincio* in Dissert. Anatom. l. a. cap. 13. memorabile exemplum vermiculorum pariter in cerebro, sed prope nates & anum hospitantium & rebellem capitis do-

lorem nullis præfidiis expugnabilem excitantium produ-  
citur.

Similes casus plexuum choroideorum glandulorum,  
& ventriculorum cerebri lymphæ repletorum passim jam sunt  
annotati. Præter allegatum *Ruyfchium* in Epistola anatomica  
duodecima talis quoque legitur in *Miscellan. Societatis N. C. Dec.*  
*III. Ann. IV. Obs. LIX* & hinc & inde apud *Bonetum* in sepulchre-  
ro. Quod vero præter intolerabiles capitis cruciatus & va-  
rios alios affectus, ut ex iis Observationibus, quas *Bonetum*  
l. a. collegit, clare pateat miseros quoque patientes à tali ma-  
lo in melancholicos affectus præcipitari posse, laudatus *Ruy-*  
*fchius* l. a. innuit, scribens istum virum in cujus capite post  
fata simile habuisset spectaculum licet omni bonorum varie-  
tate abunde frueretur, tamen falso paupertatis imagine delu-  
sum se Iro egentiores credidisse.

### OBSERVATIO XXXII.

DN. D. RUDOLPHI AUGUSTI  
BEHRENS.

*Purpura non rite ad finem decurrentis variae  
successiones.*

**V**Ocabar exēunte vere ad puerum decimum vel undeci-  
mum ætatis annum agentem, febre acuta exanthe-  
matica, pro more nostrorum hominum tardius semper  
medicum advocantium, jam per aliquot dies decumben-  
tem. Leni autem dato diapnoico remedio, prorumpēbat  
cum agrotantis levamine per universum corporis habitum  
purpura, dubio omni procul totius morbi scenam clausura,  
nisi imprudentia parentum longe alium morbo faciem indu-  
xisset. Nam quamquam sedulo eos admonuissem, ut ægrum  
in aëre temperato & plusculum saltem calido servarent, ta-  
men

men illi, neglecto hoc consilio quadam vespera, morbo jam ad finem properante, cum torrefaciendum illis esset frumentum ex quo cerevisia coquitur, id quod fornacis ope apud nos fieri consuevit hypocaustum quo inclusus erat æger tantopere calefaciunt, ut illud vel sano homini vix fuisset tolerandum. Hinc etiam disparuit citissime omnis noxia materia in cute hærens, iterumque intus abrepta est sanguinis effreni motu in corpus, ægro interea in profundum soporem delabente, ut animam eundem brevi efflaturum existimarem. Sed quem vitæ finem iste sopor afferre visus erat, altera luce enormis narium hæmorrhagia, maximo cum impetu prorumpens, afferre videbatur neque illa prius cedebat nostris medicamentis, quam convulsivi præsto essent artuum motus. Illico autem ista vix sopita parotidum in utroque latere maxime dolorifici tumores, jam semel à me purpura non rite procedente observati, aderant & ægro meo non tam dolore quam etiam successu interitum iterum minitabantur. Nam cum discuti illi non possent verum potius ad suppurationem summo cum dolore tenderent, & brevi tempore intra aures essent ruptæ, tantam profuderunt intra aliquot septimanas serosæ materiæ copiam, non multum interea diminuto febrili calore, ut valde dubitarem me ex lenta atque hectica febre ægrum meum extricaturum. Sed cum ipsi infusum theiforme vulnerarium propinasset, iterum immutata est morbi facies, & nescio an hoc remedio natura reliquias materiæ mortificæ ad alium depulserit locum, vel alium occultum in corpore hostem debellare voluerit. Nam aurium quidem fluxus brevi cessavit, sed successit mox aliqualis lumborum dolor & magna urinæ reddendæ difficultas. Ejus igitur symptomatis causa cum lotium paulo penitus inspicerem summa cum admiratione deprehendi, quod fundum vasis magna copia veri sabuli nephritici occuparet, cujus cum intra aliquot dies, vel integram unciam reddidisset, tali excretionem sensim cessante, convaluit demum per Dei gratiam

meu-

medicamentis à me ordinatis aspirantem, & nunc optima frui-  
tur valetudine,

(Brunsviga Augustam Vind. d. 23. Sept. A. 1726.  
missa)

## OBSERVATIO XXXIII.

DN. D. WOLFFII HEINRICI  
SCHREY.

*Sugillatio labii inferioris & menti singularis.*

**V**IRgo quædam nobilis, delicatula & elegantissimæ for-  
mæ, faciei tenellæ, crinibus oculisque nigellis ornata,  
Temperamenti ex Melancholico sanguinei, quæ hypo-  
chondriacos interdum affectus passa est, omnes, vel ex ira vel  
terrore ortas alterationes animi in corpore etiam ita sensit,  
ut ex tempore alterationem insequens orgasmus sanguinis  
atque spirituum ad labium inferius & mentum ascendens  
Cuti Musculum levatorem & depressorem labii inferioris te-  
genti pauca cum intumescencia colorem atro purpureum re-  
liquerit, ac si notabilis & rustica huic tenellæ inflicta fuisset  
alapa, imo, prout sugillationes solent, color purpureus, ela-  
pso tertio die vel quarto, in viridescentem commutatus post  
sextum aut septimum diem in sulphureum descendere tan-  
demque evanescere semper consuevit. Notetur adhuc:  
quod affecta nunquam miserit sanguinem, tamen quotidiano  
victu lauciori sit usa; hinc plethoram in causa esse judicavi,  
in specie, cum tempore catameniorum ira aut terrore  
afficiebatur. Virgo dicta nobilis orgasmum quidem cum alle-  
gatis symptomatibus, sed gradu multo debiliorem nullius-  
que durationis est experta, suasor exinde fui, ut sæpius misso  
sanguine victuque tenui plethoræ resisteret. Virgo vero, hoc  
appetitui contrarium, illud morti simile habens consilium,  
omnem

omnem post alterationem notabilem, hunc mihi aliisque rariorem visum affectum perpeti decrevit.

*OBSERVATIO XXXIV.*

DN. D. WOLFFII HEINRICI SCHREY.

*Anatome hydropici.*

**H**Ydropem curatu difficilem pronunciavit schola Salernitana, & experientia magistra observavi & ego hydropis causam nullo modo explorari, multo minus removeri potuisse. Ex multis allegabo exemplum pueri cujusdam septimum viventis annum, qui purpura antea benigna infectus, felici atque facili negotio ab illa liberabatur, stragulorum statim ut pueri solent, pertusus, in vetitum nitebatur & aërem cum commilitonibus liberum quærebat; factum est, ut in hydropem inciderit puer cum cordis palpitatione & pulsu celeri, tamen debili juncta. In causam morbi inquirens intempestivum aëris usum impune accusavi quidem, tamen me judicando errasse postea sum expertus: elapso enim octiduo, puer mortem passus, & ad genuinam hujus hydropiseos causam indagandam, mortuus scalpello meo anatomico est subiectus. In infimo ventre, excepta lymphâ, non adeo copiose in abdomine contenta, folliculo fellis aqua turgescente, & hydatidibus fabæ minoris magnitudine circa glandulas mesaraicas observatis, cuncta abdominis viscera ne quicquam præternaturale, nedum lethale inferebant. Aperto vero medio ventre, prosliebant limpida nullius ferè odoris libræ quatuor, pulmo dexter totus quantus apparebat sphacelatus, sinister maculis tantummodo sphacelum indicantibus hinc inde notatus erat. Cor stupendæ magnitudinis adulti superabat formam, cujus auricula sinistra ovi gallinacei magnitudinem æquans sphaceli colorem monstrabat. In ventriculo



tandem cordis sinistro vera hujus hydropis causa propendebat. Polypus nimirum, circa valvulas semilunares accretus, ad curvaturam Aortæ ascendens, crassitie digiti minoris pueri, longitudine quadrantis ulnæ, qui stupendus occlusor sanguini per Aortam circulanti vix calamo stramineo transiendi reliquerat viam. Sic me quidem in percontanda morbi causa errasse, tamen, relevetur ut æger, in potestate mea haud positum fuisse sectione manifeste edoctus eram.

## OBSERVATIO XXXV.

DN. D. WOLFFII HENRICI SCHREY.

*Pueri insolita Magnitudo.*

**I**N Provincia Anhaltino-Cothenensi parens quidam, longitudine vix ulnarum duarum & semis, corpore emaciato, uno verbo exiguæ staturæ vir cum uxore mediæ corporis formæ nec deformis faciei, filium genuit natu secundum, qui à prima statim puericia magnitudine & crassitie monstrosam sese præsticit. Annum postquam vixerat secundum, hasta juvenili jamjam, hinc & inde crinibus ornata instar juvenis annum decimum quintum aut sextum viventis erat armatus. Nunc quinto elapso ætatis anno longitudinem duarum ulnarum & quadrantis superat, crassitie excedit patrem, genitalibus plus quam virilibus instructus, pollutiones, testibus stragulis, patitur nocturnas; robore corporis gaudet admirando, nec animus deficit heroicus; voce quali tonante adstantium replet aures, quæque proponit minus absurda & indeliberata resonant, hinc eum ingenio atque judicio non ita vulgari (uti plerumque in ejusmodi monstrosæ magnitudinis hominibus contingit) instructum quilibet judicat, appetitus adæquatus corporis moli, in voracitatem fere degenerat, somnoque nocturno æque ac diurno delectatur eximie. Princeps Anhaltino-Cothenensis curiositate commotus hunc exiguæ statu-

staturæ parentis filium, in pueritia virum accersere jussit, sibi-  
que persuasus ad Enakim eum aliquando accessurum paucis  
hunc annis puerum, molis quantitate virum afficit clemen-  
tia, majoremque se crescente corpore & mente in eum deriva-  
turum promittit clementissime.

(*Delitio Aug. Vind. d. 20. Oct. A. 1626. missæ.*)

OBSERVATIO XXXVI.

DN. SIGISMUNDI JACOBI APINI.

De

*Caussis nondum finita controversiæ: An bruta ha-  
beant sensus & Rationem?*

**D**UO sunt, quæ de Brutis in Naturali Philosophia disce-  
ptari solent: unum de *Sensu*, alterum de *Ratione* bruto-  
rum. Quando enim manifestum atque clarum esse  
omnes fatentur animalia bruta à corporum externorum con-  
tactu, lucis, aëris, halituumque odoriferorum impressione  
varia, diversimode affici, idque diversis corporis motibus  
ostendere, quibus sanguinis etiam motus respondeant; de hoc  
tamen non satis convenit inter eruditos, an per sympathiam  
& antipathiam operentur? (a) an mechanica quadam ac-  
avtomatica ratione omnia peragant? (b) an vero in iis ali-  
quid sit, quod diversos corporis motus percipiat, & rursus  
varios motus in corpore excitet? quo ultimo admissio, *brutis  
omnino sensum & aliquam rationem concedendam esse* plurimi re-  
centiorum Philosophorum intrepide asserunt, ita tamen ut  
multa resideant dubia, quæ nisi è medio tollantur, in infini-  
tum hac de re & sine omni successu disputari possent nemo non  
videt. Digna itaque nobis visa est hæc materia accuratiori  
disquisitione vel ideo, quia me genuinam invenisse causam

M 2

puto,

(a) Ita delitavit superiori jam seculo *Gometius Pereira* in vasto illo  
XXX. annis à se elucubrato *Antoniane Margaritæ* opere.

(b) Cujus sententiæ est *Cartesius* cum sequacibus.

puto, *cur tam diversa de anima belluarum sententiae circumferantur?* Quæro autem 1) hanc liris causam potissimum in eo, quod illi etiam, qui optime de Sensu & Ratione brutorum loquuntur, sufficientibus hactenus argumentis fuerint destructi, quibus assertum de ratione brutorum satis probarent, hincque facile à contraria parte petitionis principii sint accusati quasi ex falso aut incerto principio, falsam hanc &, ut multis videtur, impiam deducerent conclusionem: *ergo bruta habent rationem.* Ostendam hoc ex recentissima & ad evolvendas brutorum animantium expeditissima sententia, cui & ego, de veritate rei plene convictus, subscribo. Est enim vero nulla naturali hominum judicio accommodatior sententia hac ipsa quæ *spiritu quodam humane menti analogo regi bestiarum corpora statuit.* Probari solet hoc assertum ex comparatione instituta inter corpus humanum & belluinum, atque exinde concludi: si in corpore belluino, æque ac humano, similis structura interior, motus, appetitus, generatio, accretio & nutritio observatur, sequitur, simile utrisque inesse actionum principium. Atqui in eo, prouti facile animadverti poterit, neque sibi neque aliis satisfaciunt, quod non exemplis ab actionibus brutorum desumptis affirmata confirment & rite applicent. Venit autem hic defectus exemplorum, si dicam quod res est, ex negligentia aliqua, observationum necessario instituendarum. Licet enim quotidie homines brutorum actiones videant & sæpius etiam mirentur, paucissimi tamen eo perveniunt, ut accuratius attendant, ex quo principio hæc vel ista actio provenerit? an naturalis causa de ea possit dari? an consuetudine hoc vel illud fecerint? & quæ sunt alia. Imo denegantes brutis rationem in ejusmodi erumpunt verba: *Das Thier führet sich ja auf, als wenn es einen Verstand hätte,* qua ipsa dubitandi formula contenti, non inquirunt, an recte sint locuti & num ratione actio ista à bestia sit commissa. Patet igitur, quod posteriores ex prajudicio aliquo autoritatis à pueris implantato, ne-

to, negent, quod bruta habeant rationem; priores vero, qui spiritum, menti analogum brutis tribuunt, non satis observent brutorum actiones, ut ratiocinia sua inde colligant. *Secundam litis causam* hanc esse statuo, quod Patroni sanioris sententiæ non genuinum huius spiritus menti humanæ analogi conceptum adversariis suis ostendant, qui bestias semper *passive* se habere, nunquam *active* autumant. Non autem credimus à Deo vivo aliquid fuisse conditum vitæ experts, sed potius statuimus, quod quemadmodum mens nostra agat cogitando, patiatur cogitationes recipiendo, ita spiritus memoratus pariter agat se aliaque corpora movendo, patiatur impetum ab aliis sustinendo. Quo posito, possumus brutis assignare spiritum menti humanæ analogum, qui differat ab anima hominum spirituali, activitate tamen sua, quanta ad regendum corpus bestiarum opus est, cum illa conveniat. (a)

Facile sic evitari poterunt exceptiones, quas de defectu sermonis, de necessaria præsentia imaginis divinæ, de capacitate moralis disciplinæ & immortalitate tanquam absurda proferunt ex altera parte, de quibus vero omnibus nunc non dicam, quia alia occasione de hac materia ex instituto dicendi occasio nobis suppeditabitur.

*Tertio denique loco & hoc monemus*, quod argumentum omni exceptione majus à comparatione cum anima humana certo modo petitum, à plurimis hætenus fuerit omissum. Quod si enim vero sentientes concludunt à structura interiore corporis humani & belluini, cur non etiam comparationem instituunt inter animam hominis & brutorum? Nam I.) certo certius est & omnium Philosophorum consensu confirmatum, nos nescire quid proprie sit Anima. Certe si hoc esset clarum, non tot infelices Philosophorum de anima

M 3 erro-

(a) Es hat also ein Ochse einen Ochsen Verstand/ eine Katz einen Katzen Verstand & sic porro h. e. habent omnia animalia rationem proportionatam suæ essentia & conservationi.

errores, non tot incerta de natura mentis pronunciata, non tot anxie humanorum judiciorum de illa suspensiones superessent. II.) Et hoc veritate sua constat, nos nullius rei magis esse conscios, quam variorum in nobis actuum atque operationum, & quando sentimus, intelligimus, cogitamus, ratiocinamur, volumus & libere eligimus, necessario in nobis subnasci conclusionem, aliquid in nobis esse oportere, quod istas operationes in nobis producat. Concludo ergo ex his omnibus: si animæ nostræ essentia à priori nobis ignota est, idem quoque de anima brutorum esse statuendum; 2) si ex operationibus diversimodis ad id esse spirituale animæ nostræ argumentamur, eodem plane jure fieri id posse ex contemplatione actionum brutorum, quanquam ideo non statim ad immaterialitatem provocandum sit. Et si etiam adversariis concederem, fluere omnes istas operationes ex mechanismo aliquo ceterum omni principio libero agente esse destituta bruta; tunc necessario mihi concedendum erit, operationes hominum à simili mechanismo dependere, & hominem sublimius aliquod animal, quia una eademque structura corporis in his & illis deprehenditur. Quemadmodum vero non licet ad illam Atheisticam conclusionem descendere & dilabi; ita etiam absurdum erit sola animalia bruta à principio aliquo agente excludere. Machinam corpoream, ut in hominibus adesse largimur; principium vero movens mechanicum esse negamus, quam diu certum est, nullam machinam, à principio movente mechanico dependentem, positis requisitis moventibus, posse agere vel non agere. Plura vero imposterum afferemus exempla, animalia bruta iisdem plane præsentibus requisitis moventibus posse agere & non agere. Et ut salivam saltem negantibus moveam, provoco ad canes, qui jussu domini accedunt, interdum tamen iisdem plane verbis, sono, ac gestibus adhibitis, nihil minus faciunt. Dicant nunc mihi Mechanismo faventes, ubi sit illud principium mechanicum eodem semper modo agens, vel quid impediat, quo minus

minus agat? Hæc omnia igitur mecum plus vice simplici considerans, non vereor meam de *sensu & ratione* brutorum sententiam his propositionibus includere.

1) Bruta habent rationem sive spiritum menti humanæ analogum, quo reguntur, intelligunt & volunt.

2) Bruta habent sensus per quos res extra se positas percipiunt, & ope mentis, dijudicant & de illis ratiocinantur.

3) Brutorum essentia animæ æque ac nostræ à priori nobis est incognita, ex operationibus tamen diversimodis dijudicanda.

4) Brutorum anima potest statui materialis aut immaterialis, ut nihil absurdi, quodcunque etiam eligatur, inde sequatur.

5) Brutorum animæ an in æternum sint mansuræ ut monumenta perpetua omnipotentiae & sapientiae Dei non audeamus definire, quanquam negativa S. literarum magis corroborari videatur, interim si velit quis affirmare, sine conscientiae scrupulo fieri possit.

Sed dicis, quid utilitatis inde emergit, etiamsi satis clarescit evictum, quod bruta habeant sensus & Rationem? Paucis me expediam, ne limites observationis transgrediar: Facit hæc cognitio 1) ad præstantiam hominis cognoscendam præ bestiis. Licet enim bruta gaudeant ratione, homo tamen in longe eminentiori gradu exercitium rationis habet. 2) Facit ad mores hominum corrigendos. Quod si enim videmus, bestiam convenienter naturæ vivere, colligere in æstate victum &c. multi certe, qui deteriores bestiis vivunt propter intemperantiam suam, ad pudorem & meliorem frugem inde redigi poterunt. Tertio denique controversia ista diu multumque ab Interpretibus Juris Nat. agitata, *an brutis officia sint præstanda?* per hanc cogitationem adeo facilitabitur, ut dubia hinc & inde facta sponte sua cadant & suam probationis vim amittant. Plura alia commoda ex hac doctrina resultantia brevitatis studio omitto & finem nunc facio observationis meae.



Ne vero hæc omnia saltem dicta non vero probata quis existimet, peculiarem hac de re cum die & tempore eruditorum examini subjeciam tractatum, hoc modo conceptum, ut 1) exponam quid sit anima? brutum? spiritus menti humanæ analogus? ne ex vocabulis perperam intellectis confusio oriatur.

2) Omnes Eruditorum sententias de actionibus brutorum colligam, ut de illis eo rectius judicari & ad objectiones responderi possit.

3) Quæ nostra sit sententia, exponam, eamque exemplis ab actionibus brutorum petitis probabo, nimirum bruta habere facultatem percipiendi, judicandi, rationandi, apperendi & averfandi, recordandi, affectus amoris, timoris, gaudii, iræ, odii &c. admirationis esse capaces, posse loqui, simulare, dissimulare sicque multa cum hominibus habere communia & habere sensus atque Rationem.

4) Objectiones hinc & inde factas resolvam. Sic eveniet ut sententia, quæ hactenus multorum ingenia in suspenso reliquit, tandem aliquando obscuritate sua liberata in lucem prodeat omnibusque recte sentientibus ex æsse satisfaciat.

(Noriberga Augustam Vind. d. 2. Oct. 1725.  
missa.)

## OBSERVATIO XXXVII.

DN. D. JOHANNIS JACOBI SCHEUCH-  
ZERI.

De

*Juvene Scorbutico drasticis occiso.*

**I**nterest & societatis humanæ & medicinæ rationalis, ut incrementos ubivis fere locorum magis & magis & numero & magnitudine errores pseudo-Medicorum publico pate-  
fiant,

scant, Medici conscientiosi historias tristium eventuum colligant, cum præcipue in finem ut spectaculo tam horrido admoniti princeps & proceres commiseratione afficiantur erga Medicinam theoretico - practicam, rationis fulcro nixam, diu eheu onere Empiricorum & Empiriæ pressam, erga cives atque subditos, quorum vita & sanguis adeo temere profunditur, & Zelo justitiæ amentur contra hujusmodi homicidas, terreantur alii, ne tam facile vitæ suæ & sanitatis Thesaurum imperitis & audaculis impostoribus concedant, & tandem discamus nos ipsi ex aliorum erroribus.

J. J. F. Basiliensis viginti circiter annorum juvenis salino-scorbuticæ dispositionis ante annum & dimidium laborabat ulceribus, in crure dextro varicosis, curatus à Medico decoctis lignorum & antiscorbuticis chirurgo opitulante, & altera quidem vice. Arguere haud difficile erat ex erosione ulcerosa & corporis habitu, posse aliquando diathesin hanc salinam aggredi interna etiam viscera & juvenem præcipitare in phthisin, tanto quidem magis, quod ulceribus clausis exitus fuit spiculis salinis denegatus extra corpus; sub finem Anni 1718. vexatus colica scorbutica cum hypochondriorum tensione & acri dolore. Tractatus per triduum aquis destillatis carminativis domesticis absque levamine, advocatur Medicus N. Cumque assuetus esset Juvenis à sat longo tempore quovis mane haurire spiritum vini, vel ceraforum, cujus usu spicula salina non tantum non fuere diluta, & per emunctoria educta, sed magis accensa & simul cruoris massa inviscata; ordinavit Medicus ad purgandas primas vias portiones cholagogas, sed absque insigni effectu. Exasperatus hostis, non extrusus, secuta per biduum constipatio alvi, quo temporis spatio turbata peccans materia & in motum acta transfundi facile potuit ad massam sanguinis, & viscera nobiliora obruere. Interea temporis tractatus æger decoctis & mixturis antihecticis & antiscorbuticis: secundo die applicatum clystma, dejecta materiæ serosa, biliosa ac viscida saburra.

Rejetti per os vermes undecim; ingenti siti vexatus æger magnam hausit copiam aquæ communis, in qua carbones querni extincti; prolongata ultra spem cura confugit impatiens ad carnificem. Is è vestigio ex urina, ut solet hoc hominum genus prædixit summum vitæ, ni prompte succurratur, discrimen, judicans pro ingenii scilicet perspicacitate, erupturum in sinistro abdominis latere ulcus; exhibuit purgans ordinarium drasticum, rejecta à toto xxi xxi magna materiæ copia, unde levamen sensit æger, mox pulverem candidum purgaturum per diuresin, evasit inde urina crassissima: paucis elapsis diebus, denuo purgavit ægrum successu priori, ut copiosa nimis excretio miserum hecticum præcipitaverit ad mortem insecutam. Postero die 11. Jan. A. 1719. quo assumpsit à medicaastro mundo valedicturus mixturas cordiales, quinta à meridie hora exinanitum misellum corpus, & tot spiculis tum scorbuticis residuis tum medicamentosis, an venenatis? agitarum corripitur diris convulsionibus, primò artuum tam superiorum quàm inferiorum, post thoracis, ut infecura fuerit dyspnœa & præcordiorum oppressio. Hora sexta vocatus Empiricus convulsivos motus sedaturus carpis applicat epichemata spirituosa. Sedata fuerunt feliciter, & ita, ut trihorio post ad plures migraret æger, errorem medici vitâ propriâ luens.

## OBSERVATIO XXXVIII.

DN.D. JOHANNIS JACOBI SCHEUCH-  
ZERI.

*Ex tumore clavicule pendente incautè tractato  
Cancer lethalis.*

**M**Argareta E. 48. Annorum fœmina ante biennium circiter tumorem nacta folliculo inclusum Pyri ad instar ex clavicula sinistra propendentem, confugit post-  
hab-

habitis peritioribus, ad Chirurgum imperitum. Extirpar hic, peritiam suam in curandis affectibus scirrhis & cancrosis abuccinaturus, tumorem scalpello, & passim in victoria reportata Trophæum ostentat tumorem exsiccatum; post autem ægram male tractat, ut vulnus apertum fuerit relictum, caro vicina callosa evaserit, & ex affluxu acrium humorum cancrosa, erosio tubulis profundens Ichorem putridum, acerrimum, coloris flavi, omniaque abierint in pejus. Extirpatio facta sub initium Anni 1718. Eodem Anno infelix Chirurgus miseram ablegat Badam, haud considerans, thermarum harum sulphurearum usu salia acriora adhuc & tandem caustica redditum iri, id quod accidit reapse. Patitur Brachium latusque dextrum Atrophiam, intumescit sinistrum, tubulis ibi clausis, hic distentis. Interim negligenter tractatur & visitatur à Chirurgo, qui hostem in miserum corpus dirum in modum grassari permittit.

Hac consolatione destituta ægra recurrit ad superiores qui commiseratione ducti eam die 26. Jan. A. 1729. receperunt in hospitium leproforum desperatis hujusmodi casibus dicatum. Delata huc & à deputatis inspecta status præsens & miserrimus hic erat. In anteriori & superiori thorace à clavicula tota sinistra ad mammam sinistram, formâ trianguli æquilateri omnia sunt corrosa, ut ossa claviculæ ac costarum superiorum nuda fere jaceant; corrosi & muscoli intercostales, ipsam usque pleuram, per cujus transparentem structuram cordis & pulmonum actio distincte satis observari poterat. Caro marginalis intumescit in dies, corrodenda denovo, cum doloris semper acerbi sensu. Profluit continuo materia ichorosa, lutea, acris, foetens. Respiratio difficillima, erosio musculis actioni huic inservientibus. Pariter & deglutitio. Per totum morbi decursum rarus admodum fuit somnus, raræ alvi dejectiones, appetitus parvus.

Finem miserrimo morbo fecit mors secuta

Die 5. Febr.

N 2

OB-

## OBSERVATIO XXXIX.

DN. D. JOHANNIS JACOBI SCHEUCH-  
ZERI.*Cruris Sinistri Rigiditas ex vesicantium ab-  
usu.*

**D**ominus Josephus Kilianus à Lebenbrunn, Tyrolensis Nobilis ex sacerdote Meranensi, contagio affectus ante 7. circiter menses cruris sinistri erysipelate affectus à Chirurgo Castrensi ita male tractatus vesicatoriis, ut succo lymphatico omni pene extracto, & fibris cum curaneis cum musculosis constrictis infecuta fuerit Tibiæ inflexilitas, & cruris exucca rigiditas tactui ubique resistens. Thermis Aquisgranensibus in cassum usus, ad nostra auxilia recurrens, in Nofocomium receptus, d. 1. Mart. 1719. tractandus foribus, quibus tubuli constricti dilatari, lymphæ fluxus restitui, sanguinis circulatio & nutrimenti affluxus promoveri forte possint.

## OBSERVATIO XL.

DN. D. JOHANNIS JACOBI SCHEUCH-  
ZERI.*Ex unguento Mercuriali Arthritis fixa  
Scorbutica.*

**D**N. Casp. L. conjux ætate A. 1718. Symptomatibus variis hypochondriacis vexata Ingruente autumnno inficitur ob salium ad superficiem cutaneam evolutionem scabie humida, tractata à Medico ordinatio D. Joh. L. M. absorbentibus, sanguinem acrem scorbuticum corrigentibus

bus, ac diluentibus; abstrahere iussa à Topicis. Ast ægra methodi hujus rationalis pertæsa à Maria Buchera Rustica medicatrice persuaderi se patitur ad unctionem cum unguento Mercuriali, quod videbatur constare Axungia porcina cum Mercurio vivo. Hoc remedio bis inunctæ evanuit prorsus scabies, sed mox incidit in dolores ingentes articularum scorbuticos, & membrorum immobilitatem. Cutis, qua parte fuerat inuncta, contraxit nigredinem veluti à fuligine. Detecto errore à medico ordinario, rursus in consilium vocato, restituitur ægra intra 3. Hebdomadarum spatium, inprimis decoctis lignorum absorbentibus, cinnabarinis, saturninis, specifico item antifebrili, quibus lymphæ scorbutica passim in glandulis articularum & cutaneis coagulata fuerat resoluta.

*OBSERVATIO XLI.*

DN. D. JOHANNIS JACOBI SCHEUCH-  
ZERI.

*Ex purgantium abusu Febris Hæctica & mors.*

**D**N. C. de M. - - amantissima conjux per aliquot consecutive annos verno quovis tempore tussi vexata humida, resoluta nempe accedente calore materiâ viscida falsa & per glandulas bronchiorum & faucium expulsâ, ante biennium circiter aliquamdiu degebat in pago editioribus montibus vicino, ubi à rigidiori aëre impedita secretio disponebat Matronam nobilem, ut rediret Tigurum, valetudinem suam curatura, sed nec hoc permittebar gravissimus matris morbus, cui adfistere tenebatur filia tunc virgo. Remittebant nihilominus graviora accidentia, ita ut post matris obitum maritata verno tempore anni 1788. Medicamina sumserit, optimum imprimis effectum sentiens à jusculis antiscorbuticis & pectoralibus ex plantis recentibus. Ingravi-



data æstate sequenti, pro diluendis salibus optimo successu usa fuit 15. mensuris Aquæ Fabarianæ, quam tanto facilius concesserat medicus, quod prægressis remediis liberatam viderit à tussi, febricula, sudoribus graviora minantibus, quæ redibant ingruente Autumno, lymphâ denuò reddita & crassiori & acriori. Horum conspectu nata suspicio ac si medicus ordinarius, mitiori sua, licet rationali, methodo non plus ageret, quam qui ægros expectando curare prætendunt. Advocatur eo inscio Carnifex Schönenbergerus securitate tanto majori & secretiori, quod gravida medicamentorum ordinariorum cursum quiete interpolare prætenderit. Accidit interea temporis, ut septimo mense graviditatis abortum passa inciderit in febrem continuam, revelatum tunc mysterium; comparet in Theatro carnifex. Prostituitur Magistri hujus effato medicina Rationalis, accusatur bilis magnâ copia Matrici insidens: (*Es habe sich die Galle in großer Menge auf die Mutter gesetzt*) aggrediendum esse opus remediis fortioribus, menses esse stimulis validis promovendos, hostem vi expugnandum; propinantur per bidua singula fere drastica; diffuunt tot evacuationibus iteratis fluida, tonum amittunt solida, accenditur febris magis & magis, cadunt vires; paucis ante obitum diebus delirio corripitur Melancholico, quo durante dira omnia imprecatur Medicastro, sortem suam deflet misera. Rebus licet desperatis eo audaciæ procedit homicida, ut unico ante obitum die, facie hippocratica, & aliis pessimi commatis indiciiis aliud longe clamantibus, per animam suam juraverit, periculi adesse nihil. Viscera interiora esse salva, restitutionem fore certam, cujus eventum subito rescidit proximo die secuta mors.

OBSERVATIO XLII.

DN. D. JOHANNIS JACOBI SCHEUCH-  
ZERI.

*Cachexia icterica à Martialium abusu.*

**D**Na. H. - - - 20. annorum virgo per annum nunc & ultra languens à D. O. - - ordinario Cachectica tractatur variis remediis, imprimis verò pillulis ex limatura Martis, vel croco, in substantia, interpolatis fortè alcalinis, ut inde orta fuerit Calx plicis ventriculi altè infixæ ventriculi actionem depravans, extremos glandularum tubulos crispans & obstruens, lymphæ secretionem oppido necessariam impediens, quam degenerationem in calcem suspicatus fui in auxilium vocatus, ex frustulis albidis calciformibus per vomitum & secessum rejectis. Die 8. Junii 1718. accersitus observavi tonum ventriculi cum appetitu dejectum, habitum cachecticum pedes imprimis sub vesperam tumentes, urinam crudam & lymphaticam cum sedimento pituitoso, phlegmatis in massa sanguinea prædominantis, & fibrarum fluidarum indicem, rursus siccam rebellem, & sitim ingentem ex impedita Lymphatici laticis per glandulas bronchiorum & faucium secretionem propter coagulationem inductam liquidis per martialia & imminutam cruoris tum velocitatem, tum fluiditatem, suspicans mox à conspectu pilularum sinistrum martialium in calcem degenerantium usum, materiam in primis viis, ventriculo cumprimis, emollire conatus sum oleosis & cinnabarinis die 16. propinavi hostem in fronte aggressurus, vomitorium blandum ex Oxysaccharo cum Aq. Acac. quo nihil efficiente die 18. exhibui aliud fortius, quod operabatur quinquies per vomitum, & ter per secessum; die 20. & seqq. ad restituendum simul tonum fibrarum, & materiam ulterius  
cum

tum in primis viis, tum in Massa sanguinis resolvendam, pulveres exhibui stomachicos, quibus intermiscui nunc sal polychrestum, nunc flores salis armoniaci, injungendo simul Infusum Trif. fibr. loco Theæ. 4. Julii & seqq. ultra octiduum copiosa excreta urina, Diabetem simulans, quæ aperuit novum fontem ex abusu chalybeatorum, quod nempe ab adstrictoria horum vi globulis fuerit inducta coagulatio & serum inde veluti expressum, aut uti in lacte coagulato discedens per tubulos renales copiose fluxerit, quamvis hujus resolutioni, & materiæ insimul viscidæ attenuationi manus simul dederit salinorum supra memoratorum usus. Ne vero diabetico fluxu nimium depauperaretur sanguinea massa, viresque prosternerentur, exhibui subinde Tinct. antiphtisicam Gramanni. Interea temporis cogitabam de cura generosiori, & quidem acidularum Mauricianarum, ut materia viscida hinc inde tubulis corporis totius impacta resolveretur, erueretur, & simul tonus fibrarum ex post roboraretur: tingebatur magis & magis urina, continuabat tamen tussis sicca, appetitus fuit exiguus: Non transibant acidulæ pro rata portione assumptæ, fortè quia aquæ per diabetem excretæ prius fuerunt restaurandæ, interpolavi pulveres aromaticos stomachicos cum Sal. polychr. die 23. injuncta cessatio ab usu Acidularum, quod inde à biduo senserit ægra inflationem Abdominis, hodie exhibita potio purg. Jalapina, quæ septies purgavit, semel die, cum iuv. d. 9. Aug. postquam sponte fuerat purgata, exhibui Elixir propr. Redibant inde vires, appetitus, color, menses stimulatî convenientibus emmenagogis.

Hisce remediis liberata prorsus & à Cachexia, & ab imminente hydropè, salvaque evasit.

*OBSERVATIO XLIII.*

DN. D. JOHANNIS JACOBI SCHEUCH-  
ZERI.

*Ex Draſtici uſu diſpoſitio Convulſiva.*

**D**N. S. - - - filia 23. annorum floridiſſimi antea aſpectus, ſanitatis optimæ, *ευσαρκῆς*, Menſe Auguſto Anni 1718. ſuaſu cognatæ à carnifice Schönenbergero ſumſit Emeticum pro more hujus gentis Volmerianæ (hoc namque nomen gentilium in illud antepaucos annos tranſiit) violentum, non eo ipſo duntaxat die, ſed & poſt convulſiones fuit paſſa per vices, & carnis marcorem. Systema nempe nervorum non ſolum ſtomachicorum, ſed totius corporis tum per conſenſum tum à medicamento portione in M. S. rapta fuit à ſpiculis venenatis convulſum, ita quidem ut levi poſtea motu, ex levi terrore, ex. gr. ob ingruentem forte tempeſtatem oborto, illico in motus eruperit terrificos paſſa menſium defectum per aliquot menſes: vocatus ego d. 27. Jan. 1719. ingruente nocte vidi moribus graviſſimis totius corporis, in ſpecie præcordiorum, ſpasmoticis agitatum, quibus obviā iſi ſumis accenſis, & olei ſuccini inunctione, & exhibui mixturam abſorbentem, ſimul & antiſpasmoticam remittentibus ſymptomatibus cochleatim exhibendam,

Die 28. poſtquam noctis partem potiorem tranſegit quietè, manè novus patitur inſultus, mittit urinam citrinam ſanæ haud abſimilem, exhibui lingendum ſubinde looch ex oleo Amygd. dulc. cum cinab. & aliis antiſpasmoticis, herbas item præſcripſi emollientes & laxantes pro pediluviiſ. Tranſigebatur hic dies frequentiſſimis convulſionibus, præcordia imprimis ſtringentibus: ſub vesp̄eram juſſi applicare ſuræ dextræ veſicatorium, & dorſi ſpinam inungere, oleoſis

anticonvulsivis mixturis, addidi ad relaxandas magis fibras. Eff: op. Langelotti; ingruente nocte rediit ad se, mentis alias inops, cessabant symptomata, prodire menses, ordinavi tenuem emulsionem, noctem insomnem fere egit propter dolorem ex vesicatorio.

Die 29. à convulsivis insultibus est libera, fluit vesica, accenditur sitis, fluunt menses, conceditur larga Emulsionis copia, fatigatum valde corpus, ordinatus potus alius ordinarius ex radicibus & herbis resolventibus & refrigerantibus.

Die 30. A convulsionibus libera, alvus à biduo clausa sollicitata suppositoriis.

Die 31. Se habet melius, alvus soluta; redit appetitus hactenus prostratus, fluit vesica, ung. Egypt. irritata.

Die 2. Februarii exhibita portio diaph. c. Mixt. Simplicium quâ liberata fuit ab onere hactenus præcordiis molesto, repetita die 5. unde optimè se habuit, mittens interim urinam cum sedimento piruitoso falso, servata hactenus aperta vesica.

### OBSERVATIO XLIV.

DN. D. JOHANNIS JACOBI SCHEUCH-  
ZERI.

*Ex Emplastrorum incauta applicatione dolores  
Pleurae & totus lateris sinistri.*

**D**N. M. Conjux ante paucos menses virgo, delicatissimæ dispositionis systematis nervosi admodum sensibilis, inde ab aliquot annis conflictata cum variis Rheumatismis, convulsionibus frequentissime & levi de causa erumpentibus, lipothymiis, præludiis Arthritidis, his omnibus aliisve malis vario remedium usu liberata, se cum nihilo

minus gerens seminia phlegmatis acribus particulis biliosis, & salinis intermixti, postquam conjugium init, occasione dolorum dorsi consilium petens à Schönenbergero carnifice, suasu muliercularum quarundam, emplastris obtegi patitur dorsum & pectus ante circiter 6. hebdomadas, inde vero ab illo tempore dolor, isque fatis acutus, occupat pleuram, aliasque partes membranofas sinistri lateris, ad scapulas usque sursum, & abdomen deorsum sese protendentes. Judicavi vocatus die 1. Febr. 1719. in causa esse materiam peccantem pituitosam acribus spiculis foetam, extremos lateris imprimis sinistri tubulos obstruentem. Confirmatus in hoc meo judicio, ex quo de errore commisso, transpiratione per emplastra impedita factus fui certior, & quia querebatur ægra de frigore totius corporis, quod nec lecto, nec mariti amplexu fugari poterat. Exhibui ad resolutionem materiæ & fibras, simul roborandas trageam stomachicam cum Rad. Ari. die 8. vesperi frequentes patitur lipothymias, & nocte insequenti convulsiones totius corporis. Noctem agit inquietam, ordinavi præter mixturas roborantes & antispasticas, potumque ordinarium ex radicibus & herbis Acet. Agrim. sassafras mixturam diaphoreticam, ut ad extrema pellerem materiam peccantem, subsequo quidem æstu, sed nullo dolore diem. transegit debilis, doloribus paulo remissioribus. Est urina tantillum intensior ordinaria, salibus foeta, sperabam venturam febrem intermittentem, & salium viciosorum blandam resolutionem.

Die 10. sub vesperam, ut urgentibus doloribus lateris prævenirem, uncias 5. sanguinis extrahi jussi ex Brachio sinistro: secuta tranquilla fatis nox, diminutio dolorum, virium restauratio, ut diem 11. transegerit fatis benè.

Hoc die 11. consilio inito in Consilio nostro ordinario decretum fuit continuare usum blandorum diluentium, speciatim etiam antiscorbuticorum exhibendorum, vel in jusculis, vel potu ordinario, nec non diureticorum, quod ad vias



ordinarias vergat potius natura, quam ad glandulas cutaneas, ad quas natura ipsa à teneris annis non est disposita. Ad interim non nimium resolvenda salia, ne forte in hecticam prolabatur agra, ordinavi Nasturtium in jusculis, mixturam antispasmodicam absorbentem cum cinnabari: pulveres ex oculis Canceri sal. absinth. sacch. sumendos in sero lactis, commendata subinde julapia acidiuscula, ptisanæ simplices.

Die 12. & 13. à Meridie friguscula sentit & æstus cum pulsu febrili, dolore recrudescente, urina crudiori: latus dolens inungi curavi Ol. lil. Spir. Vin. liliat &c. exhibita mixtura acidiuscula.

Cotinuâtâ hâc curâ à dolore aliisque incommodis liberata, vel quasi.

## OBSERVATIO XLV.

DN. D. JOHANNIS JACOBI SCHEUCH-  
ZERI.

*Ex Venæ Sectionis abusu Amaurosis &  
convulsiones.*

**A**ccidit mense Febr. 1719. ut prægnanti ~~in odore~~ Chirurgus venam aperiret medianam utriusque brachii eadem horâ, ut multum imò nimium effluerit sanguinis. Hinc mox ortæ convulsiones & Amaurosis.



OBSERVATIO XLVI.

DN. D. JOHANNIS JACOBI SCHEUCH-  
ZERI.

*Ex Draſtici uſu Ruptura Oculi & cæ-  
citas.*

**M**enſe Majo Dn. S. filia ex aſſumpto à noſtro carnifi-  
ce Schönenbergero Draſtico vomitibus conſecutivis  
ita jactata, ut oculis protuberantibus alter fuerit diſ-  
ruptus, cœcitate mox inſecuta.

*(Tiguro Auguſtam Vind. d. 7. Dec. A. 1726.  
miſſa)*

OBSERVATIO XLVII.

DN. D. JOH. ADAMI LIMPRECHTI.

*Ophthalmia viſus hebetioris in Sene Cura.*

**A**nno Milieſimo ſeptingentefimo vigefimo quarto à ſalu-  
tifera nativitate Expertiſſimi illius Ophthalmici, qui  
cœcum natum viſu donavit lotione in piſcina Siloë,  
poſtquam ſuper oculos ejus lutum unxerat ex ſputo ſuo in  
terram ejeſto compoſitum, Medicus quidam, qui ætatem  
ſuam ad finem anni ſeptuageſimi tertii ferè perduxerat, cre-  
ſcente autumnno, vehementiſſima corripitur *Ophthalmia*,  
quâ topicis magis quam internis aſſumptis medicamentis cu-  
ratâ, ſenſim viſus ipſi redditur acutior, ita ut Senex iſte, qui  
ultra quindecim annos perſpicillis viſui ſuccurrere coactus  
fuit, jam per hos ipſos undecim menſes, oculis nullo modo ar-  
matis litteras charactere etiam minore expreſſas modo lu-  
men ſolare aut lux artefacta ipſi ſufficiat, absque ulla hæſiratio-

ne legere & ut olim in annis juvenilibus prompte scribere  
valcat.

(Berolino Augustam Vind. d. 13. Sept. 1726.  
missa.)

## SCHOLION.

**I**dem mihi absque præcedente oculorum affectu & sine ullis  
collyriis adhibitis post annum septuagesimum per Dei  
gratiam contigisse restor. Conf. Dec. I. Miscell. A. VIII.  
p. 32. M. B. Valentini.

## OBSERVATIO XLVIII.

DN. D. CHRISTOPH. JACOBI TREU.

### *Phimosis Methodo nova curata.*

**C**ommilitonum quidam academicorum, annos circiter  
vigintinatus, Præputio vexabatur prælongo, cujus hia-  
tus adeo erat angustus ut, pene rigido, glandem denu-  
dare haut potuerit. Hic aliquando ex familiari colloquio  
amici, diu jam probati & medico studio operam navantis, in-  
tellexit, quod huic vitio non alia, nisi per circumcissionem Ju-  
dæis olim præceptam, medela possit afferri, quam si perferre  
nolit, graviora incommoda ipsi forte sint ferenda. Dicto  
audiens miser, ut ea evitaret, cultello se subjecit & amputa-  
tionem præputii æquissimo animo sustinuit, licet cæterum pla-  
cita Judæorum cane pejus & angue detestaretur.

Peracta operatione, Operator de hæmorrhagia nimis sol-  
licitus stypticum in auxilium vocabat pulverem & brevi tem-  
poris spatio ante glandem claudebat vulnusculem, sed præter  
eventum speratum, siquidem cicatrix, cui minus prospexit,  
circuli ad instar callosi indurata hiatum magis quam antea  
stringebat atque retractionem, pene etiamsi flaccido, denē-  
gabat,

gabat, imo in statu erectionis partem glandis anteriorem dolenter strangulabat. His in angustiis Chirurgus, dum saniora Consilia ipsi non succurrebant, voluit vel novam Calli resectionem vel præputii longitudinalem fissuram svadere; Pateriens vero anxius hærens neutrum (hoc, ob notam ancipitis suspitionis futura remansuram & illud, ob infaustum prioris operationis eventum) elegit, sed secum constituit meam quoque explorare sententiam. Mihi autem Callum perscrutanti in mentem venit, præputium partem esse cutaneam, cujus callositas ex nimia deducenda esset condensatione, expansionem probabiliter admissura. Ad hanc itaque impetrandam peculiare excogitavi Instrumentum TAB. II. Fig. III. delineatum. Hoc, ad imitationem circinorum quorundam mechanicorum, in vertice a. elasticam exercet vim (est enim totum è bono chalybe fabricatum) sed crura b. b. habet latiora exterius parum convexa interius concava (Præputio scilicet æque ac glandi accommodata) & ad finem c. c. obtusa, undique vero, ad præcavendam læsionem, probepolita, ad exortum suum insuper crenis d. d. utroque in margine notata, ad medium vero e. e. eum in modum flexa ut in expansione ad parallelum situm accedant ideoque æqualiter premant. Uni ex hisce cruribus firmiter infixa est ergata semicircularis f. per foramen simplex alterius cruris transiens & extra illud cochlea parva g., vim expansivam crurum pro lubitu dirigente, instructa. Hocce itaque Instrumentum cochleæ ope clausum in TAB. II. Fig. IV. &, ne tam facile elabi posset, circa exteriorem crurum faciem linteolo tenui emplastro obducto, munitum, immisi orificio præputii relicto, postmodum vero illud tantum relaxavi; quantum dolor obortus permittebat, & tunc emplastrum quoddam emolliens Callo imposui, Instrumentum vero, filis ad locum Crenarum instructum, fasciæ suspensorii (quale ad scroti deligationem alias adhibetur) lumbos cingenti alligavi & omnia Bursula firmavi. Cessante dolore Pateriens ipsemet progressu temporis

poris semper cochleam Instrumenti usque ad novi Doloris exortum remisit & hacce methodo spatio aliquot hebdomadum callum penitus dissipavit, imo præputium in statum naturalem seu omni tempore retractioni sequacem restituit. Felicem hujus inventionis successum reuli statim ad Celeberrimum *Dn. D. Heisterum*, qui postea in Chirurgia sua cap. de phimosi ejus mentionem fecit & instrumentum mutato tamen schemate, ibidem delineari curavit.

## OBSERVATIO XLIX.

D. D. CHRISTOPHORI JACOBI  
TREW.


*Ruptura Uteri Gravide cum Fœtus & secundinarum in cavitatem abdominis exclusione.*

**M**ulier, trigessimum agens annum, legitimo tempore & absque notabili difficultate, brevi quoque temporis intervallo, mater trium infantum, respectu numeri fac magnorum facta, in lucem edidit primum, puerulum, debilem ac statim exhibitis sacris morientem; alterum, etiam puerulum, mortuum hinc inde præterea tetro colore corruptum, eadem cum primogenito placenta & involucris communibus, Infantes sponte sua mox sequentibus, nutritum; tertium, puellam; placenta ac involucro suo proprio adhuc obvolutum aquis tamen jam orbatum & ad aliquot horas vitam protrahentem. Puerpera vires amissas mox recuperabat & omnia bene se habebant. Anno elapso iterum gravida facta, ex ventre nimis elato quilibet ad minimum geminum partum præfagiebat, ipsa autem, per totum gestationis tempus maximos ventris dolores (quos spiritus vini usu lenire nimium tentabat) passa, funestum exitum sibi prædicebat. In-

stante







stante tempore partus, misera dolores per quatuor sustinuit horas antequam aquæ fluebant, quod matutina hora septima accidebat. Aquarum fluxum mox sequebatur præternaturalis uteri Hæmorrhagia ad quemvis doloris recursum aucta. Pejorem reddidit statum tumor pudendorum ab aliquo tempore ante partum exortus & in partus nisu adeo auctus, ut obstetrix digitos suos difficulter immittere potuerit, quibus tamen laxationem claustrum uteri sufficientem, & in vicinia durum quoddam, caput infantis putatum, detegebat. In regione pelvis supra pubem durities quoque percipiebatur & venter ad quemvis dolorem, debito intervallo subortum, intumebat, mox tamen rursus residebat, sed nulla situs infantis mutatio succedebat & talis status ad alterum usque mane idem manebat, nunc Temporis autem ad quemvis dolorem sanguis quasi ex rivo fluebat & misera hora prima à meridie animam exspirabat. Cognati, culpam obstetrici injungentes veniebant atque petebant ex me ut sectione defunctæ in causas hujus funesti exitus inquirerem. Sectionem aggrediens ventrem depræhendebam valde tumidum & hinc inde, cum primis in regione epigastrica atque lumbari sinistra, inæqualem. Remotis tegumentis communibus ac propriis abdominis in TAB. I. a. a. a. a. statim visui se sistebat brachium & crus infantis in cavitate abdominis collocati; reclinatis porro sursum Omento b. b. & portione intestini coli c. c. c. sequentes in conspectum prodibant partes: d. Brachium infantis dextrum. e. f. pedes g. scrotum. h. Pars anterior corporis. i. pars capitis. k. pars cæci intestini matris. l. l. l. placenta uterina. m. n. o. p. funiculus umbilicalis ad m. ex Placenta oriens, ad n. jugulo foetus incumbens & ad o. volutus, corpori ejusdem intra crura p. accedens. q. uterus ad tactum lapidis instar durus. rr. Tubæ Fallopiantæ & uteri ligamenta. s. s. s. portio mesocoli. Eximendo foetum animadvertebatur illum pedibus utero fortiter innixum fuisse, maxima thoracis parte sub Hypochondrio sinistro

Matris latuisse ejusdemque ventriculum præ se habuisse, Brachio sinistro flexo regioni lienis incubuisse, collum & caput denique suum versus hepar matris impulisse. Extractus fœtus monstrabat caput magnum in sinistro latere expressione acuminatum & retro aurem impressum, apicem linguæ intra labia constricta harentem, oculos tumidos, corpus pallidum, faciem denique sugillatam. Abscisso funiculo umbilicali atque reposito infante examinabatur Placenta, quæ ubique inveniebatur libera, parva portione, uterum respiciente, excepta. Elevato postmodum utero conspiciebatur ampla Ruptura ad partem ejus posticam Intestino recto proximam, & uterus inveniebatur paulo supra rupturam contractus & corrugatus ubique tamen durus. Lacinia rupturæ superior incumbebat placentæ cujus portio in ipsa ruptura firmiter hærebat impacta, attamen non amplius adnata. Extracta penitus placenta cum suis membranis patebat hiatus rupturæ atque per illum conspiciebatur cavitas uteri superiora versus valde constricta, inferiora autem versus penitus relaxata cum claustro uteri ipso satis superque referrato, facili quoque negotio ulteriorem distensionem admittente. Lacinia rupturæ crassitie sua vix lineam superabant mathematicam & substantiam exhibebant summè inflammata vel potius cruore suffusam, reliqua vero seu superior uteri moles dissecta crassitiem pollicis facile æquabat, substantia sua equidem porosa, valde tamen compacta ex rubicundo pallebat, superficie vero externa magis rubebat, nullam tamen inflammationis notam monstrabat, interiori præterea, anteriora & superiora versus, inæquali, vestigia avulsæ placentæ indigirabat. Denique addimus hepar atque liem matris defunctæ ex Hæmorrhagia enormi valde palluisse, sanguinis tamen extravasati collectionem vix notatu dignam in cavo abdominis apparuisse, ventriculum præterea ac intestina prorsus collapsa fuisse.

OBSERVATIO L.

DN. D. CHRISTOPHORI JACOBI  
TREW.

*Funiculus umbilicalis Infantis recens nati prope  
corpus suum abruptus & non ligatus nullum  
inferens Damnum.*

**Q**Uanquam brevior funiculi umbilicalis abscissio inevi-  
tabilem noxam inferre haut censeatur, abruptio tamen  
ejus periculosior habetur (a), neglecta vero ligatio,  
unanimi consensu celeberrimorum virorum pro causa subse-  
cuturæ mortis absolute agnoscitur (b). Interim unus ex Ge-  
mellis, quos mulier pictoris cujusdam Norimbergensis hoc an-  
no feliciter peperit, hæc omnia perpessus, citra ullam Infir-  
mitatem hucusque vivit.

Dicta nimirum mulier, aliquoties jam mater facta, legiti-  
mo partus tempore, media sub nocte, subito partus dolores  
sentiens citoque è lecto surrecta, fellæ cuidam insidens, fœ-  
tum ad exitum properantem propriis cogeatur excipere ma-  
nibus, cum vero nemo obstetrices manus porrigens adesset,  
& alter Gemellorum tantisper adhuc ergastulo suo inclusus  
hareret nec non secundinas communes retineret, perterritæ  
matris incuria funiculus nati abrumpebatur. Parvulus hic  
ancillæ traditus fovebatur quidem Linteis atque Pulvillis, sed  
illa, ulterioris curæ inscia, umbilico prospicere ne quidem  
cogitabat. Interea alter quoque gemellorum una cum se-  
cundinis sequebatur, cum quibus tamdiu servabatur, usque  
P 2 dum

(a) *Mich. Bernh. Valentini* Pand. med. leg.

(b) *Id. ibid. Herm. Frid. Teychmeyer* instit. med. leg. *Mich. Alberti* syst.  
Jurisprud. med. & alii ab his citati plures.

dum obstetrix accersita accederet, quod tamen, tempore tam inopinato, plusquam dimidium horæ elapsum requirebat. Obstetrix, postquam umbilicum posterioris munivit, prioris quoque Inspectionem suscepit, sed attonita vidit funiculum abruptum longitudine sua vix unguem digiti æquasse & absque Ligatione nihil propemodum sanguinis profuisse, sed potius cruore denso obstructum fuisse, quem tamen Ligatura, ægre applicata, ulterius constrinxit, cui quinto die cicatrix optime constituta succedebat. Addendum: huncce infantem quidem præ altero magis palluisse sed illum eundem colorem hucusque retinere & nihilominus pari vigore, quarta jam Hebdomadam præterlapsa, gaudere.

### SCHOLIUM.

**C**ausam, fluxum sanguinis in casu memorato prohibentem, nonnulli quærere possunt in ipsa funiculi umbilicalis structura, in tono scilicet vasorum atque membrana crassissima illa cingente, & hinc concludere hominum fœtus, neglecta funiculi ligatione, haut majora incurfuros fore pericula quam brutorum. Fovi diu jam ipsemet hanc sententiam, plures adhuc ob rationes probabilem, sed dubium nondum solutum mihi moverunt, non solum bini casus ab Excell. D.D. Jac. Wolffio Dec. II. an. VII. obs. 93. annotati, verum etiam analogus, quem mihi retulit matrona quadam honesta fideque digna; illam ipsam scilicet expertam fuisse necessitatem Ligaturæ Umbilicalium vasorum in primo suo quem peperit Filio. Quum enim obstetrix, nescio quo fato, ligaturam umbilici penitus oblita fuerit & parvulum linteis atque pulvillis probe munitum adstanti cuidam feminæ tradiderit, hæc illum per dimidiam jam horam in gremio fovens, animadvertēbatur sanguinem per pulvillos penetrare. Infans hanc ob causam mox rursus denudatus ingentem, respectu corpusculi sui, copiam sanguinis profusi & nihilominus neque tunc temporis neque postea ullam debilitatem manifestabat, tene-

ra tamen conſtitutione ſeptimum jam agens annum fruitur. His tamen non obſtantibus fallax mihi videtur Judicium ex defectu ſanguinis per funiculum effluxi concludens: Infantem mortuum fuiſſe natum, potiſſimum quando infans debita Fomentatione non, ut plerumque in caſibus anſam hujus inquisitionis ſuppeditantibus, fieri ſolet, tractatur, ſed potius aëri humiditatem diſſipanti, ſanguinem coagulanti & vaſa, ad conſtrictionem ſua ſponte nitentia, conſtringenti, aditus (multo magis adhuc ſi cum frigore junctus) conceditur. An vero illud judicium, ſanguinem ſcilicet effluxum, exigua in primis quantitate quandoque notatum, de vita nari ſatis teſtari omne exceptione majus ſit? aut an non pro variatione circumſtantiarum non unam ob cauſam ſanguis infantis mox ante partum vel in partu deſuncti aliquamdiu fluidus manere, vaſa vero laxata (venam hic potiſſimum intelligo umbilicalem) illum dimittere poſſint? Alii judicent.

*OBSERVATIO LI.*

DN. D. CHRISTOPHORI JACOBI  
TREW.

*Fractura Spinae Dorſi partibus inferioribus Paralyſin inducens & alia notatu digna obſervata.*

**I**Ncumbenti mihi Lutetiae Pariſ. ſtudiis Chirurgus quidam monſtrabat vertebraſ lumborum in connexionem ſua naturali ex adulto recens deſuncto deſumptas. Cernebatur prima earum parum luxata, corpus ejusdem fractura longitudinali hiulca penitus ſiſſum & tertiae corpus itidem fractura, ſed ſaltem ſpuria calloque jam ferme conglutinata, tentatum. Referebat mihi præterea idem deſunctum illum ex curru in lumbos ſuos ad aciem cujuſdam trabis cecidiſſe, mox



Paralyfin partium inferiorum cum involuntario urinæ ac fecum effluxu subiisse, huncque miserum statum ad quadraginta quinque dies sustinuisse. Similem ferme casum hic loci quoque anno præterito annotare licuit. Vir scilicet triginta & quod excurrit annorum, prægrandis sed macilenti habitus, cecidit in sylva ex arbore ad altitudinem duarum domus conignationum in caput & mox omnium sensuum expers delatus est ad chirurgum, qui, facta ubique exploratione deprehendebat 1.) in sinistro ossè parietali cranii, paululum supra musculum temporalem, vulnus digitum minorem longum, ad Pericranium quidem pertingens, sed nullam fracturam vel fissuram ossis, quantum patebat, comitem habens. 2) Dorsæ regionem lumbarem & paululum altiore valde tumidam neque tamen sanguine suffusam neque sauciatam. His partibus laxis crebris fomentis chirurgus post celebratam venæsectionem prospiciebat & die sequente animadversus ægrum nec feces nec urinam excernere, me accersebat. Inveniebam ægrum omnium ferè sensuum adhuc expertem, qui tamen interrogatus: num dolores sentiat? respondebat, omnia dolere. Nil valebat movere exceptis capite & brachiis, quibus sæpius tentabat avellere deligationem capitis imprimis recens institutam. Pulsus erat celer & durus, sitis intensa. Curavi tunc temporis Decoctum Hordei cum Passulis, pulverem nitroso-antispasmodicum atque mixturam simplicem Ph. A. R. rectificatam propinari, sacculum vero ex emollientibus & resolventibus paratum cum lacte tepido Regioni pubis applicari. Hæc quidem sequebatur urinæ fluxus, reliqua autem in eodem permanebant statu. Tertia die præscripsi clysmā vesperi applicandum & altero mane reiterandum, sed intentioni haut satis fiebat. Quarta die æger capiebat infusum laxativum Viennense voto respondens, à quo tempore alvus semper laxa, & urinæ excretio libera servabatur, utriusque tamen fluxus inscio ægro peragebatur. Diebus sequentibus in tantum quidem mutabatur status, quod vulnus capi-

capitis sanationis spem faceret, tumor lumbaris ferme evanesceret, & sensuum usus rediret, insuper æger sensim sensimque superiorem corporis partem magis movere & solus se erigere erectumque in sella tamdiu, usque dum lectus mutaretur, servare posset: ast pulsus manebat ut antea, & sitis inextinguibilis, appetitus ciborum depravatus, (nil autem præter juscula ipsi concedebatur,) somnus interruptus quandoque tamen profundus. Urinæ ac fæces continuo & absque ulla sensatione profluebant tam acres ut partes vicinas exco-riarent. Inferior corporis pars cum pedibus erat quasi emortua, siquidem nec digitum movere valebat nec tactum, quamvis etiam acutum, sentiebat, attamen hæ partes non rigebant sed cuivis flexioni facile cedebant, calorem quoque naturalem semper servabant. Hoc in statu interrogatus æger nullos querebatur dolores præter in dorso, ubi tamen omni exploratione adhibita, profundior læsio nunquam patebat. Versus octavam diem tumor exoriebatur in regione hypogastrica ab osse pubis ad umbilicum ferme expansus, sesquipalmam latus & ad duos digitos transversos ex hæmispherico convexus atque ad tactum perquam durus, urinis ac fæcibus interea ut antea profluentibus. Tumor hic fomentis applicatis duritie quidem, sed non magnitudine cedebat. Versus duodecimam diem pituita copiosa & tenax pectus occupabat nonnisi valida tussi excernenda, neque tamen respiratio læsa vel difficilis æque ac antea concurrebat, cui infuso pugillari prospiciebatur.

Brevi post accedebant nonnunquam animi deliquia mox quidem cessantia, sed de die in diem sæpius invadentia frigore atque madore faciei & manuum Pulsusque imminutione concomitata. Decima quinta die tumor Hypogastrii penitus resedebat & mane sequente subito accedebant convulsiones, quamvis haut adeo atroces, attamen mortis instantis & mox subsecutæ Prodromi.

Sectionem corporis eadem adhuc die fuscipiens, abdomen antea tumens & durum nunc flaccidum imo collapsum deprehendebam, quo aperto liquor, colore ac odore urinæ dilutæ subturbidæ simillimus quantitate quatuor libris respondens propullulabat illoque effluxo viscera contenta sequentem in modum conspiciebantur: Omentum ad hypogastricam usque regionem expansum atque ambabus extremitatibus apicibus vesicæ urinariæ fundo firmiter accretum. Venter ac intestina flatibus valde distenta ac lurida gangrænosus porro striis & maculis ubique notata.

Cæcum intestinum vesicæ urinariæ crassissimo vinculo lateraliter adnatum posteriori, qua lumbis accumbit, facie valde inflammatum seu potius cruore suffusum. Hepar pallidum quasi coctum.

Vesica fellea exigua ac ferme collapsa parumque tincta. Lien ejusdem ac hepatis coloris. Renes utroque in latere nulla prorsus adipe muniti sat magni atque aperti liquorem purulentum evomentes.

Vesica urinaria valde expansa attamen collapsa circa fundum tuberculis inflammatis & gangrænosus obsita, posteriori facie foramen, in tunica Peritonæi communi atque musculari ungue majus in nervea vero exiguum saltem, exhibens, ceteroqui tota corrupta, ut digitis facile dilacerari potuerit, aperta circa ossis Pubis nexum livore gangrænosus infecta atque urinæ, liquori in cavitate abdominis contento similis, libram dimidiam continens. Sphincter vesicæ relaxatus digitum minorem facile admittens. Diaphragma versus pectoris cavitatem valde adactum & concavum.

Remoto sternone cernebantur pulmones collapsi & horum lobus sinister inferna sua parte diaphragmati & laterali hinc inde Pleuræ; dexter vero sternone, Pleuræ, mediastino, Pericardio atque diaphragmati ubique adnatus ac insuper superiora inprimis versus inflammatus nec non cruore perfusus. Vasa sanguifera in pectoris & abdominis cavitate con-

conspicua valde tumebant aperta que cruorem nigrum coagulatumque fundebant. Costarum verarum quatuor inferiores & spuriarum duæ superiores dextri lateris ad mediam arcus sui partem occurrebant diffractæ introrsum quidem adactæ sed adhuc cohærentes nec non, excepta verarum quarta, callosa quadam substantia, nullam tamen adhuc firmitatem procurante, obductæ.

Ad harum regionem, interne sub Pleura & adhuc magis externe inter musculos, notabilis in conspectum veniebat suffusio, nullam tamen corruptionis notam ferens neque ad tegumenta usque communia pertingens. In regione Thoracis sinistra opposita, & quidem paululum profundius seu magis posteriora versus & circa costas similis in, externe cernebatur suffusio, sed nulla in costis fractura nec in tegumentis sugillatio detegebatur. Remotis visceribus, circa regionem vertebrarum inferiorum dorsi & superiorum lumborum animadvertebatur ingens suffusio & vertebræ dorsi penultimæ corpus ad conjunctionem cum ultima non solum à sua cartilagine penitus avulsum, verum etiam ibidem in aliquot frusta comminutum, substantia callosa, sed absque firmitate, obductum & hinc ibidem nonnisi per processuum articulationes conjunctum. Medulla spinalis patebat conquassata ac ultra Medium crassitie soluta, nulla tamen nec sanguinis nec puris colluvie circumfusa. Cranium denique infra vulnus tegumentorum, ampla suffusione infectorum, nullibi observabatur læsum, neque apertum præternaturalis quicquam manifestabat, nisi quod vasa per duram & piam matrem imo ipsam cerebri substantiam dispersa justo magis tumerent & aperta sanguinem nigrum redderent.



## OBSERVATIO LII.

DN. D. CHRISTOPHORI JACOBI  
TREW.*Amaurosis subitanea post Vomitum cruentum  
orta.*

**M**ulier quinquaginta annorum, Temperamenti cholericæ, cui menses ab aliquot annis fluere jam cessarunt, vomitu cruento correpta excernebat à vespertino tempore ad matutinum usque plus quam tres mensuras Liguaminis maxima ex parte cruenti. Assumpta tunc temporis absorbentia & leniter adstringentia, Corallia scilicet præparata, Terra sigillata strigon. & spec. de Hyacinth. cum aqua Plantaginis destillata, compescebant quidem vomitus, sed totus ægræ habitus, nec oculis exceptis, flavo superfundebatur colore. Paulo post, à tantis cruciatibus defatigata, incidebat in somnum tranquillum, & sub meridiem expergefacta noctem profundam adesse credebat, nec minimam lucis perceptionem sentire affirmabat, cum tamen antea integro visus usu semper gaudebat neque hoc tempore, præter Flavedinem & pupillarum auctam amplitudinem, quicquam præternaturalis apparebat. Diaphoretica fixa cum nervinis combinata post hæc flavum equidem dissipabant colorem, sed visus læsio manebat immutabilis ad quam auferendam fomenta ex croco inprimis parata simul adhibebantur. His per aliquot dies absque levamine usis, misera ad balneatorem quendam, collyrium suum magnopere extollentem, confugiebat, sed etiam hujus effectum frustra expectans hucusque, viribus quanquam recuperatis, tristem trahit sine lumine vitam.

OBSER.

OBSERVATIO LIII.

DN. D. CHRISTOPHORI JACOBI  
TREW.

*Polypose sanguinis Concretiones.*

**D**Octrina de origine Polyporum in vasis sanguiferis post mortem repertorum varia explicatione hætenus proposita fuit. *Cl. Kerkringii* sententia (a) ejusmodi Polypos pro concreto post mortem producto declarans, valorem observationibus aliorum auctorum detrahere nequit, dum nonnisi Polyporum ex cruore coagulato formarum existentiam in vivis expugnat. Majorem hæsitacionem excitare videntur polypose concretiones fibrosæ à celeberr. *Ruy-schio* artificio productæ (b); Sonticæ tamen & luculentis observationibus corroboratæ rationes generationem ejusmodi Polyporum vita adhuc superstite probantes (quas potissimum collegit *Cl. D. Mich. Alberti* (c) atque *Lic. Gætzius* (d)) haut levioris sunt ponderis. Quamvis itaque nostris temporibus nemo absque temeritatis nota tentaret asserere: omnes Polypos post mortem demum generari; attamen eandem forte sortem subiret ille, qui conaretur sustinere omnes Polypos, etiam si fibrosos, in vivis corporibus præextitisse, considerando I. quod haud raro Polypi post mortem observentur in iis, quorum pulsus, dum adhuc vivebant nulla intermissione vel inæqualitate alteratus percipiebatur, ut sæpius expertus testari possum. II. Quod sanguis Scorbuticorum Hypochon-

(a) *Spicil. anat. obs.* 73.

(b) *Thef. an. I. p. 14. num. 3. VIII. p. 19. num. 39. max. p. 16. num. 103. p. 31. Lit. F.*

(c) *Diff. de Polypo cord.* Halæ 1724.

(d) *Diff. inaug. de Polyposis concret.* Altd. 1726.



pochondriacorum, Gravidarum &c. per venam sectam eductus & frigefactus plerumque in superficie crassam pelliculam, substantia atque colore Polypis fibrosis penitus analogam (qualem ab aliquot annis corii instar condensatam in spiritu vini asservo) momentaneo temporis spatio formet. III. Quod tanta Polyporum observatorum magnitudo notata fuerit, (e) quæ, præter cordis cavitates, omnes ferme si non omnes vasorum propagines replevit, quibus annumerari potest nostra quoque observatio. Puer nimirumquinque annorum ex scabie retropulsa incidebat in cachexiam sibi lethalem. Nulla ante obitum percipiebatur pulsus inæqualitas vel intermissio, cum tamen, aperto post mortem corpore, non solum ventriculi atque auriculæ cordis, verum etiam vasa proxima æque ac remota majora massa polyposa tenaci, equidem per integrum tractum non cohærente, sed in plures partes arte sibi invicem contiguas divisa, in aqua tepida nullatenus dissolubili reperiiebantur, adeo infarcta ut vix ulla cruoris particula residua cerneretur.

(e) *D. Alberti l. c. ex Bart. Aët. Hafn. et Eduard Tyfing. Aët. Danic.*

## OBSERVATIO LIV.

DN. D. CHRISTOPHORI JACOBI  
TREW.

*Massa Mammarum glandulosa unicum constituens corpus cum Tubulis lactiferis maximis.*

**M**Assam mammarum glandulosam (quam vero non glandulosam sed vasculosam pronunciat ill. *Ruyfchius* (a)) uni-

(a) *Ep. XV. Thef. an. III, num. 26. VII. num. 70. max. num. 162.*



*Fig. I.*



ad OBS.  
XLVIII.  
Fig. III. e  
pag. iii.



*Fig. IV. piii.*



unicum saltem corpus non multiplex constituere jam olim observavit *Riolanus Filius*. b) Contrariam sententiam proposuerunt *Th. Bartholinus* (c) *Nuckius* (d) atque *Verheyenus* (e) quos vero pinguedinem pro glandulis ventilasse arguit Celeberr. *Heisterus*. (f) Mihi quoque mammæ anatomice perlustranti semper oblatum est unicum corpus. Sic illud deprehendi in virgine quatuordecim annorum floreni majoris magnitudine & digiti transversi crassitie album, planum & dense compactum; in muliere vero gravida triginta annorum & alia lactante viginti sex annorum ad ambitum usque totius mammæ expansum sed magis laxum plurimis præterea foveis, fulcis & sinibus mera pinguedine globosa repletis divisum & inæquale redditum. Facile autem hoc corpus in plurimas partes membranis saltem, more aliarum glandularum conglomeratarum, quamvis paulo arctius, connexas dividi poterat, unde sine dubio distincta corpora in mammis scirrhis cancerisque (quæ contra *Riolani* sententiam allegat *Bartholinus*) oriuntur. Tubuli seu ductus lactiferi à *Th. Bartholino* atque *Verheyeno* ita depicti exhibentur ac si venarum modo & quidem per externam massæ glandulosæ superficiem excurrerent. Ego vero inveni in lactante supra memorata illos non solum massæ glandulosæ immersos esse, verum etiam tum origine tum fine suo à schemate prædictorum Auctorum quam maxime differre; tantæ præterea capacitatis esse, ut assertio *Ill. Ruyschii* (g), ductus scilicet lactiferos maximam mammæ partem constituere, minorem hæsitacionem mihi reliquerit. Insignes unius horum tubulorum propages offert adjecta Fig. I. TAB. II. Repletus ille erat mercurio vivo &, prouti apparet, absque ulla læsione de-

Q 3

nuder

(b) *Anthropogr.*(c) *Anat. ref.*(d) *Adenogr.*(e) *Anat. C H.* (f) *Comp. anat.*(g) *Thef. an. IV, num. 23.*

nudari poterat. Extremitatum illius seu potius originum plures, & quidem trunco proximiores, non exiguae sed satis conspicuae occurrebant cum portiuncula tamen substantiae glandulosae tam arcte coharebant ut nulla illarum sectione, etiamsi maxime provida, absque subsequente Mercurii profluvio auferri potuerit. Remotiores & ab extremis mammae confiniis accedentes rami se quidem sistebant graciliores, attamen nullibi collectio extremitatum capillarium detegi poterat, quin potius alius horum ductuum, ceracea materia (minores vasorum propagines alias facile intrante) repletus & hinc liberiores sectionem concedens, extrema obtusa & ad sensus caeca obtulerit TAB. II. fig. 1. sistebat itaque quilibet horum ductuum cystemam quasi seu receptaculum peculiare, in quod lacteus humor per extremitates arteriarum roris ad instar depluit. Finis seu terminus cujusvis horum ductuum versus papillam directus vix setam capiebat crassiorem & orificio adhuc minori in vertice papillae hiebat. Notandum autem non omnes horum ductuum tam amplas & ad ambitum usque mammae porrectas sparsisse Propagines, sed alios, in eadem mamma angustioribus inclusos fuisse cancellis, quemadmodum docet Tab. II. fig. 2. numerum horum ductuum octavum superasse invenire haud poteram, illud autem clarissime apparebat, illos versus papillam seu potius ejus Areolam neutiquam inter se per Anastomoses, quas ex *Nuckio* depingere curavit *Verbeyenus* (h) communicasse. Structuram denique quod attinet, constabant

hi ductus ex pellicula tenui transparente, illa tamen  
vasorum lymphaticorum paululum

firmitate,

OBSER-

(h) l. c. Tab. XVIII. fig. 4.

OBSERVATIO LV.

DN. D. CHRISTOPHORI JACOBI  
TREW.

*Valvulae conniventes in Tractu Intestini Ilei secundum Naturam obviae.*

**V**Alvulas copiosas Intestino duodeno atque Jejunum ad remoram fluxus chymi, æque ac colo ad retardationem excretionis facum in homine secundum naturalem ejus fabricam adpositas esse, omnes post *Kerkringium* (qui tamen, notante *Verheyeno*, rugas *Fallopio* jam cognitae majori saltem perspicuitate exhibuit) scribunt anatomici studii gnari: Valvulas vero tractui Intestini Ilei quoque concessas esse nullibi aliud reperitur vestigium, quam quod satis evidentem confusionem cum illis in jejunum conspicuis testatur, si modo magna illa, ad finem Ilei locata, valvulaque coli *Bauhini* appellata (quam singulari industria *Celeberr. D. Heisterus* contra *Cl. Bianchum* uberrime explicavit) excipiat. Hinc sine dubio *Ill. Ruyschius* atque laudatus *Heisterus* pro caractere distinctionis inter jejunum & Ileum posuerunt: quod Ileum nullas habeat valvulas. Causa autem præteritionis valvularum Ilei sine dubio est, quod ad illarum æque ac aliarum claram demonstrationem requiratur canalis intestinalis inflatio & exsiccatio: dum autem ille, ad accelerandam exsiccationem, à Mesenterio, secundum vulgarem methodum, liberatur, solvitur hoc ipso illarum vinculum, quo soluto penitus explanantur & evanescent. Ut itaque in conspectum prodeant, requiritur, ut portio Intestini Ilei quæcunque (æqualis enim structuræ has valvulas per integrum ejus reperi tractum) cum adhærente Mesenterii aliqua parte infletur ac exsicceetur & postea inspiciatur, tunc enim ad superiorem, Mesenterio scili-



scilicet proximam, partem copiosæ apparebunt Valvulæ semilunares, latitudine conniventibus Jejuni pares, longitudine sæpius insignes, certiam quippe imo nonnunquam dimidiam circumferentiæ partem occupantes. Hac præparatione simul quoque obtinetur conspectus tunicæ cellulosæ mesenterii à Ruyschio sæpius laudato descriptæ. Ablata enim post excisionem vel superna vel inferna Mesenterii pellicula cellula visui se sistunt quam elegantissime. Usus valvularum Ilei sine dubio idem est qui adscribitur valvulis jejuni.

## OBSERVATIO LVI.

DN.D. CHRISTOPHORI JACOBI  
TREW.

*Tegumentum peculiare Membrana Tympani  
Fœtum inserviens.*

**M**embranam Tympani Fœtum Tegumento peculiari Membrana analogo (analogo scilicet saltem quia nullis gaudet vasculis sanguiferis) in aliquibus crassa in aliis Membrana tenuioris instar tenui obductam esse annotavit *III. Ruyschius* (a). Hocce Tegumentum observare & huc usque in Liquore asservare licuit ex fœtu semestri, Infante recens & quatuordecim dierum nato. Tenerum id apparebat in cunctis ast non pellucidum; compactum deprehendebatur, adeo ut, soluto meatu auditorio à Circulo Tympani osseo, meatui undiquaque adhereret & integrum à Tympani vera Membrana sponte secederet, nullam tamen offerebat structuram organicam, sed ad tactum levissimum destructum (quod in altera aure cujusvis subjecti experti sumus) sevi ad instar (cum quo colore quoque conveniebat) aquæ mixturam denegan-





Fig. I.


a. Arbor Cerasi Orange  
Kirschen.  
b. Rami eius  
c. sambucus radicibus suis  
intra ramos cerasi insertis



Fig. II.

a. salicis truncus.  
bb. rami salicis.  
cc. frutex rubium.  
ddd. bacca matura rubi-  
cunda.  
cc. Solanum nigrum vulgare.  
cujus truncus in  
lignescens duritiem  
abierat.

Fig. III.  
ad OBS. LVI. p. 129.



negans digitis adhærebat. Tegumentum hocce propaginem Epidermidis esse, membranam tympani, ea ætate tenerimam, ab injuriis aquæ in utero, & aëris extra uterum ambientis defendere, (optime autem defendere Partes auris interioris Creatorem voluisse, patet quoque ex eo, quod meatus auditorius fœtuum, cum primis juniorum, per integrum tractum suum depræhendatur adeo compressus ut aditus ejus vix conspici possit) & postea, succrescente nimirum meatu auditorio, à tympano sponte sua recedere, & tensionis incapax, evanescere, Kerckringius (a) atque laudatus Ruyschius (b) Auctor est, Excellentissimusque Heisterus (c) confirmat. Ut verum fatear, defectus cutis substratæ, substantia sebacea, atque interitus post partum spontaneus, dubium mihi moverunt, num tegumentum hocce, productum potius collecti & condensati excreti glandularum ceruminosarum, quam Epidermidis dicendum sit? sed observatio paulo post fortuito oblata dubium hoc solvit, veramque omnino membranam cum Epidermide meatus auditorii continuam hoc tegumentum esse, imo post partum à tympano non recedere sed semper manere probavit. Cum enim in cartilagine auris externæ Puellæ 14. annorum inquirerem, easque in aqua aliquandiu macerarem, postea vero cartilagineam meatus auditorii partem ab ossea omni circumspeditione separarem, integrum ex ossea dicti meatus parte protraxi sacculum membranaeum tenuem, iu fundo suo clausum tympanique contigui vestigia manifestantem Fig. TAB. naturali magnitudine delineatum. Idem in adultis tertia vice studio nunc mihi inquirenti repetere contigit. Ex quibus concludere liceat tegumentum illud, ab accedente aëre post partum libero tenue factum, nihil aliud esse quam extimam pelliculam tympani ab ipso celeberrimo Ruyschio observatam. (d)

a. a. *Cartilago auris externæ à tegumentis denudata.* b. b. b. b.  
A. P. M. Vol. II. R car-

(a) Osteogen. p. 221. (b) l. c (c) compend. anat. §. 248. (d) Epist. problem. VIII. p. 10.

*cartilaginea meatus auditivii pars c. membranacea dicti meatus pars hiatus cartilaginea occupans. d. d. e. sacculus membranaceus tenuis. e. fundus vestigia adhaesæ membrana tympani exhibens.*

(Noriberga Augustam Vind. d. 6. Jan. 1727.  
missa.)

## OBSERVATIO LVII.

DN. D. CHRISTIANI de HELWICH.

*De Rubigine sanitati noxia.*

**P**ervulgatæ res est notitiæ, quòd rubigo, der Mehl oder Homb Thau, plantis segetibus ac arboribus ingens adferat damnum; sed non æquè constat, quod sanitatem humanam labefactare & pessundare possit, quod damno suo didicit Venator robustus & illibata fruens valetudine. Descendit is in fluvium, benignitate aëris æstivi invitante ad abluendas corporis sordes subito autem præter expectationem ejus lucente sole pluvia decidit copiosa, quæ nudum flumine exire coëgit. Antequam verò vestibus corpus munire posset, pluvia totum ejus corpus magnopere madefecit, ut aquæ quasi denuò immerfus domum festinare cogeretur. Frigore inhorrescens sese ad lectum componit, horrorem excepit calor ingens per plures dies durans cum gravissimo artuum dolore, qui diu noctuque eum misere torfit. Robore potius naturæ quàm remediis tandem febris superata fuit, & mitigati aliquantisper artuum dolores; ast magna & quasi paralytica manuum pedumque remansit debilitas ac impotentia, quæ nec thermis nec idoneis pharmacis per integrum annum tolli potuit. An sola pluvia frigiditate sua homini nocuit? An vero pluviae sal radiis solis lenissima evaporatione incrallatus & per condensationem hanc mutatus insignem acquisivit acrimoniam, quæ artubus miseri adeo fuit infesta? Celeb. Huetius in Huetianis pag. m. 232. ingeniose satis aliam causam prodit, cur solis ardor, dum pluit, plantis ac arborum foliis adeo



adèd noxius sit easque quasi adurat , unde etiam satis appositè Ciceroniana uredinis voce exprimi possèid, quod alii vocabulo aruginis & rubiginis explicare solent? Causam hanc ejus verbis explicare malumus quam nostris: *les Naturalistes ont cherché la cause d'un si étrange effet & n'ont rien dit, dont un esprit raisonnable se puisse contenter. Celle que je vais proposer quoique nouvelle me paroît non seulement, certaine, mais même indubitable. Dans les jours sereins de l'été il est visible, qu'il s'assemble sur les feuilles & sur les fleurs comme par tout ailleurs, un peu de poussière, quelquefois plus, quelques fois moins, élevé par le vent. Quand a pluye tombe sur cette poussière, les gouttes se ramassent ensemble, & prennent une figure ronde ou approchante de la ronde comme nous voyons, qu'il arrive souvent dans nos maisons sur des planchers poudreux lorsqu'on y repand de l'eau pour les balayer. Or ces boules d'eau ramassées sur ces feuilles & sur ces fleurs tiennent lieu de ces verres convexes que nous appelons miroirs convexes & produisent le même effet, qu'y produiroient des miroirs ardents, si on les en approchoit.* Quod si hæc sententia tam indubitatis niteretur fundamentis, quemadmodum non difficile est creditu, quod venator æstate seminudo corpore incens pulvere fuerit conspersus, non adeo abdita foret causa, cur infelix ille cum his circumstantiis in prædicta inciderit symptomata?

*OBSERVATIO LVIII.*

DN. D. CHRISTIANI de HELWICH.

*De Biennali lumborum spasma.*

**H**onestissima matrona teneræ admodum Constitutionis temperamenti melancholici, quæ per omnem fere vitam valetudine minus propitia fuerat usa, post aliquot puerperia anno ætatis trigésimo quarto seculi verò decimo septimo varios in toto corpore, præcipuè vero in bra-



chiis & pedibus spasmos eosque gravissimos perpeti cœpit, sed longe acerbissimus vigesimo mensis ejusdem die incubuit lumbis à prima vertebra lumbari usque ad sacrum os & tanta violentia musculis ligamentis membranisque vertebra inter se connectentibus & nervis ipsis fuit infestus, ut nullatenus pedibus insistere multò minus ambulare posset. Adeò fixus & immotus in eis partibus hærebat, ut per biennium & mensem quasi domicilium ibi fixisse videretur.

Tametsi continuò ei molestus esset, tamen per interval-la modo diurno modo nocturno tempore ingravescebat & crudelissimè eam torquebat & non tantum in lumbos sed in brachia ac pedes tyrannidem suam exercebat.

Vidimus has partes multoties ita tensas fuisse, ut non tantum periculum rupturæ merueret, sed pro immanitate doloris tristi ejulatu suis lachrymas excuteret. Sæpius non satis mirari potui lapideam in musculis tensis duritiem. Tanto malo cum maxima sollicitudine ex omnibus medicamentorum antispasmodicorum eorumque selectissimorum, si Dippelianum oleum animale excipias, (quod frustra quæsitum obtineri non potuit) classibus quæsita fuit medicina, sed non inventa, quam tamen ægra tandem Anno 1719. mense Aprili se reperisse credidit in famoso Augustanorum vitæ balsamo, quo postquam per aliquod tempus lumbos & iterata quidem per diem vice inunxisset vigesimo Aprilis die cum magna animi læticia præter spem pedum ministerio uti cœpit. Enim vero post superatum hunc lumbarem spasmum in ingentem pectoris dolorem ac compressionem atque impetuosam tussim cum lenta ac hæctica tandem febri conjunctam incidit, & hæc ei vitæ filum A. 1723. mense Junio abruptit, cum funesta ac fatali in die, mortis inquam, ex alterius Medici consilio acidulis usa fuisset. Itaque optimo jure dubitare licet, an spasmus in nostra verè sublatus, an potius ad nobiliorem corporis partem nimirum pectus à lumbis translatus dici debeat? Non est autem mirandum, quod febris hæctica

Etica tandem accesserit, cum & de epilepsia Chronica nos quotidiana doceat experientia, eam tandem hecticis consumptionibus finiri.

*OBSERVATIO LIX.*

DN. D. CHRISTIANI de HELWICH.

De

*Aphonia & mali moris symptomatibus post podagricum in pedibus tumorem evanescen-*  
*tem.*

**M**agnæ dignitatis vir annum ætatis quadragesimum & quartum agens, temperamentum sanguineo-phlegmatici, habitus corporis laxioris & spongiosioris admodum adolescens labe sæculi inquinatus intemperanti Veneris abusu insigne corporis robur cœpit enervare secutæque sunt ægritudines lasciviæ juvenilis ordinariæ pedissequæ gonorrhœa &c. à quibus ita multoties liberatus est, ut nunquam gallica lue fuerit correptus. Cæteræ quoque diætæ leges ab eo, quavis data occasione neglectæ fuerant, dum itaque genio suo indulgeret anno ætatis trigesimo sexto incunte vehementibus arthritidis doloribus primum correptus fuit, cum prodromos hujus morbi jam ante sensisset, qui deinceps singulis annis bis, ter imo & quater reversi sunt & aucti tum ratione durationis tum ratione vehementiæ & atrocitatis. Certe ab hinc aliquot annis per magnam autumnæ partem & integram hyemem sævissimis podagræ doloribus ita est attritus, ut vix ossibus hæreret. Profuerunt tum magnopere & certa decocta & usus pareiræ bravæ per aliquot menses statim temporibus repetitus. Ex usu horum ac stricta accuratioris diætæ observantia pristinum Princeps vigorem recuperavit, sed cum tandem illum remedii & diætæ fastidium caperet, majori impetu dolores arthritici singulis annis irruerunt, & pedum digitos eorumque confinia, genua, manus, brachia & scapulas acerbis-

sime multarunt. Circa declinationem paroxysmorum podagricorum ordinario accessit tumor pedum non frigidus quidem sed cum rubore multoties & aliquo calore conjunctus, nec omni dolore carens, isque semper major in pede sinistro quam in dextro fuit. Antehac hæc intumescencia sensim dissipabatur, & tantum cum paroxysmis revertebatur, modo autem ex integro vix recedit, sed per diem & noctes subsistit, ac in fine paroxysmorum augmentum capit. In æstate Anni vigesimi tertii, ultra duos menses liberioris aëris caprandi gratia ruri egit, ibidemque decoctum quoddam lignorum etsi cum fastidio bibit, solisque assatis cibis, & pane contentus vixit. Dum eo uteretur, à cruciatu podagræ immunis fuit, & pedes aliquanto magis, quam antea detumesce-re visi sunt. Cum ad nos rediisset propter negotium magni momenti, brevi aliorsum discessit, & ibi præter expectationem omnem crudelissima fuit oppressus podagra. Nam sive dolores spectes, fuerunt illi exquisitissimi, tanti profecto, quantos nunquam fuerat antea expertus, sive etiam symptomata consideres, aderant gravia & terroris plenissima. Comitabantur enim arthritidem febris inflammatoria, deliria nocturna & subsultus tendinum cum prodromis convulsionum universalium (in quibus avertendis, evidenti utilitate se commendarunt remedia ex lumbricis terrestribus parata) profligata tamen hæc omnia sunt, ita, ut sine incommodo Vratislaviam post duas hebdomadas elapsas regredi posset. Defervescente paroxysmo secutus est tumor pedum maximus ultra genua usque protensus quò antehac nunquam pertigerat, qui & ægro ipsi & Medico gravissimum hydropis periculum incussit. In bonam spem ægri animum erexi, tum quod sitis non urgeret & tamen urina largiter flueret tum quod cibos non averfaretur addidique tumorem hunc, quo pedes obsidebantur, podagricum potius esse quam hydropicum. Usus est sale Epsomensi bis, adhibuit extractum liquidum ex amaris cum vino præparatum fere per septimanam: salem genistæ vino Rheano infusum opportunum cæteroquin

quin ad pedum tumorem remedium non adeo cum magno successu in usum vocavit, qui tamen non adeò diu continuatus est, ea quoque ex causa, ne materia arthritica profundius infingeretur artubus, quod salinorum abusu fieri novimus. Aliquanto diutius pilulis balsamicis Becheri expertissimo, in hoc etiam malo, medicamento contra contumacem tumorem hunc pugnatum fuit. Massæ huic pilulari admiscuimus extractum squillæ; & cum pilularum forma ultra octiduum non arrideret, contusas hæc pilulas cum Rob Ebuli & syrupo domestico tribus per hebdomadem vicibus sumpsit, atque cum & hanc nausearet misturam, ex extractis aliisque pilularum ingredientibus, essentiam parari fecimus. Enim verò cum his omnibus per integrum fere mensem non magno operæ pretio usus esset, & enixe tamen vellet tumorem hunc sublatum patiens, præscriptus fuit à me fere invito nodulus ex radicibus 5. aperientibus Pimpinell. Apii, fibris hellebori nigri, herbis Cuscutæ, epithymi, salviæ, betonic. summat. Centaur. min. & Comis Rorismarini, fol. fenn. sine stiptib. Rhabarb, Orientali selecto Cremore tartari, Corticib. Aurantior. Cardomomo & nuce Moschata, quæ in tres vini totidemque Aqu. fontan. lb. infundebantur &c. Vix dimidiā libram intra duorum dierum spatium absumpserat & hinc quater vel quinquies ex dosi una purgatus fuerat, quando cum ingenti læticia tumorem fere omnem evanuisse advertit. Sed ut hominum spes esse solent fallaces, oborta die eodem ingens tempestas, quæ gaudium Principis & aulæ vehementer confudit, quippe 28. Septembr. A. 1723. circa sextam vespertinam visus obscurari cœpit, quæ luminis interceptio per intervalla ita aucta est, ut tandem chartas lusorias, quibus tum tædia infirmitatis sublevare conabatur, abjiceret ac tandem oculorum usu per aliquot momenta prorsus privaretur. Lingua initio titubabat, os balbutiebat, deinde verò malum ita invalescebat, ut ultra dimidiā horam verbum proferre non valeret. Reliquorum sensuum & ipsius rationis functiones

nes penitus illasæ persisterant. Varie agitabat linguam, & licet multum anniteretur, Vocem distinctam formare non poterat. Frictionibus & linimentis spirituosis, penetrantibus admotis odoriferis & sumpta potione antapoplectica ex Aqu. Ceras. nigr. salvia, flor. peon. tilia, epilept. Langii Cinnam. borrag. liquore CC succin. spiritu Cephalico Mœbii & sanguinis humani ac syrupo flor. tunic. refocillatus adstantes post dimidiam horam elapsam affari cœpit & quidem in lingua Polonica & Gallica cum majori facilitate, aliquanto impeditius in latina & germanica, quibus tamen alias facis commode animi sensa exprimere potest. Hujus periculosi symptomatis originem à materia podagrica nervis & membranis capitis & linguæ impacta petendam esse certum propemodum est ac indubitatum. Neque magnopere ad rem facit, si quisquam podagricam ex disparente pedum tumore, retrogradam materiam accusare voluerit, siue originem & causam ab enixo molimine naturæ & nervosarum ac membracearum partium contractione ad miasma podagricum hisce partibus penitus infixum propellendum & amandandum arcessere maluerit: Nam indubitata veritatis est, quòd propulsio materiæ in membranis ac nervis hærentis ad extrema à Medico viribus omnibus molienda sit. An quicquam ad hoc conferre possit venæsectio? quæsitum fuit, à me tamen impetrare non potui, ut in eam consentirem, tamen mihi non incognita forent illa Clarissimi viri *Guilhelmi Musgrave de arthritide anomala* cap. 14. p. m. 262. verba: in *hujusmodi* (arthritica) *apoplexia fere omni necessaria est venæsectio, nihil ea certius, nihil citius opitulatur*, abstinui, inquam, à phlebotomia, ratus, fore, ut vires magis adhuc deprimerentur, & ita natura plus debilitata in opere suo non tantum retarderetur, sed sub labore fatisceret. Multo minus ex ejusdem consilio datum fuit medicamentum purgans ex *potentissimis & sanguinem agitantibus purgantibusque drasticis*. Neque consultum judicavimus pedibus vehementer debilitatis & valde

valde tumidis imponere emplastrum vel è pice Burgundica & terebinthina Veneta, vel cephalicum cum euphorbio, aut aliud quodvis potenter attrahens, neque aqua ferventi immergendos censuimus, quorum illud summus virium languor ex paroxysmo restans, istud metus gangrænæ, & hoc enervatus tonus per atrocissimos dolores prohibere videbantur. Nos contenti fuimus potione brevi ante commemorata, Mistura Sal. Tartari c.  $\text{CC}$  pulveribus antipasmodicis, linimentis spirituosiss & nervinis ex Aqua Carbunculi, virtutum,  $\text{v}$  lavendulæ, Rorismarini, ac denique ex balsamo vitæ D. Schröderi, frictionibus, facculis siccis nervinis, quia jamjam dicta spem nostram non frustrabantur & ægri votis satisfaciebant. Jam se periculo omni defunctum credebat æger, nec corpus libero aëri exponere verebatur. Id quod etiam cum 15. Octobris invitante aëris benignitate fecisset alienæque hospes mensæ accubisset, in ipso prandio cœperunt extrema frigere, visus obscurari, & lingua non tantum hæsitare, sed & ad formandam vocem plane inidonea & impotens esse videbatur, ratio vero illæsa erat, illæsi quoque reliqui sensus. Intra quadrantem circiter horæ hæc symptomata dissipabantur ac prompte fari poterat. Remediis in primo paroxysmo adhibitis jungebantur  $\text{v}$   $\text{O}$  ci lavendulatus caryophyllat. Electuarium ex conserv. fl. tunic. poeon. citri, major. anthos, nuce Mosch. in India condit. caryophyll. conditis pulv. lumbric. Vestr. succin. specific. Cephalic. D. M. Syrup. fl. stœchad. & è succo Cerasor. nigr. Linguae imponebatur theriac. mista cum semine sinapi, sale volatili succini &  $\text{CC}$  oleoque Cinnamonomi. Vesicatoria imponebantur nuchæ & interiori parti femoris utriusque. Horum omnium usum excipiebat truculenta arthritis pedes, genua, manus & scapulas obruens cum omnimoda affectuum capitis & linguae cessatione. Jam enim novem anni quadrantes elapsi sunt, in quibus à symptomatibus illis terribulosis pleneliber fuit. Et ad præservationem & ad mitigationem podagræ magnum momentum contu-



lisse videtur jusculum ex carne vitulina cum Radice Salsaparilla & Chinæ, lumbric. terrestr. viño ablutis, visco quernò, betonica, Chamæpith. paratum, quod per integrum annum bis per diem sumpsit. Optime conduxit etiam emulsio ex millepedib. & amygdalis dulcibus cum aquis appropriatis facta, qua dum per 20. dies mane & vesperi uteretur, pedes egregie & sine omni noxa detumuerunt, cum tamen illico turbæ in corpore, eaque permolestæ orirentur, quotiescunque aliis remediis sive externis, sive internis discussio tumoris pedum tentata fuit.

## OBSERVATIO LX.

DN. D. CHRISTIANI de HEL-  
WICH.

De

*Insigni calculum vesicæ rectè dignoscendi difficultate.*

**V**esicæ calculus non tantum curatu sed & cognitu interdum longe difficillimus est. Inter signa calculi primo plerumque loco nominatur dolor: *quotiescunque enim, ut verbis celeberrimi cujusdam viri utamur incessit cupiditas mejendi, (incessit autem illud frequenter non tam urina copia & acrimonia, quam vesicæ contentione)* Ast reperti sunt, qui absque dolore per longum tempus calculum in corpore circumtulerunt. Atque ne forte credas, in his fundo vesicæ calculos adhæsisse & ex illis propendisse, recordare *Thomæ Arundellii* Comitris Angliæ, in cujus cadavere condituræ gratia dissecto repertus fuit non solum *in rene sinistro totam pelvim ultra capacitatem occupans* sed & *in vesica lapis rotundus & durissimus*; enim vero, quod merito mireris, nunquam nec de renum dolore nec de vesica fuisse conquestum narrat *Welschius*, in observat.

servat. *Medicin. Epilogmat. p. 40.* qui idem brevi ante monuerat Comitē affectu nec præstantissimis Medicis satis cognito obisse. *Joannes Varandaus* in erudito de affectibus renū & vesicæ tractatu: Certe, ait, in illis, qui copiosius & diutius profundunt urinas illas albas, crassas & turbidas vel hypostasī mucosam & matula fundo adhaerentem quasi glutinum quoddam, dici certe potest, quod de alio affectu pronuntiavit Hippocrates, vesicæ calculum vel adesse vel brevi adfuturum, quia impossibile est illos diutius perseverare, quin portio ipsius materiæ concrescat &c. Et *Thomas Willis* in epistolica dissertatione de urinis cap. 5. sub finem: Observatione, inquit, constat, in calculo vesicæ ejusmodi lotium constanter reddi, aliquando obrenem lapide grandiori oblitum: absque affectu nephritico talem subsidentiam in urinis nunquam vidi quare hoc fere indubitatum calculi signum semper reputavi. Hæc *Willis* agens de contentis albis & copiosis in urina subsidentibus. Quis vero ignorat, non adeo dissimilem urinam in cavo & sordido vesicæ ulcere à gonorrhæa oriundo excerni? Sedimentum rufum aut rubrum itidem non est indubitatum calculi judicium cum *Cardanus*, per annos triginta, primo rubras deinde & albas arenas copiose minxerit citra ullam calculi suspicionem; vicissim contingit, ut adsit calculus vesicæ & tamen fabulum in urina suspectandum non offerat. Ita in vesicæ celebris quondam Medici *Joannis Heurnii* ante sepulchrales ceremonias aperta septem reperti sunt calculi, forma & magnitudine nucis juglandis majoris, omnes æqualis magnitudinis & ponderis duarum drachmarum, quos in theatro anatomico Leidenſi supra tabulam appensos multi Medici curiosi oculis lustrarunt. *Heurnius* tamen vivus nunquam arena cum lotio excreverat.

Explorationem per digitum in anum immisſum merito suspectam etiam habuit *Hildanus* de Lithotomia vesicæ experientia edoctus, aliquando tumores scirrhosos in partibus illis inveniri, qui calculum mentiantur, Hisce calculi vesicæ signis veteres addunt molestum pudendi pruritum ejusdemque

crebram erectionem & cædii plenam sæpe reddenda urinæ necessitatem, verum enim verò quis nescit genitalium pruritus ac membri tensionem etiam cum vesicæ ulcere conjuncta esse? Urinæ quoque stillicidium & frequens ac continuus ad mendum impulsus peculiarem absque calculo morbum interdum constituit, qui ut aliquando aliis, subinde tamen decrepitis senibus negotium facessit, eo quod in his collum vesicæ ipsaque urethra per nimiam urinæ falsuginem mucosuo naturali, quo contra urinæ acrimoniam munita est, spoliata sint. Parum quoque tribuendum esse explorationi per Catheterem demonstrare satagit *Joannes Baptista Silvaticus* in *Controversis Medicis, Controvers. 32. p. m. 157. & seq.* ita scribens: *hunc in modum explorantes non una ratione decipi posse constat. Quis sibi imprimis hoc tribuat, ut rem tangibilem sensu auditus recte certeque dijudicare possit, dum collisionem quondam ferrei instrumenti collum vesicæ introire nequeuntis, sine lapide à multis causis provenire posse, qui neget neminem futurum arbitramur. Adde, quod cum per additionem augeantur lapides in vesicæ, ut plurimum fieri posse, ut nova facta additio adhuc non indurata nullam cum ferreo instrumento admittat collisionem. Caterum nec illud hoc loco dissimulandum est sæpe non tangi calculum ab exploratore, quia vel altiori in vesicæ parte contineatur ille, vel in humore crasso & viscoso sit immersus & involutus. Utut omnia hæc allata de ingenti nos convincant difficultate detegendi & sine erroris periculo dijudicandi calculum vesicæ in ægris; nihilominus tamen commemorata hæctenus signa multum in dignoscendo Calculo nos adjuvare possunt, modo recte iis utamur ut videas non sine causa scripsisse *Galenum*, Calculum in vesica concretum *artificio cognosci debere*, quanquam nonnulla ex iis signa etiam sola & ab aliis separata non omni destituantur evidentiâ. Largior ambabus manibus, non posse certo inferri absentiam Calculi ex eo, quod à Chirurgo non tangatur instrumento corpus durum in vesica, nolim tamen ejus præsentiam propter dialecticam ratiunculam quandam, qualis*

qualis prima est Silvatici, in dubium vocare ejus incolatum in vesica, quando Cathetere attingitur & collisio ejus cum lapidea substantia distincte percipitur. Dubia, per melicet, & fallax conjectura sit à dolore petita; nec non ab urina turbida & albicanti muco narium aut spermuti ranarum simili; nihilominus si æger tuus cum insigni dolore quidem per tempus bene longum vel curru vehatur, vel per loca salebrofa incedat & scalas ascendat, si ille sæpenec rectus stare potest, si cum vivido in facie rubore, dentium constrictione, manuum compressione, pedum quasi recalcitatione mejat & magis in fine mictionis quam in principio affligatur, si dolor, quo miser urgetur patiens, ad glandis extremum protendatur, si hanc ille contrectet quasi eandem discerpturus, & urina sit alba, crassa, uno verbo farinacea, quæ in cochleari super prunis ad siccitatem inspissata salem acerrimum & foetidissimum in corpore exsiccat non prodat: profecto absque omni trepidatione asseverare poteris, ægrum Calculo vesicæ laborare & non ulcere ex gonorrhœa contracto; in hoc enim ultimo sal & in credibili acrimonia linguam & ingratisimo odore nares feriens per inspissationem detegitur.

Quod si ægrotus præter hæc omnia in tota pectinis regione ac præcipue in perinaeo dolorem gravantem arque intestinum rectum cum sphinctere ejus extimulantem sustineat; tanto securius erit judicium tuum de tortoris calculi præsentia. Quod si vero tantus dolor non sentiat, urina etiam placido cursu effluat, nec sabulo nec muco sit repleta; æger autem de insigni ardore in pube & glande conqueratur, qui ad motum corporis sive in obambulatione sive in vectura enormiter intendatur, conjecturam de præsentī calculo dubiam esse ipsemet fatebor, sed hæc non facile decipiet Medicum; si antehac patiens aliquando calculum aut copiosum sabulum nephriticum excreverit, aut ex improvīso olim in urinæ suppressionem incidit; quantivīs enim pretii obser-

vatio est doctissimi Medici *Mercurialis* : scilicet *usu venire*, ut, *ubi lapis est in vesica, arena, quæ antea ejiciebantur*, non amplius compareant, cujus rei ratio in promptu foret, si perpetuæ esset veritatis observatio *Beverovicii* affirmantis, calculos, quamdiu in vesica contineantur, molliores esse in exteriori superficie, quod & innuere videbantur *Silvaticus* in verbis antea citatis; inde enim concludi posset arenas ipsi calculo agglutinari & propterea in urinis non amplius conspici. Huic arenarum emanationi jungere, si placeret, urinæ suppressionem, quæ calculo vesicæ laborantibus, familiaris est, uti Anglicano Comiti teste supra laudato *Welschio*, urina subinde supprimebatur, & *Heurnius*, cujus itidem jam supra mentio facta est, cum convivio interfuisset, ibique *Rhenanum mustum bibisset*, repente percepit sibi urina reddenda facultatem inhibitam esse, domumque rediens ne urina quidem guttam excernere potuit, ut narratur in vita *Heurnii* operibus ejus præfixa. Indequè facile persuadeor non reperiri aliquem ex calculo vesicæ, ægrum, qui non in excretionem urinæ, etiam cum calculus vesicæ nullis aliis signis se prodit, vicissitudines & difficultatem experiatur; cujus rei causam *Duretus* in Coacas prænotiones in temerariam vesicæ contentionem & conatum ejiciendi hospitem peregrinum refert. Si itaque in ægri urina olim visum fabulum amplius non advertas & calculus antehac fuerit exclusus, aut si aliquando ei urinæ fluxus subito interceptus fuit, modo autem iste de igneo in pube & glande fervore constanter per longum tempus queratur, ut & de doloris augmento in motu corporis, non vanus eris augur, si calculum vesicæ adesse divinaveris, quod iterata me docuit experientia.

Post omnia tamen hæc ingenuè fatendum est, fieri posse, ut Medicus diligentissime discussis omnibus deludatur, quod accidit quondam, qui medicinam faciebant *Isaaco Casaubono*, quem dysuria diuturna tandem confecit ex causa abdita; signa enim calculum in vesica attestabantur & mentiebantur; aperto autem abdomine pro calculo inventa est vesica monstruosa conformationis

tionis. In sinistro latere vesicæ prominebat ex Quotie vasta capacitatis sese attollens usque ad sinistrum os illi ejusdem substantiæ continua cum vesica, ut videri posset altera vesica naturali adjuncta. In eodem sinistro vesicæ latere foramen erat ejus magnitudinis, ut facile admitteret quatuor digitorum apices, pervium à vera vesica in adnatum saccum, quo refluerebatur lotium: ibi diutius retentum putredinem, inflammationem, tabem & interitum tandem attulit.

## OBSERVATIO LXI.

DN. D. CHRISTIANI de HEL-  
WICH.

De

*Notatis in viro quodam Melancholico.*

**V**ir quinquagenario major temperamenti Melancholico-Cholericæ, macilentus strigosque corporis studiis sacris deditus ac excolendæ philologiæ hebrææ summa curâ intentus jam decima vice in melancholiam incidit. Ea ab octo hinc annis circiter in Decembri annuatim recurrit & per plures septimanas duravit, quam temporis periodum etiam exacte nuperrime observavit, hodie jam elapsis decem septimanis immota perseverat. Inter primum paroxysmum, qui illum circa festum S. Joannis adortus est, intercessit intervallum trium annorum & aliquot Mensium, sed distantia inter secundum & tertium brevior fuit; nam post spatium, quatuordecim mensium, exeunte autumno in illam animi & corporis ægritudinem tertia vicelapsus, ab eo tempore quot annis mali hujus accessum in Decembri, ut dixi sentire cœpit. Etsi vero certum sit, malum hoc dependere à nimia sanguinis spissitudine ac impeditore ejus per venam portæ progressu, nec non ab intentis animi cogitationibus & immodicis memoriæ defatigationibus: etsi ad radiosissimum affectum



Etum tollendum petita sint auxilia ex venæsectione bis per annum celebrata in pedibus, crebris laxantibus melanogogis, deobstruentibus; nitrosis ad sanguinis ebullitionem moderandam pulveribus, acidulis, motu corporis, equitatione, sufficienti ac diluenti potu, nec non specificis quibusdam: tametsi etiam non intermissa fuerint, quæ ad animum erigendum amoremque consuetudinis cum amicis excitandum facere visa sunt, sepositaque etiam severiora studia ad tempus fuerint: nullo modo obtineri potuit; ut ita morbus extirparetur, ne amplius recrudesceret, & quidem eum circumstantiis, quas paucis commemorare liceat. Imminentis mali prodromi sunt vigiliæ pertinaces per quatuordecim & plures dies absque somno protractæ, cum quibus junguntur taciturnitas, morositas, mens in cogitatione defixa, odium conversationis, suspicio, ira, & exandescencia &c. Sed Hannibal ante fores esse cognoscitur, quando cum sine omni interruptione per tres quatuorve dies & noctes sermocinari ac continuo declamare audiunt domestici. Hos discursus uxor constare ait ex textibus scripturæ variis & non cohærentibus, ecclesiasticorum hymnorum versibus, historiis seriis, ludicris adhortationibus, dehortationibus &c. incertum vero est, an ea sermone exprimat, quæ antea animo revolvit. Hisce diebus garrulitatis finitis, ex loquaci fere mutior pisce evadit, ac in illo ingens animi abjectio, tristitia & terror notantur. Et quia vigiliæ perpetuo urgent, nocturno etiam tempore se in museum abdit, non tam ut legat, quod quidem etiam interdum fit, sed ut figuras ex libris evellat, discerpat, ligaturas dissolvat & voluntina integra dilaceret. Infestum etiam se exhibet utensilibus domesticis, iisque damnum infert, nec ullis suorum precibus ab hac fatuitate sese abduci finit. Lucida tamen intervalla interdum adesse exinde colligimus, quia subinde diebus dominicis suos auditores sine omnibus perturbatæ mentis indiciis è Cathedra alloqui potest. Præ Melancholicis plerisque aliis hoc noster habet peculiare, quod duran-

durante affectus exacerbatione appetitus non tantum integer sed & vehementer auctus sit, cum in multis eorum tanta ciborum averfario à Medicis deprehensa fuerit, ut quidam eorum palam professi fuerint, se mori malle, quam vesci. E contrario apud nostrum felix est augurium affectus brevi cessaturi, si voracitas ista imminuatur, hoc vero anno uxor ea de causa in magno versatur metu, ne forte perpetuo duret, quia aviditatem comedendi non decrefcere animadvertit. Optatissimus redeuntis serenitatis mentis incipit illucescere dies simulac acerbas querelas incipit fundere de exquisito in capite tensionis sensu, quam ut declaret, hac formula utitur, videri sibi caput funibus usque ad rupturam tensis repletum esse; Gemitus illi uxori domesticisque sunt gratissimi, quia in horas tenebras mentis magis magis dispelli vident, & tum demum pene restitutum censuere, quando damna rei libraria & domestica suppellectili à se illata deflet, valde dissimilis illi apud *Horatium*, qui cum ad serediisset, *Pol me occidistis amici, non servastis (ait) cui sic extorta voluptas, & demptus per vim mentis gratissimus error.*

## OBSERVATIO LXII.

DN. D. ANDRÆ ELIÆ BÜCHNERI.

*Aphonia, cum diarrhœa cruenta complicata, à Vermibus producta.*

**P**lurimos abditorum, stupendorum & rariorum illorum morborum, qui inexplicabili communiter modo corpora tam adulatorum, quam imprimis etiam juniorum subjectorum excruciant, ac vulgari sensu sapissime pro incurabilibus venditantur, natales suos *Vermiculis* debere, & ab his quasi excludi atque produci, longarum magistra, Experientia, dudum demonstravit; sed permultos etiam infelicif-

simorum ejusmodi agrotantium, prægressæ prius, & vel Artis, vel Naturæ ipsius beneficio perpetrata, infaustorum ejusmodi hospitum expulsionem, præter spem & ferè ad miraculum omnium pristinam rursus cum incolumi corpore recuperasse sanitatem, eadem illa non solum, sed & quamplurimæ, quæ desuper jam publice prostant, Virorum celeberrimorum Observationes satis curiosæ atque notabiles, certa pariter solidarunt fide, quibus propterea sequentem similis fere tenoris Historiam nunc adjungere placet.

Cum Mense Martio Anni præteriti 1726. Febris imprimis catarrhalis, solito benignioris tamen indolis, nostros fere epidemice affligeret cives, corripiebatur quoque tali puer quidam 10. circiter annorum, unicus parentum ditiorum filius, lautiori diætæ & multis imprimis lacticiniis atque saccharatis assuetus atque enutritus. Decumbebat ille per tres priores dies satis graviter, ob vomitus circa accessum cujuslibet paroxysmi strenue recurrentes, 4. communiter vel 6. vicibus ventriculum concutientes & saburram viscidam ex flavo albicantem exturbantes; his vero, post usum pulverum temperantium nitrosorum & largiori Cinnab. nat. dosi imprægnatorum, cessantibus. statim melius se habere cœpit, tandemque subsecuto circa diem 8vum largiori sudore, perfecte iterum convaluit, remanente tamen plenaria appetitus dejectione, ciborumque omnium (excepto lacte cum Fol. Rosar. alb. decocto & Saccharo Canariensi dulcificato, quo, ut alias, sic nunc, eximie semper delectari solitus erat,) nauseabunda aversione. Hanc ergo, cum ex prægressis crebrioribus & vehementioribus, spasticis hujus partis constrictionibus indeque subsecuta ejusdem atonia, ipsam obortam esse non immerito suspicarer, statim consuetis stomachicis, carminativis & tonicis medicamentis remoturus, pristinumque cibos capiendi desiderium iterum de novo excitaturus, nimium illum lactis, ventriculi fibras tam ob calorem, quam ob pinguedinem magis relaxantis, usum interdico, ejusque in locum ce-

revivam probe defæcatam, interposito uno vel altero haustulo vini, substituo, ast irritò semper cum conatu: in dies enim augeſcentem hanc Anorexiam tandem atrophica totius corporis contabefcentia, cum agrypnia fere continuâ & molestissimis circa ventriculum occurrentibus torsionibus & morsificationibus excipiebant, (de quibus patiens communiter dicebat, *es schlinge sich immer in seinem Leibe herum und kneipe ihn,*) concurrentibus simul nimis flatulentis, gravibus singultibus & crebrioribus vomendi conatibus, qui ultimi tamen fere inanes erant, & præter unum vel alterum cochlear feri flavescentis & amarulenti nihil plane protrudebant.

Ex his igitur circumstantiis, probe antea pensitatis & inter se collatis, haud injusta mihi suboriebatur suspicio de Vermibus in duodeno vel jejuno intestino forsitan latitantibus & ad symptomata talia infueta præcipuam occasionem suppeditantibus, imprimis, cum alias quoque sæpius inter desidendum, una cum alvi excrementis, minores aliquot lumbricos teretes ab ipso hoc subjecto evacuatos fuisse, à parentibus cognovissem; hinc, ad ipsos prius enecandos, Mixturem mihi alias consueveram, ex Essentiis Absynrh. Tanacet. C. B. & radicis Aristol. rot. compositam, ad gutt. XL. ter de die assumendam, præscripsi, altero postmodum die laxans aliquod Mercuriale huic subjuncturus. Ast, vix una alterave hujus MRæ dosis cum cerevisia tepida erat assumpta, cum statim, citra opinionem, omnia in pejus mutari, & symptomata modo recensita nimium quantum exacerbari viderentur; puer enim illico quasi attonitus concidebat, & paucula tantum verba proferens, perfecte obmutescibat, remanente tamen adhuc usu rationis & reliquorum sensuum, tam internorum, quam externorum, siquidem, quod articulata voce proferre & indicare haud poterat, id profundioribus suspiriis & imprimis manibus abdomini impositis atque anxie contortis demonstrare tentabat, se nimirum gravissimis iterum intestinorum torsionibus & morsificationibus, maximæque præcordio-

rum angustia, cum conjuncta respirationis difficultate, nunc afflictum & oppressum esse. Applicabantur equidem varia, tam externa, quam interna, nervina, tonica, discutientia & quaecunque alia extraordinario huic symptomati opponi poterant, sed citra ullum aliquem effectum, quoniam his non obstantibus, ad integrum fere bihorium sese extendebat ista aphonia, nihilque protinus, nisi quod signis forsitan manifestabat miserrimus patiens, ab ipso explorari poterat, cum tamen ille ex sua parte cunctas adstantium quæstiones atque discursus perfecte intelligeret, ac variis modis necessariam pro his responsionem communicare allaboraret. Tandem post assumptam aliquam potiunculam analepticam, leviter cum Syrupo de Canella duleificatam, hæc omnia remittebant & evanescebant viresque cum loquela in integrum restituebantur, ita, ut, quas hactenus perpeffus fuerat afflictiones latius exponere, atque immanes illos intestinorum cruciatus, ac subitaneam, quasi ab onere quodam graviore in pectus delapso, productam respirationis & loquelæ oppressionem (de qua in specie referebat, es wäre ihm gewesen, als ob ein schwehrrer Stein auf seine Brust herab gefallen, und ihm auf einmal Athem und Rede benommen hätte,) nunc perfecte describere potuerit. Jacuit inde per horæ quadrantem satis quietus & præter insignem in ventriculo nauseam & amarulentum in ore saporem, nihil plane amplius incommodi se sentire asseveravit; vix autem elapsum erat brevissimum hocce spatium, cum derepente iterum novis intestinorum vellicationibus & rosionibus, cum multa insimul anxietate stipatis affligeretur, & ad alvum deponendam per stricturas quasdam tenesmodeas ita vehementer urgeretur, ut vix è lectulo eximi & sellæ familiari imponi potuerit, ubi illico cum strepitu quodam insolito excrevit materiam mucilaginoso-ferosam, sanguineo colore undique tinctam & totam fere cruentam, loturæ carniū paulo crassiori ac spissiori haud ab-similem, parum quidem. vel nihil, foetentem, spontanea ta-

men hac sui excretionē exiguum aliquod levamen inferentem. Continuavit hæc excretio per totam illam noctem, & ad modum diarrhœæ cujusdam acrioris ac torminosæ, singulis horis bis vel ter repetiit, ita tamen, ut minor semper quantitas cruentæ istius materiæ effusa fuerit, nullumque vel æstus febrilis, vel alterius cujusdam fontici symptomatis vestigium observari potuerit, præter Aphoniam prius perpessam, quæ quasi periodica reddita, communiter post duarum horarum spatium recurrebat, sed mitiorem insimul genium demonstrabat, atque elapsa circiter semihorula, post usum supradictæ potionis analepticæ, iterum cessabat. Tandem summo mane, circa horam quintam, cum gravi hoc suo paroxysmo denuo oppressus jaceret, superveniebat vehementior quidam sed vacuus vomendi conatus, nihil plane, præter Lumbricum insignioris longitudinis protrudens, quem puer ille statim digitis duobus anterioribus ad fauces fere detrufis, apprehendebat & successivè totum inde extrahebat. Erat ille de genere rotundorum; (*ein Spul-Wurm*,) crassitie non solum, qua maximum è lumbricis terrestribus superabat, sed & imprimis longitudine, qua cubitum unum cum quadrante æquabat, valde insignis, & ob extremitates suas, in quibus acuminatus, durus, niger & paulisper hirsutus erat, satis curiosus. Foras ergo depulso hoc hoste omnia tranquilliora reddebantur; emanabat sponte diarrhœa, evanescebant dolores & cruciatus intestinorum, nullumque ulterius Aphoniæ sentiebatur vestigium, ita ut post usum boli cujusdam anthelmintici, ex Rad. Jalap. Corallin. Merc. dulc. & Syrup. de Absynth. parati, insignem adhuc foeturam verminosam ex lumbricis variæ magnitudinis constantem, per alvum exturbantis, aliorumque subordinatorum abstergentium, incidentium & stomachicorum medicamentorum, patiens tandem iterum perfecte convaleverit.



## SCHOLION.

**S**æpenumero utique, ut cum *Phil. Marci* apud *Bonetum de Medic. Septentr. Lib. III. Sect. XVI. cap. 4. pag. 627.* loqui mihi liceat, in morbis intricatissimis τὸ θεῖον hariolamur, & si rem apertioribus oculis pensitamus, *Vermes sunt & lumbrici.* Si enim ad mentem Clarissimi *Sebizii* τὸ θεῖον illud Hippocraticum de omni eo, quod est abstrusum & insolitum, quodque nec sensibus nec ratione facillè pervestigari potest, sive etiam in effectu sive causis lateat, interpretamur, *lumbricis* sane optimo jure competere poterit hic Titulus, quippe quibus nil abstrusius nilque magis insolitum unquam videre. licuit in *Praxi Clinica.* Inter rariora ergo ipsorum symptomata non immerito etiam *Aphoniam* hanc referendam esse putavi, præprimis cum & duratione & affligendi modo illam adhuc superet, quam *Celeberr. Helluvigius* in puella novenni, à simili fere animalculo productam, sed aliis adhuc symptomatibus stipatam annotavit, & in suis *Observ. Phys. Med. Observ. 94.* descriptam reliquit. Quod vero in præsentī hoc subjecto appetitus plane fuerit prostratus, contra communem plebis nostræ opinionem, quæ voracitatem puerorum nimiam semper pro palmario verminationis signo reputat & venditat, ex eo potissimum deducendum esse autumo, quod provida corporis sui conservatrix, Natura, ipsum illud, fœdissima tali progenie obsessum & conspureatum, ultro nutrire haud voluerit, sed potius illas imprimis regiones, in quibus alias materiam ad promovendum ejusdem augmentum necessariam præparare assolet, ab ingratīs & adversis hisce hospitibus perfectè liberare conata fuerit, ne gravius forsitan ab iis turbetur & offendatur, nobile illud chylicationis negotium. Hinc nimiam ejusmodi addyphagiam in verminatione equidem ut cœtam, minime vèro ut signum quoddam pathognomonicum occurrere, & ratio, & ipsa quoque experientia dictitant, eaque

cæque propter non solum *Galenus in Comment. ad Lib. VI. ejusdem Hippocr.* sed & ipse *Hoffmannus* in sua *Apologia pro Galeno voracitatem panis etiam simplicissimi ac purissimi pro genuina hujus mali causa non inepte declarant, Ettmüllerus* autem in *Colleg. Pract. Lib. I. Sect. I. cap. 2.* appetentiam præternaturalem à vermibus solis excitari posse, ob varias rationes rotundè negat, quarum intuitu etiam *Celeb. noster Mayerus in Miscellan. Aca-*  
*dem. Cent. III. & IV. Observ. 140. pag. 320.* merito dubitat, an *Bulimia periodica* in muliere observata & excretionem lumbrici cujusdam majoris iterum sedata, ab ejusdem morsificationis & arroffionibus deducenda, aut annon potius *saburræ* isti acidæ & biliosæ per vomitum insimul rejectæ *fibras ventriculi nerveas* antea vellicanti & rodenti, adscribenda fuerit. De reliquo copiosis istis lacticiniis, quibus ita eximie semper delectabatur præsens hoc subjectum, ut quolibet ferè die talia in notabili quantitate ingereret, utique tribuo, quod proximam & aptissimam pro fovendis & nutriendis turpissimis hisce animalculis subministraverint materiam, generationem autem ipsorum primitivam ab aliorum forsitan ciborum reliquiis & delitescentibus simul intra has varii generis seminis verminosis, deducendam esse existimo, quoniam *infantes teneriores*, si non omnes, tamen plurimi, quamdiu solo lacte nutriuntur, nec quicquam de aliis crassioribus alimentis, inprimis autem *carnium speciebus*, accipiunt, communiter vermibus rarissimè infestantur, notantibus hoc *Galenus in Comment. in Hippocr. Sect. III. Aphor. 26.* *Riverio Prax. Med. Lib. X. cap. IX.* aliisque celeberrimis Autoribus, quod sanè ita contingere haud posset, si in lacte, juxta mentem *Athanas. Kircheri in Mund subterr. Sect. I. cap. X. & Sect. II. cap. I.* milleformia insectorum semina extarent, aut humor hic, præter nutrientem suam, etiam *Vermes* tales generandi & propagandi qualitate gauderet. Aphoniam autem una cum reliquis gravioribus in Casu nostro allegatis symptomatibus, ab excreto imprimis grandiori isto lumbrico, tunicam intestini duodeni, aut ipsius etiam ventriculi nerveam moleste

leste arrodente & vellicante causatam fuisse, tanto minus dubito, quo magis post assumptam potiunculam analepticam subdulcem (quali sapore imprimis lumbrici delectantur & ab omni insimul violentia avocantur,) illa semper remittebat & patiens iterum perfecte ad se redibat; hinc genuinam extraordinarii hujus symptomatis causam in constrictione & compressione nervorum recurrentium, à stomachicis aliisque versus intestina à pari vago protensis ramulis antea vellicatis, per consensum excitata, præprimis fundatam fuisse autumo, sicque in eo sententiæ Celeb. *Schmiederi* in *Ephemerid. nostris Centur. III. & IV. Observ. 81. pag. 202.* prolata, exacte subscribo, salvo tamen aliorum rectius desuper sentientium judicio.

## OBSERVATIO LXIII.

DN. D. ANDREÆ ELIÆ BUCHNERI.

*Prolapsus uteri per flatulentiam intestinorum distensionem causatus.*

**M**atrona quædam honesta, annum climactericum magnum, videlicet sexagesimum tertium, agens, simulque temperamentum cholericum-sanguineum exhibens, hætenus ab aliquot annis ob insignem ventriculi & intestinorum atoniam flatulentia fere continuæ exposita, ab eaque insigniter vexata & excruciat, cum circa tempus solstitiale hybernum in præterito anno obstructionem alvi insolitam (quæ alias quoque ipsi non adeo infrequens erat,) ad triduum usque durantem perpeffa fuisset, nec tamen illam, vel ex negligentia, vel ex avaritia, convenientibus remediis referare tentasset, ex improvise tandem abdomen, quod hætenus jam-jam flatibus satis turgidum erat, usque adeo distendi & intumescere

mescere sentit, ut quem trepidamente semper exhorruit, statum perfecte tympaniticum repraesentaret, & vestimenta, pro more mulierum, circa regionem epigastricam paulo arctius constricta, nimium quantum expandi & fere disrumpi summa cum consternatione animadverteret. Concorrebat insuper anxietas præcordiorum immanis & cruciatus spastici circa inguina & hypogastrii regionem tanta cum vehementia favientes, ut summos, qui alias sub partu, licet difficillimo, occurrunt dolores, horum intuitu nihil plane æstimandos esse censeret, eaque propter tandem, cum illi per semihorulam strenue continuassent, furibunda fere evaderet, & præ dolorum atrociam adstantium aures horrifono clamore & tremendo quasi ululatu imprægnaret, atque de procurando ipsi quantocyus aliquo auxilio cogitare necessitaret. Ego igitur hunc in finem repente advocatus, cum ipsam in lectulo quidem jacentem, sed omni feneratione destitutam, & manibus modo prætumidum abdomen, modo pectus anxie convellentem seque subinde ex uno latere in alterum circumvolventem offenderem, statim Hystericæ passionis tragœdiam in misero hocce corpore ludi ominabar, & propterea non solum interne consueta temperantia, antispasmodica & antihysterica ipsi propinabam, sed externè (licet de triduana illa obstructione, quæ & ipsis adstantibus prorsus ignota erat, nihil adhuc cogitarem) clysterem quendam emollientem & carminativum preparari & statim applicari curabam, quæ verò omnia nihil plane desperato auxilio infelici ægrotanti afferebant. Clyster enim, ob ingentem flatuum copiam statim iterum protrudebatur, & licet pluribus vicibus provida cæteroquin obstetrix illum immittere tentaret, tamen ne guttula quidem ad intestinorum cavitatem penetrare poterat, id quod etiam internis pariter accidebat medicamentis, quæ, brevi post assumptionem, per vomitum satis anxium rejiciebantur. Interim observaverat prædicta obstetrix, dum ægrotantem in situm pro applicatione Clysteris commodum transferre conata fuerat,

quod vagina uteri ad duorum fere digitorum latitudinem extra genitalia propulsa sit, & quod ipsa patiens inter summos clamores hanc partem subinde manibus comprimeret & quasi reponere intenderet; hinc statim cum stupore hoc mihi narrabat, & quid ultra, præprimis sub infueto hoc symptomate, faciendum sit, inquirebat. Mirabar equidem insignem illam flatuum potentiam, quippe quos ob vitæ genus sedentarium, nimis tranquillum & ab omni violentiori commotione alienum, cui hæctenus à multis jam annis assueverat ægra nostra, pro solitaria & primaria causa hujus affectus merito agnoscere cogebar; quoniam vero summè dolorificus hic status acceleratam requirebat medelam, atque omnia subinde magis deteriorari videbantur, idcirco jussi, ut quantocytus universum non solum abdomen, sed & imprimis prolapsa vaginæ uteri portio sacculis è solo lupulo recenti paratis, foverentur, lumborum vero & coxendicum regio unguento aliquo nervino & axungia anatis calide inungerentur, simulque suppositorium quoddam è frustulo saponis Veneri paratum applicaretur, quæ omnia etiam post elapsum unum vel alterum horæ quadrantem tantum efficiebant, ut status pariter ac ructus satis copiosi per inferiora & superiora prorumperent, eoque ipso ægrota paululum sublevari videretur. Hinc ipsi statim propinabam pilulas xx. ex M. P. de Succ. Crat. & Asæ foetidæ partibus æqualibus, nec non Extracti Panchymag. Croll. parte semis, paratas, cum cerevisia temperata, quæ non solum citra subsequenter aliquem vomitum in ventriculo remanebant, sed & insimul spatio duarum ferè horarum alvum feliciter reserabant atque insignem materiæ nigricantis, viscidæ & foetidæ copiam, sub immenso flatuum strepitu, evacuabant, idque aliquoties postmodum summa cum euphoria ægrotantis repetebant, quippe quæ post primam statim excretionem iterum ad se redire & successively tranquillior fieri incipiebat, remanente nonnisi, & adhuc, licet paulo mitius continuante, dolore spastico &



lancinante circa prolapsum illum jamjam allegatum, quem tamen brevi post, applicatis prius consuetis medicamentis externis & conjuncta simul enchiresi ordinaria, iterum quoque in pristinum locum reposuit provida illa obstetrix. Ab hoc igitur tempore per aliquot septimanas sic satis quiescente erat, nihilque præter ordinaria flatulentia incommoda experiebatur, cum vero postmodum ob assumptum, præter consuetudinem, cibum quendam crassiorem & concoctu paulo difficiliorem de novo alvi obstructionem acciperet, eamque iterum, ut antea, negligeret, statim pristina non solum pathemata ad unum omnia recurrebant, sed & cum vagina simul ipse uterus, sub exquisitissimis & priores adhuc longe superantibus lancinatoriis & spasticis doloribus, propellebatur, ita ut juxta relationem obstetricis, ad pugni magnitudinem ille extra genitalia promineret, sine ulla tamen inversione, quoniam orificium internum in extima ipsius parte adhuc perfecte conspicuum erat. Tentavimus equidem de novo Clysteris cujusdam carminativi injectionem, sed irritum iterum cum conatu; hinc ad priora confugimus medicamenta, imprimis autem prædictarum pilularum usum, ex quo, brevi post, ab eximio hocce symptomate, auxiliante gratia divina, iterum liberata & prolapsus juxta consuetum methodum perfecte repositus fuit, remanente non nisi spasmus quodam insolito circa inguina, qui vero tandem, post applicationem Emplastri cujusdam catagmatici, pariter quoque evanuit. Et ita hætenus per aliquot menses ab illa molestia plane libera vivit, ac, licet aliquoties, sub alvi imprimis constipatione forsitan occurrente, ipsam recrudescente, & in specie cruciatus illos insignes circa inguina de novo excitari sentiret, tamen ab assumptis statim prioribus pilulis, citra alterius cujusdam medicamenti usum, illi semper felicissime iterum evanuerunt omniaque in pristinum statum & tranquillitatem restituta sunt.



## SCHOLION.

**M**Orbos diversos in abdomine alias latentes sæpenumero causas procidentiarum & inversionum uteri satis periculosarum evadere, demonstravit jamjam Vir Celeberr. *Henr. von Sanden* in Schediasmate, quo Observationem de prolapsu uteri inversi ab excreſcentia carneo, fungosa in fundo ejus interno ex potu infusi crepitus lupi enata, recenset, confirmantibus id ipsum innumeris partim in Ephemeridibus nostris, partim etiam alibi proſtantibus exemplis & observationibus. Flatuum autem *ερεσσην* tantam esse, ut partem hanc ligamentiſus ordinariis undiquaque satis firmiter annexam è sede ſua movere & foras protrudere queant, vix unquam credidiſſem, niſi ſingularia in præſentihoc ſubjecto obſervata phænomena aliud me edocuiffent: à prægreſſa enim qualicunque violentia tanto minus deduci poterat noxiuſiſte effectus, quo magis & certius jam conſtabat, ægrotam partim ob deficientes, per ætatem, vires, partim ob continuam fere, quam hætenus perpeſſa fuerat, agrypniam, à lecto vix ſecedere, ne dum vehementioribus quibuſcunque commotionibus ſe ſe exponere potuiſſe. Sic ergo ab impetuoſiori inteſtinorum diſtenſione flatulenta & hinc oborta partium omnium in abdomine contentarum, imprimis autem uteri, compreſſione fortiori, vincula & ligamenta hujus, quæ alioquin ratione ætatiſjamjam debiliora & magis relaxata erant, ultro expanſa & dilatata, ac exinde demum inſolicum huncce prolapſum cauſatum fuiſſe liquido apparebat, hacque ratione non ſolum *Franciſci Mauriceau* obſervatio (\*) de prolapſu uteri per tuſſim vehementem & alvi depoſitionem violentiorem tenesmodeam, poſt prægreſſam

(\*) Vid. huj. Autoris obſervat. gravidar. obſetricat. germanice reddita & edita à Schürigio, Obſervat. 303. pag. 510.

fam & ad vigesimum usque diem perpeffam alvi obstructionem, causato, sed & ipsius *Aetii* assertio, qui *Lib. XV. cap. 78.* nimiam spiritus detentionem, ob eandem forsitan rationem, inter causas occasionales præternaturalis hujus accidentis refert, maxima ex parte confirmabantur; quemadmodum etiam insignis *Asæ* foetidæ efficacia in affectibus uterinis, quam præ aliis in *Botanologia* sua *Medica* mirum deprædicat *Zornius.* exinde vel maxime elucebat, siquidem, post evomitionem pulverum nitrosorum & antispasmodicorum, præter ipsum illud gummi in forma prædictarum pilularum exhibitum, nullum plane aliud medicamentum assumsit ægrota, eoque semper optime & ad votum levata fuit. An vero ea in futurum quoque constante sit fruitura valetudine, imprimis ratione prolapsus jamjam memorati, quem in senibus nunquam fere restitui posse asserit *Forestus Lib. XXVIII. Observ. 36. in Schol.* de eo equidem nihil certi adhuc determinari posse autumo, mitiorem tamen eventum & statum, ob semel adfuerum vitæ genus sedentarium & tranquillum, sperandum esse, non immerito confido.

(*Erfordia August. Vind. d. 15. Febr. A. 1727.*  
*missa.*)

## OBSERVATIO LXIV.

DN. D. SAMUELIS GRASSII, Filii.

### *De Mictu cruento ab Hemorrhoidibus Vesicæ.*

**V**Ir temperamenti sanguineo-cholerici à prima juventute liberiori diætæ adfuetus, nec à variorum inebriaminum deliciis alienus, ad labores tamen undique promptus & alacris, quos mercaturæ dedito rum occupationes domesticæ, rum itinera varia suppeditaverant, usque ad vigesimum præ-

ter propter ætatis annum hæmorrhagias narium interdum admodum profusas expertus erat, & postmodum cessantibus iisdem tumores faciei erysipelaceos subinde sustinuerat, ad quos præcavendos, neglecto pertinaciter omni de venæsectione consilio, scarificationes ad prodigalitatem usque frequentes institutæ, minus tamen sperato successu, consequente, quod vini usui liberalius semper indulgeret.

Ad trigessimum sextum ætatis annum evehctus Febre pleuritica corripiebatur, cujus impetus admodum efferati admissa tandem venæsectione largiori ex voto superati. Anno abhinc dolores capitis, & iisdem remittentibus tumores erysipelacei, circa nasum potissimum infesti, sæpius per vices recurrebant, non tamen æque molesti, ac dolores tensivi & pressorii circa regionem lumbarem, quos, ut sæpius in praxi contingit, à calculo dependere non dubitabat æger, hinc minus auscultans medico, qui sensationes hæc à moliminibus hæmorrhoidalibus oriri serio inculcabat; donec post diuturnos conatus tandem aliquando hæmorrhoidalis evacuationis modica non tamen sine omni levamine contingeret. Nec tamen eo adduci poterat æger sanitatis suæ nimis negligens, ut vel venæsectione in pede, vel laxationibus, vel fortibus subinde repetitis, commodis suis prospiceret, sed potius continuis diætæ erroribus, animique commotionibus impetuosioribus, & incauta corporis à potu æstuantis refrigeratione, omne sanitatis negotium turbabat; idque eo magis, quod vini antea potator, rebus domesticis ad angustias pervenientibus, spiritus vini illecebris traheretur.

Tandem aliquot annis quadragenario major, capitis & artuum doloribus nimis vexatus, vertigine & scotomiis visus, metum apoplexiæ ipsi suggerentibus, sponte sua ad venæsectionis anchoram anxius fugiebat, & consiliis salutaribus magis morigerus, eandem postmodum bis per annum admittebat, non omissis penitus præsidiiis, quæ cura interna postulabat, inter quæ acidulæ Egraniæ domi potæ admodum profi-

proficua deprehendebantur. Abhinc enim venæ sedis aliquoties cruentata, & proculdubio ad statas periodos pervenissent, nisi à nostro ulterior diætæ & salutis cura præcocius neglecta fuisset.

Post primordia anni M. DCC. XXIII. tempestate hiemali ventis nivibusque horrida molestum per aliquot dies iter instituebat, plaustro incongruo & succussionibus continuis gravi vectus. Urgentis frigoris sensationes lenituro aridebat crebrior spiritus frumenti ingurgitatio, & cum in locum destinatum pervenisset, vini Hungarici, quod autumnus anni M. DCC. XVIII. generosissimum præbuerat, crapula. Abhinc domum redux, cephalalgias, artuum dolores lancinatorios tussimque siccam sustinebat, à quibus observato regimine leniter diapnoico satis cito equidem liberabatur. Insigni autem pertinacia perseverabat dolor quidam tensorius à medio scapularum protensus, ex causis fociis ventriculi, cujus œsophagus in regione illa situs, & forte etiam diaphragmatis & ab hepatis congestionibus tensi oriundus; cui post frictiones cum pannis calidis institutas, soluto ructibus ventriculo, breve aliquod levamen erat. Magis adhuc affligebat eum passio colica alvi obstructio, & dolor circa os sacrum fixus, ad quosvis corporis situs molestus, qui nec foru, nec emplastro saponato camphorato movebatur. Nullum in diagnosi supererat dubium, affectum hunc ab hæmorrhoidibus dependere, potissimum cum illis per triduum quodammodo succedentibus induciæ contingerent; verum æger à calculi suspitione non poterat amoveri, & tum venæsectionem, multo magis hirudinum applicationem renuebat, nec medicamenta admisisset, nisi nitrosa & emulsiva ordinata titulus specificorum contra calculum commendasset. Tandem acta per aliquot septimanas hac fabula, medio Martii dysuria admodum dolorosa in scenam prodibat, ingenti nisu & pressione agrum continuo exercens, qui frequentiori mingendi conatu raro ultra unciam semis urinæ crassæ cum sedi-

sedimento farinaceo secrevit. Tendebar hic dolor à perinaeo usque ad glandem, cum rigida penis tensione, adeo ut sensus ardoris & tenesmi in ano, cum mingendi conatu dolorifico semper jungerentur. Nec deerant motus febriles circa vesperam potissimum ingruentes, cum nausea ventriculi, levi capitis dolore, & agrypnia.

In hoc anxio rerum statu curam eo quidem omni modo dirigebamus, ut alvo sua libertas restitueretur, & compositis inordinatis massæ sanguineæ commotionibus, hæmorrhoidum fluxus promoveretur, viæque urinariæ ab anomalis & sordibus liberarentur. Huic intentioni ulterius inserviebant, & antea jam ordinati pulveres ex lapidibus cancerorum cum acido citri saturatis, cinabari nativa, antimonio diaphoretico tartaro vitriolato, & nitro compositi; liquor tartari rarifatus, essentia alexipharmaca & succini remixta; emulsiones ex seminibus quatuor frigidis majoribus cum semine milii solis, genistæ, violarum purpurearum; decoctum emolliens Foresti cum aqua laxativa Viennensi. Usum clysterum emollientium exquisitus ab hæmorrhoidibus tumentibus dolor rarius admittebat. Consiliis autem de sanguine ventiliando non citius aures præbebat æger hæmophobus, nisi postquam cum urina sanguinem profluere cerneret, ubi ad eandem tanquam ad sacram anchoram iterum properabat, & largam satis in pede evacuationem admittebat, hircines adhuc averfatus.

Natura autem à motibus erroneis non statim desisteat, sed continuabant porius passiones summe dolorosæ, & sanguinis profluvium per viam urinariam augebatur, adeo ut octavo & nono novi schematis die, postquam malum ad *auxilium* pervenisset, mingendi conatu admodum frequentato, ultra dimidiam mensuram sanguinis crassioris cum urina mixti non tamen grumosi quotidie secerneret. Quoties ad matulam cogeretur, percipiebat prius sensum laticis calidioris cum dolore & tenesmo ab intestino recto per perinaum, &



cervicem vesicæ, urethramque usque ad glandem penetrantis. Interim nullus circa regionem renalem dolor, & scapulæ patenter ac os sacrum tristi sua sensatione non æque ut antea afficiebantur.

Medicamenta ferè eadem ac supra meminimus, nisi quod decoctum aliquod pugillare ex radicibus asparagi, glycyrrhizæ, herbis millefolii, virgæ aureæ, equiseti, floribus rosarum rubrarum, bellidis rubræ, & santalo rubro; pilulasque ex extractis balsamicis tonice adstringentibus adderemus, Exterius sacculos paregoricos in lacte coctos regioni affectæ. Et subinde dolore admodum furente, *l'eau d'arquebuse* Gal-  
lorum & spiritum vini camphoratum applicavimus. Minus tamen à ferocia sua desistebat malum priusquam venæsectio revulsoria in brachio institueretur, quam imminentis inflammationis metu adacti, decimo die post venam in pede apertam celebravimus, ordinatis simul singulo trihorio pulveribus temperantibus leniter camphoratis, eo successu, ut altero statim die urina & purior & non ita impedita prodiret, & paulo post aucta indies euphoria, natura vasa secretoria debita repeteret, succedente levi per venas sedis cruentatione, unde plenaria ferè tristium symptomatum remissio, & pristina propemodum sanitas ægro contingebat, nisi quod subinde urinæ adhuc crassæ & cum sedimento farinaceo conspicerentur, & non sine omni molestia fluerent; quæ tamen vere jam præsentè indies ex voto imminuta admodum congrue valente ægro. Abhinc venæsectiones singulis æquinoctiis spontè admissæ, & hæmorrhoidum promptior successus contigit, non tantum trimestri spatio statis propemodum periodis, sed etiam intermedio tempore, quoties potu paulo largius inca-  
luisse, recurrens.

Postquam autem ultra annum varias fortunæ adversitates, animique ærumnas sustinuerat, circa solstitium æstivale Anni M. DCC. XXV. evacuatio hæmorrhoidalis iterum intercipiebatur, ægro tot curis distracto hanc jacturam parum con-



siderante, & hinc successive ingruentes lassitudines artuum, appetitus prostrationes, angustias præcordiales, colicas infirmi ventris affectiones, agrypnias, causis moralibus potius quam physicis adjudicante; donec appropinquante solstitio hiemali, dolor circa os sacrum, molesta alvi dejectio & frequens ad matulam stimulus, metum recidivantis antea perpessi mali haut vanum concitarent. Nec mora, quin post dysuriam exquisitam pristina urinæ conspurcatio & cruentatio, anno ad exitum properante iterum in conspectum prodiret. Non deerant signa manifesta congestionis circa vasa hæmorrhoidalia, hinc, monitis nostris nunc magis obtemperante ægro, statim in principio venis sedis applicatæ hirudines, modicam sanguinis crassioris & instar glutinis viscidæ evacuant quantitatē. Minus autem cedebat malum, sed potius omnia supra recensita symptomata, & motus febriles statâ periodo post horam octavam vespertinam quotidie ingruentes adeo augebantur, ut post leve frigus intensus calor sæpius animi emotiones concitaret, & plurimam noctis partem turbulentam redderet. Dolor capitis etiam extra paroxysmum gravis erat, & subinde hæmorrhagia narium leniebatur, mictu cruento neutiquam imminuto.

Quod curam ulterius concernit, supra jam recensitæ indicationes & medicamenta ut plurimum pro norma erant, & potiones diluentes ac temperantes emulsivæ nitratæ potissimum necessariae judicabantur existimantibus, præsentēs sanguinis congestionēs non tam quantitati quam qualitati deberi, & crassam sanguinis consistentiam utique resolvendam esse. Nec videbatur intentioni nostræ eventus defuturus, potissimum cum cephalalgis & hæmorrhagiæ narium, venæsectio in brachio opposita fuisset, paulo post enim febriles commotiones & reliqua symptomata tantum non penitus sublata, & mictus cruentus valde imminutus, denuo spem restitutionis in integrum suggerebat, quæ tamen ideo nobis dubia erat, quod sanguinem e vena prolectum, à crasi sua valde

de dejectum, viſcidum, fæculentum & maculis lividis obſcuram rubedinem intercurrentibus notatum conſpexeramus, & pulſus celerior & durus, etiam præſente euphoria deprehenderetur, habitu corporis muſculoſo prorſus inanito. Nec durabat ſpes novella ultra octiduum, abhinc enim Lerna malorum iterum reſuſcitata, ita tamen ut mingendi conatu ferè continuo urina non cruenta, ſed intenſe rubra & ſedimento pituiſoſo craſſo inquinata, guttatim inter exquisitiſſimos dolores prodiret, donec febre indies aucta, inflammatio veſicæ, & die VI. Februarii Anni M. DCC. XXVI. mors, tot triſtium, malorum terminus, contingeret LV. ætatis anno.

Funestum huncce miſtum cruentum, non tam à vicio renum, quam ab anomalia hæmorrhoidali derivandum eſſe plane non dubito. Nullus enim furente quam maximemalo circa regionem renalem in Lumbis dolor, nec larga quantitate uno impetu ſanguis prodire deprehenſus; torquebat potius dolor quidam lancinatorius, cum ſenſu ardoris & tenesmo ab inteſtino recto per perinæum collumque veſicæ uſque ad glandem penis penetrans, totamque interdum regionem pubis afficiens, & urina admodum frequenti conatu, minori tantum quantitate guttatim ſtillabat; quin plane cedere viſus miſtus cruentus natura ad vaſa debita ſecratoria redeunte. Ad hæc per totam vitam nulla calculi ſigna pathognomica unquam præſto fuere, quamvis perſuaſu erroneo molimina hæmorrhoidaria ipſe paſſionem nephriticam judicaret.

Certè protenſionem venarum hæmorrhoidalium, internarum æque ac externarum, ad veſicam, à celerrimis in arte anatomica & praxi medica viris, dudum aſſertam eſſe Academiæ noſtræ Ephemerides, & alia ſcripta publica ſatis demonſtrant.

## OBSERVATIO LXV.

DN. D. SAMUELIS GRASSII, Filii.

De

*Scirrho Intestinorum.*

**P**uellus à prima nativitate & toto lactationis tempore vegetus & εὐσπαρῶν, clamorus tamen valde & ad iracundas animi commotiones maximè pronus, nondum completo primo ætatis anno ablactatur. Non multum abhinc dormiebat inquietus, & corpore & animo languens à vivido faciei colore multum dejiciebatur. Siticulosus & appetitu vago afflictus post cibum plerumque pejus habebat, & ad vomitus proclivis erat, alvo ab initio segni, temporis autem progressu admodum lubrica, & cibos crudeos vix ingestos inanimadvertenter ut plurimum egerente. Respiratio semper impedita. Adhæc turgebat abdomen tumore indies adaucto, & calor præternaturalis circa vesperam quotidie intendebatur. Symptomata hæc successive ita exacerbata, ut infellus æstu verè hæctico correptus, & cum maxima virium prostratione toto corpore emaciatus, tandem tædiosa vitæ terminum nondum trimulus nanscisceretur. Parentes ingenui & cordati, qui officiis suis tum quoad regimen tum quoad curam nullatenus defuere, de causâ hujus atrophici & contabescentiæ, obstructione nempe & scirrhescentia glandularum mesaraicarum satis antea edocti, ut certiores animo fierent, nullam malo huic chronico pertinaci medelam superfuissè, inspectioni anatomicæ corpusculum defuncti submiserè, qua sollicitè instituta sequentia deprehendebantur.

Externus musculorum habitus undique consumptus erat, ita ut corpus tenelliossum compagem integumento cutaneo lurido obductam quoad artus & thoracem referret.

Caput respectu corporis extenuati grandius, ita tamen ut moles ejus ætatis modulum vix excederet, nec quoad partes internas ullius labis argui posset.

Abdomen thoraci proximum turgidum valde & in dextro latere præ sinistro magis elatum.

Cute abdominis remota panniculus adiposus vesiculas pinguedinales extenuatas, & paucas tantum pristini habitus pinguioris reliquias, sparsim ostendebat, quibus glandulæ scirrhosæ pariter ac ulcerosæ magno numero intersitæ conspiciebantur, quæ sinuosis meandris musculos penetraverant.

Musculis, quorum consistentia tenuissima, cum peritonæo incis, plurimam abdominis superioris partem hepar prægrande intestinis incubans replere visum, colore pallidum, maculis lividis pallorem intercurrentibus. Parenchyma illud diaphragmati non ligamentis, quæ & in statu naturali robustiora & plura interdum contingunt, connexum sed ipsa substantia concretum erat, & undique indurationibus scirrhis & sinuosis abscessibus scatebat. Vesicula fellea flaccescebat, modicam & instar lymphæ tenuem bilem continens.

Omentum putredo ita consumserat, ut instar mucii intestinis incubaret, colluvie quæ loturam carnis referebat, in abdomine stagnando, hancce labem efficiente.

Intestinorum mira erat deturpacio, hæc enim hydatidibus, scirrhis, abscessibus tantopere undique scatebant, ut etiam naturalem structuram amisisse cernerentur, & neutrum ab altero cognosci vel distingui posset. Glandulas enim mesaraicas & intestinales obstructions corripuerant, unde illæ contiguæ, & tandem continuæ tumore scirrroso factæ, unum chaos inconditum referebant, quod nec figuram nec proportionem intestinorum secundum statum naturalem assequebatur, & flatu tubulis immisso segniter distendebatur & tremebat, passimque, morante licet aciem cultelli duritie, dissectum angustiores sinus referebat. Scirrhisitas hæc intestinorum, admodum æqualis erat illi quam in uxore Operarii Leidensis se

deprehendisse *D. Simon Scholz, Ephemeridum Germanic. Decur. I. anno II. observat. LX. pag. 118. refert*, cujus uterus cum abdomine torus scirrhusus repertus est, nullo viscere conspicuo, qui tumor adeo durus erat, ut cultro quamvis acutissimo non nisi vi discindi potuerit.

Intestini recti ea labes erat, qualem *Ruychius observatio- num anatomicarum observ. 95. & 96.* duplici specimine refert; scilicet ad Sphincterem tendens magna scirrhusitate circum circa obriguerat, ita ut tum ex propria ejus, tum communi intestinorum culpa causa physica in promptu esset, unde tanta dejectionum alvi frequentia ortum habuerit.

Ventriculo flatulentiis turgido papyracea consistentia & robur nullum.

Pancreas equidem satis cognosci poterat, interim illud omenti & intestinorum calamitas in consortium traxerat, unde succi hujus secretio haut felicius ratione præsumi, quam ductus ejus æque ac biliaris exitus in duodeno investigatione assequi poterant.

Lien & vasa urinaria ab integritate sua vix defecerant, & mirabamur in hisce partibus colorem satis vegetum sanumque, nec magnitudo renum in vitium verti poterat.

Thorace aperto, glandulam thymi ultra dimidiam sui partem indurata; pulmones autem quoad dextrum lobum passim, quoad sinistrum vero undique vomiceis refertos vidimus; quo latere à sterno ad vertebrae usque, valide pleurae concreti erat.

Cor cum pericardio legitimæ constitutionis fuit, contentus autem latex loturæ carnis magis quam sanguini æquabat.

(*Pratistavia Auguſtam Vind. d. 1. Mart. 1727. missa.*)

## OBSERVATIO LXVI.

DN. D. BENEDICTI GULMANNI.

*Inexpectata & funesta Salivatio.*

CUM Cl. Bohnius in *Tr. de Offic. Med. cap. 21.* inter alia de-  
siderata etiam optat, ut non tantum exponerentur illa  
phænomena, quorum effectus laudabiles deprehensi,  
sed hæc quoque, quorum funesti sive per infortunium, sive  
errorem contigerint; Sic deesse nolui sequentem casum sali-  
vationis funestæ & insperatæ hic communicare. Laboravit  
sc. virgo, 20. circiter annorum, valde phlegmatici tempera-  
menti, cephalalgia hysterica enormiori, ex mensium suppres-  
sione exorta ob chloroseos affectum, quo cum per duos an-  
nos fere conflictabatur.

Ordinarius Dn. Medicus optima & adæquata medica-  
menta ipsi præscribens, exiguum tamen levamen afferre,  
multo minus affectum in totum expugnare potuit; & quo-  
niam insignem dyscrasiam sanguinis cum visciditate mixtam  
hoc in subiecto deprehendebat, corrigendi, & magis dissol-  
vendi incidendique causa Mercurium dulcem cum extractis  
amaris in forma pilularum seq. præscripsit:

R. Extract. trif. fibr. M. Pil. coch. ℥j.

℥ dulc. gr. xv. c. Ess. trif. fibr.

f. pil. N. xxxii. asperg.

puly. cinnam. Dentur vii r. pro dos.

Harum cum mane octo & vesperi totidem assumesisset, pur-  
gabatur *hæc* mediocriter, statimque salivare incipiebat, &  
hoc symptoma tam cito ingravescebat, ut noctu diuque val-  
de exin incommodaretur, omnisque somnus & quies turba-  
retur. Et quamvis ab harum ulteriori usu abstineret, saliva-  
tio tamen nullo modo remittebat, quin potius paucis horis  
ita sæviebat, ut totum os, palatum, isthmumque faucium ex-  
coriaret,



coriaret, atque linguam laciniatam quasi redderet. Attoniti parentes hoc infortunio, & misericordia permoti ob insignes dolores filiae suæ, Dn. Medicum advocant, sciscitantes ex eo, num forsan error sive in præscribendo sive præparando medicamento contigerit? Hic famam ut defenderet suam, formulam præscriptionis à Pharmacopœo peti jussit, quam *Medico*, sibi in hac necessitate adjuncto, monstravit, & innocentiam hujus effectus ostendit. Suspicio ergo in Pharmacopœum cedebat, injusta v. itidem, cum Mercurius dexterrimè præparatus & deprehensus fuerit. Majori cum fundamento Medici hujus symptomatis causam attribuebant singulari dyscrasiæ sanguinis, humorumque acrimoniæ in hac virgine, cum penes plerosque Medicorum scriptores in confesso sit, generari posse in nobis venena, juxta *Cl. Bohnium l. c. p. 645*. Interim misera hæc luctabatur ferè per 14. dies, & quamvis ipsi revulsionis ergo laxantia, diaphoretica, clysmata &c. interponerentur, tamen instabat semper periculum suffocationis, & cum neque alimentis, neque somno (ob continuam salivationem) refocillari poterat, lipothymia sæpius corripiebatur. Tandem diligenti syringatione & gargarismatibus intermixtis temperantibus decoctis & infusis, analepticisque, ab eventu funesto tunc fuit liberata. Cachectica nihilominus permansit, & quatuor ab hinc septimanis, ascitico affectu illam reddidisse Creatori animam suam audivi.

## OBSERVATIO LXVII.

DN. D. BENEDICTI GULLMANNI.

*Aphonia, à Catarrho.*

**N**obilis Virgo 17. annorum ex pluviosa tempestate catarrho per aliquot dies laborans leviori, hypocaustum

tenc-

tenere strictius fuit obligata, tempus igitur, ut vespertino tempore suavius duceret, nonnullæ consanguineæ illam visitarunt, quibus cum ipsa satis bene se habuit, medias vero inter sermocinationes subito loquela ipsi deficit, magno cum amicarum stupore. Medicum itaque absque mora accedere faciunt, qui nobilem virginem aphonam quidem, pulsus vero naturalem, cæterasque circumstantias nullius consequentiæ inveniebat, quoniam vero seri aliqualem congestionem circa nonum par nervorum judicabat, infusum Thee bibere ordinavit, & mixturam resolventem diaphoreticam præscripsit, quibus intra spatium paucarum horarum loquela iterum rediit, & leni laxante altero die exhibitio, nobilis illa virgo erat restituta.

*OBSERVATIO LXVIII.**DN. D. BENEDICTI GULLMANNI.**Ficus seu tumor Cilii superioris palpebræ, feliciter curatus absque sectione.*

**M**Atrona vidua, nunc septuagenaria major, pia & mentis constantis, phlegmatici temperamenti, inter alias corporis infirmitates, quas senium pergenerare quandoque solet, tumorem in medio cilii superioris palpebræ oculi dextri animadvertit, quem pro verruca æstimans, non multum curabat, indies verò cum increfcere illum videret, chirurgi auxilium implorat, qui eundem marcescere per aquam mercurialem, sibi usitatam brevi temporis intervallo faciebat, & in totum auferebat. Quadriennio elapso, recruduit hic affectus, & elusit tam Medici medicamenta, quam Chirurgi, alias in arte periti, fidelem remediorum externorum applicationem, cum ille repente ad magnitudinem pomi Borsdorffiani majoris accesserit, suæque mole non tantum

oculi pupillam obtexerit, verum etiam insignes dolores capitis induxerit. Rebus in angustiis his constitutis, & tumore semper in deterius vergente secundum faciem externam, male enim olebat, sanguinem interdum stillabat & gangranosus fere apparebat, aliorum Medicorum & Chirurgorum consilium exposcebatur, qui vero unanimiter illud, Noli me tangere, eligebant, & concludebant, nullum esse in hoc subjecto ob ætatem provecam, locum neque ligaturæ neque sectionis, DEO & naturæ esse relinquendum & insistentum jam ordinatis medicamentis exsiccantibus & defensivis.

Hoc cum fuisset factum & continuatum, à domesticis in melius & diligentius observatum, præter omnem spem per summam DEI gratiam res eo cecidit, ut intra 14. dies planè ab hoc gravi & periculoso affectu pia Matrona liberata fuerit.

(*Exhibita d. 8. Mart. 1726.*)

## OBSERVATIO LXIX.

DN. D. GOTTLIEB EPHRAIM BERNERI.

*Bini Polypi, cum ingenti lienis tumore & pulmonibus, pleura undique adnatis.*

**V**ir quidam 40. & sex annorum Secretarii munere fungens, cum ob mala & infortunia domestica ad furorem usque adigeretur, desperabundus jugulum sibi lato præscindebat cultro, cujus vulnus per asperæ arteriæ caput supra cartilaginem scutiformem transiens, ingenti hiato, usque ad membranam dictæ arteriæ asperæ, qua œsophago adnascitur, penetraverat. Præterea verò alia abdomini inflixerat vulnera, quorum unum lienis substantiam, ad dimidii fere digiti altitudinem intrabat: alterum umbilico inflixerat, sed quod

quod panniculum adiposum saltem usque ad musculos penetrabat. Cum vulnere asperæ arteriæ simul læsa erat vena jugularis dextra, cujus apertura aciculæ majoris caput referebat, unde sanguis pedetentim effluens, obitum ejus ad 36. horas differebat. Vulnus in hypochondrio sinistro, propter lienis perforationem insigniorem sanguinis quantitatem effuderat, cui intestina innatabant, scalpetto inflictum vulnus, ob sui angustiam statim conciderat, adeo ut in conspectum non veniret, nisi post sectionem, tota pelvis sanguine erat repleta fluido purpureo copioso. Vulnus umbilico inflictum paucum sanguinis emiserat, quo nihilominus umbilicus, muscoli circumcirca & panniculus adiposus, veluti sugillati & perfuso & grumefacto sanguine livido nigricante colore apparebant. Aperto abdomine lien ingentis magnitudinis, tam in longitudine, & profunditate, quam latitudine conspiciebatur, atro & plumbeo calore rotum hypochondrium sinistrum occupans, quatuor præter propter librarum pondere costis spuriiis & diaphragmati undique accretus. Eidem hypochondrio aliud inflixerat vulnus, sed quod ad cartilagineas costarum spuriarum terminabatur. Aperto thorace, pulmones ubique pleuræ arcte adnati erant per totam thoracis capacitatem, atro colore & venarum distensione conspicui. Apertis ventriculis cordis duo polypi in utroque unus conspiciebantur, quorum unus in dextro ventriculo oblongo ductu & situ per venam cavam descendantem, usque ad jugulum se extendebat fibris quibusdam cordis columnis musculosis leviter adhærens, intrans quoque arteriam pulmonalem. In sinistro cordis ventriculo polypus majoris, sed rotundæ erat figuræ, magnitudinis instar ovi columbini, columnulis & fasciculis cordis musculosis leviter adhærens, cujus superficiei sanguis grumofus adhærebat. Nimirum febre quartana per anni & dimidii spatium laboraverat, ex cujus sanguine viscido, acido & terreo tumor lienis, ac polypi in Cordis ventriculis ortum duxerant,

## OBSERVATIO LXX.

DN.D. GOTTLIEB EPHRAIM BER-  
NERI.*Cæcitas ob contusionem Capitis ad parietem.*

**H**Ebræus 34. annorum commorans in Altona prope Hamburgum, cœlebs, ab infantili ætate visus debilitate laborans, ita ut sinister oculus ad visionem plane ineptus & cæcus redditus fuerit, cum suffusione & limpидitate aquosa, interne in oculo apparente, adeo ut nec unquam spem habuerit ad visionem huic oculo recuperandam. Hic cum adolevisset, voluptatibus imprimis venereis deditus hujus castra strenue coluit. Pater ejus talia resciscens, omnem occasionem ipsi eripuit, quo minus affectibus suis indulgeret. Ille, animadvertens omni occasione, ad voluptatem suam explendam, sese excludi & privari, insaniens veluti caput ad parietem allidit; ita ut sanguis ex dextri oculi cantho adhuc sani eruperit; oculus hic quoque post allisionem successu temporis occæcatur, adeo ut objecta recta linea ante oculum posita videre non possit; si verò objectum ad oculi latera oblique repræsentatur, obscure illud videt; oculus clarus est & pellucidus, neque quicquam præternaturalis in eo conspicitur. Cum varia & varios jam in consilium attribuisset, nervinis, balsamicis, spirituosus & discutientibus à Medico præsentis rationali administratis, eo curatio processit, ut per intervalla aliquot dierum videre & oculo objecta dignoscere potuerit; sed cum impatiens esset neque diætæ regimen servaret, huic Medico valedicens, alios duos in consilium adhibet, qui vesicatoria imponentes oculo, adeo ut oculus ad ovi anserini magnitudinem extra oculi orbitam promineret, cum effluxu insignis materiæ purulentæ quantitate, causarunt materiæ purulentam

nam & putridam, hac via & methodo ex oculo extrahi deberet. Ante usum balsamicorum & discutientium remedium hæc oculi curatio ab alio Medico per mercurialia, sed absque successu jam tentata fuerat : sed quantum distant curæ Empyricorum à rationalibus ! quid porro oculo evenerit non constat, sine dubio exesus fuit & consumptus à remediis catharticis ; si non totus ex orbita sua ob tumorem causatum, prolapsus fuerit.

OBSERVATIO LXXI.

DN. D. GOTTLIEB EPHRAIM BERNERI.

*Angina cum subsequente febre purpurata, & inflammatione renum.*

**V**Ir quadraginta annorum Med. Doct. & Practicus, ob divitias laute vivens ; certas ob causas excandescens, cum tempore autumnali circa vesperam nocte ingruente, circa Rheni ripas versaretur, quem trajicere volens, naucleros, ex altera fluminis ripa morantes, vociferando ad Rhenum trajiciendum, vocasset ad ægrum invisendum : sequenti vel altera die lassitudinem corporis, cum inflammatione faucium, animo conturbato, calorem totius corporis sentit ; sibi vero ob conturbatam mentem non amplius fidens, quarto post invasionem die, me accersiri curavit ; ubi æger in lecto decumbens, animo sibi utcunque constante, conquerebatur de faucium ardore & inflammatione, qua antehac diversis temporibus & intervallis saepius infestabatur, cum purpura rubra tandem superveniente, & morbum terminante, rubedine oculorum ferè continuo laborans, qua de causa ante binos annos, fonticulum sinistro brachio inusserat ; cum siri, inquietudine, pulsu concitato molli ; quandoque forti

Y 3 spaf-



spasmodico, æquali tamen, nisi quod post applicationem vesicatorii, & clysteris semel intermitteret. Respiratio erat libera, dolor capitis & nuchæ in dextra capitis regione vehemens, cum spasmodica maxillæ inferioris strictura & convulsione, qui tamen remittebat, post usum sudoriferorum & gargarismatis. Præscripsimus gargarisma ex herbis abstergentibus, resolventibus & emollientibus, cum mixtura diaphoretica & ptisana ex aquis sudoriferis, Rasura O. C. additis nitratis, unde quidem large sudabat sed sudorem viscidum. In usu remediorum dictorum per aliquot dies perseverans inflammatio, quæ præcipue musculos oesophagæos occupaverat, glandulasque tonsillares, unde exterius intumescabant, inflammatio faucium ad suppurationem vergebat, unde paucum exscreabat pus, urina turbida evadente, cum sedimento crasso & lateritio sic satis bene se habente ægro, sudore tamen viscido, attamen calido continuante, succedebat purpura rubra perseverante febre continua, adeo ut totum corpus, exceptis cruribus & pedibus, caput verò ingenti vesicularum numero infestaretur, cute corporis rubicundissima, veluti urticis caesa apparente. Sed cum præterea spasmis & tensionibus podagricis & quandoque dolore in pollice pedis dextro afficeretur, ubi veluti spasmi explosivi conjuncti erant, cogitatio ipsi adrepebat, de podagra figenda & derivanda ad pedes quasi eo trahi posset remediis. Cumque fortè alius Medicus ipsum inviseret, hic commendabat & urgebat vesicatorium furis applicandum, quod tamen ipsi ægro, cum mentionem coram me injiceret, summopere dissuadebam, ostendens incommoda, convulsiones & spasmos inde secuturos esse: Alter verò Medicus cum quo clandestinum consilium me infcio inierat, cum mentem suam de derivatione podagræ ægro exposuisset, persuasit eum ex prælectione cujusdam Autoris talem derivationem & fixationem doloris podagrici possibilem esse. Præscripsit igitur me infcio vesicatorium satis largum ex Cantharidibus furis applicandum.

dum. Ad utrasque igitur furas emplastra vesicatoria applicantur satis ampla ; sed mox subsequitur nox inquieta insomniis turbulenta, imaginibus variis in somno sibi obversantibus, fauciumque ardor summus & sitis quæ antea remiserat, redibat, ardor quoque renum & vesicæ accedebat, urina vero flammea rubicundissima, remittens à prægressa critica turbatione & evacuatione. Urinam inspiciens, nescius unde mutatio ista proveniret, tandem confitebatur æger, vesicatorium applicatum esse & quidem ex cantharidibus ; quo percepto indignans, cum hæc me inscio facta essent ; prædixi turbationem criseos, quæ si denuo non appareret in urina, actum esse de ejus salute : scil. inflammatio non solum renum & vesicæ à sale acri corrosivo & caustico cantharidum, sed ipsa sitis & ardor faucium non restinguendus erat, uti nec inflammatio renum & vesicæ, copioso licet pitisanæ potu, & emulsionibus temperantibus cum nitratis adhibitis. Urina quandoque tenuis, quandoque saturatè rubra, quandoque jumentorum similis apparebat sedimento furfuraceo ; nec sudor tam copiose amplius erumpebat ; oculi lachrymabundi erant, ac levis præterea commotio ad hæmorrhoides cæcas ; Cum verò alvus per aliquot dies non respondisset, poscente agro clysterem emollientem fœces succedebant nigricantes, partim duræ, partim fluidæ foetidæ, cum aliquot alvi laxationibus, unde purpura disparebat, & sudor difficulter erumpebat, perseverante pulsu convulsivo calor totius corporis adurens & acris succedebat, tandem tendinum subsultus cum tremore, quem excipientes convulsiones universales horrendæ cum clamore & anxietate, ut à quatuor robustis viris vix contineri posset, tandem expiravit. Scrotum sphacelatum observabatur post mortem stillante continuo urina per urethram, tumor occupabat crus dextrum ut & caput & brachium sinistrum insigniter : Vesicatorium vero altè penetraverat crus dextrum, in sinistro verò cutem saltem exusserat, unde illud pus viscidum copiosum exernebatur  
hac

hoc vero nullum temperantibus & diaphoreticis omnibus irritis.

## OBSERVATIO LXXII.

DN. D. GOTTLIEB EPHRAIM BER-  
NERI.

*Germinatio vegetabilium in vegetabili.*

**S**Ucco nutriri mobili & circulum ob eunte plantarum & vegetabilium omnes species, penes physices gnaros, in confesso non solum est; sed & idem aperte satis demonstrarunt curiosissimi rerum naturalium indagatores, *Magnihus*, *Grevv*, alique: atque adeo vitam vivere plantas in circulo humorum consistente, æque ac animalium multiplices species. Ex oculis partes vegetabilium nasci & progerminare, omniumque partium delineationem in eorum gemmis existere evicerunt *Agricola*, *Leuvvenhæck*, alique; adeo ut nulla sit planta quæ ova sua non gestet, sive in radice, sive in semine ex floribus prodeunte, sive denique in ramis & truncis. Nihil vero adeo subit admirationem magis, unam plantæ speciem in alia nasci, germinare & adolescere cum diversum succum requirant eæ, quæ in aliis nascuntur & germinant; sed facile cessabit mirari, qui consideraverit diversum situm fibrarum & tubulorum differentiam inde ortam unicam diversæ hujus nutritionis & vegetationis esse causam. Ita contigit, ut sambucus in ceraso (*orange-Kirsch*) germinaret, ac inter crassissimos ejus ramos adolesceret. Ut Ribium frutex cresceret in salice, baccas maturas rubras præferens, ut solanum vulgare in eadem salice proveniens, sui speciem lignescens ejus ramis referret. Harum semina scil. casu eo delata, ac intra corticum rimas abscondita, levi terra adspersa accedente pluvia germinare cœperant, ac radices ex se-  
mine

mine protrusas intra fibrarum corticum arborum scil. quibus innatæ erant, interstitia sese insinuasæ, ac ex succo corticem cerasi & salicis transeunte, & per eum circulante, nutrimentum hausisse & incrementum, ut adeo succus in cerasi & salicis cortice circulans aliam plane texturam in fibris radicum & ribium, ut & solani adsumferit à priori diversum, quo ipso vegetatio harum fuit promota, aliam & diversam mixtionem & texturam fumente succo ex ceraso vel salice pressione aëris in poros & radices sambuci, ribium & solani producta & intrusa. De polypodio in corylo crescente, in quercu, in pomo, aliisque arboribus, res nota satis est, ubi & de musco ramis arborum adhærente, de plantis & musco in lapidibus crescentibus, & quorum poris, angustis licet, succum alibilem hauriunt. Dicta iconisimi TAB. III. & IV. confirmant; quorum primus denotat cerasum, in quo crescit sambucus. Alter salicem exhibet, in qua crescit frutex ribis, cum baccis maturus, ut & solanum vulgare, cujus trunci lignescentem induerant duritiem, cum alias, ut in viis crescit, caulis herbaceus & mollis observatur.

(Duisburgo August. Vind. d. 15. Mart. A. 1727.  
missæ.)

*OBSERVATIO LXXIII.*

DN. JOH. GABR. DOPPELMAIERI.

*Circa Trigonometriam Sphericam.*

**E**X Mathematicis & illa merito in pretio habenda est scientia, quæ Trigonometriæ nomine insignitur, & in planam sphericamque dividitur, hac enim quivis, si Arithmetica & Geometria quoque instructus, tanquam aliis ad sublimiora Mathematicum in suis fere omnibus disciplinis occurrentia evehetur. Cum verò pro his spherica præcipue

magnum problematum cumulum, & quidem maxime in Astronomia, Sinuum & Tangentium tantum subsidio resolvere docent, nec vero numerum definitum, quot modis & quodcunque latus & quivis angulus obliquus tam in reſtanguſis quam obliquangulis Triangulis elici poſſit, exhibeat, interim è re omnino ſit, ut ſapius Problematum operationes pro rei veritate magis ſtabilienda, inſtituantur per omnes, quot dari poſſunt caſus, hic intimius perpenſis tandem obſervatio notari digna ſeſe obtulit, nempe præſuppoſitis tanquam notis, in Triangulis ſphæricis reſtanguſis unumquodque tam trium laterum, quam duorum angulorum obliquorum ſex modis hinc quinque quaſita per 30. caſus; in ſphæricis obliquangulis autem, quodvis trium laterum & trium angulorum pluribus modis & quidem decem, hinc omnia hac quaerenda per 60. caſus & ſic in univerſum omnia Problemata per hanc Doctrinam ſolubilia per 90. caſus deduci poſſe, quod in Trigonometriæ ſphæricæ emolumentum & veritatis indagandæ, ſubſidium magnum monendum eſſe omnino duxi.

## OBSERVATIO LXXIV.

DN. D. JOSEPHI LANZONI.

De

*Ebrietate à clyſtere ex vino generoſo conſecto.*

**F**Aber quidam murarius, ætatis annorum 52. menſe Octobris Anni 1725. tertiã febr̃i correptus cum ſumma alvi ſuppreſſione, unde oportuit advocare barbitonſorem, qui clyſterem injiceret, quod ut celeriter fieret, barbitonſor vinum ſolummodo afferri juſſit, quod calefactum in ventrem intruſit, & paulo poſt calore in capite exorto, mox vertigo & ebrietas ſucceſſit, ut multa ridicula & inconcinna loque-

loqueretur ; sed lassus, & somno sepultus usque in sequentem diem obdormiit, ac copiose sudavit. Expergefactus transactorum non recordabatur ; ast febris plane evanuit. Non autem tales sunt attendendi errores, siquidem possunt febres duplicare.

*OBSERVATIO LXXV.*

DN. D. JOSEPHI LANZONI.

*Apoplexia ex nimio usu pulveris Tabaci.*

**M**illes quidem Romandiolus, in praesidio existens nostrae arcis Ferrariensis, ætatis annorum 32. in abusu tabaci ita deperditus, ut dicere solitus fuerit, se potius absque pane velle vivere, quam tabaco, uncias enim tres quovis die istius pulveris absumebat, verum primo vertiginosus inde factus est, postea apoplecticus, unde mortuus absque sacramentis. Et alterius juvenis recordor, qui ex nimio usu subtilissimi pulveris, vulgo dicti *tabaco* spagnuolo, brevi cæcus factus est & paralyticus, unde postea miseram vitam duxit usque ad annum 60. quo tempore emaciarus obiit.

*OBSERVATIO LXXVI.*

DN. D. JOSEPHI LANZONI.

*Surditas in gravida.*

**H**onestissimam feminam novi, quæ surditate afficitur, quando utero gerit, terminato autem partu sensim auditum recuperat ; cum vero prægnans non est, recte omnia audit, id quod in quatuor gravidationibus ipsi evenit. Sic sacerdos fide dignus mihi narravit, se nosse uxorem cujusdam rustici, quæ quotiescunque gravida erat, non tan-



tum surditate afficiebatur, verum etiam dolore ischiadico & ulcere in crure; at excluso partu, pristinam recuperabat sanitatem.

(Ferraria Augustam Vind. d. 25. Maji A. 1727.  
missa.)

## OBSERVATIO LXXVII.

DN. D. FRANCISCI BÜTTNERI.

*Pannus oculi feliciter curatus.*

**M**ilitis cujusdam uxor mense Julii A. 1724. Onoldi apportavit ad me filiolum suum, qui non adhuc trium annorum ætatem compleverat, cujus oculus sinister è variolis nuper perpeffis panno magno satis ac periculoso obvolucus erat, adeò ut totum jam obsideret, & nullus amplius misero puerulo ex illo visus relinqueretur, quippe tunicæ adnatæ & corneæ tam intimè ac latè annexus, ut nulla prorsus pupilla conspici potuerit. Mater ideò anxia, (inprimis quia alius quidam Medicus, cujus auxilium prius imploraverat, oculum planè pro incurabili habebat,) in hoc tam anticipi & ferè desperato casu consilium à me petivit. Ego certam quidem ejus curationem non promittens, spem tamen aliquam superesse putavi, quoniam malum non adhuc inveteratum sed recens erat, & membrana in tenerrima hac ætate nondum indurata mihi videbatur. Hinc suasi, ut ad affluxum humorum impediendum & corpus purgandum singulis septimanis pulverem laxantem ex radicibus jalappæ & iridis florent. àà cum saccharo ad gratiam mixtum ad duos cultri cuspides puerulo porrigeret, & pro averruncando ac delendo visus diro hoste quotidie aliquoties succum recentem è caule rupto chelidonii majoris oculo instillaret; simul convergentem diætam servare jussi. Mulier hocce consilium meum

meum fidelissimè secuta, sub multis blanditiis ac promissionibus filiolum suum ad assumptionem & tolerantiam horum adegit; eoque Deo benedicente effectum, ut pannus oculi sensim sensimque diminutus fuerit, ac tandem post aliquot menses plane evanuerit, salvo prorsus ac illaeso oculo.

(*Onoldo Norimbergam August. d. 18. Mart.  
A. 1726. missa.*)

### *OBSERVATIO LXXVIII.*

DN. D. BENEDICTI GULMANNI.

#### *Insignis Hemorrhoidarius.*

**N**obile illud viscus Hepar multis antecellere prærogativis reliqua parenchymata; nemo facile mecum ibit in contrarium, considerando illius structuræ singularitatem, connexionis tam ligamentorum quam vasorum particularitatem, usus productique illius nobilitatem, quo sine cor, tanquam omnium organorum nobilissimum munus suum ne quidem feliciter absolvere potest. Exin per se elucescit, quantis & quam innumeris fontibus ærumnis illud sit subiectum, quo nobilior enim pars, eo gravior & periculosior fit suis vicinis in statu præternaturali constituta. Hic loci haud necessarium mihi videtur in causas inquirere, ex multis unicam allegare sufficiet, venam Portæ sc. in medium producens, quæ hypochondriorum inferiorumque partium Regina & Domina non immerito salutari poterit, illa nimirum bene & in statu naturali constituta, reliquæ secretionès hinc dependentes legitimè succedunt, præternaturaliter vero se gerente, quas turbas illam provocare posse neminem latet, ut proin duorum affectuum matrem fecundam ut plurimum pronuntiare non verear, *Passionis* sc. *Hysterica*, & *Mali Hypochondriaci*, quod cum hæmorrhoidum sæpius

pius est intricatum. Ultimi hujus, affectus sc. hæmorrhoidalis, communicabo historiam, annotatu haud indignam.

Vir Nobilis, conspicuus Mercator, 4<sup>to</sup>. circiter annorum, cholerico-hypochondriaci temperamenti, diætæ in juvenili ætate non adeo adstrictus, per decursum decem annorum fluxum hæmorrhoidalem jam percepit, salutariter vero & absque incommodo (in larga licet quantitate) decurrente, nullius Medici consilio opus se habere existimavit. Sicuti vero hypochondriacis familiare est, ut animi pathematibus valde sint obnoxii, hoc etiam nostro accidebat, ut præprimis cum iracundia & terrore sæpius pugnans occasionem inveniret; constitutio ipsius cholerica facile ipsi bilem movebat ob negotiorum amplitudinem, variique generis hominum consortium, terrorem vero excitabat inter alia grande incendium vicinum, proprio domicilio minas ultimas jactans, ut & vitæ periculum, quod sustinebat in itinere Francofurtensi, ubi Moenum tempestate ventoque valde agitarum leviori navicula trajecit, hinc est factum ut ex itinere redux insignem hujus affectus perpeßus fuerit paroxysmum, ita ut intra spatium octodecim dierum sex mensurarum cruoris nobilissimi habuerit jacturam, non obstantibus optimis medicamentis à Domino Medico præscriptis; indefesso tamen usu illorum & continuatis pulveribus temperantibus, Nitratibus & Cinnabarinis, paucis intermixtis adstringentibus cum adjuncta diætâ gelatinosa, expugnatus fuit, ut nundinas Bolzanas, tunc temporis proximas adire voluerit; his feliciter absolutis, patriosque lares revisens, incidit quasi in scyllam hujus mali; negotiis enim obrutus, itinere, solisque æstu defatigatus, sanguinis turgescentiâ, cardialgiâ, capitis dolorem, cum mox insequente fluxu persentiscebat, medicamenta in priori paroxysmo adprobata reiterabantur, absque tamen levamine, fortiora idcirco ordinabant D.D. Medici, pilulas sc. ex extract. catech. tormentill. Cort. Cascarill. Croco. Martis adstr. in super & Pulv. Stom. Birckm. quibus iterum domas-

tus fuit dirus hic affectus amissis septem mensuris sanguinis intra spatium trium septimanarum. Totus nunc emaciatus & quasi exanimatus Dn. Patiens ob tantum dispendium humoris nobilissimi, opus habuit, ut reficeretur, quod aliter fieri non poterat quam per juscula gelatinoso-alimentosa, quoniam ventriculus, uti facile judicatu, munus suum rite perfungi non potis erat, hoc modo vero sese recolligebat, appetitus, somnus, vires & calor naturalis redibant, ut negotiis suis paululum præesse potuerit, usque ad finem ultimi mensis ejusdem anni, qui erat 1720. ubi recidivam non minus funestam experiri debuit, quæ eo periculosior apparebat, cum paulo ante vix evaserit, nihilominus ejus ætas consistens, & natura extra hunc casum robusta, quæ omnia tam solida quam liquida in succum & sanguinem ipsi vertere assolet, superavit etiam hunc gravem accessum, postquam intra mensis decursum amisisset quinque mensuras balsami vitalis, & sic transegit misere hunc annum in hypocausto, suæque negotia aliis committere amicis fuit coactus. Annus insequens 1721. non minus ipsi erat fatalis, quanquam enim D.D. Medici præservationis ergo venæsectionem revulsoriam in brachio circa æquinoctia instituerint, & optima mandata adhibuerint, prohibere tamen non poterant quatuor graves paroxysmos, quorum ultimus, qui die 27. Novembr. superveniebat, animam ipsi fere eripuisset; placuit tamen Propitio Numini benedicere sequenti emulsiõni ex sem. 4. frigid. maj. Papav. & ▽ Borrag. plantag. Cinnamom. Cydon. additis Corall. r. ppt. Unicorn. ver. dent. hippopotami, ☉tro & Julep. ros. ut insignis orgasmus cicurari, & Dn. Patiens charissimæ suæ Familiæ conservari potuerit, post 23. mensurarum jacturam optimi sanguinis hoc in anno. Valetudinarius sic vixit per totum annum, viresque vix recuperare potuit, strictissima etiam observata diætâ secundum omnes VI. res non naturales, & præprimis ipsi erat necessarium evitare aeris inclementiam, corporis animique commotionem, à quorum leviss.

levissimo excessu statim se affici persentiscebatur. Sicuti hoc Anno 1722. evenit, ubi iterum quinquies à saevo hoc symptomate exercebatur, & in eodem dispendium viginti mensurarum humoris purpurei ferebat, mirandum est sanè, hominem superare posse tam enormem profusionem sanguinis, & non recordor legisse majorem, multum enim excedit illam hæmorrhagiam vulneris thoracici, juvenis illius studiosi, cujus *Cl. Pechlinus* mentionem facit in illius Ephemeride. Sed nihil novi, quod natura in conservatione certorum subjectorum prodigiosa & monstrosa quasi producere soleat, & dantur proprietates hominum, sine quorum noticia non facile quicquam in futurum præfagiri potest, juxta *Gelsum*. cap. 2. p. m. 49. Nemo certè credidisset, Dominum Patientem, viribus penitus exhaustum, per unum saltem annum superstitem esse posse, nihilominus per DEI gratiam ad hunc usque diem vivit; post ultimum enim paroxysmum, in quo Pulvis, ex Corall. r. ppt. margaritt. Proppto, Unicorn. ver. & Croco Martis adstr. optatissimum effectum edebat) affectus sensim sensimque imminuere cœpit, ita ut Anno 1723. octo tantum mensuras, Anno 1724. totidem. A. 1725. septem. A. 1726. 4. & dimidiam amiserit.

Hoc in anno conamina aliquot & accessus est expertus, qui vero salutariter semper decurrunt, & pulveribus temperantibus, Ptis, Ænis & stomachicis facile obediunt. Sic DEO benedicente, talem in statum est restitutus Dn. Pater, ut non solum negotiis suis (itineribus exceptis) præesse, verum etiam in publicum pro lubitu prodire valeat.



## OBSERVATIO LXXIX.

DN. D. BENEDICTI GULLMANNI.

*Exanthemata maligna arthritidi vagæ supervenientia.*

**F**emina 48. annorum, constitutionis cholerico-scorbuticæ, jam per duos annos ob mensium irregularitatem & naturalem emanfionem ægre se habuit. Varia medicamenta pro rerum necessitate, VSne præcedente revulsoria, fuere præscripta, modo cum, modo absque levamine. Ante aliquot septimanas corripitur Arthritide vagâ scorbutica, cum quo affectu, qui nunc superiora, nunc inferiora infestabat, per 20. dies pugnavit, medicamentis vero diaphoreticis, Otis & præcipitantibus, cum interpositis laxantibus, liberata fuit ab eodem. Sed quæ nunc in salvo esse credebatur, morti erat proxima. Vix enim 24. horis præterlapsis observabant adstantes exanthemata in dorso, his superveniebant anxietas præcordiorum, membrorum lassitudo, diarrhoea & urinæ diabeticæ. Medicus accersitus, statim vitæ periculum prævidens adprobata præscripsit alexipharmaca, vesicatoria applicare jussit, & optima analeptica subordinavit, sed frustra. Vires enim à priori morbo jam consumptæ & tonus omnium secretionum debilitatus obsistebant, ut nullus sudor vel maior provocari, neque guttula vesicatoriorum excitari potuerit, consequenter mors naturam vincere debuerit.





## OBSERVATIO LXXX.

DN. D. BENEDICTI GULLMANNI,

*Hydrops Ovarii sinistri.*

**R** Arrioribus morbis, qui genus humanum nonnunquam affligere solent, non immerito annumeratur *Hydrops Ovarii*. Hunc per multos annos usque ad vitæ finem perferre debuit Virgo triginta & quod excedit annorum. Hæc alias robusta & sana, optimi temperamentum, in laboribus suis domesticis occupata, post extensionem brachiorum & aliqualem nifum in altum (secundum ipsius propriam relationem) sonum l. crepitum potius audivit in abdomine, hinc perterrefacta alterationem aliqualem percepit, bene tamen noctu dormivit, & altero mare negotiis iterum suis consuetis præfuit, verum elapsis aliquot diebus, ventris tumorem animadvertit, quem etiam quotidie increfcere deprehendit; varia domestica, ut plerumque fieri solet, in usum vocat absque emolumento, tandem Medici auxilium implorat qui medicamenta resolventia, tonica, laxantia ut & balnea ordinavit, quæ vero loco auxilii, contrarium potius relinquebant, & ventri augmentum ne hilum impediabant, ita ut ipse cogeretur ab omnibus medicamentis desistere, & quoniam virgo alias gaudebat sanitate integra, nam menstrua erant regularia, appetitus, somnus &c. vigeabant, Medico suo valedixit, & nulla medicamina assumsit, præter pilulas laxantes ipsi consuetas ob obstructions interdum supervenientes. Sic per 15. annos circumtulit hanc molem & in publicum prodiit absque notabili incommodo, licet jurasses gravidam potius quam Virginem eam esse. Ultimis duobus annis ante mortem leipothymiis sæpius fuit correpta & moles, quæ ad genua usque pendebar, difficilem respirationem excitavit, & in ambulatione impedit. Ex motus defectu pejus sese indies habuit

habuit, lectumque tenere sæpius debuit tandem tussis sicca & febris lenta accessit, quæ virginem afflictam per placidam mortem ab omni malo & mole liberavit. Sequitur

*Cadaveris Anatome.*

Visui statim se offerebat stupenda moles abdominis, undiquaque dura instar lapidis, in circumferentia duarum ulnarum. Cute remota, corpus globosum sese sistabat, quod Chirurgus cum cultro Anatomico nisu sat vehementi vix penetrare potuit, incisione tamen facta, ichor ferofus, brunno-lividus absque tamen foetore profluebat in quantitate sex mensurarum. In illius cavitate, nihil, præter reliquæ istius materiæ cum sanguine grumoso mixtæ, inveniebantur, in sinistro latere nullum ovarium. Cætera viscera erant sana & naturalia. Moles exempta ponderabat 24. libras.

(*Exhibita d. 12. Aug. 1727.*)

*OBSERVATIO LXXXI.*

DN. D. CONRADI GRAFFII.

*Hernia varicosa-humorosa ex anomalis hæmorrhoidum internarum motibus orta & succedente illarum fluxu, nec non conveniente adhibita medela brevi, in Nobili quodam, quinquaginta plus minus annorum, antea hernia intestinali ejusdem lateris adflicto, feliciter curata.*

**N**obilis quidam quinquaginta plus minus annorum, temperamenti sanguineo-cholerici, hernia intestinali per aliquot annos affectus, corripitur die 19. Aprilis 1725. media nocte, cum paululum dormierit, dolore ac tumore scroti lateris sinistri, (quod latus alias hernia intestinali affectum)

fectum) insigni, duos viri robusti pugnos æquante, cum torminibus ventris & spasticis, crurum motibus vehementibus, quibus motus febrilis cum rigore, calore ac siti intensa accedebat per noctem ac multum diem continuans, quæ omnia tandem die 20. Aprilis, horis pomeridianis fluxus alvi cruentus, per aliquot dies cum sæcum alvinarum excretionem continuus, subsequutus, ex quo tempore statim omnia symptomata, tumore scroti excepto, qui tamen indolens factus, remiserunt. Chirurgus hac de causa vocatus, malum pro hernia intestinali incarcerata agnoscens, varia ligamenta, emplastra & cataplasmata, per tres septimanas applicat, ast incassum, tumor enim persistebat idem sine ulla diminutione. Cæterum patiens viribus & appetitu valens in hypocausto sine incommodo quodam, excepto ponderis & gravitatis sensu, ambulabat.

Die 19. Maji ego accersitus tumorem & singulas circumstantias explorans, morbum pro hernia intestinali judicare vetuit tumor indolens, defectus consuetorum symptomatum, immo quod tumor fotibus calidis & aliis relaxantibus per tres hebdomadas abhibitis ne minimum quidem cessit; sed potius eundem pro hernia varicoso-humorosa, sive tumore varicoso-humorroso ex anomalis hæmorrhoidum motibus orto, judicavi, in hanc sententiam motus, quod accedente hæmorrhoidum fluxu dolores spastico - constrictorii, una cum motibus febrilibus in totum remiserunt & tumor fotibus ac emplastris emollientibus minimum cessit. Suasi hanc obrem derivandi & roborandi fine, interne rhabarb. diuretico-tonica & externe roborantia, quibus in usum tractis, brevi tumor evanuit, & æger sanitati feliciter restitutus.

Hiscæ edocemur, hæmorrhoidum motus irregulares, præter varia mala etiam tumores herniosos gravissime dolentes, per consensum excitare posse, quos utut illarum fluxu indolentes fiant, minime emollientibus & relaxantibus effluxum humorum majorem promoventibus, sanare decet, sed

expedit derivantibus, discutientibus & roborantibus, partibus robur & liquidis viam parare naturæ consuetam. Multum itaque juvat in praxi, quoad fieri potest, per signa cuiusvis malo propria, morbum cognoscere, & causam ejus rimari curatius, quo facto medela adhiberi potest modo haud infelici.

*OBSERVATIO LXXXII.*

DN. D. CONRADI GRAFFII.

De

*Motibus spastico-congestorio-febrilibus, ex neglecto regimine in Asthma spastico-periodicum desinentibus, in Comite quodam Illustrissimo, methodo conveniente, successu felici, sublatis.*

**I**LLustrissimus quidam Imperii Comes, triginta circiter annorum, temperamenti sanguinei, habitus corporis succulenti & floridi, vi temperamenti ac hæreditariæ dispositionis, (cum Illustrissimus ejus Parens, cujus mores non minus quam os vultumque refert, abscessu pulmonum cum hecticco-ascitico habitu pie sit defunctus) ad sanguineas & catarrhales pectoris fauciumque congestiones pronus; ante tres annos asperissima hieme, tempestate existente frigidissima, quum per aliquot dies venando corpus frigori exposuerit, motibus circa pectus, præcipue ejus latus sinistrum, congestorio-inflammatoriis cum febre continua correptus, conveniente adhibita medicina, (relictâ ad tempus spastica partis adfectæ dolorifica sensatione, ex motu animi & corporis aucta, iterata vero scarificatione & venæsectione nec non acidularum Sualbacensium usu etiam penitus discussa) ad salutem reductus.

Anno 1726. Januario mense, tempestate gelida ventosa & nivea existente, traha per nivem vectus, iter Hanoviam faciens,

ciens, ibique triduum per urbem traha vehendo nec non saltando se exercens, iterum cum extremorum frigore, dolorem pectoris gravativum spasticum & anxium cum palpitatione cordis & sputo cruento experitur, qui adhibita scarificatione & decenti regimine extemplo mitior factus insuper hunc excipiebat diarrhœa per octiduum durans, quæ ultimo tantæ vehementiæ, ut horæ spatio quinquies plus minusve, cum atrocibus ventris torminibus, virium languore & tenesmo, alvum exonerare ipsi necesse fuerit. Opponebantur hisce symptomatibus transpirationem insensibilem leniter promoventia, temperantia, & roborantia successu felici, ut aliquot diebus circumactis, alvo secundum naturæ ordinem succedente, appetitu & viribus vigentibus, Deo auxiliante morbo explicitus. Quum vero intensissimum adhuc duraret frigus, Francofurtum iter instituens, faucium & tonsillarum tumore inflammatorio cum uvulæ laxitate, pectoris angustia, cordis palpitatione, dolore lateris sinistro, ex integro corripitur, quibus tamen, tumore in abscessum abeunte, spatio 14. dierum, excepta uvulæ laxitate vespertinis horis ingruente, in tantum liberatus, ut domum reverti potuerit, ubi laxante utitur & sanguinis missionem è vena pedis fieri curat. Quod vero regimen conveniens ei præscriptum neglexit & corpus pedesve frigori exposuit, tertio post venæsectionem die, circa primam noctis horam sub sensu horripilationis ac pedum frigore, asthma gravi implicatur, cum cordis motu inæquali ac tremulo, pectoris ac lateris sinistri dolore oppressorio, uvulæ ejusque ligamentorum descensu & laxitate insigni, atque sensu dolorifico tendente, quod vernacula exprimebat: (*Es drucke auf beyden Seiten den Hals, als ob was da stockte, und still stehen bleiben wollte, und wollte ihm bey dem Schlingen der Athem still stehen*) quod me judice ex congestis atque ob harum partium atoniam & laxitatem paralyticam quasi impeditius circulantibus humoribus natum paroxysmus matutinis horis, quibus somnus parum reficiens &

sudor

fudor accedebant, remanente aliqua præcordiorum anxietate & virium debilitate quidem remittebat, sub vesperam autem cum frigore & constrictione extremorum, tussicula, quadam raucedine, narium obstructione gravedinosa, palpebrarum laxitate, sudore faciei frigido, respiratione suspiriosa, cordis palpitatione, pectoris in specie lateris sinistri oppressionem & dolore tremulo &c. iterum affligens, versus primam noctis horam gravissime, matutinis horis cum somno & sudore finiebatur. Acerrimus hic sanitatis hostis è medio ut tolleretur in usum vocabantur, revulsionis ergo, pilulæ Becherianæ correctæ, Clysteres, frictiones pediluvia, & vesicatoria, mane decoctum, Theæ in forma, ex herb. scord. flor. prim. veris, rad. pimpinellæ & sem. fœniculi parat. cum Ess. alexiph. temperata, item spiritu C. C. vel mixtura tonica; pomeridianis horis pulvis ex lap. Cancr. acido citri sat. Antim. diaph. &c. cum speciebus pro potu Theæ superius nominatis. Omnium optime, præmissis auxiliis revulsoriis, paroxysmum mitigando & arcendo, contulit mixtura tonica interno usu in decocto rheiformi usurpata, essentia pimpinellæ in gargarismate, externe collo & pectori adplicatis sacculis ex rorism. serpill. hyssop. Chamomill. organ. & floribus lavendulæ. Horum medicamentorum usu paroxysmus spatîo X. dierum sublatus. Quoniam versus vesperam aquilone flante semper levis quædam observata mutatio, & lassitudines & inquietudines membrorum cum uvulæ laxitate somnum arcebant profundum & quietum, decoctum quoddam aperiens ex rad. aperientibus, Cichorei, pimpinell. assaparill. sem. fœnicul. &c. cum mixtura tonica matutinis horis continuabatur, interposito usu pilular. Becher. non omissis pediluviiis & scarificatione, quibus tandem colophonem imponebat laxans rhabarbarinum cum manna atque Illustrissimus Patiens acidulis postero tempore utendo Seltensibus, cum morbo in gratiam rediens, jam optima fruitur valetudine.



Ex adductis adparet quantum aëris injuria in subjectis plethoricis ex hæreditario vitio partium solidarum, ad motus spasticos & constrictorios versus partem quandam ex natura debilem, pronioribus, valeat, & qua ratione, & methodo sanitas Deo clementissime annuente vindicanda, cui vitæ & sanitatis Auctori sint laudes in infinitum.

(Gießa Augustam Vind. d. 18. Sept. A. 1727.  
missa.)

### OBSERVATIO LXXXIII.

DN. D. JOHANNIS ADAMI LIM-  
PRECHTI.

De

*Modo extraordinarium conciliandi somnum fluviatili Astaco, qui Latinis autore Gesnero, Cancer perperam, Germanis Fluskrebs vocatur.*

**J**Onstonum in *Hist. Natural. de Exanguib. aquat. libr. 2. Tit. 1. p. m. 12. ex Aristot.* annotasse: *Crustata ad morem aquatilium dormire*, legi; postea ruricolam quendam narrare audivi: Astaco fluviatili posse induci somnum, ut ita dicam artificialem sequenti modo, extraordinario quidem, facile tamen imitabili. Hujus relationis veritatem cum ego ipse expertus fuërim, cum Curiosis communicare eam non inconueniens existimavi.

Crustatum hoc caudatum mensæ imponatur in extremitatem frontis, quæ acuta & aspera veluti aculeus eminet, ita, ut corpus ejus insistas etiam superficiei chelarum, quarum denticulatæ forcipes reliquo corpori prætentæ & ejus cornua longa in tenuissimos cirros desinentia ad latera utrinque extenta sint. Hoc modo positum, lateribus convexæ caudæ,

da, ubi illa inferitur maximo operculo crustato, quod vulgus nasum appellat, ne se extollat, digitis sinistrae manus, pollice & indice, teneatur firmissime, dum manus dextrae medius à convexitate summorum, in quantum per curvaturam fieri licet, caudae tabellarum squamatim sese excipientium, ad regionem usque prominentium oculorum corneorum recta linea descendendo, blande ducatur tamdiu, donec animal huic actioni omni conatu resistens, tandem ita remulceatur, ut demissis versus pedes pinnis, in extremitate caudae constitutis, immobile in hac positura permaneat.

Noli autem Tibi persuadere alto illud somno jam esse sepultum, fermunculus enim, imo levis aura efficiet, ut, instar hominis inquietati præter omnem spem atque expectationem, pedem unum alterumve movere denuo incipit, statim vero, ut digito tuo gratae palpationis descensum in caudae tabellis renovabis, somnum iterum recuperabit & tandem denique sonum sterrentis edet, quem auribus tuis propius admotis accurate observabis.

Hæc docent cum grano salis accipienda esse verba Jonstoni c. l. p. 12. quando de crustatis scribit: *Nullum sonum vel vocem emittunt.* Stertentem si vis excitare astracum, digito mensam, cui impositus est, pulsa, mox partem caudae suae curvata eriget, paulo post ipse collabascet, deinde pedibus se committet & motum suum retrogradum salvus atque incolumis repetet.

(Berolino Augustam Vind. d. 7. Oct. 1727.  
missa.)

## SCHOLION.

Similia propemodum leguntur in *Annalibus Physico-Medicis Nat. Curiosorum Vratislaviensium Tentam. VII. Trimestr. hyemalis A. 1719, Artic. II. §. 3. p. 103.*

## OBSERVATIO LXXXIV.

DN. D. CHRISTIANI MICHAELIS  
ADOLPHI.

De

*Rara deglutitionis difficilis causa.*

**F**œmina 62. agens annum, per octo jam annos difficultate deglutiendi laborat, quæ in dies crescit, adeo ut etiam tota marcescat. Causa hujus mali est epiglottis, ossis instar indurata.

## OBSERVATIO LXXXV.

DN. D. CHRISTIANI MICHAELIS  
ADOLPHI.

De

*Insolito sudore colliquativo.*

**V**irgo 26. annorum sanguineo-melancholici temperamenti vitam sedentariam agens, mensium obstructione pertinaci per 9. menses laboravit, ex qua cardialgia maxima, usque ad intercurrents non raro animi deliquium est affecta, cum sudore nocturno colliquativo, qui mox à media nocte, aut quando præter modum paulo & consuetudinem corpus commover, incipiebat, & circa scrobiculum saltem cordis se exferebat, ex qua regione stillicidii ad instar sudor copiosissime effluebat, quem simul febris quædam lenta, circa vespertinum tempus augmentam capiens comitabatur. Auxilio fuerunt repetita laxantia, venæsectio in pede instituta, mensium fluxum ordinarium restituentia, tonicis dehinc refrigerantibus & roborantibus, junctis præsertim Spir. nitri dul-

dulcis cum sale volatil. oleof. Sylvii & quandoque essentia ambræ, quam ferre poterat, mixto.

*OBSERVATIO LXXXVI.*

DN. D. CHRISTIANI MICHAELIS  
ADOLPHI.

*De*  
*Frequenti & insolita ac diuturna sternutatione ex*  
*calcis vivæ vapore.*

**C**alcis vivæ subtilissimam acrem & corrosivam indolem partibus nervosis admodum inimicam atque altius se insinuantem sat multæ hinc inde observationes testantur, quæ varios spasmos atque constrictiones aliaque ejusmodi pessima symptomata in capite, pectore, alibique notarunt, ut apoplexiam, vertiginem, catarrhum, suffocationem, phthisin, anginam, angustiam præcordiorum, vomitum, vigilias involuntarias, febres lentas &c. uti legere licet præsertim apud *Hippocratem lib. III. epid. agrot. II. Dioscoridem lib. V. c. 91. & lib. VI. cap. 29. Tulpium lib. III. cap. 4. Ramazzinum de morbis artif. cap. 21.* aliosque plures. De calcis vivæ vapore insolitum alias symptoma in mercenario quodam juvene 23. annorum notavi, qui calci vivæ aquam infudit, ex quo præcordiorum angustia, tussi & sternutatione violenta atque frequentissima tentabatur, quæ per 12. horas sine intermissione fere durabat, adeo ut summe exinde debilitatus esset, & quoties abhinc in sole ambularet corpus fortius & ad sudorem usque commoveret, sternutatio ad aliquot horas redit, adeo ut solem & labores fortiores, quos mercenarii alias tractare solent, vitare & relinquere coactus fuerit, & sub lecto & hypocausto, lanam carminando & filatrahendo victum querere.

## OBSERVATIO LXXXVII.

DN. D. CHRISTIANI MICHAELIS  
ADOLPHI.*Cæcitas ex calculo.*

**A**Nno superiori in Carolinis thermis virum quadragenario majorem offendi, cui ex perpeffis renalis calculi doloribus sævissimis cæcitas contracta est. In oculis nulla nota ejusdem apparet, guttam serenam adesse dixeris, ex constrictionibus in abdomine ex motu calculi renalis per consensum & communicationem nervorum & per eam delata constrictione ad nervos usque opticos eosque sic pessime constrictos. Quod vitium nullo modo potuit curari, licet innumera per integrum fere annum adhibuerit, ultimum tandem refugium & auxilium, à thermis Carolinis, sed frustra quasivit, quem tristem eventum ipsi statim prædixi, hoc tamen remedium haud relictum & inexpertum volebat.

## OBSERVATIO LXXXVIII.

DN. D. CHRISTIANI MICHAELIS  
ADOLPHI.

De

*Visus depravatione in infante ex matre.*

**P**Hantasiam affectus animi, terrorem præsertim, notas & vicia embryonibus imprimere notissimum est. Ejusmodi affectuum censu, memorabilis admodum ea observatio est, quam jam proponam.

Infans recens natus foeminiæ sexus oculos rubore suffusos tumidos & clausos per 3. fere menses monstrabat. ex quo quan-

quandoque in obscuro loco collocatus eos quidem aperiebat, in illuminatum vero, aut sole aut candelis, deportata oculi mox magis intumescunt & rubent, copiosas lacrymas fundunt, clauduntur ejulatuque dolores indicat, in obscurum iterum locum reposita dicta phaenomena leniuntur. Adhibita sunt interne temperantia ex pulvere Marchionis, cum cinnabaris & nitri pauca quantitate non omisissis interdum laxantibus; quam externa ex discutientibus & denientibus commixta ex lacte materno, pomo cocto cum saccharo canto, croco, flor. sambuci lacti incoct. cum pauxillo camphoræ, ex quibus quandoque quidem melius se habuit, functio tamen visus ex asse redintegrari vix potuit. Vixit misere sic affectus infans per 2. annos quibus elapsis ex dentitione difficili & epilepsia extinctus est. Ex marito, & ancilla cognoscere licuit hanc noxam, hunc oculorum affectum sine dubio ex matre in infantem gestationis tempore esse impressum, quoniam percepi matrem gravidam æstivo tempore quotidie & sæpius adeoque nimium speculum radiis solis obversis adspexisse. Ex quo haud dubitanter affirmo nimium splendorem speculi & solis eorumque radios reflexos phantasmamque matris gravidæ in formatione foetus ipsi quoque malam oculorum conformationem inducere potuisse.

*OBSERVATIO LXXXIX.*

DN. D. CHRISTIANI MICHAELIS  
ADOLPHI.

De

*Noxa ex purgantium superadditione.*

**P**essimum est purgantibus purgantia superaddere, si priora assumpta non operentur. Etenim intestina non semper idonea ad motum hunc suscipiendum, & humores non semper sunt in motu & satis preparati, quod exemplo



quodam cognovi in viro quinquagenario majori temperamento sanguineo-melancholico prædito, qui ab empirico pulverem purgantem accepit devorandum, nullo vero ex ætistribus horis subsequente effectu, eundem pulverem reitervavit, ex quo summis præcordiorum anxietatibus, palpitatione cordis, doloribus ventris, ructibus continuis cum animi deliquio ad instar cholicæ siccæ pessime periculosissimeque est affectus, solo decocto malvæ affatim hausto restitutus, omnia enim reliqua pharmaca ex pharmacopoliæ petita aut petenda respuebat atque prohibebat.

(Lipsia Norimbergam M. Octobr. A. 1727.  
missa.)

## OBSERVATIO XC. DN. D. WOLFG. HENRICI SCHREY.

*Mors à polypo cordis magno.*

**D**ie 29. August. 1726. juvenis quidam adulter hic in custodia moriebatur, cujus pes dexter ab adulteræ marito suspicionis furore tacto tres septimanas ante gladio erat perfoßus. Ingressus vulneris supra genu trium digitorum transversalium altitudine, in progressu Fasciæ latæ & Poplitæi musculi conspiciebatur, quod vulnus per corpora musculorum femoris assurgens in latere interno circa regionem mediam lividi & fartorii musculi egrediebatur. Licet vulnus optime curatum quilibet spectatorum ab extra statim judicaret, totum tamen corpus ad genuinam mortis causam indagandam sectioni subiciebatur. In abdominis quidem pelvi intestinum cæcum & colon præternaturaliter peritonæo adhærebant atque in thoracis sinistra cavitate pulmo circa mediastinum pleuræ accretus respirationis difficultatem in vivente dissecto observatam manifeste indicabat, sed utramque circumstantiam pro mortis causa allegare erat insufficiens; sic in demortuo me pulsus tardiores & spirituum languo-

rem ægrotante adhuc observasse in mentem incidit, & stagnatione, sanguinis in cadavere hinc & inde, præprimis circa thoracis vasa conspicuæ præsentis Polypi suspensionem adauxerunt, quem etiam in cordis ventriculo sinistro circa valvulas mitrales firmiter accretum & per cordis auriculam sinistram ad pollicis latitudinem extensum rite deprehendi, qui vero altera ex parte ad spectantium omnium admirationem in cavitate superiore dicti sinistri cordis ventriculi per Aortam ejusque curvaturam surgens cum descendente Arteria magna inferiora petiit, hinc subclavias præteriens finem tandem invenit ubi Aorta in coeliacos abit ramos, ex quo colligendum Polypi longitudinem ad ulnam, crassitiem vero ad digitum medium accessisse.

Figura hujus monstrosæ excrescentiæ postquam hospitio fuit exempta, ob longitudinem, crassitiem, lævem superficiem & circulearem rotunditatem serpentem majore tamen & inæquali capite ob processum ad cordis sinistram auriculam representabat; tamen hinc & inde pedes vel potius vasa in glabra superficie occurrebant pro adhæsiōne nimirum & nutritione damnosi hujus Polypi. Substantia ejus non adeo firma dubium mihi propemodum movit, an judicando Polypum à stagnantis sanguinis gelatina rite distinxerim? sed, & calor in parte superiore pallide rubescens, in inferiore nigricans, & fibris longitudinalibus contextum corpus tenui membrana tectum me recte judicasse comprobavit; tamen non ita diu Polypum hunc durasse arbitror, quia & mollior substantia contradixit, & nullus in toto corpore tumor aut humor hydropicus observatus fuit. Interim causam lethality absolutæ ordinariam non à vulnere, sed monstroso cordis Polypo ortam consentiens Medicorum sententia confirmat. Curiosum hoc observatum calamo delineari curassem, nisi ad judicis mandatum cadaver jamjam putrescens statim post sectionem sepultum curiositati tempus denegasset delineandi.

(*Delitio August. Vind. d. 13. Oct. A. 1727. missa.*)

OBSER-

## OBSERVATIO XCI.

D.D. HERMANNI WERNERI ENGELBERTI  
de WESTHOVEN.

De

*Rara, & varietate colorum distincta, ex India allata Ave, tribus gaudente pedibus.*

**B**ene *Anaxandrites* apud *Athenaeum Dipsosophist.* l. 5. c. 27.  
ex versione latina *Georgii Franck de Franckenhau* τὸ πολὺ  
*μαθὲς ἀπὸ Satyr. Medic.* p. 606.

- - spargere, inquit, in vulgus decet,

*Quicquid novitatem quandam habere cernitur.*

Hac etiam de causa liber parum à laboriosissima, qua ob multitudinem adversa valetudine correptorum huc usque distentus fui, praxi medica sequentem cum Illustrissima Naturæ Curiosorum Academia communico observationem. Mense Februario anni æræ Christianæ 1727. Amstelodami in Spectatissimi, atque Expertissimi Domini *Thoma Nollen*, Fautoris & Amici mei omni honore ac caritate complectendi nova officina pharmaceutica ad aureum Angelum *op de Reguliers Breestraet* sita conspexi ex India allatam raram nec non variam plumæ versicoloris avem ut *Propertii versu 32. l. 3. eleg. 13.* utar. Hac albo, nigro, rubro, luteoque insignita colore, & tribus prædita erat pedibus, uno nempe dextro, ac duobus sinistris perfecte constitutis. Præcipue autem singulari ideo afficiebar admiratione, quod ne ullius quidem unguis defectum animadvertere potuerim.

OBSERVATIO XCII.

D.D. HERMANNI WERNERI ENGELBERTI  
de WESTHOVEN.

De

*Vitulo maculoso trecentorum ferme ponderum, à  
nativitate oculorum luminibus orbo, nec caudam,  
nec perforatum anum habente.*

**I**ncrebrescente fama Amstelodami cerni posse monstrum,  
ut Maronis Musa l. 3. *Æneid.* v. 658. canit,

*Informe, ingens, cui lumen ademptum:*

Candaule illud apud Herodotum Clio, primo inscripto libro, c. 8.  
mihi incidit; τὰ ὅσα τυγχάνει ἀνθρώποισιν ἔοντα ἀπιστότερα τῶν  
ὀφθαλμῶν. Interim venit etiam in mentem antiquus Phadri  
l. 3. fab. 10. vers. 49 senarius:

*Nil spernat auris, nec tamen credat statim.*

Præterea revocavi in memoriam verba Sennerti de *Consens. & Dissens. Chym.* c. 3. p. 27. non ab hominis auctoritate, & nomine, sed rei evidentia veritas pendet, Pitcarniique in solut. problem. de inventor. p. 92. auctoritati apud medicos nullus debet esse locus. Ut igitur omni liberarer dubitatione, pontem, Ecclesiæ Evangelico-Lutheranæ veteri vicinum adivi, mense Martio anni reparatæ per Christum salutis 1727. ibique naviculam inveni, quam quum conscendissem, monstrum vidi albis ac rubris notatum maculis vituli trecentarum fere librarum die 26. præterlapsi ultimi Novembris cœcis oculis nati, & nulla gaudentis cauda, imperforatumque habentis anum. Quæras hinc forte; an sic non cacare potuit? Sane. At quum fœmineum sexum repræsentaret, lotium, & stercus, per vulvam urgente necessitate reddidit æque, ac vacca ista *Pririnthi* ceu *Aristoteles* l. 4. de generat. animal. c. 4.

scribit, olim existens, cujus anus quum clausus esset, excrementa sicca in flatu convertabantur à natura, & per urinam excernebantur. Similium ferme exemplorum in ipso genere humano contingentium, mentionem etiam faciunt *Borelus observat. rarior. cent. 1. n. 77. Schenckius observat. l. 3. fol. 419. Benivenius de abdit. c. 86. Mercurialis l. 1. de morb. puer. c. 9. Jo. Bapt. Denis dans ses Conférences p. 131. aliique.* Paucis addo, monstrum illud ad exsaturandos spectatorum oculos ex linteo confectis varii coloris laqueis, buxo diversisque perpetuo virentibus herbis exornatum fuisse.

(*Hamma Westphal. Augustam Vind. Jan. A. 1728. missa.*)

## OBSERVATIO XCIII.

DN. D. JOH. FRIDERICI BAUERI.

De

*Opii mirabili efficacia.*

**Q**UOD gladius in manu furiosi, id Opium est artis imperito. Quotidiana pro dolor! corroborat experientia, quod opiata, cum ab imperita manu propinantur, sæpius ægrotantium detrimentum accelerent. Contra si opiatarite ac circumspecte adhibentur, præ mille aliis sese commendant, dum non solum dolores commulcent, sed humores circulantes etiam promovent, ita ut propterea ab Experientissimis *Ettmüllero & Wedelio* virtus diaphoretica iis tribuatur.

Quoties in mea praxi ægrotantibus opiata exhibui, toties sum expertus, quod eo largius sudarint, quo profundius dormiverunt. Sed reliquæ humorum excretiones per pectus videlicet & alvum ab opio non juvantur, potius reprimuntur, quod præter experientiam confirmant *Thomson Dissertat. Med. V. Proposit. 6. & Ephemerid. Nat. Cur. A. LX. & X. Dec. I.*

Licet

Licet *αὐτοῦ* hoc confirmet, tamen contrarium vidi in muliere septuagenaria, in qua opium neque expectorationem, nec alvi lubricitatem impedit. Mulier hæc à viginti & pluribus annis contumacissimis doloribus hystericis vexabatur, ita ut contra eos omnis generis remedia ab Experientissimis nostræ civitatis Medicis frustra in usum vocaverit. Tandem quidam Medicus suavit, ut mane quotidie spiritum ardentem opiatum, loco vini ardentis, cui erat assueta, hauriret, quem ita parare iussit ut corticum aurantiorum Mj. Opii correcti ʒss. infunderet spiritus vini lbss. & quotidie ʒj. potaret. Hoc potu per viginti annos continuato à prædictis doloribus non solum liberata sed ad quævis suscipienda negotia domestica multo alacrior & robustior reddita est. Incidit tandem hæc mulier in orthopnoeam, ubi à quodam Medico potus opiatum interdicitur, & alia præscribuntur remedia bechica. Sed multum defuit, ut vel ullum ægrota habuerit levamen, ut potius morbi status multo deterior fuerit factus, quare præscriptorum remedium pertæsa, meam operam efflagitat, hac adjecta precatatione, ut haustum suum assuetum permitterem, cum in hoc potu unice reconvalescentiæ spem collocaverit, Ast virium defectus & muci abundantia plane contrarium suadebant; interim cum alia præscripta remedia invite ab ægra adhiberentur, opiatum potum iterum per mittebam, quo vix permissso, ægram in meliori statu inveniebam, dum mucus copiose exspuebatur, alvus, quæ extra opii usum erat obstructa, lubrica fiebat, & indies malum imminuebatur, ita ut intra breve tempus fuerit restituta.

## SCHOLION.

**M**irum omnino est, quod opium singularem & suæ naturæ prorsus contrarium edere queat effectum, dum omnes Doctores consentiunt, quod ab Opiatis spirituum intercipiatur influxus, ita ut quævis secretionis organa ab operatione



rationibus suis abstrahant. Demonstravit *Celeb. beat. Wedelius L. de Medicamentorum facultatibus. L. II. Sect. II. cap. 13.* & alibi opio virtutem inesse aphrodisiacam, quod pariter confirmant *Ephemerid. Nat. Curiosor. Dec. I & II. Observat. 69.* ubi traditur, quod orientales populi opii usu spiritus excitent, quo tam in Veneris, quam Martis bello animosiores fiant. Si ergo opium cum analeptico adhibetur, spiritus excitat, quemadmodum videmus quod si cum vino generoso sumitur homines garruli & jocosi fiant. Hoc ex fundamento *Schræerus Tr. de Opio*, opiata in quovis fere morbo cum remediis specificis mixta commendat. Quod si ergo ad nostrum recurramus exemplum, hanc mihi concipio causam, quod opium aurantiorum corticibus adjectum, partim spiritus roboret, partim eorum dissolutionem impediat, ita ut in colica flatulenta non minus, quam in orthopnoea, ad organa roboranda idoneum esse possit. Denique consuetudinem hic etiam alteram esse naturam, Turcarum & Persarum docent exempla, ubi notum, quod loco potus generosi opium hauriant, quo ad pugnas animosiores reddantur.


## OBSERVATIO XCIV.

DN. D. JOANNI FRIDERICI BAUERI.

*Hernia umbilicalis prægrandis Chirurgorum ignorantia pro tumore cystico habita.*

**V**ocabar ante aliquot annos ab incola quodam oppidi propinqui *Rheda* dicti in ditione Illustris DN. de FRIESEN siti, ut agram ipsius uxorem visitare, & de morbi statu meum judicium ferrem. Cum advenirem, agra triginta circiter annorum in sella sedens tremula voce conquerabatur de abdominis stupenda excresecntia, quam sine omni reconvalescenciæ spe à multis annis gestasset, & summa appe-





appetitus prostratio, nausea, anhelosa respiratio, cardialgia & recurrentes acerbissimi dolores comitarentur. Causam hujus mali ægra ultimo laborioso partus negotio adscribebat, dum in regione umbilicali dolorosam crepaturam observavit, à quo tempore tumor sensim sensimque increvit. Cum ergo hæc mulier tumorem hunc indies incrementem observaverit, variorum Chirurgorum imploravit medelam, qui vero unanimiter sunt fassi, tumorem hunc esse exstirpandum, quam ob causam, varia applicarunt caustica ut aperiretur. Ocularis inspectio meam suspensionem, quod Chirurgi ex crassa ignorantia herniam umbilicalem pro tumore venditaverint, magis confirmabat; ingens enim & stupenda moles, quæ extra abdomen ad genua fere propendebat, solo tactu dijudicabatur, dum peritonæi fissura, quæ ab ipsa steri cartilaginis ensiformis extremitate incipiebat, & flatuum incarceratorum fluctuatio in ipsa abdominis excrecentia, sola manuum adplicatione percipiebantur. De cætero hæc expansio non aliter se representabat, quam abscessus jam ad maturitatem tendens, cum cutis utrobique erat rubra tumefacta, glabra atque nitida, umbilicus vero inferiora versus retractus, ad pugnæ magnitudinem accedebat, & putredine ac inflammatione erat corruptus, quæ cuncta symptomata ab inepta butyri Antimonii & Mercurii sublimati applicatione dependerunt.

## SCHOLIUM.

Sicuti in cunctis reliquis corporis humani affectibus ita etiam in dijudicanda hernia umbilicali signa diagnostica necessario requiruntur. Signa consistunt in expansione regionis umbilicalis, umbilici prominentia & peritonæi fissura, quæ digitorum adplicatione facile possunt determinari. Ne vero Medicus aut Chirurgus uno vel altero allegato signo contentus, hallucinetur, necessarium est, ut insimul in cau-

sam occasionalem inquirat, quo certior de morbi essentia fiat. De cætero signa indicantia non fugitivo oculo sunt consideranda, cum facile diversus morbus eadem facie incedens, pro hoc haberi queat, quare recensita signa conjunctim morbum clariorem reddere debent. Qui regionis umbilicalis expansionem herniam sufficienter indicare putant, unius erroris cum illis participes fiunt, qui herniam umbilicalem pro hydrope aut tumore cystico venditant. Notum enim est, ab extravasata aqua regionem umbilicalem una cum ventre interdum adeo extendi, ut cum hernia umbilicali quoad formam externam egregie conveniat, quemadmodum hinc & inde ejusmodi hydropis saccati diversa in Ephemeridibus leguntur exempla. Tumorem cysticum porro abdomen adeo monstroso extendere, ut tumor ad genua usque pendulus deprehendatur, *Ephemerides* pariter confirmant *Dec. II. A. VII. p. 470.* Quamvis autem abdomen hoc pacto extendatur, nihilominus tamen umbilicus optimum contraindicans signum præbet, dum in hoc morbo loco suo naturali adeo manifeste non egreditur, ita, ut ille, qui hunc affectum cum illo confundit suæ ignorantia luculentum edat argumentum. Signum ab umbilico desumptum quando videlicet prominet vel sede sua naturali egreditur, multo certius herniam indicat; impossibile enim est, umbilicum, cum adeo arcte cum peritonæo cohæreat, sine ipsius raptura adeo enormiter ad dimidiæ ulnæ spatium, sicuti in adjecta effigie videre licet, limites suas transgredi posse. Omnem denique absolvit paginam tertium signum nimirum peritonæi fissura, quæ licet ab initio admodum tenuis adhuc sit, ab extra tamen digitorum ope dijudicari potest. Nunquam enim herniam umbilicalem sine peritonæi ruptura mihi concipere possum, dum hujus membranæ substantia mere nervosa manifestam ejusmodi extensionem non patitur, quippe quæ solummodo musculosis partibus comperit. Hæc allegata signa, si in ægrotante sunt, nec Medicum nec Chirurgum fallere possunt, ita ut nullo modo

modo Chirurgò condonandum sit, si adeo impudenter ferro & igne in corpus humanum grassatur, & signa morbum indicantia plane negligit, sicuti fecerunt Chirurgi, qui in nostro casu herniam pro tumore habuerunt, & sine dubio miseram mulierem interfecissent, quam tamen, Deo benedicente, intra sex septimanas ita restitui, ut fascia circumligata suis consuetis negotiis ex voto fungi potuerit. Tanta est hujus generis audacia! hinc illæ lacrimæ. Vid. Fig. in TAB. IV.

## ΕΠΙΜΕΤΡΟΝ.

**M**iseranda sane fuit illius mulieris conditio, eo magis, quo minus ipsa occultavit aut neglexit tumorem, malum fonticum, sed libere inspiciendum atque curandum Chirurgis obtulit, quorum propterea in dijudicando atque tractando commissus error perniciosus excusari nullo modo potest. Vix majores autem ac frequentiores in foro Medico *fraudes* concipi existimo, quam *circa ventris muliebris tumorem*, non solum callide dissimilando graviditatem, illicitæ Veneris effectum pœnitendum, sed aliud quicquam illi prætendendo; cujusmodi malitiæ suspectas ideo, ut *ventrem* à peritis personis *inspiciendum* præbeant, merito, vel vi adigit prudens magistratus, nulla ratione habita prætextus nimii pudoris, forte pridem clam devorati, sæpiusculè vero hallucinantur obstetrices ipsique Medici, non satis cauti, etiam apud feminas in matrimonio viventes, atque matronas, modo hydropem pro graviditate, modo hanc pro illo tumoris causam falso asserentes. Verum de his plura hic disserere nihil attinet. Rariores forte sunt exempla mulierum, *quæ*, præter imprægnationis, in emolumentum quoddam suum simulatæ casum, *morbosos sibi ventris tumores arte confinxerunt*, ad eliciendam à misericordibus credulisque spectatoribus stipem. Hujusmodi tamen *fraudulenta vetula*, quamvis post mortem demum suam *Argentorati* deprehensa est mense Februar. A. 1728. Hæc ubi adhuc



adhuc in juventute sua, ob ventrem iutumescentem, prægnationis in suspicionem venisset, progressu temporis hinc liberata, continuando prius spectaculum & molestiam tumoris nefario artificio sensim exaggerando in suum commodum, universæ propemodum civitati non solum misericordiam movit, sed etiam per integros 39. annos ita imposuit, ut etiam Chirurgi ac Medici quidam, admiratione maxima tam stupendi tumoris affecti, quodnam ille monstrum in se contineret scire aliquando desiderantes, vix potuerint expectare obitum vetulæ. Hic vero cum tandem evenisset, nihil prodidit præter sepositam in cubiculo sarcinam sive saccum, inveteratis lintheaminibus ac pannis fartum, quem dolosa mulier adeo apposite noverat ventri suo alligare, ut stupendum tumorem istum, quem prætextu pudoris, sine periculo vitæ aut mentis alienationis, per inspectionem neutiquam violandi occultavit, per tot annos mentiretur. Totam historiam, cum Apologia quadam Medicorum Argentinenſium, erudico schediasmate complexus est Vir Excellentissimus Dn. D. Jo. Bæclerus. Nobis autem licitum erit, divulgatam in publicum imaginem vetulæ fraudulentæ, proximo loco ab ista neutiquam simulate tumida, sed mirum quantum herniosa femina, repræsentare, saltem ut contraria juxta se posita magis clucescant. Vid. Tab. V. Fig. 1.

(M. B. V.)

## OBSERVATIO XCV.

DN. D. JOHANNIS FRIDERICI  
BAUERI.

*Caries ossium in malo Ischiadico.*

**M**iles gregarius nostræ civitatis Joh. Georg Kutzscher, annos triginta natus, dolores ischiadicos in latere sinistro



pond. 19  $\frac{1}{4}$  lb.





stro sentiebat, quibus in dies incrementibus, ambulatio primo molestior reddita, brevi autem post plane impedita est. Postquam contra hoc malum varia sed sine successu remedia adhibuit domestica, curru demum se vehendum curavit ad famosum quendam agyrtam rusticum, qui subluxationem ossium pronuncians, non solum suo more satis rustico repositionem tentavit, verum etiam medicamenta tam externa, quam interna porrexit. Tantum autem abfuit, ut agrotus vel ullum repererit levamen, ut potius doloribus auctis, & accedente in affecta regione tumore, neque pedibus insistere neque sedere potuerit. Hæc cum morbi esset facies, mense Octobri à Collegio nostræ civitatis Eleemosynario æger Dn.D. Heinichen demandabatur curæ, qui tum externis, tum internis remediis ad humoris discussionem dolorisque mitigationem intendebat, sed frustra. Intumescencia enim indies reddebatur major & dolor atrocior. Qua de re mutato consilio, ad suppurationem promovendam omnes intendebat nervos, sed omnia in cassum, doloris enim vehementiæ se adjugebant respirandi difficultas, agrypnia, delirium.

Interim tumor eo præsertim loco, ubi os femoris cum suo cohæret acetabulo in molem accrescebat non solum immensam, sed etiam duram ac scirrhosam, usque dum paucos ante mortem dies in quibusdam locis ad tactum mollioribus, maculæ subrubræ oborirentur. Verum cum summa jam virium prostratio omnesque mortis imminentiæ adessent prodromi, incisio merito intermittebatur. Post mortem, quæ mense Decembri sequebatur, sectione in loco affecto instituta, partes carnosæ undique scirrhosæ apparebant, quæ varias cavitates & sinus efformantes, permagnam aquæ ichorosæ quantitatem fundebant. Hisce remotis innumera ossium fragmenta, albedinem naturalem adhuc servantia, musculis scirrhis quasi intertexta occurrebant, ossa enim innominata corrofa & in squamulas resoluta erant, nec quicquam

præter cartilaginem, acetabulum alias investientem, & adhuc caput ossis femoris recipientem, intactam observavimus.

## SCHOLION.

**Q**uodsi omnes practicorum codices evolvas, reperies cujuscunque arthritidi causam esse serum acre pro sua acrimoniæ insitæ differentia plus vel minus dolores & symptomata augens. Cuncta ergo symptomata imprimis vero dolorifica sensatio tanto magis augentur, quanto acrioribus spiculis serum illud constat, ita, ut in propatulo sit, cur non solum articulationes, sed vicinæ etiam partes in consensum rapiantur, dum videlicet caustica acrimonia partes tendinosas, musculosas & nervosas cuspidibus suis arrodit & lancinat. Quo mordacior ergo hæc acrimonia est, eo difficilior etiam est medicatio imprimis quando malum est inveteratum. Hocce casu, ubi ipsa ossa corrosa fuerunt, malum penitus fuit incurabile; ita ut mirum non sit, quod sæpius in curandis hujus generis morbis & Medicorum & ægrotorum patientia fatigetur, quis enim ab extra causam hæriolari potest? & licet per certa indicantia in aprium proferatur, vereor ne utrobique oleum & opera perdantur.

(*Lipsia Augustam Vind. d. 10. Jan. A. 1728.  
missa*)

## OBSERVATIO XCVI.

DN. D. ANDREÆ ELIÆ BÜCHNERI.

*Infans ore clauso & concreto natus.*

**C**irca finem Mensis Octobris prioris anni 1727. Prima quædam rustica, 22. annorum, in pago Marsdorff, ditionis Königsfeldensis, propè Colditium in Circulo

*culo Lipsiensi* sito, puerulum bellum sanumque fausto enixa est partu, cui nihil prorsus quacunque ex parte deficiebat, nisi quod extrema oris labia firmissime concreta & quasi perfecte coalita fuerint. Parentes ob improvissum tale accidens nimium perterriti & anxii, consilia prius cum obstetrice conferebant, hæcque diversimode, violentis imprimis distorsionibus (pro more suo rusticano,) clausam istam aperire tentabat portam, sed irritò prorsus conatu. Hinc ad balneatorem quendam haud ita procul, in vico *Pænig* commorantem, occurrunt, ejusque consilium & auxilium efflagitant, qui etiam, aliis commodioribus instrumentis destitutus, sola novacula erroneam hanc concretionem, mediante subtili incisione, aufert, atque applicato postmodum unguento digestivo, vulneratas istas partes intra quatrimum feliciter iterum consolidat, ut nunc iste infans perfecte valeat, sugat & nutriatur.

## SCHOLION.

**R**Es equidem nec adeo mira, nec admodum rara est, prodire in lucem infantes clausis naribus, auribus, ano, pene, aliisque vel ad nutrimentorum ingestionem, vel ad excrementorum egestionem necessariis ac destinatis locis, ut adeo non immerito costam toties cramben nunc ad nauseam recoquere videar, dum similis farinae historiam; ab Amico quodam rerum naturalium maximè curioso mihi communicatam, itidem in medium profero; ast, placuit ad minimum eam ob causam brevissimis eam recensere, quoniam, etiamsi nullæ prorsus aliæ nobis suppeterent rationes, pro refutatione sententiæ inter Veteres quondam decantatissimæ, de *solitaria nutritione factus per os*, hæc ipsa tamen observatio iis pariter ac omnibus reliquis, qui speciosis hisce traditionibus, Autoritatis præjudicio forsitan capti, mordicus adhæserunt, contrarium facillimo utique negotio demonstrare valeret. Prioribus enim seculis in Scholis tam Philosophorum quam Medicorum communem



munem quasi extitisse, & ab omnibus ferè propositam & propugnatam fuisse novimus opinionem istam, quod fœtus alimentum, pro corpusculi sui nutritione & augmentatione necessarium ore accipiat ex matris utero; quin imò constat etiam, quod omnibus ferè illorum temporum eruditis usque adeò placuit atque ab iis tanta cum aviditate excepta fuerit ridicula ista assertio, ut citius Herculi clavam, quam ipsis ejusdem patrociniū excusseris. Ex antiquissimis verò prima, uti quidem videtur, ejusdem fundamenta posuit *Democritus*, ingens & celebris ille Philosophus, quem *SENECA Lib. VII. Natural. Quæst. cap. 3.* subtilissimum omnium Antiquorum, & *HIPPOCRATES, in Epist. ad Democr. ἀριστον φυσικῶς καὶ κόσμος ἐρμηνεύειν*, optimum Naturæ atque mundi Interpretem, appellare non sunt veriti: Hic enim, ejusque in multis æmulus *EPICURUS*, testante hoc imprimis *PLUTARCHO, de Placit. Philosoph. Lib. V. cap. 16.* affirmarunt, fœtum in utero per os ali, quoniam statim atque natus est ad mammas fertur; sique *SORANO EPHESIO in Lib. de Utero* credendum est, approbavit quoque & ulterius illustravit hanc sententiam *DIOCLES CARYSTIUS* Medicus Darii Hystaspis tempore præcipue clarus, dum asseruit, dari Naturæ providentia in lateribus cavitationum uteri coryledones & carunculas quasdam, seu mammas similes excrescentias, latas quidem ad fundamentum, parvas autem ad extremum, ut earum suctione fœtus nutriatur & simul præmeditetur, se papillas mammarum attrahere. Nec defunt Autores, qui ipsi etiam *HIPPOCRATI* similem affingere opinionem non erubuerunt, atque ex iis, quæ in *Lib. de Carnibus §. VIII.* extant, quod nimirum puer in utero comprimens labra, ex utero matris fugat, & tum alimentum, tum spiritum intro trahat, suspicantur ipsum talia à Democrito didicisse & assumxisse, sed sine omni causa. Dubitant enim merito Recentiores Medicorum, an hujus atque quorundam aliorum librorum Autor genuinus sit Hippocrates, & notissima jamjam sunt ipsorum desuper dissensiones; confirmant

insu-

insuper etiam hoc alia ejusdem Autoris loca ab hoc prorsus discrepantia, dum in *Lib. de Nat. pueri* §. 35. it. de *Optim. partu* §. 4. & alibi, expresse asseruit, quod *fœtus ex matris utero per umbilicum accipiat alimentum*, sicque tacitè quasi demonstravit, priora illa non sua, sed aliorum esse; quemadmodum etiam ea ab Hippocratis dignitate prorsus aliena & non nisi ab aliquo rerum ad rem medicam pertinentium imperito addita fuisse, non ineptè judicant; *Andr. LAURENTIUS* & *Jo. MARNELLUS*, aut excusanda & alio prorsus modo explicanda esse putarunt *PROSPER MARTIANUS* in *Not. ad cit. loc. ex Lib. de Carn. p. 39. & 40. GUIL. HARVEUS* in *Exercit. de generat. animal. Exercit. LVIII. & CONR. SEGERUS* in *Diss. Anatom. de Hippocratis Orthodoxyia in doctrina de Nutritione fœtus humani in utero Sect. I. cap. 2. & Sect. II. cap. VIII. §. 10.* ut adeo in eo sensu, quo ab his Autoribus sumitur doctrina ista Hippocratica, cum placito Democratico prorsus non conveniat, quippe quod multa utique continet, quæ nec sensus, nec ratio approbant, dum nullæ unquam in utero observatæ sunt hujus generis excrescentiæ, nulla etiam fœtus cum utero ipsum ambiente *συνουσις*, nisi per extrema vasorum umbilicalium, apparet, ob intercedentes tenues illas membranas fœtum ab utero separantes, ut ore illum nunquam attingere, nedum suctione vel attractione quicquam alimenti inde obtinere queat; & hinc etiam factum est, ut ex posteris nemo amplius huic sententiæ subscripserit, quin potius ipsa successivè interierit & cum suis Patronis planè desierit, è contra verò alia, priori tamen non valdè absumilis, successerit ejusque in locum surrogata fuerit, qua perhibetur, fœtum primis generationis diebus atque mensibus humore quodam tenuiori chyloso per uterum destillante, ac per membranas ipsum ambientes transudante, haud aliter nutriri, ac semina vegetabilium, terræ commissa, succos per corticem imbibunt, sicque tunc fœtum vivere tantum vitam plantæ, abhinc vero, ubi corpus ejusdem magis increvit atque invaluit, circa quartum

nimirum præter propter mensem, necessarium pro nutritione sua alimentum ab ipso per os adsumi, sicque partes illius in dies magis magisque confortari, ut tandem absolutis novem ab imprægnatione mensibus, ob defectum sufficientis nutrimenti, exitum moliri, ipsamque matrem ad partum stimulare cogatur. Ast, quoniam hæc ipsa quoque sententia præter difficultates plures & maximas, quibus ferè oppressa erat, insimul dissensum non minorem Autorum & Fautorum suorum exhibuit, atque rixas haud leves inter ipsos peperit, hinc ex Recentioribus idem quoque per pauci eam amplexi sunt. Alii enim, quos inter inprimis *Joan. Claudius de la Courvec, Vesulanus, Anton. Deusingius, Prosper Martianus & Georg. Segerus*, eminent, chylum ex ventriculo & intestinis matris exceptum quin ipsum etiam lac in mamis earundem genitum, per singularia quædam vasa lactea ad uterum deferri & per internam hujus membranam, quasi per chartam emporeticam, filtrationis modo, depluere, indeque porro partem ejus alimentarem, tenuiorem & spirituosiore, sanguini permixtam, per venas umbilicales ad foetum fluere, reliquam vero lacteam & aquosam portionem per tubulos alios peculiarens sensim in chorion destillare, & per hoc porro, tanquam per setaceum, aut pannum delicatissimum, intra amnion transire, ibique foetum tandem id, quod pinguiissimum est, & instar olei aquæ supernatat, sugendo attrahere ac in alimentum suum convertere, autumant, quod tamen pro futili prorsus & nullius momenti, omnique probatione destituto asserto, cum Illustri CONRINGIO, merito reputamus. Alii porro, quorum agmen inprimis *Guil. HARVEUS* ducit, album lentumque quendam humorem in placenta uterina stagnare & colligi, postmodumque ab extremis vasorum umbilicalium orificiis, ex cellulis sive acetabulis hujus partis, absorberi sicque ad ipsum corpus foetus successive deferri, existimant, ut illud inde debite nutriatur & augeatur; ast, licet per crebram observationem & experientiam satis confirmata ea esse existimet præfatus Autor, tamen à Nicolao HOBOKENO,

NO, aliisque pluribus solertioribus Anatomicis, non sine prægnanti rationum pondere, statim in totum fere improbatæ atque rejectæ sunt. Alii tandem, quorum partes speciatim *Anton. EVERARDI* agit, materiam ex qua foetui augmentum accedit, eandem esse contendunt cum illa, ex qua prima ejusdem formatio fieri solet, nimirum succum quandam ovorum albumini non absimilem, sanguini vero prorsus dissimilem, in ventriculo matris ejusque glandulis mesaraicis præparatum indeque per *ductum chyliiferum Bilsianum* & ramos sexti paris nervorum, quaquaversum in totum corpus omnesque ejus partes, & consequenter etiam ad uterum, dispersum, ibidem ultro depuratum & postmodum per placentam & chorii ac amnii poros ad foetum ipsum delatum, qui translationibus istis purissimus & subtilissimus redditus, dein à foetu ore adsumeretur, deglutiretur, & ulterius concoctus partibus ejusdem distribueretur, eodem prorsus modo, quo in adultorum corporibus fieri soleret. Et hæc sententia quasi filia videtur decantatissimæ illius, quæ etiam adhuc dum inter Anglos viget, de *succo nutritio nervorum*, quam primo *Thom. HOBBSIUS* Lib. de Homine Cap. I. §. 2. & *Guil. HARVEUS* Exercit. de generat. anim. LX. breviter, postmodum vero prolixius *Gualt. CHARLETON* Exercit. de Oeconom. anim. I. & X. ac *Franc. GLISSONIUS* in Anat. Hepatis cap. XLV. pag. 371. sqq. proposuerunt, vix tamen adeo insignem inter nostrates assensum impetrarunt; quale quid itidem quoque prioribus accidit Autoribus, licet illi in confirmationem suæ sententiæ addiderint observationes, de foetibus humanis trimestribus & quadrimestribus, ventriculum & intestina tenuia chylo distenta, crassiora vero stercore liquidiore flavescente, sive ita dicto *Meconio*, repleta, exhibentibus. Possunt enim & succus chylosus & excrementa illa flavescencia, intra intestinorum canales colligi, licet nihil prorsus per os adsumatur, quia glandulæ intestinales continuo fundunt lympham suam, cujus recrementa dein ad istam *Meconii* productionem jam satis sufficiunt, eoque

eoque ipso aperte evincunt, quod falso pro *χυλώτεως* seu primæ coctionis excremento reputetur fœda & fœtida ista materia præprimis cum non dum satis exacte demonstratum videatur, quod liquor iste intra amnion contentus sit propriæ lymphæ particulis ejusmodi nutritiis turgida & consequenter ad talem actum nutritionis satis apta atque disposita.

Sic ergo ad minimum hæc, una cum reliquis ejusdem farinae observationibus illorum inprimis sententiam ferit, imò plane dejicit, qui *solo* isto liquore, per os ad ventriculum fœtus delato, hujus corpus nutriri & augeri statuunt, quoniam, licet hac ratione nutritio talis in totum ferè abolita fuerit, infantes tamen semper perfecti ac vivi extiterunt, quod alias impossibile prorsus esset, ni forsitan Fautores hujus hypotheseos, in ejusmodi casibus extraordinariis, vel ad nares confugiant, atque simili ferè modo, quo *D. ANEL*, vinum per puncta lacrymalia injectum ad stomachum derivare voluit, suppositum istum chylosum & lymphaticum humorem ex naribus per ordinarium meatum ad palatum transire tandemque in ventriculum descendere, asserant, quod tamen nunquam satis probare & demonstrare poterunt; vel cum Philosopho *Crotoniate*, *ALCMÆONE*, corpus fœtus rarum ac spongiosum, ad instar spongiæ porosæ crebrisque foraminibus perviæ, humorem omni ex parte imbibentis, pariter quoque ex venis & corpore uteri sanguinem omnem haurire & attrahere statuant, quod vero, tanquam rationi & experientiæ penitus contrarium, solus embryonis in utero situs & defectus coherentiæ immediatæ ejusdem cum interna uteri superficie, exactè satis refellunt. Manet itaque hac ratione inconcussa veritas illius asserti, quod fœtus succum suum nutritium, quamdiu intra uterum conclusus est, vel *soli sanguini*, mediante placenta uterina, per venam umbilicalem allato, debeat, vel *per os & umbilicum conjunctim* obtineat, ita tamen, ut sanguis per vasa umbilicalia affluens, *primarium*, humor autem amnii chylosum *secundarium* tantum ejusdem nutrimentum constituat: priori ha-

ri harum sententiarum equidem nulla fere obstant dubia, vel saltem levissima, & hinc etiam plurimi celeberrimorum Medicorum eam amplecti haud dubitarunt; posteriorem autem adhuc difficultates quædam haud adeo leves premunt, quæ tamen facillimo negotio forsan removeri possent, si modo fortuna plures tales suppeditaret observationes, quales bis Celeb. *HEISTERUS* obtinuit in foetu vaccino, ut ita per experientiam & quasi ad oculum pateret, liquorem illum amnii revera per fauces & œsophagum ad ventriculum intrare foetumque sic per os perfecte nutriri.

*OBSERVATIO XCVII.*

DN. D. ANDREÆ ELIÆ BÜCHNERI.

De

*Fœtu masculino bicorporeo, circa abdomen concreto.*

**N**aturam seu Animam nostram in subtilissimo & arcano illo generationis actu sæpè ac diversimodè ab ordinariis ejusdem legibus recedere, & varia ludicra pariter ac monstrosa vel simpliciter struere, vel corporibus jamjam structis affingere, omnium dubiorum victrix & jam olim per innumera exempla corroborata Experientia abunde satis demonstrat. Non placet jam, pro ulteriori hujus thematis confirmatione, omnia, quæ passim in scriptis celeberrimorum Medicorum extant, depravatæ imaginationis exempla adducere, sed sufficiet monstrosos tantum duorum capitum & duorum corporum foetus, *bicipites* alias & *bicorporeos* dictos, allegasse, de quibus itidem multæ hætenus, in Ephemeridibus Academiæ nostræ, non minus utiles quam curiosæ, suppeditatæ prostant observationes, quarum numero propterea in præsentiarum etiam accensere volui foetum bicorporeum



vivum, priori Anno 1727. d. 15. Septembr. in Pago Nicolaus-  
reuth, sub Præfectura Voigtstädt, haud ita procul ab *Artera*,  
(vulgo *Urtern*,) civitate Comitatus Mansfeldensis, sita, ab  
uxore *Martin Goldens*, Rustici, cum insigni difficultate &  
summis, fereque intolerabilibus, cruciatibus, prognatum. Hic  
equidem in inferiori corporis parte (ut ex adjecta figura opti-  
me patet,) nihil plane ab ordine naturali alienum demonstra-  
bat: pedes enim duo & membrum genitale unicum, mascu-  
lini sexus, rite conformatum, ibidem conspectui sese dabant;  
abdomen verò ordinariam suam dimensionem & crassiciem à  
funiculo umbilicali, qui tunc simplex erat, usque ad ilia pau-  
lo magis exsuperabat, forsitan ob duplicata in eodem latitantia  
viscera, quoniam exinde, & quidem statim supra umbilicum,  
duo distincta emergebant corpora, cum quatuor brachiis, du-  
plici pectore & capite, in quibus omnia pariter satis accurata  
& legitime proportionata erant, nihilque præternaturale ultro  
observabatur, nisi quod in pectora istius filii, qui dextrum oc-  
cupabat latus, quique simul præ altero paulo robustior & crassior  
apparebat, duæ ex costis spuriiis paulo magis prominerent, id-  
que fortasse ob violentiam sub partu ab obstetrice rudiori per-  
pessam. Vixerunt hi duo infantes per viginti quatuor horas,  
& sacri baptismatis fonte purgati, simulque alter *Johannes*, al-  
ter vero *Christianus* vocati sunt; dehinc verò sub vesperam ab-  
terius diei ambo iterum obierunt, & quidem non simultaneè  
arque conjunctim, sed partitis vicibus, dum robustior prius  
animam efflavit, & elapso postmodum semiquadrante horulæ  
alter demum expiravit. Scrutationem Anatomicam & præ-  
parationem sceleti parentes perterriti non permiserunt, licet  
ipsis solertes quidam Naturæ ruspatores hac de re statim certio-  
res facti, pro facilitando hoc negotio, aliquot thaleros obule-  
rint. Incertum igitur est, an hic foetus ibidem quoad interna  
sefe assimilaverit puellis istis concretis, prioribus Seculis & qui-  
dem A. 1552. Oxoniæ & A. 1652. juxta observationem *RIO-*  
*LANI*, Lutetiæ natis aut etiam puerulis ventre tantum infe-  
riore

riore junctis & norante AUGUSTINO PINCEPPI Anno 1617. in agro Reipublicæ Genuensis editis, quoad externa enim præfens hic noster cum illis perquam exactè convenire videtur. Conf. TAB. V. Fig. 2.

(Erfordia Augustam Vindel. d. 15. Jan.)  
A. 1728. missa.

OBSERVATIO XCVIII.

DN. D. JOHANNIS SALTZMANNI.

*Obstipum caput cum ossis occipitis & superiorum  
colli vertebrarum carie conjunctum.*

JUvenis rusticus ex Helvetia oriundus, 20. circiter annorum, robusto alias corpore præditus, & labori duriori, qui ejusmodi hominibus familiaris esse solet, assuetus, ab aliquo tempore dolorem capitis gravativum, eumque insignem passus est, narium hæmorrhagia notabili subsequente. Paulo post musculos capitis atque colli, præ aliis clino-sterno-mastoideos multum tensos & caput rigidum prorsus immobile sibi esse querebatur, & intuentibus quibusvis facile patebat. Xenodochio, quod Colmarix, nobili Superioris Alsatix oppido, est illatus interrogatusque annon ictum in hisce partibus receperit, vel ab alto delapsus fuerit, aut num meminerit, se onus quoddam gravius capite unquam gestasse? id negando respondit. Quare Chirurgus dicti Nosocomii, ut dictarum partium tensioni mederetur, præmissis universalibus olea, cataplasmata & emplastra emollientia applicuit. Cum vero hæc per aliquod tempus adhibita exoptatum effectum non edidissent, huc venit, & postquam in Nosocomium urbis delatus fuerat Chirurgus ordinarius, Dn. le Maire, artis suæ peritissimus re probe examinata, cogitare coepit, annon forte colli vertebræ subluxatio subesset, cui suspicioni assensum postea præbuerunt

alii, qui agrum capite obstipo affectum viderunt. Et sane statum hunc p. n. ab una parte suadebat stupor, qui compressioni medullæ spinalis adscribendus esse videbatur, & sensus imminutio in extremitatibus inferioribus notabilior quam superioribus, quibus objecta, quæ tangebatur, se vix percipere fatebatur. Ab altera vero parte subluxationem aut saltem luxationem dissuadebat symptomatum graviorum, quæ cum ejusmodi malo conjuncta esse solent, absentia. Remediis internis pariter ac potissimum externis, quæ ars supeditat, per unum vel alterum mensem adhibitis tandem convulsionibus gravissimis correptus obiit, postquam circiter 10. horis ante obitum atrocissimos eosque continuos ejulatus ediderat, & tres vel quatuor libras sanguinis sinceri per nares effuderat. Examinato post mortem cadavere prima colli vertebra pollicem latum majorem à secunda distans observabatur, non vero loco suo mota, nisi quod sursum secesserit. inter musculos rectos æque ac obliquos caput extendentes materia crassa & inspissata ejusdem fere consistentiæ, qualis in tumoribus steatomatosis reperiri ordinarie solet, non fœrens hospitabatur, quæ & pinguedinem ex parte occupavit. Ligamentum posticam duarum superiorum vertebrarum partem connectens justo laxius erat, à cujus latere utrinque tumor conspiciebatur, à simili materia steatomatosa productus in sinistra paulo major quam in dextra parte, magnitudinis pariter ac figuræ oblongo-rotundæ ovarium muliebri ferereferens, membranaque firma investitus, quæ vel ipsum ligamentum vertebrae dictas colligans erat, vel saltem ab eo enata fuerat. Supra memorata materia non modo interstitium inter primam & secundam vertebra ordinario majus explebat, sed & interius inter vertebrae & duram matrem, quæ medullam spinalem cingit, stagnabat in dextro latere tenuior & magis liquida quam in sinistro, in hoc vero copiosior quam in illo, cui serum acre hinc inde circumfusum erat. Ob secessum primæ colli vertebrae à secunda hujus apophysis  
odon-

odontoides illam vix attingebat & ligamentum dictam apophysin cum osse occipitis connectens ruptum erat. Ablato cranio notabilis serosi humoris, paucio sanguine tincti, copia sub dura matre solito tenuiore latitans conspiciebatur, qua & cerebrum inferius potissimum prope protuberantiam annularem & cerebellum multum irrigatum erat, hisce partibus colorem pallidiorem conciliantis. Plexus choroides mucida velut Substantia repletus & in arteriis æque ac venis non parum collapsis sanguis valde serosus continebatur. In ventriculis vero cerebri anterioribus, qui alias præ reliquis partibus ejusmodi humore inundantur, parum serositatis fluctuabat. Quod vero notatu dignissimum esse videtur, est, quod materia supra dicta vel tenuior vel etiam multum inspissata non modo hinc inde stagnaverit, sed & acrior reddita partibus solidioribus cariem induxerit. In osse quippe occipitis mox ante magnum ejus foramen notabilis cavitas apparebat & inæqualis, præterque duram matrem os ita exesum erat, ut nonnisi amella inferior superfuerit, quæ pariter perforata huic humori p. n. exitum è cranii cavitate & descensum & vertebrarum cavum concessit, qui ibidem non obscuriora acredinis suæ indicia reliquit, nam & primæ colli vertebræ processus obliqui dexter magis quam sinister & apophysis odontoides secundæ & corpora tum hujus (quod tuberculum potius quam corpus dici meretur) tum illius antica pariter ac postica sede carie correpta & non leviter corrupta fuerant, tertia ab hac labe non omnino immuni existente. Ante aliquot annos similem hic casum habuimus in infante 8. annorum, cui caput, dum viveret, pariter obstipum fuerat, post mortem non modo os occipitis à latere utriusque condyli, sed & colli dorsique vertebrarum corpora à simili fere causa carie correpta erant. Illarum suprema à dicto osse occipitis separata duo cochlearia & amplius humoris serosi paululum flavescentis profiliebant, sed adeo acris, ut veluti lixivium quoddam fortius digitos ab attritu

tactu corrugarit. Cutis præterea in dorso non solum rubicundo sed & livido colore, uti in ejusmodi casibus fieri assolet, conspicua erat.

## OBSERVATIO XCIX.

DN. D. JOHANNIS SALTZMANNI.

*Exostosis seu Excrescentia Cranii osseo-spongiosa.*

**F**aber Serrarius 43. circiter annorum, temperamenti sanguineo-melancholici & habitus macilenti, Bacchoque non modice litans An. 1723. mens. Jun. dolore pectoris gravativo & vomendi conatibus subito corripitur, gravativo capitis dolore & horrore totius corporis paulo post superveniente, quæ symptomata ab assumpto vomitorio & V. S. in pede administrata evanuerunt, ita ut laboribus suis satis bene defungi denuo valuerit. In quo statu etiam per integrum anni spatium permansit, donec anni insequentis mense Julio rixis cum uxore obortis, iraque gravi percitus simili cephalalgia & repetito vomitu bilioso affligeretur, quæ à remediorum usu rursus cessarunt. Postea victu ex necessitate inordinato uti coactus & de fide uxoris cum aliis commercium habentis non injustam fovens suspicionem & ipse vitam improbam agere cœpit, & non solum Baccho, uti antea jam solebat, strenue litavit sed & illicitæ & clandestinæ Veneri se dedit, à qua gonorrhœam & penis exulcerationem cum inflammatione conjunctam sibi contraxit, id ex intempestivo pudore, quem antea quidem exuerat, à Medico celavit, & malum à variis absque discrimine adhibitis auxit. Tandem Chirurgi ope, quam implorare coactus fuerat, utcunque pristinæ sanitati restitutus est. Et ita per trimestre tempus satis bene se habuit opificio suo vacans remque domesticam gerens, nisi quod consuetum aliis vigorem in actionibus suis haud monstraverit. Quo præter-

lapso

lapſo aliquoties cephalalgia graviffima ex improvifo correptus eſt, tertia vice ab incude recedens ſubito vertiginofus in terram procidit nomen Jeſu ingemiſcens.

Domestici accurrentes & totum quantum rigidum frigidumque invenientes Dn. D. von Lindern forte fortuna prater-euntis auxilium implorarunt, qui ægrum ſenſibus privatum cum frigore extremorum absque tamen ſtortore videns venam ilico ſecari, ſpiritumque excitantem naribus admoveri & clyſterem acriorem applicari juſſit, à quibus adhibitis intra 6. horarum ſpatium excitatus ad ſe rediit, atque voce liberiore edita, quis eum expergeſecerit quaſivit. Diebus inſequentibus melius ſe habuit. De cætero de deglutiendi difficultate & virgæ circa glandem ardore conqueſtus eſt, è quibus uti & aliis ſymptomatibus haud obſcure ſuſpicatus eſt prædictus Medicus, ægrum lue venerea infectum eſſe, huicque cephalalgiam aliquoties recurrentem deberi; quare mercurialibus in auxilium vocatis ipſum curæ ſalivatoriæ cum euphoria ſubjecit, à qua priſtinæ, uti quidem videbatur, ſanitati reſtitutus à dictis ſymptomatibus immunis vixit uſque ad medium menſ. Martii 1727. ubi à porrecto in alienis ædibus poculo & epoto mox tormina in abdomine gravia ſenſit, & paucis horis interjectis convulſionibus tentatus fatiſ ceſſit. Quia vero aſſumti veneni ſuſpicio non levis erat, juſſu Inclyti Magiſtratus hujus urbis cadaver cultro anatomico ſubjectum eſt, eum in finem, ut viſcerum interiorum ſtatus examinaretur, & quoniam in ſiniſtra capitis fede tumor non levis facile apparebat, remota ſimul ejus integumenta ſunt, quo facto exoſtoſis ſeu excreſcentia offeo-ſpongioſa ab offe bregmatis ſiniſtro duobus digitis tranſverſis à latere futuræ ſagittalis enata oculis ſe ſiſtebat, antè ſuper coronalem futuram ad os frontis ſeſe extendens, inferius vero verſus mendofam ſeu ſpuriam futuram, quæ dictum os Syncipitis cum illo temporum committit, exporrecta, os temporale non omnino attigit & ſuperiore ſui fede magis quam inferna protuberans, quæ exoſtoſis pericranii lamellas & ſimul muscu-  
lum



lum crotaphitem non parum elevavit. Cranio Serra dissecto & remoto in interna ejus facie similis exostosis raro spectaculo conspiciebatur. Hæc interior ab externa pluribus discrepabat, erat quippe 1) major & longius latiusque se extendens. 2) Magis rotunda & hemisphærium exactius figura referens quam externa, cujus circumferentia pariter ac pars elevata, magis inæqualis extiterat. 3) Substantia ejus osseo-spongiosa paulo mollior erat fibris ossibus tenerioribus constans & plura eaque majora interstitia intus in sinu suo fovens, lamina tenuissima extus munita. 4) Inferius magis quam superna facie protuberabat, cum è contrario exterior supra magis quam infra elevata erat. Conjectu facile est, qua vi dura mater cerebrumque ipsum ab hoc tumore osseo compressum, unde illius vasa eadem vestigia, quæ alias ossi bregmatis costas folii ficus repræsentantia imprimunt, in dicto tumore reliquerunt, à qua compressione ea, quæ in hoc subjecto observata fuere symptomata, levi negotio explicantur.

### TAB. VI. Fig. I.

- a a a a. Exostosis, quæ a tabula cranii externa excrevit.
- b b. Ejus longitudo ab osse occipitis ad os frontis se extendens, quæ pedis Regii Parisini 3. digitorum 5. linearum est.
- c c. Latitudo 2 digitos 10. lineas æquans.
- d. Os frontis.
- e e. Os Syncipitis sinistri lateris.
- f f. Sutura Sagittalis.
- g g. Sutura Coronalis.
- h h. Pars Suturæ Lambdoideæ.
- i i i. Substantia osseo-spongiosa denudata, quia lamella ossis cum pericranio secessit.

Fig. 1.





Fig. 2.







TAB. VI. Fig 2.

aaaa. Tumor osseo - spongiosus è tabula cranii interna enatus.

bb. Longitudo ejus 3. digitorum & sex linearum.

cc. Latitudo 3. digit.  $1\frac{1}{2}$ . lineæ,

ddd. Sulci, quos arteria duræ matris tumori impressit.

eeee. Substantia osseo-spongiosa denudata, quia lamella illam cooperiens cum dura matre ablata fuit. Crassities seu protuberantia utriusque tumoris una cum cranio erat 1. digiti 8. linearum.

OBSERVATIO C.

DN. D. JOHANNIS SALTZMANNI.

*Tumor capitis à carne fungosa productus & cum carie cranii notabili conjunctus.*

**C**Asum præcedenti prorsus contrarium haud ita pridem hic quoque loci habuimus, uti enim in illo ossis bregmatis solito major excrecentia, ita in hoc defectus p. n. eodem prorsus in loco observatus fuit. Matronæ nobilis prosapiæ 54. annorum, temperamenti cholericæ & valde activi ab ictu, quem à lapide dum caput in terram inclinaturn elevare voluit, in futuram coronalem sinistri lateris, adeoque tum in os bregmatis tum etiam frontis receperat, levis confusio in dicto loco oborta est, quæ brevi rursus evanuit. Integro anno post parvus quidam tumor aliquatenus durus in eodem ictus loco sese offerebat, quem quia indolens erat, per integrum annum gestavit præter quod Chirurgi opem imploraverit. Interea tumor lupiam referens excrevit in magnitudinem ovo gallinaceo æqualem, & qui antea indolens erat, dolorem satis exquisitum & acutum ægræ excitavit, non vero

continuum, neque diu continuantem sed per intervalla redeuntem. Quare suasu & hortatu, nescio cuius, laminam plumbeam sibi applicari iussit, à quo tempore tumor ab illa non parum compressus basin latiore[m] nactus est, simul etiam dolores non modo notabiliter aucti sunt, sed & quotiescunque caput in terram reclinabat, lancinantes erant cum vertigine & stupore capitis conjuncti, talique sensu se manifestabant ac si aër inibi incarceratus & compressus esset exitumque quaereret, quæ symptomata mox cessarunt, quamprimum caput sursum iterum elevabat. Idem tumor, quod notandum, versus plenilunium notabiliter crescebat. Aegrotā inde perterrita Chirurgum accersi iussit, qui remedia fundentia & resolventia quidem per aliquod tempus adhibuit, non prætermittis internis à Medico ordinario, Ven. Facultatis nostræ Seniore *Dn. D. Scheid* præscriptis; his vero nihil proficientibus & symptomatibus in dies invalescentibus Anno 1727. d. 25. mens. Maji præparato prius corpore incisio instituta est, quæ facta parum materiæ purulentæ ex aperto tumore effluxit, contentæ in folliculo seu cystide è duriore membrana conflata & proculdubio à pericranio enata; os carie correptum & corruptum declarabat tum hiatus sat magnus, per quem caro fungosa protuberavit, tum etiam ossis inæqualitas. Dura mater eo in loco, ubi fungus aditum concedebat, digitis vel instrumento tacta sensu exquisito destituebatur. Ob teneriorem subjecti constitutionem, ne operatio in longum nimis protraheretur, doloresque nimii excitarentur, exigua folliculi & carnis fungosæ portio, quæ musculo temporali subiacebat, relicta est, in sequenti curatione absumenda. De cætero agra pro magnitudine morbi satis bene se habuit præter pallorem & colorem lividum, quem vultus nunquam non præ se ferebat. Febris aberat, suppuratio ex voto succedebat, somnus erat satis tranquillus ad diem 3. usque mensis Aprilis, quo sternutatione quinquies vel sexies oborta caput absque notabili tamen dolore concutie-

cutiebatur. Tandem vomitu bilioso, qui toto morbi decursu illam defatigaverat, invalescente, & viribus sensim decre-  
scentibus iisdem symptomatibus, quæ phreniticis familiaria  
esse solent, diem supremum obiit. Postquam fatis cesserat  
cupido incessit omnes, quibus status hic p. n. rarior cogni-  
tus erat, progressum dictæ substantiæ fungosæ & simul cariei  
paulo accuratius examinandi. Quare à Generoso Dn. Ma-  
rito, ut copia sibi daretur, caput aperiendi ejusque interiora  
perlustrandi petierunt, quo gratiose annuente cranium rite  
remotum carie correptum & corruptum inveniebatur, utra-  
que ejus tabula in latere sinistro exesa, interna magis quam  
externa, hiatu insigni & fere ovali relicto, magnitudine ovum  
gallinaceum pene referente, cujus major portio, duas fere  
tertias ejus partes formans, & rotundior in osse frontis, mi-  
nor vero & magis acuminata in osse sincipitis erat, futura  
coronali illius lateris oras foraminis ita distinguente. Dura  
mater in plicas corrugata & velut callosa observata fuit, e qua  
caro fungosa enata eique firmissime adnata esse videbatur, inter  
duram matrem & cranium latius expansa atque multum com-  
pressa, foramini etiam firmiter impacta & adhærens ejus inæ-  
qualitates profunde subiit, unde dictum cranium cum vi avel-  
lendum erat, tumorque situm suum nullatenus mutare poterat.

Ictus, quem generosa illa femina receperat, impetum fecit  
non modo in externam, sed & internam cranii tabulam,  
unde læsio illarum æque ac vasorum substantiæ osseo-spon-  
giosæ seu diploë, nec non duræ matris procul dubio secuta  
est, qua facta tum sanguinis circulatio impedita, tum liquor  
hic extravasatus carni fungosæ ansam dedit atque occasio-  
nem, nec minus humores hic stagnantes & acrimoniam con-  
cipientes os cranii corripuerunt; & quia inter hoc & du-  
ram matrem incarcerati erant, tabulæ internæ labem ma-  
gis, quam externæ, affricuerunt. Iidem duram matrem  
incrassarunt, eidemque callum velut induxerunt. Fo-  
ramen in osse frontis ob declivem cerebri situm & materiam  
fungosam antrorsum gravitantem majus erat. Eandem pro-



culdubio causam agnoscit sensus, ac si aër exitum cum aliquali sono quæreretur, quotiescunque aëra caput in terram inclinabat, cerebrum quippe tumorem, quem compressit, paululum extrorsum propellebat, quamvis aliquid quoque aëris post factam tumoris incisionem interstitium cranium inter & duram matrem interjectum subiisse, huncque effectum produxisse non inficias irem.

### TAB. VII. Fig. 1.

- aaaa. Hiatus cranii, qualis in tabula interna occurrebat.
- bb. Ejus longitudo ab osse bregmatis versus os frontis tendens & pedis Parisini 2. digitos 3. lineas æquans.
- cc. Latitudo maxima ad Sulcum cranii, dd. cui processus falciformis adhæret, vergens adque 1. digitum & 11. lineas accedens.
- ee. Sutura coronalis utrinque ad oras foraminis desinens, in medio deficiens.
- fff. Portiones tabulæ externæ una cum parte diploë à carie relictæ.
- ggggg. Vestigia cariei ultra oras tabulæ internæ excurrentia.
- hhhhh. Sulci ossibus Syncipitis ordinariè à pulsu arteriæ duræ matris impressi & costas folii ficus referentes.

### TAB. VII. Fig. 2.

- aaaa. Hiatus in tabula cranii externa conspicuus.
- bb. Longitudo ejus maxima 2. digitos & lineam 1½. ped. Paris. æquans.
- cc. Latitudo, quæ 1. digiti 4½. linearum est.
- dd. Sutura coronalis.
- ee. Sutura Sagittalis.
- ffff. Vestigia cariei ultra tabulæ externæ oras exporrecta.

Fig. i.





Fig. 2





OBSERVATIO CI.

DN. D. JOHANNIS SALTZMANNI.

De

*Luxatione ossis femoris & plenario capituli defectu.*

**I**N Differtatione Academica Anno 1723. hic habita asserere conatus fui, luxationem ossis femoris à causa externa violenta productam rariorem esse, colli vero fracturam frequentius contingere. Illam factu difficilem esse stabilitum ivi 1.) ex articuli, quo dictum os femoris cum illo coxendicis committitur, natura & conditione, in quo cavitas partim ab ipso osse partim à margine cartilagineo efformata valde profunda existit. 2.) à valida ligamentorum constitutione, quorum unum circulare seu orbiculare è peripheria acetabuli enatum cervicem arcte amplectitur, totumque capitulum in sinu suo firmiter detinet; alterum teres seu rotundum tendineo-cartilagineum, lataque basi è sede laterali emergens crassum est & simul breve, adeoque subito & velut in momento multum extendi nequit, quin potius rumpatur præprimis quia luxatio incompleta, qua capitulum margini insistit, conceptu difficilis est. 3.) à musculorum tum número tum robore; vix enim alio in loco quam in hoc ipso validiores occurrunt, nempe tres Glutaci, Triceps, Pectineus seu Lividus, Psoas, Iliacus, duo Vasti, Rectus, Fascia lata &c. qui os femoris partim movent & in situ firmiter detinent, partim eidem accumbunt, adeoque impediunt, quo minus vis externa magnum in articulationem imperum facere valeat.

Hæc vero, quæ pro luxatione impedienda paucis in medium protuli, pro colli fractura pariter militare largior, si vis agens parti femoris supernæ, non item si inferiori applicetur. Interim non id egi, ut inficias irem, ejusmodi luxatio-

nem, maxime deorsum & introrsum fieri posse, quia 1.) ligamentum teres ibidem propius margini est. 2.) Margo sinus illo in loco minus elevatus. 3.) Ossea substantia plane deficit. 4.) Musculi validissimi in parte superna & externa locati sunt. vid. *Dn. Petit. tr. de off. morb. l. 1. c. 12.* Neque illam, quæ sursum & extorsum contingit, pro impossibili venditavi, quin potius asserui, experientia illam comprobari, quam & observatione ex *Actorum Berolinens. Vol. X. obs. 7.* allegata confirmavi. Id tantum volui, luxationem ossis femoris, quæ à causa externa violenta generatur (nam quæ ab interna dependet, & humorum affluxui ad articulum debetur, frequentius contingere novi) cum ligamenti teretis ruptura conjunctam esse & perrarum recte appellari, collique fracturam in ætate provectis frequentiore existere. Hoc sequentibus rationibus adstruere allaboravi, quarum 1. desumpta est à textura colli osseo-spongiosa & cavernosa extus nonnisi tenui quadam lamina texta, quæ occursum violento non æque ac ligamenta & musculi resistere valet. 2. ab ejusdem cervicis situ ac positura, quæ valde obliqua est, & si linea ossis femoris continuatur & alia versus capitulum transversim ducitur, post duabus, quæ prioribus parallelæ sint, parallelogramma conficitur, lineam diagonalem, utut non ad *Euclid. mathem.* describit. Quod si jam vis agens inferiori ossis extremo, uti plerumque fit, applicatur, è legibus mechanicis patet, illam per totam femoris longitudinem continuari, adeoque maximum impetum facere in Trochanterem majorem seu initium cervicis, cui capitulum insistit, & quia hoc capitulum utpote sinui ossis coxendicis profunde immersum ob hujus resistantiam sursum pergere nequit, vis illa agens vel omnem vel saltem maximam virtutem in collum exerit. Unde mirum non est, trochanterem majorem à cervice, vel etiam hanc à capitulo divelli, adeoque fracturam nunc propius nunc vero longinquius à dicto capitulo produci. 3. Ratio deprompta est à claudicatione



tione post tentatam etiam repositionem, & absolutam, uti creditur, curam plerumque se manifestante, quæ continui solutionem magis quam luxationem subfuisse non obscure indicat. Incurvatura quippe, qua os in cervicem abit, in causa est, quo minus extrema à se invicem separata ob muscutorum in diversa trahentium nisum & actionem in situ debite conservari possint. Unde, præter antiquissimos nonnullos in cit. Dissert. allegatos, *Ambr. Pareus* veluti rarum quoddam & inauditum recenset, matronam ab ejusmodi fractura sine subsequente claudicatione restitutam fuisse, conf. *Fabric. Hild. Cent. V. obs 86.* 4. A repositionis difficultate, quod nempe articulus pro luxato venditatus vel admodum difficulter reponatur, vel etiam & quidem plus una vice repositus creditus nunc sponte nunc levissima accedente causa rursus excidat. Equidem me non latet, idem quoque fieri, si Subjectum lacertosum fuerit, si luxatio inveterata, si etiam mala in utero contracta & capitulo minus respondens acetabuli conformatio, si denique supercilii fractura simul adfuerit, sæpius verò nihil horum subest, & restitutionis difficultas non nisi à fractura dependet, quæ incassum tentatur, nisi extrema ossis fracti antea coaluerint, cui vitio non occurritur, quia in luxationis curatione Chirurgus unice acquiescit. Denique in asserti mei patrocinium adduxi *Cel. Frid. Ruysch. Thes. Anat. V. Tab. 2. Thes. VIII. pag. 61. Thes. IX p. 29. & 57.* qui etiam à *Borstio* Chirurgo Batavo se accepisse refert, eum oëties aperuisse annum claudicantium cadavera, & semper invenisse ossa in collo fuisse fracta, & ne ullum quidem exarticulatum, item *Joh. Jac. Ravium orat. de Method. Anat. disc. & doc. W. Cheselden Anat. Corp. Hum. Lib. I. & Lib. IV. p. 70. Erndl. Itiner. Angl. & Batav. p. 86.* qui omnes contendunt, fracturam colli ossis femoris frequentius contingere, & sæpius accidisse in iis, in quibus femur laxatum fuisse à peritissimis credebatur. Quod vero hic potissimum annotari meretur, est, quod supra laudatus *Ruyschius Thes. Anat. VIII. p. 61.* memorat, se observasse  
in



in cadavere vetulæ post mortem cultro Anatomico subjectæ dicti ossis collum in totum defecisse, & in nihilum adeo reductum fuisse, ut, quemadmodum ille loquitur, ne hilum quidem ejus remanserit, idque Tab. III. Fig. 1. icone illustrat. Cum vero similis haud ita pridem casus sese mihi obtulerit, eum paucis hîc recensere liceat. Vetula Nosocomii urbis, quod hic est, à longo tempore alumna ante plures annos à casu ab alto, pedem dextrum 4. digitis transversis breviorē sinistro habuit, genu illius lateris & pollice introrsum spectante. Præter quod claudicabat, musculi glutæi præ illis lateris oppositi multum protuberabant, æque ac major ossis femoris trochanter iisdem subjectus, unde conjectu facile erat, illud à sede sua naturali secessisse & in locum extraordinarium nempe sursum & extrorsum delapsum esse. Tentata fuit ossis in sedem naturalem repositio, quæ ex voto & Chirurgi atque etiam ægræ non successit. Quare incommodum hoc utpote non valde grave per totam vitam ferre quam dolores, quos in prima operatione passa est, denuo sustinere maluit. Post mortem cultro anatomico subjecta illa est, atque cute, adipe, musculo membranoso seu fascia lata in loco protuberantiæ juxta artem incisis, lymphæ inspissata gelatinam referens superne inter duos musculos glutæos minores hospitabatur, & paulo inferius cervicem ossis femoris partesque adjacentes cooperiebat, qua remota caput dicti ossis ordinariè cingens membrana seu capsula in conspectum venit, hæc pariter dissecta nullum prorsus vestigium epiphyseos seu capituli, quod cervici insistere solet, reperiatur, solo collo relicto, quod circa extremitatem, à qua capitulum secesserat, satis asperum erat & inæquale, ligamentum teres ruptum etiam in acetabuli cavitæte nullum sui vestigium reliquerat. Idem collum in externa ossis Ilii sede duobus digitis transversis supra dictum acetabulum foveam seu sinum notabilem, eumque ovalem impressit, supercilio utut superficiali prædictum, novamque adeo & extraordinariam articulationem

nem efformavit. Acetabulum cavitate minus profunda, quam ordinaria esse solet, conspicuum erat, supercilium non rotundum sed potius triangulare superius in acutum marginem desinens, inferius latius, cartilago è supercilio enasci solita fere omnino deficiebat, id quod non levem suspicionem præbet à vi externa luxationem producente capitulum à collo secessisse, simul vero etiam dicti acetabuli marginem maxime superius fractum fuisse, qui postea iterum coalescens figuram hanc triangularem & extraordinariam induit. In Historia modo recensita duo phænomena mihi conceptu & explicatu difficilia esse videntur, quorum primum est, qui factum, ut extremum colli à capitulo separatum & ossi ilio externo per plures annos insitens à motu utut non magno, satis tamen frequenti, qui in vetula illa superfuit, non magis lævigatum & attritum fuerit, idque eo magis miror, quo certius est, non modo dictum extremum inæquale & asperum ea parte, qua epiphysi adhaferat, uti solet, fuisse, sed & faciem ossis ilii, in qua sinum quendam formaverat, nulla cartilagine munitam adeoque non lævem extitisse. Jam autem è Mechanicis patet, quod quo minus lævigata corpora super se invicem mota sunt, eo majorem à motu attritum fieri. Aliqualem factum fuisse inde concludo, quia idem extremum in circumferentia sua marginem reliquo collo prominentiorem ostendit. Alterum, cujus ratio fere dari nequit, est, quorsum devenerit epiphysis, quæ à cervice secesserat; illam ob ligamentorum renisum in sinu ossis coxendicis restitasse, uti quandoque fit, haud obscure colligitur, ob secessum vero colli & progressum in os ilium attritus, quo comminui & consumi alias potuisset, locum hic minime habet, & si quis contendat, illam postea à liquore articulari accumulato & inspissato è cavitate expulsam esse, ejus saltem vestigia alio in loco fuissent reperta. Afferenti denique, quæ aliis conjecturis verosimilior esse videtur, lympham inspissatam, quæ prope articulum hospitabatur, acriorem redditam, hoc capitulum utpote osseo-spongiosum corrosisse & consum-

sumfisse, objicitur, & quæritur cur non & partes vicinas easque molliores illa pariter corripuerit? Quare hujus æque ac illius phænomeni ætiologiam iis, quibus subactum magis judicium est & uberior rerum experientia, dijudicandam relinquo.

## OBSERVATIO CII.

DN. D. JOHANNIS SALTZMANNI.

*Paralysis ab insolita medullæ spinalis exarescentia.*

**A**NNO 1725. mense Majo in Noscomium Regium, quod hic Argentorati est, delatus est miles quidam legionis equestris 24. annorum, doloribus rheumaticis tum humeri utriusque tum spinæ dorsi prægressis, Paralyti extremitatum inferiorum correptus, simulque urinæ suppressione & alvi constipatione laborans. Hinc per aliquot dies catheter ipsi applicabatur cum in finem, ut urinæ exitus pateret. Paulo post malo in contrarium verso lotium involuntarie exiit. Insuper in regione lumbari infra costas spurias utrinque, absque tamen sensibili dolore, si rheumaticum, qui hic fere terminabatur, excipias, constrictionem percepit abdomen chordæ aut circuli instar ambientem quam excepit stupor femoris atque tibie dextræ cum paralyti junctus, qui in latus quoque sinistrum transit cum febre & sudore insigni stipatus, à quo tamen nullum prorsus levamen sensit uti etiam sensus partium inferiorum adeo abolitus erat, ut à clystere plus una vice applicato nullum prorsus perciperet. Quæ symptomata per 6. circiter, septimanas duravere, præter quod medicamentis tam externis quam etiam internis malum hoc mitigari, multo minus tolli potuerit, quin potius gangræna utrique femori superveniente, & omnibus in cassum adhibitis æger fatis cessavit.

rit. Cadavere præsentibus Experientissimis supra memorati Nosocomii Dn. Medicis ordinariis à *Dn. le Maire* aperto intestina collapsa reperiiebantur, præ aliis colon in medio atque circa finem; è contrario ejus initium 4. vel 5. pollicum longitudine multum dilatatum vesicam veluti referebat. Præter quod vesicula fellea bilem paucam fusco-nigricantem in sinu aluerat, hæpar ordinario pallidius, & lien solito major colore atro conspiciebatur; muscoli psoas sphacelati atque veluti putrefacti, & ligamenta, quæ lumborum vertebrae colligare invicem debent, haud parum relaxata observabantur. Postquam prima lumborum vertebra ab ultima dorsi separata fuerat, medulla oblongata bene se habuit, præter quod paulo magis quam superius turgebat, inter secundam vero & tertiam vertebrae ejusdem medullæ substantia ordinario plus rubicunda, nec non tota quanta flaccida & exsucca reperiiebatur, omnique nutrimento privata, & adeo collapsa, ut interius posticæ vertebrae parti, qua apophyses spinatæ annexæ alias sunt, veluti agglutinata, inque cavo ejus notabile spatium à dicta medulla relictum fuerit.

Paucis hebdomadibus post miles legionis pedestris, cui *Seren. Princeps Du Pont* præest, quadragesimo ætatis anno eodem morbo confectus interiit, iisdem quoque Symptomatibus initio morbi & toto ipsius decursu correptus, nisi quod affectus paralyticus paulo fortior erat, & cubitum etiam occupaverat. Viscera abdominis eodem modo sese habebant, pariter medulla oblongata, quæ in cavo ultimæ dorsi vertebrae bene nutrita & humore perfusa conspiciebatur. Inter primam vero & secundam lumborum vertebrae medulla pariter omni succo nutritio aliove humore destituta eodem prorsus modo, quo in priore casu exsucca plane apparuit; atque ita se offerebat in omnibus lumborum vertebrae, quæ ut dictæ medullæ status in oculos magis incurreret, distractæ sunt. Cerebri substantia firma erat, & consistentiæ paulo durioris, ventriculi nihil ferositatis in sinu suo alebant, glandulae

dulæ plexus choroidis, qui totus quantus exsiccatuſ pariter erat, collapſa & vix conſpicua. E contrario è capite à colli vertebris ſeparato multum lymphæ ſeu ſeri inſtar aquæ limpidi effluxit. Cauſam horum affectuum proximam medullæ ſpinalis deſiccationem fuiſſe, inſpectio ocularis manifeſte docuit, adeo ut nullum hac de re dubium ſuperſit. Uti etiam conjectu facile eſt, influxuſ ſucci nervei defectum tanquam cauſam remotiorem accuſandum hic eſſe. Qua vero de cauſa hic ſuccuſ defecerit paucis explicandum. Nullum corpus heterogeneum exteriuſ medullam comprimens e. g. vertebra loco mota &c. neque aliud hunc affectum producens avtopſia Anatomica monſtravit, quin potiuſ, quia ſupra illam partem, quæ præſ. n. ita conſtituta erat, paulo magis quam alibi ſurgere viſa eſt medulla, non obſcurum obſtructionis indicium inde deſumi poteſt, qualem circa nervorum origineſ ſæpiuſ fieri inculcat. *Jo. de Muralto E. N. C. Dec. II. Ann. 8. Obſ. 9.* ubi & prolixum cauſarum, à quibuſ paralyſis ſubinde oritur, catalogum nexuit. A qua effectum utique eſt, ut ſæpiuſ allegatuſ ſuccuſ præcluſo aditu & denegato influxu partes inferioreſ irrigare, iisque ſenſum pariter ac motum conciliare haud potuerit. Unde etiam factum, ut in ſuperiore medullæ parte idem ſuccuſ paulo majore in copia ſtagnarit, & remoto à reliquo trunco capite effluerit. Cur vero cerebri ventriculi à ſeroſitatibuſ vacui fuerint, non æque pater. Sed quod maximam conſiderationem meretur, eſt, quod p. n. hic medullæ ſpinaliſ ſtatuſ ſeu exſiccatio non ſenſim ſenſimque, ſed velut ex abrupto contigerit, ita quidem ut illa ejus portio, quæ in ultimæ doſſi vertebræ cavo continebatur, ſucculenta, quæ vero in primo vel ſecundo lumborum ſpondylo iſti proxime continua erat, tota quanta exſucca fuerit & flaccida.

Poſita hac medullæ ſpinaliſ notabili obſtructione, & deſiciente ſucci nervei influxu extremitatum inferiorum paralyſiſ, urinæ ſuppreſſio, alvi conſtipatio, femoriſ & tibiæ ſtupor

stupor atque superveniens gangræna facile inde deducuntur. Tonum quippe partium maxime musculosarum à nervorum tensione provenire & vi contrarii hac labefactata illum vigere neutiquam posse constat; Sic & quia partes inferiores, sive extremitates fuerint, sive viscera in cavitate, quam pelvim vocant, locata, ab inferiore medullæ spinalis sede, & speciatim à lumbaribus & illis ossis sacri nervos suos accipiunt, dictas partes hoc morbo præ aliis correptas esse facile concipitur. Quippe non solum muscoli pedem moventes inde affecti, id quod Psoas putrefactio atque fideratio post mortem reperta satis clare ostendit, sed & tunica intestini recti musculosa, & illius vesicæ, Anatomicis depulsor urinæ dictæ actio læsa fuit, unde factum, ut neque illa fæces alvinas eliminare, neque hæc urinam expellere potis esset, quare alvi constipatio æque ac urinæ suppressio non potuit non supervenire. Neque motus tantum, sed & sensus maxima ex parte periit, unde nullus plane à clystere applicato perceptus. Porro malum in fundo vesicæ non substitit, sed ulterius pergens musculus colli, sphincterem vocatum in consensum traxit, hinc eo pariter relaxato lotium in cavo hoc viscere retineri non potuit, sed præter voluntatem subinde exstillavit donec tandem influxu succi nervei in utrumque femur plane impedito gangræna seu mors partialis supervenerit. Quin & ipsa ligamenta, quæ vertebrae lumbares inter se colligant, ab eadem causâ relaxata fuisse avtopsia post mortem docuit. Quod vero in regione lumbari infra costas spurias constrictionem absque tamen dolore æger sensit, ac si chorda vel ligamento quodam circulari abdomen constringeretur, inde ortum esse videtur, quod circa finem vertebrarum dorsalium obstructio magis quam alibi fuerit, aut saltem eo in loco natales suos habuerit, unde factum ut supra allegatus succus nerveus ulterius pergere non valens hoc in loco veluti stagnarit, & ad latera se diffundens majori in copia in nervos dorsales inferiores penetrarit, ibique sensum illum ten-



sivum & veluti constrictorium excitaverit, tali modo perceptum, qualem hi nervi decursum circa hypochondria, nempe segmentum circuli describentem & abdomen veluti cingulum ambientem habent. Intestina collapsa erant ob eorundem tonum insigniter labefactatum, præ aliis colon ita se exhibebat, quia in illo reliquis ampliore hæc subsidientia manifestius apparuit. Quod vero idem circa initium valde dilatatum vesicam veluti referebat, flatibus adscribendum esse censeo, qui fursum propulsi & ultra valvulam coli progredi non valentes hoc intestinum atonia laborans ita distendebant. Dolores rheumaticos, qui paralyfin præcesserunt, quod attinet, illi natales suos pravæ humorum in partibus affectis stagnantium diathesi procul dubio debuerunt, à qua p. n. succi nervei dispositio non inepte forsan derivatur. Præeuntem hac in re habeo Rich. Mortonum qui Proleg. Pyretolog. à vitiata liquorum crassi spirituosas simul affici varieque alterari probatum ivit.

(Argentorato Augustam Vind. d. 21. Jan. 1723  
missa.)

## OBSERVATIO CIII.

DN. D. HIERONYMI LAUBII.

*Costarum à sterno separatarum coalitus novus,  
Coli in intestinum rectum pro-*  
*lapsus.*

**C**ostas carie exesas à cartilaginibus sterni separatas in Scorbuticis adhuc viventibus attactus, & in demortuis non paucis visus aliquoties docuit: semel autem separatas de novo coaluisse rarius observatum fuit. Decubuit ante aliquot annos in Nosocomio militari Miles gregarius ex febre continua cum dolore notabili in regione connex-

xionis

xionis costarum cum sterno, cujus cartilagine costis eminentiores apparebant, & à costis divulsæ mediante tactu dignoscebantur: & quamvis remittente febre dolor prædictus minui costæque sterno rursus jungi videretur, languor tamen totius corporis cum anorexia remanebant, donec accedente abdominis tumore dolorifico, post 6. hebdomadam decubitus mors miseræ vitæ finem imponeret. Examina- tum culto anatomico cadaver costas cum sterno ope cartila- ginum de novo superacrescentium consolidatas monstra- vit, relictis tamen hinc inde pristinæ cariei levioribus vesti- giis. Pulmones solito flaccidiores erant, pericardium sero turgidum: vasa cordis majora polypis crassis, longis, duriu- sculis infarcta. Ex abdomine inciso serum turbidum quasi pure mixtum copiosum effluebat. Ventriculus conspicieba- tur flatibus valde distentus omentum inflammatum, reliqua viscera sic satis sana videbantur. Notabilis autem Coli in in- testinum rectum prolapsus seu devolutio ad spithamæ longi- tudinem observabatur.

*OBSERVATIO CIV.*

DN. D. HIERONYMI LAUBII.

*Scorbutici Ulcera sinuosa varia.*

**I**nfenissimum illum maris accolis hostem Scorbutum parti- bus corporis humani fluidis æque ac solidis & inter has duris pariter & mollibus minime parcere plurimæ Practi- corum observationes docent, quibus sequentem addere pla- cet, Militis scilicet Norvagi, qui Medico æque ac Chirurgo Nosodochii militaris per 9. mensium spatium non parum ne- gotii faceffit. Ex febre continua admodum debilis & ex ti- biarum exulceratione scorbutica valde miser in principio de- cubuit. Durante adhuc febre circa claviculam dextram, ubi  
sterno

sterno jungitur, tuberculum apparuit abscessum minitans, quod ruptum in fistulosum ulcus intra sternum & claviculam in cavitatem thoracis penetrans evasit. Similis tumor successu temporis femonstravit in summitate femoris dextri versus perinæum, in abscessum sinuosum pariter degenerans. Subinde convalescere visus æger brevi post in pristinum morbum relapsus, tandem summe languidus & emaciatus, vix ossibus hærens, diem obiit supremum.

In Cadaveris examine statim in conspectum prodiit sternum in parte superiori trium digitorum latitudine carie exesum, clavicula utraque inprimis autem dextra plane cariösa cum adjacentibus sinuosis ulceribus. Abscessus femoris ad intestinum rectum usque penetrabat, pluribus sinubus constans gangræna tactis. Pulmonum lobi à pleura vix separabiles, sinister flaccidus, dexter ichore & sanguine atro infarctus.

Hepar ponderosum, durum diaphragmati & peritonæo firmissime coalitum, æque ac lien, vesicula fellis inanis reperiatur. Glandulæ mesenterii duræ, inflammatae, nonnullæ abscessum minitantes: intestina, rectum præcipue & colon gangrænae proxima; renes flaccidi & pallidi conspiciebantur.

## OBSERVATIO CV.

DN. D. HIERONYMI LAUBII.

*Cachecticus cum carie ulcerosa brachii, manus  
& genu.*

**A**Ntecedentis observationis effatum & hæc quæ sequitur, confirmare potest. Miles alius ulcere manus & brachii sinistri magno sinuoso gangrænam minitante, à priori Chirurgo male tractato per 3. menses jam afflictus Nosocomio adscriptus ibidem miseram vitam per trimestre, tussi  
& ca-

& cachexia vexatus. Vix elapsa à morte hora dissectum cadaver contra sententiam eorum, qui polyporum cordis existentiam in viventibus negant, in hujus Cordis vasis non levia horum indicia conspiciebantur. Utraque thoracis cavitas sero multo repleta, pulmo dextri lateris sero & sanguine turgidus, duriusculus, viciniae ubique fere connexus, pericardium à copia feri distentum, viscera vero abdominis sic facis sana videbantur, nisi quod glandulae omnes magnae indurataeque erant, inprimis ubi venae cavae adiacebant. Brachium sinistrum ichore turgidum, ossa carpi cum radio & ulna cariola: circa genu in capite ossis tibiae profunda caries, profundus quoque circa axillam sinistram sinus reperiiebantur.

*OBSERVATIO CVI.*

DN. D. HIERONYMI LAUBII.

*Parotides exulceratæ cum Vomitis pulmonum & Mesenterii.*

**G**landularum colli indurationes sapissime partium internarum similes infarctus & abscessus latentes indicare sectio cadaverum non semel docuit. Intravit sub finem Nosocomium miles gregarius, postquam per 4. menses jam tumore parotidum & glandularum colli lateris sinistri duro, magno, exulcerato & sinuoso laborasset, ibique per 4. menses adhuc decubuit. Hujus cadaver dissectum videnda prae-buit sequentia.

Ab aure sinistra per totum collum ad claviculam usque exporrectos tumores ulceratos substantia sebacea notabiles: in cavitate thoracis serum copiosum, pulmones variis in locis pleurae adnatos ac tuberculis plurimis immaturis simili materia sebacea indurata infarctis repletos: in abdomine vesiculam fellis inanem, flaccidam, hepar fuscum, duriusculum, lienem

putrilaginosum, pancreas induratum, glandulas mesenterii crassas, abscessibus immaturis non adeo parvis refertas.

## OBSERVATIO CVII.

DN. D. HIERONYMI LAUBII.

*Empyema cum sanguine intra pericardium extravasato.*

**M**iles febre continua cum dolore lateris punctorio, pulsu forti, asthmate & tussi laborans, aucta indicis respirandi difficultate & impotentia decubitus in latere sinistro, post 14. dierum decubitus in Nosocomio fatis cessit. Cadavere aperto ex cavitate thoracis dextra incredibilis fere copia puris crassi ad flavedinem vergentis pondere 7. librarum effluxit, pulmone ejusdem lateris ultra medietatem consumto, oppositi lateris lobo penitus inflammato. Pericardium plusquam sedecim uncias sanguinis extravasati includebat. Cordis substantia lamellis quasi ex sanguine congrumato progenitis circumdabatur, in ventriculis cordis polyposæ concretiones non exiguæ abscondebantur. In abdomine præter hepar & intestina tenuia inflammata nil extraordinarii observabatur.

## OBSERVATIO CVIII.

DN. D. HIERONYMI LAUBII.

*Lienteria ex abscessu Mesenterii magno.*

**L**anguidus ex Lienteria diuturna Miles sub initium mensis Aprilis Nosodochium petit, sed auctis usque & usque abdominis circa umbilicum torminibus & perseverante alvi fluxu, quam primum cibum vel potum assumeret, remediis quibuscunque incassum adhibitis summe emaciatus incun-

te Junio moritur. In hujus cadavere præter pulmonis lobum dextrum vicinæ adnatum & copioso sero turgidum, lienem marcidum & vesiculam fellis inanem notabilis reperiēbat, Abscessus steatomatosus pugni virilis magnitudinem superans, durus, compactus in parte postica mesenterii, ubi vertebriis lumbaribus annectitur situs, vasa majora illius loci circumdans, induratione reliquarum mesenterii glandularum comitatus. Simile quid in casu sequenti occurrit.

Per 4. circiter menses in Nosodochio decubuit miles de ventriculi & abdominis doloribus valde molestis cum asthma, tussi & facie cachectica conquestus, quibus malis tandem diarrhæa letalis accedens finem imposuit. Examinatum à morte cadaver monstravit Pulmonis lobum sinistrum dorsum versus inflammatum, dextrum semiputridum ac vicinis partibus adnatum: peritonæum ab intestinis & omento, quæ plurimis abscessibus steatomosis scatebant, vix separabile, similia tabernacula in mesenterio & liene, qui semiputris intus quoque talia stigmata flava exhibebat: intestina omnia sibi invicem valde connexa: omentum in istiusmodi tubercula crassa fere mutatum: hepār coloris obscuri, vesicam urinariam tribus circiter libris urinæ valde distantem.

### *OBSERVATIO CIX.*

DN. D. HIERONYMI LAUBII.

*Aortæ ossescentia in sene Apoplectico.*

**N**auta sexagenario major, statura brevis, habitu corporis obesus, asthma scorbuto gravi cum tussi, oculis rubentibus & genis ex fusco purpureis afflictus, è classe Regia ad Nosocomium mense Decembri mittitur, ibique per totam fere hiemem decumbens asthma, tussi ac maculis faciei deformibus pene liberatus suam à servicio nautico dimissionem



niem ob senii infirmitatem expectans, ac reditum in patriam meditatus subito Apoplexia corripitur & eadem vespera moritur. Altera à morte die cadaver dissectum faciem cœruleo ad atrum vergente colore tinctam & inflatam externe monstravit. Cerebro denudato, vasa plexus choroidei turgidula & ventriculus cerebri quartus sanguine nigerrimo repletus subitaneæ mortis causam detexerunt: pulmones præterea & venæ subclaviæ sanguine tumentes, cor pinguedine occultatum reperiebatur. Sanguis in auricula sinistra, ubique tamen fluidus inveniebatur. Aortæ initium ad primum contactum cartilagineum propius examinatum supra valvulas semilunares interiorius frustula vel lamellas osseas conspiciendas & tangendas præbuit.

(Hafnia August. Vind. d. 14. Februar. A. 1728.  
missa.)

### OBSERVATIO CX.

DN. D. JOHANNIS CHRISTIANI KUNDMANNI.

*Gemma quædam figuratæ.*

**I**N fingendis statuis & lapidibus scalpendis ars, cum naturæ manus auxiliatrices commodavit, sæpenumero artificiosissima pulcherrimaque orbi exhibuit opera: Ut ego *Berolini* & inpriniis *Saltzthalis* prope *Guelferbyttum* nudas quasdam statuas me videre memini, ubi venas cœruleas sanguinem per corpus diffundentes tam affabre in candido marmore artifex expresserat, ut naturales easque paululum eminentes sic satis accurate imitarentur. Inter rariora promtuarîi mei rerum naturalium numero, insigne opus naturæ & artis in Christo cruci affixo, ex murice maximo Americano elaboratum; ubi totum corpus albidum, pectus vero ex lineolis in circulum ductis


ductis rubrum & quasi flagellis & virgis cæsum apparet, brachia & crura iidem paululum superius rubent, quæ umbram indicant clavisque adamantibus ornatis ligno firmantur, quod pluribus descripsi, in *Collectione Vratislaviensi eventuum Physico-Meditorum Tentam. XX. An. 1722. Mens. Majo Class. IV. Art. X. pag. 499. seqq. it. in Promptuario meo rerum naturalium & artificialium Sect. IV. Class. I. Art. I. p. 303.*

Græci pariter & Romani jam suo tempore, summa industria ac arte, Onychas ex stratis diversicoloribus constantes, & alias quoque gemmas opere cælato ita scalpere studebant, ut, quæ plerumque in illis videbantur capitâ, colore essent diverso ab arcâ, in qua exstabant. Talium ego aliquot quibus libet possum ostendere à lentis magnitudine usque ad latitudinem duorum pollicum in quibus neque ars neque pulchritudo desideratur. Magnum autem Onychem, ubi leo luculenta scalptus cælatura equum dilaniat, qui colore aureo, arcâ autem prasino comparet, possidet hic loci *Illustriss. Comes de Hatzfeld, & Sardonyx maxima in qua figuræ rubræ, arcâ vero alba est, festum Bacchi representans, descr. & delin. in Actis Erudit. Lipsiensibus An. 1728. Mens. Januar. Tab. I. pag. 6.*


Sed in majori adhuc pretio sunt habendi lapides illi, in quibus natura sola, ut dicunt, quid effigiavit. In marmoribus & silicibus pulcherrima hujus generis dantur exempla. *Ulysses Aldrovandus in Museo metallico Lib. IV. p. 446.* lapillum cum accurata effigie avis describit; itemque *pag. 528.* tres silices, in quarum una crux, gladius & virga, in reliquis duabus crux cum Insignibus Burgundicis est expressa, & *pag. 726.* usque ad *pag. 729.* delineare plures pergit ac describere, in quibus varii generis animalia hominesque fuerunt efformati. Et hos quidem lapides sequuntur marmora, in quibus imago Johannis Baptistæ, *pag. 757.* monachi, *pag. 758.* Christi crucifixi conspiciuntur; quibus usque ad *pag. 763.* variæ adhuc figuræ animalium sunt adjunctæ. *Kircherus in mundo subter. Tom. II. Lib. VII. Sect. fol. 31. seqq.* imagines Mariæ aliasque in marmoribus

repræsentat sicut & *Miscell. Natur. Curios. Dec. I. An. 1. Obs. CXII. pag. 263.* in Schol. de lapidibus singulari modo figuratis agunt. *Libavius Tract. de Bituminibus Schol. ad Cap. XXXV. pag. 703.* *Jonstonus in Thaumaturgraph. Sect. IV. Cap. XVII. Eras. Francisci in Ost- und West-Ind. Lust-Garten pag. 163.* *Mylius in memorabil. Saxon. subterr. fol. 47. 50. 74. seqq.* *Hermannus in Maslographia Tab. XIII. pag. 227.* *Valentini in Mus. Muscor. Helvigijs in Lithographia Angerburgic. Cl. II. Sect. I. pag. 54. Tab. VI. it. XI. Petr. Janichius in Meletematibus Thorunensibus Tom. I. pag. 77. seq. & complures alii* non pauca hujus rei exempla subministrant. Ut marmora Florentina in quibus arces turræ varii generis aliaque palatia sunt effigiata (*vid. Wormius in Mus. pag. 44.*) & Dendritas ejusdem loci s. Veronenses (*vid. Ferrand. Imperatus Hist. Natural. Lib. XXIV. p. 578.*) sicco pede prætereamus.

Verum autem verò, quod ad gemmas attinet, cum non æque facile, ac lapides præcedentes penetrationem admittant, atque ab effluviis & succis minerabilibus colorem ducere, variasque figuras exhibere possunt, rarior sane illarum est ratio. Equidem jam ex antiquissima temporum memoria scriptis (*vid. Plinius Hist. Natural. Lib. XXXVII.*) laudatur annulus, quem Rex *Pyrrhus* digito gestavit, ubi in Achate novem Musæ tam eleganter effigiatæ fuisse dicuntur, ut suum quæque insigne habuerit, & Apollo cum cithara in medio conspici potuerit; quem verò *Kircherus in mundo subter. Tom. II. Lib. VIII. fol. 41.* arte factum esse contendit. Quemadmodum paucis ab hinc annis in Relationibus publicis multa jactabantur de Achate Bipontino, in quo tres coronæ Svecicæ sub nube compa-ruerunt, quasi à natura sic fuissent efformatæ, cum verò tota res accuratius lustraretur, isthæc omnia per artem fuisse facta deprehensum est. (*vid. Valentini Musei Muscor. Part. II. Cap. VIII. §. 1. pag. 53.*) In quo quidem genere etiam viri harum artium, periti mihi confirmaverunt, Achatæ & Chalcedonio, modo uterque esset purus & careret fibris, quaslibet velle se







imprimere figuras adeo scite, ut nemo fictas eas esse sit intellecturus. Uti & de pretiosissima patera ex Achate, quæ Viennæ asservatur, cui nomen & officium JESU CHRISTI Salvatoris inscriptum est, (*Vid. Lambecius Tom. I. Biblioth. Vindobonens. it. Miscell. Nat. Curios. Dec. 1. Obs. CXII. pag. 263.*) jam non amplius usque adeo præcise negatur, naturam ab arte adjutam fuisse.

Hæc ut præmitterem, ansam dederunt pauculæ collectæ gemmæ à natura figuratæ, quas æquiparare possum cum illis, quæ ab *Anselmo Boëtio in Hist. Gem. & Lapid. Cap. XXXVII. it. Cap. XCV. & CIII.* descriptæ, vel ab *Ulyss. Aldrovando in Mus. Metall. pag. 107. seqq. Joh. de Laët de Gemm. & Lapid. Lib. 1. cap. XVII. pag. 66. Bohusl. Balbino in Miscell. Histor. Regn. Bohemia Lib. 1. Cap. VI. pag. 22. it. pag. 87. Joh. Dan. Geiero de montibus conchiferis Tract. 1. §. 14. pag. 15. Frid. Lachmundo Oryctogr. Hildesheimens. in Præfat. Hier. Velschius Obs. Phys. Medic. Heccatoft. 1. Obs. XXII. pag. 27. & 34. it. Obs. XLII. pag. 57. Joh. Eberh. Rumphio in Amboin. Rarit. Kam. pag. 289. Mich. Bernh. Valentini in Mus. Museor. Part. II. Cap. VIII. pag. 51. seqq. Casp. Gotthold Jentsch Diss. de Gemmis p. 19. seqq. aliisque delineatæ fuerunt ac descriptæ. At certe hoc affirmare non dubito, maximam partem eas ex gemmis Silesiasticis, Bohemicis Hungaricisque ductu meo esse expolitas atque lævigatas, adeoque tanto minus dubitandum, quin à sola, ut vocant, ludente natura dependeant. Sic in TAB. VIII.*

*Num. 1. 2. 3. 4. 5.* sunt candidi Achatæ in quibus nigræ fuscæque arbusculæ & frutices subjiciuntur oculis, quales *Rumphius in Gazoph. Rar. Amb. Tab. LV. pag. 287.* delineavit descripsitque, præterquam quod *Num. 5.* quiddam singulare præ se fert: Gemma est sublutea, vel, ut alias vocatur, Cerachates, ubi natura Carduum nigrum floribus croceis tam scite expressit, ut non facile quis similem alibi sit reperturus; it. *Num. 4.* ubi arbusculæ, velut in tabula campi aut agri depicti fieri solet, pulcherrimo prospectu oculis intuentium sese per umbras subducunt.



ducunt. Et omnino Dendrachatarum aliarumque gemmarum in quibus apparent arbusculæ, singularis est ratio; namque Italus doctissimus, Imperator (Hist. Nat. Lib. XXIV. pag. 578.) per calcinationem illas exurendo è lapidibus prorsus deleuit; & hic *Pratissavia* Medicus longe celeberrimus Dn. D. *Schultzius* testatur, nigras arbusculas, cum radendo ipsas inde extraxisset, prunisque candentibus injecisset, fumum visibilem atque odorem bituminosum sparsisse; ex quo collegerunt, illas non aliunde nasci, nisi è succo quodam subterraneo bituminoso pariter ac sulphureo, qui lapides hosce molliores ita penetret, ut ejusmodi figuræ denique conspici possint, (conf. *Miscell. Natur. Curios. Dec. III. An. V. & VI. in append.* In gemmis ob insignem duritiem locum non habet ista penetratio; hinc & arbusculæ, (ut egomet ipse hujus rei experimentum feci,) nullo modo exinde deleri possunt.

*Num. 6.* Est albus Achatès in quo caput Romanum flavi coloris laureatum pulcherrima forma conspicitur; sicut

*Num. 7.* In Sarda sublutea, caput, quod hic æri est incisum comparat.

*Ex Num. 8.* nudum fingere æthiopen licet, qui dorso nescio quid gestat, à parte vero antica fasciculum tabaci convoluti tenet; lapis est albus, ac effigies in eo tam atra, quam carbo.

*Num. 9.* est Cardites vel Jaspis candior ubi cor sanguinei coloris, ab utroque latere cernitur.

*Num. 10.* Est Sarda eximie magnitudinis, duabus, alba scilicet & nigra, insignita lineis juxta sese invicem in accuratam rotunditatem ductis, quasi circino essent descriptæ. (conf. *Georg. Agricola de Natura fossil. Lib. VI. Cap. XXVI. p. 612.*

*Num. 11. 12. 13. 14. 15. 16. 17. 18. 19. 20. 21. 22. 23. 24. 25.* Sunt Onyches coloris cornei, albis nigrisque maculis rotundis & circulis notati, quales *Joh. de Laët. de Gem. & Lapid. Lib. I. Cap. XVIII. pag. 68. & 69. it. Ul. Aldrovandus in Mus. Metall. Lib. IV. Tab. I. & II. p. 918.* delineavit atque descripsit.

*Num.*

*Num. 26* Est Jaspis multicolor, in qua fascia lutea, sive fascia. repens tam supra quam infra habens fimbriam nigram, situm venarum metallicarum in terra demonstrat.

*Num. 27.* Cepitæ (alias Tuinsteen) apud *Rumphium* admodum similis videtur. *vid. ejusd. Gazoph. Rar. Amboin. Lib. III. cap. XLIV. Tab. LVI.*

*Num. 28.* Est albus Chalcedonius pellucidus pulcherri-  
mo quadrato, lineis coloris lactei descripto, ornatus *Conf. Georg. Agricola Tract. de natur. fossil. Lib. V. Cap. pag. 532.*

*Num. 29.* Est Sardonyx coloris cornei, in quo alternatim rubro luteoque colore translucens striæ conspiciuntur, & quasi bicolor tentorium egregiè repræsentant, in medio cujus pertica rubra cœruleo globo est ornata.

*Num. 30. 31.* Sunt Jaspides rosei coloris, albis fasciis & lineis ita distinctæ, ut partem propugnaculi satis accurate referant.

*Num 32. 33.* Est Sardonyx coloris ex rubro albicantis, distinctus lineis albis perquam subtilibus, quæ ab una parte pentagonum ab altera hexagonum formant.

*Num. 34. 35. 36. 37. 38. 39. 40. 41. 42. 43* Sardonyches sunt inusitatæ pulchritudinis, in quibus vel castella integra, vel saltem partes propugnaculorum cum lineis circum & contra vallum ductis, per albas, rubras & luteas lineas exhibentur.

*Num. 44.* Est lapis pellucidus, isque admodum speciosus cum flexuris coloris herbei profundius impressis, quem ideo Scolopendritem appellamus, quod ad similitudinem accedit ejus, quem *Joh. de Laët de Gem. & Lap. Lib. II. Cap. XXVIII. pag. 176.* ita appellavit descripsitque.

*Num. 45.* Ex his habeo cineream & subviridem valde duram Jaspidem cum nigra cruce, haud absimilem illi, quæ delineata est in *Joh. Laëtii l. c. Lib. I. Cap. XXII. pag. 81. conf. Miscell. Nat. Curios. An. 1. Dec. 1. Obs. CXVI. p. 270.*

*Num. 46.* Hujusmodi Astroitarum possideo diversos, qui vero nonnisi magnitudine quantum ad stellulas attinet inter se differunt : cum igitur illi admodum sint speciosi, eosque *Ans. Boëtius de Boot in Hist. Gem. & Lapid. Lib. II. Cap. CXLV. pag. 297.* inter gemmas retulerit, & mox quoque copiosè descripserit delineaveritque, locum ipsis hic denegare non potui.

*Num. 47.* Ad speciem præcedentium omnino accedit, præterquam quod stellarum loco rosæ inibi conspiciantur, cujus generis & aliquot ego monstrare possum in quibus rosæ iunt admodum parvæ *vid. Joh. de Laët. in libro sæpe citato de Gem. & Lap. Lib. II. Cap. 1. p. 97.*

*Num. 48.* Est lapis pellucidus coloris cornei cum macula alba totum pervadente, qui ejusdem generis hexagonum præsentat.

*Num. 49. 50. 51. 52. 53. 54. 55. 56.* Sunt Chalcedonii pellucidi, ubi lineæ albæ & cinereæ admodum subtiles alternatim positæ castella referunt, quales *Ul. Aldrovandus Mus. Met. Lib. IV. pag. 920.* & sæpè laudatus *Rumphius in Gazoph. Rar. Amboin. Tab. LVI. Lit. A. B. C. D. E. F. pag. 288.* delineavit atque descripsit.

*Num. 57.* Est Jaspis albidi coloris cum circulo & area in medio purpurea.

*Num. 58.* Est Sarda Persica pulchrè rubens, in qua lineæ albæ figuram hic delineatam exhibent.

At enimverò omnes hosce lapides longissime superant sequentes V. gemmæ memoratu dignissimæ : Prior est Chalcedonius glaucinus eximiæ magnitudinis, ubi lineis albis nigrisque in uno latere figura, qualis *num. 58.* in altero, qualis *59.* cernitur.

*Num. 60.* Est Onyx cornei coloris elegantissima fasciis lineisque albis, fuscis & aureis ita circumducta ut propugnaculum efforment.

*Num. 61.* Est Achates albus cum musco corallino rubro immenso, qualem descr. *Georg. Baglivus Oper. Diss. V. § 8. pag. m 501.* & delineavit *Ulyss. Aldrovandus in Mus. Metall. Lib. IV. Tab. I. num. 2. p. 908.*

*Num. 62.* Est Cochlear ex Achate albo, quod hic loci *Generos. Dn. à Löwenstädt*, possidet, in qua aranea vividissimo rubore est effigiata, cujusmodi etiam *Dn. D. Spenerus Berolini* possedit (*vid. Catalogus post mortem ipsius typis impressus pag 29.*) Sicut & *Dn. Rumphius* album descripsit Achatem, propè urbem Surattam in montibus Indiæ Orientalis, ubi speciatim vocatur Indostan, inventum, in quo musca, pice nigrior, simili ratione fuit conspecta. (*vid. Gazophyl. Rar. Amboin. Lib. III. pag. 287.*)

## SCHOLION.

**O**ccasione gemmarum antedictarum figuratarum non possum non cum benevolo lectore communicare gemmas varias, cum figuris Ægyptiorum hieroglyphicis, quæ in *Mumia Gothana*, à *Dn. Christiano Herzogio*, Pharmacopœo Aulico & Orphanotrophii Gothani inventæ & in *Mumiographia Medica Germanico primum mox & Gallico idiomate descriptæ sunt*. Genuinam sc. & minus adulteratam Mumiam desiderans, A. 1715. magnis licet sumptibus eandem ex Ægypto per Angliam & Hamburgum obtinuit, sed absque capite & cruribus. Mumia hæc 1½. uln. longa, unguibus in digitis manuum & pedum inauratis gaudens, sexus sequioris erat, quales genuinæ (quibus maritorum cineres in urna appositi junguntur) ut plurimum sunt. Sub brachiis ultra LXX. inveniebantur gemmæ variarum figurarum raræ non minus quam curiosæ. Sperans ergo fore ut & capitis & crurium simul particeps fieret, nepotem suum, *Dn. Vockerod, J. U. Cand.* in quamplurima Emporia ad aromatarios, quos Materialistas vocant, ablegavit, nullus dubitans & in ca-

pice similes gemmas se inventurum esse. Gissam nostram transiens meumque de mumia hac iudicium desiderans gemmas inventas & arculae inclusas insimul ostendebat, cum delineatione, descriptione & pondere illarum, quæ è seq. Schemate & TAB. IX. observari poterunt.

# JUDICIUM

De

## GEMMIS IN MUMIA GENUINA GOTHANA INVENTIS,


*à Gemmariis quibusdam impertitum.*

<i>Num.</i>	<i>Figura.</i>	<i>Substantia.</i>	<i>Pondus.</i>
1	Isis	Lapis Lazuli rarissimus.	x1. gran.
2	Isis	Idem.	9. gran.
3	Isis	Idem.	19. gran.
4	Horus	Lapis Nephriticus ex optimis.	26. gran.
5	Harpocrates	Vitrum factit. opt. & ignotum.	30. gr. c. dimid.
6	Idem	Idem.	22. gran.
7	Canopus	Species Jaspidis.	17. gran.
8	Apis	Jaspis subviridis cum striis rubris.	32. gran.
9	Idem	Jaspis.	15. gran.
10	Idem	Jaspis alb. nig. punctis præditus.	30. gran.
11	Idem	Jaspis rarissimus ex viridi niger.	25. gran.
12	Idem.	Factitium quid ut videtur.	26. gran.
13	Similiter	Jaspis nigricans.	44. gran.
14	Similiter	Lapis Nephriticus.	12. gran.
15	Similiter	Lapis nigricans.	16. gran.
16	Similiter	Lapis Laz. intersp. punctis aureis.	12. gran.


*Num.*



*Imagines Hieroglyphicæ, in Mumia  
Aegypti repertæ.*







<i>Num.</i>	<i>Figura.</i>	<i>Substantia.</i>	<i>Pondus.</i>
17	Similiter	Jaspis ex viridi niger pretiosiss.	34. gran.
18	Similiter	Jaspis punctis albis & nigris.	26. gran.
19	Similiter	Marmor alb. f. alabast. durius.	22. gran.
20	Rana	Viridiss. jaspis, pretiosissimus.	20. gran.
21	Rana	Lapis nephriticus.	17. gran.
22	Osyris	Marmor nigrigans.	53. gran.
23	Osyris	Lapis nephriticus.	35. gran.
24	Similiter	Jaspis non infimæ sortis.	29. gran.
25	Similiter	Lap. Laz. optim. ex Armenia.	24. gran.
26	Similiter	Jaspis nigr., cum flammula auri puri rariss.	46. gran.
27	Tabula vacua	Lap. nephriticus.	22. gran.
28	Similiter	Jaspis è viridi nigrigans rariss.	32. gran.
29	Amulet. pisciforme	Jaspis nigrigans purus.	60. gran.
30	Similiter	Marmor albicans.	21. gran.
31	Am. piscifor.	Marmor ex viridi nigrigans.	37. gran.
32	Amulet. aliud	Marmor albicans.	32. gran.
33	Tabula	Jaspis ex viridi nigrigans.	19. gran.
34	Vas Niloticū	Lapis lazuli.	11. gr. $\frac{1}{2}$ .
35	Spatha	Marmor nigrigans.	17. gran.
36	Similiter	Similiter.	49. gran.
37	Vas Niloticū	Jaspis ex viridi nigrigans.	22. gran.
38	Similiter	Lapis nephriticus.	28. gran.
39	Vas Niloticū	Jaspis ex viridi niger.	21. gran.
40	Columnalsid.	Lap. lazuli c. striis ær.	16. gran.
41	Col. Isiaca	Marm. nigr. sed pretiosum.	27 $\frac{1}{2}$ . gr.
42	Similiter	Jaspis ex fusco nigrigans.	11. gran.
43	Similiter	Factitium quid, uti num. 5. 6.	30. gran.
44	Similiter	Lap. Lazuli.	18. gran.
45	Altare	Jasp. nigr. pur. uti num. 26.	27. gran.
46	Altare	Marm. nigrigans.	15. gr. $\frac{1}{2}$ .

<i>Num.</i>	<i>Figura.</i>	<i>Substantia.</i>	<i>Pondus.</i>
47	Amul. piscif.	Onyx pretios.	16. gran.
48	Sceptrum	Lap. serpentinus rariss. fort.	26. gran.
49	Similiter	Achates virid. opt. & pretios.	16. gran.
50	Similiter	Marmor ex viridi nigr.	13. gran.
51	Pyramis	Jaspis genuinus nobilis.	16. gran.
52	Vas Nilot.	Factit. uti n. 5. & 6.	15. gran.
53	Similiter	Similiter.	12. gran.
54	Rhombus	Jaspis ex viridi niger.	20. gran.
55	Similiter	Lap. nephriticus.	31. gr. $\frac{1}{2}$ .
56	Similiter	Lap. Lazuli sine punctis.	18. gr. c. d.
57	Rhombus	Lap. nephrit. omnium optimus.	11. gran.
58	Vas Nilot.	Marmor albicans & solidiss.	17. gran.
59	Similiter	Lap. lazuli cum striis.	15. gran.
60	Scipio parv.	Jaspis nigricans.	8. gran.
61	Similiter	Factitium vitrum	} uti num 5.
62	Similiter	Similiter	
63	Similiter	Marmor nigricans.	4. gran.
64	Similiter	Lap. lazuli.	6. gran.
65	Similiter	Similiter.	5. gran.
66	Similiter	Jaspis nigricans.	6. gran.
67	Globulus	Marmor nigricans.	6. gran.
68	Globulus	Jaspis nigricans.	6. gran.
69	Similiter	Lapis lazuli.	6. gran.
70	Similiter	Granatus Orientalis.	3. gran.
71	Similiter	Factit. ut num. 5. & 6.	7. gran.
72	Similiter	Lapis Lazuli.	6. gran.
73	Instrumentū pro Mumiis præparandis.	Jaspis.	3 $\frac{1}{2}$ . lod. gr. 40.

M. B. Valentini.

OBSER-

## OBSERVATIO CXI.

DN. D. JOHANNIS CHRISTIANI KUND-  
MANNI.*Liquor vulnerarius Dippelii.*

**C**onsolidationem esse artificiosissimum opus Naturæ, constat : cum verò eare fides auctoritasque quam plurimorum Medicastrorum propius ad labem esset perventura, dum & ipsi jam jam rusticis notum sit, quod apostemata sponte maturescant, sæpenumero sponte aperiantur & vulnus sponte coalescat ; persuadere vulgo cœperunt, herbæ alieujus ope vel balsamo vulnerario plane singulari carnem dissectam in olla rursus conglutinari aut si quis amputata & abscissa membra, inprimis nasos, in pane saltem calente, uti *Antonius Molinettus* de patre suo gloriatur, adservaret, eadem rursus adglutinari posse (*vid. Henrici à Mænichen Observationes Medicae*, annexæ, *Mich. Lyséri Observation : Anatomic. p. 207.*) *Caspar Tagliacotius Medicus Italianus* integrum conscripsit librum (sub Tit. *Chirurgia nova de narium, aurium labiorumque defectu per insitionem cutis ex humero arte hætenus omnibus ignota, sarciendo Francof. 1590. 8vo.*) Si quis nasum, labia, aures & nescio quid, infesto quodam casu, amisisset, quæ ratione dum ipsemet, vel etiam alius quispiam suo ex brachio, humero vel aliunde particulam aliquam carnis excidi pateretur, eandem parti læsæ sive mutilatæ adfigere, & postea in formam auris, nasi ac oris, aut cujuscunque alius membri scindendo effingere possit. Alio tempore Londinum in aulam Anglicanam venit Gallus quidam, cui nomen erat *Rabele* ; hic multa magnifice jactavit de aqua quadam vulneraria ; cumque illius ope aliquot coronatorum millia esset lucratus, Galliam repetiit. In benignis istius rei æsti-

æstimatoribus fuit *Dux Rupertus* qui *Dn. D. Bechero* partem intestini ostendit inflatam, & in utraque extremitate filo obligatam : eadem hac intestini pars, quantum extendebatur longitudine, habebat incisionem, & rursus consanuerat, hac quidem occasione : *Dux* ille præsentibus aliquot Medicis, porculum vivum aperuerat, secueratque, atque *Rabelii* aqua vulneraria adsperserat rursusque consanaverat : deinde anno interjecto, ubi porculus erat factus adultior, eundem iterum, præsentibus Medicis mactari iussit, & tum illud intestinum in statu supra descripto fuit inventum, quod *Dux* ad rei confirmationem asservat. (*vid. Joach. Bechers Närrische Weish. und vveise Narrh. p. m. 58.*) itemque alia varii generis animalia transfoderunt, & nil nisi aquam illam vulnerariam siphonis ope vulneribus instillarunt, quo facto illa statim fuerunt sanata. *Thiers de Marconnay* Med. Doct. & Pract. Metensis in libro, cui titulus : *Nouvelles decouvertes en Medicine tres utiles pour le service du Roy & du public.* (qui Parisiis An. 1724. in 1<sup>mo</sup> prod.) I ib. VI. mira etiam de sale suo sympathetico venditat, quod intra XXIV. horas omnia vulnera recentia, etiam per se & absolute lethalia, curat, si tantum calor vel ignis naturalis ante vulnerationem, per hoc auctus fuerit. (*vid. Observatio mea in Collect. Vratisl. Eventuum Physico-Medico Tentam. XXVI. An. 1723. Class. V. Art. VII. p. 678.*) ut alias miras historias taceamus,

Quod ad Liquorem vulnerarium *Dippelianum* attinet, ille ante XX. an. innotuit, cui ab initio idem omnino effectus, qui supra aquæ *Rabelii* & salis sympathetico de *Marconnay* fuit tributus. Hujus quidem liquoris *Dippelii* paulo ante, quam ob varia scripta, sub nomine *Christiani Democriti* edita, Berolini in custodiam daretur, *Dn. Lic. Joh. Sam. Carolo*, qui illo ipso tempore itineri Halam suscipiendo accinctus erat, unam fere unciam dono dederat : cum ergo in itinere ipsi deesset occasio ejus liquoris experimentum faciendi, illius efficaciam prima vice Halæ, & quidem in Museo meo, in cane, cujus ca-

put clavo grandiori erat transverberaturus, experiri in animum induxerat. Ego igitur subjectum tale, scil. canem, comparabam, & res ipsa quoque ita fuisset peracta, nisi Dominus Prof. & Cons. Aul. celebr. *Joh. Frid. Hoffmannus*, hoc instituto cognito rogasset, ut istud experimentum in ædibus suis tentaretur: id quod sequenti modo factum est: Per ipsum canis cujusdam caput medium, à summo usque per palatum (ut sanguis ex sententia *Hoffmanni*, profluere commodius posset) clavus uncinatus sat grandis transadigebatur, & liquoris vulnerarii tantum, quantum immitti poterat, siphonis ope cerebro instillabatur: quo facto canis sic satis vegetum se præbebat, atque juseculi etiam paululum sorbebat, nisi quod gravis tremor in eo conspiceretur & tactu sentiretur. Ego canem ita affectum in domicilium meum curabam deportandum, ubi spatio duarum fere horarum post operationem elapso, humor salivofusus ex ore ipsius promanabat, repetito aliquoties vomitu insequente: per noctem plane quietus jacebat, postridiè verò in circulo, lentis admodum passibus, demisso in terram capite, per aliquot horas continuas circumspatiari incipiebat, & hunc quidem circulum adeo accurate observabat, ut raro unum passum amplius, quam priori vice, cum ad primum rediisset locum, confecisse deprehenderetur: tertio die nihil erat residuum, præter aliquam pedum debilitatem, quæ vero die sequenti prorsus discesserat, uti appetentia cibi omnino redierat. Dn. D. *Stahlio Consil. nunc Aul. & Archiatr. Reg. Borussiae* celebr. qui & ipse experiendi hujus liquoris vulnerarii erat cupidus; drachmam unam ejusdem conciliabam. Is clavum per canis cujusdam caput, inter oculos & aures transadigebat; unde canis quidem iste alterutro oculo cæcus, surdus aure alterutra, & toto illo latere quasi paralyticus evadebat, nihilo tamen secius in vivis remanebat. Cum ergo hic ipse liquor in vulneribus recentibus etiam singulare quiddam efficere diceretur; at nuspiam initio inveniri haberi que posset; istud deinceps Halæ apud sutorem, qui eum ab



homine illo ob Enthufiasmum notiffimo, alias opificii calcarii ftudiofo, transmiſſum acceperat, venale proſtabat, ita ut ſemiuncia duobus veniret Imperialibus. Sueci tunc temporis in Saxoniam ingreſſi, de hoc liquore aliquid inaudiverant; hinc illud ipſum præcipuo quodam ſtudio quærebant, atque Chirurghi caſtrenſes præſente Rege Alr-Ranſtadii varia ejus inſtituebant experimenta, in equis bobuſque, quorum carni ingentia incidebant vulnera, liquorem iſtum infunde-  
bant, adeoque brevi tempore ea rurfus conſanabant. Interim occaſionem naſtus erat *Dippelius* elabendi ex cuſtodia, atque in Belgium ſe recipiendi. Commorabatur autem tum temporis cum An. 1708. eſſem Amſtelodani in eadem urbe apud Medicum quendam. Ibi quanquam incognitus latere mallet, tamen non ſolum nanciſcebar occaſionem converſandi cum illo, ſed & ipſe, cum in ſermone mentionem hujus liquoris ego injeſſiſſem non admodum tergiverſabatur, quo minus præparationem ejus & compoſitionem ſequenti ratione mecum communicaret.

℞. Herb. Nummular.

Chærefol.

Fol. Beronic.

Plantagin.

Querc.

Ariſtoloſch. rot. āā. Mij.

Sanicul.

Verbafci.

Sedi maj.

Cræful.

Vincæ pervincæ,

Herb. Pimpinell. alba āā. Mij.

Flor. Millefol. Mij.

Succ. expr. add. Spir. vin. āā. it. Sal. Gemma Mj.  
deſtil.


Vratislaviam redux illud ob defectum herbarum virentium non statim conficere poteram, sed rem in proximum Ver differre cogebar; quo adventante, non modo sine cunctatione liquorem illum ipsum præparabam, verum etiam cum esset confectum, odore, sapore ac effectû simile esse *Dippeliano* deprehendebam, atque in uno eodemque subjecto aliquoties non adeo longis temporum intervallis à se disjunctis virtutem ejus experiebar; quin & postremo idem experimentum, præsentè Dn. D. *Samuele Grassio* Sac. Rom. Imp. Acad. Nat. Curios. Adjuncto & hujus loci nunc Proto-Physico Celeber. ut & insuper adhuc aliis Medicinæ Doctoribus & Chirurgis inspectantibus, instituebam. Eodem fere tempore in Novellis Hamburgensibus nunciabatur, hujusmodi experimentum à nonnemine, qui ex Belgio venisset, præsentè *Duce Marlborugio* factum esse per singularem aquam vulnerariam, quæ simul omnes læsiones, imo & intestinorum scissuras, præter cordis & vesicæ vulnera, perfectè & celeriter sanare dicebatur. Hæc res igitur, cum ceu inaudita ab universo fœderato Germanorum exercitu maxima exciperetur admiratione, quin & copiis Gallorum innotesceret, ac denique ad ipsum Regem deferretur, hic pro compositione 150000. ducatorum offerebat, & illam tamen pro tanta summa obtinere nequibat, etiam si nihil aliud esset, quam liquor Dippelianus supra memoratus.

*Eques Franciscus Josephus Burrhus* Nobilis Mediolanensis, notissimus ille Medicus & Chymicus, aliquanto ante Romæ majora adhuc venditabat, scilicet, se non solum membra à corpore separata rursus adfigere & consolidare, sed vel ipsos incidere oculos ut humores effluerent eodemque artis suæ beneficio in locum debitum refundere, aut etiam oculos omnino ex capite eruere, ipsosque cavis antea liquore certo ablutis, elutisque inferere denuo posse: & tum futurum esse affirmabat, ut tales homines multo acutius, quam antea, cer-

nerent, ac omnes etiam defectus morbique oculorum una tollerentur.

Ecquis non existimet, qui facta dictave isthæc obiter inruetur, quin his ipsis nostra de consolidatione sententia uno quasi ictu concidat? Verum hæc omnia, quemadmodum spero, pro me potius, quam contra me militabunt, evincenque: quoniam *Rabelius* propter imposturas suas Lutetiæ Parisiorum in arce, quam Bastillam vocant, carceri inclusus, atque jam in Anglia quoque de ipsius medicina secus judicatum fuit, (*vid. Joach. Becheri Narrisch. Weish. u. vveise Narrh. pag. 58.*) *Burrhus* in Castro St. Angeli Romæ ob dubiam mentis sanitatem fuit custodiendus, nec ulla rei venditæ edidit specimina (*vid. Sam. Sorbierius dans la Relation d'un Voyage d'Angleterre p. 55.* ubi disertè impostoribus & circumforaneis *Burrhum* accenset, nec aliter de eo sentit, *Pet. Badius Diss. Historiq. & Critiq. p. 631.*) quod posterius & de *Tagliacotii* arte intelligendum est. D. D. verò Prof. *Hoffmannus* idem vino Rhenano, quod liquore *Dippeliano* præstitit: (*vid. Phil. Hartsoeckeri Suite des conjectures Physiques & Art. Erud. Lips. A. 1709. mens. Febr. pag. 86*) Rem omnem ad ventosa redire mendacia, aut alia medicaminum confusaneorum illinimenta tantummodo impedire curationem, nec levem moram, quin & damnum afferre.

(*Wratislavia Angustam Vind. d. 4. Apr. A. 1733.*  
missa.)



OBSERVATIO CXII.

DN.D. CHRISTIANI ADAMI LIM-  
PRECHTI.

*Singulare & diuturnum virium deficiendarum pro-  
gnosticum.*

**V**Ir quidam quinquagesimo quarto ætatis suæ anno, tem-  
peramenti cholero-sanguinei, cui mittuntur utensilia  
quædam, in quorum numero ea non invenit quæ firmit-  
simè sibi persuasus fuerat se inventurum, unde ex subitanea  
animi alteratione apoplectico corripitur affectu amissisque  
& sensu & motu in terram concidit, fulmine quasi tactus, post  
exiguum tamen temporis spatium, videtur ipsi ex longinquis  
locis percipere clamorem filiolæ suæ natu minimæ annum  
ætatis quintum agentis, quæ de moribundo parente magna  
vociferatione conqueritur. Hoc modo à profundo, ut æger  
ipse postea referebat, somno excitatur in hæc verba erum-  
pens: Nondum mortuus sum. Surgere quidem omnibus  
viribus nititur, sed cum propriæ non sufficiunt, alienis ad-  
stantium erigendus venit, erectus autem solus stare nequit, ad-  
iutus ab aliis, usu cruris sinistri se destitutum sentit, quod  
ipsi apparet longius, ita, ut illud à reliquo corpore ipsi attra-  
hendum fuerit. Postquam Paraplegia ista ultra tres menses  
laborasset, gratia divina idoneis medicamentis ægrotus pri-  
stinæ sanitati restitutus, per viginti annos subsequentes ne  
minima quidem ad affectum hunc accedentia sensit incom-  
moda, variis licet aliis morbis hætenus vexatus fuerit.

Cæterum, dum morbus enarratus ægrum lecto affigit  
de nullo alio symptomate conquestus est, statim autem ac-  
lectus, ex quacunque etiam causa id fieret ei relinquendus es-  
set, magnam ad lipothymiam sensit inclinationem, cui hoc pe-

culiare signum præcessit prognosticum: Frigus quoddam in nasi apice notatur reliquis nasi partibus naturalem calorem retinentibus, quod non tam ipse, quam adstantes, manus suas ad extremitatem nasi ægrotantis applicantes, medio ætatis tempore senserunt, & quod bene notandum, frigus illud in isto fene jam ultra septuaginta annorum semper ad hoc præcedit levem virium defectum ex nimia meditatione ortum, quocunque anni tempore, mox tamen cessat, quando à nimio mentis labore abstinet.

### OBSERVATIO CXIII.

DN. D. CHRISTIANI HENRICI ERND-  
TELII.

#### *Dens ex medio Palati emergens.*

**Q**ui Dentium nostrorum naturam & usum paulo accuratius considerat, fateri certe necesse habet, hos inter partes humani corporis solidas singularem prærogativam habere. Mirum est, ex omnibus ossibus, quæ in toto animali Regno hæcenus nota sunt, nullum inveniri, quod dentibus humanis duritie & soliditate præferendum sit: an Manati & Tiburonum piscium ossa aurium petrosa penitus his æquiparanda, adhuc in quæstione positum esse existimo. Non obstante hac ipsa duritie, semina dentium vel primordia in infantibus, statim ac uterum maternum deseruere, adsunt, & postea non minus ac reliquæ corporis partes solidæ, venis, arteriis, nervulis instructi nutriuntur & accrescunt.

De substantia horum, post *Malpighium*, nemo fortassis curiosius & accuratius commentatus est hæcenus *Dominico Gagliardo Medico Romano, in Anatomia ossium novis inventis illustrata, Parte I. cap. 2.* Primordia autem quod attinet, præeunte

*Kerkringio* & laudato jam *Malpighio* nemo fortassis accuratius de illis egit, *Joh. Jac. Ravio*; Anatomico & Chirurgo Celeberrimo, Præceptore quondam meo, dum Amstelodami anno hujus Seculi sexto hæsi, in peculiari *Dissertatione*, quam de *Dentium generatione*, ante hos viginti amplius annos, edidit, in eademque fufius explicavit, quod dentium femina, in alveolis maxillarum adhuc imperfectis in fœtu, gingivis obtecta hæreant, & tot quidem femina, quot unquam in homine per omnem ætatem prorumpunt dentes: hæc in fœtu recens nato, ablatis gingivis, ad oculum non semel demonstravit curiosis spectantibus. Continet autem unusquisque fœtus, qui completum numerum dentium aliquando habiturus est, quinquaginta duo dentium femina: præter triginta duos enim, quos homo perfectus habet dentes, viginti numero in duplo inveniuntur dentium vestigia. Naturâ enim sic constitutum est, ut octo incisores, quatuor Canini, & octo molares, circa quintum, sextum, septimum vel decimum ætatis annum cadant, restituendi iterum per hætenus latentes sub prioribus, lactarios. Cadere autem necesse habent priores, quatenus illorum substantia, à quinto ad decimum annum, ad perfectionem absolutam pervenit, & durior longe ac compactior est, quam Maxillarum substantia, quæ augetur interim ac crescit, consequenter alveolos simul, in longum, latum & profundum explicat, qui ita explicati dentem priorem non amplectuntur amplius, sed cadere sinunt: præterea juvant hunc dentium casum memorati jam secundarii dentes, trudendo quasi & expellendo jam prius formatos. Stupenda hæc sunt de dentium generatione, & vix fidem inventura, nisi per repetitas curiosorum Observationes confirmata fuissent aliquoties.

Non minus autem miranda, quæ recentiores Physiologi & Anatomici de dentium usu annotarunt: quis crederet, scalpellorum, pistillorum & lapidum Molarium quasi officinam in ore nostro latere? Dentium enim alii ad incisionem cibo-



ciborum facti sunt acuri, scalpellis incisoris non absimiles alii his utrinque adjuncti, atterendis cibis utiles ideoque rotundi, instrumentis illis similes, quibus lapidæ ad marmora coresque effringendos utuntur, Molares autem latiori capite & inæqualiter quasi asperos videmus, ad comminuenda molendaque cibaria destinatos. Et per hæc ipsa instrumenta efficitur illa ciborum præparatio, quam Masticationem vocamus, & quam tanti jure meritoque fecerunt Arabes, ut animam suam male odisse dixerint, qui eam neglexerit.

Quo magis autem æstimandus est usus harum partium, eo plus etiam curandum, ut partim conserventur, partim refarciantur damna, ex male constitutis his emergentia. Insigne etiam in hoc passu, præsentis ætate, fecit Ars Asclepiadea augmentum. Non enim novum est, ut cætera taceamus, casu & infortunio vel morbo elapsos dentes, vel per artefactos ex Ebore aut Dente Hippopotami formatos, vel per alienos dentes aliis hominibus extractos, restituere. Quod Parisiis non infrequenter peragere certos operatores Chirurgos ferunt, qui ære conducto aliquo homine sano, extrahunt dentem sanum, ipsumque cruentum, illi, qui opus habet, inferunt, de quo jam suo tempore *Ambrosius Paræus*, ast non *Avtopres*, mentionem facit, sequentibus verbis: compertum „habeo ab homine fide digno, visam sibi primæ nobilitatis „mulierem, quæ in avulsi dentis locum, alium sibi sanum, perdissequæ cuidam suæ eodem tempore exemptum, extemplo „substitui & inferi jussit, qui temporis progressu, se velut actis „radicibus, obfirmaverit, sic ut in ipsum indolenter ut in reliquos, manderet. Sed ut dixi, de hac re nihil præter auditum habeo. *Chirurg. Lib. 16. cap. 26.*

Quæ de eadem hac re in *M. N. C. nostris*, Dec. III. Ann. 6. & 7. obs. 220. annotata sunt, & an firment, an vero destruant, monstruosam hanc Curtorum Chirurgiam, adducere nequeo, propter bibliothecæ defectum, ita ut locum allegatum inspicere non licuerit. Quæcunque autem de egregiis illis Artibus cir-

circumferantur, magnâ cum circumspectione de tali artificio judicandum, nec temerè omnia, quæ referuntur, pro veritate assumenda esse existimo. Mihi quidem ita videtur, non facilè dentem, licet recentissimè extractum, alteri dente orbatò inferi posse, ita ut radices agat & firmiter stet, nisi ille in cujus locum venire debet, extemplo & eodem quasi momento eximeretur, ita, ut recens extractus in recens inflictum vulnus possit intrudi, & hoc modo fortassis fieri posset, ut alveolus sanguine calens, felicius assumeret alterum etiam sanguine recenti adhuc stillantem, & quasi coalescendo firmaret: ubi tamen accurate etiam talis eligendus esset dens, qui & ætate & magnitudine & formâ externâ cum eximendò respondeat, neque usus alius inde emergeret, quàm quod pro dente cariosò e.g. vacillante, immaniùs dolente, aut aliò modo corruptò, evulsò, alius surrogari possit, si occasio tunc cum alieno recenter evellendo, sub positis jam circumstantiis, faveret.

Sed missam hanc controversiam facio, & ad dentium generationem, naturam & numerum rediens, rarissimum aliquod spectaculum mihi in mentem revoco, quod de dente superfluo, anno 1718. mense Augustò, Rawa in Poloniâ Majori, dum locum hunc cum Aulâ Regiâ transirem, videre licuit. Cum enim curiositatis ergo ibi visitarem Collegium P. S. Jesu, quod ex lapidibus exstructum cum adjacente hortò possident satis egregium, rogatus à Patre Rectore, Socium quendam hujus Collegii, *P. Jacobum Banacki*, annum ætatis tunc circiter vigesimum quartum agentem, robustum satis & de cæterò sanum, floridum, invisi, qui multum à dente supra linguam extraordinario modo sibi excreto incommodi pati querebatur, & an ipse sine periculo extrahi possit, sciscitavit: examinavi locum & vidi, quod merè ex medio Palati prominere ille dens, (ita, ut si quis Palati spatium sub circuli formâ sibi conciperet, dens ille centrum repræsenteret) ad Incisorum modum formatus, elegans, soliditate & nitore,

*A. P. M. Vol. II.* Ll quo

quoad eminentem & visibilem partem verè lapideus, præterea adeò firmiter alveolo suo proprio impactus, ut omni modo mobilitatem tentanti digitis applicatis, resisteret. Miratus inusitatum hoc spectaculum, rogavi, ut me de Ortu hujus dentis certiorer faceret, simulque referret, an unquam doluerit? an in Loquela, vel inter manducandum ipsum impediret? & an unquam pro abbreviatione ejus aliquid tentaverit? ad quas propositiones mihi postea sequens propriis suis verbis conceptum in scripto dedit responsum:

„ 1.) Anno ætatis 22. dens prædictus erupit; initium  
 „ ejus tale erat: videbatur mihi, non sine stupore, ac si dentibus  
 „ frustulum carnis in palato attrivissem; pendeat enim  
 „ seu potius spectabatur frustulum quasi abscissæ cutis:

„ 2.) Dente ipsò postea nunquam dolui; nam nec ille vacillabat;  
 „ adeo enim firmas posuit radices, ut si moveatur aliquò  
 „ instrumentò vel digito, tota contremiscat superficies:

„ 3.) Loquelam sæpius impedit, præcipuè ubi dicendum  
 „ est in vehementi, ac præsertim, si contingat, illius acumine  
 „ ac inclinatione (aliquantùm enim curvus est) linguam illaqueari.  
 „ Comestioni etiam quandoque obicem ponit, præsertim cum  
 „ pustulas facit in superficie oris, quod mihi est molestissimum,  
 „ præter hoc quod arrodatur lingua & vulneretur:

„ 4.) Tentavi aliquoties rasuram cum limâ ferreâ, sed frustra:  
 „ nullum enim sui reliquit vestigium, quamvis reliqui ordinarii  
 „ dentes idem reliquerint, insuper tota palati superficies  
 „ contremiscebat cum dolore, dum hunc modum attentarem.

*Jacobus Banacki, S. J.*

His probè expensis consului, ut valdoperè sibi caveret de extractione hujus dentis, utpote quæ non sine periculo effringendæ palati ossæ compagis, indeque metuendo fistuloso &

so & incurabili hujus loci ulcere, effici unquam posset: tutius esse remedium in limâ positum, de quô expertum operatorem chirurgum consulere deberet; si enim durum satis & bene fabrefactum tale instrumentum applicaretur circumspectè, nullum esse dubium, quin sæpius reiterando limationem, aliquantum imminui posset prominens dentis superficies & substantia. Reliqua omnia remedia periculosa fore, vel ad minimum frustranea: nam quod de forcipe, quo mediante justo magis prominentes dentes decerpendi sint, Autores quidam monent Chirurgi, etiam non securè ubique imitandum esse, existimarem.

De cætero inveni postea, annotasse autores Practicos nonnullos, quod per dentes ejusmodi prominentes & linguam ferientes, aliquando tumores periculosi vel ipse Cancer in linguâ genitus fuerit. De quo tamen sciendum, quod non quævis glandulosarum partium læsio ad Cancrum producendum sufficiat. Cancer enim singularissimam humorum dyscrasiam & peculiarem glandularum structuræ corruptionem præsupponit, quæ per immensam Dei Creatoris nostri indulgentiam, inter aliquot millenos homines, vix apud unum invenitur. Legimus quidem apud *Diemerbræckium Anat. Lib. IX. cap. 10.* quod ex radice Incisoris superioris maxillæ excreverit alius versus palatum dens, ea longitudine, ut linguam perforaverit, ast sine Cancri, quantum quidem adhuc memini, mentione. De dente autem ex medio palati excreto, præter *Plinium Lib. XI. Hist. Nat. cap. 37.* fortassis nullus, nisi *Eustachius Lib. de dentibus cap. 29.* observationes reliquit: cujus alterius locum autem, propter allegatam jam Autorum penuriam, ipse inspicere & examinare non potui. *Plinius* autem generalissime saltem, sequentibus verbis, hujus prodigii meminit: *est exemplum dentis homini & in palatò geniti: l. 2.*

(*Warsovia Augustam Vind. d. 12. Aug. 1727.*  
*missa.*)

## OBSERVATIO CXIV.

D. JOH. ANDREÆ PIZLERI.

De

*Variolis anomalis.*

**P**Uella 19. hebdomadam variolis benignis corripiebatur ante 15. dies, omnia bene processura & intra 5. dies finita fore parentibus spondendi, quod etiam ita factum, sed simul cum variolis observabantur vesicæ in abdomine, natibus, dorso, brachiis & cruribus magnitudine eînes Drenbâgners plus minus, quasi hic inde Emplastrum vesicatorium applicatum fuisset, & dum hæc solari & pulvere quodam externo ex Cerussâ, Pompholyge &c. inspergi & exsiccari curo, altero mane his melius habere visis novæ emergunt ad latus veterum vesicarum, tanquam capita Hydræ Lerneæ, amputatis subinde, supercrescentia quadam disruptæ ichorem plorabant, quædam ejusmodi lymphâ adhuc distentæ aperiendæ erant, adeò ut misella hæc quasi semiexcoriata acerrimis doloribus exposita semper metum non Epilepsiæ modò sed & Gangrænæ incuteret, verum divinâ auxiliante gratiâ intra 6. dies omnia finita sunt, & infans denuò athleticè degit.

(Fridbergâ Gissam d. 9. Maji, An. 1722.  
missa.)


## OBSERVATIO CXV.

DN. D. CONRADI GRAFFII.


De

*Vesicula fellis, monstrosæ magnitudinis, in bove saginato observata.*

**A**Nno 1727. die vicesimo octavo Maji, Geuderni bos in saginarium ductus, ibidemque ut saginaretur per aliquot menses retentus est; is vero cum semper pa-  
rum







A. Vesica fellea, stupenda magnitudinis.  
B. Tumor in ea disiecta repertus.  
C. Portio hepatis.  
D. Pars intestini duodeni.  
E. Ligamentum rotundum, fundo  
vesicae adnatum.







rùm pabuli assumeret, atque dehinc parùm aut omnino non pinguesceret, insuper tussicula sæpius affligeretur, ut quidam abcessu laborare judicarint, à Lanione aulico mactatus est. Aperto & exenterato eo, omnia viscera (hepate cum annexa vesicula fellis excepto) sana observata sunt. Ipsum quidem parenchyma hepatis illasum at justo tamen minus erat, & insuper ductus quidam materia mucilaginosà albicante referti, conspiciebantur in eodem. Verum, quòd admiratione dignissimum, Vesicula fellis tantæ erat magnitudinis ac molis, ut resecta eadem cùm perpauca hepatis portione, pondus duodecim Librarum exæquaret. Hæc discissa excrecentiam quandam carnosam quinque librarum, ex multis per ambitum laciniatis & lamellatim sibi incumbentibus particulis carnosis constantem & copiosâ mucilaginosâ albicante materia circumfusâ, validoque rotundo ligamento, fundo Vesiculæ fellis ac defectæ particulæ hepatis adhærentem, continebat. Observabantur præterea quidam ductus ex fundo vesiculæ fellis, resectam illam hepatis particulam, ingredientiæ, quorum continuationes sine dubio ductus illi in substantia hepatis observati, atque pariter mucilaginosâ albicante materia referti fuerunt. Ceterum carnis quantitatem mediocrem & parum pinguedinis obtinebat bos. Magnitudinem vesiculæ, ut & situm ac figuram repertæ in illa excrecentiæ Carnosæ, Ceteraque ex Tab. X. accuratius perspicere licebit.

(*Gießsa Augustam Vind. An. 1728. d. 6. Apr.  
missa.*)

## OBSERVATIO CXVI.

DN. D. PHILIPPI HENR. PISTORII.

*Vermis post variolas è sinistri oculi Cantho majori erumpens.*

**V**ariolis anno præcedente 1728. Francofurti ad Moenum valde grassantibus infans sesquiennis iisdem laborans per 6. fere dies quasi excæcatus, oculis omnino clausis decumbebat. Quàm verò Mater oculos lacte croco tincto crebrius illinebat, dexter primum, mox & sinister successivè aperiebantur, & è posterioris Cantho majore vermis flavescens digitum longus & calamus anserinum crassitie æquans erumpebat, quem exsiccatum cuivis adhuc ostendere possum.

## OBSERVATIO CXVII.

DN. D. PHILIPPI HENR. PISTORII.

De

*Pilis cum ovulis insecti insoliti in Ceraso.*

**I**nter fructus cerasi sativæ, fructu rotundo rubro acido tumefactor, æstate præterlapsa unus occurrebat, qui in arbore adhuc pendens capillis candicantibus & articulum digiti longitudine æquantibus obsitus erat, (vid. Tab. XI. fig. I. Lit. A.) è quibus singuli ovulo quodam, pediculorum ovulis simillimo muniti erant. Ceraso autem ad maturitatem deducto ovula illa successive insecta quædam excluderant, pediculis vestimentorum (nudo oculo adspecta) haud absimilia, (Lit. B.) quæ tamen per microscopium considerata, longè aliam figuram, (Lit. C. expressum) referebant, neque citius moriebuntur quam fructu cerasino omnino exsiccato.

Fig. 3.

Observ. CLXXVI.  
pag. 407.

Fig. 1.

Observ. CXVII.  
pag. 270.




B




Observ. CXXVIII. pag. 286.

Fig. 2.







## OBSERVATIO CXVIII.

DN. D. MICHAELIS BERNHARDI  
VALENTINI.

De

*Qualitate Sabinae.*

**S**abinam vehemens & drasticum emmenagogum esse, ita ut foetum in utero quoque enecare & expellere valeat, non vulgi tantum, sed & Eruditorum non paucorum est persuasio. Hinc nihil est frequentius, quam ut puellæ corporis sui quæstum facientes illa in infusis abutantur. Sæpissime tamen corvos deludit hiantes, quod non tantum *B. Wedelius in diss. de Sabina*, sed & sequens Responsum Facultatis Medicæ Gissenæ me interprete testatur. Postquam enim Sybilla Cronhammeria, Vidua Wormatiensis in tortura confessa esset, se eum in finem sabina usum fuisse ut foetum abigeret & Acta inquisitionalia Facultati Juridicæ Gissenæ, ad ferendam sententiam transmittebantur, hæc à Facultate Medica judicium de qualitate hujus plantæ requirebat, quod in sequenti

## RESPONSO

impertiebat: Quandoquidem Amplissima Facultas Juridica hujus loci Nobis Acta inquisitionalia, Sybillam Cronhammeriam, inquilini Wormatiensis viduam, in puncto procurati abortus concernentia obtulerit & tam de qualitate sabinae in genere, quàm in specie: An in præsentī casu, ubi criminaliter accusata enunciavit, quod 6. vel 7. septimanis ante puerperium Sabinâ usa & tamen embryo tertio ante partum die adhuc vitâ gavisus sit, abortum illius herbæ usu procurare potuerit? hinc nos Decanus, Senior, Doctores & Professores Facultatis Medicæ hujus loci principiis Physico-Medicis consentaneum esse censemus, quod licet Sabina intuitu par-

tici-

ricularum salino-volarilium oleosarum massam sanguineam insigniter commovere & eam ob causam in mensibus fortiter ciendis adhiberi soleat,

*Schræderus in Pharmacop. Medico-Chym. Lib. IV. Class. I. num. CCXCIII.*

ea etiam medicamenta, quæ menstrua provocant, abortum absque dubio causari valeant

*Zacchias Qq. Medico-Leg. Lib. I. Tit. III. qu. 1. §. 50.*

hujusque intuitu non tantum plurimi ex Antiquioribus, sed & Modernorum nonnulli Botanici & Medici, v. g.

*Dioscorides Lib. 1. de Math. Medic. c. 104. Galenus Lib. 8. de simpl. Med. Fac. Nicol. Lemery au dictionnaire de Drogues simpl. p. 472.*

credant, quod sabina foetum in utero enecare, sæpe etiam ante debitum tempus expellere possit; quæ omnia eo facilius evenire possunt, si alia simul pellentia, ut in presenti casu, illi jungantur, qualia sunt ab inquisita adhibita grana vel baccæ lauri

*Vid. Resp. Inquis. ad Artic. Inquisitional-addition. Act. n. 20. Resp. ad art. 111. 112. 113.*

quæ partum tum accelerare, tum prægnantibus valde nocere à

*Matthiolo, Trago, Castore Durante & aliis herbariorum Scriptoribus putantur:*

hancque ob causam in simili casu A. 1668. à Facultate nostra Medica inter simplicia abortum promoventia relata sunt.

Attamen & quoniam 1.) emmenagoga hæc, una cum binis vomitoriis 6. vel 7. septimanis ante puerperium in usum tracta sunt: 2.) foetus 1. & 2. die partum immediate præcedente adhuc vixisse creditur: 3.) ipsa experientia testatur sabina supradictam tam vehementer & violento modo, ut Antecessores nostri putarunt & impudicæ meretriculæ (quas  
spes

spes sæpe fallit) sibi imaginantur, neutiquam operatur, eamque ob causam *B. Wedelius* consultit, ut in pronunciando hic caute mercemur.

*Disp. de Sabina p. 22.*

Hinc quoad secundam quæstionem per majora statuimus, quod absolute & positive dici non possit, abortum hunc sabinae adscribendum esse, cum primis quod ex Actis elucescit, Inquisitam per loturam & rudrum excrementorumque deportationem se insimul nimium movisse, sicque foetui noxam inferre potuisse, Sign. Gissæ d. 7. Sept. 1724.

## SCHOLION.

**N**otam & lectionem merentur verba *B. Dn. Wedelii* supra allegati quæ l. c. ita se habent: Utut vero communissime sit assertum & spes meretricum infantum in eo fundetur, plurima tamen prostant exempla earum, quæ sine ullo effectu integras quasi mensuras decocti biberunt, & paulo post: Egregie *Rolfincius ord. & meth. Comment. p. 829.* inde, scribit, infamæ ατολίων habetur. Notum tamen est decoctum, oleum, balneum, iterato usurpata nullam foetui intulisse noxam. Menstruo sanguini vias monstrat. *Conf. Zittmann. Med. Forens. Cent. I. Cas. 26. p. 89. & Cent. VI. Cas. 43. p. 1541. seqq.* ubi plura habentur.

Adeoque in definiendo hoc asserto probe omnes & singulæ circumstantiæ sunt examinandæ. Hinc *Galenus* etiam, *Ebnsina*, quique alii idem uno ore quasi asserunt, mitius explicandi, postquam experimentis hodiernis magis exploratæ sunt vires & qualitates.

Notabile hinc est sabinam militare inter emenagoga magis specifica & pellentia, præmissis præmittendis aliis & aperientibus communibus commode subjungi, ut colophonem per se & cum aliis accommodis, modo recte utentem invenerint. Hactenus *Wedelius*,

OBSERVATIO CXIX.  
DN. D. MICHAELIS BERNHARDI  
VALENTINI.

De  
*Qualitate Nociva Radicis Solani furiosi, Belladonna dicti.*

**Q**Uam venenosa & deleteria qualitate gaudeant baccae solani furiosi, & quantas hinc inde strages ediderint, de eo pleni sunt Botanicorum libri, nec exempla ejus desunt in *Miscellaneis Academiæ Nat. Curiosorum*. Magno suo infortunio & dolore ad A. 1669. expertus est Celeberrimus ex illis D. Abraham Munting, Prof. Grœningensis, dum in horto plantis omnis generis tum instructissimo bini proprii ejus liberi baccas belladonnæ legentes & devorantes vitam cum morte permutarunt, quam tragœdiam refert *Franciscus van Sterrebeeck in Prasatione Theatri fungorum*, qui figuram & descriptionem ejus quoque dedit in subjuncto Tractatu de herbis venenosis. An vero & radix solani hujus simili facultate venenosa gaudeat, ex eo in dubium nuper tractum fuit, quod Empirici nonnulli illa ad curandam arthritidem vagam utantur. Quam funestus vero eventus inde observatus fuerit ex sequenti.

RESPONSO  
FACULTATIS MEDICÆ GISSENÆ

elucescere poterit, quod è vernacula Latino idiomate donatum ita se habet: Postquam nos Decanus, Senior, Doctores & Professores Facultatis Medicæ hujus loci, prævia requisitione judiciali in Responso mortem Christophori Walcheri,

theri, civis Lisbergensis radici solani furiosi, à Conrado Wagner contra arthritidem propinati adscripsimus, hujus autem Defensor obitum ejus potius ipsi arthritidi imputare conatur, eamque ob causam à Regimine Principali hujus loci quæstio nobis mota, an radix hæc etiam in personis sanis deleteriam hanc virtutem exserat? non potuimus non Acta denuo & sedulo perlegere, sic in defensoris modo dicti submissione sequentes RATIONES DUBITANDI observavimus, quod scilicet 1. Medicina hæc tantæ sit virtutis & indolis, ut ab ipsis Medicis in similibus morbis in usum trahatur, 2. *Königius in Regno vegetabili Sect. 4. de Solano furioso, Stramonio dicto, Syrupum è fructibus hujus plantæ, seu mysterium aliquod contra catarrhos & dysenteriam commendet.* 3. *Schenckius* similia referat & tandem oves mitissimæ circa *Hazfeldam* sanitatis causa illa alantur, ita ut nulla ex iis pereat. Jam hypotheseos loco præmittendo, quod cuilibet in arte sua sit credendum futorque ultra crepidam judicare non debeat, quoad 1. ne unicum quidem in Arte probe versatum cautumque Medicum novimus, qui radicem hanc contra arthritidem præscribat. Nec 2. locus allegatus in terminis, quod dicitur, in *D. Königii Regno vegetabili reperitur*. Quando vero *Part. alt. cap. 7. p. 87.* Regni vegetab. allegati syrupi è *Gesnero* mentionem facit, expresse addit, alios medicamenta secutiora amantes eandem non facile in usum adhibere: Ut taceamus magnum adhuc discrimen intercedere inter plantam in substantia & ejus præparata, dum sub coctione Sal volatile ære avolat. Adhæc Autor syrupum hunc in dosi concisa tantum laudavit. Penes *Schenckium* adhuc minus solatii pro se invenit, utpote qui vegetabile hoc expresse inter venena refert & experimentum Agyrtarum, quo radice solani furiosi sitim sistunt & appetitum refrænant, levamentum nequissimum vocat. Quod enim exinde non pereant homines, antidota, quibus abhinc usi sunt, acerrum scilicet & succus melonum effecerunt, haud aliter ac circumforanei arsenicum



sæpe impie deglutiunt, dummodo se prius oleosis assumtis contra illud se muniverint & vomitivum statim subjunxerint. Quod tandem 4. Oves ab esu vegetabilis hujus non emoriantur, in causa est, partim quod nec radix nec fructus hujus plantæ illis offerantur, sed caules exsiccati, quæ tam malignam qualitatem conjunctam non habent, licet non omni destituti sint, vid.

*Franciscus van Sterrebeek de herb. ven. p. 352.*

Adhæc ab ovibus ad hominem non valet consequentia, dum priores, ut omnia cornigera animantia quadruplici ventriculo, menstruo acido repleto gaudent, quo vis venenosa obtunditur & enervatur. Sane si hæc sequela locum haberet, nec bufones, nec aranei & similia homini nocerent, quibus Ciconiæ & Gallinæ absque noxa vescuntur.

Quandoquidem igitur dictus modo Botanicus æque ac experientia testantur, quod solanum furiosum quoad baccas & radicem larga dosi etiam sanis adhibita mortem inferre valeat, sopor etiam profundus, sub quo Waltherus animam exhalavit, non tam ab arthritide (utpote quæ potius spasmos produceret) quam ab ipsa radice ortus fuit; hinc à priori Responso nostro (qua deleteriam qualitatem radici huic in majori dosi datæ adscripsimus) abire idemque deferere non possumus, haud ægrè laturi, si ad compescendam sæpius allegati Defensoris proterviam (qua integræ Facultati studium partium imputare non dubitat sicque ob incorrigibilem calami intemperantiam tam supremorum, quam inferiorum judiciorum acerrimam censuram sæpe expertus fuit) Acta hæc ad aliam adhuc Facultatem Medicam transmitterentur. Scrib. Gissæ die 20. Apr. sub sigill. Fac. consueto.

## SCHOLION.

**D**Um hæc exaro, haud intempestive incido in *diatribem Botanico - Medicam de belladonna Dn. D. Christophori Conrad*

*radi Sicelii* Practici Nordhusani, qui ex radice hujus plantæ in decocto pugillari Præconi verbi divini præscripto loco rad. cichorei per errorem sumti funesta pariter & periculosa symptomata observavit, unde suo non minus, quam filii mei beate mortui periculo convictus seqq. de illa pag. 30. c. l. perhibet: Si nunc tam exigua hujus radice quantitas tantas noxas corpori nostro inferre potest, levi modo, saltem in aqua fervida extracta, quidni contingeret, si in ipsa substantia & majori in dosi fumatur, inde non fieri posset non, quin majorem induceret. Notum enim est, quod in infusis & decoctis duplo semper requiratur dosis, exemplo rhabbarbari & foliorum sennæ. Quando enim computationem instituimus, cum vix in p. i. qui fuit dosis de his speciebus ʒss. vel ad summum gr. xij. contineri potuerunt, siquidem tota specierum farrago præterpropter ex xvij. ad xx. pugillis constabat. *Addit:* Memini jam eundem casum contigisse, priusquam hoc fatum ipsi habuimus, Clarissimo atque doctissimo D. D. *Valentini S. N. C.* Collegæ & Practic. t. t. Nordhusano, nunc, ni fallor, Professori Medicinæ Gissensi meritissimo, amico nostro honoratissimo, qui eandem cichorei radicem in paulo majori pondere præscripserat, ubi idem in pharmacopolio error, quem deinceps deteximus, fuit commissus; unde etiam personæ illæ, quæ decocto pugillari ab eo præscripto fuerunt usi, iisdem & atrocioribus adhuc symptomatibus erant afflicti, siquidem majorem quantitatem harum radicum continebat præbium una vice sumendum. Causam vero hujus erroris, etsi ab hyoscyami anni radice hæc provenisse conjiciebat, experiri non potuit, donec tandem ab ipso Pharmacopœo nobis occasionem inquirendi præbentibus, postquam idem experiebamur fatum, error satis gravis fuit detectus & omnes hæc falsæ & spurix radices cichorei cum bellæ-donnæ radicibus confusæ in fimum & stercus fueruntjectæ.

## OBSERVATIO CXX.

DN. D. MICHAELI BERNHARDI  
VALENTINI.*Alaudarum Comestio minus laudabilis*

**N**Otam meretur casus anno superiori, 1726. e Svevia ad me transmissus, ubi in aulis quibusdam Illustribus plures ex improvise catarrho qf. suffocativo corripiebantur, ita ut non tantum voce & anhelitu subito privarentur, sed & doloribus insignibus in toto corpore cum impotentia ad motum vexarentur, quæ omnia tamen ultra duo nycthemera vix durabant. Observatum autem fuit omnes symptomatibus his obnoxius fuisse, quotquot alaudas cum abundantes, comederant. Quærebatur igitur, an alaudæ istæ maligni quid foveant? Ratio dubitandi erat, quod plebeji quidam alaudas pariter degustantes, à symptomatibus illis immunes fuerint. Evolutis ergo & consultis omnibus, qui historiam animalium conscripserunt, autoribus, ne unicum quidem reperire licuit, qui carnem alaudarum monstri quid alere statueret. Commode autem tunc temporis incidebam in scripta practica Celeb. *Riedlini*, qui cum in *lineis medicis Anni M. DCC. Nov. obs. XI. p. 73.* tum in *curarum medicarum millenario obs. 638. pag. 396.* Simile quid in uxore aurifabri notavit, utpote quæ post decem alaudarum assatarum esum, præter immanes dolores, talem aphoniam experta fuit, ut ne verbum proferre valuerit. Cum vero paulo post vox iterum sic redierit, ut laudaro modo *D. Riedlino* quam male se habuerit, atque cetera non adeo periculosa ostenderet, pulsus ne minimum quidem mutato, alaudis in nimia copia comestis & quidem cum ossiculis devoratis hoc unice tribuendum iudicavit: unde omnibus, qui noxam hanc evitare voluerint,

sua-

suasit, ut aviculas has in minore quantitate comederent & ossicula diligenter removerent, quibus imprimis hæc mala adscribenda esse non sine causa credidit. Optandum esset, ut *curiosa Alauda descriptio* quam felicissimus quondam Medicus D. Joh. Daniel Widtius, supremi judicii Cameralis primum, mox Eminentissimi Electoris Moguntini Archiater, loco pensæ Academiae N. C. medicabatur, æst morte præventus luce publica donare non potuerat, à Dn. filio non degenerare Eruditis communicaretur, in qua proculdubio observationes parallelæ non deerunt.

OBSERVATIO CXXI.

DN. D. MICHAELIS BERNHARDI  
VALENTINI.

*Lac in uberibus canis femina non imprægnata.*

**N**obilis Gissæ studiorum & exercitiorum addiscendorum ergo degens canem foeminam perdices stando prodentem & indicantem (einen Vorsteher) domi alebat, quem eo tempore, quo veneris æstu cientur (wann sie laufig sind) curatissime includendo observabat, ne à canibus masculis comprimi & imprægnari posset. Hoc tamen non obstante paulo post idem canis lac copiosum ex uberibus fundebat; quo ipso magis roborari poterit sententia de lacte in virginibus reperto, sicque lac in mammis minus certum & infallibile sive imprægnationis, sive infanticidii signum dici poterit.

SCHOLION.

**N**oram etiam meretur Vaccam juvencam anno hoc Gissæ, per aliquot septimanas ante primum partum Lac copiosum

sum, ad mensuras aliquot indies præbuisse, unde butyrum & calcem obtinuerunt ejus Possessores.

# *OBSERVATIO CXXII.*

DN. D. MICHAELIS BERNHARDI  
VALENTINI.

*Crystallus inter grandines è nubibus decidens.*

**A**NNO superiori 1724. Opilio in Præfectura Alsfeldiensi ruri pede suo innitens sub oborta tempestate observat lapidem pellucidum inter grandines delabentem, quem, cum vitrum secaret, Judæi, quibus eundem ostendebat, pro adamante habentes pretium non contemnendum illi offerebant. Inventor autem majus inde lucrum sperando Francofurtum se conferens, thesaurumque suum Gemmario offert, qui lapidem hunc non tam pro adamante, quam optimæ notæ crytallo habendum esse judicabat. Rem certissime ita gestam esse Minister verbi Divini illius loci sancte mihi asseveravit. Possibilitatem ejus suo jam tempore adstruxit Cel. *Bohnius*, qui crytallum habuit, in cujus meditullio gutta aquæ limpida continebatur : unde concludit gemmas pellucidas ex aqua generari. Idem confirmat pluvia gemmea à Balbino in Bohemia observata, de qua in Armamentario *Art. & Nat.* à me olim edito.

(*Gieſſa Auguſtam Vind. d. 18. Maj. An. 1727, miſſa.*)



OBSERVATIO CXXIII.

DN. Lic. CONRADI MICHAELIS VA-  
LENTINI.

De

*Cautelis in Cobalti aliorumque Venenorum emtio-  
ne observandis.*

**V**Enena in officinis Pharmaceuticis in peculiaribus & ab aliis separatis repositoriis asservanda esse, statuta Medicinalia tantum non omnia jubent. Ast non minorem cautionem in eorundem emtione & deportatione observandam esse, ex sequenti (qui hoc anno se mihi obtulit) casu elucescit. Præscripseram uxori cujusdam Prætoris, Rigelmanni nomine, infusum quoddam laxativum è fol. fennæ, fibris helleb. nigr. agarico trochiscato, cum herbis appropriatis, vino infundendis. Primus inde haustus assumptus dolores abdominis immanes cardialgiam cum sudore circa frontem, spasmos in collo opisthotonicos, vertiginem, scotomiam, aliaque symptomata insolita excitabat. Maritus terrore percussus me vocari jubet. Advolo laxatis habenis, & aliam dosin mulieri propino, quæ eadem symptomata producebat. Suadeo ut haustus æqualis ancillæ vegetæ & sanæ offerretur, quæ similia inde patiebatur mala. Dixi anguem sub herba latitare, & procul dubio errorem aliquem in Pharmacopolio hic commissum subesse. Percontando ergo Pharmacopœum hic sancte testabatur, omnia ingredientia in formula præscripta absque ullo errore assumpta fuisse. Discipulus autem Pharmacopœi statim addebat, ancillam medicamentum hoc postulantem simul *Cobaltum* ad enecandas muscas coëmisse & cucullum illud continentem in involucrum culcitæ, (in eine Kissen-Züch) cui species laxativas inseruerat, projecisse, unde



de nulli dubitamus Cobaltum è cucullo elapsum & medicamento permixtum symptomata supradicta produxisse. *Cobaltum* enim venenosum esse vel exinde constat, quod nihil aliud sit quam caput mortuum post sublimationem arsenici remanens, cujus minera quoque *Cobaltum* audit, vid. *Museum Museorum* Venerandi Dn. Parentis. Hinc & *Smalta cærulea* inde parata pro veneno habetur à Facult. Med. Giesseña Conf. *Corp. Jur. Medico-Legal, Tom. II. p. 454.*

## OBSERVATIO CXXIV.

DN. Lic. CONRADI MICHAELIS VA-  
LENTINI.

*Superfœtatio abortiva.*

**A**ccidit haud ita pridem, ut Grunbergensis cujusdam la-  
nionis uxor foetum omnibus numeris perfectum enixa  
sit. Nono vero post partum die novis doloribus &  
ad partum nixibus corripitur, profluentibus denuo aquis, par-  
tum alias antecedentibus, cum tanta uteri hæmorrhagia, ut de  
vita mulieris omnes desperarent. Pharmacopœus loci, me  
absente, dat lenia adstringentia & cardiaca, cum specif. Ce-  
phal. D. Mich. in vehiculo conveniente, quibus assumptis do-  
lores ad partum recurrunt & simul *abortus digitum longus* ex-  
cluditur. Quis ergo de possibilitate superfœtationis dubitabit  
amplius?

(Gissa Augustam Vind. d. 21. Septemb. A. 1728  
missa.)



) o (



OBSERVATIO CXXV.

DN. Lic. CONRADI MICHAELIS  
VALENTINI.

*Anatomia foetus monstrosi Gelnhusæ die IV. Apr.  
A. 1728. editi, à Medico illius loci com-  
municate.*

I.

**F**oetus erat geminus ad umbilicum usque geminatis membris, vasis atque visceribus instructus.

II.

Similiter duo erant capita, duoque colla: Caput vero dextrum sinistrum mole longe superabat.

III.

Quatuor brachia, quorum dextrum infantis sinistri cum sinistro infantis dextri ab humero ad flexuram cubiti erant coalita.

IV.

Corpora à lateribus erant connata, ita, ut utrumque propria dorsi spina ad os usque coccygis gauderet.

V.

Sub uno tantummodo sterno duplex erat pectoris cavitatis, in qua recondita erant duo corda, per arteriam pulmonalem inter se communicantia, duo pulmones, quorum dexter magis glandulosus, quam cellulosus erat.

VI.

Notatu dignum, quod in dextri lateris cavitare, supra pulmonem, ventriculus, splen, imò paulo superius ren occurrerent.

VII.

Unicum diaphragma omnem thoracis cavitatem ab infimo ventre distinguebat.

## VIII.

Hepar, infra diaphragma, per totam hujus latitudinem insolita magnitudine erat extensum; in cujus tamen parte convexa duæ cystides felleæ conspectui se offerebant.

## IX.

In sinistro abdominis latere adhuc unus ventriculus occurrebat, cum liene; paulo inferius alter ren reperiebatur.

## X.

Inferiores partes ab umbilico ad pedes unius solummodo corporis membra, vasa atque viscera exhibebant. Duplex tamen aderat vesica, cujus interstitium intestino recto erat pervium. Vesicæ ex fundo cohærebant, & hiatu quodam inter se communicabant.

## XI.

In ano productio parva intestini recti apparebat, quæ primo aspectu pro parte membri virilis habebatur, accuratius autem considerata deprehensum est, quod nil nisi substantia cutanea fuerit eandem formam referens.

De cetero infans erat sexus sequioris bene alias formatus, & satis maturus, causa autem hujus erroris Naturæ, in formando hoc fœtu, censetur fuisse perturbatio matris post conceptum & primo graviditatis tempore ob subito visum partum gemellum in cunis decumbentem, quorum alter postea matre demortua, ipsi etiam ad lactandum fuit traditus.



OBSERVATIO CXXVI.

D. Lic. JOANNIS ERNESTI VA-  
LENTINI.

*Chela astaci fluviatilis tribus apicibus prædita.*

**A**stacos fluviatiles, quos cancos vulgo, sed minus accurate, vocant, sæpissime aut integras chelas, aut unum vel alterum apicem in illis amittere, etiam lippis & conforibus notum est. Rarius autem accidit ut quidem in illis excedant & abundant. Talem tamen chelam tribus apicibus instructam aliquot abhinc annis in cœna invenit & observavit Vir Consultissimus Dn. D. Gruber, Prof. quondam Juris Ord. hujus loci; quam inter alia marina adhuc asservo. An autem apices nigri è chelis astacorum marinorum in pulv. bez. Anglicano majorem, quam illæ nostratum, vim habeant, dubito.

OBSERVATIO CXXVII.

DN. Lic. JOHANNIS ERNESTI VA-  
LENTINI.

*Nidus vesparum admirandus.*

**Q**uemadmodum apiaria, ad arcendas ab ipsis pluvias aliorumque incidentium injurias tecto vel pileo quodam stramineo munire solent illi, qui curam eorum gerunt, ita stupenda Dei per naturam providentia *vespæ* nidos ut plurimum ovales in parte superiori tecto quodam mobili instruunt, cui radícula quædam est annexa, qua de truncis arborum aut trabibus tectorum in domiciliis civium, & rusticorum illos suspendunt, quæ omnia in vespeto à Fratre meo

D. Conrado Michaelae Valentini Grunberga (ubi Physici ord. munus gerit) sub tecto domus invento observare licuit, sicque verissima esse, quæ *Jonstonus* in Hist. nat. insect. Lib. I. cap. III. pag. 17. de iis retulit, & in TAB. II. eleganti figura ob oculos posuit, αὐτόπτης attestari possum.

## OBSERVATIO CXXVIII.

DN. D. JOHANNIS HARTMANNI  
DEGNERI.

De

*Calculo per anum sua sponte ejecto.*

**C**ALCULOS in omni corporis parte, à capite ad calcem usque generari, & in satis notabilem magnitudinem concretos, sæpius absque multo incommodo recte latere posse, ex observationibus constat. Habui ante annum hujus rei exemplum singulare; nam mulier quædam quinquagenaria, obesi valde corporis, subito colica violenta, accedentibus vomendi conatibus, corripiebatur, ad quam arcessitus pilulas quasdam laxantes eidem præscripsi, unde cum alvum deponeret, in vase supposito stanneo sonitum quendam ab alvi facibus exortum observabat. Hinc eas, an forsan nidus vermium, ut putabat, simul ejectus fuerit, famulæ mandat, ut inspiceret. At eo ipso tempore invisum veneram ægram, tum famula alvi facies perlustrans producebat materiam quandam duram, quam aqua ablutam statim vidi esse calculum, hunc vero ut mihi traderet, obtinui. Erat autem ea figura & magnitudine, qua hic TAB. XI. fig. 2. ad vivum depingitur, pendens drachmas sex. Hoc onere excluso patiens plene, ut antea, & in integrum restituta est, eaque nec post nec ante hujus excretionem unquam incommodum aliquod doloris vel ponderis in abdomine se sensisse narravit. Quare mihi non licuit veram hujus calculi sedem & locum

nata-

natalem indagare, quantum vero conjectura assequi valeo, partim ex loci situ, ubi dolor colicum simulans initium sumferat, partim ex figura ipsius calculi oblonga, eundem intra intestinorum tunicae interioris vasa genitum existimo, qua tunica dein mole calculi urgente rupta, per motus spasticos ex sede sua ejectus & per inferiora protrusus fuit. Quod vero intra ipsos intestinorum parietes calculi revera concrefcere possint, hoc ipso tempore, quo hæc scribo, sequens casus in novellis publicis memoratus evincit: Parisiis nempe d. XXX. Jan. 1728. perscriptum legi, quod *Dn. Marechal* operationem instituerit in foemina, quæ sedere non poterat, sine doloribus, qui excitabantur à prægrandi calculo, magnitudine ovum gallinaceum æquante in interiori parte ani concreto. *Dn. Marechal* ibi hunc calculum universæ aulae ostendit, ipsa vero foemina XV. diebus perfanata est.

(*Neomago Augustam Vind. d. 11. Mart. A. 1728. missa*)

## OBSERVATIO CXXIX.

DN. D. JO. ADAMI LIMPRECHTI.

De

*Dolore abdominis, post assumptum pulverem ex solo cortice Peruviano constantem crudeliter Senem cruciante.*

**A**Nuo superioris seculi septuagesimo quinto Clarissimus in Academia Lugdun. Batav. Medicinæ Professor, Celebrissimi *Sylvii* olim discipulus, *Dn. D. Schacht*, feni cuidam, cui nomen erat Petrus, qui ætatem ad sexaginta & aliquot ultra annos perduxerat, temperamento phlegmatico prædico, & febre quartana, in Lugdunensium nosocomio per multum temporis spacium laboranti, pulverem corticis Chinæ Chinæ ante paroxysmum assumere mandabat tempore æstivo.



Sequente die omnes & singuli, Germani, Belgæ & Britannii Medicinæ studiosi, quotquot lecto ægrotantis adfui-  
mus non sine stupore audivimus Petrum hunc lachrymis  
largiter offusis Medicum hunc jam nominatum magno  
studio orare atque rogare, ne hoc medicamenti genus re-  
petere cogeretur, tanta enim post hoc assumptum in ventre  
tormina se persensisse testabatur, ut potius quartanæ paro-  
xysmos per annum integrum sustinere mallet, quam unica  
viceadhuc atrocissimos hos perferre cruciatus. Observavit  
doloros tensivos, post usum corticis hujus, suo etiam tem-  
pore B. Michael Ettmüllerus, Amplissimi nominis per orbem  
eruditum Medicus, Lipsiæ quondam Præceptor meus fidelis,  
quando de usu & abusu præcipientium cap. 3. §. 5. de ligno  
februm (Hispanis Palo de calenturas, idem est ac nobis chi-  
na china) prolixè disserit; quem locum etiam citat, B. D.  
*Daniel Crügerus*, in observatione 148. Decur. III. ann. III. ubi  
aliis quoque exemplis mea confirmatur historia.

(Berolino Augustam Vindel. d. 14. Apr.  
A. 1728. missa.)

## OBSERVATIO CXXX.

DN. D. JOHANNIS ADAMI RAI-  
MANNI.

De

*Pathologia Stranguriæ in gravidis.*

**C**Um in præsentì constituerim causas mictus gravidarum  
difficilis indagare & exponere, hoc ipso tanquam speci-  
mine quodam declarare volo, digniorem & necessariam  
magis, quam quidem inexperti credant, esse solidiarum par-  
tium præ fluidis, sicut in curatione morborum in genere, ita  
*stranguria* in specie, considerationem & attentionem. Est  
autem mihi sermo de eo vicio excretionis urinæ, ubi illa justo  
& so-

& solito frequentius, licet non guttatim semper ut in vera stranguria, parcius tamen & cum dolore redditur, quod mali genus pręgnantes non saltem extremis gestationis mensibus, uti vulgo etiam muliercularum notum est, sed primo etiam graviditatis tempore nonnunquam vexat & torquet. Silent equidem de hoc symptomate plerique fere Medicorum commentarii, sive quod minoris momenti affectum, ac necessarium quasi accidens reputent, sive quod mulierculę, in tempestivo & perverso pudore ductę, malint istam molestiam suam, spe successurę brevi in melius spontaneę mutationis, patienter ferre, quam Medicum, pręcipue uti metu gravioris non urgentur mali, exquirere consilium. Nihilominus tamen confirmata didici experientia, foeminas quasdam, largius pręcipue per menses expurgari solitas, altero a conceptu mense, aut tardius, de frequentiori ad urinam mittendum stimulo, & ardente paucaque micturitione nonnunquam conqueri, quarum aliquas cum subinde per incerta intervalla cognovissem experiri afflictiones illas, vitio cuidam diatę acceptum ferre consueveram; ast ubi solertiori indagine, nonnullas continuo ad medium gestationis usque tempus ita micturire, assequutus fuisset, mutavi sententiam; pręcipue postquam duę mihi foeminę, mediocris corporis habitus & ætatis, aliquot etiam liberorum matres innouerint, quę statim ac conceperunt, ad medium gestationis tempus continuo, licet exquisitę diatę regimine adhibito, ardenti tali urinę affligantur stillicidio, extra pręgnationem autem immunes prorsus ab hoc persistunt & vivunt symptomate; ut hinc, sicut Ferrariensis quędam foemina in Ephem. N. C. D. 2. A. X. obs. 89. epilepticos alias insolitos insultus; uxor Hannemanni, Act. Hassniens. Vol. 3. obs. 17. cessantem odontalgiam, qua non pręgnans multum torquebatur; alia accedentem singularem mentis impotentiam Dec. 3. A. 2. obs. 4. pro signo indubio pręgnantię habebant, ita hæ ipsę priusquam graviditatem plenus indicaret ac doceret uterus,

prægressum fuisse fecundum coitum, nunquam frustrante opinione & prognosi, iteratis experimentis cognoscere didicerunt. Vivendi autem dispar est utrisque ratio; una quippe harum lautiori, altera tenuiori fortuna & mensa utitur, illa indies vinum pro satietate sorbet, hæc pro deliciis saltem eo fruitur; unde pro causa nullum hic victus singularem vitium accusari potest, in eo tamen conveniunt utræque, quod difficilius & cum dolore menstrua reddere consueverint.

Jam ut ad affectus hujus progrediar Pathologiam, mictionem hanc extremis prægnationis mensibus unice propter prætumidam uteri molem, absque concursu fluidorum demonstrabili vicio contingere, nemo facile, uti spero in controversiam adducet: hæc enim dilatationi & distensionis naturali vesicæ obicem ponendo efficit ut eandem urinæ copiam, quam alias, capere nequeat, hincque frequentiori conatu eandem rejiciendi incurrat necessitatem; sicut alias ex tumore vicino vesicæ eadem frequentia micturire experimur aliquando homines, qualem casum inter alios *Timæus l. 3. obs. 44.* suppeditat: cum autem distentus ita uterus vesicæ corpus non saltem repellit, sed collum hujus etiam eo ipso contorquet, fit ut denegato per urinalem fistulam liquori, exitu, sicut alias in calculosa stranguria evenit, acris simul & dolens sequatur mictus: hinc sublata hac causa & concidente post partum uteri mole, tollitur etiam extemplo hæc affectio. Si vacuato utero similis molestia remaneat puerperis, quod ob eandem distorsionem urethræ ex partu violentiori & hinc emergente procidentia Vaginæ uterinæ non nunquam contingit, tum, quamvis dolorosa, non ita tamen frequens, sicut in prædictis, est micturitio. Novimus scēminam plebejam diutius simili mictu afflictam, cujus cum ignoraret causam, diversa licet eaque multiplici medicatione uteretur, nihil profecit, donec cum tempore propendentem vaginæ portiunculam, pessario retrudens, consilio nostro, præsens consequeretur levamen.

Utrum autem *stranguria gravidarum* primo gestationis tempore familiaris, pari vicio solidorum, absque ulla fluidorum in qualitatibus suis labe contingat, erunt forte qui addubitabunt, quibus ut omnem ulteriorem scrupulum tollam, succinctam, evidentem tamen, ut opinor ætiologiam affectionis hujus sistam. Scilicet noto notius est, uterum gravidarum non repurgari sanguine, qui singulis aliàs mensibus, tam per ipsum quam per ejusdem vaginam excerni solebat, quo menstruo tributo retento, copia humorum non saltem in toto corpore crescit, sed vasa præcipuè uterina ob continuum sanguinis affluxum, tam in longitudine quam latitudine, sive quoad diametrum successive tanta etiam accipient augmenta, ut extremis prægnationis temporibus, *Regnero de Graaf* teste avtopta, majora uteri vasa sanguifera digitum facile in cavitatem suam admittant. Liquido præterea ex Anatomia constat, collum vesicæ in mulieribus firmitus connecti vaginæ uteri, quam quidem in viris intestino recto, utrisque etiam vesicæ scilicet ac utero communes esse, ac hypogastricis scilicet ramis procedentes venas & arterias, quæ cum, uti dixi, successive infarciendo distendantur, communicant per communionem vasorum vesicæ etiam distensionis sensum, cumque insuper ipse uterus etiam crassescat, sicque fibras & membranas vaginæ uterinæ & hinc collum vesicæ in confortium rapiat, pervertitur & quasi contorquetur ita urethra cum sphinctere vesicæ, ut cum is officio suo exacte fungi nequeat, minori licet solito urinæ copia præsentē, micturitionis tamen succedat necessitas, quæ cum ob distortam urinalem fistulam facile & libere peragi non possit, ardoris sensum producit. Ubi autem foetus jam robustior, medio prægnationis tempore plus absorbit nutrimenti, huicque onerosa portio sanguinis in incrementa inquilini, qui est in utero, impenditur, minuitur plethora hæc quoad vasa uteri, quæ etsi una cum utero, exacto hoc tempore, majora accipiant augmenta, tamen cum tono & resistentia eorundem supera-

ta, distensionem magis obediunt, & sequacia evadunt, non æquè amplius sicut antea vicinas sibi partes in consensum trahunt, unde dolorosa mictionis spontanea sequitur remissio, manifesto argumento sanguinem menstruum prorsus insonantem esse. Et si enim controversiam hanc meam nunc facere non libeat, utrum is nunquam à qualitate laudabili desciscat, & intemeratus ex omni muliere profluat, id tamen firmiter persuasum habeo, eundem venenosæ illius qualitatis, quam ipsi credula affinxerat Antiquitas, expertem esse. Quod si ergo retentus in prægnantibus & uterum gerentibus longiori temporis mora, uti prætenditur, magis depravaretur, & acrior evaderet, augmenta potius, non cessationem & finem illius molestiæ experirentur gravidæ, corruptionisque, si quæ adesset, notæ in urinis conspicua forent indicia.

Oportune autem jam *Hippocrates* V. Aph. 58. monuit, & connexionem uteri laudatam & viciniam vesicæ, inflammatione ejusdem præsentem, urinæ sequi stillicidium; quod ulceribus etiam uteri accidere, plurimum testatur Medicorum experientia. Quam proclive vero sit, suppressis præter naturam mensibus, vitiösam hanc excretionis urinæ succedere speciem, id demonstrationis loco esse potest quod idem *Hippocrates* expressis verbis ejusdem meminerit, dum in libro de natura Pueri p. 237. Edit. Foës. ita inquit: Menses suppressi interdum vesicam offendunt, eamque premunt & urunt, urinæque stillicidium afferunt. Et si Medentes indagandæ veritati serio incumberent, nec aliis assentiendo cœcutire mallent, visoque hoc symptomate, statim de arena vel calculo somniarent, persuasissimus sum, in Praxi circa morbos muliebres, frequentius, quam inexperti putarent, deprehensuros ipsos esse, ex hoc principio oriens istud mali genus. Cum enim turbatos vel suppressos menses frequenter hamorrhoidalis fluxus, salutari naturæ consilio excipiat, is autem antequam perrumpat, diversas fibroso-porosis partium & vasorum spasmodicas stricturas requirat, facile ob viciniam loci ad vesicam etiam, tam in mulieribus quam



quam viris, convulsionis hic pertingit sensus, incautisque sapius imponit, turpi errore, stranguriam calculosam subesse. Imo cum menses & hæmorrhoides, præcipue suppressas, mistum sanguinis & vesicæ hæmorrhoides sequi observârint sagaciores Medici, quis ultra dubitabit, posse ex hoc principio gigni in gravidis dictam micturitionem. Novi ego hic loci foeminam exsuccam, quæ ob præmaturam mensium, 38. ætatis suæ anno scilicet, emanationem, toties (præter familiaria molimina in abdomine spastica) dolorificum hoc circa excretionem urinæ experitur symptoma, quoties hoc, quo alias sollenni vicissitudine repurgabatur, revolvitur tempus.

Non multum dispar est ratio mictus similis, primo prægnantiæ tempore observati: quamvis enim vasorum laudata distensio, in his non adsit, hoc tamen extra controversiam positum est, osculum uteri ita, ut vix specillum admittat, conceptu facto contrahi. Experimur insuper, sensibiliores præcipue foeminas, varias alterationes motus tonici incurrere, & ad horripilationes valde pronas esse, quas oscillationes & fibrarum convulsionem spasmodicas, ad vesicam etiam pertingere, non multum mirabimur, si consideraverimus, non saltem renum vitia ob connexionem per ureteres cum vesica, sed vermes etiam nonnunquam intestinorum, ob spasmorum communicationem stranguriam sequi; cujus rei memorabile nobis exemplum D. *Albrecht Ephem. D. 3. A. 2. obs. 203.* sistit in Adolescente, qui à teneris fere frequenti & dolorosa afflictus mictione, multa à multis pertulit Medicis, quorum quidam acres humores cicurare, quidam renum vel vesicæ ulcus persanare, alii calculum frangere & dissolvere, serio, sed frustra diu intendebant: donec pertæsus æger laboris frustranei, ubi naturæ negotium commisisset, ejectis in copia cucurbitinis vermibus, in tantum convalesceret quod nisi iterum nova tæniarum pars excernenda foret, immuhis penitus ab hoc symptomate persisteret. Non inanis equidem esset suspicio vermes hos latitasse in tumore circa intestini in



recti productionem enato ibidemque, tanquam peculiari folliculo conclusos exstitisse, quales tumores verminosos in canibus observarunt *Schenckius*, & *Wepferus*, D. 2. A. 7. obs. 16, sicque vicinam vesicam premendo hunc produxisse mictum; nisi omnium Medicorum consensu constaret, vermium hoc genus, non intestini recti, sicut ascarides sunt (ex quibus urinæ ad dies duos suppressionem nuper admodum in infante productam fuisse recorder) incolas esse, sed universum fere systema intestinorum occupare, unde expulsionem pertinacissime etiam resistunt, & concatenata serie ad ulnas aliquot ejiciuntur, spasmosque idcirco torminosos multos in ventre, observantem jam *Hippocrate IV. de Morb. p. 512.* excitant, quas torsiones circa umbilicum cum nausea recte *Galenus* pro maximo signo diagnostico reputat, & laudat. Qui spasmi cum nonnunquam latius in remotas etiam excurrunt regiones corporis, ut juxta *Hippocratem*, ad hepar, dorsum, diaphragma unde vocis accedit defectio, imo ad ipsam gulam & fauces, unde stomachico-cardialgici tensivi & hypochondriaco-hysterici affines consurgunt dolores; qualia symptomata conspeximus in foemina, ex hoc principio enata, quæ jejuna cum nauseabunda vomituritione & torminibus circa umbilicum, ascensus in fauces sensum diu pertulit (es schiene ihr, als wann etwas den Hals herauf kriechen wollte) donec, ejecta tæniarum ulnarum nostratium 7. longitudine, convalesceret; facile hinc ad vesicam etiam pertingere, spasmosque fibrarum in collo ejus producere, & liberum exitum urinæ eo ipso præpedire posse perspicimus. Frivola vero & inanis esset putatio, semen forte mariti degenerans & acre, in foeminis his binis, quas memoravimus, induxisse mictum dolentem. Ut enim taceam conceptionem ex tali semine impossibilem fore, obstat id quod brevi semine ejecto & ex vagina uteri post coitum profluo, evanescere debuisset (quod tamen non accidit) hoc symptoma.

In Therapia ordinanda non est cur multum laborem; quicquid enim moliaris, lenies, aut ad pauculum tempus suspendes, sed non tolles, ante medium gestationis tempus, perfecte hoc malum. *Wedelius equidem Pathol. Med. S. 3. cap. XII. p. 661.* meminit foeminae simili affectu detentae, quam se resolventibus carminativis anodynis, extus vero oleo petrae curasse perhibet: sed parcant Wedeliani manes, si hic fallaciam non causae ut causae commissam esse conjiciam ex eo, quod ad medium fere gestationis tempus ardorem urinae eandem pertulisse indicet, quo tempore, uti in affectus hujus historia praeponui, sponte sua & absque ullius remedii usu cessare solet. Nec est cur operosa medicatione agrum graveamus, qui plus molestiae quam periculi ex hoc symptomate sentit. Dicam tamen, quod certissimum remedium casu potius quam consilio esse didici: Foemina abortiendi periculo bis defuncta, ubi rursus uterum gereret, & tertio mense iisdem quibus alias, ante abortum affligeretur malis, torminosus scilicet cum tenesmo & ardore urinae complicatis dejectionibus, ne prior denuo moveretur tragœdia, nobis jubentibus venam aperiri facit, extractoque sanguine non torminosae saltem dejectiones, sed stranguria quoque perfecte sublata est: evidenti rursus argumento, traditam theoriam mictus illius naturae rei maxime conformem & veram esse, sublata quippe venae sectionis ope, causa nempe plethora, sublatus est etiam effectus. Ratum ergo esto stranguriam illam, propter spasmos colli & sphincteris vesicae adeoque vitio solidarum, absque ulla fluidarum partium in qualitatibus suis, labere, proficisci; quod erat demonstrandum!

(*A. 1728. d. 20. Apr. Eperieso Aug. Vind.  
missa.*)

## OBSERVATIO CXXXI.

DN. D. CHRISTIANI MICHAELIS  
ADOLPHI.

*Morbus epidemicus Lipsiæ 1718. Mens. Januar.  
Febr. Mart. & April. grassatus.*

**M**orborum epidemicorum historiam notare atque describere utilissimum merito institutum habetur. Quare morbum nostrum epidemicum, qui anno 1718. circa finem Januar. usque ad finem Aprilis Lipsiæ grassatus est, ut hic insinuem, & circa eum visa observata ac notata ab aliisque communicata tradam, convenientissimum existimavi, nimirum per anni 1717. autumnales & sequentis anni 1718. hyemales vernaesque menses aëre tepidiori graves fuere, remissiori maxime interveniente frigore hyemali & ventis austrinis atque occidentalibus impetuosius fere semper, imò non raro procellosis nostra agitabatur regio. Autumno nebulae videbantur frequentissimæ & pene quotidianæ atque vicissitudines mutationum variarum subito ingerebantur. Circa medium præsertim Januarii aërem tepidum crassum diutiusque huc usque perseverantem derepente frigus vehemens & intensissimum excipiebat, sed post 5. dies de favitate sua subito iterum remittebat & sequentes dies hujus sequentiumque Febr. Mart. Aprilisque mensium pari tempestatum tepore & humiditate atque alterna subita mutatione hæc aëris insalubritas percurrerebat. Hæc diutina & humida aëris constitutio sat potens est partium tonum relaxandi partesque disjungendi, ex qua relaxatione humores crescunt, atque augentur secretiones & excretiones, transpirationes maxime per poros cutis impediuntur & sufflaminantur; Humores corrumpuntur, scilicet morbifera ab humido tenui penetranti evolvuntur ac explicantur. Hæcque subitaneo in contrarium tempestatum

altre-

alteratio totum corpus humanum alterat ac lædit gravissime. Tum temporis & nostram urbem morbus quidam acutus invasit 5. & 7. homines in una domo sæpius corripiens. Is præter ordinaria & consueta febrium acutarum nec non malignarum phænomena in ægris, imprimis in principio statim virium infirmitate, præcordiorum angustiiis, anhelatione & difficultate quadam respirandi, tensione molesta in abdomine dorsum versus & capitis dolore gravativo, tamen sine subsequentibus vomitibus erat stipatus, tumebat facies, aderant oculorum rubor, stupor, continuæ vigiliæ, deliria & furores, inter quos multi velut risum edebant. Multis collum intrus inflammabatur, posthæc mox copiosissimæ hæmorrhagiæ narium ad 3viii. xij. & ultra per duos quandoque dies interruptis vicibus perseverantes insequabantur, quibus largioribus hæmorrhagiis melius se habebant ægri, soluta scil. stagnatione & congestione in capite sanguinis, & cum eo infestæ materiæ ex spasmo in abdominis visceribus eò delatæ, quibus vero stillabat saltem guttatim sanguis, periculose decumbabant, & ut plurimum moriebantur, sicuti etiam aliàs ordinariò experimur Naturam male evacuare quando parum evacuat. Æstus in hoc morbi genere mitior erat quam in consuetis febribus continuis ardentibus biliosis, in quibusdam purpura rubra & alba imo petechiæ jungebantur. In paucissimis animi deliquia intercurrebant; nullæ tamen convulsiones membrorum notabiles & epilepsiæ observatæ sunt, nullique sudores notabiles, sternutationes, per salivam excretiones, neque singultus & similia alias quandoque in ejusmodi consueta symptomata. Multis multi etiam furunculi iique copiosi in corpore & multis quoque abscessus in natibus ut plurimum nati sunt dolorifici & sensum molestissimum ardoris magni inferentes, carnem depascentes, atque hi, quibus ejusmodi contigerunt, sunt servati. Multis diarrhœa 4. 5. die fluxit. Post hæmorrhagias, quibusdam etiam sine iis, in paucis saltem, morbus sudore largo finitus est, ex quo melius statim se habuerunt, nullum tamen contagium notatum

est, per quod in adstantes vicinosque malum esset propagatum. Pulsus erat utplurimum languidus, celer & inæqualis, in specie colli arteriæ valde pulsabant, in multis etiam ordinarius & sanorum similis erat. Lingua deprehensa est sicca & subfusca & extremorum infrigidatio, urina conspiciebatur pauca, crassa, rubra turbida, sedimento tamen carens. Alvus aliàs utplurimum parcius fluebat. Erecto magis corporis situ & elevato melius se habebant ægroti, perpendiculari magis pejus, sub supino paulo pessime, indicio, sanguinis impetum raptumque ad caput hanc corporis posituram facilitare. Regimen paulo calidius minime ferre potuerunt ægroti; sitis non adeo urgebat. Corripiebantur hoc morborum genere potissimum sanguinea & sanguineo-cholerica constitutionis & strictioris corporis habitus homines, ad iracundiam proni, vitæ sedentariæ dediti magis, diætæ negligentiores, & qui intempestive frigidum & humidum aerem admiserunt. Juvenes quoque & mediæ ætatis magis homines afficiebantur, forte quod in his serum ob sulphuris copiam ad ejusmodi effrenem motum maxime sit pronum. Atque mares magis foeminis aggrediebatur hic morbus. Brevi finiebatur; die scilicet 4. 5. 6. 7. ubi moriebantur summis deliriis & præcedente notabili corporis inhorrescentia. Convalescentibus caput per multos dies erat debile & infirmum & in hanc ac illam partem nutabat. Auxilio fuerunt statim ab initio venæ sectio largior, etiam iterata, sanguis sic detractus sanguini Pleuriticorum non multum erat absimilis. Interne cum fructu adhibita fuerunt præcipitantia cum nitro, pulvis pannonicus ruber, R flor. bellidis & ☞ ① dulc. vitriolique. Enemata quoque commode statim principio injecta & iterata lenientia divertebant, ut & vellicantia & rubefacientia nuchæ applicata. Volatilia, cardiaca, bezoardica paulo calida & sudorum inprimis in principio provocationem plane non tulit hoc morbi genus, sed deliria & vigiliæ aliaque symptomata sensim sunt aucta & petechiæ statim magno numero prodiebant,

bant, sudore viscoso maxime in capitis & colli regione suborto. Purgantia si data sunt, adeo non proficua fuerunt, ut quoque magnam noxam attulerint. Observatum etiam est aliquoties, si quando suspicio futuri morbi adfuerit, si quidam purgans ad minuendam peccantem materiam præscripserunt, deliria, ardores, vigiliæ aliaque symptomata atque fere atrociora elapsis 4. saltem horis exinde subsecuta sunt, quoniam sine dubio purgantium partes acres fermentativæ mixturam humorum turbaverunt, particulasque morbificas, quæ latuerunt, in actum deduxerunt. In ipso diarrhææ fluxu quoque nitrata egregia fuerunt. Leniebant quoque capitis dolores, phantasmata & deliria, epithemata  $\omega$ sa, nimirum ex  $\omega$  vini camphorato cum oleo Ligni rhodii &  $\omega$  rosarum tepide fronti applicata. Sub ipsis hæmorrhagiis pedum frictiones & focus calidis linteaminibus apprime utiles deprehensi sunt, jugiter enim fluxerunt hæmorrhagiæ, deliria & furores notabiliter sunt sopiti &c. intus vero cum fructu laudabili datum est diascordium Fracast. cum nitro mixtum. Relatum est, ab opiatīs deliria & furores præter modum aucta fuisse. Pediluvia & frictiones pedum sine dubio è re fuissent, ut nimirum impetus sanguinis & humorum à capite ad partes inferiores magis fuisset derivatus. Nec dubium est, quin & vomitoria ante invasionem & prima statim invasione optima fuissent. Diæta tenuis & refrigerans convenientissima fuit. Multi hunc pro morbo Hungarico habuerunt; salvo tamen illorum iudicio adhuc secus opinor, si conferantur atque juste æstimentur ea, quæ à probatissimis Auctoribus in morbi Hungarici descriptione, Th. Jordano nempe, Conradino, Octavio Roberto, Rulando, Cobero, Oberndörffero aliisque per observationes hinc inde notatas, afferuntur. Licet enim occupaverit statim caput, & deliria adfuerint, & pervigiliæ & alia accidentia per seriem recensita; tamen exinde non statim est concludendum, quod fuerit morbus Hungaricus. Nam omnes ferme morbi acuti sunt stipati ejusmodi symptomatibus. Mor-



bus ille Hungaricus tandem ex sui negligentia ad morbum mortemque sensim deducit homines, cum in initio animales functiones non turbet prorsus, sed paulatim in aptitudinem ad eas inducat & non prius malitiam suam prodat quam homine jam prostrato diuturno decubitu. Provenit maxime is abusu rerum sex non naturalium & sinistro usu & prorsus mutato, intemperantia ut plurimum castrensi, fructuum, vini meracioris, nimia ingurgitatione inprimis in non adfueris militibus gregariis (hinc & vomitoria mox & mature adhibita optima sunt) decubitu in terra solis fervore interdum paucis tolerabili, nocturno vero frigore intensiori, aquarum foeditate, aëris crassitie, impuritate & inæqualitate. Juxta caput & in specie frontem, quod in morbo Pannon. primario afficitur, stomachus, specialissime orificium ventriculi laborat adeo, ut si illius regionem vix molliter attigeris digitis, dolere maxime non solum atque adeo intumescere deprehendes, adfunt enim enormes & præcordiorum angustiae, nausæ & ciborum summum fastidium ac aurium & oculorum dolor & inflammatio, auditus difficultas, temulenti & admodum perturbate dormiunt, & mire clamant in somno, tussis etiam adest violenta. Pulsus in morbo Hungarico ut plurimum est formicans. Præsto sunt sitis molestissima & sicca vixque extingibilis, deglutitionis & respirationis difficultas immo angina atque prunella, item vomitus, sudores enormes & frigidi, urinæ suppressio, dysenteria, & sæpius vermes excernuntur. Summa linguæ ariditas & fissura, faucium excoariatio, anhelitus foetens, ventris inflatio insignis, inquietudo maxima, cordis palpitatio, totius corporis lassitudo inconsumpta alias, gustatus latio se produnt, oculi lacrymis stilant, &c. Cæterum contagiosus est quam maxime, & quæ sunt alia plura symptomata. Hæc vero potiora in nostro item observata sunt morbo, nec omnia ea quadrant ad eum.

OBSERVATIO CXXXII.

DN. D. CHRISTIANI MICHAELIS  
ADOLPHI.

*De Colica, stata sua tempora servante.*

**E**A est morborum spasmodicorum indoles, ut aliquoties reversi, suas periodos suaeque stata tempora febrium intermittentium ad instar exacte servant; spasmi vero maxime familiares sunt ventriculi & intestinorum membrano-nerveo-musculosae compagini, qua de re exemplum quoddam adjiciam: Vir quinquagenario major macilenti corporis habitus; & temperamenti cholero-phlegmatici, ante IV. menses, die Dominica, commestatione & vini Rhenani aut potius Franconici largiori ingurgitatione facta, in colicam flatulentam, circa quintam horam vespertinam, incidit gravissimam, quæ ad alterum usque diem usque ad 10. horam matutinam, remediis licet congruis adhibitis, durabat, simulque capitis dolorem, vertiginem, anxietates præcordiorum, palpitationem cordis inferebat; quæ singulis dein diebus dominicis, circa hanc ipsam horam per VI. septimanas recur-rebat, sævitiamque per integram noctem ad horam usque 10. matutinam, remediis frustra adhibitis, exercebat. Elapso hoc tempore vices aliquoties mutavit, & alternis vicibus stata rediit, stationemque suam retinuit; post hoc vero tempus singulis septimanis indicata die Dominica rediit; hucusque hunc typum pertinaciter retinuit hæc colica, distisque symptomatibus afflixit. Postquam vero per III. septimanas laxantia & præsertim clysteres, atque repurgatis bene per hos primis viis, alterantia, resolventia, discutientia, carminativa, media tamen nec mera oleosa, & volatilia in usum vocavit, molestum hoc accidens hucusque emanfit. Præsertim autem frequentius adhibuit, cum notabili levamine, medicamentum

ex essentia Castorei, spiritu nitri dulci & spiritu salis ammoniaci, junctis externis inunctionibus ex oleo expresso nucis moschatæ, ol. destil. rutæ, atque alternis diebus vesperi pediluvii. Spes itaque superest, illud malum non amplius reversurum esse, si modo Patiens debitam quoque diætam servare, & præsertim à comestationibus & largiori vini potu, præsertim eodem die, aut aliquot diebus ante eum, quo redire solebat, abstinere vellet.

## OBSERVATIO CXXXIII.

DN. D. CHRISTIANI MICHAELIS  
ADOLPHI.

*De fœmina quadam, quæ visa epileptica, in  
eundem morbum incidit.*

**N**Otabile est, *epilepsiam*, ut & omnes propemodum morbos convulsivos vehementiores, & terribilia spectacula edentes, spectatores eos maxime imbecilles & tenerioris sensibilibusque constitutionis, & concepto horrore atque terrore, in similes motus perversos conjicere; quod pluribus exemplis constat. Ejusmodi præterito anno in thermis Carolinis forte observavi in virgine quadam 26. annorum, tenerioris & sensibilibus naturæ, spasmodicis affectibus hypochondriacis obnoxia, quæ ex fenestra prospiciens ex improvise vetulam horrenda epilepsia correptam in platea conspexit, unde concepto horrore statim in epilepsiam per dimidiam horam durantem, miserandumque in modum torquentem incidit, quæ singulis diebus eadem hora pari sævitate rediit, nec pristinæ sanitati & integritati restituta ex thermis abiit.

OBSERVATIO CXXXIV.

DN. D. CHRISTIANI MICHAELIS  
ADOLPHI.

*De nebula quadam morbifera.*

**S**uperiore anno, circa autumnus finem, in pago quodam, uno milliari ab urbe Lipsiensi sejuncto, quinque lignatores, cum muliere quadam in densa sylva proxime adjacente, ab exorta nebula foetida ita affecti sunt, ut omnes, antea sani ac robusti, febre maligna purpurata correpti fuerint, unde quatuor eorum una cum foemina intra triduum perierunt, unicus saltem, post diem undecimum convaluit, sed per tres propemodum menses sopore veluti quodam laboravit.

OBSERVATIO CXXXV.

DN. D. CHRISTIANI MICHAELIS  
ADOLPHI.

*Rabies & hydrophobia, tractationi pellis, rabie extincti canis adscripta.*

**P**ellio quidam, in vicino oppido, canis cujusdam rabie extincti pellem tigrinam, à Nobili quodam accepit præparandam, ex cujus tractatione rabidus & hydrophobus factus est, quod à Medicis etiam quibusdam pelli acceptum est relatum. An tractationi istius pellis hoc vitium revera adscribendum sit, aliis equidem dijudicandum relinquo. Ad me quod attinet, ægre adducor ut idem credam cum potius arbitrer, istud malum fonticum à miasmate maligno cum saliva animalis per morsum communicato tantum propagari, nec alio modo inferri posse; quoniam ab occisorum aut mortuorum

tuorum animalium rabidorum tractatione, hydrophobiam in homine unquam fuisse excitatam, nullis (quod sciam) observationibus constar.

(*Lipsia Augustam Vind. An. 1728. d. 29. Apr. missæ.*)

## OBSERVATIO CXXXVI.

DN. D. CASPARI NEUMANNI.

*De Oleo destillato Formicarum aethereo.*

**O**lea artificialia omnia commodè in duas classes generales dispesci possunt, scilicet in Olea *expressa* & Olea *destillata*, illa iterum in Olea *expressa simplicia* & Olea *expressa composita*; hæc destillata vero in Olea *essentialia* & Olea *empyreumatica seu fœtida* distingui queunt, ita ut forte unum vel alterum tantum, quæ nec expressione nec destillatione producuntur, seorsim, (si stricte ea dividere placeret) locanda restent.

Olea *expressa* & Olea destillata *essentialia* primario ex subjectis *Vegetabilibus* oriuntur; sed Olea destillata *empyreumatica* non tantum ex vegetabilibus, sed etiam ex omnibus animalibus, imo etiam ex quibusdam Mineralibus parari possunt.

Attamen Oleum ex Vitellis Ovorum & alias quasdam ex animalibus partibus separatas teneras pinguedines Oleis expressis annumerare, eoque insimul demonstrare possumus, quod etiam *quadam Olea expressa ex Regno animali* extrahi possint; Verum quod etiam Olea *essentialia seu destillata aetherea in Regno animali* existant, vel quod ejusmodi ex subjectis animalibus separari & demonstrari possint, adhuc dum (quantum equidem novi) ignotum, imo nequidem possibile creditum fuit.

Scopus meus jam non est, de omnibus Oleorum generibus nequidem unius ejusdemque speciei, nec de omnibus Oleis expressis, nec de omnibus Oleis destillatis tam empyreumaticis, quam essentialibus omnibus agere; sed intentio mea est, tantum *unicum oleum æthereum* in medium proferre, & quidem tale, de quo adhuc parum vel nihil cognitum fuit, ad quod nemo cogitationibus suis respexit, vel respiciendi unquam causam habere potuit, paucis tamen in antecessum generalia quædam de Oleis destillatis essentialibus proferam, ut tanto facilius concipi queat, in quem ordinem adductum Oleum jure referendum sit.

*Olea destillata*, quæ non empyreumatica vel foetida sunt, communiter, distinctionis gratia, *Olea essentialia*, à quibusdam tamen quoque *Olea ætherea* appellantur: *Essentialia*, quia ordinario totam subjecti illius, ex quo separata sunt, crasin & vires continent, & quia in iis partes olidæ & sapidæ si non semper simul, saltem olidæ certò & quidem concentratæ præsto sunt, unde quoque à quibusdam Quintæ *Essentia* & à Gal-  
lis *Essences* vocari consueverunt; *Ætherea* autem audiunt propter teneritatem & volatilitatem, quæ tanta est, ut eorum quædam in aperto aëre toto sui pondere exhalent, evaporent & sensim evanescant, pleraque autem, si non maximo sui pondere abeant, tamen quoad præcipuas olentes teneras & præstantissimas partes inopinato *ætheris instar* avolent, & in aëre dispereant, ita, ut in quibusdam, quæ studio aperta relictæ fuerunt, parvum equidem ponderis decrementum, sed tantum exanime quasi corpus reperire liceat, puto Oleum, quantum visui quidem apparet, adhuc perfectum, sed quod ferè nihil odoris & saporis adhuc possidet, siquidem optimas tenerrimas pretiosissimas *æthereas* præstantissimas olentes & characteristicas sui partes tanquam animam perdidit.

Me quod attinet adhuc inter *Olea essentialia* & *Olea ætherea* parvam quandam distinctionem facere soleo, scilicet Oleis essentialibus annuero paulo graviora & crassiora, æthereis



autem oleis comparative teneriora, leviora, & subtilissima Olea destillata. Requiritur, ut *Olea essentialia* absolute odorem subjecti illius, ex quo extracta sunt possideant, non autem necesse est, ut aquæ semper supernatent, licet pleraque illud faciant, sed possunt etiam in & subter aqua natæ. *Olea* vero *atherea* non semper specificum plane odorem habere debent, licet eum habere possint, & pleraque revera eum habeant, sed de iis absolute requiritur, ut aquæ supernatent, imo eorum quædam adhuc ipso Spiritu Vini leviora esse eique supernatare possunt.

Ejusmodi quoque perquam subtile & ipsi spiritui Vini innatans *Oleum destillatum athereum* est illud, de quo mihi jam quædam verba facere liceat, quod non ex floribus nec cortice, nec fructibus, seminibus, herbis, nec balsamo, brevi, ex nullo vegetabili subjecto extraxi, prout ex iis omnia alia hucusque cognita Olea destillata *atherea* extracta vel extrahenda sunt, sed oritur *ex Regno animali*, & quidem non ex hac vel illa multa forte pinguedine onusta animalis parte, sed ex toto quodam apertissime gracili *Animalculo*, quod fere nihil nisi peduncululos, & humorem monstrat, quodque contentissimis creaturis, Vermibus & insectis accensetur, scilicet *ex Formica*.

Quod in destillatione *Spiritus Formicarum* abstractitii interdum vestigii oleosi quippiam, imo *aliquid veri olei* appareat, forte quibusdam novum non videbitur, præcipue iis, quibus fortuito illud accidit, prout & de ejusmodi oleo jam A. 1689. in quadam Wittebergæ sub D. D. Sperlingio habita & satis ampla Dissertatione de Analyfi Formicarum, quod *paucas* quasdam *guttas olei* obtulerit, mentio injicitur; tamen nec in hac adducta, bene licet elaborata Dissertatione, nec unquam alibi in aliis scriptis olei istius ulterior declaratio & animadversio occurrit, *quale istud oleum sit, vel unde oriatur?* multo minus vera certitudo & asseveratio, quod oleum Formicarum sit, nec ipse unquam antea illud pro tali habui. Sola ergo hæc

go hæc circumstantia, quod *jam certo sciri possit, in Regno animali etiam Olea destillata aetherea occurrere*, & oleosum istud, quod sub destillatione spiritus Formicarum inflammabilis, vel ita dictæ Aquæ Magnanimitatis simplicis interdum emergit, verum utique & genuinum *Oleum Formicarum* & nihil aliud esse, me permovit, ut hanc Observationem chartæ manderem.

Ad acquirendum istud Oleum nullus alius labor requiritur, quam simplex aliquoties repetita abstractio Spiritus Vini rectificatissimi super Formicas. Recipitur siquidem magna satis portio majorum Formicarum, quæ à sordibus liberatæ sunt, quibus tantum Spiritus Vini rectificatissimi affunditur quantum opus est ad obtegendas Formicas, & ex Balneo Mariæ penitus omnia destillantur, quod transiit destillatum super recentes Formicas cohobatur, abstractio repetitur, & ita cohobatio & abstractio ter vel quater continuatur, sic acquiritur demum summe *subtile album tenerum & limpidum spiritui abstractio innatans Oleum aethereum*.

Ut verum fatear, lubenter confiteri possum primam hujus Olei conspectionem, dum de eo nihil quicquam antea audiveram nec legeram, mihi perquam peregrinam & miram visam fuisse, ita ut nescirem, quid cogitare vel pro quo illud habere deberem. Primum enim obstaculum occorrebat, quod in genere *Olea aetherea vel essentialia in Regno animali non resideant*, & in eo nihil ejusmodi hætenus repertum, velex animalibus partibus præparatum fuerit; secundo menti obveniebat, quod si quoque interdum ex hoc vel illo animali aliquid olei per destillationem productum fuerit, tamen (a) illud tantum in *pure pinguibus* possibile esse, ubi (b) destillatum non plane tanquam Oleum æthereum aquosæ liquiditatis & fluiditatis, sed tantum *tanquam tenerrima pinguedo* ipsa considerandum sit, & (c) ejusmodi artificia plerumque tantum *in Vasis retortis non altis & calore sicco* expelli & produci; Tercio obstabat mihi, quod, licet in quibusdam non ignotis sub-

stantiis animalibus hæc vel illa virtus specifica in partibus destilabilibus resideat, ea tamen perquam difficulter imo fere plane *non in forma olei* demonstrari, imo ex vasta satis subjecti illius quantitate vix unica guttula veri substantialis & visibiliter corporei Olei acquiri possit, sed tantum quod ad id adhibitum fuerat *menstruum*, quocum abstractio peracta fuit, sensibilibus *eo imbutum sit*. Hic è contrario erat (1) apertum *substantiale* pondere, visu, gustu & tactu perceptibile *Oleum*; quod (2) ex nulla *pinguedine vel axungia* extrahitur, siquidem vix suspicari possis, quod in parvo hoc insecto, si quoque multas myriades inquisitioni anatomicæ subicere velis, quicquam licet paucum substantiale, *adiposum* vel crasse pinguedinosum separari vel demonstrari possit, quamvis inflammabilibus, tenere pinguibus particulis utique imbutæ sint, alias tantum olei empyreumatici per destillationem in aperto igne non largirentur; (3) ad præparationem hujus Olei ætherei *non Vas retortum humile, sed alta cucurbita, non calor siccus, sed humidus* scilicet Balneum Maris adhibita fuere; (4) & ultimo *non erat Oleum axungiosum* pinguedinosum, unctuosum, sed, ut jam ante dixi, perquam *tenuè, subtilè & vere æthereum* *Oleum*.

Ex omnibus his mecum factis considerationibus oriebatur tandem pro concluso plenaria *dubitatio*, quod hoc *Oleum* sit *verum Oleum animale*, vel simpliciter *ex Formicis* oriatur. Cum itaque sedata admiratione me recollegi & quasi denuo ad me redii, incepti firmiter mihi persuadere, hoc *Oleum plane non ex formicis, sed forte ex variis apud Formicas* existentibus *sordibus*, præprimis ex strobilis, conis, ramulis, resinis Pini, abietis, cum immixtis segmentis vel partibus ligni, radiceis, corticis & ejusmodi *ex arboribus* *provenientibus particulis*, quæ communiter in acervis Formicarum reperiuntur, provenire, adeoque *purum Oleum vegetabile, Pini indolis, esse*. Quam suspitionem & novam conjecturam ut certiore redderem, varia statim in cogitationibus meis fovebam cōsilia; primum, quod menti succurrebat, erat, ejusmodi *Oleum statim solo gustu indolem*

dolem suam proditurum, &, si *Oleum Resinæ*, Radicum Folorum, strobilorum, vel aliarum *partium Pini* sit, satis perceptibilem *calorem* gustui, impertiturum esse, proinde cum aviditate illud degustabam; sed ecce! nova denuo admiratio animum meum subit, dum *parum vel nihil*, aut saltem *nihil calidi*, resinosi, vel quod *Pini indolis* esset, gustu proderet, unde necessario & secundum sanam rationem etiam hanc suspicionem (licet antea mihi non adeo improbabilem visam) de ejus ortu, quod scilicet *Oleum ex strobilis*, Turionibus, cortice, conis, Resina abietis, piceæ vel ejusmodi aliis ortum duceret, simul & semel deponere cogebar. Quo vero *firmam* asseverationem & convictionem assequeretur, & (prout solitus sum) ei non statim tutam fidem adhiberem, quod cogitationibus tantum fovi, nec *ullum adhuc dubium* vel scrupulus menti meæ restaret, proinde *duas* adhuc denuo *destillationes* adornavi. *Prima* in hoc consistebat: Magnam satis portionem Formicarum vivarum cum attentione & studio, quamvis non sine exigua opera, *pure seligi*, eamque cum puro Spiritu Vini rectificatissimo antea *aliquoties ablu*i curabam, ad præcavendum ne quicquam peregrini vel impuri tam parvarum resinosarum, quam aliarum lignearum partium vel strobilorum Pini *imixtum* vel pedibus aut corpusculis formicarum agglutinatum restaret, has ab omnibus suspicionem moventibus impuritatibus quam *optime depuratas* Formicas postea cum puro quoque Spiritu Vini rectificatissimo ut priores in Balneo Mariæ destillari & abstrahi jussi, sicque idem illud athereum *Oleum acquisivi ac antea*; secundam destillationem instituebam sub intentione probæ contrariæ, scilicet jussi aliquot uncias puræ resinæ Pini, prout ea à formicis in suis acervis comportatur, colligere, quas imposui cucurbitæ, affudi Spiritum vini rectificatissimum, destillavi ex Balneo Mariæ eodem modo, ut formicas ipsas, ad videndum, num forte hoc ita appellatum *Thus Germanicum* & Mastix formicarum ejusmodi *Oleum* largiturum sit, sed transtillans Spiritus oleosus erat plane alterius indolis ac

prior, quem ex selectis & ablutis Formicis acquisiveram, erat liquidem *saporis* perquam ignei, & non modo *gustus* sed & *odoris* aperte *resinosi*.

Utræque ergo hæ destillationes omne ex animo *dubium* & scrupulum perfecte emovebant, simulque aperte asseverabant, quod tenerum hoc æthereum Oleum saltem *non sit Oleum Pini* vel *è familia pini*, nec ab ullo alio peregrino vel formicis *adherentibus* aut *immixtis quisquiliis* oriatur. Interim licet his convictionibus contradici nihil possit, tamen *nondum* commoveri poteram ad adhibendam *fidem quod productum nostrum sit Oleum animale, vel Oleum purum Formicarum*, quippe quod adhuc semper *impossibile* mihi videri volebat, quod *dubium* omnes meas pensitationes & cogitationes nunquam relinquebat, sed semper animo ingerebat, quod ex *Vegetabili quodam* necessario ortum suum deducat. Jam vero primam suspicionem de conjecturatis impuritatibus perfecte semove-ram, unde nihil amplius restabat, in quo *suspicionem* aliquam fundare poteram, quam *solus Spiritus Vini* rectificatissimus, quia in modo memorata destillatione & productione Olei nihil adhiberum *fuit aliud*. *Suspicio* in sequentibus fundabatur. Considerabam, quod *mediante Acido Vitriolico ex Spiritu Vini* quædam partes oleosæ vel plane tenerum *Oleum Vini* separari possit, quia autem in adornata destillatione itidem apertum & cuique cognitum *Acidum*, scilicet *Acidum formicarum* præsto sit, hinc simili forte ratione evenire posset, quod acidum hoc eodem modo, ut unte dictum (quamvis longe potentius) *Acidum Vitriolicum* quasdam oleosas particulas *ex Spiritu Vini* rectificatissimo *separet* & sentiente calore mediante destillatione producat, & quod proinde Oleum quæstionis utique non Oleum animale seu Formicarum, sed *plane Oleum vegetabile* scilicet *Oleum Vini* sit, seu Oleum ex Spiritu Vini separatum, liquidem *Acidum Formicarum* nullo modo *tanquam pars constitutiva Olei*, sed tantum *tanquam menstruum vel instrumentum*, quod modo evolutionem partium Oleosarum



rum ex Spiritu Vini promovēat, considerari deberet. Antequam igitur necessaria ad hæc prolixa Experimenta cum Oleo & Spiritu destillato, vel cum separato Acido Formicarum concentrato & Spiritu Vini rectificatissimo, & quæ ulterius ad meam convictionem inservire debeant, instituerem, subit animum meum cogitatio potius antea probæ causa *adhuc aliam destillationem* suscipere, an forte per eam brevi imo optime & securissime tota res manifestaretur, nova suspicio tolleretur, & propositæ reliquæ perquam tædiosæ Inquisitiones tanquam minus necessariæ omitti possent, quod omne etiam re ipsa confirmabatur. *Conjectura* autem erat, quod antea adhuc unam abstractionem *cum pura aqua*, absque Spiritu Vini, instituire, & exinde videre vellem, *num etiam in hac aliquid vere oleosum* manifestaretur, quo in casu *Spiritus Vini à suspicione plane liberandus* sit.

Proinde denuo recepi Formicas *bene selectas* & cum omni studio *depuratas*, abluebam eas ultimo aliquoties cum aqua pura, vice quod priores semper cum Spiritu Vini rectificatissimo ablueram, indidi eas vasi destillatorio, & loco Spiritus Vini rectificatissimi jam puram aquam affudi, & destillationi commisi ut priores, & ecce! *rursus obtinebam Oleum istud athereum*, & sic res in apicum deducta & manifestata, omnis objectio, scrupulus, dubium, suspicio sublata & animo exempta erant, & hoc Oleum *tandem pro vero Oleo animali & quidem Formicarum* omni jure declarabatur, simul quoque cessabat suspicio Olei vini, & omnes ad ejus inquisitionem tendentes varioque modo instituendi labores.

*Quomodo* autem ejusmodi *partes Oleosæ* in his animalculis generentur? alia jam esset quæstio. Conjecturalis saltem mea opinio hæc est, quod similiter eodem modo oriantur, ac in apibus ex particulæ, quæ mel & ceram constituunt, utpote quæ, uti notum est, ex floribus & viscoso eorum succo dependent, & quod adeoque hic in Formicis ejusmodi oleosæ partes itidem, *sive ex comportatis resinosis vel aliis pineis substan-*



*tiis* oriantur, *Regno Vegetabili* debeantur, quamvis utique in ipsorum corpusculis aliquatenus si non *transformentur*, *sic* subtiliores reddantur, & per illud quod simul ipsis inest *satis sensibile Acidum* tam à forti pineo odore liberentur, quam etiam ratione calidæ suæ indolis *temperentur*, indeque in separatione destillatoria & collectione tandem in aliud plane nempe *longe tenuius, subtilius & lenius oleum* evadant.

Denique memorandum mihi adhuc est, quod ex magna satis Formicarum quantitate utique non multum, secundum proportionem, sed perquam *paucum* ejusmodi Olei ætherei impetreretur, ut proinde hanc meam Observationem & institutos labores, ut & *ratione Acidi Formicarum seorsim instituta* & hic non commemorata *Experimenta* non pro plane singulariter utilibus existimem, nisi in tantum quantum per ejusmodi investigationes ad minimum creaturæ Dei & ad *materiam medicam* præprimis pertinentia *subjecta*, secundum *physicas* sui *partes constitutivas* melius & magis funditus per demonstrabiles *circumstantias* cognoscuntur, & hac eadem ratione ex dubiis *incertitudinibus* emergimus, falsa rejicimus & vera retinemus, & per consequens tam medicas quam Chirurgicas applicationes tam naturalium quam artificialium subjectorum eo *magis rationales & securiores* reddamus. Ut pauca adhuc de sæpe adducto Oleo adjiciam, existimo, quod si in Formicis ejusmodi aphrodisiaca, acouistica, nervina, & quæ plures aliæ *Virtutes* ipsis passim in libris assignantur, *vere observata* essent, item si etiam Spiritus Formicarum abstractitius quippiam magis efficax & *nervinum* præ communi Spiritu Vini rectificatissimo *revera* possideret, prout ad hos usus *copiose* adhiberi solet, quod inquam *ejusmodi præferentia & eminens virtus* unice & tantum *his in Formicis*, quamvis parce, existentibus oleosis *partibus* adscribenda sit. Quis vero antehac de existentia harum cum Spiritu Vini & aqua destillabilium oleosarum partium indubie certus fuit? vel ubi id scriptum reperitur? Attamen jam de eo certi esse possumus, ut proinde *hæc certitudo* pro aliquali etiam

com-

commodo meæ Observationis haberi tota autem præsens delineatio tantum ut *emblematicum* à Formicis desumptum signum meæ (si Deus sanitatem largiatur!) futuræ *industriæ* considerari possit, ne *illustris* hæc & à tam longo tempore adeo *industria Societas* ipsa mihi *dictum Proverb. cap. III. v. 6.* exprobrandi & commonstrandî rationem inveniât.

(Berolino *Augustam Vind. d. 29. Apr. An. 1728.*  
*missa.*)

## OBSERVATIO CXXXVII.

DN. D. JOHANNIS ADAMI LIM-  
PRECHTI.

*Diuturnus alvi fluxus periodicus paroxysmi febris  
intermittentis exordium quotidianum.*

**F***Ranciscus de le Boë Sylvius*, Medicinæ Professor & Practicus Lugduni Batavorum, superiore seculo Clarissimus, *febres* intermittentes, ratione tam intervallorum diversorum, unde oriuntur quotidianæ, tertianæ, quartanæ &c. quam symptomatum graviorum, unde ipsi febres, sic dictæ algidæ, famelicæ, siticulosæ, aliæ, quas in praxi sua lib. I. cap. 30. enumerat, inter alias quoque recenset. §. 39. *catharticas* alvi dejectione multa vel frequente, & quandoque simul torminosa, diverso accessus tempore ægros valde moestantes. Exemplum sequens huc referri potest, quod ante aliquot annos in Marchia Bradenburgense observavi.

Vir quidam triginta ferè annorum temperamenti phlegmatico-biliosi, ad rem domesticam nimis attentus, ex urbe in qua habitabat, sequente die, summo diluculo, cum curru suo Berolinum petere mense Novembre sibi proposuerat, eadem autem nocte in atrocissimam incurrit colicam, ita, ut propositum suum mutare & à me, in iisdem ædibus una cum

ipso per aliquod temporis spatium subsistente, consilium desiderare cogeretur. Hariolor statim anguem in herba latere & morbum ipsi non levem imminere prædico, nec eventus fefellit.

Nam singulis diebus, circa quartam pomeridianam, dejectionibus alvi torminalibus vexabatur, subsequente frigesculo quod modicus calor excipiebat. Post decursum paucarum septimanarum tormina quidem desinebant, reliqua tamen morbi symptomata ad finem ferè tertii mensis continuabantur, morosus enim æger medicamenta recusabat. Urina in principio erat turbida ad ruborem aliquem inclinans, in medio morbi cum crassissimo ejusdem coloris sedimento calor ad mediam usque noctem tolerabilis in somnum desinens non gravem, non in diem extrahebatur. Illud notabile in hoc ægro, amplum abdomen non præ se ferente, nec multum comedere & bibere solito, tot alvi solutiones non tamen male olentes, certo diei tempore, per multas hebdomadas, usquead plenissimam pristinae sanitatis restitutionem observatas esse, istæ enim quotidie numerum superabant duodecimum, & aliquando ascendebant ad vigesimum. Hanc *febrem* secundum *Sylvii* sententiam jure dixeris fuisse *Cacatoriam*.

(Berolino August. Vind. d. 30. Sept. A. 1728.  
missa.)

## OBSERVATIO CXXXVIII.

DN. D. MICHAELIS ALBERTI.

*Sterilitas, ab Ulcere diuturno pedis, Salivatione curata.*

**I**Ntricata satis est disquisitio Medica de sterilitate foeminarum, cujus diversæ causæ non modo absconditæ, & incongnitæ

gnitæ, sed & quædam illarum manifestæ, tamen immedicabiles sunt: Et ita nonnullæ causæ in animo, aliæ in Corpore hærent; quod posteriores concernit, aliquæ intrinsecus latent, & in vicio conformationis consistunt, quod nullis certis signis diagnosticis se prodit: interdum etiam affectus quidam morborum in peripheria corporis hærent, qui cum negotio conceptionis plane nihil commercii habere videntur, & tamen sub attentiori scrutinio sterilitatis causis annumerari debent. Hujus observationis exemplum singulari historia practica producere lubet: Virgo 24. annorum cholericofanguinei temperamenti, à cive fano & honesto in matrimonium ducta menstruo fluxu, sat regulari, prædita, præter opinionem per aliquot annos sterilis mansit, cæterum vero animo & corpore perquam agilis, & quoad externum conspectum sana & formosa fuit; cum aliquando hæc fœmina, de causa & cura suæ sterilitatis consilium meum petiisset, mihi aperuit, quod per plures annos ulcus in pede dextro, à contusione genitum, gestaverit, quod hætenus nullo medicamine consolidari potuit: et cum diversæ circumstantiæ concurrerint, quæ intimiorem correctionem humorum postularent, hinc lenis salivatio commendata fuit, cui etiam illa fœmina obtemperavit, qua ferme peracta, vel sponte inveteratum & immoderatum ulcus ad concretionem properavit, ut repentina illa imminens consolidatio quadantenus coerceri & retardari debuerit: perducto vero toto hoc processu non modo ulcus illud penitus concrevit, & cessavit, neque unquam rediit, sed & fœmina hæc, quæ ante tenerioris habitus corporis fuit, nunc paulo carnosior & pinguior reddita, imo brevi post salivationem imprægnata fuit, fœtumque legitime gestavit, peperitque imo postea sæpius concepit, & enixa est, aliquando tamen abortum subiit, sed postea denuo concepit, & peperit: quoniam vero hæc fœmina frequentiori indignationi dedicata fuit, neque congruam dietam observavit, ita factum fuit, ut hæctica correpta mature tandem obierit.

## OBSERVATIO CXXXIX.

DN.D. MICHAELIS ALBERTI.

*Vomitus frusti, molem pugni majoris æquantis, ex  
absorbentibus remediis compatti.*

**P**Rudens medicamentorum ordinatio character periti est artificis, quo ab empirica medicina distinguitur. Quod absorbentia remedia attinet, tunc ad eadem tam vilioris sortis, & indocti homines, quam medici varii, velut ad sacram confugiunt anchoram, ita ut sub quacunque morbosa invasione, & sensatione thecas, & scarulas suas cum C. C. aut oculis Cancri impletas arripiant, magnaue mole talia remedia ingerant. Quanta vero damna à liberali & largo illorum usu proveniant, ante aliquot annos peculiari Dissertatione exposui; hoc loco præsens assertum Exemplo aliquo probare placet. Corripiebatur Studiosus Juris febrili quodam insultu cum præcedente horrore, & consequente æstu, sub reliquorum febrilium pathematum commotione: patiens febricitans temperamentum melancholico-cholericum offerebat, cujus Contubernalis initia hujus febris protertianæ prodromo habuit, proptereaue ægroto Vomitorium obtulit, quod fortiter Ventriculum evacuavit, mox vero idem contubernalis, Medicinæ Studiosus, per triduum largius pulveres absorbentes patienti propinavit: quoniam vero febris in dies continuavit, & perverso plane tramite, atque typo sub perpetuo accremento suspectorum Symptomatum successit, ego tandem quarto febris die in consilium ductus fui, ubi febricitantem offendi arido & magno æstu decumbentem: conque- rebatur de eximia cardialgia; & lipothymica angustia, una cum leni conatu vomibundo: & quamvis idonea medicamenta ordinata fuerint, necessariae tamen excretiones nullo modo

modo invitari, adjuvari, & excitari poterant, sed in dies Febris confuso increbuit cursu, septimo tandem die sub vehementissimis Ventriculi torsionibus cum metu suffocationis obrigit Vomitus, quocum magma, & frustum mucidum albicans evacuatum fuit, quod post adhibitam exsiccationem iterum largiora illa absorbentia ab initio morbi post Vomitus adhibita obrulit: posteaquam vero hoc frustum ejectum fuerit, mox affectus soporofus consecutus est, qui nullo medicamine curari potuit: interea Febris in irregulari suo statu perseveravit: nono morbi die accesserunt spasmi, decimo Mors huic tragoediae clausulam imposuit. Ex hoc casu sequentia porismata practica duco: *Primo*, quod in vera morbi cognitione sollicita circumspectio habenda sit, siquidem in hoc affectu febris acuta cum horripilatione & aestu initians pro intermittente perperam habita fuit: *Secundo*, Vomitoria tam in intermittentibus tanto magis acutis febribus inchoantibus, praemature & promiscue ordinata pessime operantur, & utriusque febris Typum graviter perturbant: *Tertio*, Vomitoria ita perperam adhibita in febribus cerebrum, & totum genus nervosum non modo valde enervant, sed & in illo suspectas humorum stagnationes, & reliquo Corpore contumaces congestiones ad Caput convocant, unde aut deliria, aut affectus soporosi, aut pathemata hemiplectica excitantur: *Quarto*, post Vomitorii usum in omni statu morbofo, tanto facilius vero in febre absorbentia remedia largius oblata, Ventriculum eo magis debilitant, aggravant, opulent, subinde non modo angustias praecordiales causantur, sed aliorum efficacium remediorum virtutes salubres impediunt, & sufflaminaunt: *Quinto*, sub tali statu evenit, ut talia absorbentia in Ventriculo delitescant, obmutescunt, & indicato modo perversa confectaria inferant.



## OBSERVATIO CXL.

DN. D. MICHAELIS ALBERTI.

*Salium mediorum præparatio curiosa, sine visibili acido.*

**Q**Uod ad Salia sic dicta Neutra sal acidum vitriolicum, & alcalinum requirantur, satis superque constat, quæ utraque tam firmiter se invicem amplectuntur, ut non tam cito aut facile separari queant. Vulgaris quidem est opinio, quod acidum & alcali salia sint quam maxime contraria, quoniam si inter se commiscentur, magnum strepitum formant, quasi apertam luctam ineant: quod assertum aliqui illo experimento confirmare contendunt: quia, qualia subiecta ab acidis solvuntur, ea alcalia (si pauca excipiantur) nihil alterare possunt, & vice versa: interea, si circumstantiæ penitus perpenduntur, haud difficile compareret, quod acidum cum alcali facile & promte congrediatur, adeoque utraque salia bene inter se conveniant: interim hac observatione demonstrabo genesin salis ejusmodi medii sine arbitraria & deliberata additione acidi visibilis; ita enim, quando cineres clavellati puri & boni, qui aliquandiu in tabernis mercenariis venales asservati sunt, cum pura aqua fortius coquuntur, Lixivium filtratur, & per aliquod tempus in vase puro seponitur, sponte facile in eodem concrescunt, puræ, nitidæ, albigantes Chrystalli, inæqualis figuræ, tamen cum Tartaro Vitriolato convenientes, & sapore, effectû, & reliqua relatione & tractatione Chymica Sal tale medium constituentes, quale Sal itaque penitus siccum, & nunquam sponte deliquesceus, imo difficulter in igne fluens, sine visibili acido addito, genitum fuit: porro, si Cineres clavellati recenter parati decoquuntur, nullum tale sal largiuntur; attamen si cum hoc Li-

xivio imprægnantur lintheamina pura, aut charta alba, pura, emporctica, eademque libero aëri ita exponuntur ne pluvia illa offendere queat, sed ut aër ficcior eadem afflare queat, tunc post aliquam moram evenit, ut, si hæc lintheamina, aut charta in nova pura aqua elutriantur, hoc Lixivium ad chrySTALLIFICATIONEM inspissatur, tunc inde similes ChrySTALLI proveniant, testimonio aperto, quod acidum ad hoc Sal generandum non modo in aëre fluctuet, sed & cum aëre communicetur: denique, si Cinnabaris qualiscunque fuerit, pulverisfata commisceatur cum Spiritu Vitrioli rectificato, & per aliquot dies leni igne digeratur, tunc acidum Vitrioli Sulphuri in Cinnabari hærenti inflammabile suum principium aufert, ut Cinnabaris pallidior remaneat: deinde in hac remanente massa acidum Sulphuris cum Mercurio cohæret: hinc, si hæc massa cum Sale Tartari miscetur, posteaque ex retorta vitrea, & cupella arenaria moderato igne tractatur, transcendit purus Mercurius currens: Caput mortuum, si munda aqua calida elixatur, præbet iterum hoc Sal medium, quod nihilominus ex acido & alcali constat.

*OBSERVATIO CXLI.*

DN. D. MICHAELIS ALBERTI.

*Solutio Martis ab alcali, via sicca.*

**D**E activitate Salium alcalium in metalla aliaque subjecta, præcipue in Sulphur crudius, & substantias principio inflammabili largius præditas, varia experimenta peritis Chymicis admodum sunt cognita: quod vero alcalia, præcipue concentratiora, ferrum intimius solvant, & subtilius separent, non paucis dubium fuit experimentum, quam ob rem Celeberr. *Stablius* solutionem Martis in alcali in Opusculis suis Physico-Chymico-Medicis fusius demonstravit, &  
Expe-

Experimento quodam solido probavit, quod, sicut via precipue humida procedit, ita hac Observatione per parallelismum eandem veritatem experimento in via sicca confirmare annitur, quo etiam prædictus Celebris Vir variis locis Chymicorum suorum scriptorum manuductionem dedit: præsens Experimentum consistit in simpliciiori præparatione Croci Martis, cum æquali portione limaturæ ferri, & boni nitri conficiendi, quæ massa successive in crucibulum bene candefactum transferenda, ita, ut ad detonationem successive procedentem congruum tempus concedatur, neque ingestio ejusdem massæ acceleretur: sub hac detonatione nitrum cum inflammabili ferri principio incitatum deflagrando resolvitur, cujus acidum bonam ferri portionem tenerius rarefacit, & in subtilem Crocum convertit, insuper vero non pauca inflammabilis nitri substantiæ portio huic Croco adhærescit, interea sub detonatione plurima pars acidi, & multa inflammabilis nitri substantiæ exhalat, & in fenum transit, remanente in reliqua massa alcalina nitri parte, quæ sub calcinatione fortiori paululum continuata aliqualem portionem ferri ab acido nitroso subtiliter solvit, & in suum nexum transfert, siquidem alcalia in metalla copiosiori inflammabili principio prædita faciliorem activitatem solventem exserunt: quid? quod evenit, ut alcalina nitri portio intensiori igne tractata acrior, & ad solutionem præstandam aptior evadat: si itaque hæc massa è crucibulo adhuc fervida cum calida aqua decoquitur, & per filtrum trajicitur, transluit Lixivium, purpureo-cœrulei, ferme amethystini coloris, valde clara & limpida, in qua quantitas quædam Martis tenerrime ab alcali nitri soluta hæret, quæ, quando Lixivium hoc refrigerescit, vel sponte ex eodem secedit, facilius vero cum acido quodam præcipitari potest. Ejusmodi Mars ab alcali solutus si cum concentrato, & valde volatili Spiritu urinæ imprægnatur, singulari modo & prompta efficacia evadit fulminans: hoc Experimento inclarescit, quanta sit efficacia, atque vis alcalium

lium tam in metalla, quam in subjecta inflammabili principio prædita, ubique tamen sub perita enchirisi.

OBSERVATIO CXLII.

DN. D. MICHAELIS ALBERTI.

*Sterilitas à premature suppressa Tertiana cum  
Cortice Chinæ causata & per dextram novam  
Curationem denuo curata.*

**Q**Uanta Elogia vulgo de Cortice Chinæ declamentur, affatim notum est, neque eidem vis febrifuga denegari potest: qui vero existimant, illam peritam & securam Intermittentium curam esse, si paroxysmi tantum opprimuntur, multis modis à via recti & veri aberrant: quam ob rem febrium fuga nonnisi prudentem postulat artificem quemadmodum per omnium cordatorum Medicorum observationem ex abundanti clarum, & notum est, quod frequentiora & eminentiora damna cum hujus Corticis usu in febribus provocentur, quam certa & constantia emolumenta. Hujus veritatis specimen historia quadam notatu iterum digna exhibere volo: Foemina, honestæ, & præclaræ prosapiæ, triginta sex annorum sanguineo-melancholici temperamenti aliquot infantum, integre gestatorum, & per legitimum partum editorum, mater, ceteroquin sana, animoque valde alacri prædita, incidit aliquando ex diætæ vitio in Tertianam Febrem sub qua per aliquot hebdomadas morbi vehementiam fuit perpeffa. Ab hac longinquiore febre cum cortice Chinæ, quem Medicus hujus febris secundum omnes cautelas & regulas artis exhibuisse gloriabatur, promte, & cito liberata fuit, res comparuit quam optime acta, ut per notabilem temporis tractum foemina hæc pro integre restituta declararetur, sed contigit, ut cum insolita mensium ataxia prompta illius concipiendi fa-

cultas debilitata fuerit, imo nunc suspectus fluor albus invadere cœperit: meum tunc consilium desideratum fuit, ad prægressam febrem, quamvis longinquius tempus circumactum fuerit, animum applicui, & curationem meam ad febrem cum Cortice Chinæ curatam sub tacita deliberatione direxi: posteaquam certum medicamentum altera tantum vice propinaveram, recruduit pristina febris, utpote satis odiosus, & ingratus hospes; imo ne mihi quidem tunc temporis grates dicebantur, sed curatio mea pro suspecta habebatur: mihi tamen nunc res melior apparuit, qui per tres septimanas cœptam meam methodum bona fide, & confidenti animo continuaveram, ut tunc sponte hæc præjudiciosa febris cessaverit: ab hinc factum, ut postea mox prima periodo menses paulo largius emanare cœperint, brevi post hæc foemina vegete concepit, cum optima sanitate foetum masculum conceptum gestavit, & justo tempore sanum & robustum facili partu exclusit: quo Exemplo brevi tantum filo enarrato demonstrō, quanta prudentia opus sit, quoad usum Corticis chinæ in febribus, siquidem multi periti Medici in sua praxi æque, si non plus felici, tamen plus securo, hoc Cortice plane non indigent.

(Norimberga Augustam Vind. A. 1728. d. 11. Maji, missa.)

## OBSERVATIO CXLIII.

DN. D. JOHANNIS HENRICI  
FUCHSII.

*De Tremore artuum temporario, sæpius recurrente, & à vermibus orto.*

**Q**Uam mira symptomata vermes excitare, variaz variorum celeberrimorum medicorum observationes, tum seorsum editæ, tum Ephemeridibus N. C. communica-

cata satis superque edocent : quorum etiam præter reliquos paucis in Miscellaneis N. C. Cent. V. obs. 48. D. Wilisch. mentionem fecit. Tremorem vero artuum temporarium, à ver-  
mibus ortum ac à quodam observatum fuisse, nullibi legi.  
Hinc sequentem casum ulteriori commendare experientiæ non  
incongruum judicavi. Adolescens 14. annorum, nostri  
Gymnasii illustris alumnus, in infantia stupendam variolarum  
quantitatem perpeßus & inde adhuc maciem faciei & corporis,  
quin & rufim pectoralem, nonnunquam recurrentem,  
in signum cacochymix, à variolis relicta, deportavit. Ante  
annum, repentinum percipit terrorem & improvifum patitur  
lapsum. Ex quo postea dolorem lateris & ventris perfen-  
tiscit, præterea diætæ crudæ, ex lacticiiniis & fumo induratis  
carnibus, plurimam partem, constanti deditus, in ventris in-  
tumescentiam incurrit. Hinc varia tam ad dolorem quam in-  
tumescentiam ventris ex lapsu, secundum sententiam Medici,  
ortam, neryina & antispasmodica per aliquot menses adhi-  
bentur. Sed tantum abest, ut levamen sentiat, ut potius in-  
voluntarium motum & tremorem manuum pedumque, cum  
temporaria sensuum abolitione accipiat, præterea quoque  
memoria in dies hebescat, parentes quoque solam, inscio  
ægro, pedum tremulationem nonnunquam observent. Ap-  
petitus interea vegetus, & somnus semper permanet quie-  
tus, vires autem decrefcunt. Nec Medicus ordinarius anti-  
paralytica  $\Omega$ sa Oleosa in- & externa, tremori artuum alias  
succurrentia, majori tamen cum incremento, quàm decre-  
mento symptomatum præscribere intermisit. Quare parens  
pejora metuens, meum quoque petit consilium. In exami-  
ne igitur ægri ac symptomatum, nares prurientes sæpius fri-  
care, & circulum circa oculos fuscum ac lividum annoto:  
hinc in vermium præsentiam inquirò, quam quæstionem  
æger affirmat ac se nonnunquam ascarides in alvi depositio-  
ne excretas, observasse confirmat. Quapropter Julepum ex  
V Gramin. Hypericon. & absynth. c. & curr. coct. & Syrupò  
quo-



quodam dulcificatum pro vehiculo & ante pastum Ess. Amar. vesperi vero Pil. balsamicas ex Extract. amar. & Gummatibus compositas quotidie ordinavi. Externe quoque  $\cap$  nervinum ad caput & artus tremantes præscripsi. Quibus mediis, per aliquot dies, continuatis, magna vermium caterva per sedes secessit. Quibus evacuatis, inde non solum tremor artuum illico evanuit, sed & sensuum abolitio non amplius apparuit, memoria quoque vegetior facta, adeoque sanitas in integrum restituta per aliquot annos duravit.

## OBSERVATIO CXLIV.

DN. D. JOHANNIS HENRICI  
FUCHSII.

*De Scarabæis albis, ex frequenti mellis cum pane  
esu, ortis & syncopen causantibus.*

**E**X melle & pane varios fieri aut nutrirī vermes communis est opinio: hanc quoque traditionem omni non carere probabilitate ac fundamento, sequens probabit observatio. Rusticus nempe 36. annorum Temperamenti Melancholico-sanguinei, nonnunquam ob sartoris opificium, diutius sedendo, hypochondria comprimit, apes vero præterea tam proprias quam dynastæ loci ac aliorum vicinorum curat atque observat, qua occasione ex consuetudine sapius ac largius, melle cum pane, matutinis horis, jentaculi loco, vescitur, firmiter persuasus, vires suas, secundum sacras paginas, magis magisque capturas fore incrementum. Ast tristis mox insecutus effectus, non cuilibet quodlibet impune committere licere, ipsum satis superque edocuit. Quippe qui loco sperati virium incrementi, præter spem & opinionem, virium decrementum adeo percepit, ut non solum labores rusticos amplius tractare ac continuare inhabilis factus; sed  
& pla-

& plane post lenem & brevem corporis motum, illico syncopen, cum metu virium lethalis resolutionis ac destructionis fuerit expertus vehementem. Quem metum tanto magis indies auget superveniens & continua præcordiorum gembunda anxietas. Varia à variis medicis, sed incassum, adhibet medicamenta. Tandem quoque & meum petit consilium. Hinc ad primas vias, more rusticorum cruditatibus plenas, purgandas infusum vinosum per epicrasin, paulo largius purgans præscribo & amara ac digestiva resolventia conjungo atque propino: quibus per aliquot dies, præscripta methodo, adhibitis, magnam vermium alborum, instar millepedum aut Scarabæorum, multis pedibus & capite crispato sive crinibus longis obfesso, ornatorum catervam per alvum excernit, horumque aliquot vivos in testimonium mihi apportat & horum animalium genesin, sine dubio, jentaculo hætenus consueto, ex melle & pane constanti adscribendam esse annunciat: nam post jentaculi hujus usum syncopen mox secutam fuisse, se observasse: excretis vero hisce infectis, de repente levamen anxietatis præcordialis, notabile, plenariam syncopes cessationem ac virium restitutionem sensisse confirmat. Hinc non solum infusum præscriptum continuare jussi; sed & nova cum anthelminticis sociata, medicamenta tam amara stomachica & digestiva, cruditates primarum viarum incidentia, resolventia ac evacuantia, quam concoctionem adjuvantia denuo ordinavi. Quibus medicamentis, per aliquot dies adhuc continuatis, clementissimus summus Archiater adeo benedixit, ut perfecta restituta fuerit pristina sanitas, perque quinque, & quod excurrit, annos illibata hucusque continuata permanferit.

## OBSERVATIO CXLV.

DN. D. JOHANNIS HENRICI  
FUCHSII*De Embryone masculino, sex septimanarum, singulis artubus & membris integro.*

**A**Rtificis cujusdam aulici conjux 30. annorum temperamenti sanguineo-cholerici, teneræ texturæ, ac parvæ staturæ, iracundis & terrificis animi pathematibus frequentius commota, sæpiusque largas uteri hæmorrhagias perpeffa, diætam vero non æque scrupulosam, neque tamen culpandam observans, aliquoties feliciter peperit, aliquoties quoque abortivit, & ante quadriennium molam gestavit: ante biennium vero fœtum, ex incuria potissimum obstetricis mortuum, in lucem edidit. In singulis autem imprægnationibus eadem graviditatis signa, nempe per primas duas septimanas, à die conceptionis, menstruum fluxum inordinatum, per unum aut alterum diem mox fluentem, mox cessantem, mox verò recurrentem, nec non ciborum aversionem, contra verò picam observavit. Præterlapso anno, mensis septembris initio, denuo graviditatis, hætenus consueta & jamjam delineata attendit signa. Sexta vero imprægnationis septimana, nempe die 14. Octobr. 1726. ex improvîso præter necessitatem, saccum, duorum modiorum frumento plenum, protahit & attollere conatur: circa vesperam illico dolores, in abdomine & dorso, ad inguina tendentes, spasticos acerbos patitur, qui nocte adeo increbescunt, ut, mane sequente, embryonem masculum omnibus ac singulis distinctis membris, capite scilicet, nucem avellanam majorem æquante, & reliquo corpore ac membris, respectu proportionis, majori, oculis, semini Aquilegiæ similibus, nigris, naso, ore, mento, brachiis, manibus pedibusque cum horum distinctis digitis, pene

pene ac scroto perparvulo, integrum ac duorum articulo-  
rum magnum ac longum expulserint, quem curiositatis gra-  
tia inter curiosa privata diu conservavi, donec tandem, jussu  
Serenissimi ac Clementissimi Ducis ac Domini mei Friderici  
II, in technophylacium publicum, quo præter alia, notatu  
maxime digna, à tribus usque ad novem menses embryones  
asservantur, curiosis demonstrandi causa tradiderim.

Eadem mulier, sequenti anno, mense Martio 1727., de-  
nuo concepisse ex superioribus signis, sibi infallibilibus, cer-  
tior facta, d. 1. Aprilis, post improvidam, brachii in altum  
nimiam porrectionem, depromendæ alicujus rei causa, in ute-  
ro fragorem percipit, quem mox dolor ad inguina vergens  
spasticus excipit, hinc abortum sibi solennem, ex sanguine  
largius prorumpente, gravida denuo metuit, qui quidem me-  
tus, per medicamenta, abortum præservantia antispasmodica  
iterum sedatus fuit. Ast ab ipso tempore cardialgiam & pal-  
pitationem cordis frequentem sentit. Donec undecima con-  
ceptionis septimana, nempe d. 14. Maji, vehementissimis ani-  
mi pathematibus iracundis commoveretur, quæ commotio  
pathetica illico adeo vehementes ad partum dolores spasticos  
& uteri hæmorrhagiam excitat, ut sanguis difficilius retineri  
possit, retentus vero ad pectus regurgitaret, &, totâ nocte,  
suffocationem minaretur, usque ad matutinas horas, quibus  
quarâ vice, sanum & priore paulo majorem sed flaccidiorem  
foeminini generis embryonem excluderet. Quo abortu ex-  
cluso, & regimine puerperis solenni, per aliquot septimanas  
observata nec non medicamentis uterum repurgantibus adhi-  
bitis, bene iterum vivit. Quæ observatio non solum Magni  
*Hippocratis* sententiam, Libr. de Puer. Natura cap. 14. tit. 9.  
quod abortus masculi paulo ante 30um diem ἀνασθῆναι sine  
deprehenῖ, & *Riverii* assertum Instit. Medic. Lib. 1. sect. 8.  
cap. 4. quod partes carnosæ tertio mense, in maribus; quar-  
to vero mense in foeminis perficiantur, reformare videtur;  
sed & communem obstetricum traditionem, quod embryo

de sede sua detrusus, wann das Kind vom Stuhl gerückt, & parum nutriatur & difficile retineatur, confirmare potest.

## OBSERVATIO CXLVI.

DN. D. JOHANNIS HENRICI  
FUCHSII.

*De Sphacelo uteri, frequentissima mortis puerperarum causa, & remediis externis sufflaminato.*


**C**ommunis & multorum Medicorum sententia, & obstericum opinio, quod singulæ puerperæ purpuram perpeti, nescio quo fato ac lege quasi destinatæ sint, per aliquot annos in tota fere Thuringia hætenus invalescere cœpit. Hinc mox post partum ad hanc ex voto expellendam, Cor ab illa præservandum, atque debilitatam puerperam ac in partu viribus exhaustam refocillandam partim bezoardicis, cardiacis, sudoriferis pellentibus, partim analepticis diætericis aromaticis ac vinosis puerperam quasi obruere & tegumentis calidis quasi suffocare solent. Huic quoque opinioni, malam illam vetularum consuetudinem, qua omnibus puerperis, si puerperium felicem ad finem perducere velint, bis aut ter per aliquot horas largissime sudare, lege quasi quadam sancitum est, suum debere ortum credo. Quo quidem obtinetur, ut hocce regimine, in puerperis robustis, non adeo sensibilibus, & concurrente aliquali humorum diserasia aut cacochymia, hinc inde pustulæ, purpuræ similes, interdum cum euphoria expellantur, &, concomitante de reliquo legitimo regimine ac diætâ, bene cedant. Tantum vero abest, ut singulæ hoc impune & cum eodem salutari utantur effectu & eventu, ut potius sensibiliores, commotionibus & orgasmo sanguinis obnoxia, graviora inde percipiant symptomata.

mata. Quippe quæ non solum inde ebullitiones humorum, palpitationes cordis, insultus febriles, incarcerationes humorum, obstructionem alvi, *αταξία* lochiorum, inflammationem uteri sentiunt, quid? quod gangrænam, &, nisi principiis cito medicus obster, sphacelum cum lugubri tragœdia præter spem & opinionem finientem suscipere coguntur. Et hoc quidem tanto citius & facilius, quo magis ærem frigidum, qui secundum Hippocrat. Sect. V. aph. 22. assertum, à D. Rommelio postea in A. N. C. Dec. II. ann. VIII. obs. 74. pag. 434. fusius confirmatum, utero noxius describitur, inquietudine, ad uterum, tanquam partem læsam admittunt, nec regimen diaphœicum ac diætam convenientem servant, nec animi pathemata evitant. Hinc quotidie observare licet, quod, levissimo quoque errore commisso, puerperæ in infimo ventre sensum fremebundum, instar prunæ latitantis urentem, nonnunquam in uno latere tumorem efficientem, aut totum ventrem intumescere causantem percipiant, cui mox horripilatio & hanc excipiens febris acuta continua, anxietas præcordialis, inquietudo, somnus cum insomniis anxiiis, scilicet de incarceratione anxia aut de horrendis infernalibus Furiis, ægram cruciantibus, aut de incendiis & objectis rubris stipatus, aut summa agrypnia, syncope aut passiones hystericae, inappetentia sese conjungant, quæ singula symptomata, ex lochiis vel obstructis, vel parcius aut decoloratius fluentibus, maxime augentur & deteriorantur. Quod si itaque ex hisce signis solummodo ad purpuram, aut ad febriculam puerperarum, aut ad lactis proventum, cum febre lactea constitutum prognosis & cura cum expellentibus calidis bezoardicis cardiacis dirigitur, nec puerpera, tanquam gravissime vulnerata, medicamentis tractatur vulnerariis ac inflammatio uteri, gangræna & hujus pedissequus, sphacelus, lenibus temperantibus in- & externis discutientibus præservatur, omnia ac singula symptomata intra paucas horas in deterius ruunt, ac



vel in deliria modo descripta vel in syncopen aut apathiam ac inopinatam anafysin præcipitantur.

Hanc observationem vere practicam & necessariam placet ex innumeris tantum cum unô aut altero comprobare & illustrare exemplo ulteriorique attentiori commendare experientia. Sic Generosa primipara de B. - 19. annorum, temperamenti melancholico-cholerici paulo maturius & durius ad partum, ab obstetrice morosa, compulsâ feliciter quidem b. D. formosum filium parit, obstetrix verò una cum foetu secundinam violentius ex utero protrahit. Quo partu peracto illa domum festinat & puerperam rusticæ obstetrici ulterius tractandam relinquit. Primipara dolorem, ex avulsione secundinarum remanentem, summâ cum patientiâ perfert, sibi persuadendo, dolorem esse puerperis proprium, hinc non adeo illum curat, nec adstantes inde aliquid mali metuunt. Interim ad purpuram præcavendam & ad roborandum cor, cardica, ut TR Corall. Ess. Dulcem Halens. & pilulas polychrestas, proprio consiliô, puerperæ sæpius porrigunt, quibus quoque mediis b. D. per quatrimum, de reliquo bene sese habet puerpera. Dolor vero in inguine & ischiade non remittit; sed in dies accrescit. Quinto die lochia, hucusque largiora, post diætâ flatulentam ac dyspeptam frixam nec non post auram frigidam, in lecto jectigando, utero admissam, præter spem & opinionem simul & semel subsistunt: dolor urens & fremebundus in latere dextro inguinis non solum augetur; sed & ad regionem ischiadicam & per totum ventrem extenditur, venter simul intumescit & tumor in latere dextro, quo foetum gestavit, & secundina adnata fuit, spithamæ fere longitudine, cum dolore acuto & inflammatione sensibili stipatus, extuberat: febris acuta continua superveniens adeo increfcit, ut furibunda delirare incipiat, quod delirium mox in flebilem mutatur catastrophem, ut absque omni sensu ac loquela attonita decumberet. Ordinarius hætenus medicus ex propinqua urbe cito adductus, doctus ac circumspectus purpuram prædicat,

cit, & more ac methodo consuetâ, tanquam febrim puerperarum, temperantibus diapnoicis alexipharmacis ac uterinis assiduè tractando, appropriata propinat. Ast quia ecstasis nullo modo remittit, nec lochia redeunt, nono die quoque in consilium vocor, media nocte adveniens, ægram in hac, modo descripta, deplorata reperio ecstasi, faucibus summa inflammatione obstitis, ventreque tumefacto. Quare externe ad caput, cum linteis triplicatis, parum denuo siccescentibus,  discutientem serpilli & formicarum camphoratum crocatum, super abdomen vero ad inflammationem & gangrænam uteri intercipiendam externe Cataplasma tonico-resolvens ac discutiens, hoc in passu semper cum voto adhibitum, ex pulvere rad. Consolid. maj. Sigill. Salomon. & Althææ, in fortissimo lixivio cocto, constans ordinavi, & quoties siccescere incepit, (quod in casu reconvalescentiæ admodum cito accidit) toties de novo calide applicare præscripsi. Interne vero XV. pilulas balsamicas, methodo Stahlia præparatas, in calido liquore resolutas, ori effracto infudi. Quibus mediis Clementia Divina adeo benedixit, ut alvi & lochiorum obstrutio non solum referata ad votum fuerit, ac venter iterum detumescere inceperit; sed & ad mentem redierit pristinam ægra, nescia omnium in delirio factorum, & nil, præter dolorem urentem & fremebundum ventris, lateris atque ischiadis relictum, ulterius sensit: jusculum cum appetitu, in omnium lætitiâ, sorbere tentavit: purpuram vero hinc inde, præprimis in collo, pectore & nucha miliarem prorumpere observavit. Non obstante hoc mitiori statu infecuto & purpura proveniente, lethalem tamen, licet placidum prædixi exitum; post nonum enim diem purpura, inflammationi & gangræne uteri superveniens nunquam pro salutari, à natura instituta crisi, judicanda est; sed potius ex magna humorum putredinosa resolutione provenire, &, deficiente præcipue, per totum ventrem excurrente pruritu, tanquam salutaris diffusionis infallibili signò, certum analyseos, tertio posthac die,

die, supervenientis esse signum; ex multiplici observavi experientia. Interea hic status remissior per totum decimum continuavit diem, circa undecimi vero diei initium, summo mane tumor lateris dextri, de novo grandior, pugnorum duorum altitudinem ascendens, sensibilior factus est: æstus quoque febrilis vehementior rediens, omnem omnium spem, hactenus conceptam, fregit, meamque de funesto exitu prognosin, in memoriam revocavit flebilem. Interim & huic recidivo dolori subvenire non destiti; sed externe unguentum hñum & emplastr. balsamicum resolvendo discutiens præscripsi & imposui, quo sensim sensimque tumor subsedit & dolor plurimum remisit: quo facto denuo somnum per aliquot horas inceptum continuavit, tandem vero circa meridiem placide vitam cum morte commutavit. Viduus de vera mortis causa, sollicitus mœsto animò, eandem ut culter anatomicus certo certius demonstraret, petiit, qui quoque repositis à chirurgo infimi ventris integumentis, sphacelum per intestina, præcipue utero vicina, undiquaque nigerrima, excurrentem, & ex utero laso, ortum, mea quidem prognosi, mox clarius detexit lethiferum. Uterus namque exsectus, octo transversos digitos, per longitudinem & distensionem superans, utero à Peisenio in A. N. C. Dec. I. Ann. IV. & V. pag. 233. observato major, dissectus, digito transverso crassior apparebat, in latere uteri dextro, quo tumor antea & dolor maximus fuerat, frustula secundinæ, palmæ magnitudine adnatæ, ab obstetrice vi avulsæ, calami scriptorii crassitudine adhuc relicta observabantur, quæ tandem inflammationem, dolorem fremebundum & urentem tumorem ac insequentem sphacelum arcesserant. Qui sphacelus postea non solum totum uterum nigerrima corruptit putredine, ut digitis conteri potuerit; sed & vicina intestina ac hepatis inferiorem lobum contaminavit atque infecit, ex quarum partium prægressa inflammatione ac gangræna sine dubio, illam anxietatem, quasi Furia infernales ægram cruciarent, præcordialem esse ortam, colligere licet.

licet. De cætero omnes reliquæ partes erant sanæ ac illibatæ sine ulla labe constitutæ.

Eundem fere in modum alia primipara generosa de W. 19. annorum, sanguineo-cholericæ temperamenti, tertio die, post paulo laboriosiores, felicem tamen, partum in regione coxendicis, urentem dolorem, cum horripilatione & æstu alternante sensit; anxietas præcordialis mediocris, inquietudo jectigatoria, lenia deliria, hilaria beatitudinem æternam concernentia, sitis intensior, & tandem diarrhœa sese conjungunt: lochia parcius & aquosiora profluere incipiunt. Medicò ordinariò non præsentè, alius in consilium illico vocatus, purpuram puerperarum præfagiens, varia antifebrilia, cardiaca, bezoardica cum regimine sudorifero expellentia præscribit: loco potus aquam acetosæ, cum succo Citri alteratam porrigit: ad inflammationem vero uteri neque in- neque externe quippiam ordinat. Quapropter dolor & ardor in coxendice & lumbis accrescit, sitis vehementior excitatur, lochia plane supprimuntur, diarrhœa quoque frequentior nunc vires magis magisque destruit: purpura vero, si paucissimas hinc inde prorumpentes pustulas, ex sudore alias quoque excitatas, excipias, nulla expellitur, quamvis optima bezoardica vulgò usitata, frequenti & numerosa quantitate puerperæ ingesta & obtrusa fuerint. Declinante quarto die omnis ardor & dolor, incantamenti instar, evanescit; ægra ex orci faucibus quasi erepta, singulis agnatis, hætenus in extremo mœrore constitutis, animum erigit: Medicus quoque nunc omnes scopulos felici fidere superasse certo certius persuasus omnes spe lactavit optima. Ast post paucas horas, securus dies quintus tristissimâ edocuit tragoediâ, quod & à Medico optimo nonnunquam humanum non sit alienum: quippe quo die circa horam matutinam secundam præter omnium & præcipue Medici spem ac opinionem puerpera quasi obdormitura placide animam exspiravit. Illustres parentes & generosus viduus ob tam inopinatum & tam repentinum charissimæ resp.

filia ac Conjugis decessum perterriti, de vera mortis causa solliciti corpus exanime cultro subjecerunt anatomico. Qui uterum summe inflammatum & fideratione tactum, grumulis sanguineis torrefactis obstitit detexit, simulque edocuit, quod illa repentina dolorum remissio, potius plena sensus amissio lethalisque sphaceli, ut veræ, mortis repentinæ, causa, testis atque prodromus mox insecutæ analyseos fuerit.

Contra vero, quodsi mox ab initio, simul ac puerpera in regione ischiadica, lumbis aut inguine dolorem urentem aut fremebundum cum vel absque tumore infimi ventris stipatum percipit, aut majorem partium genitalium inflammationem sentit, statim non solum *interne* temperantia Osa antifebrilia & lenissime diapnoica æque ac alvi & lochiorum ordinarium & justum successum facilitantia; sed & quam maxime *externe* discutientia, inflammationem & congestionem arcentia præscribuntur & indefesso una serie, non obstante, hinc inde parva aut numerosa quantitate erumpente, purpura, tamdiu, donec pruritus, ut discussionis & remissionis certissimum signum, per dorsum insequitur, abdomen iterum detumescit omnisque dolor evanescit, continuantur: Plerasque puerperas hac methodo sub Divina benedictione clementissima citò & tuto reconvalescere quotidiana & innumera experientia per multos annos me satis superque edocuit. Tantum enim abest ut externa humida calida vel frigida adæquata, ventri applicata inflammationem uteri & obstructionem lochiorum, secundum superius allegatam observationem *Rommeli* & obs. 100. *Domini de Muralto* Ephem. N. C. Dec. II. anni I. p. 234. aut purpuræ laticantis repulsionem causentur; ut potius tonum uteri roborando sanguinem incarceratum propellant, novum affluxum à vulneratis partibus avertant, & inflammationem incipientem intercipient atque discutiant, putredinem puerperis solennem, à *Domino Leporin* in schediasmate de secundina, contra *Ruyfchium* de musculo in fundo uteri recens invento, ex multis autoribus largissime alle-

gatam sphacelumque imminuentem præservent, stasi vero & inflammatione, hac methodo sublata, lochia justo ordine promoveant & impedimenta ad purpuram fortassis supervenientem à natura tranquillius expellendam auferant, totamque febris symptomaticæ continuæ periodum felicilius absolvendam facilitent. Ad hæc firmitus & solidius probanda ex multiplici experientia, duas tantum tam propter summam inflammationem & sphacelum jam inchoatum, quam propter purpuram largam pessimæ indolis concurrentem in extremis constitutas, plerorumque prognosi, omni medico auxilio destitutas, sed externis auxiliis b. D. conservatas puerperas in medium proferre lubet.

Sic Mulier quædam, post variolas in infantia perpeffas largissimas ob apostema inde relictum valetudinariam agens vitam, 18. annorum sanguineo-cholerica in initio secundæ imprægnationis, morbo spasmodico, Griebel-Krankheit dicto, per aliquot septimanas vehementius cruciata, ast antispasmodicis & mixtura tonica ex  $\mathcal{R}$   $\frac{1}{2}$  acri &  $\mathcal{C}$ . C. æquali portione mixta & Infuso antiarthritico per modum Theæ usurpato, hâc solum differentiâ, ut in posterum, tempestate variante aut animi pathematibus commota, variis rheumatismis spasticis, tempore gestationis, exposita fuerit, restituta, instante partu, post paulo vehementiores labores & dolores robustum & sanum parit b. D. puerulum, per primum & secundum quoque diem puerperii bene sese habet. Tertio vero die, sine dubio post paulo liberiores auræ ad uterum læsum admissionem non solum imminutionem lochiorum, in inguine & abdomine dolorem fervidum, sed & totum abdomen in morem gravidarum denuo intra paucarum horarum spatium, accretum & tumidum percipit, horripilatio cum æstu febrili alternans supervenit, ac purpuræ hinc inde largius erumpentis vestigia apparent. Hisce observatis tam ad lochia revocanda, dolorem & tumorem sedandum, quam ad purpuram lenius expellendam & febri moderandam interne Nitrosa & tem-



temperantia diapnoica, ac alexipharmaca uterina antifebrilia & externe sacculos resolventes, discutientes, pargoricos calefactos ordinare & diligentissime adhibere nullo modo intermisi. Et quamquam diapnoë largior insecuta, purpura quoque frequentior propulsa fuit, nulla tamen tam anxietatis præcordialis quam doloris & tumoris remissio fuit subsecuta; sed potius dolor acutior & tumor altior factus, quid? quod æstus abdominis fervidior, loco lochiorum ex partibus genitalibus ichor putridus & fœtidus profluit & anxietas præcordialis ad lipothymiam usque augetur, deliria concurrere ac qualibet signa ad summam œconomiae vitalis destructionem celeri properare decursu incipiunt. Quapropter, & quia ex sententia illustris *ἰατρὸς ἀγίου, Wedelli* ad vitam & sanitatem conservandam nil omittendum, ad dolorem tumorem & ardorem abdominis tollendum, largâ quidem præsentē purpurâ, externe unguent: de Lithargyrio & de Cerussa, rudi Minerva, ob temporis penuriam & moræ periculum, præparatum toti abdomini inunxi. Dictum factum, præter omnium spem & opinionem, benedicente divinâ summâ Clementiâ, ardor & dolor acutissimus remisit, tumorque subsedit, ut abdomen rugas denuo perceperit, ipsa quoque ægra ad se redire inceperit, hocque unguentum continuare petierit. Hinc adhuc aliquoties Unguentum, hucusque illitum, nimium cito correfactum, recens applicare continuavi. Quô aliquoties repetito & postea empl. balsamico hño, ad discussionem facilitandam super imposito, omnis dolor & æstus evanuit, abdomen iterum ad pristinum statum collabitur & per totum abdomen & dorsum, loco prioris doloris & ardoris, nunc pruritus enormis, cum virium à momento ad momentum recuperatione, oritur. Qua novæ reconvalescentiæ spe allucente, externa & interna tanto cum majori cura ac vigilantia ulterius adhibita non solum sphacelum sustulerunt & lochia legitima revocarunt, sed &, ut purpura placide expelli, toraque sani-

sanitas inopinata paucis diebus restitui perfecte potuerit, impedimenta removerunt.

Altera puerpera, in qua superius notatum unguentum ad inchoatum sphacelum præcavendum & funditus tollendum, una tantum vice, non suffecit, & propterea fortius discutiens nervino balsamicum cataplasma necessarium fuit, tertium nunc puerperium cum mitioribus laboribus & doloribus cito & tuto mense Februario 1728, ingressa atque à secundina feliciter liberata, per 4. primos dies nihil mali aut extraordinarii sentiens, paulo audacior nudis pedibus per hypocaustum, prope januam apertam, deambulans, & tam condita varia, quam placentam grati saporis comedens, ac vinum dulce superbibens non solum lochiorum imminutionem sed & insulcus febriles cum horripilationibus intermixtis patitur. Quibus perceptis mox ab initio tam ad febrem & inflammationem uteri intercipiendam, quam ad lochia in ordinem revocanda, medicamenta alias polychresta, præscribere non destiti. Ast tantum abfuit ut lochia liberius iterum fluxerint & inflammatio ac febris præservata fuerit; ut potius lochia summe obstructa fuerint, inflammatio altiores egerit radices, abdomen cum summo ardore & dolore obrutum & febris majora ceperit incrementa, omniaque puerperio superius pluribus descripta sese conjunxerint symptomata. Unguentum quoque prius ad abdomen dolens ac urens diligentissime, sed nequaquam cum eodem effectum illitum fuit. Ardor & dolor abdominis æque ac anxietas præcordialis usque ad continuam syncopen vires destruxit, & alvi hætenus liberi officium abstulit. Hinc ad alvum admonendam & lochia revocanda XV. pilulas balsamicas, methodo Stahlianæ præparatas, cum tanto quidem effectum propinavi ut alvus reserata & lochia paulisper restituta fuerint. Ardor tamen & dolor abdominis non remisit; sed potius iterum lochia alterans materia livida & summe foetida ex utero, loco lochiorum, evacuata fuit. Quapropter Unguentum sine effectum adhibitum seponere & loco

*A. P. M. Vol. II.*                      *Uu*                      *illius*

illius superius notatum & alias in externis partibus, spacelo occupatis, cum summo usu adhibitum cataplasma ex rad. Consol. maj. sigill. Salom. & Althææ cum vino vellixivio fortissimo coctum, tepide abdomini applicari curavi & interne adequata temperantia Nitrosa & alexipharmaca diapnoica discutientia, summa cum industria continuavi. Quibus tam internis quam externis, benedicente præcipue summa Clementia divina, obtinui, ut 6to die circa noctem pruritus, tanquam infallibile incipientis discussionis & sequentis reconvalescentiæ signum, per totum abdomen & dorsum cum collapsione in rugas abdominis insecurus fuerit, lochia largissime fluere denuo inceperint, & septimo die, omnia reliqua symptomata concurrentia evanuerint ac pristina sanitas restituta ac confirmata fuerit.

Ex quibus singulis observationibus, notatu dignis, colligere licet: quod non solum inflammatio uteri & hujus inflammationis fidus comes sphacelus sit frequentissima morborum & mortis puerperarum causa; sed & ad hunc depellendum externa tam frigida quam calida, purpura licet contra indicante, & summe proficua ac licita & interdum summè sint necessaria.

(Gothæ Augustam Vind. d. 1. Jul. A. 1733.  
missæ.)

## OBSERVATIO CXLVII. DN. D. ELIÆ CAMERARII.

*Singularis malignæ Purpuræ ac variolarum complicatio.*

**N**exus morborum mirabiles, atque inerrabilem varietatem combinationum tristissimarum nulla satis ætas in lucem protrahet, juvat igitur practicos juniores haud parum

parum si moneantur exemplis pluribus de possibilitum complicationum diversitate modisque notabilioribus. Purpuram, variolasque satis, prohi dolor! norunt omnes, nec eorum inhærebimus descriptioni, nexum damus haud semper obvium. Decem annorum puer, agilis, ingeniosus, calidi sicci que temperamenti, ac præter naturam fere macilentus, circa 24. Apr. An. 1728. Catarrho, tussique molesta, ac præcordiorum affligitur angustia; Augmenta capiunt haud tarda isthæc symptomata, constringitur pectus, paulatimque ultra modum invalescunt stricture spasmodicæ circa Diaphragma, adeo ut contunderent quasi arida illa præcordia, subsultibus crebris, enormibusque continuo quassata, ea tandem violentia, ut subsiliret quasi elevatum ictibus corpusculum, magno adstantium terrore, puellique animam agentis cruciatibus miserimis. Ludebatur miserabilis hæc fabula per horas plures; excitatis per cantharides vesicis, datisque nervinis, ac liquore cumprimis Cornu cervi succinato, inunctisque decenter convulsis tam atrociter partibus remisit tantisper agitationis ferocia, durante gravi dyspnœa ac circa diaphragmatis ambitum constrictione aucta, donec aucto jam febriliter calore continua febris exardesceret, attoniti jam mali gravitate, meruque, parentes conspiciantur prorumpentem cum impetu quasi ac subito albam per universum corpusculum purpuram tot jam aliis funestam, atque adeo cutis ambitum omnem obtegentem, ut vix spatium a pustula vacuum liceret reperire. Decurrunt sic inter angustias, lassitudines, vigilias, summamque tandem infirmitatem duodecim ferè dies, paucioribus interstincti deliriis; Debilis erat pulsus, urina mediocriter tincta, tandemque turbida: Deferbuit tandem Deo remediis alexipharmacis selectioribus benedicente febrilis malignitas, atque ardor, pustulæque siccescebant tardissime; his squamularum forma decidentibus rediit appetitus debili puello, videbantur in vado esse res omnes, ita ut versus medium Maji hypocausto vacillanti gressu egredi conaretur;

Cum vero tum nova ac pertinaci Cephalalgia corripere-  
tur, inter ipsum jusculem herbis alteratorum usum (quo mi-  
nanti febrilentæ ibamus obvium) adscribebatur primum gra-  
ve malum, voracitati ac onusto præter modum ventriculo,  
sed augeſcente ad ejulatus usque pueri malo, ac doloribus fere  
redditis intolerabilibus, cœpimus suspicari quod res erat.

Decumbebunt variolis frater sororque natu minore,  
parentesque sibi persuadebant defunctum esse hoc periculo  
ægri nostrum, tum variolis plures ante annos mitius qui-  
dem detentum, tum modo malignitate albæ purpuræ ita ex-  
haustum, ut & vires deficerent, & uti videbatur pravi succi no-  
vis exanthematibus gignendis, protrudendisque apti. Ter-  
tia autem immanis Cephalalgia dies inanem ipsis spem erro-  
remque exemit, ostenditque corpusculum variolis undique  
eminentibus asperum, remittebat assurgentibus pustulis Ce-  
phalalgia intolerabilis, increvit calor, caput informe intumuit,  
pustulæ tardius mole augebantur, cum ardore ingenti,  
ac gemitibus pueri perpetuis, vigiliis nullo somno inter-  
ruptis, urina semper aurantio colore incensa, pustulæ ad ex-  
traordinariam fere magnitudinem cum summa ægri mole-  
stia increſcebant, cumque jam essent in ἀκμή, evenit id, quod  
deesse malis nostris unice videbatur, erumpebat denuo ver-  
sus Maji finem alba purpura majoribus paulo nunc pustulis  
caput collumque ita operiens, ut vix acum figere inter vario-  
las, purpuræque colliculos in cute liceret, idem conspicieba-  
tur in thorace, parcius tamen reliqui corporis ambitum inter  
pustulas ingentes parvula purpuræ exanthemata consperse-  
runt. Novæ hinc & puero & parentibus anxietates, sed in-  
fiste-  
bamur remediis bezoardicis, diluentibus, temperantibus,  
nervinis, confortantibus selectioribus ea assiduitate, ac pru-  
denti pro re nata variatione, ut tandem sub Junii initia afful-  
gere radium spei novæ gavisi simus, cum inciperent præ-  
grandes ac tumidæ variolæ siccescere, ac corrugari limpidi  
albæ purpuræ monticuli; Mitius dehinc actum remediis, su-  
mus-

musque nunc in eo, ut redeundo ad alterantia illa juscula lentæ febris, insidias heic periculumque minanti, aditus, quantum licet omnes præstruamus &c.

*OBSERVATIO CXLVIII.*

DN. D. ELIÆ CAMERARII.

*Chronica intricataque morborum complicatio.*

**A** Cutorum morborum periculosam modo dedimus complicationem, nunc & chronica, diuturnaue mala tristi serie sibi succedentia dabimus. Possunt enim sinistri etiam morborum eventus lumen Medicorum filiis accendere, ac proin sedulo annotandos pensitandosque esse dudum agnovere saluberrimæ artis Antistites. Operæ hinc præteritum nobis videbatur communicatam ab amico observationem istiusmodi Eruditorum exhibere oculis, cum symptomatum combinationes haud frequenter obvias Curiosis subministret, quarum consideratio penitior haud inutilis suo loco ac tempore medentibus esse queat. Jacobi Ulrici Leonhardi, tutoris uxor quadragenaria temperamenti ficci ac biliosi nigris prædita capillis, fusco cutis colore, inde à juventute otio, rixis, vitæque satis dissolutæ dedita istam in corpusculo suo Tragœdiam spectantium adstantiumque oculis diu satis exhibuit. Cruentatio gingivarum perpetua, vagique artuum dolores, quæ cum teste marito conflictabatur, scorbuticam videbantur innuere diathesin. Tribus juncta maritis, novercantem fortunam nunquam non experta est; Primus enim maritus eam deseruit; secundus violenta ipsi ereptus est morte, ictus quippe, lethaliter à majore arboris vento concussæ deciduo ramo. Tertius cui hoc cimelium debebatur vir, qui & ipsi post decennalem cohabitationem supervixit, duritiæ quadam & rigore singulari erga eam primis annis usus est; Nec po-



terant tam infausta matrimonia mentem parum firmam, solidamque pathematibus gravissimis, ac molestiis concatenatis non affligere, ac in intimis perturbare. Cum insuper pauciores menses tardius quoque plerumque ac non nisi post violentos ad sanguinis usque extorsionem vomitus erumperent, tantaque jungeretur Cephalalgia, ut vel tantillum radiis exposita solaribus deliquia ex doloris violentia pateretur. Hæmorrhagia narium frequens ipsi præsertim à vini, quod deperibat, abusu fuit. Melancholicos insultus diu perpeffa est, noctu cumprimis metu ac tristitia gravissime perculsa, opem Mariti implorans, fugamque è lecto tentans, mane hilaris, ac ab omni metu libera. Quadriennio abhinc signa dementiæ haud leviusculæ dedit haud infrequentia, cum prandium messoribus destinatum portaret in agrum aratro modò proscissum &c.

Cœpit hinc Ann. 1726. vacillare jam manifestius ejus saniras. Inopinato enim preces alta voce recitando loquelæ vitium ac quandam balbutiei speciem incurrit, quam tamen ne quidem à marito monita voluit agnoscere, recurrentemque constanter Vocis errorem abnegavit perpetuo, recte sibi, atque ut decet, loqui visa. Intumescabant rum quoque pedes circa malleolos, frigebantque perpetuo. Accedebant morositas, lassitudo ingens, tantaque iracundia, quæ ad verbera ac objurgationes aliis ingerendas eam incitabat. Augebatur simul corpusculi macies, & una cum ista voracitas inexplibilis. Negotiorum vero atque œconomix oblita penitus negligebat omnia, adeo ut non nisi acrius admonita vestes applicaret corpori, immo post hæc ne monita quidem, nec petiit ullum unquam cibum, & fortuito oblatum avide devoravit, celeritate incredibili decem majuscula poma vorans deglutiensque. Sæpe panem plurimum librarum obambulando admovit ori, canisque in morem devoravit maximam ejus partem inter risum ac cachinnos. Adeo evasit rerum suarum ignara, ut & urinam & alvi feces in lecto, came-  
raque

raque promiscue sine pudore deponeret, ac dimitteret, imo & astute feces abscondidit depositas, ut foetore omnibus esset gravis. Pauca tum, certaue verba per dies etiam pluscùlos continuo repetebat, ne noctu quidem cessans. Quibus tamen intervallis effundebatur in cachiannos immodicos, qui tam videntia spasmorum constrictione vibrabant præcordia ut suffocationi esset proxima.

Redibant vero mox deliræ vociferationes, ac locutiones. Tam pertinaces vero erant vigiliæ, ut per integros tres annos vix observata fuerit somno obruta, si ultimos vitæ excipias dies. Inter variantia hæc symptomata, id quoque erat notabile, quod quandoque per integrum horæ, & quod excedebat quadrantem oculos tam fixa intuitione fixerit in objecto, locoque certo ut toto illo tempore nullum corporis membrum in fibram nullam, vel minimum commoveret, catalepseos hic frequentioris exhibens imaginem quandam, quam dæmoni malo adstantium credulitas adscripsit.

Vigebant satis ad alia fibræ, hinc prunorum nucleos dentibus comminuebat, deglutiebatque; arrodebat dura etiam coria, imo & sacrorum librorum tegmina.

Abjecerat inde à triennio curas omnes, nisi quod semel agrotante gravius marito se infortunatam, si quidem ille morbo succumberet exclamarit; & quod anxie à Chirurgo expeteret secari sibi venam. Dato autem sanguini exitu vix ille amplius coërceri potuit, adeo effervescebat; Emissa cruore albida mox spissaque crusta aquæ largæ innatante abducto; Ægra tamen pluries ab operatione hac in deliquia inciderat. Omnia tunc augebantur symptomata, preces vel non poterat, vel nolebat eloqui. Etiam præeuntibus aliis; à loquela vero semper abstinuit, donec ea tandem penitus privaretur. Tandem enim sub finem An. 1726. tribus ante obitum mensibus diu jam balbutienti & tacenti supervenit apoplexia: morti jam proxima redibat tamen ad aliquod vitæ miserrimæ exercitium. Succedebat enim universalis corporis totius paraly-

sis,

sis, aphoria totali comitante, ac stupiditate profundissima. Nullam valebat edere vocem nisi qualem edit percussus canis. Durabant latratus isti dies integros, noctesque. Subinde & à clamore destitit, etiam cum rogaretur, respondere enim alias ad quæsitæ solebat eodem latratu. Oblatos ingestosque ori cibos avidè deglutivit, decreſcente tamen sensim sensimque, voracitate, ac redeunte paulatim moderato ciborum appetitu. Cum hætenus inquieta in lecto volutaretur, nunc immota penitus eum retinuit situm, quem adstantes ipsi dederunt. Auditum non penitus fuisse abolitum, ex eo concludere adstantes, quod in clamores sæpe proruperit, si de re ingrata circa ipsam miscerentur sermones; etsi & doloribus à natà ex decubitu diuturno excoriatione ortis clamores istos licuerit adscribere.

Cessabant vero stentorei illi clamores, quamdiu ori intrudebantur cibi, redeuntes mox iis devoratis. Redierunt & vociferationes, latratuum æmuli, quoties deligabantur nata brevi post apoplexiam in dorso ulcera, exorta post levio-rem primo excoriationem sevi illinitione sæpe coercitam; serpsit vero potissimum ulcus profundum in nate sinistra, ac circa femoris articulationem, eaque rapacitate depascebat carnes, ut metueret Chirurgus totalem femoris à trunco abscissionem, cum & articulatio ejus, & coccygis os, tendinesque, ac vasa hæc decurrentia prorsus nuda conspicerentur. Relicto vix tenuissimo inter genitalia rectumque intestinum isthmo; pedis ejusdem inferior pars passa quoque est ulcera, nec immunis mansit circa malleolum pes alter. Fœtorem hinc cadaverosum circa ultima vitæ tempora intolerabilem prorsus fuisse ajunt adstantes, etsi biduo ante mortem, fere penitus evanuerit fœtor iste, ac morte appropinquante omnino gravis esse desierit. Fuderant ulcera pus bene coctum, multo plerumque sanguini mixtum ob erosam numerosa vascula.

Aliquot ante obitum diebus convulsivis motibus agitati fuere arrus, labia, oculique exsuccæ effœtæque partes; artus enim dudum rigidissimi flecti nulla ratione poterant. Paucis ante obitum horis memorabile sinister oculus obtulit phænomenon, ruptus sponte sua, ac ejiciens contentos humores, quos defluxisse per genam conspicabuntur attoniti adstantes. Dexter oculus integer mansit palpebris etiam post mortem haud collapsis. Adeo lentis, si loqui ita liceat, gressibus deseruit anima ac vita foetidum hoc & diffuens tabo tugurium; lentissimè incrementum Cachexia aliis malis imponente colophonem; adeo pertinaciter resistebant imminenti dudum neci levidentes quædam vitalitatis in Cerebri cordisque penetralibus reliquæ. Id adhuc ad prolixam hanc malorum seriem addemus: Chirurgum ob vigilias tam pertinaces exhibuisse semel opii binagrana, quo simul & horrendos compesceret clamores, ortumque hinc esse noctis unius somnum, sed vigilias postea æque pertinaces & clamores recurrisse pristinis terribiliores: Sitis intensa fuit ad vitæ usque terminum. Cum vero immineret apoplexia, frequentior narium hæmorrhagia penitus cessavit, mensesque, paulatim antea multo tardiores, tunc penitus emanfere. Sed satis est miseriarum!

*OBSERVATIO CXLIX.*

*DN. D. ELIÆ CAMERARI!*

*Tardior acuti atque immedicabilis mali progressus.*

**R** Educes ex oppido, domumque properantes Rustici à perulantia, jocisque, ad lites, indeque ad verbera progrediebantur. Gestabat eorum unus, pagi prætor, baculum manubrio ferreo quatuor pene unciarum ornatum, hunc ipsi

luctando eripuit socius, ejusque caput aliquoties graviter percussit, repetiitque ictus reversus in eo ad pugnam turbabatur hinc corpore animoque percussus, atque aliquandiu alius focii brachiis sustentabatur. Itum dehinc domum est, eademque adhuc vespera vocavit ad se læsus pugnae istius rusticanae spectatores atque testes, citavitque eos, ut testimonium perhiberent altera die coram oppidi Praefecto, ad quem & pedes iter ingressus est, neglectis vulnusculis suis, vel obiter satis curatis, neque enim Medicum vel Chirurgum accersivit, hausto in via vini spiritu, in urbis vero diversorio mero largiore, rediitque ita demum, urbem tamen brevi repetens eadem alacritate, etsi turbidum quodammodo circumgestaret caput, quas tamen durus homuncio turbas, nebulasque capitis rustico contempsit supercilio, donec versus octavam ab acceptis verberibus diem & gravitas capitis incresceret, & vertigo affligeret, quæ quidem novæ atque augescentes molestiæ hominem sua vulnera hactenus negligentem, ac leviculas vocitantem excoriationes coëgere, ut ex vicinia evocaret Chirurgum, qui nona à vulnere accedens die, cum vertigine ista, capitisque obnubilatione haud levi afflictum invenit, scrutanti vulnuscula id, quod supra sinistram orbitam oculi inflicta fuerat, mox obtulit scabritiei fissuraeque in cranio vestigia, alterum in summo capite erat, neutrum unciam longitudine superabat; ægre passus est abradi capillos homo torvus, nec lubens admisit sacculos ex herbis, una cum Emplastris adhibitos; sed ne tum quidem itum est ad medicum, nec adhibita sunt interna quæ obviam malo irent remedia. Jussus est Chirurgus non nisi triduo quovis redire, imo se ad ipsum venturum promisit æger, sibi satis valere visus. Sub istis vero Chirurgi visitationibus increvere capitis nebulæ, & vertigo & torpor, adeo ut cum sexta mensis die accidissent vulnera, nonaque abhinc die Chirurgus fuerit accersitus, cum dierum numero incresceret funestum hoc latitansque malum, donec vigesima sexta mensis die Medici tandem inci-

incideret mentio, qui & tardius adhuc vocatus invenit ægrum sensibus jam, ac mentis vigore penitus orbatum, trahentemque rhonchos, facie rubente. Jam vero de Trepani applicatione tandem cogitatio subibat, eoque frustra per biduum in vicinis quæsito oppidis, jussit Medicus fabrefieri terebrantem modiolum axe instructum, quo versatili ac terebranti machinæ utcunque aptato, perforatum est cranium, eductaque cruoris semiuncia, turgebat subtus tensa ultra modum dura mater, retraxere autem manum Chirurgi, ac nocte insequente spiritum reddidit Creatori, qui dudum obdormiverat alto sopore, ægrotus.

Parvula reperta est in extima frontis tabula fissura, quæ & in summo capite erat læsa, lamina vero intima integra erat, uti totum spississimum quaquaversus cranium, tumida meninx ostentabat vascula turgentia ac sub se aliquid cruoris. Cerebri vero utrumque hemisphærium erat integrum atque aspectu primo illibatum, etsi tensum. Secta autem in sinistro latere corticis portione vulnuscule frontis respondente, mox profiliit sanies cavitasque se obtulit puris, laticisque saniosi continens binas circiter uncias, exundantes replentesque etiam istius lateris ventriculū. Ita quidem in sanissimo homine (nulla enim alibi inventa est labes) ferrei manubrii rudi manu inflicti ictus & externum cranii fregerunt laminam, & succussione violenta in ipso cerebro interiore per-rupere vascula quædam, & quasdam mollissimi visceris fibrillas; quam vero illæ tardissime effundebant hunc laticem suum, & quam lenta fuit, satis tamen acuta atque immedicabilis suppuratio. Quam funestus rei tam levis visæ exitus! quæ hic trepani applicatio detexisset latentem sub sani in speciem fornice Cerebri subdolam lethalemque vomicam? Adeo quidem multa sunt, quæ ipsi etiam Trepano se obijciunt obstacula, quæque ejus usum haud raro inhi-beant, vel suspendant Chirurgi etiam exercitatissimi paratam ad operandum manum. Forsan dura Matre incisa sensim sibi



natura sanie gravata parasset per istum corticis integrum adhuc fornicem viam, quis vero id sibi aliqua certitudine promiserit? nec tum quidem spes affulsisset melior, actis jam profunde nimis saniei aggestæ cuniculis, quæ sane Hecticæ phthiſeosque cerebrinæ species quavis pulmonari periculiosior funesta fuisset eo celerius, quo penitius nunc subiens aër accelerare putredinem, ac promptiorem tragœdiæ non potuisset non imponere finem &c.

## OBSERVATIO CL.

DN. D. ELIÆ CAMERARII.

*Insolitæ egredientis sanguinis Via.*

**V**irgo annorum 38. tribus circiter abhinc lustris cruento vomitu enormiter laboraverat, incidit dehinc fluxu hoc coercito, in Cacochymiam diuturnam cum tumore totius dextri pedis ingenti, sensim vero à malis istis extrema quæque minantibus liberata redit ad labores, illisque fungitur per plures annos, non tamen sine insigni molestia, cum nunc pedum ulceribus torqueretur pertinacibus ac molestissimis; sed et ista Emplastris tandem, internisque remediis coercita coaluerunt, rediit vero dehinc infausto regressu sedecim abhinc mensibus cruentus, largissimusque ad deliquia usque vomitus, cum dejectionibus cruentis, afflixitque non semel tantum misellam, verum visceralibus, tonicis, absorbentibus hystericisque remediis id tandem effectum est, ut & metuentum symptoma reprimeretur, & per alterata juscula ac theaformia ex congruis herbis infusa sanguis vigori aliquali restitueretur, redirentque in ordinem suum, qui in ataxiam desciverant, menses. Venæsectio tempestive instituta ita eam præservavit à malis istis, ut sufficeret gravioribus etiam laboribus, sed nec ista, nec mensium fluxus sat regularis impedire poterant, quo minus semestri abhinc ex ea regione, ubi coaluerant

luerant ulcera, sanguis solo naturæ motu ex triplici quasi fonticulo inciperet exilire hacque effusione sanguinis vis ingens erupit, quantum quidem venæsectione educere ausa non fuisset Chirurgi manus. Agit illa hæcenus inter labores suos alacris, ac paucis abhinc diebus dum menses rite stato tempore fluerent, novam experta est sanguinis non extillationem, sed salientem ex aperta arteriola solo naturæ orgasmique molimine rivulum non jam ex cicatrice antiqui sanati-que ulceris, sed ex opposita pedis integra, & nunquam antea læsa parte; adeo ut à Chirurgo haud facile sisti potuerit effluxus, rediretque sub quavis nova deligatione, perdiditque etiam hac vice virgo hæc largam sanguinis molem, vix quidem si præsentem respicias statum, ægra dicenda. Adhibens tamen ad sanguinis vigorem, consistentiam, motumque & moderandum & intra cancellos servandum alterata juscula infusaq; herbarum. Non æque salutariter fluxisse sanguinem Infantibus plurimis, variolis malignis nuper in vicinia decumbentibus observatum est; præter enim plures, quorum variolæ elatæ turgabant non pure, sed sanguine, interspersis livescentibus petechiis, quæque & ruptæ largiter effundebant purpureum hunc laticem, duæ cum primis allegari hic merentur puellæ sæva hinc symptomata expertæ. Prima annorum non omnino quatuor decubuit per octiduum continua febre, soror ejus natu major laborabat eodem tempore variolis, ultra modum omnem violentis, ita ut suppurascencia largissima abscederet cum capillito capitis tota cutis; hæc evadebat, altera liberatur quoque à febre sua, mox vero adhuc alacris incipit conqueri de dolore annularis sinistræ manus digiti, ac si contusus ille fuisset violenter, brevi post superveniunt convalescenti, ut videbatur, huic puellæ vomitus frequentissimi ac prorsus terribiles plusquam viginti, incipit digitus dolere magis, & intumescere & livescere. Aucto calore incipiunt emergere passim per corporis ambitum pustulæ tardius tamen elatæ, & mox in medio ostendentes foveolam, interstin-

guunt pustulas maculae petechiales caeruleascentes, digiti illius articulus extimus per triduum mire increfcit ut referat tandem majorem nucem juglandem, rumpitur tertio die tumor, incipit largiffime stillare per diem noctemque fanguis ater ad plures libras; pustulae collabafcunt, ex ruptis non pus fed flava extillat fanies aquofa ac tenuis. Subito digiti crudeliter & pertinaciter stillans fanguis fubfiftit, fed graviore noxa adgreditur mifellam vomitus attri corruptique fanguinis largiffimus violentia fua & vigoris & fanguinis reliquias largo flumine ejiciens, qua terribili effufione facta, fatifcentibus viribus diarrhoea accedens miferæ vitæ impofuit finem. Altera, quamque memoravimus fupra ejusdem ætatis puella exiccatam gestabat in angulari labiorum coalitu pustulam feu efcharam cum variolarum infultus primos pateretur, factum hinc, ut etiam pustulis prodeuntibus increfceret efchara illa, tumefceret, ferperetque & rumperetur, profundens citatis stillans fanguinearum guttarum fluxibus atrum cruorem per horas plufculas largiffime ad multas uncias, efchara amplum jam occupante oris fpatium, fubftitit tum fere penitus fanguinis effluxus, fed fimul inter variolas nigrefcentes maculae confpergebant corpusculum, illudque fphacelofa necrofi tradebant neci.

## OBSERVATIO CLI.

DN. D. ELIÆ CAMERARII.

*Morbus Epidemius fingularis.*

**H**Abent plerumque vagi aliquid atque incerti Epidemii morbi, faciuntque omnino operæ pretium, qui anomalias eorum & variationes fæpe mirabiles publico exponunt; undenece id vifum eft ufu fuo deftitutum, fi abeuntes ab ordinaria, ut fic loquar, morborum fcheſi ægritudines, fi cum primis Epidemica quadam diffufione graſſari, pluresque fucceſſive adoriri conſpiciantur, annotentur, publicisque inferantur tabulis. Anomalus iſtiusmodi morbus in pagis plu-

pluribus verno cum primis tempore proruperat, magis tamen afflixit unicum pagum, in quo frequentior longe ac fere immitior se per plures exhibuit, defavitque menses, molestia insigni incolis gravissime incumbens, pluribus quam quadraginta agris sensim sensimque eo malo tortis. Etsi acuto ad necem decursu agros haud abriperet, ingentes nihilominus in angustias redegit eos, quos adoriebatur. Adgrediebatur vero juniores æque ac adultiores, senesque lassitudine omnes ingenti corripiebantur, caligabant oculi, ac quadam quasi nebula suffundebantur, ut quidam ne legere quidem amplius potuerint, turbidum erat caput, & stupore quodam obvelatum, symptoma autem præcipuum erat tremor insignis quaquaversum in corpore obviis; adeo autem apud nonnullos invaluit tremor, ut familia integra ob tremoris vehementiam pertinaciamque preces amplius fundere haud posset. Jungebatur & præcordiorum angustia & respirandi difficultas; quidam laborabant mitius proteiformi hoc malo, ita ut & aliquibus adhuc, etsi ægerrime, pares essent laboribus; alii vero diutissime torquebantur, quidam totis septem hebdomadibus, imo & rusticorum aliquis per integras octodecim septimanas sustinuit infaustum tremorem, languoremque subdolum. Appetitus non erat prostratus; nec somnus adeo impeditus; quamvis & in lecto tremeret loci Pastor, tribus quoque, septimanis afflictus tremula lue.

Præcesserant per hyemem totam ferocissimæ tusses; sed & morbus per violentam solvebat in pluribus tussim, qui tamen de juncto excreationi fœtore ingrato conquerebantur; febris manifesta morbum haud comitabatur, etsi tussi puncturæ præcordiorum junctæ fuerint; Largior ac diuturna coryza in aliis colophonem morbo imposuit, in aliis autem sudor, qui à potu sumpto mox largior invasit, eratque sudor ordinarium symptoma.

Diarrhœa in quibusdam agris morbum solvit, quemque jam memoravimus, Rev. Pastor, tribus integris septimanis  
qua-

quavis nocte diarrhœa fuit vexatus. Causam quam assignarent malo vix inveniebant rustici, tempestatum vicissitudines alii accusabant, alii suspicabantur temulentas lolii noxas, alii funesta jam alibi fecalis adusta grana (les ergots multis jam famosa noxis) nec certum tamen aliquid & ultra vagas assurgens conjecturas licuit inde exsculpere.

## OBSERVATIO CLII.

DN. D. ELIÆ CAMERARII.

*De Villis Tabificis.*

**E**pidemica Boum lues à Celeberrimis Medicarum scholarum Antesignanis attentione singulari indigna habita non fuit, qui & doctissimis rem difficilem dissertationibus majori in luce ponere dignati sunt. Merebimur igitur & nos veniam, si de pecorum morbis Endemiis heic adducamus ea, quæ Clar. Medicus, *Georgius Fridericus Mohr, L.* amice recensuit. In oppido Hornberga (sitro in vicina nobis Hercynia, uti antiqua denominatio habet, sylva) ejusque vicinia numerosas inter rusticorum Villas nonnullæ insignitæ sunt titulo *Villarum Tabificarum* (*Dorrhöfe*) quoniam pecora bovina (atque in quibusdam etiam capræ) quæ in illis aluntur, Endemio corripì solent morbo, cujus vi consumuntur ac tabescunt: nulla unquam vel curationi, vel præservationi adæquata inventa medela. Vituli ibi nascuntur sani, capiunt augmenta, dum lacte utuntur, egregia, mox vero, ubi aquas haurire incipiunt, evadunt macilenti, trahuntur intro rhachiticorum quasi more hypochondria, cum difficili respiratione, decrescit appetitus vorandi sensim sensimque, donec tandem abhorreant & à fœno, & à gramine, consuetis pabulis; vescunturque tum (quadam quasi picæ analogia) stramine, fimo, putridis lignis, scopisque dudum exsuccis, attitisque sitiunt vehementer, excrementa indurescunt, minoresque ac caprinos quasi in globulos coguntur; serpunt per linguam nati sub integumentis ejus aliqui vermes, gingivæ intumescunt, dentes soluti quasi incipiunt vacillare, tandemque vi-

vere

vere desinunt vituli. Quo magis vero mole ac ætate augentur hæc pecora, eo minus sunt huic malo obnoxia, faciliusque illi & resistunt, atque illud superant felicius. Incipit vero plerumque morbus autumnò, vehementer sævit, increfcitque hyeme, verno autem tempore mitefcit, cessatque. Contagium vero hic nullum metuendum est, nec serpit per miasmata in alia pecora malum.

Inter ipsas has Tabificas villas haud exigua intercedit differentia. Maxime vero infestat malum hoc Villam, horæ spatio ab oppido remotam, dictam Tiefenbach, ibi enim nulla prorsus educare atque alere licet pecora nascentia, sed vendendi sunt vituli omnes, stabula vero replent annuis juvenis. Gestantes utero Vaccæ (quod hyeme plerumque contingit) in aliam transferuntur villam usque ad tempus depositionis molis uterinæ. Quædam Villæ hoc saltem habent incommodi, quod vituli per unius spatium hyemis in aliam transferendi sint Villam ad malum hoc evitandum. In aliis villis suspectis vitulos ultra bimestre alunt lacte, ut robustiores dehinc satis resistent malo sine translatione. In villis quibusdam etiam annosa pecora transferenda sunt, novaque quovis triennio substituenda.

Si causam requiras mali, varias suspicantur incolæ. Cum primis observant aquam è villarum noxiarum fontibus scaturientem esse impense frigidam, imitem (*Hart*) ac quovis crystallo clariorem, cum in villis melioribus aquæ sint moderate frigida mitiores (*Matter*) minusque pellucida. Suspiciantur quoque frigidissimas illas aquæ venas fluere per mineras æris. Alii in terram stabuli refundunt culpam, cum effusa illa ingestaque nova visum sit mitefcere malum, stabula quoque profundius in montem penetrantia magis obnoxia sunt malo. Cum morbi orientis se produnt indicia, ab exhibitione salis abstinendum est penitus, noxia quippe ac malo incrementa subita procurante.

Inter Juvantia primas tenet translatio, unicum quasi remedium. Lingua vermibus opponunt frictionem latere fa-



etiam, succedentemque huic fortiolem cum sale & fuligine frictionem. Tumidam circa dentes carnem acuto scindunt passim ferro, usque dum fundat sanguinem, vulneratamque fricant nasturtio atque urtica. Forti tandem atque assidua purgatione sanatum fuisse vitulum quendam asseverant.

Observatum porro est in Villa Cunradi Hildebrandi diversum haud fuisse effectum, siue pecudes fontis aquam hauserint, siue ex rivo vicino fuerint potati. Pecora frequenter per regionem istam circumacta ac alio deducta, libera semper fuere à malo. Pabula crescentia circa villas noxias sunt prorsus innoxia, alienisque in stabulis, villisque commode ac sine noxa semper fuere exhibita pecoribus. In Hornbergenſi oppido tria quatuorve sunt istiusmodi noxia stabula, quorum tamen pecora eandem hauriunt ex eodem fonte aquam cum pecoribus stabulorum innoxiorum. Unica à villa pessima Tiefenbachiana hora distans alia villa saluberrima est; in quam transferuntur ad sufficiens tempus pecora priori malo tacta donec convalescant; agri, ac prata villæ utriusque sunt contigua ac contermini, rusticique villæ noxiæ fœna sua convolvunt in horrea alterius villæ, ut habeant transferenda hyeme pecora quo vescantur. In villis quibusdam morbus non nisi tertio quovis, aut quinto imo in aliis decimo saltem anno sese exerit, nunc fortius, nunc debilius. Dum spirat è Septentrione ventus subita sunt fortioraque morbi incrementa. In eodem Hornbergenſi oppido eadem domus duo habet stabula quorum saluberrimum est alterum vero pessimæ ex hoc malo notæ, huiusque pecora malo se prodente transferuntur in alterum vicinum, donec convalescant. Supra jam monitum est nullum hic metum esse contagii, promiscue enim ex stabulis non suspectis pecora transferuntur in illa quorum pecora graviter laborant. Nemo à lacte laborantium abhorret; carnibus vescuntur sine apprehensione ulla. Qui extincta quædam aperuit, rimatusque est pecora defuncta Lictor asseruit, deprehendisse se exsuccum, exsiccatumque quasi omasum.

## OBSERVATIO CLIII.

DN. D. ELIÆ CAMERARII.

*De Endemiis quibusdam morbis.*

**Q**ui pecudum modo morbos dedimus ex recensione Clarissimi Viri, nunc & hominum Endemios morbos eodem ex fonte hauriamus. Ejusdem loci Incolæ gravibus urgentur malis; Infantes verò potissimum torquet Rhachitis, prodens se frequentissime atrophiam, inappetentiam, sitim, asthmate, Tussi ferina, sicca, ad vomitus usque concitationem, costarum, ac sterni cartilaginum distorsionibus, ac emotionibus, tumore abdominis eaque pedum paralyfi, ut eis ne insistere quidem amplius queant; accedit iracundia, facilesque ad eam motus ex re qualibet, usque ad spasmodicam respirationis interceptionem, indeque oriundos tandem convulsivos motus, Alvo nunc libera nunc constipata, junctisque subinde vermium excretionibus à purgantium usu. Neque tamen Rhachitici manent pueri, sed vel superant morbum penitus, vel ab ipso haud adeo lente ad tumultum promoventur. Facit ad genesis mali frequentem puerperarum crudior diætâ, juscula cum pane secalino largiori fermento imbuto facta, cibique duriores, & crudior aqua; infantibus vero exhibent pulmenta spissa ex farina saltem crasse comminutâ; accedunt inferti tenellorum ori pro suctione nodi masticato pane secalino, acidior repleti; potus frigidioris aquæ ac male recti corpusculi expositio injuriis rigidi aëris; & facta ablactatione usus & frigida aqua, & lactis diu in frigidissimo fonte à coagulatione præservati.

Sunt præterea & pueris & adultis herniæ admodum frequentes. Illis quidem ex duris matrum in ascensu descensuque montium laboribus, quibus fit, ut frequenter pueri nascentur herniosi; his vero ex labore magno, montiumque

ascensu perpetuo. Nulla hic ætas excipitur, cum & omnes sanguine acriore, ac cruditatibus ex pravo victu acidis abundant: (Quod & circa Rhachititem monendum erat) hinc flatulentia, alvi constipationes, tormina, ac intestinorum variorum torsiones, unde clamores infantum fortissimi, tendentes, dilatantesque ultra modum tenellos peritonæi processus.

Scorbutica pariter dispositio hic frequentissima est, quo allegata jam causæ plurium conferunt, frequentissimæ asperioris aëris mutationes, vicinia cingentium hæc loca montium, sylvarumque; unde jugiter ascendunt conspicui etiam post pluviam halitus densi, instar surgentium ex igne accenso fumorum; venti nunc frigidissimi, nunc mitiores, at humidiores; nunc glacialibus foeti particulis; ex tam variis spirantes plagis creberrimis vicissitudinibus nova semper aliaque miasmata huc convehentes; inque istas valles arctas quasi intrudentes. Aquæ fontanæ frigidaæ suo contribuant rigore immo & torrentium aquæ neque ad loturam, neque ad hortorum usum sunt aptæ, ob duritiem quam vocant, plantis inde rigidioribus factis; Corrigitur vero mora ac stagnando per aliquot dies; recens vero pratis est convenientissima, cum gramina à musco liberet. Habent enim à nive solutâ characterem quoque peculiarem, qui pratis foecundandis simi instar inservit, sive hanc à nitro foecundationem sive aliunde malis derivare. Scorbuti vero hujus (neque enim eadem est semper ac ubique morbi funesti facies) hæc sunt symptomata: Lassitudo ingens, vertigo, Cephalalgia, frequentes parulides, cruentatio atque exulceratio gingivarum, sicca scabies, maculae modo lividaæ, modo rubraæ, lancinantes artuum dolores in morbi cumprimis exordio. Etsi verò hi sint scorbuti symptoma dolores, peculiari tamen schematismo arthritidis hic quoque endemia est & frequentissima, sine tumore crebro, sine dolore, ac calore præternaturali. Minus enim frequens est arthritidis vaga, quam vocant hic arthritidem Erysipelati junctam. Obnoxii vero his malis sensiles admodum

evadunt, omnisque frigoris impatientes, utpote à quo gravissime afficiuntur, nec ferunt ullum aeris rigorem. Factum hinc est, ut omnes queis cum conflitantur morbos, quibusque crebro succumbunt, chronicos derivent à refrigeratione, unicâ quam accusant causa. Foeda quoque scabies ad ipsam quandoque lepram inclinans hic rara non est in gente dura, aspera, ac remediis nullis assueta, potuique largiori spiritus vini dedita ultra modum. Nec tamen hæc obstant, quo minus hic senes 80. imo 90. annorum sæpius fere quam alibi in regionibus mitioribus occurrant. Sita enim est Hornbergæ oppidum in valle septem fere horarum longitudine protensa, inde à Triberga oppido, ad Hausach oppidum, ubi alluens Hornbergam amnis (Guttach) in fluvium Kinzach, & cum hoc dein Rheno illabitur. (est enim vicino Cœnobio San-Georgiano Villa, cujus tecti stillicidia ex uno latere in in Danubium, ex altero in Rhenum defluunt) Diversissima est tractuum hujus vallis temperies; in principio ejus Tribergæ omnia aspera, ac frigore horrida; Vix alicubi secale provenit, avenam potissimum serunt, sub nive maturitatis tempore sæpe protrahendam; Vix alii hic fructus, quam cerasa conspiciuntur; Aratro hic locus non est, sed ligoni, duroque brachiorum labori; neque currus hic inveniunt spatium; exuruntur radices lignorum in agris pro fœcundatione; Nudis ista pedibus peragunt Solis æstu frigorisque rigore duratis ac quasi adustis. Calcei, si iis utantur, semilignei sunt, ex stramine pilei, vestes ex textis crassiori filo tinctisque nigredine linteis. Mitior est Hornbergæ conditio. (distantis à Triberga integro miliari) Etiam hic secale (vix frumenta alia) pisa aliaque legumina parcè, omnia tamen olera latè crescunt. Terra est arenosa, durissimi silices, fontes in summis montibus frigidissimi ac crystallini scaturiunt; nec desunt medicatæ aquæ tum pro balneo odore sulphur redolentes, turbidæ, nec unquam claræ. Contra Rhevmatismos ac scabiem adhibent aquam illam; & contra oculorum morbos, qui inflam-

mationem junctam non habent. Tum & acidulæ dictæ Mosenbergenses, in quibus & reagentia Martem produunt, & sapor. Nec desunt culturæ quondam his locis mineræ. Sunt & filices nigris candidisque maculis venulisque capillaribus rubentibus distincti, in quibus aurum latere suspicantur. Trutæ hic, apuæ & Salmones ac lutræ capiuntur. Feræ sunt Capræ, & latentes in montium fissuris Meles. Oves hic pereunt ob pingua pascua & nimis humida, nec loturam quidem aquæ sine perniciæ ferunt; hinc numerosas substituunt capras. Ex avibus Tetrax, Gallinago, coturnix, nulla alauda, rara ciconia, rarus passer. Abies inter vegetabilia ac pinus abundat, non deest acer; Rubus uterque, Myrtillus; Abundat & juglans arbor; inter herbas digitalis, Genistæ tres species, polypodium, salvia flavo flore arthritidi balnei modo opposita; Meum, Trifolium fibrinum, Bistorta, Arum. Bellis minor, Papaver erraticum, & chamomilla sponte hîc non nascuntur. De victû illud adhuc monendum, incolas alia carne vix vesci, quam suillâ pinguiore, ac fumo lente indurata, acriterque salita. Lardum Westphalico haud cedit. Hæc in medio vallis; in fine, Hausaci, omnia frumenta, legumina, fructusque, olera, imo & vina latè proveniunt; adeo diversis brevi in spatio gradibus sua bona dispensat ditata tor miris donisque à Creatore Natura.

## OBSERVATIO CLIV.

DN. D. ELIÆ CAMERARII.

*De variolis verrucosis.*

**V**ix ullibi magis rō *Deſon* elucet, quam in variolis; malum hoc universale propemodum tam inæquali sorte affligit mortales, ut frequenter quidem benigno placidoque decursu nullam ferè agris Medicisque creet molestiam; ex adverso verò frequentius eâ se exerat subdolum malum maligni-

lignitate ac infido successa, ut quæ blandiri in principio videbatur morbi mitior visa species, mox apertè extrema minetur omnia, tendatque in destructionem Machinæ tam fœda scabie undique obsessæ. Fatendum tamen est sæpe in principio tristissimam esse morbi incrementis faciem, diris se convulsionibus exerentem, æstu ardentissimo, pectoris oppresione, dentium stridore, enormi vomitu, & quibus non malis comitatam; quæ tamen prævalente tandem pustulasque protrudente natura promptissime mitescunt, locumque faciunt blandiori atque æquabili decurrentis decenter morbi ad ἀκμὴν suam ipsamque declinationem usque schematismo.

Quantacunque igitur curâ tot insignes medendi arte Viri describant hanc infestam generi humano luem, nunquam tamen non novâ se offerent in morbo fere proteiformi schemata, novæ circumstantiæ, ac symptomatum combinationes, quas subinde omnes attendere, publicoque impertire commodo utilitate haud poterit destitui. Locus hic non est excurrendi in varietatem inenarrabilem pustularum, obviarumque circa earum genesin, incrementa, omnemque decursum circumstantiarum, non attingemus jam cœrulescentes, petechiis interstinctas, nigricantes, tristique aspectu horridas pustulas; Nec erit sermo nobis de earum exiccatione æquivoca, sub quâ vidimus variolas jam siccescentes adeo plene esse retrogressas, ut earum nec vola, nec vestigium superesset. Unicam tantum eamque singularem memorabimus siccescendi rationem, quæ observata est nuper in pluribus malignis variolis decumbentibus pueris, quæque inscriptum observatio ni huic titulum nobis suggessit. Via quidem ordinaria pustularum ad maturitatem accedentium ea est, ut rumpantur, effundantque contentam saniem lectulos atque indusia tingentem frequentibus maculis, observavimus autem non infrequenter effusionem illam saniei non successisse consueta abundantia, non solum ob saniem in gelatinam quasi concrecentem, sed & ob pustulas ad siccitatem puriorem promte tendentes.



dentes. Recordor inter exempla alia puellæ, quæ nunc in matrimonio degit, in prima autem juventute eodem in hypocausto cum fratribus fœdo decubuit morbo, quibus omnibus sub declinatione sanie perfusis, sola hæc ne unâ quidem indusium lectumve maculâ fœdavit, sed pustulæ ejus omnes non siccatæ solùm sunt, abieruntve consueta ratione in crustas escharasque, sed obduruerunt brevi tempore in verrucas (harum enim faciem exactissimè referebant) decedentes longè tardius quam quidem aliàs crustulæ solent pustularum ordinariè. Sunt vero heic nobis memoranda alia ac recentiora exempla terminationis variolarum ac pustularum praviæ, quæ non paucis funesta fuit pueris. Et hi quidem insolitam offerebant pustularum adolescentium faciem, neque enim illæ sanie sua turgentes in cutis superficie hemisphærica formabant, sed cum pervenisse ad *acmum* videbantur, siccescendo aliam sortiebantur figuram, comparebantque passim frequentes, in dorso cumprimis pustulæ tales anomaliæ ac degeneres, quæ nec videbantur hære in cutis superficie, nec sanie sua turgidæ, sed profundius mergi conspiciebantur in carnes, imo quasi ad ossa penetrantes, in intimis radicatæ, ambiens eas cutis abscedebat ab illarum continuitate, formabatque cum substrata carne recedendo à pustulis foveolam, seu fossulam, in cujus medio pustula insulam formabat, vel potius cylindrum verrucosum è profundis emergentem, carnis subrubentis colore tinctum pallidiusculo.

Quid vero de funestis illis variolarum verrucas ex asse profunde radicas referentium cylindrulis dicemus, cur tam pravi illos moris esse deprehendimus? breviter dicam: videtur status ille corruptionis singularis species esse necroscos aut sphacelationis, quæ sane non eadem ubique est. Novimus quidem horrendam variolis in sphacelationem euntibus obventum faciem, atrum illum cruentumque, post laceratas pustulas cutimque, aspectum, fauces nigerrimas, horrendam corpusculi defigurationem; hîc vero illa non æque conspici-

tur;

tur. Alius generis est hæc necrosis, hæc facit à pustulis abscedere cutim carnesque, hæc foveas illas format ambientes cylindrulos corruptæ carnis, ac pustulæ verrucosæ atque exsuccæ; uti alias in pestilenti petechiâ observant Medici pyramides sphacelosas, à petechia tanquam apice ejus profunde ac larius per carnes descendentes atras. Hic alia species putredinis sphacelosæ obtinet, quæ à summe inflammata gangræna haud oritur, sed à putrida mortificatione isti æquivalente; uti aliâs chronicè vidimus factum in tibiis plurium hydropicorum lenta putredine abscedentibus emortuæ carnis foedioribus frustulis, eâ solum differentiâ, quod hi variolosi cylindruli, cingentesque eos fossulæ, acutissimæ putredinis tristissimi testes, vitam miserrimam cum morte subitanea celerius commutarint.

(*Tubinga Augustam Vind. An. 1728. d. 2. Jul. missæ.*)

## OBSERVATIO CLV.

DN. D. JOH. FRIDERICI HENCKELII.

*Arsenico enecati Sectio.*

**V**iri 40. annorum corpus ex sepulchro effossum, ubi dies 14. jacuerat, die 23. Januarii, ejusque maxime gelidi, cultro meo anatomico expositum sequentia consideranda docuit. 1.) Externè apparebat illud plerunque rubrum (inprimis in facie & versus aures) aliquibus saltim in locis hinc inde notatis pallidis intersticiis; in femoribus, præsertim eorum sinistro quinque gangrænodos, partim parallelæ, partim radiatæ digitum minimum latæ & forte ita longæ striæ incurrebant in oculos; ubi ad hæc ab adstantibus significabatur, ante sepulturam oris quidem labia rubra, reliquam faciem vero pallidam fuisse; ex ore effluebant nonnullæ guttu-

læ liquoris loturæ carniū instar. 2.) Abdomen non tumidum, sed undique suggillatum, inprimis in sinistra parte, inde à papilla, in dextra latam manum infra papillam, pariter & ibi versus latus magis, quam hic. 3.) Integumenta abdominis singula intime suggillata. 4.) Omentum pariter à dextra parte laceratum & corruptum, ita ut intestina hujus lateris à pyloro usque ad inguen, & lateraliter usque ad umbilicum plane nuda se conspectui darent; quo magis vero sinistrorsum tendebat, eo magis integrum, minorisque & tandem nullius corruptionis obnoxium. 5.) Intestina tenuia, inprimis ileon, inflata, & dextrorsum putrilaginosa; crassa vacua flaccidaque. 6.) Ventriculus, œsophagum versus tumorem aliquem, ad ovi gallinæ magnitudinem, tum exterius tum interius præ se ferebat, colore vero ab ambiente parte notabiliter non diversum, neque quicquam continentem atque ita ventosum. 7.) Duos digitos latos infra pylorum videbatur macula bruno-flava, pollicis articuli magnitudinem æquans, in intimam tunicam penetrans, ubi tamen color magis ad obscurum vergebat. 8.) In tunica villosa duæ fere tangentes invicem; versus pylorum se extendentes maculæ rubicundæ, quarum una tres digitos transversales lata, altera paulo minor erat. 9.) In eadem tunica duo angulosa, magnitudinem eines Dreyers referentia foramina, atque ita tunicam nerveam nudam præsentantia, alterum versus pylorum, alterum versus œsophagum, quorum labia recentia non purulentâ. 10.) Reperiebantur in ventriculo dispersa aliquot granula arenæ instar, circumspecte eluenda, quorum duo majora seminis raparum molem æquabant, ceterum alba, dura, angulosa, & inter dentes stridentia. Eorum paucitas, quæ vix ad grani dimidium accedebat, non permittebat multa experimenta, quæ in causâ veneni instituenda alias veniunt, interim materiam istam plane insipidam, vitream, in lamina argenti super carbones ignitos positam fumum album reddentem penitusque volatilem comperi.

ri. 11.) In intestinis tenuioribus, imprimis in duodeno, ut & quadantenus in ventriculo continebantur liquoris fusci fibro-  
sique unciae forte quatuor. 12.) Crassa vacua ac flaccida.  
13.) Hepar, splen, & renes sana. 14.) Cor sanum & ingens,  
ejus dexter ventriculus vacuus, sinister spisso cruore opple-  
tus. 15.) Pulmones integri; nisi quod vasa ipsorum sangui-  
fera cruore infarcta atque ita substantiam suam parenchyma-  
ticam plumbei nigrique coloris suspectam reddiderint.

Hiscæ de phænomenis ut adderem, quid sentirem, renun-  
tiavi 1.) sectionem dictam, utut in corpore jam ab aliquot  
diebus sepulto factam, non obscuram, quin cadaver, idque  
sine dubio à tempestate gelida ita conservatum & compara-  
tum fuisse, ut quæ hic adnotavi omnia, plenam fidem me-  
reri deberare queam. 2.) Neque corruptionem integumen-  
torum abdominis & omenti ab aliquo saltim nempe dextro  
latere existentem, neque maculas rubras inflammationem re-  
dolentes ventriculi, multo minus foramina tunicae villosæ  
ejusdem in corpore ut mortuo, sed in eodem ut adhuc vivo  
eoque athletice sano obortam. 3.) Causam putredinis gan-  
grænosæ, inflammationem. 4.) Inflammationis hujus ut &  
illius in ventriculo, foraminum in eodem, tumoris ventosi  
in eodem & liquoris qua fibrosi ibidem reperti proximam  
causam fuisse materiam assumptam valde erodentem, drasti-  
cam, & vehementissimos cientem vomitus. 5.) Hanc con-  
stitisse in granulis descriptis in ventriculo detectis, brevi 6.)  
in assumpto vero eoque crystallino, grosse contuso *Arsenico*,  
(quia præter Arsenicum in rerum natura nihil datur aliud,  
quod a) album, b) durum, c) insipidum & d) volatile & in  
fumum album abiens fiet) ac tandem 7.) hanc materiam as-  
sumptam, quam plurimam per vomitum sine dubio ejecerat  
vividus, causam veram & absolutam istius mortis fuisse; id  
quod & maxime tragica brevissimi morbi prægressi historia,  
quæ nihil nisi vehementissimas cardialgias, ardores, cruciatus,  
lipothymias, vomitus refert, satis abunde testificari potest.

## OBSERVATIO CLVI.

DN. D. JOH. FRIDFRICI HENCKELII.

*Examen terræ margæ arsenicalis, Schaben, Giffte  
cum cautela circa usum internum terra-  
rum margarum.*

**D**Emortui, antea memorati, uxori causam ob præsum-  
tum veneficium dum facerent Themidos mystæ, in-  
quirendo intra parietes domus ejus, inveniebatur pulvis  
quidam albo-griseus, qui cum ab eadem interrogata ipsa di-  
cebatur esse venenosus, à marito demortuo ad muscas alia-  
que infecta *blattas* inprimis, die Schaben (quæ vulgo, sed  
inepte *Schwaben* dicuntur) enecanda emtus, ad me mitte-  
batur, ut inquirerem in illius naturam, mixtionem & effe-  
ctus, inprimis, utrum illius farinæ cum ista materia esset,  
quam in dissecti ventriculo inventam antea significavi. Inqui-  
sivi missum pulverem per sensus, per aquas, per ignes; inveni  
*Arsenicum*, sed non cristallinum, non præparatum, neque  
purum, potius *terram* aliquam *margam* seu argillaceam, ar-  
senicalibus particulis subtilissimis imbutam atque ita forma &  
mole plane aliam atque illa in corpore defuncti erat. Quam-  
vis igitur frustrarentur judices expectatione obtinendi proxi-  
miora violentæ talis & suspectæ mortis indicia, neque pulve-  
ris quæsi anatomy ad forum suum quicquam conferret, me-  
retur tamen ea hic repeti, partim ut corporis mixti alicujus  
historia & natura innotescat, partim ut commonefiant phy-  
sici medici quam necesse sit, ut in ejusmodi casibus probe  
circumspiciant, circumspicte distinguant, & distincte pro-  
nuntient. Facile quis, qui superficialia sua habet negotia, di-  
xisset, pulverem hunc cum isto in ventriculo reperto unum  
eundemque fuisse, ob titulum *Arsenici* communem atque eam  
facti

facti speciosam circumstantiam, quod uno eodemque tempore, talis materia, quæ non adeo familiaris aut domestica est, nempe arsenicalis, in domo defuncti detecta sit, qualis in ventre ejusdem comparuit. Sed quanta hic intercedat differentia, ex sequentibus pateſcet. 1.) Terra ista coloris grisei & subcoerulei, mollis, talcea, limosa, atque ita *marga* (eine grau-blaulichte fette Mergel-Erde) 2.) austera & subadstringens, non tamen apparenter vitriolica, 3.) intertexta plurimis lapidosis minimis fragmentis veluti arenulis, 4.) subtilissimæ moleculæ, lotura separata, quæ proprie ad terram margam pertinent, argenti laminam candentem notant labe nigricante, spirantes odore in officinis fusoriis dicto: *Hütten-Rauch* 5.) lapidosa fragmenta prunis imposita ad modum lapidis *Spati* crepitando dissiliunt. 6.) Tota terræ congeries elutriata confert aquæ saporem vitriolaceum, 7.) in cucurbitula separatoria super igne candefaciente ex ea exhalant fumi albi, qui in supremis in forma pulverulenta alba, inferius in cristallina vitro se adfigunt. En arsenicum.

Inter hæc experimenta ego comperiens, pulverem illum quo montani domesticum & regioni suæ familiare insectorum genus, *Schwaben*, enecant, hinc *Schwaben-Gift* appellatum, diligenter in relationis veritatem investigans tandem auidi ejusmodi terram margam offendi in venis fodinæ dictæ, *das beschehrte Glück im Grunde*, *Dresdam* versus sita, quam non solum vicini dictum in finem adhiberent, sed & metallicus quidam ibi alibique colligens in locis dissilis eodem sub titulo divenderet.

Exinde colligant quæso tum medici, tum medicæ artis temerarii usurpatores, quam periculosum sit, materias minerales inprimis crudas, sine exactissima propinare agris circumſpectione & examine, quamve materiæ medicæ cognitio, quam physica & quam mineralogia in arte medica necessaria haberi debeant. Taceam hic cinabarim nativam crudam, in granis sic dictam; ut ut purissimam visam, à peregrinis tamen



& nocivis intus non semper immunem; argentum nativum capillare, nostris in epilepsia pro specifico habitum & ab arsenicali labe non purum neque provide satis separatum: Terræ margæ, margæ saxatiles sunt, quæ hic in censum vocari debent. Manet illis sua laus, suo loco & pondere sumtis, puris nempe, à perito medico examinatis, atque hinc sigillatis. Absorbent, sedant, tonum reddunt. Manet etiam iis sua fraus, inconsulto, promiscue, vel nimium assumtis. Onerant stomachum, constipant viscera, cohibent salutares fluxus. Quod si igitur jam cum, ubi purissimæ deprehenduntur illæ, cautione opus habent, quanto magis disquirendum est, utrum in iis heterogenei imo deleterii quidpiam, veluti anguis in herba, delitescat. Atque hoc intuitu marga & marga maxime differunt. Hoc equidem concedo, eam, quæ in terræ superficie, quæ in stratis soli, quæ in locis planis, quæ in lapicidinis, & marmorosis & sabulosis, quæ in lapide geode, brevi, quæ extra venas metallicas reperitur, non solum reliquis anteferri, sed & ab heterogeneitate nociva nunquam non immunem haberi posse. Sed, quæ ex venis, aus Erz-Gängen, aut earum confinio eruuntur, certe profecto usurpatorem securum præstare nequeunt, neque innocentiae notam præ se ferunt; cuius rei allatum exemplum, quamvis non adeo obvium, satis pro cautela hujus necessitate argumentum est. Nam non in usu solum sunt ejusmodi venosæ terræ apud metallicas, reliquosque montanos, sed etiam hinc inde divenduntur, quasi vero mala vel pyra istæ sunt, quæ ex caractere externo de natura sua & genere indubie testificari queant, cum tamen ex fortuito aliunde facto confluxu, qualis in descripta nostra à minerarum arsenicalium destructione & per aquas facta elutione præsumendus, longe aliam, atque quam præ se ferunt, subire possint subeantque.

(Freiberga Augustam Vind. d. 30. Sept. A. 1738.  
missa.)

## OBSERVATIO CLVII.

DN. D. CHRISTIANI MICHAELIS  
ADOLPHI.*De Ischuria ex Plethora.*

**J**Uvenis Studiosus, an. XXI. plethoricus, robustus laute vivens, postquam cerevisiam, quam Breshan vulgo vocant, copiosam aliquando hauserat, sequenti statim nocte in urinæ excretionem fere abolitam incidit, nam per 5. dies ne guttulam quidem urinæ reddere potuit, per quod temporis intervallum, & à Medico præscripta diuretica calidiora, Essent. balf. peruviani & Tincturam Tartari compos. & acrem, & ab amico quodam commendatam Tincturam contra calculum Rothianam, sic dictam, assumsit; quæ vero non modo non ischuriam auferebant, sed etiam enormes vixque tolerabiles capitis dolores, anxietates, inquietudines, phlogoses, oculorum rubores, sitim molestissimam &c. inferebant. Ego vocatus, habitum ægroti vere athleticum plethoricum conspiciens, venas maxime turgidas & circa tempora arterias pulsantes, pulsumque qualis in summe plethoricis esse solet simulque durum deprehendens, aliasque circumstantias debite observans, statim relictis aliis omnibus venam secandam ordinabam, ex quo vix horæ spatio elapso æger largam sat urinæ partem reddidit, & hucusque ab hoc malo liber mansit.

## OBSERVATIO CLVIII.

DN. D. CHRIST. MICH. ADOLPHI.

*Arthritis maxilla inferioris.*

**V**ir juvenis militaris, XXVI. annorum, sanguineo-melancholicæ constitutionis, robustus alias ac vegetus, ast scorbuticus, laute vivens, ex mercurialibus remediis sinistre

(ut

(ut hariolari poteram) adhibitis, incidit in arthritidem maxillæ inferioris, per novem jam menses durantem, tam assumptionem alimentorum quam masticationem impediens, contra quod molestissimum malum multis domi remediis usus est, quibus nihil proficientibus, thermas Carolinas adiit, quas tam externe quam interne adhibuit, ex quarum usu quidem malum ex parte per aliquod tempus sopitum est, mansit tamen, ac subinde augmentum cepit, à quo demum continuatio remediorum, viperinarum præsertim, usu liberatus est,

## OBSERVATIO CLIX.

DN. D. CHRIST. MICH. ADOLPHI.

*Cardialgia, venæ sectione curata.*

**F**Oemina 38. annorum, sanguineo-phlegmatica, tenera, plethorica, sterili in matrimonio vivens, cui quandoque menses per 2. huc usque annos parcius justo fluebant, sæpius post alimenta assumpta, & præsertim ex vini saltem Rhenani uno alteroque haustu cardialgiam enormem ad animi usque deliquium ad 2. usque horas interdum durans, patiebatur. Cujus Medicus ordinarius per 2. jam annos varia adhibuit remedia, vomitoria, purgantia, laxantia, stomachica, aromatica, salina, oleosa, balsamica; ast sine omni levamine, siquidem indies malum potius augmentum cepit. His ergo nihil proficientibus, ad ultimum refugium thermas Carolinas ut multi cæco saltem impetu, nulla habita ratione assolent, eam ablegabat. Ad me, iter in thermas has parantem veniebat, consiliumque petebat, qui propius rem circumstantiasque considerans judicavi hanc ægrotam alia exposcere remedia, quare potius autor suavorque fui, ut iter ad thermas adhuc differret, & interea aliis uteretur remediis, suavisque primum in pede venæ sectionem, juxtaque hanc iteratas pedum lotiones cum temperatis quibusdam pulveribus ex Marchio-

nis, lapide manati, ☿iii, ☉ depurato in ▽ tilia aut lil. convall. sumendis, quibus remediis solis in 7. jam mensem ab hoc morbo libera mansit, thermisque relictis domi permansit.

*OBSERVATIO CLX.*

DN. D. CHRIST. MICH. ADOLPHI.

*Linguae Paralyfis à Vermibus.*

**A**dolescens sedecim annorum, sanguineo-phlegmaticus ac tenerioris corporis constitutionis, lautis epulis adfectus, ac saccharata dulciaque alia amans, à pueritia Vermibus intestinorum incolis vexatus per annum vero hucusque, singulis noviluniis & horis matutinis, ex vermium tormentis indies auctis paralyfin linguae expertus est; quæ quidem adhibitis convenientibus remediis per aliquot dies auferitur, sed semper statis temporibus recurrit; ex remediis anthelminticis debito etiam regimine & methodo adhibitis lumbrici quandoque lati quidam ejecti sunt, sed hucusque adhuc singulis mensibus ex torminibus ventris dicta linguae paralyfis infligitur, nec ullis remediis præcaveri ea potest.

*OBSERVATIO CLXI.*

DN. D. CHRIST. MICH. ADOLPHI.

*De mensium per inconsueta loca effluxu.*

**F**œmina 38. annorum sanguineo-phlegmatici temperamenti, plethorica & facie florida conspicua, sanitateque bona alias prædita, cui à partu, ab aëre forte frigidiorè admissio, lochia suppressa fuere, successu temporis fit languida, pallida, fluxus consuetus menstruus per sex mensium spatium subsistit, ex quo statò tempore jam quater hæc solennis excretio per loca plane inconsueta, nempe per aures, umbili-

cum, pollicem pedis sinistrum se prodit, neque per Venæ sectiones etiam repetitas in pede per emmenagoga debita pediluvia suffumigia &c. in ordinem hucusque redigi potuit.

## OBSERVATIO CLXII.

DN. D. CHRISTIANI MICHAELIS  
ADOLPHI.

*Animi deliquium, à soluta ligatura post  
phlebotomiam.*

**F**œmina 26. annorum, succi plena & tenera, tempore vernali, præservationis (ut ajunt) gratia, venæ sectionem admisit, quam etiam optime tulit; verum dum vespere chirurgus in pede, in quo venæ sectio erat instituta, ligaturam paulo forte fortiolem solvit, fœmina lipothymia ob subito fortassis recurrentem sanguinem, per semihoram durante, correpta est.

(Lipsia Augustam Vind. d. 15. Oct. An. 1728.  
missa.)

## OBSERVATIO CLXIII.

DN. D. BENEDICTI GULLMANNI.

*Scabies molestissima, Podagram excipiens,  
eamque solvens.*

**V**ir Prænobilis & Generosus à N. N. ferè septuagenarius, temperamenti cholericæ-scorbutici, gravissimis Officiis tam Publicis quam Privatis conspicuus, & solertissimus, optimæ aliàs constitutionis, per vitæ suæ tempus rarò Valentudinarius, circa sexagesimum annum Podagræ insultum primum fuit expertus, quo vero per medicamenta adæquata intra mensis spatium plenariè fuit liberatus, nullo relicto pedum tumore, stupore, vel alio incommodo, sicque liberè per aliquot

quot annis & pancreaticè vixit; acidulis Egranis præservationis ergo usus, quoniam ejus natura in principio omnia medicamenta penitus abhorrebat. Sicuti vero hic affectus rarissimè funditus extirpatur, sic etiam in nostro Generosissimo Domino subsequenter annis recrudit, & quasi in consuetudinem abiit, præprimis neglectâ diætâ, vel bile motâ; unde etiam est factum, ut propter sæpius recurrentes paroxysmos sensibiliores, stupor aliqualis pedum, rigorque supervenerit, qui tamen per thermarum usum, & spirituosorum applicationem iterum evanuit, ut Dominus Patiens more Arthriticorum in publicum prodire valuerit. Præterito Anno 1712. mense Martii, circa Festum Paschatos, iterum corripitur diro hoc malo, magnâ cum vehementiâ; ordinabantur à Medico selectiora medicamenta temperantia, antispasmodica, nitrata, balsamica leniora, gelatinosa, cum moderatis laxantibus, ex quorum assiduâ & diligentiori assumptione exoptatum effectum persentiscebatur, ex minimâ vero alteratione, & regurgitatione bilis ad sanguinem, Recidiva iterum aderat, quæ illius vires adeo exhausit, ut Patiens per totam ferè ætatem hypocaustum tenere coactus fuerit. Circa mensem Septembris, noctu insigni horripilatione per totum corpus affligitur, subsequente calore enormi. Medicus accersitus, & pulsus febrilem deprehendens, antifebrilia & nitrata ipsi ordinavit, secum postea reputans, num forsan *αυτοζωοπατία* naturæ aliqualem catastrophem laudabilem sit formatura in hoc subjecto? quam opinionem etiam non fefellit eventus. Febrili enim paroxysmo sopito, insequentibus diebus pustulæ per totius corporis ambitum sese monstrarunt, & Scabiem siccam efformarunt. Hic novus affectus, legitimè licet tractatus à Peritissimis dominis Medicis, tam Inquilinis, quam Exteris, simul in consilium vocatis, multum temporis requirebat ad expugnandum, ob ætatem præprimis proveciorem Illustr. Dn. Patientis, juxta *Celsi* effatum Lib. I. pag. m. 43. *Longis morbis Senectus patet.* In tanta enim dyscrasia sanguinis,



nis, ubi laudabilis natura universalem quasi despumationem intendit, eadem non turbari, minus cogi, sed duci debet.

Ideo indicationes curativæ eò collineabant, ut latex serofus, lixiviosus, acris corrigatur, temperetur, diluatur, blandè educatur, tonus roboretur, & pro rerum circumstantia, symptomata mitigentur, febrisque lenta, interdum imminens, arceatur, id quod etiam cessit feliciter, per antiscorbutica ex herbis & radicibus, per decocta lignorum, Ora, balsamica, gelatinosa, analeptica, balnea dulcia deterfiva, tonica & leniora laxantia. Saltem erat maximè necessarium hoc in affectu, Generoso Domino Patienti Patientiam commendare & injungere; per dies enim noctesque insignis pruritus eum defatigabat, somnum interrompebat, imo planè impediēbat, & vires per sudores quasi colliquativos deficere incipiebant. DEus tamen Ter Optimus maximus medicamentis præscriptis adeò benedixit, ut tandem æger ab hoc pertinaci malo plenariè reconvalesceret. Appetitus enim jam iterum viget, somnus est tranquillus, pustulæ evanuerunt, cutis fit glabra, vires restituuntur, verbo: per Dei gratiam est restitutus; Cui sit Laus & Gloria.

## OBSERVATIO CLXIV.

DN. D. BENEDICTI GULLMANNI.

*De Abusu acidularum Deinacensium,  
lethali.*

**A**Busus non tollit usum! Firmo stat talo hæc sententia, non firmiter vero observatur apud ægrotantes. Alii enim indulgent nimium genio suo depravato, & præscriptam diætam negligunt; alii cupiditate flagrant justo majori sanitatem recuperandi, quam se assequi posse putant per largiorem aquarum ingurgitationem, & per diuturniorem  
ther-

thermarum infessum, sicque curas præcociiores (vulgo Post-  
Curen) suo damno affectare assolent. Hujuscemodi homi-  
nibus deesse nolui, sequentem casum notum faciendo, ut ex  
aliorum damno cautius mercari discant.

Vir quinquaginta, & quod excedit annorum, phlegmati-  
ci temperamenti, ἀναρρώσει incipiente laborans, post vario-  
rum medicamentorum frustraneam adhibitionem, tandem  
etiam institutam salivationem, non absolutam tamen, sed ab-  
ruptam ob certas circumstantias, suasu Medici sui Ordinarii,  
thermas Ferinas petiit, cum ordinatione potus etiam acidula-  
rum Deinacensium; satis erat instructus de curæ & diætæ in-  
stitutione. Primis in diebus res feliciter cessit Domino Pa-  
tientis, & effectum exoptatum ipse est expertus tam ex potu,  
quam thermarum infessu moderato. Modum vero cum ex-  
cederet, & Medico inconsulto, majorem acidularum quan-  
tatem assumeret, Balneique infessionem diuturniorem insti-  
tueret, exitiosa evasit cura; loco enim Restitutionis, febrem  
lentam sibi contraxit, quæ non solummodo curam finire, Pa-  
triamque redire, verum brevi in tempore vitam cum morte  
illum permutare coëgit.

## OBSERVATIO CLXV.

DN. D. BENEDICTI GULLMANNI.

*Deglutitio annuli innocua.*

**N**Ummos, aciculas, horumque similia deglutire, rem pe-  
riculi esse plenam, ancipitisque eventus, vix quenquam  
latere potest. Hoc etiam Observationes hinc inde an-  
notatæ confirmant, præsertim Ephemeridibus nostris à Cla-  
rissimis Viris, DD. *Adamo Christiano Thebesio*, de Floreno so-  
lido; vid. Cent. IV. Obs. CXXI. DD. *Chr. de Helvvich* de in-  
demni novem aureorum deglutitione; vid. Cent. X. Observ.  
XXXV. DD. *Wedelio*, de thalero deglutito; vid. Cent. X. Ob-  
serv.

serv. LXXXII. Horum vestigia sequi & mihi licitum erit, similemque historiam recensere. Nobilis Domina, cum propter manuum levationem, anulum minorem digitales (vulgo *Glied- & Ringlein*) reponeret, suisque postmodum negotiis domesticis obeundis, illius non amplius recorderetur; filiulus dilectissimus ejus, quatuor annorum, clam eundem abripuit, & inter ludendum cum ipso, deglutiit, hancque rem, quasi benè gestam multo cum gaudio clarissimæ suæ Matri narravit. Attoniti Parentes, id ferè impossibile esse credentes, anulum in loco nominato quærunt, nullibi vero eundem inveniunt, fidem facere verbis infantuli cogebantur inviti. Maximè ergo solliciti de supervenientibus symptomatis, simul ac de vitâ infantis, illico Medici auxilium implorant, qui, post perceptam relationem, oleum amygdalarum dulcium præscripsit, cum injunctione pastus largioris, quibus auxiliis puer die insequente anulum absque ullis cruciatibus per alvum reddidit.

## OBSERVATIO CLXVI.

DN. D. BENEDICTI GULLMANNI.

De

*Abortu ex neglecta pertinaci alvi obstructione.*

**S**Ex Res nonnaturales, Medicis dictæ, innumeros & multivarios fonticosque affectus posse progignere, testis est quotidiana experientia apud naturæ sedulos Observatores, *Schenckium* sc. *Riverium*, *Thom. Bartholinum* &c. Et præprimis sequior sexus illarum vim ferociamque experiri solet, vel circa menstruorum tempora, vel ingravidationis, ut certè eò cautius sibi prospicere opus haberent, nisi vel sibi, vel fœtui aliquid exitiosi contrahere velint. Verum hoc sæpius negli-

negligitur, quid mirum, si postea varii effectus tragici exin producantur; sicuti etiam sequens casus, de alvi pertinaci obstructione, hoc attestari potest. Matrona, Mercatoris Uxor, triginta annorum, cholericæ - plethorica, per tres menses gravida, quarto mense ob orgasmum sanguinis, hincque dependentia leviora incommoda, venam sibi secari jubet optimo cum successu, & remissione omnium symptomatum, utrumque usque in septimum mensem feliciter gessit; sequior alvus solummodo ipsi faciebat negotium, id vero flocci pendebat, illiusque obstructionem per octiduum reticebat, maximo cum suo damno, vitæ periculo, prolisque jactura. Contingebat enim derepente, ut dolores colici flatulenti vehementissimi, imo convulsivi ipsam affligerent; accurrens Obstetrix varia quidem remedia domestica ipsi applicuit, sed omnia absque levamine; ad Medicum tandem confugiunt in hac rerum angustia consanguinei, qui earum circumstantias explorans, non aliud, quam funestum prognosticum formare potuit, interim clysmata emollientia præscripsit, cum medicamentis analeptici; verum ob incarceratos flatus, clysmata retinere non potuit, & per os ingesta, omnia vomitu reddidit, viribusque planè exhaustis, res ferè conclamata apparebat. Natura vero, & juventutis robur, quæ medicamentis confortantibus non nihil suffulciebatur, fœtum mortuum expulit, insequentibus postea multis alvi scybalis, & ricæ profluentibus lochiis, ægra tandem feliciter evasit.

*(Exhibita Augusta d. 16. Decemb. An. 1728.)*

OBSERVATIO CLXVII.  
DN. D. JOHANNIS BAPTISTÆ MOR-  
GAGNI.

De  
*Calculis Felleis.*

*Perillustri*

DN. D. LUCÆ SCHROECKIO.  
Cæsar. N. C. Academiae Præsidi Meritissimo.

JOANNES BAPTISTA MORGAGNUS.  
S. P. D.

**Q**Uod munusculum istud meum Tibi gratissimum fuisse scribis, agnosco Tuam, Vir Amplissime, humanitatem, cum illa etiam ex meis scriptis, quæ non à me quidem, sed ab Amicis publica luce non indigna credita sunt, minime contemnis, sed qua soles benignitate excipis, eoque mihi animos addis ad nonnulla augenda, atque illustranda, quæ in duabus illis *Epistolis Anatomicis* edita fuerunt, ad rem nostram potissimum naturalem, ac medicam pertinentia, velut & quæ in I. Epistola de calculis scripsi vesiculæ felleæ. Igitur ut præclarius intelligas, quanti referat id, quod monui, in experimentis circa ipsos capiundis non esse omittendum animadvertere, veteres sint, an recentes; accipe, quid semel iterum, tertio acciderit mihi: inde enim patebit, non modo inter veteres & recentes, sed vel inter recentes, ac recentissimos magnum intercedere discrimen posse.

Ante hos duos annos III. Kal. Decembris in hujus Urbis Nosocomio cadaver mulieris incidebamus egregii coloris,  
arque

atque habitus, quam sexagesimum ferme annum agentem thoracis inflammatio sustulerat. In fellea cysti, multo quam soleat, brevior, intra paucam flavamque bilem lapilli inerant, minimum, triginta supra trecentos: ex quibus septem & viginti majusculi, sic tamen, ut maximus sit infra ciceris magnitudinem: reliqui minores, atque adeo plerique minimi. Majorum color is est qui saponis vilioris, cæterorum, qui minus vilis, ut cum omnes ad subviridem inclinent colorem, eo magis ad atrum vergant, quo majores; eo magis ad pallidum, quo minores. Sed & quasi unguinosum quendam ceu confricari saponis lævorem, quantum in nullis aliis vidisse memini, ad hunc usque diem retinent: ac bini, terni, quaterni, plures, adhuc inter se leviter cohærentes spectantur. Quas ob res, aliasque, ipsorum peculiare, non ita miratus sum quod vel tunc, bile adhuc madentes, vel paucis post diebus, vel tribus jam interpositis mensibus, in aquam dejecti, continuo ad imum laberentur, neque inde sese attollerent. Mense tamen fere jam quarto animadverti, ex majusculis duos neque statim, & multo tardiore motu à summa ad infimam aquæ partem delapsos. Anno exinde interjecto, placuit quinque seligere, alios alia magnitudine, quos in aquam projicerem. Hi statim ad fundum universi corruerunt. Inde protracti, cum post horas admodum duodeviginti idem tentarem, tres quidem, duo videlicet majores, & minimus, confestim subsedere; sed ex reliquis duobus, qui mediocri erant magnitudine, alter in summo paulisper substitit, alter etiam paulo diutius, donec aqua digito commota, protinus ad imum descendit: hos postremos singulos singulæ deorsum comitatæ sunt bullulæ, quas eorum lateri adhærentes vidi ex qualibet magnitudine alios in aquam projicere, alios, nulla addita vi projectionis, leniter in summa aqua collocare. Ex his ne unus quidem inventus est qui descenderet; sed omnes tamdiu in eodem loco perstiterunt, quamdiu sicca fuit eorum suprema facies. Ubi vero digito depressos aqua semel



operuerat, vel aquæ gutta aut desuper projecta, aut etiam sine projectione admota supremam faciem attigerat; exemplum ad imum decidebant. Ex illis autem quos in aquam deieci, minimi omnes illico fundum petierunt; sed majorum quidam posteaquam aliquanto spatio descenderant, inde emissâ bulla, cum hac ad summum recurrebant, mox vel ipsa evanescente, vel arte semper cohærente, ad fundum ruebant. Tunc etiam, si aquam manu in gyrum agerem, ita ut omnes dimoverentur, ex majoribus unus potissimum cui paulo grandior bulla adhærebat, præ cæteris ascendere nitebatur, & tardissime omnium subsidebat. Quæ si non cuncta, certe aliqua ostendunt, esse inter veteres, ac recentes calculos non leve discrimen posse.

Id vero manifestius cognoscere ex his, quæ protinus subjiciam. Nonnulli enim ex meis Discipulis superiore anno XII. Kal. Januarii virum dissecantes nequaquam ictericum, sed ob fractam cervicem femoris ante duos menses in idem Nosocomium delatum ibique ex superveniente catarrho mortuum, cum in vesicula ipsius fellea, crassioribus tunicis compacta calculos quatuor deprehendissent non ita parvos eosque prorsus nigricantes, nisi quod aliquot in locis, unde extrema abscessisse quam tenuissima lamella videbatur medius inter viridem, & cœruleum, quem in aliis calculis vidisse non memini, apparebat color, cumque ad me domum postridie attulissent, integros duos, jam ruptos reliquos, ego vero illico in plenam aquæ pelvim jecissem; tunc quidem sine mora ad fundum omnes collapsi sunt. Verum mensibus inde vix attribus cum integri illi duo forte sub manum rediissent, eosque in aquam coniecissem; eodem illo vestigio temporis se in summum ambo restituerunt, ibidemque ad duodecimam horæ partem constiterunt, quo spatio bullulis emissis pluribus, tandem in imo subsederunt. Non est meæ fidei dissimulare, inde tum extractos horisque interjectis fere viginti in aquam iterum projectos, quamvis nihilo tardius se in supre-

supremum locum retulerint, in hoc tamen longe breviorē, immo quam brevissimo tempore substituisse. Verum illud est attendendum, cum in hoc quoque experimento & priusquam fundum peterent, & dum peterent, bullas edidissent, mox de aqua protractos altas utrumque fissuras ostendisse, ab altero etiam fragmentum abscessisse, ut, quantumvis sine ullo effervescentiæ sonitu, idem utrisque accidisse videretur quod lapidibus in calcem excoctis, cum in aquam deji-ciuntur. Quod multo evidentius nuper fuit, cum eum viderelicet qui unus restabat utcunque integer, ad alia, atque alia experimenta adhiberem. Nam cum summæ aquæ ita imposuissem, ut facie qua fissus erat, aquam non attingeret, cumque ibi tamdiu perstitisset, donec re satis spectata, totum ipse digito mergerem, ac tum demum subsedisset, mox autem extractus, & vel aquæ ad eundem modum impositus, vel postquam extrinsecus madorem absterferam, in illam projectus, semper sine mora descendisset, bullasque ex ima ad summam aquam emergentes dedisset; animadverti in omnibus jam faciebus fissuras tot novas, ut qui antea paulo etiam rudiorē attractionem ferebat, jam jamque ad levem contactum in fragmina abiturus, ut reapse mox abiit, videretur.

Sed postremo loco eam, Vir Clarissime, observationem adscribam, ex qua constet, quantum vel recentes calculi possint ab recentissimis differre. Anno eodem XVI. Kal. Aprilis in sæpe memorato Nosocomio foeminam secabamus annos aliquot natam supra sexagesimum. Ne hæc quidem regio erat infecta morbo, neque undecim totos quos ibi egerat, dies ulla alia fuerat de re conquesta, nisi de gravi captis ictu, ob quem ipsum ex hac vita migravit. Cum ea quæ in I. *Epistolo Anatomica* cum aliis de rebus, tum præsertim de jecinore, ejusque vesicula tradita erant, nova (id quod sæpe fecimus) demonstratione confirmaremus; in eadem vesicula, bile semiplena quæ vivida quasi auripigmenti flavedine quæcunque attingeret, inficiebat, lapillos invenimus decem alios alijs

minores, sed omnes sic fatis magnos: qui ibi continuo in aquam projecti extemplo at fundum universi deciderunt, in eoque permanserunt. Neque id nobis permirum accidit, quippe qui singularem quendam in ipsis colorem spectabamus (qualem etiamnum ostendunt, ubi quis eorum superficiem madefaciat) subnigrum videlicet, aureis hic illic maculis, lineisque distinctum, atque ita eleganter splendidum, ut nihil magis quam res peculiari artificio pictas, & vernice, ut vocant, Sinarum perlitas repræsentarent. Illud potius mirum fuit, quod postridie ejus diei cum amplius non maderent, variumque illum (nisi quod minime splendent) referrent colorem, quam in tegumentis videmus librorum, quos ita uti apud Gallos solent, compingunt; in aquam coniecti, nonnulli quidem non secus ac pridie, in imo manserunt; plerique autem è vestigio ad summum redierunt: neque tantum ibi consistebant, verum etiam quantumvis manu ad imum compellerem, statim atque amovebam manum, supremum locum reperebant: eoque id magis mirum erat, quod inter eos, qui innatabant, & qui subsidebant, nullum seu coloris, seu figuræ animadverti discrimen poterat, sed ne magnitudinis quidem, cum in utrisque majores, minoresque promiscue conspicerentur. Proximis diebus idem experiri non vacavit, donec post septimum jam diem cum forte periculum facerem; ne unum quidem inveni calculum, qui ad fundum usque descenderet, sed universi è medio ipso descensu, victa projectionis vi, sese in summum referebant: neque manu capi poterant ut sub aqua diutius essent, quam manus ipsa, qua sublata, illico in pristinum locum se agebant. Eadem anno post toto, eadem his ipsis diebus, quotiescunque experiri placuit, spectavi. Ex his calculis egredi bullas nunquam videram, cum diligentius, ac propius attendens in iis, quæ anno exacto, & quæ novissime cepi, experimentis, longe plurimas, sed visum ob parvitatem ferme effugientes bullas animadverti, calculorum superficiei quæ sub aqua nata-

bat

bat, adhærentes, interque has, nonnullas aliquanto majores. Quas tamen cum omnes abstersissem sic ut nulla amplius bullula iterum mergendo conspiceretur; non minus quam antea in summa aqua perstabant calculi, neque minus prompte cum manu deprimerentur, eodem redibant. Visum tunc est eos omnes seu flavescentes, seu plumbeos, seu fuscos, seu demum nigros quos in I. *Epistola* commemoravimus, in aquam projicere. Et omnes quidem in summum, ut semper alias, sese illico restituerunt, ibidemque permanserunt; bullas tamen non omnes, sed aliqui duntaxat, easque longe paucissimas, sibi adhærentes ostenderunt. Quæ etsi leviora videri possunt; tamen nolui prætermittere, si cuiquam forte pertinere existimarentur vel ad causas cur alii aliis calculis facilius, aut difficilius innatent, vel ad singulorum structuras, & augescendi rationes penitus indagandas.

Has veao ipsas ob causas quidquid in propositis generibus tribus sive extrinsecus, sive intrinsecus spectando, sive ad flammam admovendo observavi, reticendum esse, non puto, præsertim cum in hoc quoque experimento nonnulla aliter in recentibus, aliter in antiquis observaverim. Igitur de tot calculis ne unus quidem formam habuit regularem, neque ad ovalem, aut ad sphericam accessit, sed magna pars ad eam potius quam in *Epistola* indicavi; immo ex minimis illis primigenis, quos fuisse plurimos, scripsi, plerique nihil magis referunt quam communis falis particulas, sic, ut non longe abesse à cubi, nedum à cuboidis figura videantur. Ex iisdem minimis ut plures inter se leviter cohærentes vidi, ita quære placuit nuper an forte arctius conjuncti majusculos illos, quos una reperi, composuissent: quæ res ad calculorum generationem, aut certe incrementum intelligendum prodesset. Verum majusculis dissectis, nulla ejusmodi compositionis vestigia deprehendi, quin immo hunc certum vidi structuræ modum, ut sub perpetuo, firmoque cortice obscurioris coloris, stratum succederet flavum, ipsum quoque perpetuum,

nisi quod ex innumeris constabat ac confertissimis lineolis centrum versus contendentibus, quod denique non durius aliquod corpusculum; sed nucleus non ita parvus occupabat ex concreta bile, quæ flavo quidem illo strato obscurior, non cortice, erat, cortice autem mollior. Quod si lapilli majusculi nihil nisi minimi fuissent inter se nexi; eam certe quam descripsi, structuram, hic illic interruptam vidissem faciebus, ac duro cortice minimorum: quem videlicet cum secarem, satis crassum pro mole inveni, & facile, ut siccatus humor oculi crystallinus solet, in lamellas circumjectas nucleo diffusilentem; nucleum autem ipsum propter parvitatem non licuit, nisi subobscurè, conspicerè, neque flavum illud ex lineolis stratum agnoscere. Quæ tamen cum in aliis pluribus præclare viderim, ut in III. etiam *Adversariis* indicatum est, immo in iis quoque calculis quam luculentissime pateant quos supra tertio loco proposui; illis enim amplissimum id stratum est, oblongisque lineolis ab alba corticis lamina quæ extimæ subest, ad nucleum usque biliosum pertinet, qualem in iis *Adversariis* descripsi; profecto ob hanc aliasque præterea causas haud alienum est à veri similitudine easdem formas ne in minimis quidem calculis omnino deesse, præsertim cum in iis, quos inter majusculos, & minimos media magnitudine inveni, calculis biliosus jam sese nucleus satis ostendat, nonnullis hic illic quasi punctis distinctus splendentibus, quibus ut majusculi, & tertii generis calculi secus atque illi quos in *Adversariis* commemoravi, suos quisque nucleos habent distinctos. Huc illud addendum est, me in aliis omnibus; si nigros excipias; quos ad hanc diem secui, cystis felleæ calculis biliosum nucleum singulorum molli respondentem invenisse, minorem in parvis, in grandioribus magnum, in mediis inter utrosque mediocrem, cumque (id quod magnopere est attendendum) molliorem dum recentior esset, ac plane humidum.

Quæ omnia vereor, ne quem forte illuc impellant, ut cogitet, per cortices, quantumvis impervii videantur, bilis fortasse particulis satis patentes, atque adeo per eadem illa, aut alia eorum non absimilia, unde aër in bullas prodit, foramina novam usque & usque bilem, grandescente calculo, sese immittere, ac corticem primum, deinde inter lineolas illas trajectum, has quoque deinceps, novissime in centrum corrivatam, nucleum etiam ipsum, eodem universa tempore, in dies augere: neque enim fortasse corticis firmitatem, ac durtiem, vel minimis in calculis deprehensam, vetare, quominus hic novis sese insinuantibus, ipsumque augmentibus bilis particulis dilateretur, nucleoque magis magisque augescenti locum det, quando puerorum quoque, & adolescentum ossa non teneriora illo sunt, & novis tamen intrusis ossibus additamentis ita laminas distendunt suas, ut crescenti in dies medullæ ampliorem intra se caveam parent. Hæc etsi mihi, nihil hic, nisi quæ vidi, affirmanti, neque refutare, neque probare necesse est; hoc tamen dicam, mea quidem scripta ipsa per se satis indicio esse, me ex quo primum in felleis calculis laminas laminis circumjectas adnotavi, in eam opinionem venisse, has extrinsecus aliam post aliam superinduci ab adherentibus in dies novis ex bile particulis nucleo videlicet primum, laminis deinceps singulis, ut quælibet à nucleo ad superficiem ex ordine consequuntur: quam augescendi rationem ea nimirum indicabat, quæ, ut tutescis, Vir doctissime, non absimilis iis in calculis apparet, qui in aliis animalium cavis, ac nominatim ventriculo, vesicaque urinaria vel herbæ caulicullum, vel intrusam, relictamque acum, aut turundam, aut aliud ejusmodi lamellatim concrevere. Ab hac opinione etsi non sum temere discessurus; non tamen facile adduci possum, ut credam, cum inter hos ferme triginta annos tot calculos viderim è tot vesiculis felleis, sive meis, sive Amicorum manibus exemptos, fuisse omnes recens genitos, antiquum nullum: vel si alii antiqui fuerint, alii



alii novi, neque sint perviæ humori lamellæ singulæ, nec recentibus incrementis dilatabiles; non quærendum esse, quæ causa igitur alia sit, qua nucleus in novis pariter & antiquis calculis mollis, atque adeo humidum conservetur, & quare iis nucleis, qui magni sint, plures pro rata portione, crassioresve laminæ accrescant, iis vero pauciores, tenuioresve, qui parvi. Quod quidem an repetendum ex eo sit, quod grandescens calculis lamellæ hic illic diffringantur (ut certe in majoribus non paucis, fere ad extimum usque corticem diffractas vidi, concreta bile, qualis in nucleo est, interstitia fracturarum opplente) lamellæ autem diffractæ & bili vias ad augendum nucleum, & huic locum ad crescendo amplificent, atque ea lamellarum infractio an bilis ipsius effectus sit se se prius per lamellarum foraminula insinuantis, & augere nucleum nitentis; non ante ausim constituere, quam occasionem nactus sim sæpius, ut soleo, in multis aliis præterea calculis, & grandioribus, præsertim quam quos ad hoc tempus inciderim, has omnes, aliasque insuper observationes iterandi, & quid constans, quid frequentius, quid rarius sit, animadvertendi.

Nunc vero; ut illuc jam redeam unde videor divertisse; etsi paulo ante nigros calculos excepi, non ideo feci, quod non iisdem ferme rationibus hos crescere existimem, sed quod nucleum contineant, qui habitu, & colore minus evidenter biliosus esse videatur. Nam ut alios olim, ita hos etiam quatuor, de quibus supra dictum est, sub nigro cortice nihil nisi materiam complecti video raram, ac friabilem, ipsoque cortice in his saltem quatuor nigriorem, nonnullisque hic illic punctis splendentibus distinctam. Quam una cum cortice recentem adhuc cum ad flammam apposuissem, arde-  
re quidem & levius crepitare, sed neque scintillare, neque in guttas liquari, neque flammam servare, & quod pennæ combustæ olent; redolere, animadverti: quæ ad eundem modum omnia his quoque diebus comperi, nisi quod conce-  
pta

pra flamma, quam brevissimum tamen ad tempus, servabatur. Ex iis autem calculis quos primo loco descripsi, eadem hodieque & majores, & mediocres, & minimi observanda præbent, quæ unus ex majoribus olim præbuit, cum vix è vesicula extractus, à mē flammæ esset admotus. Scilicet crebro cum crepitu scintillas edunt, resinofum haud ingratum odorem effundunt, toti in guttas colliquefcunt; flammam tamen non concipiunt, neque in flamma ipsa ardent, quod in nullis aliis cystis felleæ calculis, non recentibus præsertim, ad hoc tempus observavi. Nam eorum quos tertio loco proposui, fragmentum memini postridie quam de vesicula educti fuerant, quamvis ad flammam crepitando scintillaret, in guttasque, ingrato cum odore, liquefieret; flammam tamen eo quidem tempore non concepisse. Verum cum hæc scriberem, quælibet illius ejusdem calculi fragmenta alia, cum reliqua omnia, de quibus modo dixi, ad eundem adhuc modum præstarent, non tantum flammam conceperunt, sed præclarissimam, si quod aliud unquam, & ad finem usque constantissimam aluerunt.

Quæ si omnia perpendere, & conferre inter se voluerimus, nimirum magis, magisque apparebit, usque adeo verum esse quod in I. *Epistola* scripsimus, sub consimili calculorum facie & colore dissimilem posse compositionem latere, ut hanc uni iidemque calculi spatio temporis interdum mutant. Sive enim aqueis particulis magna ex parte evanescentibus, sive alia id novâ internaque causa ferente, nigri illi certe aliquanto, hi autem postremi longe magis idonei facti sunt tempore ad alendam flammam, ea demque ratione minus etiam facti sunt graves, ut nigri sic satis diu, hi postremi semper in ejus aquæ summo innataverint, ejus olim continuo ad fundum ruebant. Hoc autem posito, minus mirum est illos contra, quos primo loco descripsimus, vel longiore interjecto spatio in aquam projectos, non æque innatare potuisse, cum flammam alere nunquam potuerint: quam certe nondum

vidimus ab ullo calculo non servari, quem constanter in aqua natare videremus.

At cum sint tamen innumerae compositiones ut morbo-  
sæ bilis, sic calculorum, qui ex ea gignuntur; nihil facile de  
hisce in universum pronuntiabimus: sed quod ad hanc diem  
fecimus, id porro facere pergemus, ut quidquid in singulis  
observaverimus, hoc satis sit nobis cum aliis communicare,  
sperantes, fore ut sic ipsi, eorumque natura magis, magisque  
dignoscantur neque Medicis, qui hæc norint, accidat, ut ob  
unum, aut alterum, quod nonnunquam forte desit, nec diu  
fortasse defuturum, indicium, quantumvis maxime celebra-  
tum, biliosos aliquos, dejectos ex alvo calculos, temere ne-  
gent esse biliosos; sed exteris, idcirco à nobis semper adje-  
ctas, attendant notas, & nimium præceps iudicium cohi-  
beant. Hanc si spem nostram haud prorsus inanem Tu,  
Vir sapientissime, esse censueris; tum hæc in medium pro-  
ferre poteris: sin autem; apud Te premes neque minus me  
tamen amabis, & valebis,

(Patavii Idibus Decembris Cl. MCC. XXVIII.)

### OBSERVATIO CLXVIII.

DN. D. ANDREÆ ELIÆ BÜCHNERI.

De

*Febre tertiana annua, post æquinoctium vernale  
periodice recurrente.*

**H**Abent utique Febres *intermittentes*, ad unam fere omnes,  
hoc quasi peculiare, quod non solum durationis con-  
tumacia sæpius admodum pertinaces evadant, nullis-  
que remediis cedentes quam diutissime protrahantur, ac in-  
terdum, stupendo vere modo per totam vitam ad ejus us-  
que finem continent; sed & à consuetis & ordinariis  
suis

suis typis facillimè aberrant, & in tantam non rarò dierum va-  
 rietatem deveniant, ut statuto ordine non aliquot horarum  
 vel dierum intervalla tantum constituent, sed integras quo-  
 que septimanas, menses, quin & annos interdum interpo-  
 nant. Taceo lubensque jam mitto febres *quintanas, sexta-*  
*nas, septenas, octanas, decumanas*, & alias hujus farinae; trans-  
 eant etiam febres *menstruae & lunares*, singulis modo mensi-  
 bus, modo lunæ phasibus recurrentes, de quibus multa, in-  
 primis apud *Schenckium & Lemosium* extant exempla. Bre-  
 vibus tantum mentionem injicere lubet *februm annuarum*,  
 seu, post integri demum anni decursum periodicè recurren-  
 tium, quas utpote rariores, jam dudum mirati sunt curiosis-  
 simi Naturæ scrutatores, ob singulares plane sub iisdem inter-  
 dum occurrentes circumstantias. Sic *Plinius Lib. VII. cap. 51.*  
 & *Valerius Maximus Lib. I. cap. ult.* de Antipatro Poëta refe-  
 runt, quòd omnibus annis in ipso semper suo natali die, gravi  
 correptus fuerit febre, quæ tandem etiam ipsum senio conse-  
 ctum sustulit; cujus exempli fidem, ne forsitan ob raritatem  
 in dubium vocetur, aliis ferè consimilibus corroborarunt  
*Gentilis Comment. sup. Avicennam*, qui febrem per plures an-  
 nos una eademque die & hora semper periodicè recurren-  
 tem, & *Benivenius de abditis nonnull. ac mirand. morbor. & sin-*  
*ation. causis cap. 84.* qui febrem in ipso die natali singulis annis  
 repetentem in *Johanne Architecto* à se observatam fuisse testa-  
 tur, quæ tandem, pariter ut *Antipatrum*, senescentem jugula-  
 vit. Plura ejusmodi exempla & observationes referunt  
*RHASIS tract. XVI. Thom. à VEGA Comment. ad Libr. II. de*  
*differ. febr. & AMATUS Lusit. Cent. VII. Curat. 75. in Schol.*  
 quibus nunc unam alteramve hoc anno in Praxi inopinatò  
 occurrentem adjicere placet.

Ineunte Vere præsentis anni 1728. conveniebat me Stu-  
 diosus quidam Theologiæ, Consilium petiturus de præcaven-  
 da febre tertiana intermittente, qua se abhinc octo prægressis  
 annis, semper statim post æquinoctium correptum & per 3.

vel 4. ad minimum hebdomadas afflictum fuisse asserbat. Erat ille Temperamenti Sanguineo-Cholericæ, annorumque 26. & insimul referebat se prima vice anno 1720. in hanc febrem incidisse, & quidem occasione febris cujusdam acutæ gravissimis capitis doloribus nariumque hæmorrhagia symptomatica, æstu fere intolerabili ac deliriis plane furibundis, stipatæ, quæ tandem, circa diem vigesimum primum, nescio an propria, an vero Medici nimium refrigerantia medicamenta præscribentis, culpa, in talem intermittentem legitimam transierat. Hæc tunc statim temporis per tres ferè integros menses duravit, spretisque omnibus ad eam debellandam adhibitis medicamentis, non nisi sub initium æstatis sponte iterum cessavit; subsequencibus vero tribus annis, statò quidem tempore æquinoctiali, eadem illa recurrebat, sed in paulo mitiori semper gradu, insimulque circa quartam ut plurimum septimanam ordinario remittebat. Anno autem 1724. cum eundem Jenæ Musarum sacra frequentantem, idem ille ingratus hospes, eodem tempore visiteret, licet per V. S. nem & purgationem præservatoriè institutas, aditum ipsi præcludere tentasset, molestiarum hæcenus perpessarum & adhuc expectandarum pertæsus, omnia indiscriminè, quæ ipsi undique suadebantur, adhibuit medicamenta, maximam partem ex Cortice Peruviano, aliaque heroica antifebrilia, indeque voti sui in tantum quidem compos redditus fuit, ut febris citius quam antehac recederet, ast nihil inde salutis vel levaminis ullius obtinuit, quin potius ex Scylla, ut ajunt, in Charybdim se ipsum petulanter præcipitavit. Febrem enim ita præmaturè suppressam statim excipiebant intensissimi & pertinacissimi dolores spastico-arthritis, per omnia membra & artus, inprimis autem pedes evagantes illosque miserrimè discruciantes, ac tandem gravi cum rigore usque adeo contrahentes, ut iis vix amplius insistere, nedum libere deambulare potuerit. Durabant illi pariter per tres quatuorve septimanas, hisque præterlapsis tandem post usum præ-

præstantissimorum à Magnif. b. m. *Wedelio* ipsi præscriptorum medicamentorum, iterum cessabant. Abhinc febris illa tertiana singulis annis consueto tempore revertebatur, suumque typum, quoniam patiens non amplius illam turbare audebat, exacte observabat, ita ut nunquam ante trium vel quatuor septimanarum decursum remitteret. Hoc anno, cum meum imploraret auxilium, jussi, ut præmissis leni purgante V. S. nem haftenus per biennium neglectam aliquot ante æquinoctium diebus repeteret; Diætæ accuratiori studeret, ab excessibus quibusvis, ipsi non adeo raris, abstineret, sicque an ingratus ille hospes rediturus sit nec ne, cum patientia expectaret. At, vix quatuor vel sex à V. S. elapsi erant dies, cum salutaris illius moniti oblitus, levem quidem, hoc tempore tamen maximè sibi fatalem excessum ingurgitatione spiritus frumenti committeret, qui quidem, oborto vomitu spontaneo tempestivè iterum rejiciebatur, nihilo tamen minus altero statim die consuetus succedebat paroxysmus febrilis & per quinque ad minimum horas durabat, pro quo avertendo, quoniam primas vias jam jam sufficenter repurgatas esse novi, nihil nisi mixturam quandam stomachicam ex Ess. Absynth. compos. aromat. *Wedel.* amar. *Halenf.* & *Pimpin.* alb. constantem, bis vel ter de die ad gtt. XLV. fumentam, unacum aliquot pulveribus digestivis, ordinavi, post quorum usum febris etiam statim substitit & nunquam per totum Ver rediit. Quid autem sequenti anno futurum sit, nunc expectandum erit.

Hac occasione recurrit mihi in mentem alius huic fere consimilis casus, quem uxor cujusdam hortulani circa initium hujus anni mihi de se ipsa retulit; quod nimirum cum adhuc extra conjugium vixisset, per 10. annos tempore semper vernali febrem quandam intermittentem, modo quotidianam, modo tertianam, modo quartanam, 3. 4. imo 1. septimanas interdum durantem, experta fuisset, & quidem tanto semper cum frigore, ut totum insimul lectum validissime concusse-



rit, subsequente etiam dein æstu non minori ad quinque, sex & plurium interdum horarum spatium excurrente sitimque fere implacabilem insimul excitante. Assumsit equidem illa aliquando, molestiæ hujus pertæsa, Electuarium quoddam antifebrile, ab Empirico miris sibi laudibus deprædicatum, sed tam infelici cum successu, ut loco intermittentis, quæ statim quidem remiserat, in gravissimam sibi que fere funestam ardentem febrem, quæ tandem in icterum transierat, incidit, continuante interim nihilo minus statoque tempore semper recurrente priori illa febre. Tandem, matrimonio juncta primumque puerperium passa, sponte ab illa febre liberata, nec unquam ad hunc usque diem eandem, vel alium quendam morbum, experta fuit, præter ante recensitam febrem ardentem & Icterus, cum quibus intra 22. annos, quos in conjugio nunc transegit, aliquoties adhuc, incerto tamen tempore, conflictata fuit.

(Erfordia August. Vind. d. 2. Jan. A. 1729.  
missa.)

## OBSERVATIO CLXIX.

DN. M. JOHANNIS GOTHOFREDI  
BÜCHNERI.

De

*Rarioribus quibusdam Plantis ac fructibus in  
Voigtlandia natis.*

**C**itri rariores omnino nonnunquam inveniuntur fructus. Hinc in *Ephemerid. Nat. Cur. A. 1673. Obs. 54. & 141. mali Citri unius duo alia includentis* fit mentio. Et D. Joh. Dan. Major, peculiarem pariter de Citro in Citro nobis dedit *Observationem. Conf. Boneti Medicina septentr. collatit. pag. 982. Joh. Bapt. vero Porta in Mag. nat. p. 158. modum tradidit, ut citrum humani corporis induat formam.*

Sed

Sed mirabilia fanè quædam monstrat arbor quam in horto Greizenſi, Illuſtriſſimi Comitſ ac Domini, Dn. *Henrici XIII. Sen. Lin. Rutheni*, Comitſ ac Domini de Plauen nuper offendi. *Diverſi generis nempe offert fructus in uno ſtipite*. Producit enim folia, flores ac denique mala citrea & aurea, quamquam unum genus alteri interdum prævaleat. Imò quidam omnino fructus ſtriatim, quod mirari magis oportet, mala referunt citrea & aurea, diverſum ac debitum ſaporem, odorem ac colorem exhibentia. Id vero prorfus hic ſingulare eſt, quod & diverſi generis producantur ſemina, & hoc modo diverſis progenerationis iſta polleat viribus; quæ omnia ab inoculatione arborum citrei & aurantii, unde fructus oritur, inter geminas ſpecie quaſi mediis, provenire docent *Acta Philoſophica Anglica p. 553. Edit. Angl.* Quemadmodum enim animalia diverſa in unum coitu miſcentur, ſic etiam inſiſione, quæ coitus in plantis eſt, varii in unum fructus componuntur. Hinc non ſine ratione *Columella*, quem præcipue ob ipſius nomen ab Illuſtri Dn. Præſide mihi impoſitum hic nominare geſtio, omnigenus furculi variis gaudere adulteriis autumavit. Et ſupra dictus *Joh. Bapt. Porta* eodem modo portentofum producit malum, quod ſua admirabilitate oculos & animum oppleat. Scilicet, *ut citrium intus limonem habeat*. Identidemque *malum aureum* effictum eſſe *duplicatum* refert *Mag. Nat. p. 117*: ubi & liberaliſſime promittit, *malum aureum ut pomum afferat, cujus dimidia pars ſit dulcis, altera acris*.

Interea dubitare vix licet, ejusmodi fructus Veteribus pariter ſatis fuiſſe cognitos, cum in *Pontani hortis* inter alia & hoc occurrat: *Ut citrii arbor diverſa poma ferat, diverſorumque ſaporum*. Verſus ejus animi gratia huc afferam.

*Qui diverſa quidem parva ſed ſemine in una  
Condat, & educens collo brevior ſtolones,*

Subducatque, arcetque manu, ac sub vincula cogat  
 Crescentes, hi tandem uno se stipite miscent,  
 Atque uno obducunt se cortice, neve flagella  
 Dilabi finito neu summa cacumina ventus  
 Divellat, cera linito, aut diducat adulta,  
 Unguine dum proprio corpus junguntur in unum,  
 Atque operit lentum sub eodem cortice gluten,  
 Postquam alta steterit radice in fossa, & opimum  
 Raptarit stirpes succum, mirabere poma  
 Plenaque grataque, non uno tamen una sapore.  
 Ac idem quoque eleganter describit, citria quo-  
 modo

diversos fructus ferant, hunc in modum:  
 Sunt, qui diversos ramos, sed cortice raso  
 Conjungant, stringantque simul, quo glutine misto  
 Increscant æque, ac fixo mox stipite junctos  
 Infigant pariter: tum vulnus rite coronent,  
 Et fallax opus admota tueantur ab arte,  
 Quo ramo ex uno, atque uno de palmite fructus  
 Non uni veniant, sit honosque & gloria ruri  
 Gaudeat insolito natura adjuta favore.

Nec aberrare ab hoc etiam *Anatolii & Diophanis Citromalum*  
*ex malo & citro compositum* videtur, cujus jam dictus pariter  
 meminit *Joh. Bapt. Portal. c. p. 119.*

Hic vero id silentio præterire nefas est, sæpius memora-  
 tam arborem, præter adductos & alios nonnunquam ferre  
 fructus non minus rariores, citra nempe, *qua figuram manus*  
*imitantur compressa.* Et horum aliqui nitide etiam in *Miscell.*  
*Nat. Cur. Dec. I. Obs. 3.* exhibentur. Probabilis autem hujus  
 figura

figuræ hæc videtur esse causa: Cum nimirum fructus iste ex citro & malo aurantio sit compositus, ab initio statim rutæ æmulatur nodum, malum intus inclutum tenentem. Hinc si casu forsan contigerit, ut superiores ejus partes paululum aperiuntur, malum vi quadam interna nonnunquam proflire cogitur, quo facto deinceps id quod restat figuram quinque digitorum aliquantisper inclinatorum refert & progressu temporis ulteriori accedente incremento majorem nanciscitur similitudinem.

Subministrant vero & superiora tempora plantas quasdam, alio respectu mirabiles, in Voigtlandia natas. Siquidem paulo ante belli triennalis, Germaniæ admodum funestifinem, prope Lobensteinium *frumenti* quidam conspiciabatur *culmus quinque spicis præditus*. & huic non absimilis quoque eodem loco, in agro nimirum Consulis. A. 1694. exsurgebat planta, quæ in hortum deinceps transplantata, sex adhuc novas proferebat spicas, quas quinque septimanarum intervallo duæ adhuc excipiebant, & die tandem 8. Jul. binæ item ex medio nodo spissioris culmi sese offerebant spicæ, uti hæc prolixius narrat *Melissantes im gelehrten Historico* p. 328.

Hinc non dubito, quin hæc exempla *Observationi CXII. in Ephem. Academ. Natur. Cur. p. 185.* accenseri jure queant, ubi *hordei* quidam notatur *culmus & 15. majoribus & 9. minoribus spicis* donatus; quam in rem uberiora tradidi in der umständlichen Erzählung verschiedener merkwürdiger Exempel von sonderbarer Vermehrung der Feld Früchte. Conf. etiam *Collectiones Wratislav. passim*. Ecquis autem rationem istius multiplicationis hic non statim videt? Scilicet ex nodis, uti hoc exemplum clare indicat, exsurgunt spicæ, quæ si prope terram fuerint, radices utique, & deinceps mediante medulla spicas producunt secundarias. Verosimilem admodum celeberrimus Dominus *Wolfius* istam nuper effecit hypothesin, in der Entdeckung der wahren Ursache, von der Ver-

mehrung des Getraides , quare ulterius cum eo concludere licet, in transplantatione jam dicti fruticis proculdubio unum vel duo folia radici viciniore nodos spicæ, quibus invicem jungebantur, in terra vel juxta eam habuisse, qui postmodum novas, uti supra demonstratum, procrearunt spicas secundarias, & hæ iterum nodis suis prope terram jacentibus, accedente ulteriori succo nutritio, alias quoque dederunt. Qua ratione & in pago quodam Voigtlandiæ, cui *Freyreutha* nomen est, An. 1715. septem spicæ ex uno frumenti culmo prognatæ videbantur.

Hinc sponte cadunt incertæ istæ ac nullo plane fundamento nixæ hypothesæ, ac si ejusmodi multiplicatio non ab uno, sed multis proveniret granis, & fortuitæ gemmarum tribuenda esset mixtioni, quamque toties in hac causa multi olim allegabant; siquidem hic plane alia sese multiplicationis manifestarunt vestigia. Sed si dicendum omnino, quod res est, ejusmodi exempla inter rariora hodie referri vix merentur, cum cognita nunc multiplicationis istius causa, quotannis haberi facile queant. Interea tunc temporis rariora sane putabantur, quando causæ sic nondum erant cognitæ.

Tandem his etiam addo plantam Anno 1631. in vicinia urbis *Gera* natam, ubi in glandibus viridis apparebat galea, in aliis vero figuram referebat coronæ, imò pileum aut mitram mentiebatur Finlandicam, prout forsan Spectatores diversis imaginationis pollebant viribus. Vid. *Zopfs Geraische Chronica*, P. II. Et nullum omnino est dubium monstra hæc fuisse fructuum ab ordinaria alias qualitate aberrantium. Cum enim Plantis in sano sensu quædam anima denegari hæud queat, secundum ideas specificæ sibi impressas agens, quemadmodum diversa ista plantarum genera, etsi unico saltem constent principio, clare ostendunt. Hinc in iis etiam eodem ac in animalibus modo, abortuum nonnunquam accidere productiones, pariter in aprico erit positum.

tum. Et ita ex abundantia Succi nutritii, aut impedimento motus ordinarii, quo alias caulis formari solet, summitates istæ luxuriantes in glandibus forsan sunt ortæ, quibus tempestas forte aliquantum calida sua quoque dedit adminicula.

Quare memini etiam, in pago quodam Voigtlandiæ, cui *Steinbrucken* nomen est, *pira* quædam Anno 1719. me vidisse *prolifera*, quæ ex multis piris ad debitam figuram nondum perductis, ac foliis hinc inde interjectis, composita & proculdubio ex eadem causa producta erant.

Quod si vero anima, aut si mayis Natura aut quodvis aliud principium agens nulla in operationibus suis sentiat obstacula, grandiores utique nascuntur fructus. Ideo non raro *Greiza* quædam insignis magnitudinis conspiciebantur *mala persica*, 15. aut 16. semiuncia ponderantia, ac *Melones* 12. aut 14. libras exæquantes. Imò *Kostritii cucurbita* plus una vice 113. librarum repertæ sunt.

Judicet igitur aliquis, num tam sterile ac horridum heic loci sit Clima, uti à plerisque describi non raro solet. Dicerem potius permulta adhuc, tam in hortis quam in agris & hic tentari posse, si modo debita non deficeret cultura atque industria.

(Anno 1729. d. 2. Januar. Augustam Vind.  
missa)



( o )





## OBSERVATIO CLXX.

DN. D. MICHAELIS BERNHARDI  
VALENTINI.*De Phthiriasi insolita.*

**C**asum oppidò rarum haud ita pridem mecum communi-  
cavit. D. Gutmannus Buxbaum, Medicus Judæus Fran-  
cofurtensis, quem casum propriis ejus verbis hic adji-  
cio: Binis abhinc mensibus curæ meæ committebatur Vir  
quidam, annorum circiter 40. de intolerabili conquerens cu-  
tis totius pruritu, etiam somno obicem ponente: siquidem  
jugiter fricando & cutim unguibus dilacerando multas ferè  
noctes transegit insomnes. Me ergò accedens intolerabilis  
suar molestiæ solamen implorabat. Quoniam igitur, ob con-  
tinuum, quò divexabatur, pruritum, salium acrium in hu-  
morum massa prædominium faciliè conjiciebam, hinc cor-  
pus diligenter & per epicrasin evacuavi & V. S. eamque repe-  
titam suasi, haud neglectis insuper cucurbitulis scarificatis &  
internè adhibitis absorbentibus, humorumque acrimoniam  
temperantibus, quibus omnibus tamen nihil effeci, (& quod  
mirandum) pruritus hic molestus indies augebatur. Tan-  
dem lignorum decoctum suasi, cujus usu per octiduum tota  
ferè corporis peripheria plurimis tuberculis hinc inde indolen-  
tibus quidem, ast immane quantum (ut æger perpetim con-  
questus) prurientibus, conspersa apparebat. Multa & gene-  
rosissima, tam pro discutiendi, quàm maturandi scopo ten-  
tavi pharmaca, ast irritò prorsus conatu. Æger autem affe-  
ctus & pruritus continuò lancinantis pertæsus me anxie roga-  
bat, ut tuberculorum unum aut alterum aperirem & quid  
intus lateret, inspicerem; siquidem sibi videri mera animal-  
cula viventia subesse. Curiositate ergò ductus, Patientis de-  
siderio morem gessi, accersitoque Chirurgo præcepi, ut uni-  
cum

cum tantum aperiret, quo aperto (obstupefcas quæso) nulum feri vestigium, nec ulla profluentis puris guttula prodibat, sed tanta congeries *pediculorum*, figuræ & magnitudinis diversæ, quæ data porta subsultando quasi erumpebat, ut fere numerari nequiverint, & æger viso insolito hoc spectaculo fere animo deficeret. Apertis ergo, suasu meo, reliquis tuberculis, omnia uti priora, tanta animalculorum horum catterva scatebant, ut nihil supra. Continuato hinc diaphoreticorum & catharticorum Mercurialium usu, deterfis simul ulcusculis, ægrum intra aliquot septimanarum decursum (auxiliante Deo) pristinae sanitati restitui, qui jam incolumis & ab omni ulteriori pruritu planè immunis vivit.

## OBSERVATIO CLXXI.

DN. D. MICHAËIS BERNHARDI  
VALENTINI.

De

*Judeo androgyno, recens nato, cum ano  
imperforato.*

**I**dem Medicus Judæus die 21. Jan. hujus anni seqq. Francofurto ad me scribebat: Ante octiduum natus est in platea nostra infans utriusque sexûs genitalibus instructus, qui urinam per membrum quidem virile naturaliter & debito modo excernit, excrementa verò s. v. per muliebria exonerat, ano penitus imperforato. Aliàs corporis est sanissimi & lac maternum avidè ac largiter sugit, placideque dormit, ita ut hesternâ etiam luce, prout apud Judæos in more positum est, circumcissus fuerit. Optandum esset, ut, si infans forte obdormisceret, cultro anatomico committi posset, cujus Sectio multa rariora detegeret.

OBSERVATIO CLXXII.  
DN. D. JOHANNIS SALZMANNI.

*Historia Terræ motus.*


Anno 1728.

**Q**uandoquidem de terræ motu, qui die tertio Mensis Augusti Anni proximè elapsi 1728. non modo Argentoratum nostrum, sed universam fere Alsatiam modo quodam extraordinario, & in hisce regionibus rarissimo concussit, novellæ publicæ aliqua retulere, quæ vel omnem fidem superant, vel etiam nimium exaggerata à credulis sunt, non pauca denique cum rei veritate conveniunt, haut abs re fore existimavi, ea, quæ de insolito atque tristi hoc naturæ phænomeno vel ipse observavi vel ab aliis fide dignis accepi, paucis describere. Fuit autem dictus Terræ motus ex illo genere, quem Aristoteles speciali nomine *Τρόμος*, Seneca tremorem appellavit; notabilis quippe telluris pars cum super incumbentibus ædificiis quibuscunque undiquaque contremiscere & vibrare (ut Clarissimii *Sturmii* *diff. de Terra motu* verbis, uti hic, ita & alibi utar) percipiebatur concussione ad latera utrinque & horizontaliter facta, & impetu horsum atque illorsum in latitudinem veluti diviso; aliquibus in locis nutare terram & superextructas ædes turresque instar navigii faciebat. Unde & illam speciem, quæ Senecæ inclinatio, & Garcæo in meteoris arietatio vocatur, simul concurrisse statuo. Non vero, uti plerumque fieri assolet, uno eodemque gradu atque impetu quæcunque urbis mœnia conquassata fuisse, sed pro diverso cuniculorum per terræ viscera repentium situ atque tractu, alia magis, alia vero minus; præ aliis ista ædificia, quæ Bruscæ flumini per urbem decurrenti propiora sunt, ejus effectum vehementiorem persentiscebant. Neque in dies, in menses, multo minus diutius ille duravit, uti *Pli-*

num, etiam è longinquo factus est concursus. Et sane in omni vastissimo plantarum genere nulla hactenus est observata species, quæ post longiorem moram, tam subito protruderet, tamque brevi temporis intervallo perficeret amplissimum caulem, in tot prolixos abeuntem ramos, tot florum millia sustinentes. Nostra certe *Germania*, inter regiones Europæ haud postrema, sed inter primas *florentem* ostendit *Aloë Americanam*: quandoquidem anno sæculi superioris XXVII. talem in Horto Aulico Onoldino jam floruisse constat, & ab illo tempore diversis in locis idem evenit; uti ex adverso (quod mirum videri debet) in *Belgio* usque ad annum 1672. nulla *florens* observata fuit *Aloe*, *Abrah. Muntingo* teste, in *de vvaare. Oeffening der Planten* pag. 243. In *Magna vero Britannia* proxime elapso demum anno, primam *Aloë* effloruisse accepimus. Currente hoc sæculo vix unus alterve annus præterit, quo non alicubi phænomenon istud notatum fuerit, ut hodie, propter frequentiam, non parum minuatur ejus admiratio. Qui observationes circa istam *Aloë* instituerunt auctores, quantum mihi constat, omnes de *fæcunditate seminis* ipsius nihil certi pronunciarunt, & *Tobias Aldinus*, sive (quod genuinum Viri nomen est) *Petrus Castellus*, in *Descript. Plant. Horti Earnesi*. de eo plane dubitat; ut adeo in hoc usque tempus hortulani non alium *propagandi modum* cognoverint, quam *per stolonem*; sive sobolem, pone radices subinde pullulantem, avulsam & in idoneum solum translatam. Germaniæ autem nostræ, & hujus Emporio nobilissimo, *Frankofurto ad Mœnum* debetur hæc gloria, quod felici successu tentaverit, ac primum consecuta sit *Aloes fæcundam sationem*. Nimirum anno hujus sæculi XXVI. in horto domestico, compluribus exoticis stirpibus instructo Viri Magnifici Dn. *Conr. Hieron. Eberhardi*, Medic. Doctoris, t. t. Reip. Patriæ Consulis Senioris, lætissime *efflorescens Aloë*, sub autumnum ultra centum *capsulas*, maturo semine plenas produxisse visa fuit; quarum una quædam, cum totius *Aloes* schemate, in Tabula ænea, pri-

mum rei antea nunquam observatæ specimen oculis curiosis præbuit. Inde vero Venerabilis horti Dominus spem concipiens fore, ut, quæ satis matura videbântur semina, terræ commissa germinarent, eorum nonnulla sub initium sequentis anni XXVII. ferenda hortulano præcepit, optato penitus eventu. Quem cum animadvertisset Vir Excellentissimus D. *Joh. Georg. Kistnerus*, laudatæ Reip. Physicus & Illustris *Eberhardi* ex Sorore Nepos, Amicus inter veteres mihi carissimus, operæ pretium esse duxit, ut istius germinationis initia & progressus ad sextum usque mensem, in duobus novellarum plantarum individuis accurate delinearentur; quæ schemata venerando Avunculo suo dedicata, cum bona Nobiliss. Autoris venia, in perpetuam rei feliciter gestæ memoriam, hic inferenda curavi, (vid. Tab. XII.) hoc quidem libentius, quo jucundior mihi exitit novi ipsius phænomeni *autoψία*, cujus recordatio subinde renovatur, quoties intueor illam, eodem satû productam *Aloen*, dono datam à laudato Viro, & pulcherrime succrescentem in Horto nostro Academico. Memorabile autem hoc etiam est, quod idem sationis experimentum, sequenti aut tertio quoque anno repetitum per asservata semina, prospere evenerit; unde patet, ipsa esse ex eorum genere, quorum fœcunditas ac virtus germinandi per annos plusculos durare soleat. Ceterum accuratam *Aloes Americane historiam*, è propriis Observationibus, in ista Norimbergensi, quæ anno eodem floruit, singulari industria institucis, Excell. D. D. *Trevv*, Collega noster amicissimus, condidit ac divulgavit.






N<sup>o</sup> I. die 27. April.



I



II.

N<sup>o</sup> II. die 27. Maij.



II.




III.

N<sup>o</sup> III. die 27. Junij.




III.



IV.

N<sup>o</sup> IV. die 27. Julij.



IV.



V.

N<sup>o</sup> V. die 27. August.




V.



N<sup>o</sup> VI.


die 27. Septembris.

VI.



VI.





OBSERVATIO CLXXVIII.

DN. D. JOHANNIS CAROLI  
ROSTII.

*Hepar scirrhusum ossis concretionibus & calculis  
refertum, in viro, qui Ascite & hernia la-  
boravit, defuncto.*

**V**ir 46. annorum, temperamenti melancholico - cholericco - sanguinei, texturæ corporis mediocris, ad gracilitatem vergentis, iracundis animi commotionibus ac vitæ generi rudiori, mutationibus tempestatum exposito, insimulque victui irregulari, non raro cum repentina potulentorum ingurgitatione subjectus, antehac sanus, sub initium ætatis virilis, dolore sensim invalescente obtuso, continuo, in hypochondrio dextro, seu Hepatis tractu, cum tensione & magis magisque palpabili renixu absque evidenti tumore infestabatur, quem haud ita diu post ictum pedis ab homine petulanti huic regioni illatum, primo emicasse, patiens postea recordatus est, qui eundem sibi non adeo molestum, pectoris angustia cum respirationis labore irritationibusque tussiculosis siccis, ab illo tempore adauctum, negligenter habens, per intervalla largam narium, modo dextræ, modo sinistræ hæmorrhagiam, aliquot libras nonnunquam excedentem incurrit, qualem in juventute parcius expertus est. Varia equidem intra biennium fluxui sanguinis domestica opponebantur auxilia, Epate obliato; sed inconstanti partim cum successu, partim & hæsitante sanguinis excretionem, cum sensibili reliquorum incommodorum, tussis præcipue & aggravationis anhelitus incremento, quibus jungebantur abdominis extensio, flatulentia, & frequens mictionis tenesmodes imminutio, quin ad unum alterumve diem plenaria suppressio, urina dein interdum cruenta, semper vero cum sedimento crasso, farina-

ceo-feculento rubello procedente. Rebus ita comparatis accersitus, ponderatis circumstantiis, Hæmorrhagiam hancce narium, utut insolenter ætateque incongrua insistentem, salutaritamen scopo à Natura fultam æstimavi. Ægro etenim inter confinia illa, ab *Hippocrate* S. III. aph. 29. 30. indicata, versante, ubi congestiones ad pectus adhuc diriguntur, proxime cum motibus hæmorrhoidalibus permutandæ, sanguis ab Hepate coarctato impeditius admissus, redundabat ad pulmones, molestiam spirationis, compresso à Jecore diaphragmati ex parte innixam cumulans, infarctumque ibidem, Hæmoptoën, Phthisin imo ac tabem minitans; qualem ab hæmorrhagia narium periodica, uberiori etiam, præcaveri vel protrahi constat: prout ipsemet in aliquot subjectis experientia edoctus novi, & à *Chr. Bennet* in *Theatr. tabidor.* p. 14. sequ. confirmatur. Incautam adeoque per empirica stringentia depletionis hujus spontaneæ cohibitionem intentatam improbens, suasi Venæ Sectionem in pede, extra Paroxysmum, circa æquinoctia, pediluvia, blanda laxantia, diluentia, resolventia ac temperantia nitroso-salina, antispastica, cinnabarina; quibus non tantum Hæmorrhagiæ innocenter consulebatur, sed & depravato Hepati & consecretariis inde pullulantibus, quantum possibile, prospiciebatur: urinæ vitiiis egregie quoque sublevatis, quæ adhibitis pellentibus exasperabantur, & deficientibus signis pathognomonicis sufficientibus, non tam Nephritidi aut calculo, uti credebatur, quam aut anomalicis moliminibus hæmorrhoidalibus, aut aliis spasticis evagationibus per consensum ad vesicam, colludentibus, ab inordinato sanguinis per viscera abdominis motu & toni intestinalis variatione orientibus flatuosis contentionibus deberi mihi visa sunt. Catheteris immissionem æger gravissime & sine fructu ferebat: Enemata demulcentia & carminativa, Cataplasma notissimum è cepis sub cineribus assatis, unctiones perinæ antispasmodicæ oleosæ camphoratae, ac, si refrigeratio artuum inferiorum præcellerat, later calefactus plantis pedum appositus, præter

inter-

interna superius indigitata, promptum dabant auxilium. Urina crassa cum libere progrediente, usus Decoct. nephrit. For. à Zwelfero correct. nec non modestorum carminativorum, exclusis acribus aromaticis, è re erat.

Per plurium mensium seriem Patiens sic satis commode vixit. Ingruente vere anni 1727. expansione infirmi ventris, cum flatulentia impetuosiori perterritus, alieno consilio vaporem Specierum pro Vino absinthite composito residuarum, adjectis lapidibus ignitis excitatum, cruribus ac abdomine excepit: sed brevi post una cum Hydrocele transparente, pedumque inflatione œdematosa, indubitatum se sistebat Ascitico-tympaniticum exordium; quod tamen intra sex ad octo septimanarum spacium, circa medium Junii, adhibito interne vino medicato è resolventibus aperitivis amaris & diuretico-laxativis, subjunctis Pilulis balsamico-visceralibus, Mixtura tonica &c. tam bene fuit terminatum, ut serotum topicis discutientibus provide tractatum, per rimas tenuissimas sub forma intertriginis humorem lymphatico-glutinosum serosive copiose diuque fundendo, successive ad naturalem statum rediret, & æger œdemate pedum extricatus, tumore abdominis imminuto, angustia præcordiorum tussique maximam partem sublatis, sinistro ac dextro lateri promiscue incumbere, extraque domum negociis suis vacare denuo posset; valetudinarius interim & obstaculorum suorum urinandi haud penitus immunis.

Anno 1728. exeunte Febuario, certior fio, illum Exomphalo laborare, quem præter Bubonocelen & Oscheocelen celatas, olim, nescio qua occasione, se contraxisse nunc confessus est; qualis quidem ipsi non adeo curæ erat: siquidem pauca opera, nuda aliquot digitorum applicatione ac pressione, tumorem sub audito rugitu retropellere poterat; hinc affectum parvi ducens, fascia appropriata se non munivit. Hac vice formata hernia consuetam repositionem respuebat, quam Patiens clinicus factus, ipse multoties frustra tentârat, sicque

nonnisi laceffiverat. Dolores hinc accendebantur acerbissimi, cum agrypnia & jectigationibus, alvo tamen nondum obstructa. Tertius jam præterierat dies, cum demum mane vocatus, Omphalocelen cerno pertinaciter incarceratam, tumorem scilicet ex ipso umbilico elatum sphæroideum, pomi grandioris magnitudine, superius nonnihil planum & in medio levissima vestigia umbilici gestantem, basi angustiori, diametri majoris abdomini parallelæ tertiam fortassis partem emetienti insidentem, durum, urentem, summis cruciatibus ægrum exagitantem, qui nullatenus tenuis intestini, jejuni aut ilei portionem captam, prout ego ipsi fidem faciebam, sed unice flatus detentos subesse putabat. Cum pulsus moderate febrilis tactui se offerret, nec sitis nec calor urgerent, potius horridulus aliquis rigor corpus vel pauxillum saltem denudatum pervaderet, præmisso prognostico, ordinavi remedia interna Inflammationi inchoanti resistentia, Clysterem emollientem ac lenientem, nec non Cataplasma emolliens quoque & demulcens, jugiter renovandum; cum cautela, ne nimis diu ipsi inhæreatur, nisi intra paucas horas solutionis spes affulgeat: cum secus rumor vel ob rarefactos intus halitus crescat, vel affluxus cieatur, inflammatioque ac gangræna acceleretur, Operationisq; ultimo subsidio opportunum momentum præripiatur, ad quam communiter serò consentitur; & partium strangularum necrosis ante jam accedit, quam topica seponuntur; id quod & in nostro casu advertimus; siquidem nondum paratis pharmacis internis, nascitur singultus, pessimo omine. Clyster ad semihoram retentus, binis dein largis dejectionibus aquosis, absque flatuum consortio redditus fuit. Post meridiem mature ægrum visitans, rapcum eundem & in extremis angustis constitutum comperio, cum pulsu febrili, sed titubante, parvo atque oppresso. Erumpit, me adstante, insolens vomitus iteratus quantitatæ prodigiøsæ phlegmatis flavescentis spumidi inolentis. Umbilicus tumens,ensus, ex rubro lividus in apice exsudabat spumam purulentam, induratum



fiſum agglutinantem, claro gangrænæ præſentis & funeſti exitus inſtantis indicio; qualis & altero die circa diluculum contigit.

Inſequentē nocte cadaver impetravimus, ſeſſione quantum anguſtia temporis permiferat, luſtrandum: ubi decuſſatim inciſo Exomphalo, ſtatim in conſpectum prodibat tenuis inteſtini portio replicata, quinque circiter digitos longa, inanis, undique ſphaceloſa & inflata, ab annulo umbilici artiſſime ſtrangulata. Jejuni erat pars, ſicuti plerumque aſſolet; quamvis Pariſiis ex ore celebriſ Chirurgi Dn. Arnaud habuerim, obſervari ipſum Hernias umbilicales, quæ inteſtini coli partem includebant, abſque ullo omento: & hoc etiam aliquando in homine quodam valde obefo. Ita inſignis famæ vir, Dn. Petit pariter ibidem narravit, ſe anno 1714. Operationem talismodi Omphaloces peregiffe, in qua plicam coli reppererat, nihilque Omenti; cujus nec nobis Caſus noſter aliquid obrulit; quod tamen reſpectu ſitus neceſſario ſemper fieri debere quis exiſtimet. Neque enim Epiploon hanc Herniam intraſſe, à priori, præter alia, id mihi perſuadebat, quia incarceratione, etſi aliquandiu jam durante, vomitus nullus alimentorum ſe exeruit, qualis propter connexionem omenti cum ventriculo alias ſociatur. Et vomitus quidem ab Herniis umbilicalibus, inteſtinum jejunum continentibus, etiam imminet, citiusque quam alvi ſuppreſſio, ob brevem diſtantiā hujus inteſtini à pyloro; quemadmodum Bubonoces & Herniæ completæ ſcrotales, ilei quid includentes, ratione contraria, feces alvinas facile remorantur, & vomitus his tum demum familiares quoque ſunt: notabitur vero materiam rejeſtam heic ſtercoracei foetoris eſſe; in Enteromphalocoe autem liquida emeſi exturbata, haud alimentoſa, longeque minus foetoris ſpargere: ex hoc ſane fundamento, quod ſupra inteſtinum jejunum parciora excrementa reſervantur, quam in ilco.



Aperto abdomine, proficiente statim largissimo rivo serositatis flaviusculæ, cujus & omentum fracidum, inæqualiter explicitum, in duplicatura sua ultra libram reservabat, Venter protuberabat horrendum distentus, cum vasis suis coronariis nigricantibus, & intestinorum flatibus turgidorum ac inflammatorum canali. Ilei continuationes istæ, quæ antehac Hernias inguinalem & scrotalem repleverant, corruptæ apparebant & gangrænosæ. Mesenterium glandulis aliquot scirrhis obsessum offendimus, molle, laxum, Herniarum intuitu, & occasione percussione in infimum ventrem perpessæ, forsitan alicubi à naturali cohesionē separatū aut dilatarum. Verissimum namque est, Hernias intestinales hoc primitus requirere, quoniam intestina eidem firmiter alligantur, adeoque è sede sua deflectere nequeunt, nisi mesenterium ob quascunque violentias prius cedat. Ita illi, qui quassante equitatione infelicitèr Hernias incurrunt, sentiunt ordinariè prius tensionem dolorificam circa umbilicum & lumbos, quorum primæ & tertiæ vertebrae mesenterium affixum est: argumento haud obscuro melaræi afflictī, tensi vel diducti; remittente postea simul peritonæo & annulis dilatatis, tandem intestinum propria gravitate descendit: id quod sæpe simul & semel quidem accidit, sed non æque sine prævio hoc supposito. Arte procuranda Enterocèle aliqua in cadavere, conjecturæ huic non parum suffragabitur.

Pancreas in subjecto nostro marcidum & vix dignoscendum, Splen infarctus & semicorruptus extitit. Hepar cum diaphragmate alte sursum, Thoracem versus, tractum & reortum latitans, modicè tumidum, tunica crassa robustissima, instar corii strepitum crepitantem sub dissectione concitante vestitum, lobis solitis minus interdistinctis contemplati sumus. Nulla in eo corpuscula glandulosa separata, sed lapillos quosdam fuscōs, quorum præcipui piperis granum æquabant, deprehendimus; massam autem ejus tenacem, resistentem, albicantem & cinericiam; quamvis in latere sinistro

*nus lib. 2. cap. 82.* vult, terræ motus præprimis vehementiores ante 40. dies haut finiri, sed ad 12. vel 14. solum horas sese extendit, neque continua serie vim suam exseruit, verum interrupta, & per intervalla rediit, quo temporis spatio octonis pulsibus interruptis tandem cessabat. Initium ejus prædicto die tertio Augusti temperie aëris calidissima existente, nulloque vento prægresso, mox post horam quartam vespertinam erat, totam urbem ejusque confinia, & simul incolarum animos haut leviter concutientis, perque octavam circiter horæ partem perdurantis; ab hoc, quia præ reliquis infrequentibus magnus fuerat atque validus, infra annotati effectus potissimum dependebant. Hunc aliquot momentis post alius sequebatur priore notabiliter languidior, quos inter sextam & septimam horam eadem vespera duo alii excipiebant pariter haut validi, adeoque non ab omnibus observati. Circa horam circiter nonam quintus ingruerat pariter paulo debilior, majori tamen cum impetu quam quartus sese exserens. Inter secundam atque tertiam à media nocte horam duo alii tremores integram urbem commoverunt, quorum prior, si impetum atque validos successus, quorum duo erant, spectes, ad primum quam maxime accedebat, in hoc solum ab eodem discrepans, quod breviori temporis intervallo absolvēbatur; posterior duratione huic par, impetu vero minor erat. Octavus longo à modo memoratis intervallo disjunctus nonnisi tredecim diebus post, nempe die 16. ejusdem mensis Augusti hora ante meridiem decima se exerebat, impetu & duratione minor; aliquot quippe pulsibus, iisque haut fortioribus finiebatur. Neque intra mœnia urbis substitit hæc calamitas, sed & confinia quaquaversum affecit, imo & ad loca remotissima & multorum milliarium intervallo diffusa sese extendit; illud testes *αὐτοὶ πταί* numero haut pauci è pluribus Alsatix locis huc convolantes ipsi enuntiarunt, vel per alios ejus rei certiores nos reddiderunt, hoc literæ Manhemio, Wormatia, Heilbronna, Nordlinga, Francofurto, Gissa, Basilea  
item

item, Scaffhusia, Tiguro aliisque locis allata satis superque comprobantur; quæ simul docuerunt, unum eundemque terræ motum in diversis hisce regionibus fuisse, utpote cui eundem diem non modo, sed & eandem fere horam assignabant; hunc quoque eundem & deorsum ad tractum Rheni versus Septentrionem & sursum versus meridiem in Helvetiam exporrectum fuisse.

Quod jam effectus nostrum terræ motum insecutos attinet, varii illi utique fuerunt; & primo quidem à concussa vehementius etsi non disrupta telluris parte canales super ædium recta caput exferentes & fumo educendo inservientes, quos Caminos vocant, ultra ducentos vel omnino, qua supereminabant, vel ex parte hinc inde per urbem ab eo dejecti sunt. Secundo pleraque ædificia, præ aliis altioris structuræ templa & turres adeo nutabant, ut jamjam subruì viderentur, nulla vero per Dei gratiam corruerunt, adeo vero contremuere, ut connexiones atque repagula omnia dissolvi crederentur, atque ab illis, qui tunc temporis in ædibus commorabantur, sonus ingens atque tremor ita fortis perciperetur, ac si in superiore domus contignatione rhedæ vel currus plures utro citroque discurrerent; quin & iis, qui in ædibus in plateis paulo angustioribus erant, istæ è regione sitæ super has lapsuræ videbantur & qui in istis commorati sunt idem ab his metuebant. Tertio fornices plures, muriq; lapidei tum ædium, tum etiam templorum disrupti rimas hinc inde egerunt, parietum superextructorum fissuræ diductæ aut alia super extantia disjuncta fuere. Quarto insuper non quidem intra urbis mœnia sed in confiniis saxa quædam aut partes reliquis infirmius connexæ cum vi excussæ atque projectæ sunt. Quinto non minus excelsa illa turris, quæ

*Caput inter nubila condit,*

atque structura sua artificiosissima advenas quoscunque in sui admirationem rapit, haut parum nutavit, & tanto cum impetu

petu concussa fuit, ut è lapide insigni concavo & oblongo quadrato, qui in area ejus 327. gradus alta locatus est, notabilis aquæ portio non modo effusa, sed & ultra 6. pedum latitudinem à dicto lapide projecta fuit, atque distantiam 18. pedum in plano profluxit, quod vero aliqui è vulgo tam sibi quam aliis persuadere voluerunt, turrim hanc excelsam pedem integrum loco motam fuisse, atque mox saltu veluti facto pristinam in sedem sponte sua rediisse narrarunt, nemo prudentiorum, qui scientiæ naturalis principia vel summis labris attigit, fidem facile adhibebit, sed potius ad vulgi insomnia & fabulas aniles merito ablegabit. Præterea non solum in rebus inanimatis, nempe ædificiis tristitia sui vestigia reliquit, sed & in hominum animos effectus aliquot graviores edidit hoc naturæ phænomenon. Nihil quidem jam dicam de consternatione & terrore insigni, quem plerorumque mentibus incussit, eam maxime ob causam, quia quod alibi locorum frequentius affligere terricolas solet, illud hisce in regionibus atque confiniis, de quo nobis gratulamur, paulo rarius observatum hæcenus fuit. Alsatia quippe nostra, utpote Regio mediterranea, & notabili planitie gaudens, non maritima, non montosa, ab ejusmodi calamitate diu multumque immunis fuit, præter quod ante annum, & quod excurrit, similem telluris concussionem, sed adeo levem, ut notabilem noxam haut inferret, neque ab omnibus incolis perciperetur, experta fuerit; quo magis ergo extraordinarium jam erat atque insolitum hoc meteoron, eo majori terrore perculsa inde sunt incolarum pectora & veluti terræ motu microcosmico trepidarunt sibi que pariter atque ædibus suis exitium metuerunt, quod proculdubio etiam subsecutum fuisset, si majores paulo successus aut alia phænomena, quæ terræ motum alias comitari solent, accessissent. De reliquo nullus hominum detrimentum inde aut læsionem perpessus est, præter puerulum sexennem qui à filicibus, quibus platearum publicarum pavementum sterni solet, ingentem in cumulum

congestis, superioribusque à tremore deturbatis oppressus est. Plures ex ædibus suis prosiliendo & per plateas hinc inde discurrendo securitati suæ prospicere voluerunt, tantaque consternatio omnium erat, ubi testa crepuere & ruinam minata sunt; quid enim (ut *Seneca quæst. natur. lib. 6. cap. 1.* ore loquar) cuiquam satis tutum videri potest, si mundus ipse (rota Civitas) concutitur & partes ejus solidissimæ labant? Si quod unum immobile est fixumque, ut cuncta in se intenta sustineat, fluctuat? Si quod proprium habet terra, perdidit stare? Potissimum vero corpora morbosa hanc levem inde alterationem senserunt, inter quæ Medicus erat, qui febre acuta decumbens malo è vestigio in pejus ruente, die proxime insequente motibus convulsivis telluris tremorem veluti referentibus correptus diem supremum obiit. Alius mercaturam faciens & simili morbo affectus, cujus ego curam habui, mente abalienatus in furorem plane extraordinarium abreptus est, à quo post aliquot demum dies sed ægre restitutus fuit. Quidam antea bene valentes varios in morbos inciderunt, quos & similes effectus non tam ipsi terræ motui, quam potius terrori inde oborto quivis mecum adscriber.

(*Argentina Gissam d. 6. Febr. An. 1729.*  
missa.)

## OBSERVATIO CLXXIII.

DN. D. PHILIPPI JACOBI WEIGANT.

De

*Satyriasi epileptica infantis, à callo in pene.*

**P**Rænobilis Domina *Maria Anna*, strenui ac amplissimi D. de R. conjux, temperaturæ sanguineo-biliosa, sanum enixa filiolum, quem nec ulli morbosa labi obnoxium,

ad unius anni terminum educavit absque lactatione, cum sola aqua foeniculi; spatio hoc temporis finito, tenellus alias constitutionis optimæ, indies *convulsionibus epilepticis* torqueri conspiciebatur, quæis cessantibus, *penis erectio satyriaca*, cum urinæ stillicidio insequenti per multas horas observabatur; deplorans filii miseriam pia mater, chirurgum in hac Arte medendi imperitum accersiri petiit, qui inepte tenellum laborare calculo iudicans, clysteres & nonnihil vehementiora diuretica, epilepticis admista præscripserat, cumque indies exinde malum adaugeretur, ita ut *vera satyriasis*, frequentiorque *epilepsia* insequeretur, meam Dominus Pater vesperi implorat opem, qui ut infans altero die summo mane in balneo lactis collocaretur, inque eo mediæ horæ spatio detineretur iussi; en! cum pridie calculum non adesse pronunciaissem, tenellumque accuratius inspexissem, invenio naturæ aberrantis minerabilem structuram, & inprimis erectum *penem carere præputio*, figuram colli pulli gallinæ plumis spoliati præsentantem, eundemque *duplici mense urinario* instructum, tali modo, ut quilibet aspiciens verum à falso meatu neutiquam dignovisset; inquirens ego, utrum ex utroque infans emitteret urinam, responsum tuli, modo ex uno, modo ex altero, sed non nisi per stillicidium; ego statim interdicens diureticis, post prædium balneum lactis repetere iussi, atque cognatum egregii Viri, *le Prince*, paucas ante septimanas Parisiis hîc advenam accerso, exploratoque meatum origine, utrumque phlebotomo unire iussi, credens rem optimi eventus futuram; experior vero altera die stillicidium interpolatis convulsionibus necdum cessare, rursus exploro ope chirurgica locum, & invenio *callum durissimum* ad radicem, urinæ profluvium impedire, convulsionumque existere causam; hunc convenienti instrumento chirurgico perfodi illico curavi, contra Parentum voluntatem; quod ubi factum est, ultra tres urinæ libras è vesica vehementer, extensa profluxere, infansque non



tantum ab hoc periculosissimo affectu liberatus, sed paulo post etiam à variolis supervenientibus feliciter fuit curatus.

(*Vienna Augustam, Vind. d. 22. Aug. An. 1728. missa.*)

## OBSERVATIO CLXXIV.

DN. D. CHRISTIANI GOTTLIEB  
MEINIGII.

*De Vera Solis Extractione.*

**A**rtificium eruendi meliorem partem è corporibus mistis, nucleumve à putamine separandi, non parum hætenus Physicæ luctoribus facessit negotii. Nec desuere unquam talia *Alcahesta*, sive menstrua, ad extrahendam veram rerum animam, seu genuinam Quintam Essentiam, à Chymicis excogitata. In regno quidem vegetabili & animali parum subfuit difficultatis, dum *genuinus Spiritus Vini alcoholisatus*, modico *Salis Tartari animatus*, vel etiam extrahenda eo imbuta longo abhinc tempore unicum idque optimum, fuere ac permansere menstruum, per quod subtile sulphur è vegetabilibus extrahi, atque his ipsis animula sulphurea posset adimi. Non dicam jam, quantum culpæ & hoc in passu admittatur, quod per improvidam ignis, ineptamque Vasorum custodiam, subtilis isthæc animula evaporetur, rudisque ac rancida substantia remaneat; id solum dicturus sum, plus in *regno minerali* desudatum fuisse fini isti consequendo; quandoquidem plurimus Chymistarum labor non in *extractione*, sed solutione mineralium positus fuit, cui rei plerumque *menstruum* quoddam *corrosivum* adhibuere; quin imo sæpe factum, ut menstruum ejusmodi nonnihil coloris assumserit, id quod tamen non ab intrinseca rerum ipsarum essentia, sed potius à diversimoda Salium compositione exortum.

Quod-

Quodsi proinde neque in *Mineris* res succedere potuit, dum & horum vera *separatio philosophica* insigne naturæ arcenum sit maneatque; quanto magis multi Chymicorum circa *Metalla* ipsa, ac præcipue circa *Aurum*, naufragium facere necesse habuerunt; quippe de cujus extractis pariter ac potabilitate, ut ajunt, immensa farrago processuum inutilium ac incassum quasitorum præsto est; nam & hic tandem menstruum ad aliud nihil, nisi ad corrosivum quoddam redire videas, cujus salia particulas quasdam subtiliores quidem solvant per alembicum destillent, imo & colore donent, ipsum vero auri interius non feriant, sed omnino intactum relinquere cogantur. Hic itaque cum viderint, *Spiritum Vini*, *Aurum*, *extrahendo vincere non posse*, mira ipsis in mentem venerunt instrumenta quibus aurum istud innopium stupendo more distorferet, idem tamen lucrificare nequiveret, nisi quod per varias officinas sibimetipsis imposuerint. Non pensitarunt, *Sulphur insensibilissime Auro adversari*, prout optimam veritatem hanc provide admodum annotavit *Basilius Valentinus*. *Quamdiu ergo Sulphur hoc combustibile Spiritui Vini jungitur, tamdiu ex auro nihilum quidem consequi valet; simul ut vero discretio Sulphuris combustibilis à Spiritu Vini facta, subito auro perpulchre conciliatur, animulamque hujus, ipso non reluctante, prædam capit.*

Atque ex hoc fonte procedit iste *Spiritus Salis dulcis Basili*, quem ipse quidem retexit, nihilominus tamen Instrumentum philosophicum reticuit, quanquam hoc ipsum quoque ab omnibus philosophis occulte admodum sit habitum, hujus namque beneficio *Sulphur exustile à Spiritu Vini sejungitur*, hic vero, licet rectificatissimus, in *aquam* quandam *mercurialem*, prorsus inspidam suapte natura commutatur; quæ quidem aqua calci præparata scil. auri admixta initio viridem, post cœruleum tandemque puniceum & amethystinum extrahendo producit colorem; quo facto corpus auri canum remanet, atque perpaucum ponderis sui perdit. Et hæc auri

*Purpura*, uti persuasum habeo, in Medicina æque ac Chymia altiori, insignes revera producere posset effectus. Hoc itaque Instrumento, cum id mihi suppetat, modumque procedendi perspectum habeam, non potui non, hac de re Naturæ Curiosos, quotquot hujus studii amor tenet, certiores reddere, tuto asseverans, *genuinum Vini Spiritum, rite preparatum, omnium trium Regnorum, quicquid contra statui velit, nihilominus esse atque manere Clavem optimam.*

(*Wurzerio Augustam Vind. d. 20. Mart. A. 1729. misse.*)

## OBSERVATIO CLXXV.

DN. D. JOH. ADAMI LIMPRECHTI.

*Multis aliis frustra adhibitis Vinum Hungaricum, remediis Solamen Scabiosi inopinum.*

**M**edicum triginta annorum, natione Germanum, ab iuvenibus suis, ultra Octennium per Germaniam superiorem & Inferiorem, Belgium Fœderatum æque ac Hispanicum, quod nunc temporis appellatur Austriacum, Angliam, Galliam, Lusitaniam, Hispaniam & Italiam extensis, in Patriam quæ Poloniæ, Bohemiæ, & Hungariæ adjacet, reductum, *mala* occupat *scabies*, tam altas in eo agens radices, ut magno temporis spatio vix ac ne vix quidem ea funditus eradicari posset. Vana erant, pravos humores corrigentia pariter ac evacuantia, interna & externa, sollicita etiam diligentia assumpta vel applicata, observatâ insuper Diætâ exactissimâ. Sudores in balneo Laconico sapius repetiti, videbantur ex omnibus remediis optima; sed videbantur saltem; ex uno enim loco cedebat pruritus, ut alium majorem cum molestia vexare valeret. Tandem denique anno ferè peracto, chronici hujus affectus tenuisque diætæ pertusus ager, invitatus ab amico, audebat accedere convivium, in quo melio-

melioris notæ *Vinum* ipsi propinatur *Hungaricum*, quo largius potio, sequentibus diebus in digitorum interstitiis non talem sentit ut antea dolorem, ulcuscula quoque, omnibus aliis medicaminibus sepositis, manifestè deprehenduntur imminuta; breviter ut dicam, cutis extremitas antiquum recipit nitorem. Pertinax etenim feri acritudo liquore isto oleoso, copiosi infuso obtunditur, imò recidivæ.

*Cura fugit, multo diluiturq; mero!*

(Berolino Augustam Vind. d. 1. Maji A. 1729.  
missa.)

## OBSERVATIO CLXXVI.

DN. D. JOH. FRID. HENCKELII.

De

*Chamamelo monstroso.*

(vid. Tab. XI. Fig. 3.)

*Sistitur hic Chamameli mirabile germen*

*Monstrum formosum, si placet, egregium.*

*Hinc videas, quantum valeat natura Deastra*

*In regnis mire luxuriare suis.*

*Verum, cur ideo tibi fingis prodigiosa?*

*Raraque cur plus quam quotidiana placent?*

*Flores quot campis, en tot miracula prostant:*

*Quin illud θεῖον gramina queque docent.*

## SCHOLION.

**T**Ametsi plena sint *Ephemeridum Acad. N. C.* volumina exemplis ejusmodi monstrorum in plantis, ipsumque *Chamamelum* similiter propemodum male conformatum repræ-

præsentetur *Dec. I. Ann. III. Obs. 166.* minime tamen supervacua esse videntur repetita talium naturæ anomaliarum exempla, partim ut majorem fidem priora inveniant, partim ut ex complurium attentâ comparatione, in phænomenorum, per tot species, Vegetabilis etiam Regni adeo frequentium, causas penetrare tandem liceat. Quod equidem, sicuti de animalium monstris expeditum hodie nondum est; quamvis in parentum phantasiâ culpa communiter & facile referatur; ita *monstrorum in plantis*, eo sensu destitutis, tam frequens productio res est altioris indaginis. Jam pridem *Christ. Frid. Gar-  
mannus* singularem tractatum de *plantis monstrosis* promisit, teste immortalis memoriæ Viro *Phil Jac. Sachs à Levenheimb*, in *Ephem. A. N. C. Dec. I. An. II. Obs. 48.* sed ille adhuc desideratur; cum interim extet *Jo. Dan. Majoris*, de *planta monstrosa Gottorpiensi Dissertatio*, in qua de coalescentia stirpium, & circulatione succi nutritii per easdem, nonnulla proferuntur. Ceterum plantas, monstroso coalitu sic prodeuntes, ut per amplam ostendant caulium latitudinem, cum exigua crassitie conjunctam, à Botanicis appellari *fasciatas*, versatum in his lectorem fugere non poterit.

## OBSERVATIO CLXXVII.

DN. D. JOH. JACOB. BAIERI.

De

*Aloes Americanae, per suum semen felici  
propagatione.*

Quamvis ab uno jam sæculo, & quod excurrit, in magna celebritate passim per Europam fuerit *Aloe Amer. major*, ac inter ornamenta hortorum frequens extiterit, rarius tamen eo perducì potuit, ut florem, nedum fructum proferret. Quare sicubi forte illud accidit, tanquam ad Naturæ quoddam miraculum contemplandum, ingens hominum,

num, etiam è longinquo factus est concursus. Et sane in omni vastissimo plantarum genere nulla hastenus est observata species, quæ post longiorem moram, tam subito protruderet, tamque brevi temporis intervallo perficeret amplissimum caulem, in tot prolixos abeuntem ramos, tot florum millia sustinentes. Nostra certe *Germania*, inter regiones Europæ haud postrema, sed inter primas *florentem* ostendit *Aloë Americanam*: quandoquidem anno sæculi superioris XXVII. talem in Horto Aulico Onoldino jam floruisse constat, & ab illo tempore diversis in locis idem evenit; uti ex adverso (quod mirum videri debet) in *Belgio* usque ad annum 1672. nulla florens observata fuit *Aloe*, *Abrah. Muntingo* teste, in *de vvaare Oeffening der Planten* pag. 243. In *Magna vero Britannia* proxime elapso demum anno, primam *Aloë* effloruisse accepimus. Currente hoc sæculo vix unus alterve annus præterijt, quo non alicubi phænomenon istud notatum fuerit, ut hodie, propter frequentiam, non parum minuatur ejus admirationis. Qui observationes circa istam *Aloë* instituerunt auctores, quantum mihi constat, omnes de *fæcunditate seminis* ipsius nihil certi pronunciarunt, & *Tobias Aldinus*, sive (quod genuinum Viri nomen est) *Petrus Castellus*, in *Descript. Plant. Horti Farnes.* de eo plane dubitat; ut adeo in hoc usque tempus hortulani non alium *propagandi modum* cognoverint, quam *per stolonem*, sive sobolem, pone radices subinde pullulantem, avulsam & in idoneum solum translatam. Germaniæ autem nostræ, & hujus Emporio nobilissimo, *Francosurto ad Mœnum* debetur hæc gloria, quod felici successu tentaverit, ac primum consecuta sit *Aloes fæcundam sationem*. Nimirum anno hujus sæculi XXVI. in horto domestico, compluribus exoticis stirpibus instructo Viri Magnifici Dn. *Conr. Hieron. Eberhardi*, Medic. Doctoris, t. t. Reip. Patriæ Consulis Senioris, lætissime *efflorescens Aloë*, sub autumnum ultra centum *capsulas*, maturo semine plenas produxisse visa fuit; quarum una quædam, cum totius *Aloes* schemate, in Tabula ænea, pri-



mum rei antea nunquam observatæ specimen oculis curiosis præbuit. Inde vero Venerabilis horti Dominus spem concipiens fore, ut, quæ satis matura videbantur semina, terræ commissa germinarent, eorum nonnulla sub initium sequentis anni XXVII. serenda hortulano præcepit, optato penitus eventu. Quem cum animadvertisset Vir Excellentissimus D. *Joh. Georg. Kistnerus*, laudatæ Reip. Physicus & Illustris *Eberhardi* ex Sorore Nepos, Amicus inter veteres mihi carissimus, operæ pretium esse duxit, ut istius germinationis initia & progressus ad sextum usque mensem, in duobus novellarum plantarum individuis accurate delinearentur; quæ schemata venerando Avunculo suo dedicata, cum bona Nobiliss. Autoris venia, in perpetuam rei feliciter gestæ memoriam, hic inferenda curavi, (vid. Tab. XII.) hoc quidem libentius, quo jucundior mihi exitit novi ipsius phænomeni *autoſia*, cujus recordatio subinde renovatur, quoties intueor illam, eodem fatu productam *Aloen*, dono datam à laudato Viro, & pulcherrime succrescentem in Horto nostro Academico. Memorabile autem hoc etiam est, quod idem sationis experimentum, sequenti aut tertio quoque anno repetitum per asservata semina, prospere evenierit; unde patet, ipsa esse ex eorum genere, quorum fœcunditas ac virtus germinandi per annos plusculos durare soleat. Ceterum accuratam *Aloes Americana historiam*, è propriis Observationibus, in ista Norimbergensi, quæ anno eodem floruit, singulari industria institutis, Excell. D. D. *Trevv*, Collega noster amicissimus, condidit ac divulgavit.

OBSERVATIO CLXXVIII.

DN. D. JOHANNIS CAROLI  
ROSTII.

*Hepar scirrhosum osséis concretionibus & calculis  
refertum, in viro, qui Ascite & hernia la-  
boravit, defuncto.*

**V**lr 46. annorum, temperamenti melancholico - cholericco-sanguinei, texturæ corporis mediocris, ad gracilitatem vergentis, iracundis animi commotionibus ac vitæ generi rudiori, mutationibus tempestatum exposito, insimulque victui irregulari, non raro cum repentina potulentorum ingurgitatione subjectus, antehac sanus, sub initium ætatis virilis, dolore sensim invalescente obruto, continuo, in hypochondrio dextro, seu Hepatis tractu, cum tensione & magis magisque palpabili renixu absque evidenti tumore infestabatur, quem haud ita diu post ictum pedis ab homine petulanti huic regioni illatum, primo emicasse, patiens postea recordatus est, qui eundem sibi non adeo molestum, pectoris angustia cum respirationis labore irritationibusque tussiculosis siccis, ab illo tempore adauctum, negligenter habens, per intervalla largam narium, modo dextræ, modo sinistræ hæmorrhagiam, aliquot libras nonnunquam excedentem incurrit, qualem in juventute parcius experrus est. Varia equidem intra biennium fluxui sanguinis domestica opponebantur auxilia, Epate oblito; sed inconstanti partim cum successu, partim &, hæsitante sanguinis excretionem, cum sensibili reliquorum incommodorum, tussis præcipue & aggravationis anhelitus incremento, quibus jungebantur abdominis extensio, flatulentia, & frequens mictionis tenesmodes imminutio, quin ad unum alterumve diem plenaria suppressio, urina dein interdum cruenta, semper vero cum sedimento crasso, farina-

ceo-feculento rubello procedente. Rebus ita comparatis accersitus, ponderatis circumstantiis, Hæmorrhagiam hancce narium, utut insolenter ætateque incongrua insistentem, salutaris tamen scopo à Natura fultam astimavi. Ægro etenim inter confinia illa, ab *Hippocrate* S. III. aph. 29. 30. indicata, versante, ubi congestiones ad pectus adhuc diriguntur, proxime cum motibus hæmorrhoidalibus permutandæ, sanguis ab Hepate coarctato impeditius admissus, redundabat ad pulmones, molestiam spirationis, compresso à Jecore diaphragmati ex parte innixam cumulans, infarctumque ibidem, Hæmoptoën, Phthisin imo ac tabem minitans; qualem ab hæmorrhagia narium periodica, uberiori etiam, præcaveri vel protrahi constat: prout ipsemet in aliquot subjectis experientia edoctus novi, & à *Chr. Bennet* in *Theatr. tabidor.* p. 14. sequ. confirmatur. Incautam adeoque per empirica stringentia depictionis hujus spontanæ cohibitionem intentatam improbens, suasi Venæ Sectionem in pede, extra Paroxysmum, circa æquinodia, pediluvia, blanda laxantia, diluentia, resolventia ac temperantia nitroso-salina, antispastica, cinnabarina; quibus non tantum Hæmorrhagiæ innocenter consulebatur, sed & depravato Hepati & consecretariis inde pullulantibus, quantum possibile, prospiciebatur: urinæ vitiis egregie quoque sublevatis, quæ adhibitis pellentibus exasperabantur, & deficientibus signis pathognomonicis sufficientibus, non tam Nephritidi aut calculo, uti credebatur, quam aut anomalicis moliminibus hæmorrhoidalibus, aut aliis spasticis evagationibus per consensum ad vesicam, colludentibus, ab inordinato sanguinis per viscera abdominis motu & toni intestinalis variatione oborientibus flatuosis contentionibus deberi mihi visa sunt. Catheteris immissionem æger gravissime & sine fructu ferebat. Enemata demulcentia & carminativa, Cataplasma notissimum è cepis sub cineribus assatis, unctiones perinæ antispasmodicæ oleosæ camphoratae, ac, si refrigeratio artuum inferiorum præcesserat, later calefactus plantis pedum appositus, præter

inter-

*Hepar scirrhum offe's concretionibus refertum.* 413

interna superius indigitata, promptum dabant auxilium. Urina crassa cum libere progrediente, usus Decoct. nephrit. For. à Zwelfero correct. nec non modestorum carminativorum, exclusis acribus aromaticis, è re erat.

Per plurium mensium seriem Patiens sic satis commode vixit. Ingruente vere anni 1727. expansione infimi ventris, cum flatulentia impetuosiori perterritus, alieno consilio vaporem Specierum pro Vino absinthite composito residuarum, adjectis lapidibus ignitis excitatum, cruribus ac abdomine excepit: sed brevi post una cum Hydrocele transparente, pedumque inflatione œdematosa, indubitatum se sistebat Ascitico-tympaniticum exordium; quod tamen intra sex ad octo septimanarum spacium, circa medium Junii, adhibito interne vino medicato è resolventibus aperitivis amaris & diuretico-laxativis, subjunctis Pilulis balsamico-visceralibus, Mixtura tonica &c. tam bene fuit terminatum, ut scrotum topicis discutientibus provide tractatum; per rimas tenuissimas sub forma intertriginis humorem lymphatico-glutinofum serofumve copiose diuque fundendo, successive ad naturalem statum rediret, & æger œdemate pedum extricatus, tumore abdominis imminuto, angustia præcordiorum tussique maximam partem sublatis, sinistro ac dextro lateri promiscue incumbere, extraque domum negociis suis vacare denuo posset; valetudinarius interim & obstaculorum suorum urinandi haud penitus immunis.

Anno 1728. exeunte Febuario, certior fio, illum Exomphalo laborare, quem præter Bubonocelen & Oscheocelen celatas, olim, nescio qua occasione, se contraxisse nunc confessus est; qualis quidem ipsi non adeo curæ erat: siquidem pauca opera, nuda aliquot digitorum applicatione ac pressione, tumorem sub audito rugitu retropellere poterat; hinc affectum parvi ducens, fascia appropriata se non munivit. Hac vice formata hernia consuetam repositionem respuebat, quam Patiens clinicus factus, ipse multoties frustra tentârat, sicque

nonnisi laceffiverat. Dolores hinc accendebantur acerbissimi, cum agrypnia & jectigationibus, alvo tamen nondum obstructa. Tertius jam præterierat dies, cum demum mane vocatus, Omphalocelen cerno pertinaciter incarceratam, tumorem scilicet ex ipso umbilico elatum sphæroideum, pomi grandioris magnitudine, superius nonnihil planum & in medio levissima vestigia umbilici gestantem, basi angustiori, diametri majoris abdomini parallelæ tertiam forassis partem emerienti insidentem, durum, urentem, summis cruciatibus ægrum exagitantem, qui nullatenus tenuis intestini, jejuni aut ilei portionem captam, prout ego ipsi fidem faciebam, sed unice flatus detentos subesse putabat. Cum pulsus moderate febrilis tactui se offerret, nec sitis nec calor urgerent, potius horridulus aliquis rigor corpus vel pauxillum saltem denudatum pervaderet, præmisso prognostico, ordinavi remedia interna Inflammationi inchoanti resistentia, Clysterem emollientem ac lenientem, nec non Cataplasma emolliens quoque & demulcens, jugiter renovandum; cum cautela, ne nimis diu ipsi inhæreatur, nisi intra paucas horas solutionis spes affulgeat: cum secus tumor vel ob rarefactos intus halitus crescat, vel affluxus cieatur, inflammatioque ac gangrana acceleretur, Operationisq; ultimo subsidio opportunum momentum præripiatur, ad quam communiter serò consentitur; & partium strangularum necrosis ante jam accedit, quam topica sepountur; id quod & in nostro casu advertimus; siquidem nondum paratis pharmacis internis, nascitur singultus, pessimo ominè. Clyster ad semihoram retentus, binis dein largis dejectionibus aquosis, absque flatuum consortio redditus fuit. Post meridiem mature ægrum visitans, raucum eundem & in extremis angustiiis constitutum comperio, cum pulsu febrili, sed titubante, parvo atque oppresso. Erumpit, me adstante, insolens vomitus iteratus quantitatis prodigiosæ phlegmatis flavescens spumidi inolentis. Umbilicus tumens,ensus, ex rubro lividus in apice exsudabat saniem purulentam, induratum

fium agglutinantem, claro gangrænæ præsentis & funesti exitus instantis indicio; qualis & altero die circa diluculum contigit.

Insequente nocte cadaver impetravimus, sectione quantum angustia temporis permiserat, lustrandum: ubi decussatim inciso Exomphalo, statim in conspectum prodibat tenuis intestini portio replicata, quinque circiter digitos longa, inanis, undique sphacelosa & inflata, ab annulo umbilici artissime strangulata. Jejuni erat pars, sicuti plerumque assolet; quamvis Parisiis ex ore celebri Chirurgi Dn. Arnaud habuerim, observasse ipsum Hernias umbilicales, quæ intestini coli partem includebant, absque ullo omento: & hoc etiam aliquando in homine quodam valde obeso. Ita insignis famæ vir, Dn. Petit pariter ibidem narravit, se anno 1714. Operationem talismodi Omphaloces peregisse, in qua plicam coli reppererat, nihilque Omenti; cujus nec nobis Casus noster aliquid obtulit; quod tamen respectu situs necessario semper fieri debere quis existimet. Neque enim Epiploon hanc Herniam intrasse, à priori, præter alia, id mihi persuadebat, quia incarceratione, etsi aliquandiu jam durante, vomitus nullus alimentorum se exeruit, qualis propter connexionem omenti cum ventriculo alias sociatur. Et vomitus quidem ab Herniis umbilicalibus, intestinum jejunum continentibus, etiam imminet, citiusque quam alvi suppressio, ob brevem distantiam hujus intestini à pyloro; quemadmodum Bubonoces & Herniæ completæ scrotales, ilei quid includentes, ratione contraria, feces alvinas facile remorantur, & vomitus his tum demum familiares quoque sunt: notabitur vero materiam rejectam heic stercoreæ foetoris esse; in Enteromphalocèle autem liquida emesi exturbata, haud alimentosa, longeque minus foetoris spargere: ex hoc sane fundamento, quod supra intestinum jejunum parciora excrementa reservantur, quam in ileo.



Aperto abdomine, proficiente statim largissimo rivo serosificatis flaviusculæ, cujus & omentum fracidum, inæqualiter explicitum, in duplicatura sua ultra libram reservabat, Venter protuberabat horrendum distentus, cum vasis suis coronariis nigricantibus, & intestinorum flatibus turgidorum ac inflammatorum canali. Ilei continuationes istæ, quæ antehac Hernias inguinalem & scrotalem repleverant, corruptæ apparebant & gangrænosæ. Mesenterium glandulis aliquot scirrhis obsessum offendimus, molle, laxum, Herniarum intuitu, & occasione percussione in infimum ventrem perpessæ, forsitan alicubi à naturali cohesione separatum aut dilatum. Verisimillimum namque est, Hernias intestinales hoc primitus requirere, quoniam intestina eidem firmiter alligantur, adeoque è sede sua deflectere nequeunt, nisi mesenterium ob quascunque violentias prius cedat. Ita illi, qui quassante equitatione infelicitè Hernias incurrunt, sentiunt ordinario prius tensionem dolorificam circa umbilicum & lumbos, quorum primæ & tertiæ vertebræ mesenterium affixum est: argumento haud obscuro mesaræi afflicti, tensi vel diducti; remittente postea simul peritonæo & annulis dilatatis, tandem intestinum propria gravitate descendit: id quod sæpe simul & semel quidem accidit, sed non æque sine prævio hoc supposito. Arte procuranda Enterocèle aliqua in cadavere, conjecturæ huic non parum suffragabitur.

Pancreas in subjecto nostro marcidum & vix dignoscendum, Splen infarctus & semicorruptus extitit. Hepar cum diaphragmate alte sursum, Thoracem versus, tractum & reortum latitans, modice tumidum, tunica crassa robustissima, instar corii strepitum crepitantem sub dissectione concitante vestitum, lobis solitis minus interdistinctis contemplari sumus. Nulla in eo corpuscula glandulosa separata, sed lapillos quosdam fuscis, quorum præcipui piperis granum æquabant, deprehendimus; massam autem ejus tenacem, renitentem, albicantem & cinericiam; quamvis in latere sinistro

stro tantillum illius naturaliter fuerit coloratum. Folliculus fellis, lapidibus destitutus, bile saturatori abundabat. Quam maxime vero mirabamur, cum in jecinoris parte alias concava, circa truncos & ramificationes eminentiores vasorum, inveniremus molem singularem latæ dimensionis, ad latera & retro exporrectam, quæ profundas undique radices agens, in tendineo-fibrosa sua compage intertextas fovebat concretiones copiosissimas materiæ solidæ ex albo dilutissime flavescentis, inæquales, rigidas, frustulatim junctas, transitum nihilominus per aptata interstitia vasis sanguiferis concedentes. Digitis & cultro fortiter resistebat hæc substantia, tophaceo-calcaria vel gypsea idcirco nobis putata; ast exempta ejusdem portione aliqua, & variis modis posthac intimius disquisita, ossæ spongiosæ qualitatibus apparuit, sicque particularum chyloso-mucilaginoso-terrestrium condensatarum complexus. Quidnam vero in hoc viscere illarum collectioni & combinationi ansam suppeditaverit, haud liquet; nisi ictus pedis memoratus; excitata scilicet læsione contusoria abscondita apostematode: facta postmodum diuturnitate temporis, cooperante Naturæ industria, humoris extravasati lymphatico-glutinosi inspissatione & lenta induratione. Renum amborum pallidorum illibatorum dexter perexiguo lapillo donatus fuit; nullus vero in vesica latuit, cujus fundus siderationis stigma monstravit, tanquam productum ex vicinia intestinorum inflammatorum, & urachi cum umbilico nexu forte derivandum: Ut adeo culpa tot ac tantarum ab ægro in vita toleratarum mictionis afflictionum & lotii cruenti crassi, non tam domestico cuidam viarum urinaryarum pathemati, quam sanguinis viscera abdominis coacte perlucis motui congestorio spastico hæmorrhoidali, vicario modo ad vesicam quandoque directo, probabiliter tribuenda sit. Quod ad pulmones attinet, luridi hi oppletique fuere, lobo dextro ubique costis arcte adnato. Nullam in pericardio aquam exuperantem;

neque in corde, præter pallorem admodum languentem, notatu digni quid deteximus.

## OBSERVATIO CLXXIX.

DN. D. JOANNIS CAROLI ROSTII.

*Alvus circa eruptionem Variolarum compluribus periculosis symptomatibus stipatarum, ex usu pulverum antispasticorum largiter & critice soluta.*

**Q**Uæ ab autumno anni 1727. ad veris succedentis finem apud nos grassabantur variolæ, benignæ ut plurimum erant, in multis tamen infantibus anomalæ quoque & non absque malignitate: quales, inter alias, observare mihi licuit mense Februario 1728. in puello quadrimo, florido, pro ætate satis sapiente, cujus binæ sorores, natu major una, altera illo minor, omnibus præservativa laxatione ope Mercurii dulcis à saburra primarum viarum liberatis, pari cum ipso tempore, distincta affectus hujus indole laborantes facile eandem ferebant; is vero ultimo correptus, ancipiti adhuc existente morbi statu, in tanto eminentiori discrimine, juncto præsidio divino, Naturæ & artis effectui haud intentato, brevi extra periculum esse cœpit. Invaserant illum variolæ solito quidem more, alvo adstricta; urina parciore &c. vehementiora tamen mox ingruiebant symptomata, atrocissimi præsertim dolores spastici in dorso, vix remittentes, absque ulla vomituritione, ac sudor continuus profusissimus, quem *Sydenham* nonnisi adultis tribuit, variolasque hinc minime confluxuras conjicit, adeoque nec nobis tales expectandas esse persuadebat; quamvis eruptionis manifesta indicia, quæ secundo jam die completo apparuerant, id quod in confluentibus accidere vir clarissimus meminit, contrarium iterum indigi-

digitabant. Cum sudoris stupendus profluxus inevitabilem feri diffilationem, virium deficientium totale dispendium, sanguinis inspissationem, miasmatis noxii per cutim tardantem exitum ac pustularum insufficientem exclusionem minaretur: opposui dubio malo, præter regimen temperatissimum, Emulsiones temperantes analepticas, præcipitantia absorbentia, addito nitro, omissis diaphoreticis efficacioribus; pro potu humectantia non plane aquosa. Ægrotulus interim ultra quartum usque diem nil mutatus, ad visum semper in deterius ruens, delirabat valde; extra mentis alienationes autem muscas oculis suis obvolitantes accusans, pulsus offerebat admodum febrilem, parvum, inæqualem, alvo adhuc obstructa, urina cruda, sine vomitu, cum agrypnia, siti, anorexia, præcordiorum gravi oppressione. Inter extremas debilitantes, quam maxime eum excruciabant dolores tendentes ferocissimi lumborum & dorsi, brachium sinistrum scapulasque in consensum rapientes, rhevmaticis similes, oculis non minus ac facie sub stridore dentium spastico-convulsivos motus monstrantibus, efflorescentia illa variolosa primogenia ad sensum disparente. Instantem juste quis tum suspicatus fuerit funestam catastrophem? Scripsi pulverem antispastico-absorbentem ex epil. March. gr. xij. corall. rubr. ppt. pulv. lumbr. terr. ãã. gr. vj. C. C. aurat. & cinnab. antim. rectific. ãã. gr. v. in tres partes dirimendum, ut singulis tribus vel quatuor horis una earum cum vehiculo ex aquis fl. til. pœon. ceras. nigr. cinam. bugl. & Syr. fl. pœon. daretur. Deglutita laboriose prima dosi, elapso unius circiter horæ intervallo, alvus aliquoties lubrice & ubertim soluta, cum excretionem fusca tetri foetoris, elucescente statim insigni levamine, cum dolorum dorsi omnimoda pene cessatione. Post alteram exhibitam medicamenti portionem, denuo repetitæ alvi dejectiones liquidæ, vi quasi prorumpebant, puellusque evanidis doloribus dorsi, deliriis ac sudore, quinto nunc die eruptionis variolarum late & constanter incrementis progressum

decentem experiebatur. Blando abreptus somno, posteaque expergefactus, jusculum & scutellam Infusi Théë desiderabat. Urina emissâ sedimentum deposuit crassum, albicans, farinaceum, cum crystallulis plurimis tartareis vitri parietes occupantibus. Jam vomitus aliquoties accessit. Ex ultima pulveris dosi alvus haud amplius aperta, neque tamen postea per reliquam decubitus periodum suppressa fuit. Ratum itaque habemus cum *Wedelio*, Naturam medicamenta pro humorum dispositione & suo modulo actuare, hosque median-  
tibus illis, ea expurgare via, qua visum fuerit commodius. Cumque lubricam alvum & diarrhœas in variolis, præsertim earum initio, non innoxias solum, sed & ob præsentem pravorum humorum copiam & ingluviem nimiam congestam, morbi fomitem futuram inde imminutam, cum *Baglivio* aliisque utiles quandoque deprehendamus, ipseque *Sydenham* eas nonnunquam in confluentibus eruptionem præcedere, & ad diem unum alterumve post illam protrahi doceat; salutariter hac nostra occasione factum crediderim, Principium vitale activum in angustiis versans, particulis cinnabarinis mercurialibus, serum liquantibus, opportune adhuc extimulatum, hanc evacuationem in tantum urfisse, in quantum ea necessaria fuerat pro morbo in meliorem ordinem reducendo; cujus etiam ulterior decursus sub congruo ministerio therapeutico felicem nactus est exitum, variolis in facie & artubus horride confluis, in trunco autem numerosissimis, passim cohærentibus, in quintam septimanam persistentibus &c.



## OBSERVATIO CLXXX.

DN. D. JOANNIS CAROLI ROSTII.

*Tumor bubonodes suppuratus tormina hysterica  
primum salutariter excipiens ; denuo reversus  
cum Colica inflammatoria  
lethalis.*

**V**Idua 63. annorum, sanguineo-melancholici habitus, varicosis crurum vasis prædita, Venæsectiones pedis dudum assuetas non negligens, præter hysterico-vertiginosa & flatulenta chronica incommoda, diu hemicranicocephalalgicis molestis in latere dextro frequenter afficiebatur, quæ cum torminosis clandestinis murmurationibus in abdomine alternabant. Circa solstitium brumale anni 1728. sæviores cruciatus colicos spastico-tensivos hic illic sedem figentes, præsertim autem dextra abdominis parte, hypochondrium versus, dolorem pertinacem percipit, ac simul mensium per decennium jam cessantium reviviscentia molimina cruenta. Conquiescentibus his turbis, dolor oritur in inguine dextro, femur & coxam in consensum trahens, præviaque leni inhorrescentia, calor exurgit febrilis, æstuans, cum siti, pulsu celeri & frequenti parvo, urina rutila, cruda, agrypnia, delirabunda mentis inconstantia, anorexia & languore universali. Cum locus glandulosus stricte affectus quodammodo intumesceret, non sine duritie, ardore & late diffuso rubore, Erysipelas fortassis, latere judicans, quale quid ægra olim semel leviter saltem perpeffa est, præscripsi interne diapnoica antimonialia fixa, temperantia cum aquis convenientibus; externe Epithema siccum farinaceum, e pulv. erysipel. Myns. & fl. Cham. R. Samb. &c. Interim augescens aliquantum tumor, dolore nunc multo intensiori lancinante ac



pulsante stipatus, suppurationem expectandam innuebat. Imposito hinc Emplastro diachylo, insequente nocte sponte apertus, largam fundebat copiam materiæ purulentæ sanguineo-ferosæ putidæ, coloris obscuri excrementa alvina redolentis, adeoque adjacentis intestini simul afflicti indicio. Propulso sic ope motuum febrilium & ad superficiem corporis in locum glandulosum minus nobilem congesto superfluo vel noxio latice, succedit omnium symptomatum præsentanea alleviatio, urina etiam cocta. Subjunctis internis alvi obstructionem præpedientibus, Infuso Theæformi ex speciebus temperatis ab intra repurgantibus, aliisque medicamentis necessariis; Chirurgus ulcus profundum ad sordescentiam & livorem prorum, appropriatis mundificantibus balsamicisq; rite tractando, feliciter persanavit, & ægra plenarie fuit restituta. Vixit in hoc incolumitatis statu in sextum mensem, Venæsectionem æquinoctialem in pede interea cum euphoria experata. Senescente Vere, aliquando tacita iracundia cum terrore commota, post aliquot dies, sera nocte, ex improvviso immani dolore colico inflammatorio fixo, in regione illa abdominis supra notata dextra denuo insultatur, cum gravi lumborum tensione & vomitu creberrimo humoris flaviusculi, limosi, intermixta pituita, fœtoris stercoracei. Jungebantur mox borborygmi, eructationes flatulentæ, singultus & accidentia febrilia ante recensita. Urinam Patiens cum ardore parciorem reddebat aurantiam, lixiviosam. Alvus, quæ sub initium semel iterumque lubrice aperiebatur, absque flatuum egressu, dein suppressa permansit. Intra primum statim nycthemerum, vibices maculæque purpureæ in imo ventre, facie colloque, dextro potissimum latere, comparebant; quæ tamen medicamentis fundamento rei quadrantibus, quantum ob emesin retineri poterant, sensim dissipabantur, cum sensibili potiorum symptomatum ex usu Enematum emollientium, paregoricorum, discutientiumque camphoratorum levamine: ita, ut die tertio, urina rutila turbata, absque

sedi-

sedimento, cuticula tantum ex albo livida vitrum vestiente excreta, intumescentiæ illius inguinalis antehac suppuratæ, nunc renascentis, indicia manifesta simul accederent, & facta cito dehiscencia spontanea, pauxillum similis humoris prodiret, ac vomitu rejiciebatur. At morbo repente per omnia iterum crescente, cum vomitu bilioso modo dicto continuo, gulæ spasmo, raucedine, ægra finiente die sexto obiit. Sunt in vulgari Praxi, qui docent, in ejusmodi casibus, præ omnibus dolorem vomitumque, tanquam symptomata urgentia, esse demulcendos, idque anodynis ac opiatís: Quo cum successu, videant imitatores. Ego, certe hoc scopo, vel maxime innocuis sopientibus externis & internis, caute adhibitis, aliquantulum obtento, angores præcordiales immensum exinde auctos, tanto insolentioribus postea commotionibus & periculis ansam suppeditantes, cognovi.

(*Norimb. Augustam Vind. d. 18. Jun. A. 1729.  
missæ.*)

### *OBSERVATIO CLXXXI.*

**DN. D. JOANNIS CHRISTOPHORI  
GOETZII.**

De

*Vulnere lethali, ab ictu Sclopeti, lardo solum &  
Cannabi contorta infarcti.*

**I**N *Ephemeridibus Acad. Nat. Curios. Cent. VI. Obs. 88.* Celebrissimus D. *Heisterus* historiam recenset Vulneris lethalis in Capite quò rusticus ex Sclopeto majori, sola charta masticata repleto, percussus, subito & improvise obiit, indeque concludit, non semper plumbo aliisque metallis, aut duris corporibus opus esse ad interficiendos homines, sed solam chartam sufficere posse: quam assertionem sequens, elapso  
anno

anno observatus fere consimilis casus ulterius confirmabit.

In vicina præfectura Exactor (*der Vogt*) concedente præfecto; ad inhibendam malitiam subditorum, terrendi non vero nocendi animo sin sclopetum exploderet, frustula lardi cum Cannabiloco globulorum plumbeorum sclopeto intrudit: Obvius ipsi fit juvenis rusticus 18. vel 19. annorum, qui in delicto quodam deprehensus, comminationem illius nihil curans, cum pertinaciter reluctaretur, ut à verbis ad verbera res veniret, vim experiebatur. Etenim exploditur infelici fato sclopetum, & quidem proxime in rusticum: qui vulneratus concidit in terram, ingenti ex vulnere hæmorrhagia subsequente; exanimis deportatur in proximam casam; vicinus Chirurgus advocatur, qui vulneris curam debito modo suscipit: tertio demum die cum alio Chirurgo accersor, ægrotum invenio agonizantem denimio & extremo frigore, (cui æquale in nullo moribundo meminime observasse) tum & ineffabili præcordiorum anxietate conquerentem mentis tamen compotem: vulneri in pectore satis amplo, debito modo externis à Chirurgo applicatis prospicio, & internis Bezoardicis, antifebrilibus, Analepticis, imminentem mortem avertere annitor: Spe quidem aliqua per insequentem noctem affulgente, successu vero feliciori eam destituente; altero nempe die post meridiem, sub intolerabili anxietate vulneratus moritur.

Sectione judiciali pro more instituta sequentia annotare licuit 1) Vulnus sub papilla dextra intra sextam & septimam costam, ea amplitudine, quam vix manus regere poterat, ob musculos subjacentes combustos valde nigrum 2) ictus pulmonem in dextro latere ad manitudinem palmæ ambustum & laceratum efferat: 3) in ipsius substantia deprehendebantur frustula lardi discerpta; 4) integer vero lobus dextri lateris ambustus erat & sphacelatus: 5) cum vero ictus sclopeti ex pulmonibus per diaphragma in hepar descendisset, in diaphrag-

phragmate foramen Unciæ amplitudine conspiciebatur; 6) Ipsum vero hepar ad medium usque pari Vulnere laceratum, & in profundo ipsius portio Cannabis contortæ, qua sclopetum infartum fuit, hærebat; 7) Ramificationes Vasorum hepaticorum omnis generis laceratæ, 8) tota abdominis cavitatis sanie putrida & foetida, qualis ex Vulnere, dum vixerat sauciatus, in magna copia effluerat, repleta; ut adeo complura lethalitytis absolutæ apparerent indicia, cum manifesto insuper documento, propinquam nimis explosionem rerum, alias ad necem inferendam minus aptarum, interimere hominem posse.

*OBSERVATIO CLXXXII.*

DN. D. JOHANNIS CHRISTOPHORI  
GOETZII.

*Salacitatis Exemplum singulare.*

**S**ine Cerere & Baccho friget Venus, tritum quidem est Proverbium; Temperantia etiam & Labor adæquata libidini extinguendæ, aut minimum compescendæ, remedia ab iis præscribuntur, qui corpori & animæ mederi cupiunt. Non universale tamen hoc esse remedium, ipsa nos docet rerum magistra, experientia; cum illi, quibus res angusta domi parcissimum etiam & simplicissimum victum imperat, durissimis insuper laboribus deseruntur vires, numerosissimam sæpius indignantur prolem, quam gaudeant de ipsa. E pluribus aliis recorder me novisse opificem quendam, quinquagenarium, corpore pusillum, gracilem, strigosum, alacrem vero & biliosum, in convivio temperantem, & laboriosum, in Venerem adeo pronum, ut, si paucis tantum diebus cum uxore concumbere nequeat, pudenda ei insigniter intumeant; quamobrem nec stare, nec incedere, nec sedere tum

*A. P. M., Vol. II.*                      Hhh                      potest.

potest. Quin ex eadem jam causa pene ad furorem perdu-  
ctus est.

## OBSERVATIO CLXXXIII.

DN. D. JO. CHRISTOPHORI  
GOETZII.

*Canis Variolis per contagium affectus.*

**B**Ruta per contagium hominum infici morbis, monstrant  
diversa exempla. Simile quid & meo accidit cani do-  
mestico, qui cum infantibus meis variolas tunc habenti-  
bus ludens, lotium eorum etiam nonnunquam bibens, exan-  
thematibus rubris variolosis in Abdomine & circa Penem, his-  
que præsertim locis, ubi pauci vel nulli aderant pili, per ali-  
quot torquebatur dies, quiritando & ejulando dolorem inde  
ortum indicans; bene interim appetens, & assiduo ea lam-  
bendo ac lingendo brevi rursus curans.

## OBSERVATIO CLXXXIV.

DN. D. JO. CHRISTOPHORI  
GOETZII.

*Carnium Sapor stercoreus.*

**C**Uram gerebam viri memoriæ debilitate & Paralyfi cor-  
repti, divinæ tandem gratia sanitati restitutioni. Hic inter  
alia symptomata fontica conquerebatur, se ante aliquos  
annos à Medicaastro quodam remediis incongruis, præser-  
tim Mercurio aliquo sic dicto Diaphoretico, omni hætenus  
odore & sapore naturali privatum esse. Carnes autem, bo-  
vinam imprimis & vaccinam, stercus sapere humanum, quem



aliquatenus tamen corrigere poterat saporem, si minutim eas concisas cum sale culinari atque Zingibere permiscebat. Revocavit mihi hoc in memoriam casum notabilem deturpati saporis, quem B. D. D. *Joh. Matthæus Faber*, Physicus olim Hailbrunnensis dexterrimus, *Plato I.* dictus, cum B. D. D. *Septimo Andr. Fabricio*, Poliastro olim apud nos celeberrimo atque gravissimo, per literas communicarat, quem ex Manuscriptis hujus cimeliis ipsissimis ejus hic subungere verbis nullus dubito. Sic autem dissevit ille Heilbronn. 1679. propriid. Cal. Jul: Obtulit se mihi paucis abhinc diebus viva cadaveris idæa. Fœmina nobilis, septuagenaria fere, menstruis quidem soluta ab VIII. circiter annis, ejus vero loco hæmorrhoides, mutato duntaxat ramo vicino mesenterico hypogastrico, excretiones periodicas etiamnum sentiens. Hæc ab aliquot septimanis tanto fœtore intraneo laborat, ut nec cibos palato quidem sapientes, etiam famelica, accipere potuerit. Quamprimum enim cibus œsophago imminet, fœtor ille tantus emergit, ut necessario masticata & à ventriculo desiderata fercula cum horrore respuat. Hoc vero potissimum miror, fœtorem illum nullius plane alterius generis esse, quam mere & exactissime cadaverosum, tanquam carnis jam in putrilaginem diffluentis. Recordabar *Hippocratica* περὶ τῶν πρὸς πύλιν sententiæ, qua Volvulo hæmatiti fœtorem istum per dentes tamen tribuit. Restagnationi ergo tribuebam sanguinis fœdi, qualis per hæmorrhoidales ac uterinas venas excerni consuevit. Mirabar tamen faciem floridam, respirationem facilem, actiones expeditas, (quas quidem ipse etiam *Hipp.* agnoscit) nullum vel morbi vel abscessus ruptionis internæ vel cujuscunque solutæ unitatis dare vestigium. Etsi, antehac obesa satis, notabiliter extenuata sit, quod tamen tam diuturno jejunio merito tribuo. Indicavit pridie per ancillam (sesqui enim milliari abhinc ejus habitatio distat) cibum se nunc recipere paulatim, de fœtoris tamen statu nil memorabat. Saporis mere dulcis, & qui cum fastidio



omnia esculenta & potulenta eadem cinctura inficeret, rarum atque unicum exemplum habeo. Alterum observavit Excell. *Reiseli*us, antehac Poliater Wormatiensis, nunc Archiater Würtemberg. suavissima amicitia mihi junctus.

## OBSERVATIO CLXXXV.

DN. D. JO. CHRISTOPHORI  
GOETZII.

*Hæmorrhoides à Venæsectione Brachii suscitæ.*

**H**æmorrhagias uteri & ani salutare Venæsectionibus Pedis magis quam Brachii promoveri, plerumque, nec sine ratione, asseritur & observatur. Novi tamen Principem quendam Serenissimum, qui ab anno hujus seculi quinto Hæmorrhoidibus stato tempore fluentibus cum euphoria hætenus gaudet. Huic, si in Vere, ut assuevit, Brachii vena tundatur, mox post Venæsectionem hæmorrhoides erumpunt & salutariter ad aliquot dies fluunt.

## OBSERVATIO CLXXXVI.

DN. D. JO. CHRISTOPHORI  
GOETZII.

*Hæmorrhoides à juventute in senectutem usque liberaliter fluentes.*

**H**æmorrhoides minus & rarius excessu quam defectu peccare, passim inculcavit Ill. *Stahli*us. Documento ex aliis etiam sit Sartor quidam sexagenarius, macilentus, strigosus, egestate, ærumnis, curis, sollicitudinibus per omnem vitam confectus, nullarum sanguinis ventilationum artificia-

lium

lium unquam conscius. Hæctica tandem ex imprudenti Colicæ Hæmorrhoidalis per Narcotica suppressione confectus.

Huic à prima pueritia ad ultimos usque annos Hæmorrhoides fluxerunt, ut ipse mihi narravit, nulla unquam earum in Regimine victus habita ratione. Quod si tamen, pro munere suo, nimium indulserit sedendo, in cæcas transiverunt, Mictu cruento dolorifico stipatas, præsertim ex ira, moerore, terrore, refrigeriis &c. Recordor hic etiam viri juvenis, animi & corporis dotibus ornatissimi, atque magnæ spei, qui puer sexennis, jam satis crebro & largiter Hæmorrhoidum fluxum, præcipue post intensiores corporis aut animi motus, expertus est, quem tamen per providum magis moderamen, quam diffusum Medicamentorum apparatus incolumem servavi Dei gratia.

*OBSERVATIO CLXXXVII.*

DN. D. JO. CHRISTOPHORI  
GOETZII.

*Malum Ischiadicum Exulceratione Tibiæ solutum.*

**M**etascematismos Excretionum & Morborum perspexerunt prudentiores omnis ævi Medici; illustrarunt autem & lucenova vel clariore perfuderunt nostri seculi Machaones. Addam plurimis aliorum exemplis unicum sequens: Pistor ann. LIV. habitus strigosi, per omnem vitam medicamentis parum usus, ea nempe nec amans nec ferens, sed statim revomere coactus, Ischiadico sinistri lateris malo sæpius torquebatur; cum autem sub aliquo ejusdem Paroxysmo tibiam forte allideret, & hæc inde exulceraretur, dolor Ischiadicus omnis mox evanuit; hac autem consolida-

ta, etiam rediit, donec, sponte rursus rupto ulcere, denuo evanesceret. In consilium vero vocatus & consolidationem constantem ulceris, & Ischiadici mali felicem curationem, divina annuente gratia, paucis obtinui, ut nunc aliquot annis ab utroque malo immunis vivat.

## OBSERVATIO CLXXXVIII.

DN. D. JOAN. CHRISTOPHORI  
GOETZII.

*Diarrhœa è Sudore matutino suppresso orta, hoc  
redeunte cessans.*

**V**ir honoratus, aliquot ultra L. annos ætatis habens, vegetus, robustus animo & corpore, parum à morbis per totam vitam afflictus, variis in diæta erroribus ob Legati, quod tunc gerebat, munus obnoxius, mense Augusto anni proxime elapsi corripiebatur Diarrhœa, non parum molesta, cum fastidio, languore, artuum gravitate & lassitudine, anorexia, &c. opem petenti dabam XV. Pilul. Balsamicarum Carlii, quæ cum Becherianis, Hofmannianis, Stahlianis & his paribus conveniunt, sub lecti introitum deglutiendas; ex his autem nulla sequenti mane, ut alias plerumque fieri solet, alvi solutio, sed largus & cum tanta euphoria profluens sudor, ut & Diarrhœa ipsa remitteret, & æger in plenariam cum sanitate gratiam rediret. Interrogatus tunc demum fassus est, sese jam ab aliquot diebus sudores expertum matutinos neglexisse, imo incondito regimine eos suppressisse, vestigia suppressorum illico premente Diarrhœa.

OBSERVATIO CLXXXIX.

DN. D. JOHANNIS CHRISTOPHORI  
GOETZII.

*Apostema Panis melliti esu curatum.*

**M**ulier sexagenaria, succiplena, obesa, athletica, erysipelacis insulcibus crebrius obnoxia, Venæsectionibus & Scarificationibus ordinatis rite functa, Tumore & exulceratione Pedis per plurimos annos afflicta, à quibus tamen inusto fonticulo, aliisque Medicamentis à barbitonfore quodam administratis, per biennium, aut ultra, liberata, sub costis spuris Hypochondrii dextri tuberculum digiti articulum æquans orrum deprehendit, & dolens quidem illud, si præsertim thorace stringeretur, rubens etiam & inflammatum, quod tandem sponte suppuratum atque ruptum apostema reliquit diu pus plorans, sine insigni tamen aliqua alia molestia. Cum autem fortuito filia manipulum fragmentorum panis melliti sine aromatibus ac amygdalis parati (ungemandelte Leb-Ruchen) attulisset, cum medietate inopiato successive comedit. Triduo vel quatrinduo post apostema exsiccatum & consolidatum deprehendit sine ulteriori aliquo subsecuto incommodo, & mali hujus  
— reditu.



## OBSERVATIO CXC.

DN. D. JO. CHRISTOPHORI  
GOETZII.

*Sternutatio crebrior, ab ingluvie, & Vomitus  
Avtocraticus.*

**S**enis curam gerebam, quintum ultra septuagesimum agentis annum, vegeti, Hamorrhoidarii, qui tandem è suppressis malo regimine Hamorrhoidibus in Inflammationem internam & Vomitum cruentum lethalem incidit; cum eum biennio ante iisdem malis decumbentem divina assistente gratia, mortis faucibus eripuissem: Huic solennis erat sternutatio crebrior quoties ventriculum cibis plus justo oppleverat, & vomitus subitaneus avtocraticus, quo copiosam rejiciebat pituitam. Hoc finito per bihorium placide dormiebat, & dein strenuus atque sanus ad negotia & epulas revertebat.

## OBSERVATIO CXCI.

DN. D. JOAN. CHRISTOPHORI  
GOETZII.

*Contagium Diarrhœa & Sudore spontaneis enervatum.*

**M**atrona honesta, patre athletico & vegeto nata, ipsa primo aspectu non adeo robusta, ærumnis etiam & malis non paucis detrita, animi vero virilis, medicamenta nec amans, nec ferre posse existimans, annorum circiter 40. additit alii in eadem cum illa domo degenti feminæ, quæ

quæ purpura miliari decubuerat ; inde autem & ob cœlum tum summe æstuosum (accidebant nempe hæc mense Julii) tetra citissime correpta fuerat putredine, cujus cadaverosa effluvia superiorem domus partem, quam occupabat nostra, implebant. Tacita indenausea affecta, & vigiliis, mœrore, debilitata incepit languere, fastidire, minus appetere, obtusa Cephalalgia & levi Cardialgia, post pastum imprimis, affligi, & paris mali insultum imminentem timere. Sed supervenit spontanea Diarrhœa ephemera, & hanc secutus sudor largissimus, per aliquot profluens noctes, nec tamen debilitans, sed reficiens potius; hunc autem aeri tunc perquam æstuanti externo non deberi probe animadvertibat, sed ab impetu quodam interno, inprimis circa spinam dorsii, propelli notabiliter sentiebat. Sic post paucos dies, subjuncta (meo consilio) diætâ analeptica, plenariam rursus adepta est sanitatem.

*OBSERVATIO CXCII.*

DN. D. JOAN. CHRISTOPHORI  
GOETZII.

*Pustula Genæ Variolarum vicaria.*

**F**emina XXX. & aliquot annorum, vegeta, variolas nunquam experta erat, liberis tamen suis variolosis impune adstibat. Cum autem filiolo iisdem decumbenti sedulo adesset, enascebatur in gena sinistra, sine ullis aliis Symptomatibus, pustula, quæ sponte suppurata & rupta faniem plorabat variolarum per omnia, foetore imprimis illo subdulci nauseoso, simillimam, qua consolidata optime rursus valuit. Paucis tantum alvum leniter subducentibus & diapnoën servantibus magis, quam pellentibus, usurpatis.



## OBSERVATIO CXCIII.

DN. D. JOAN. CHRISTOPHORI  
GOETZII.*Hydrops ascites Diuresi spontanea solutus.*

**C**onsilium meum petebat femina hydropica, annorum LV, quæ jam ante quinquennium eodem morbo laborans liberata tamen fuerat, cum post iter curru Altdorfium peractum urina per multos dies sponte & largissime profluxisset. Redibat tamen, post semestre elapsum, morbus idem, sed rursus solvebatur post aliquot menses Diuresi spontanea, cum insigni strepitu prorumpente. Sic per tres aut quatuor immunis vivebat annos, donec circa Festum Michaelis denuo invaderet & in tantum augesceret hydrops, ut Prognostico suo relicta ægrota, variis medicamentorum experimentis enervata, mense Januario sequentis anni malo tandem succumbens expiraret.

## OBSERVATIO CXCIV.

DN. D. JOAN. CHRISTOPHORI  
GOETZII.*Vomitoriorum diversus Effectus.*

**O**pem meam petens Hæcticus quidam conclamatus, inter alias Morbi sui Historias referebat, se nuper Pharmacopœo Tartari emetici gr. VII. vel VIII. extorsisse & pro una dosi assumsisse: nihil autem inde aliud, quam ali-

aliquot alvi dejectiones, secutum. Impatiens autem inde patiens hancce reiteravit dosin, nec eadem tamen vel *ivo* vel *nato* semel quidem motus, licet & largius superingesserit pingua, & aliquoties pramiserit preparantia ac Digestiva. Secus evenit Principi Serenissimo supra laudato: Hic enim à prima jam juventute sapius corripiebatur Vertigine atque vomitu, cum Cephalalgia & debilitate XIV. nonnunquam dierum. Hæc mala tunc ejus Medici Vomitoriis aggrediebantur, è quorum uno tam atroci convultus vomitu, ut dextri oculi bulbus ad angulum externum detortus constanter in eo ad hunc usque diem permanferit situ, rerum tantum aliquos radios, non autem distinctas species, recipiens.

*OBSERVATIO CXCIV.*

DN. D. JOAN. CHRISTOPHORI  
GOETZII.

*Remedia variorum Affectuum varia, usu confirmata, & Euporista.*

**A**D æquos rerumque peritos provoco arbitros, annon insigne Rei Medicæ emolumentum & incrementum sperandum foret, si Remediorum, quæ alii prudentes & fide digni jam tentarunt ac laudarunt artifices, ulteriora prudenter fiant experimenta, & pensitatis probe singulis momentis necessariis, effectus eorum observati candide vulgarentur. Præcipuum autem inter illa locum mereri *Euporista*, quin nec periculus rejicienda esse *Specificæ* atque *Sympathetica*, quis negabit? Non incongrue itaque me facturum confido, si ea, quæ vel ipse observavi, vel ab aliis fide dignis

comperta habeo breviter enarrem. Quorum adeo catalogum, & alphabetica quidem illum serie contextum, hic subnectam.

## I.

*Abortum præcavens & Molas pellens.*

Matrona quædam prudens & honesta in se ac pluribus aliis crebiori experientia probatum deprehendit remedium, à B. D. D. *Bürlino* olim præscriptum, seq. *Malicydonii*, comodo decocti, quo à mulierculis nostris inter dapes ultimas mensæ apponitur; frustum cum jusculo suo rursus calefactum, & singulo mane comestum; subjuncta paucarum horarum ab aliis cibis abstinencia, & abortum præcaver, & Molas, salvo legitimo fœtu, exturbat.

## II.

*Alvi Segnities.*

Efficax & utile deprehensum illud *Borelli* Cent. II. Observ. XIV. Si nempe *mica panis tosta*, oleo olivarum irrorata, mane deglutiatur, idque bis vel ter repetatur.

## III.

*Ambustio à Pulvere Pyrio.*

Afferuit Serenissimus quidam Princeps, sc. ex *Tabernamontano* edoctum, *Artemisiam*, tam interne in decocto, quam externe in cataplasmatibus & pulvere insperso, ambustis pulvere pyrio tum & scelopeto vulneratis certissime & præsentissime mederi, idemque plurimis in obsidione urbis cujusdam cum fructu suavisse optato.

## IV.

*Angina.*

Retulit mihi femina, curæ meæ credita, filiam suam tunc decennem fontica laborasse angina, per aliquot dies durante. Supervenisse autem hospitem quendam ignotum, qui *Cataplasma*, è *Panis melliti*, & *Baccar. Junip. contus. ãã. Mj. ac Vini ʒvj. coctum*, calidum inter lintea scrobiculo cordis imposuerit, jubens, ut per nychthemereum illic relinqueretur. Cum autem mater ab adstantibus post paucas ab impositione horas comperiisset, illum ter cataplasmati, cum parasset, insputasse; indignabunda statim id remotum in fluvium projecit, quod quidem è peregrini jussu post XXIV. demum horas fieri debuisset. Sed, eadem modo vespera optime rursus appetiit atque cœnata est ægra, angina penitus inde profligata, sine ulla notabili crisi, nedum infecuta molestia.

## V.

*Aphonia.*

Vidua quædam vetula loquelæ usu per aliquod tempus omnimode privata, è consilio Theologi cujusdam pii, linteolum Aqua destillata Salviæ calida imbutum linguæ imponebat, & post horæ spatium loquelam recuperabat.

Verbi Divini cuidam Ministro propter minus rite succedentes Hæmorrhoides varia Pathemata Rhevmatica, & præsertim Ischiadica, familiaria sunt; in palato etiam crebrius prope uvulam vesiculæ minores exsurgunt, ultro rursus sine ullis aliis consecrariis disparentes, aliquoties autem major ibidem pustula enata est sanguine turgida, quem sponte rupta emisit; semper inde patiens Apoplexiam incurrit cum

Aphonia, quibus jam tertia vel quarta vice correptus decubuit. Huic quatuordecim aliquando dies apoplectico & aphono uxor, suasu generosæ alicujus feminae, *Folia Pulegii* in Aqua Fl. Salv. macerata linguæ subdiderat, unde brevi & plenarie rediit sermonis usus, quod experimentum dein in similibus casibus cum fructu repetiit.

## VI.

*Apoplexie Præservativum.*

Idem Vir per plures jam annos ab apoplecticis insultibus liber, illud sequenti post divinam gratiam tribuerat remedio, olim ab Illustri nostro D. D. *Volcamero*, Patre, supeditato: Nimirum *Sem. Sinapi* integr. 3ij. in novem æquales dispertitur doses, quarum quotidie unam mane *cum ficu masticat* & deglutit Mense Martii, luna decrescente.

## VII.

*Calculus.*

Pro vero mihi affirmavit Vir quidam gravis atque honestus, se ante hac crebrioribus & vehementioribus calculi cruciatibus obnoxium fuisse. Immunem autem tum ab his, tum aliis etiam, incommodis per plures jam annos vivere, quod die quovis Novilunium præcedente *tria allii capita*, cum *Spiritus Vini Rhenani cochleari uno*, comedat ac deglutiat.

## VIII.

*Cardialgia.*

Corripiebatur mercenarius quidam juvenis vegetus acque robustus, post externum incaute admissum refrigerium & largiorem frigidum cerevisiæ hordeatæ, minus solitæ, haustum, horrore cum insequenti levi ac brevi æstu; fastidio porro, lassitudine, languore, faucium & deglutitionis molestiis, epigastrii dolore, alvo segniori, imprimis autem Cardialgia; absentibus tamen æstu, Cephalalgia, & pulsu febrili. Sanitati autem legitima methodo & adæquatis remediis post paucos dies redditus. Fatebatur tunc demum mihi, se notabile cardialgiæ levamen perfontiisse è *Cataplasmate*, quod è *Foliis Salvia recentibus cum Butyro frixis* pararant, & cum linteis ferobiculo cordis ac Abdomini imposuerant, me inscio, adstantes mulierculæ.

## IX.

*Catarrhus & Raucedo.*

Eximium *Æthiopis Mineralis* usum perquam solide, pro suo more, edocuit CL. D. D. J. H. *Schulzius*, Professor Medicinæ Altdorfinus celeberrimus. Hujus vero tum in aliis, tum præsertim in Catarrhalibus, & ortis inde faucium affectibus ac raucedine, laudatam efficaciam in me aliisque crebrius cum summo gaudio expertus sum verissimam. Usu etiam in similibus faucium molestiis se probaverunt *Species pro Tabaco*, quas communicationi venerandi aliqujus Domini Collegæ grato debeo animo, sunt autem sequentes:



ry. Herb. Trifol. fibr. j. Heder. terr. āā. pt.ß. Cort. Cascar pt.  $\frac{1}{8}$ .

inc. Msc. pro Suffumigio, aut cum, aut sine, Tabaci foliis.

Catarrho detentos Chronico insigniter sapius levabat femina plebeja *Pediluvio* è *Frutic. & Bacc. Junip. Fl. Chamom. Sale comm. Pipere, & Aqua comm.* parato.

Raucedinem autem cum siccitate atque ariditate faucium in se ipso feliciter sapius curavit beatus nunc aliquis Theologus pius ac vere reverendus *vitello ovi recentis cum Saccharo absorpto.*

# X.

## Colica.

Colica Nephritico-Hæmorrhoidali atroci torquebatur diu satis & vehementer Matronda quædam honesta, selectissima etiam eludente remedia. Suaserat tandem, nescio quæ, *Mulsicum Oleo Amygd. dulc. mixti haustum*, unde notabile ad tempus sensit levamen, hocce etiam cum fructu aliquoties reiterans remedium; donec tandem, accedentibus & aliis sub legitima methodo efficacibus remediis, penitus conquiesceret malum.

*Animam Rhabbarbari*, seu Tincturam ejus cum Sale Tartari & Aqua Cichorii paratam, ad obsoleta & effœta medicamenta plurimorum suffragio relegatam, postliminio quasi in efficacium & polychrestorum classem reduxit Cl. Dn. D. J. Storch, in Observationibus suis Clinicis sub nomine *Hulderici Pelargi* editis. Et hunc merito isti remedio deberi honorem, crebriora cum illo facta experimenta mihi confirmarunt. Præter alios autem morbos in Colica etiam perutilem esse post Pelargum ipsa edocuit me repetita experientia: obti-

Obtigit imprimis opifex quidam gracilior, strigosior, in iram pronior, qui à refrigerio externo & carnis dyspeptæ esu Colica flatulenta insigni torquebatur, stipata cum alvo clausa atque segni. Jubebam R. *Rhabarb.* gtt. 50. singulis ut sumat trihoriis, suadebam vinum aromatizatum calidum, sacculos, fomenta, & sim. sed nihil præter Tinctur. *Rhabarb.* usurpabatur, ex hac vero majora oriebantur Tormina, circa umbilicum præsertim sævientia, ac decumbentem ardor circa Præcordia & fauces versus ascendens non parum cruciabat: alvus interim solvebatur. Propinabam secundo die Pil. *Carlii Balsamicas* & decoctum Sem. Cumini, calidum crebrius forbillare mandabam; subjunctis simul externis debitis Remediis; Subdlexerant sic quidam Pilulæ alvum, sed non tormina, quæ potius cum abdominis inflatione aucta visa, ardore tamen Præcordiorum remittente. Repetebam eas tertio & quarto die cum reliquis; inde quidem aliquod levamen, ut muniis suis rursus vacare potuerit, alvus etiam libera, sed penitus cessare recusabant Tormina. Quin potius die quinto tam atroci impetu recurrebant, ut desperabundus tandem æger, me absente, *Tinctura Rhabarb.* 3ij. pro dosi assumeret. Inde mox exoptata omnium Torminum halcyonia, sexto die aliquoties alvi solutio, & sic plenaria ac constans ab omni hætenus Colica liberatio. Nec aliud quid præterea usurpare voluit reconvalescens, nisi Jusculum Cerevisiæ cum Cardomomo paratum, quod mane per paucos dies in lecto cum notabili sumebat euphoria.

Tormina Infantum Colicæ annumerare classi nemo credo dubitabit. In his autem, ut & aliis puerorum affectibus, sedem suam atque fomitem in visceribus habentibus, quid præstet vile hocce visum medicamentum, vix quisquam credet, qui non ipse expertus est. Fidem interponere queo, me in similibus casibus vix unquam ab eo destitutum, si tantum alicujus curationis spes & legitimæ adhibendi methodo locus

superfuerit. Unius recordor puellæ à torminibus & flatulentis enormiter exagitata; erant autem hæc omnibus hujus familiæ infantibus quasi hæreditaria, quin aliquibus eorum lethalia. Huic *Tinctura Rhabarbari* nunquam alvum, ut alias facere sueverat, solvebat, sed potius obstruebat & flatulentiam anotericam augere videbatur, aliis tamen medicaminibus superato malo.

Cœterum cum felici successu tum in torminibus Infantum, tum Colicis Adultorum, pertinacioribus *oleum Scorpiorum* & ad aliquot guttas *interne* propinasse, & Abdomini ac umbilico applicuisse, feminam quandam scio.

## XI.

*Epilepsia.*

Puer è terrore in Epilepsiam inciderat, quam etiam nullis cedentem tentaminibus in ætatem juvenilem secum transulerat. Cum autem, nescio cujus suasu, *indussum* ejus sudore perfusum à proxime exantlato Paroxysmo agnatæ primiparæ *demortua cervici subdidissent* parentes, & cum eadem terræ concredidissent, ab omni postmodum insultu epileptico liber permansit juvenis, per plures jam annos incolumis, sub nostris copiis stipendia merens.

## XII.

*Convulsiones Puerorum Epilepticae.*

Obstetrix vicini alicujus oppidi famam sibi acquisiverat in curandis puerorum Convulsionibus insignem. Falsus mihi est illius maritus, artificium suum à Chirurgo olim Castrensi hausisse uxorem, idque tam internum quam externum esse. Prius constare *pulvere è Lapid. Lincis 3℔. Fl. Bellid.*

*lid. pulv. cultri cusp. 1. & Rad. Pentaphyll. pauxillo mixto, cum pulmento aut lacte materno propinato. Posterius esse Rad. Carlina, ante solis ortum in festo Johannis effossam, quam per triduum retrorsum appensam in fluentem postea projiciat. Sit fides penes Autorem.*

XIII.

*Excoriatio.*

Multo cum levamine adhibitum vidi foliolum eorum libellorum (*Formen* dicuntur) quibus Bractearii (*Goldschläger*) aurum suum laminandum interponunt; inungebantur nempe albumine ovorum & sic loco excoriato imponebantur. Sunt autem hæc foliola (*Leisten* vocant) lamellæ Tunicarum Intestinorum animalium, Cœci præprimis, tenuissimæ, tenerrimæ, & lævigatissimæ, quæ tunicæ ante, quam in usum vocent auri laminatores, in peculiari liquore è Spirituosis & Aromaticis parato diu macerantur; de quibus fusius nos instruit Dn. D. *Ranourvv, in Kabinet der naturlyke Historien. An. 1719. Mens. Mart, & Apr. §. 10. & 11. p. 344. seqq.*

XIV.

*Febris Continua.*

Vir quidam egenus feminae suæ continua febre decumbentis universum corpus fermento panis obducebat, quod post elapsum biduum vel triduum sponte rursus delabebatur, peraridum, femina simul ab omni æstu & febre libera. Hoc igitur felici confirmatus successu id in se ipso, eadem correptus dein febre, reiteravit experimentum, cum pari dextro eventu.

## XV.

*Febris Intermittens Tertiana Chronica Sulphure  
Antimonii aurato domita.*

*Sulphur Antimonii auratum*, rite præparatum, à solertibus aliquot nostræ ævi Medicis non frustra laudari, quemlibet tentaturum convincet rei successus. Sapius profecto illo in variis subjectis variisque affectibus me fuisse usum, nunquam adhuc pœnituit, cum, si etiam nullum inde notabilem observaverim effectum, nullum tamen etiam unquam infecutum sit damnum. Adhibeo autem ut plurimum illud, quod in officina Orphanotrophei Glauchensis paratur, & cum Tartari Vitriolati anatica parte miscetur. Ex aliis morbis febribus intermittentibus specificè quasi mederi, benevole me edocuerat Cl. Dn. D. *Joh. Juncker*, Patronus multum mihi colendus, & Professor nunc Medicinæ Regius Halensis dignissimus. Cujus asserti veritatem comprobavit mihi experientia, cujus bina saltem jam recensebo exempla: Uxor nempe cujusdam locum tenentis annorum aliquot ultra XXX. gracilis, alacris, ante annum jam Febre Intermittente Tertiana diutissime laboraverat, quam tandem Electuario antifebrili ex Chinæ cortice compescuerat Medicus vicinus: Cum autem Cardialgia & Languor remansissent, data ab eodem Lapidis de Goa dosi, quam Variolarum, in pueritia jam exantlatarum, secuta eruptio. Et hisce feliciter superatis, post aliquod tempus nova suppeditabatur & assumebarur Lapidis de Goa dosi, successit autem Febris purpurea miliaris, quam similiter evasit. Proxime secuto denique vere denovo invadebat Febris Tertiana Intermittens, statum suum Paroxysmi tempus circa horam octavam atque nonam servans, & cum vomitu ac reliquis solitis Symptomatibus decurrens:

rens: Ad mensem autem Junii usque eam affligebat, omnes præfractæ eludens medicationes. Cum igitur hoc tempore in loco, ubi degebat ægra, per aliquot dies commorarer, obnixè roganti miseræ Pulveris supra dicti gr. XII. exhibebam, ut versus Paroxysmum fumeret. Sed vix pulverem deglutierat uxor, en refert maritus, Hæmoptysi eam crebriori & ad lipothymiam usque largiori obnoxiam, quam quidem lapsu è curru sibi contraxerit. Non parum inde perterritus succensui illis, quod non prius id indicaverint, pejorem pertimescens eventum. Sed nihil ideo timendum esse maritus & uxor asseverabant; nam non præsto fuisse aut adhuc esse pressionem circa Præcordia & Hypochondria, quæ alias ut prænuncius indubitatus Hæmoptysin præcurrere soleat. Quid quod per totum hujus Febris decursum Hæmoptysis semel tantum proruperit, licet numerosis & vehementibus vomitibus exagitata fuerit. Respondebat etiam dictis eventus, aliquoties enim sine hæmoptyseos vestigio cum euphoria vomuit ægra, & febris impetus notabiliter decrevit. Impense igitur efflagitantes & de quocunque metuendo periculo securam fidem interponentes conjuges novam pulveris dosin extorquebant, qua denuo aliquoties vehementes vomitus, sine ulla ramen Hæmoptysi, provocati, quibus autem simul frustum quoddam carneo-membranaceum tenacissimum simul ex ventriculo exturbatum, quod tamen, me tunc absente, incauti abjecerunt. Interim post ultimos hosce vomitus omnis penitus & constanter cessavit febris, cum tanta quidem euphoria, ut etiam biduo post nobiscum iter Norimbergam curru suscepit, nullamque aliam, quam levem aliquam & mox transeuntem, sentierit ægritudinem, insolitæ potius vestituræ, quam alii causæ, adscriptam.



## XVI.

*Febris quotidiana cum Abdominis Inflatione  
eodem sublata.*

Puella quædam orphana, annorum VI. animi admodum vivacis, cachectica autem, & ab incunabulis in summa egestate educata, è crudorum olerum devoratione, terroribus, mœroribus, aliisque in diætâ ataxiis, primo Febri intermittente Tertianâ, per quatuor septimanas affligente, dein autem Quotidianâ, correpta fuit. Durarat hæc, cum me Mense Septembri accederet, per quinque jam septimanas & plerumque hora prima pomer. aggrediebatur cum horrore, qui æstum duratione & vehementia superabat: vomitu insequente bilioso, & sudore post æstum largissimo: A quatuor septimanis insignis etiam semper jungebatur abdominis inflatio, nec extra paroxysmum penitus recedens. Dabam *Pulveris supra dicti* gr. viij. in duas doses dispartita, quarum priorem post horam XII. diei insequentis sumebat. Succedebat quidem solito tempore horror febrilis, sed levior ille ac brevior; Æstus penitus emanebat; alvus aliquoties turbabatur, & sudor largissimus scenam tandem claudebat. E posteriori autem dosi omnis penitus evanescebat febris, nunquam amplius rediens; Ejus autem locum appetitus vegetus, omnes corporis functiones integræ, & somnus profundus, occupabant: Sudor tamen capitis largus spontaneus per tempus adhuc fluebat, & abdomen non perfecte detumebat, sed interdum inflabatur; cui autem incommodo Zingibere pulv. mane & vesperi cum pane assumpto brevi etiam consultum est.

XVII.

*Flatulentia.*

*Oleum Olivarum* genuinum ac purum ad Cochl. j. ij. iij. mane cum jusculo, *Cerevisia calida*, aut *Infus. Thé* aut *Caffée*, absorptum in Flatulentia suppressa, Torminibus spasticis, Nephriticis, Calculosis apud aliquot subjecta utriusque sexus, mitigando & avertendo, majora, quam vulgo credi queat, præstitisse novi.

XVIII.

*Hæmorrhoides Cæcæ.*

*Radice Fabaria* à multis, Ill. præsertim B. G. W. *Wedelio*, ad Hæmorrhoides cæcas laudari notum est. Perscripsit de hac ante novennium Illustrissimus olim Comes de *Mettelnich*, Legatus Regis Borussiae ad Comitata Imperii Ratisbonensia primarius, ad me in Historia sui morbi sequentia: Multis abhinc annis Hæmorrhoides expertus sum cæcas, quæ autem semper rursus evanuerunt, *appensa* collo per spinam dorsi *fabaria*.

XIX.

*Hemicrania.*

Fœmina Hæmorrhoidaria, Hysterica, Spastica, Rheumatico-Hemicranica, otalgica atque odontalgica pathematibus multum obnoxia his posterioribus nuper summe excruciabatur: Cum autem, suadente vicina, vaporem *Asphaltis*, *Juden-Pech* vocabat, prunis injecti, corpore inferiore exciperet, mire exin conquieverunt symptomata. Post aliquod tamen

tamen tempus sacificationem solitam sustinens denuo iis adeo correpta, ut spretis hoc aliisque remediis meum tandem imploraret auxilium, cujus etiam per Numinis gratiam ope tandem mitigata pathemata.

## XX.

*Icterus.*

Femina quædam, Exulceratione Renum & calculo extincta, post cujus obitum Vesicula etiam Bilis obstructa reperiebatur, Ictero singulis Mensibus recurrente laborabat. Hæc, multis aliis incassum adhibitis, è Medici cujusdam apud nos celeberrimi suasu *urinas suas per aliquot dies collectas cum carne coquebat bovina, & atro hæc devoranda porrigebat cani*, unde Icterus statim evanuit, nec per vitam amplius rediit.

## XXI.

*Lactis Abundantia & Defectus.*

Pro certo affirmarunt mihi nuper matronæ binæ prudentes & honestæ, se in seipsis efficaciam *Seminis Nigellæ* multoties expertas esse, quod nempe *retro appensum lac abundans discusserit, antrorsum autem auxerit.*

## XXII.

*Lumbrici.*

Curam gerebam puellæ plebejæ, ann. XIII. ubi etiam de Vermibus, annon eorum indicia quædam observarentur, inquisivi; respondit autem mater, antehac quidem eam illis infestatam fuisse, cum autem ex aliorum suasu *Lumbricum* à filiola exeretum & *in pulverem redactum* eidem propinasset,

nasset, hactenus ab omnibus lumbricis immunem & liberam eam vixisse.

*Dauci, seu Pastinaca lutea, radices* mane quotidie comestas ut insigne Anthelminticum, cum viveret, laudavit & crebrius tentavit felicissimus olim & dexterrimus Wundelienſium Poliater B. D. D. J. C. Pachelbelde Gehag.

XXIII.

*Mammarum Affectus.*

Optimum adversus quoscumque Mammarum atque Mammillarum in puerperiis affectus amuletum, ut nec Terror etiam nec ira quid nocere queat, è sua experientia laudavit Matrona perita atque honesta, si *lintea cum urina ab eadem Puerpera post partum primum emissa* imponantur, sicque in illis, donec siccescant, relinquantur.

XXIV.

*Mammillarum Excoriatio & Fissura.*

Nutrici cuidam mamilla sinistra diu fissa erat, unde infantj rarissime & coacta tantum eam porrigebat: cum autem, suadente aliqua femina, *menstruo sanguine* inungeretur; adeo exinde restituta, ut postea frequentius & libentius sinistra illum quam dextræ apposuerit fugentem.

XXV.

*Panaritium.*

Faber quidam apud nos stannarius plurimos jam Panaritio laborantes restituit *Linimento* quodam rubicundo, inter-

spersas nigricantes habente miculas. Confessus est randem percontanti, esse *oleum Hyperici cum linteis ad fomitem crematis*, Zunder.

## XXVI.

*Partum facilitans.*

*Linguam porcina* vertici difficulter parturientis *impositam* foetum certo pellere, adfirmavit quidam ex amicis.

## XXVII.

*Singultus.*

Matrona quædam honesta, ructibus & singultui crebrius obnoxia, non parum levaminis experta est, si *chartam quadruplicatam aqua anisi destillata irroratam* scorbiculo cordis imposuerat.

## XXVIII.

*Spirituosorum Liqueurum Ingurgitatio assueta, sublata.*

Præstans Spiritum ardentium heluonum antidotum esse, si spiritus ardens per *lintheum*, quo facies homines defuncti tegebatur, colatus insciis ebibendus datur, experientia docuit.

## XXIX.

*Strumæ.*

Serio mihi asseveravit vir gravis, strumas quascunque, à Partu difficili etiam ortas, solis tantum hereditariis exceptis,

ptis, certissime tolli posse, si *filum triplicatum*, collo recens mortui maris in mare, feminae in femina, *circumligetur*, & per nychthemeron illinc relinquatur. Dein autem *strumosi collo circumdetur*, & per horas XXIV. ibi gestatum eadem, qua applicatum, hora defumatur, denuoque mortui collo applicetur & cum illo sepeliatur.

XXX.

*Tussis.*

Pistor quidam oleo olivarum cum Floribus Hyperici infuso in jussulis sumto Tussim in se suisque feliciter profligabat, quod secretum diuturno familiae suae usu probatum erat.

XXXI.

*Visus debilis.*

Typographus quidam senex diu jam perspicillis usus hæc tandem neglexit, cum ad serum usque vitae suae finem acuto rursus potitus fuisset visu; id quod Cerumini aurium acceptum referebat, quo quotidie mane canthos oculorum internos & Palpebras inungebat.

XXXII.

*Uteri Impuritates.*

In sterilitate, Fluore albo, aliisque Uteri Impuritatibus & concrementis arcanum erat Illustris alicujus Archiatri probatum atque efficax sequens:

R. Cancros mares bene mundatos n. iij. contundantur vivi in mortario; Semi-contusis successive assunde Vini Malvatici ʒiij. & f. l. a. Emuls. Liquor per linteum purum colatus, decre-



decreſcente hauriatur Luna ; duabus aut tribus doſibus. Quod ſi optatum primo non ſtatim menſe exſeruerit effectum, ſecundo, quin tercio, idem reiterabatur Medicamentum. Hocce cum ſereniſſimam aliquam olim Principiſſam, nunc Reginam ; feminam aliquam honeſtam, è cujus utero mirandam copiam impuritatum fœtidiffimarum, cum inſignibus fruſtis pituitofis tenaciſſimis, expurgarat ; & ſe ipſam, feliciter per eundem ſanatas ſanctè affirmabat matrona quædam gravis, quæ idem illud dein in aliis ſubjectis cum fruſtu tentarat.

Vetula ruſtica pro ſuo modulo ſatis prudens, & longo ætate uſu perita, plurimas ſui aliorumque vicinorum locorum mulieres *Emulſione Sem. Cannab.* ab Inflammatione & Gangræna Uteri liberabat, quam parabat è Sem. Cannab. conquaſſ. Mj. coquendo cum Aqu. fontan. q. ſ. Colaturam lactiformem ſucceſſive propinabat ægræ ; & ſic poſt aliquot horas inſignia fruſta atra ex Utero excernebantur, quæ illa quidem *den Brand* vocabat, Sanguinem autem congruatum potius fuiſſe credibile eſt.

## XXXIII.

*Uvula Procidentia.*

Pastorem, cujus ſub Aphonia & Apoplexia mentio facta, uvulæ elongatione crebriori afflicto levabat uxor *Fl. Matricar. exſiccac.* n. iij. *vertici capitis impoſitis.*



OBSERVATIO CXCVI.

DN. D. JOHANNIS CHRISTOPHORI  
GOETZII.

*Ardor & Tumor Faucium à Concremento Canis  
Cineribus Tosto.*

**M**Ultas nos adhuc latere rerum causas seculo hoc nostro oculato & sagaci, evincere præter alia poterunt Sympathetica atque Antipathetica Phænomena, nec non affectus hæreditarii, & Nævi materni. Circa quæ inter credulitatem & incrudelitatem medio tutissimus ibis. Liberum spero erit quædam hujus farinæ recensere exempla: Princeps Serenissimus, aliquoties jam nobis memoratus, à cane adhuc juvenculo mordebatur. Jubebat, ut semper his in casibus facere consueverat, ut catulo concrementum illud ligamentosum sub lingua ereptum in fluentem projiceretur. Man soll dem Hund den Wurm nehmen, und in das fließende Wasser werffen. Sed brevi post intensissimum persentiscebatur faucium & maxillæ inferioris ardorem: Qua propter à servo, cui res commissa erat, sciscitari imperabat, an omnia ad nutum peracta fuerint. Hic vero concrementum illud lento cinerum igne concremare deprehendebatur: quod igitur illico in fluvium projiciebat ipse indignabundus Princeps: Hocque facto mox omnis constanter cessavit faucium ac maxillæ ardor & tumor.



## OBSERVATIO CXCVII.

DN. D. JO. CHRISTOPHORI  
GOETZII.*Inflammatio Tibiæ ab Hirudinibus Igne crematis.*

**V**Ir quidam meæ curæ creditus *sanguisugæ* tibiæ applicuerat, & sanguine turgidas igne cremandos injecerat. Vix autem hoc peracto mirum in modum intumescere, dolere, ac rubere incepit pes. Cum tamen cinerem residuum aquæ injecisset fluenti, omnia post paucum tempus remiserunt symptomata.

## OBSERVATIO CXCVIII.

DN. D. JO. CHRISTOPHORI  
GOETZII.*Odontalgia Magica, curata.*

**C**Urabam filiam civis cujusdam nostratis, de qua narrabat Pater, vir verax & sagax : Eam adhuc decennem crebriori Odontalgia utriusque maxillæ ferocissima & ineffabili adeo excruciatam fuisse, ut maxillæ diffractum iri visæ fuerint, & clamores ejulatusque enormes extorserit miseræ. Idque toties, quoties ancilla ignem in culina accenderit, contigisse. Innumera quidem in usum vocata, sed incassum omnia : Tandem, nescio quo autore, *Cornu Hirci raspati carbonibus injecti fumo* filiolum afflatam, eoque omnem repletam fuisse domum, quo statim ancilla, Venatoris filia, fugam

fugam capeſſiverit, nec unquam redierit; odontalgia autem puellæ ſimul in perpetuum proſtigata.

*OBSERVATIO CXCIX.*

DN. D. JOAN. CHRISTOPHORI  
GOETZII.

*Impotentia Virilis à fascino.*

**I**N Provincia quadam Germaniæ noſtræ, non ignota, in aliquot ſibi contiguis pagis plures ſucceſſive viri evadebant impotentes, à vetula tamen quadam circumforanea loca illa pererrante priſtinam omnem recuperantes Virilitatem. Cum autem ob vicorum vicinitatem & caſuum crebritatem anguem in herba latere ſubolfacerent aliqui ſagaciores, in carcerem tandem conjiciebatur & rigoroſo examini ſubjiciebatur vetula. Quæ etiam falſa eſt, ſe acum veretroalicujus deſuncti antea immiſſam & per horas xxiv. ibidem relictam terræ, quam lotio ſuo irrigaverat mas, infixiſſe, & tamdiu ibidem reliquiſſe, eo ipſo autem ſimul eundem impotentem reddidiſſe, donec ab eo in auxilium vocata fuerit, ubi acu è ſolo rurfus exempta virilitatem ſimul reſtituerit. Dignas autem nefandi hujus facinoris pœnas corpore ſuo luit hæcce Medea.

*OBSERVATIO CC.*

DN. D. JO. CHRISTOPHORI  
GOETZII.

*Vomitus e fulgure.*

**P**Uer quidam vegetus, imo ferox, corripiebatur indubitato vomitu, ſi fulgura videbat aut tonitrua audiebat; quin ſæpius

sapius tantum, si de illis saltem sermo fieret. Neque id per omnem suam vitam, sed à biennio demum.

## OBSERVATIO CCI.

DN. D. JO. CHRISTOPHORI  
GOETZII.

*Melancholia ex esu Columbarum.*

**I**dem ille Vir, cujus sub Inflammatione Tibiæ ab Hirudinibus crematis memini, quoties de columbis aliquid, parce etiam, comedeat, certissime semper in Melancholiam præcipitabatur.

## OBSERVATIO CCII.

DN. D. JOANNIS CHRISTOPHORI  
GOETZII.

*Sambuci abhorrescentia.*

**I**dem ille Sambucum, omniaque ejus Præparata, adeo abhorrescebat, ut nudo etiam ejus aspectu male haberet. Si autem aliis, maxime licet refracta dosi, intermischeretur, & primis tantum labris inscius ea degustaret, lypothimiam incurrebat. Quin soror ejus in convulsiones & deliria inde conjiciebatur. Cum tamen eorum Parentes Sambucum & Sambucina plurimum amarint, optimeque tulerint.



## OBSERVATIO CCIII.

DN. D. JOHANNIS CHRISTOPHORI  
GOETZII.*Halecum Appetitus & Nausea.*

**F**emina quædam, è meis ægris, haleces olfaciens à denegato eorum esu pallescit & debilitatur, bene habens si frui illis queat. Triduo nempe ante ejus partum mater, devoratis jam quinque crudis è muria halecibus, à superveniente amica impedita fuit, quo minus reliquos tres comederet. Filius autem hujus feminæ nec hos nec ascellos odorari, nedum degustare, sine virium deliquio valet: cum ipsa mater cum utero gestans vehementi illorum flagrans desiderio eas adipisci nequiverit. Eadem in Brachii dextri superficie habet Nævum asperum, latum, verrucosum, wie eine Schweins Schwarte, itidem à matre profectum, quæ paucis ante partem diebus sororem invisans carne tunc suilla vescentem insigni hujus appetitu capta, sed similiter eadem frustrata, fuit. Licet etiam statim postea alii amici ejusmodi suppeditarint carnem, appetitu tamen jam extincto nihil inde amplius profecit.

## OBSERVATIO CCIV.

DN. D. JOHANNIS CHRISTOPHORI  
GOETZII.*Ptyalismus Gravidarum.*

**F**emina sub molâ, & sub septem successive insecutorum foetuum, utriusque Sexus, gestatione, à primo conceptionis momento ad ultimum usque exclusionis punctum,



etum per os atque oculos continuum & largissimum semper sustinuit effluxum feri tam acris, ut etiam catulus inde lingens convulsus expiravit, & periculum visus amittendi non levem incurrerit illa. Simile quid etiam experta matrona alia honesta, pumila, spongiosa, succulenta, quæ decies utero gerens, nunquam non illico post factam conceptionem ad partus usque finem perpetuo laboravit *Ptyalismo* adeo largo, ut tria vel quatuor de die, tot etiam dormiens nocte, madefaceret strophiola, liquore quadruplicata quoque penetrante ac perfundente linteola. Hic si deglutiebatur, aut alio modo impediabatur *Ptyalismus*, in vomitus & nauseabundas ægritudines prolabebatur gravida, hoc redeunte cessantes. Excluso autem foetu statim sine ullo alio insecute conquevit incommodo.

## OBSERVATIO CCV.

DN. D. JOHANNIS CHRISTOPHORI  
GOETZII.

*Hydrophobia, nullo præcedente animalis Morfu  
orta, & in famem Caninam tandem  
soluta.*

**N**on possum non hic inserere rariorem aliquem casum, quem equidem non ipse observavi, sed CL. DD. Joh. E. Junckerus, Poliater Halis Saxonum dextrerrimus, benevole hoc anno mecum communicavit, illum publicandi veniam facile, ut spero, largiturus:

Femina

Femina quædam quadragenaria, hysterica, sellæ medio-  
cris insistens altitudine, ex ea vacillante in humum prosterni-  
tur, & latus capitis fornaci allidit. Accedens inde D. D. *Jun-*  
*ckerum* Spiritum Vini camphorat. ab eo petit, cum aliquan-  
tum allisus doluerit locus, in quo tamen externe nulla alia læ-  
sio, quam exiguum aliquod tuberculum, conspiciebatur.  
Dabatur ad terroris confectaria præcavenda, præter desidera-  
tum Vini Spiritum Camphoratum, Pulvis etiam temperans.  
Post biduum, autem vocatus feminam reperit hydrophobi-  
cam, ad cochlear cum Pulvere temperante vehiculo immixto  
labiis admotum contremiscentem, nec liquidi quidpiam de-  
glurire valentem. Inquirebatur quidem, an non acerbissima  
hac hyeme à cane rabido, aut fele, aut alio morsa fuerit ani-  
mali? an aliquis à lapsu sensus molestus in capite restiter? an  
fissura cranii adsit? sed ne minimum quidem horum omnium  
vestigium. Mentis suæ penitus compos erat; bibitura autem  
insignem anxietatem & spumam oris exserebat. Cum igitur  
nulla materialis cujusdam veneni causa in censum veniret,  
causæ Terroris moralis ratione habita vena secabatur. Inde  
etiam motuum remissio & aliquot horarum quies, sed alia  
motuum excedentium Scena: omnia enim tam solida quam  
fluida propinata aviditate & rapacitate summa, canis instar  
esurgentis, ingerebat, succedente continuo vomitu & ipsa cir-  
ca diem septimum post lapsum prægressum, tertio autem post  
Vsnem institutam, morte. Sectionem anatomicam stu-  
pidorum prohibebat agnatorum super-  
stitio.

## OBSERVATIO CCVI.

DN. D. JOHANNIS CHRISTOPHORI  
GOETZII.*Frustum Cordis bubuli post biennium ex-  
clusum.*

**F**emina plebeja, LXV. annorum, pro suæ ætatis ratione satis adhuc vegeta, durioris vitæ generis, frustum membranaceo-tendinosum cordis bubuli cocti, fervidum adhuc, incaute deglutiebat; statim autem inde minus commode habebat, incrementibus paulatim adeo Symptomatibus, ut sub Febris lentæ vel Hæticæ larva Medicorum & Medicamentorum varia per biennium eluderent tentamina. Insigni autem præcipue dolore in sinistro affligebatur Hypochondrio, inde ad caput usque se extendente; qui, si sese erigeret, in Hypochondrio exacerbabatur; si vero decumberet, vertiginem inducebat. Usurpato tandem, nescio cujus suasu, infuso aliquo ex Aloë, Myrrha, & Spiritu Vini cochleatim sumto, per aliquod temporis spacium, tantis aliquando corripiebatur angustiiis suffocatoriis & debilitatibus, ut è lecto sese proripere & sellæ insidere cogeretur. Sentiebat sub his concrementum aliquod è sinistro Hypochondrio versus gulam ascendere, per quam sine ullo vomitu aut Tussi, ut aliquoties interrogata constanter affirmavit, demum erumpebat, frustum cordis deglutitum per omnia referens, sed cuticula albâ tenaci obductum, quæ passim stigmatibus purulentis notabatur, quasi alicubi accretum vi inde abruptum fuerit. In aquam projectum corragabatur, & cochleæ instar contrahebatur. Dolor autem illius Hypochondrii per octennium

nium obtusus remansit, & semper sub morbis aliis invadentibus exacerbatur, per antiquum tractum caput petendo.

OBSERVATIO CCVII.

DN. D. JOHANNIS CHRISTOPHORI  
GOETZII.

*Hydrops lapsu sanatus, & ejusdem subjecti  
postea defuncti Anatome.*

**V**irgo ann. LXIX. staturæ brevioris, carnosæ, ante plures jam annos dextro pede in planitie gliscens cecidit, & exinde pedetentim in Ascitem delapsa est, quem per multos gestavit annos; donec tandem à Medico quodam Medicamentis variis, præsertim autem nescio quo Emplastro Abdomini imposito, ab illo liberata fuerit. Rediit autem post paucos annos Ascites, Abdomine ad insignem rursus molem excrecente, & per plures duravit annos, nec prioribus nec sexcentis aliis adhibitis cessans remediis. Ante aliquot denique annos fortuito casu è sella, cui insisterat, in pavimentum, & quidem Abdomine, prosternebatur, simul autem sonum aliquem seu fragorem notabilem percipiebat, (es platze etwas) succedente per muliebria & anum largissimo liquoris alicujus fluxu, quo successive elapso Abdominis tumor penitus detumuit, & postea dein per reliquos octo annos quam optime valuit. Sub horum vero sine denuo decubuit, ac de insigni lumborum dolore, siti, Spiritu difficili, & sub hoc vehementi cruciatu, conquesta fuit, sicque, pedetentim decrecentibus viribus, die quarto vivere desit. Absente atque annuente ordinario tunc ejus Dn. Medico, Sectioni præsens sequentia observavi: Corpus ipsum succosum,

sanum,

sanum, albidum: Lateralia dorſi à Mammis ad Lumbos uſque livida & ſugillata.

Abdomen prægnantis inſtar tumens; quod autem poſt obitum demum adeo inflatum eſſe aſſerebant adſtantes:

Pinguedo poſt integumenta remota trium digitorum latitudinem æquans, laudabilis:

Peritoneum craſſum, carnoſum, cum integumentis una lamina arcte cohærens, altera Intestina craſſa inveſtiens.

Omentum craſſum, flavum, ſuſſum ultra Intestina retractum, ultra ventriculi etiam fundum aſſurgens, & cum Peritonæo coalitum.

Lien fracidus, mollis, inter digitos diſfluens.

Hepatis pars gibba univerſa diaphragmati & Partibus vicinis firmiter annexa; in ſima autem, ubi ventriculo adjacet, ſideratum.

Folliculus felleus omnimodo vacuus, cum Colo coalitus.

Ren dexter veſiculis aliquot livido-atris, juglandis magnitudine, exterius obſitus, in pelvi copioſiſſima pinguedine inſarctus: Sinifter ſimiles, ſed plures atque majores, in externa ſuperficie habens veſiculas, interne ad Pelvim hydaridem unam & multam pinguedinem.

Ventriculus & Intestina flatibus turgida; & tenuia paſſim ſiderata.

Sub his in Pelvi per regionem Pubis, & in dextro præſertim latere, novus quaſi ventriculus, à dextera magis rotundus, ſiniſtram verſus oblongior, (faſt wie ein Sau-Sack) pallidus, turgidus, cum maculis ſideratis atro-rubris emicabat, qui, remotis reliquis viſceribus, ovarium dextrum eſſe deprehenſus, & apertus liquorem brunnum, muſci inſtar turbi-

turbidum, inodorum, & insipidum, ad lbijj circiter, emittit, cum paucis intermixtis corpusculis scirrhis, pisum majus æquantibus. Evacuato hoc liquore, solus remanebat faccus, tunica constans satis crassa & expansa; in loco tamen oblongiori tenuior quam in reliquis. In ejus superficie interna sparsim adnata varia tubercula, diversæ magnitudinis, à pisi majoris ad minoris seminis Cannabis magnitudinem accedentia, nunc solitaria, nunc racemosa, scirrhusa, dura, discissa nihil liquoris aut gelatinæ plorantia. Interspergebantur passim punctula seu stigmata parva purpureo-nigricantia, aspera, miculis sanguinis congrumati similia, capitella acicularum æquantia, & superficiæ tam arcte adhærentia, ut ne unguibus quidem descalpi potuerint; Hæ per tunicam transparentia maculas supra dictas sideratas constituebant.

Ovarium sinistrum magnitudine mali Persici in parte superiori Hydatibus pluribus limpidis, nucem juglandem æquantibus, plena; reliquo corpore transparente, atro-lividum; discissum Hydatibus refertum.

Utero, solitæ magnitudinis & conditionis, in parte fundi postica adnatum steatoma, nucis juglandis magnitudine, & peculiaribus gaudens vasculis; quod discissum è folliculo suo levi exprimebatur opera, in uterum autem ipsum nullum aut flatu aut stylo quæsitum exhibebat meatum. In uteri cavitate pauca lymphæ gelatinosa, flavescentes. Hymen illæsum.

Peritoneo denique, ad Pubis regionem, excrescentia adhærebat scirrhusa, juglandis majoris magnitudine.

Reliquæ autem Partes intactæ relictæ.



## OBSERVATIO CCVIII.

DN. D. JOHANNIS CHRISTOPHORI  
GOETZII.*Margaritarum averfatio & Navus ma-  
ternus.*

**M**atrona quædam honesta Margaritas præparatas nullo  
ferre potest modo, quin nec odorari, inscia etiam  
assumptas & aliis refracta dosi intermixtas. Animad-  
vertit autem hanc aversionem ante triennium demum, ubi  
Margaritas præparatura fragranti earum & balsamico odore  
deliquio proxima facta. Ante hoc autem tempus nunquam  
Margaritas assumpsit, Medicamentis scilicet per omnem vitam  
parcissime usa. Ostendebat aliquando pater ejus matri, illam  
utero tunc gerenti, margaritam recens perterebaram, ele-  
gantiam ejus admirans uxor duobus digitis collum antè  
attingebat. Nostra post aliquod tempus in lucem enixa in  
eadem colli regione colliculum quendam aliquantum à reli-  
qua superficie assurgentem secum afferebat, coloris paulu-  
lum quam reliqua cutis saturatioris, & in medio perfora-  
tum, qui per sex annos duravit, increscens magis quam de-  
crescens. His elapsis perfricabatur ille, nescio cujus peregrini  
suasu, fructu primo arbusi alicujus (Johannis Nepffel  
nostratibus dicto) per medium discisso, qui colligatus po-  
stea rursus in terram sub cæsti stillicidio defodiebatur, unde  
notabiliter quidem diminutus tumor, ita tamen, ut adhuc  
conspicui satis patefcat, præsertim ejus foraminulum. Ei-  
dem cum filia sua adhuc superstite gravidæ nunciabatur in-  
cendium periculosum ædificii alicujus propinqui, quod ta-  
men videre non poterat: Perterrita inde occipit & cervi-  
cem,

cem, pro more suo, medicabunda scalpebat, quibus iisdem locis filiola post tempus enixa maculas rubras secum appor-  
tavit, remotis capillis adhuc conspicuas. Simul autem etiam  
aderat nœvus ad radicem nasi inter utrumque oculum, nu-  
merum Romanum V. exacte referens, saturatior paululum  
quam vicina superficies; qui tamen, cum variolis puella cor-  
riperetur, & una præsertim aliqua in hoc loco profunde ex-  
ulcerata, exantlatis his similiter in perpetuum evanuit.

(*Norimberga Altorfium Mense Augusto An. 1729.  
missa.*)

## OBSERVATIO CCIX.

DN. D. JOSEPHI LANZONI.

### *Constitutio epidemica Ferrariensis*

Anni 1729.

**O** Quam amara est, ac semper erit, apud Ferrarienses me-  
moriam anni hujus 1729.; cujus calamitatis initium fuit  
Lunaris cursus Septemb. anni elapsi 1728. Tunc enim  
austro spirante

*Post Largos imbres pluviâque madentem*

inceperunt aquæ pertinaciter adeò super terræ faciem effusæ,  
ut totam telluris superficiem aquis pluvialibus contextam, se-  
mina futuræ messis respicientem, inspicere fuerit coactus infelix  
noster Agricola:

*Hinc moderatrix Cynthia noctis*

in quavis periodo aqua pluviali scatebat, & usque ad Maja-  
les dies cæli claritas non effulsit, sic corruptæ in imis vallibus  
aquæ fatentes dabant nebulas, & in illis, non ex illis, penè  
*A. P. M. Vol. II. Nnn infi-*

infinita oriebantur insecta, hinc erucæ, culices, muscæ, & varia ranarum & bufonum genera totam terræ superficiem infecere, quod fortè corruptionis aquarum ac aëris signum evidens fuit; sic apud *Plutarchum* legitur, artem medicam pestilentem æstatem ex araneorum frequentia prænunciare; Accessere æstivæ Lucæ, cum derepente in vinariis cellis totus Bromii liquor excanduit, qui erat solatium cordis, & in ipso excitata præternaturali fermentatione, mutato colore, sapore, ac motu, ejus omnis compages vitiata computruit; unde rectè caneret *Silius*

*Et marcida vina largiuntur;*

Hic ego exclamavi cum discipulis meis, ò nos infelices, ex vini corruptione humorum discrasiam experiemur; inter vinum & sanguinem enim intercedit mutua analogia; unde ex illius putrescentia corruptio humorum nostrorum erit timenda; & hic capere in hominibus febres, primò sub *tertiana* figura cum vomitibus, ac alvi fluxibus biliosis, aliisque pravis stipatæ symptomatibus; nullis cedebant remediis, à venæ sectione complicabantur. Et hic bilem continere nequeo, cum enim in meis publicis ac privatis Sectionibus, in meis scriptis, typis datis, docuerim venæ sectionem Panaceam non esse, imò suadente *Celfo* anceps esse ac periculosum præsidii tale genus, attamen, velut si esset aqua fluminis, sanguis inutiliter, imò damnosè, disperditur, & cum venæ sectio sit magnum remedium, non nisi urgente necessitate in morbis magnis, ac internis inflammationibus, apoplexiis usurpari deberet; Ast in tertiana suasu Doëtorum, & speciatim *Job. Fortis, Ramazzini, Rotarii &c.* venæ sectio usurpata duplicat febrem, ut in praxi faciendâ meis ostendi Tyronibus; ex missione enim sanguinis fomes tertianæ febris, stabulans in primis viis, mutato loco in venas transit, unde ardens facta morbus evadit læthalis; & ut verum candidè dicam, nescio in quò libro Doëtorum legerint hæc isti nostri

Pfeu-

Pseudo-Medici vel non studentes, vel non legentes, aut non intelligentes, quod pejus est: Ast redeamus in viam; si à cortice Peruvano sistebantur istæ febres, post paucos dies in fortiores redibant; uno invaso tota afficiebatur familia.

*Cui latebat in corpore pestis,*

& brevi temporis intervallo repleta Nosocomia, & nulla penè domus à furore hujus febris exempta; omnia monasteria ægrotabant, & nullus in urbe locus ab hac lue imunis evasit: In multis causa mutato loco febres produxit ardentes, unde ad plures, sive ad Alibanthas, migrarunt,

*Quos labor & dura rapuit inclementia Mortis.*

Nec audax lues timuit Principis habitaculum, sed sacram illius ædem ingressa ejusdem turbavit venas, & pene totam illius familiam solita febri affecit, atque multos aulicos encavavit

*Perque omnes sævit Mors inopina vias.*

Sanctimonialium Septa pene omnia febricitabant, multæ ecclesiæ absque sacerdotibus erant, & sine sacrificio populus remanebat, præsertim ruri, ubi pessima ista lues totum expandit vexillum. Hic mihi notare liceat, plebeios nonnullos, neglectis remediis, solo usu vini generosi convaluisse, & ego justè fateri possum me, meosque familiares, hac febre affectos fuisse, & nunquam vini potum reliquisse, & ego in hac constitutione recidivans solo usu pul. Chinæchinæ, aut Cascarrillæ cum vino malvatico ad plures vices assumpto, convalui, cujus pulveris ac vini potioni successit alvi fluxus, ac si assumpsissem Cassiam, vel Mannam.

Accessit Autumnale æquinoctium, quo tempore putarunt multi hujus constitutionis finem videre; sed incassum spes ivit, nam post æquinoctiales dies multi denuo ægrotarunt, aliique nondum febrem passi, Octobris diebus, hac

febri affecti, affectionis hujus tyrannidem experti, in febriles insultus incidere: Sic Mater ministrans filiis ægrotavit, sic Dominus servis, sic maritus conjugii, sic familiares invicem sibi effervescentias febriles communicabant, ita ut omnis penè familia ægrotaverit; In nonnullis variabat febris, & præsertim in *recidivis*, unde modo sub formâ *hemitritæ*; nunc *rheumaticæ febris*, nunc deliræ &c. morbus redibat, aliquando absque ullo remedio cessabat, nunc in *quartanam* transibat, modo in pustulas, ac scabiem commutabatur: in aliquibus aparuerunt vermes, per vomitum & alvum excreti, modò vivi, nunc mortui, quod fortè indicium erat summæ corruptionis humorum in primis viis stabulantium, urina in aliquibus turbida reddebatur, ac penè jumentorum lotio similis, in aliis albescens, subviridis, ruffa, sabulosa, ac foetentissima; unde judicavi concoctiones non fieri in corpore, sed potius corruptiones; Liberi enim à *febre* pristinum calorem non recuperabant, vires non redibant, nutritio impediebatur, & excrementa semper biliosa, vel cruda, concoctionis signa non dabant. Bombyces in veris initio catervatim peribant, volucres fugere, pisces solummodo crescebant. Nonnullis apertis corporibus hoc morbo denatis, in ventriculo ac omnibus intestinis inventa est magna copia humoris viscido-flauo-viridis, una cum aliquibus maculis lividis in ipsis intestinorum tunicis; vesica fellis erat in statu præternaturali, nam liquor felleus penè gypseus erat, mutato sapore, sicuti succus pancreatis austerus apparuit, cætera vero viscera erant sana, & ne minimum quidem à statu naturali recedebant; in aliquibus nonnulli vermes in intestinis reperti sunt, in aliis non.

Communes autem morbos à communibus causis progigni certum est, ut etiam fatetur Cl. *Ramazzinus*, communes verò causæ sunt potissimum aër, alimenta mali succi, & aquæ corruptæ, ita in nostrâ urbe, & agris, hæc fuere morborum hujus constitutionis causæ, & semina, ex his ergo omnibus, sed

sed promptius ab aëre tanquam è communi fontè, è quo nemo non potare cogitur, morbos quosdam derivari, qui multos eodem tempore afficiant, omnium pariter est consensus. Ad hanc porro nostram *epidemiam* excitandam, in unum convenisse, & aërem vitiatum, & prava alimenta ingesta fas est arbitrari; primum quidem locum aëri à sua naturali temperie, non solum secundum anni tempora recedenti, sed particulis humanæ naturæ incongruis ad satietatem pleno concedendum dixit *Cl. Ramazzinus*; secundum autem locum pravis alimentis & aquis vitiatis; Quamvis autem de miasmate contagioso aliqua posset esse suspicio, namque in unâ domo uno infecto, statim alii ejusdem familiæ febricitabant; id tamen potius in communem diathesim ad maturitatem eodem tempore evectam, non secus ac cum Autumno fructus omnes eodem tempore maturescunt, referendum puto potius, quam in effluvium aliquod contagiosum, exiens è corpore primi ægrotantis; Hic autem non pigeat referre *remedia*, quæ, ut sciam, fuere ægris apposita, ut hæc febrilis prava constitutio evinceretur; Primò nonnulli medici in principio leniens pharmacum exhibebant, mox cucurbitulas scarificatas dorso applicabant, inde pul. Chinæ chinæ propinabant, & febris sistebatur saltem per aliquot dies, si vero redibat, iterum China porrigebatur, ita ut aliquis fuerit qui plures libras talis pulveris sumpserit: Alii porro medici sanguinis missionem celebrabant, & febres duplicabantur; multi assumpserunt pulverem rad. contrajervæ, corticum auranticorum, corticum med. fraxini, decoctum amarum *D. Lemerii*, Coriandr. pulv. Theriacam *Andromachi*, rad. Carlinæ; alii experti sunt Mithridatii usum frequentem; *Diascordion Fracasiorii*, Decoctum centaur. & verbenæ, vinum absinthio correctum, Chinæ corticem actuabant alii addendo modo rahabarbarum, modo cremor. tartar. vel Sal. catharticum Angliæ, ad hoc, ut fusi humores corrupti in primis viis facilius per alvum exirent; Ego verò, quod ad me,



quotiescumque assumo in vino pulverem chinae febrifuga, statim alvi fluxum patior, ac si cassiam, vel mannam, susceperem; Ol. nostrum contra pestem, vulgò *del' Castagna*, à multis adhibitum fuit, sicut etiam vomitoria ipsa, & immensus aquarum potus; verum ait *Ramazzinus*, quid opis expectandum in his febribus ab aquae potu? imo ex ejus usu sanguis pigriore motu per vasa efflueret, ac tandem cachexiae & hydropes succederent; uti accidit in Juvene à *Ramazзино* memorato; ego certè modico vino sum usus, nec unquam vidi aliquem pravam effectum ab eo: Infinita propemodum curavi corpora in hac constitutione, & justè fateri possum, neminem affectum febris talis constitutionis, à me curatum, mortuum fuisse; præter duas fæminas, unam 65. annorum iliaca passione necatam, aliam ex suppressione mensium, inflammatione cerebri extinctam; Hæc currenti calamo scripta sint in memoriam hujus constitutionis pessimæ.

(*Ferraria Altorfium M. Febr. An. 1730.  
missa.*)



APPENDIX  
AD  
VOLUMEN SECVNDVM  
ACTORVM  
PHYSICO-MEDIC.  
ACADEMIÆ CÆSAREÆ  
LEOPOLDINO-CAROLINÆ  
NATVRÆ CVRIOSORVM  
IN GERMANIA.

APPENDIX

AD

VOLUME

ACT OF

PHYSIO

ACADEMIE

FOR ORDINARY

NATURAL

IN

# CONTENTA APPENDICIS.

- I.* D. Car. Frid. *Læro*, de morbo complicatissimo, paucissimis medicamentis sublato. pag. 1.
- II.* Eiusdem, de Morbo petechiali Epidemio Posoniensi. p. 25.
- III.* D. Io. Iac. *Scheuchzeri* Otia aestivalia, circa Thermas Badenfes, etc. p. 41.
- IV.* D. Io. Iac. *Baieri* Sciagraphia Musei sui, et Supplementa Oryctographiae Noricae. p. 65.

V. D. Geōrg. Frider. *Franci de Fran-*  
*ckenau*, de Incendio Urbis Haf-  
niensis, et Bibliothecae tam pro-  
priae quam Academicæ iactura.  
pag. 129.

VI. D. Wilh. Hulder. *Waldschmidii*,  
de Superfoetatione falso prae-  
tensa. p. 141.

VII. Memoria *Riedliniana*. p. 173.

VIII. Memoria *Hoffmanniana*. p. 183.



AD  
VIRVM  
DIGNITATE ET LITERIS ILLUSTRISSIMVM  
MAGNIFICVM EXCELLENTISSIMVM  
DOMINVM  
PIVM NICOLAVM  
DE GARELLI  
REGII ORDINIS CHRISTI  
IN LVSITANIA EQVITEM  
S. C. ET R. C. MAIESTATIS CONSILIARIVM  
AC PROTO-MEDICVM  
BIBLIOTHECAE CAESARAE PRAEFECTVM  
VNIVERSITATIS BONONIENSIS PVBL. ET PRIMAR.  
MED. PROF. AD CATHEDR. EMINENTEM  
CONDVCTVM ETC.

DE  
MORBO COMPLICATISSIMO  
PAVCISSIMIS MEDICAMENTIS  
SVBLATO  
EPISTOLA  
CAROLI FRIDERICI LOEW  
NOB. HVNG.  
SERENISSIMI DVCIS SAXO-MEININGENSIS  
CONSILIARII ACTVALIS ET ARCHIATRI  
S. R. I. ACAD. N. C. ADIVNCTI D. PITTALI.





THE UNIVERSITY OF CALIFORNIA

LIBRARY

PHYSICS

MORRO COAST CALIFORNIA

SAVING THE WORLD



PERILLVSTRIS, MAGNIFICE,  
EXCELLENTISSIME DOMINE.



uo magis notum *humanitatis* *Tuae* fastigium : hoc audacius *Magnifico* *Tuo* *Nomini* haec inscribo. Instituti haud aliud incitamentum , praeterquam *salus Reipublicae*. Quanto maior *Tuus* *fauor* erga hanc , quantouque maiori et *uitae* , *sanitatisque* conseruandae , et *morbi* depellendi *prudencia* polles : tanto mitiori censura meam castigabis audaciam ; hoc magis , quo fidelius cum *orbe Erudito* communicauero *casum rariorem*. Etsi vero neque doctrinae copia , neque ingenii ubertate ullo modo expectationi *Tuae* respondere possim ; tamen spero , fore , ut humillimi clientis in eiusdem casus admiratione atque *curatione* defixi , studium , conatusque orbi probetur , neque *Tua Excellentia* , quae omnium consentiente elogio summae et *lectionis* , et *experientiae* gloriam , proprio quodam iure sibi conseruat , institutum

tutum spernet, aut improbabit. Vtut enim similes *observationes* partim in *Actis nostris*, partim etiam ab *aliis* ad nauseam sint recensitae: hae tamen a nostra in eo sunt diuersae, quod in pluribus subiectis *separatim* ea exhibeant, quae nostra in una eademque persona *iunctim* ostendit. His ita de causis, magna spero fiducia, fore, ut hoc pietatis meae pignus benignissime interpreteris, sinasque ut, quod feci scriptum, *Nomine Tuo Illustri* splendeat, maioremque apud lectores gratiam, studiumque ea re promereatur. Notum est, *morbos* plerumque non incurrere in sensus, per consequens horum *effectus* sensibus magis obuios, *symptomatumque* nomine uenientes, tanto accuratius a nobis esse attendendos, quo certius his mediantibus ad morbi cognitionem deueniamus. Hinc pace Tua, *Vir Celeberrime*, eo sollicitius *effectus* circa morbum *compositum, intricatissimum*, atque ob statum complicatum, partes nobiliores affectas, maiorem a statu naturali recessum, indolem chronicam, inanem ultra annum laborem, a *magnae famae Medico* pro *insanabili* habitum, mihi ante aliquot annos in *Virgine* quadam oblatos perscribam. Nonne *suppressio mensium* longa, atque ultra annum durans: *alui constipatio* pertinacior, per tres, quatuorue dies continuans: *reiectio ingestorum* minus mutatorum per *uomitum*: *sputatio* frequens: *haemoptysis* leuior: *sudores colliquatiui*, partim de *Excernendorum* mensium, faecum aluinarum *retentione*, partim de *Retinendorum* assumptorum, lymphae saliuales, seri laudabilis,

dabilis, sanguinis uitiosa *Excretionem* testantur, sicque *symptomata Excretorum et Retentorum* constituunt. Nonne aspectus oculorum tristis, oculi concaui, orbeque liuido cincti, pallor faciei constans, atque huic sese interdum iungens fugitiuus faciei rubor *colorem* uitiosum ostendunt: tinnitus aurium *sonum* uitiosum indicat: caloris & frigoris crebriores mutationes, ardores uolatici, sudor frigidior, flacciditas atque rigiditas totius corporis alternans, tumor lienis durior *tactum* uitiosum innuunt, per consequens *Qualitates sensibiles* & ratione *uisus*, et ratione *auditus*, et ratione *tactus* tam in partibus *solidis*, quam *fluidis* mutatas confirmant. Vti uero non modo *symptomata Excretorum & Retentorum*; sed et adducta symptomata *Qualitatis mutatae* semper *Actionem* laesam praesupponunt: ita & hic *symptomata Actionis laesae* plurima sese nobis offerebant. Siue enim *Vitales*, siue *Animales*, siue *naturales* Actiones spectemus, siue his *ministras*, ubique uel *abolitionem*, uel *imminationem*, uel *deprauationem* deprehendimus. Sic *pulsus debilior*, uix deprehensibilis affectibus *lypothermicis* atque *synopticis* accedentibus de languore motus sanguinis progressiui, per consequens de minus proportionata sanguinis propulsione, atque de *motu tonico cordis*, reliquorumque *uasorum imminuto* testatur. Sic porro *circulus sanguinis* per *pulmones*, *lienem*, *uterum*, aliaque *Viscera depuratoria* laesus, atque inprimis in pulmonibus *respiratione difficili* sub initium morbi, deinde *intercepta* in suffocationibus hystericis,

atque *penitus fere disparente* in syncope sese exerens, *musculorum diaphragmatis, thoracis*, aliarumque partium *tonum imminutum* praesupponit. Flatulentia, suffocatio cardialgica, ructatio anxia, uomitus, *resolutionem imminutam* ciborum, atque hinc neque decenter inchoatam in *uentriculo*, neque in *intestinis* rite absolutam *chylificationem* innuunt. Iam quis laeso motu sanguinis progressiuo, siue ipsa *circulatione sanguinis* laesa, laesa *sanguificatione* ob chylum non sufficienter resolutum, atque partibus heterogeneis scatentem, laesa *depuratione, respiratione, chylificatione* non & *cordis*, & *uiscerum* tam in alimenti *praeparatione* inseruientium, quam in *depuratione* officium praestantium *actiones* partim *imminutas*, partim *deprauatas*, sicque ipsas actiones *vitales* laesas cernit. Actionum *Animalium* laesionem & *deprauatio* actionum *intellectus*, & *motus* uitiatus probat. Licet enim & *sensus externi* inter actiones animales alias referantur, accuratius tamen inspicienti patebit, *sensionem* tam *externam*, siue *gustu*, siue *olfactu* siue *auditu*, siue *uisione*, siue modo *tactus* perceptam, quam etiam *internam* & actionum *intellectus*, iudicii, ingenii, memoriae, & *uoluntatis* actionum, cupiditatum nempe & auersationum, & ipsius *sensionis* *sensionem* esse magis *passionem* intellectus, quam *Actionem*. Hastamen & hic laesas fuisse non modo *uisus*, *auditus*, *tactus* aliorumque sensuum *abolitio* ad tempus in *syncope* atque exacerbatione mali obseruata; sed et *tactus deprauati* species tristi fibrarum neruofarum *sensione*, siue *dolore* modo

modo *leniori*, grauatiuo magis ob tensionem *flatuum* in cardialgia, colica, tensionem *humorum* in dolore capitis, modo *grauiori* tam *punctorio*, mordaci ob uermem in intestinis haerentem, quam *tensiuo* in *spasmis* ob crispaturam fibrillarum uehementiorem, atque subitanam nimiam, impetuosamque tensionem sese exerens satis superque confirmat. Vitia actionum *Intellectus* partim iudicii, ingenii, memoriae *imminutio*, imminutis atque abolitis sensibus, partim harum facultatum, atque actionum *deprauatio* siue *corruptio* ostendit, quarum utramque ratione *memoriae* ex *obliuione* gestorum, *confusione*, ratione *iudicii* atque *ingenii* vero ex *falsa*, *fictitia*, imo *neque possibili* compositione atque diuisione idearum videmus. Testantur de hac ipsa *deliria*, tam ab *ideis laetis*, saltatione, quam a *tristioribus*, mortem praefagientibus, atque *melancholiam hypochondriaco-hysterica* innuentibus desumpta. Tantum abest, ut lae- sis sic coniunctim omnibus tribus facultatibus Intellectus *Recta Ratio* adfuerit. Vti vero *Voluntatis* actiones *Cupiditates* & *Auersationes* constituunt: ita cupiditatem animalem hic laesam cernimus ex *inappetentia*, *uigiis* ob dolores, curas, imo & ex *somno* praeternaturali, *soporoso*, cum *insomniis* terrificis, atque *deliriis* interdum accedente, cum nec decens *prosecutio grati* ob neglecti- onem cibi, somni ad conseruationem indiuidui necessarii, facta fuerit, neque *fuga somni molesti*. Motus ani- males *imminutos* obseruare licuit in *lypothermia* re- missiori, uero *uirium defectu*, *tremula partium*, specia-  
tim



tim *pedis impotentia* ob tonum deperditum : *abolutos* perspeximus in *syncope*, *paralyfi* pedum *scorbutica*, purpuræ rubrae superueniente, atque culpa musculorum tam ob stricturam, quam ob infarctum a tartaro proueniente: *deprauatos* vero atque *exacerbatos* deprehendimus hic in *horrore*, illinc *tremore* ab ira *semiconuulsuo*, nunc *epileptica*, iam *non epileptica* conuulsione, atque *spasmi* nomine Recentioribus ueniente, ut de *motibus Conuulsuiis*, uaga contractione, *sensibus* tamen praesentibus sese exerentibus nil adducam. Illam, nempe *epilepticam* ostendebat partim *sensus deficiens*, partim *reciproca* antagonistarum uehementior irritatio, atque *contractio*: hanc indicabat inuoluntaria *constans spastico-dolorifica* musculorum *contractio*, membris *rigidis*, atque sensibus *integris* manentibus. Atque huius *species* omnes, quocunque nomine a Medicis recenseantur, hic coniunctae occurrebant. Vidi ex *uniuersalibus* spasmi & *Emprosthotonum*, corpore *antrorsum* incuruato, genibusque capiti adductis, irritatis nempe neruis ad partes anteriores tendentibus, & *Opisthotonum*, *retrosum* incuruato corpore, & *Tetanium*, toto corpore rigido, atque immoto, in *situ recto* iacente, et ipsam *Catalepsi*, corpore repente ita obrigescente, ut oculorum, oris ac membrorum gestus praesentes permanserint. *Particulares* spasmi sese sistebant in *manibus*, *digitis*, imo omnibus fere corporis partibus. In *capite* ut plurimum lethalis *spasmus cynicus*, huic uero iungente se delirio *risus sardonius* saepissime in conspectum prodit. Aderant plerumque

rumque et in *occipite* pathemata spastica sexui sequiori familiaria. Neque solum in *externis* partibus; sed et in *lingua*, *oesophago*, imo in ipso quoque *uentriculo* nauseabunda contentione reiiciendi assumpta spasmi saepius sese exeruere. Nonne spasticae stricturae in *intestinis* sub specie *colicae*, in *diaphragmate* autem per *singultum* se prodentes, indicant spasticum affectum recurrisse etiam ad partes *internas*? Quid, quod & *spasmi* saepius cum ueris *conuulsionibus* conspirarint, atque illorum interscena quasi sint obseruata, ita, ut partes nunc *spasmo rigidas*, mox *reciproco motu* conuulsiones perpeti, ipsamque *Epilepsiam uterinam* conspexerimus. Verbo, in mea potestate non est, recensere omnes *phaenomenorum* mutationes, cum omni hora plures factae sint. Exempli loco nobis sit, quod toto corpore saepius existente *rigido*, huic spasmo sese interdum iunxerit insignis *suffocatio*, atque tanta actionum *uita-  
lium* laesio, ut per longum saepe temporis spatium sine *pulsu* & *respiratione* instar mortuae iacuerit. Hanc rigiditatem excipiebat denuo *flexilitas* artuum, ubi iam *anxio motu* manuum innuebat, adesse aliquid in *faucibus*, quod & *loquelam* interciperet, & *dolorificum* esset. Inspiciens deprehendi *Retractionem* spasticam totius *linguae*, quae diutius ob tensionem gravissimam dolorosa extitisset, nisi manu retrahendo linguam succurrissem. Hos spasmos deinceps denuo affectus *spastico-conuulsuus* excipiebat, atque similia *interscena*, certum tamen interuallum non seruantia, tristissimo spectaculo

Vol. II. App. b

culo per totum fere diem ludebantur. Accedente semel *rifu sardonio*, hic desiit in *cachinnum*, imo hunc *delirium* de *morte*, breuioris periodi, sequebatur, hoc de-  
nuo *cachinnus* summus excepit, hunc tandem *delirium* *laetum* de saltatione, atque *convulsiones* epilepticae, quibus cessantibus insecuta est *flacciditas* corporis cum aliquali *quiete*. Talis tamen erat, qualis *syncopticarum*, cum et *sensus*, et *motus*, et *pulsus*, et *respiratio* officia sua amississe apparuerint, oculis existentibus *clausis*, *frigore* extremorum, atque faciei *pallore* mortuarum instar praesente. Vt paucis multa dicam, tanta, tamque grauiam circa hunc morbum obseruata sunt *phaenomena*, ut credidissent alii, eundem ab impressione per *fascinum*, aut nefarias artes magicas inductum. De cetero cum *atrophia*, atque contabescencia corporis non modo *imminutam*, si non *abolitam* nutritionem ostendat; sed etiam minorem *sanguinis* ad partes pro nutritione distributionem praesupponat: patet, hinc et *laesio* actionis *naturalis*, et *conspiratio* actionum reliquarum *imminutarum*, quae ex praemissis tanto luculentius apparent, quo fusius adducenda fuere. Iam cui perspectis *symptomatibus* omnibus, tam *essentialibus*, quam *postessentialibus*, siue deinde in *capite*, siue in *thorace*, siue *abdomine* sint obseruata, non et *laesio* actionum, et actiones exercendi *impotentia* tam in partibus *solidis*, quam *fluidis*, sicque ipse *morb*us antea sensibus minus obuius in sensus incurrit. Nonne calor *continuus*: accedens per interualla quotidie post prandium hora circiter tertia, uel quarta *exacerbatio* cum *frigore* diutur-

diuturniori, subsequente *calore* maiori: iunctus pulsus *celer, frequens*; sitis, dolor capitis, uigiliae, aucta transpiratio: purpura *scorbutica rubra*, post decursum fere morbi in toto corpore pruritu sese exerens: morbi *diuturnitas*, aliaque symptomata extraordinaria *scorbutico-hysterica* de Morbo *Intemperiei, calidae, uniuersalis, febrilis*, siue de febre *composita, quotidiana-continua, scorbutico-hysterica, chronica*, atque in *lentam* degenerante satis saepeque testantur. Nonne, cum *alterationes* febriles, tum *dolor* punctorius atque *tumor* in sinistro hypochondrio, tum ipsa *induratio*, atque scirrhusa *lienis* subsecuta constitutio innuunt, prioribus temporibus et *Intemperiem, calidam, particularem*, siue *Inflammationem* lienis adfuisse? Nonne tam *flacciditas* in *intestinis* ex minori strictura, hinc minori propulsione, atque imminuta faecum aluinarum excretionem arguenda, in *uentriculo* uero ex ciborum imminuta resolutione, per consequens ingestorum minus mutatorum reiectione per uomitum coniicienda, quam etiam *diapedesis* in minoribus uasis *sanguiferis* pulmonum magis patulis, transfudatione *sanguinis* retinendi, atque aliquali haemoptysi, *lymphaticis* sudoribus colliquatiuis, atque excretionem uitiosa *seri* laudabilis per poros partium extremarum magis patulos sese prodens, utrobique spatium auctum, atque uasorum uitiosam *dilatationem* probat? Nonne et *irritatio*, seu coarctatio *temporaria* uentriculi, eaque *fortior* uomitu perspecta, et *obstructio*, atque *constans* coarctatio, siue *in totum*, siue *ex parte* circa uterum, lienem, hepar, uen-

triculum, pulmones, caput, uasa lactea, sanguifera, aliaque obseruata, atque modo ratione *transeuntis* ex eiusdem motu amisso, *subsistentia*, sicque transitu *chyli* per uasa lactea ad sanguinem, transitu *sanguinis* circa uenam portae, ramum splenicum, uterum, pulmones, aliaque uiscera impedito colligenda, modo ratione *partium*, ad quas chylus, sanguis, bilis *peruenire* debuisset, ex earum laesa *actione*, atrophía, suppressione mensium, cessatione motus paralytica, chylicatione laesa coniicienda, modo ratione *partium*, ubi transiens impeditum *haerebat*, partim ex maiori *affluxu*, hinc maiori *congestionem* circa lienem, pectus, caput, uentriculum, consequenter ex maiori partium mollium repletionem atque *distensione*, sicque non modo ex *doloribus* tendentibus hinc inde, sed et ex *tumore* lienis probanda, partim etiam ex *propulsione* humoris mobilis in *alienum locum*, hincque et ex regurgitatione *bilis* ad sanguinem, et ex conspurcatione massae sanguineae partibus recrementitiis, *tartareis*, *uiscidis*, *acidis*, et ex regurgitatione sanguinis *menstrui* ad pulmones, ibique etiam ob maiorem impetum *apertionem* uasorum post se trahente statuenda spatium angustius, atque uitiosam *coarctationem* ostendit. Nonne ulterius haec ipsa uitiosa *coarctatio*, atque *dilatatio formam*, siue figuram in specie cavitatum *internam* uitiatam, per consequens morbos *cavitatum* demonstrant? Non attingam *tumorem lienis*, *abdominis flatulentum*, *atrophiam*, quorum illi partes solidas molles magis *increfcere*, haec decentem extensionem non fieri,

imo partes solidas *decreſcere*, ſicque *magnitudinem* uitiatam confirmant. Non adducam, et *ſitum* uitiatum ex *retractione* ſpaſtica linguae, aliarumque partium ſpectandum, et *connexionem* uitiatam, tam ob uitioſam *ſeiunctionem* partium ligamentiſ connectentibus, poſt nimiam tenſionem ſpaſticam relaxatis, quam ob uitioſam partium, quae non cohaerere deberent, *cohaeſionem* in contractura, *immobilitate* partium, uitio *articulationis*, ob ſpatia tartaro uiſcido repleta, partim uitio *muſculorum* conſtanter ſtrictorum uel ob materiam tartaream ſpatia muſculorum replentem, uel ob laeſionem antagoniſtae ortum ducente, teſtari, partes non fuiſſe in *debito loco*, atque hinc et morbos *Poſiturae* innoteſcere. Hoc ſaltem addam, et ex *Poſiturae*, et ex *Magnitudinis*, et ex *formae* uitiatae morbis adductis *Conformationis* morbos quoque ſufficienter patere. Quis autem praeſentibus morbis *intemperiei*, *Conformationis*, *unitatis ſolutae*, quam *ruptura* in pulmonibus per *haemoptyiſin* ſeſe prodens euincit, non uidet *morbum* hunc fuiſſe *complicatiſſimum*, *compoſitum* et ex *diſtinctis*, et ex *affinibus* aliis, tam *uniuerſalibus*, totam maſſam *ſanguineam*, totumque genus *neruoſum* occupantibus, quam etiam *particularibus* innumeris. Quis non ob genus neruoſum, cerebrum, uterum, aliasque partes *nobiliores* affectas, morbos *gravioreſ* de die in diem ſuperuenienteſ, periodum atque durationem *longiore*, *inanem* ultra annum laborem, *uehementem* atque *magnum* fuiſſe ſtatuet; quamuis tantum abſit, ut uel *lethalis* eualeſcit, uel *inſa-*



*nabilis* juxta Medicorum prognosin permanferit, ut potius adhibitis a me, uocato licet in *duplo* atque summo gradu morbi, decentibus medicamentis *declinatio* morbi successerit, atque breuissimo temporis spatio *sanabilis* fuerit. Quemadmodum autem superius adducta symptomata *morbum*, ita hic *causam* praesupponit. Vnde, si causarum partim cum morbo, partim inter se inuicem *connexionem* attendamus, deprehendimus, *immediatam*, proximam, atque impotentiam producentem hic consistere et in *fluidarum* partium *intemperie*, motuque efferatori massae sanguineae, et in *solidarum* partium laesa *conformatione*, laesa *unitate*, de quibus pluribus iam egimus. Causam *mediatam proximior* quod attinet, et *uaporosa*, et *humorosa* hic concurrunt, quarum hanc non modo separatorum, atque excrementitiorum humorum; sed et sanguinis et feri uitium ostendit. Peccarunt etenim tum *quantitate excessiua*, ob plethoram, *sublatam* tamen successiue ob inappetentiam, concoctionem frustratam, uermem depascentem, sanguinis intemperiem, maiorem dissipationem: tum *qualitate*, tum etiam *motu*. Qualitatem uitiosam prae se ferebant, cum non modo partes *balsamicae*, atque *serosae* demulcentes hic defecerint; sed et aliae *heterogeneae* sint accumulatae. Siue enim salino-alcalico-uolatiles, iunctas partibus sulphureis, *biliosarum* nomine uenientes, atque ob acrimoniam, modo *rarefaciendo*, in humoribus motum febrilem, modo *irritando* neruofum genus affectus hystericos, motus spastico-convulsiuos producentes

spe-

spectemus : siue alcalico - fixas , de terra fluorem median-  
tibus salibus acidis adepta participantes , atque *salia tar-*  
*tarea* obstructions uiscerum , hypochondriorum indu-  
centia consideremus : siue *salino - acidas* tam *fixas* , in-  
nexas *sero* , huicque fluxilitatem largientes , sicque sudor-  
es copiosiores causantes , quam *uolatiles* , iunctas par-  
tibus *biliosis* , harumque *acrimoniam* , hinc et *rarefactionem*  
et *irritationem* augentes attendamus : siue tandem  
*uiscidas* uel in *sanguine* , uel in *primis uiis* praesentes , at-  
que nunc in liene , aliisque uisceribus *actiuioribus* parti-  
culis interpositas ob nimiam *consistentiam* harum *mo-*  
*tum* impediētes , sicque ad *coagulum* disponentes , iam  
uero in uentriculo et intestinis *incrustationem* praestan-  
tes , per consequens *resolutionem* ciborum impediē-  
tes , debitam *nutritionem* peruercentes examinemus , id  
ipsum luce meridiana clarius est. Quis quaeso *calore*  
*febrili* , quotidie statō tempore ob actiuitatem partium  
salino - sulphurearum , *biliosarum* , post pastum in san-  
guine auctam sese exerente , non et motum *intestinum*  
uitiatum perspicit ? Nonne et motus *progressiuus* tam  
*per se* , quam ratione *uiarum* laesus , cum illum et  
*citator* humorum rarefactorum in toto corpore mo-  
tus , et ob stasim *maior* ad lienem , aliasque partes  
contingens affluxus probet , hunc autem partim hu-  
morum *extra corpus* delatio in haemoptysi , uomitu ,  
partim *bilis* ad massam sanguineam *reductio* , atque ad  
minus destinatas uias contingens regurgitatio euincat.  
Causam proximiorē *uaporosam* constituebant *flatus*.

Vti

Vti autem hi *uitiosam* humorum *niscido* iunctorum *resolutionem* pro fundamento agnoscunt: ita non modo *cruditates* imminutam *resolutionem* ciborum ob uentriculum laxiorem, uiscera secretoria laesa, lympham neque in ore, neque in uentriculo, neque in intestinis decenter separatam, cibos dyspeptos assumptos, excipientes; sed & *alui obstructio*, aliaque inferius adducenda hanc insigniter fouebant. Vnde non solum in *maioribus* cavitatibus, uti ventriculo, intestinis sese manifestarunt *distensione*, subsequa hinc ob irritationem spastica fibrarum *strictura*, atque hic ob flatus hinc inde agitato *rugitibus*, illinc *doloribus* cardialgicis, colicis accedentibus, nunc in *uentriculo*, fiente uitiosa *excretionem* per ructus, uomitum, iam excretionem per *aluum*, excretionem *bilis* in ductu choledochi non rite contingente; uerum etiam in *minoribus* motum *intestinum* turbant. Restant adhuc causae mediatae *remotiores* cum *naturales*, tum *non naturales*, tum *praeter naturales* recensendae. Illae nobis dispositionem partium *solidarum* & *fluidarum* naturalem ad hunc morbum ostendunt. Vnde inter has refero & *temperamentum* antea *sanguineum*, successu temporis autem ob serum absumptum transiens in *sanguineo-melancholicum*, et peculiarem subiecti *sensibilitatem* a graecolentibus saepissime admotis, et corpus *spongiosum*, et uasa *angusta*, transitum humoribus eo minus concedentia, et fibras *delicatiores* a leui acrimonia irritationem subeuntes, & fibras *laxiores*, atque ob maiorem tensionem *flaccidiores*,

res, minus propellentes, et *poros* humorum secretioni destinatos successiue *subsidentes*, ut neque de *aetate* iuvenili, xx. annorum, testante de temperamento sanguineo, fibris tenerioribus, aliisque, neque de *haereditaria* dispositione, quam hic multum contulisse censeo, neque de *uitae genere* quicquam adducam. Ratione causarum *nonnaturalium* in cibo et potu non exiguos commisit errores, cum nec cibum, nec potum decenti *quantitate* assumerit. Vnde neque *balsamicae*, neque *serosae* partes et humoribus *fluxilitatem* largientes, et acidas, biliosas *demulcentes*, *diluentes*, *corrigentes* restitutae, per consequens humoribus maior *spissitudo*, maior *acrimonia* inducta est. Vitiosa ciborum *qualitas* multum quoque ad hunc morbum fecit. Amauit enim nostra Patiens magis *acida*, *flatulenta*, leguminosa, cruda, *viscida*, gelatinosa, lacticina, caseum, imo *contraria* saepius eadem hora adhibuit. Pro potu diu *decocto* graminis cum *mercurio crudo* utebatur. Forte hinc *contractura*, atque illa *paralysis*? cum plures observationes prostant, ubi *mercurialia* in malo *hypochondriaco-hysterico* adhibita, contracturas, paralyses induxerint. Partes ob stricturem spasticam diutius in eodem statu permanentes nimiam quidem tensionem, *nimiumque motum* ostendunt: erat tamen insimul *minor* ob vitam *sedentariam*. Atque hinc *motus* humorum tardior; hinc *secretio* parciore: hinc *viscidarum* particularum *accumulatio*: hinc tandem morbi a *spissitudine* humorum oriundi. *Vigiliis nimis* ob dolores, curas,

tristitiam exortis, non modo *lymp̃ha*, atque partes *balsamicae*, actiuioresque absumptae; sed & omnes *actiones*, sicque et *secretio* et *depuratio* remisere. Neque *animi pathemata* praetereunda. Siue enim motum humorum *efferauiorem* in *ira*, oblatis animae obiectis ingratis *superabilibus* spectemus, siue motum *depressum* in *tristitia*, metu ob tale infortunium perpeſsum, quod *superari non uidebatur*, consideremus, utrobique *deprauatus*, atque *inordinatus* erat. Vnde in sensibiliiori atque debiliiori nostro subiecto denuo decentes inutilium humorum *secretiones* laesae, per consequens et ob partium *biliosarum* accumulationem in massa sanguinea *febris*, et ob harum decubitus ad neruos motus *spastico-conuulsui*, affectus *hysterici*, alique producti sunt. De *excretis* et *retentis* uitiosis superius iam mentionem fecimus. Prout enim uitiosa *excretio* retinendi *sanguinis* per pulmones, retinendi *cibi* per uomitum: prout poro maior excretio *lymp̃hae* per sputationem crebriorem, maior excretio partium *serosarum* per sudorem, multum ad hunc morbum contribuit: ita et excernendorum *mensium*, et *faecum aluinarum* per plures etiam dies ob *recrementa* ficciora, stimulum *bilis*, uenâ portae ductibus biliariis atque poris hepatis obstructis, deficientem, *musculos* abdominis relaxatos, *uermem* in intestinis haerentem ...ata *retentio*, malum hoc insigniter fouebat. Nam et *utilibus* balsamicis, demulcentibus, temperantibus partibus sic excretis, et *inutilibus*, uiscidis, biliosis, salinis retentis improporcionata *miscela*, atque *temperies* humo-

humorum uitiata subsecuta est. Inter causas *praeter naturales internas*, κατ' ἐξωχιν tales, refero partim *morbum*, partim recensita *symptomata*. Inter *toto genere praeter naturales* uero spectat *vermis* latus, *cucurbitinus*, *teniae* seu *fasciae* nomine aliis ueniens, catenatim ex *quinquaginta* minoribus sibi implicatis cohaerens, in longitudinem *unius* et *dimidia*e *ulnae* circiter diductus, atque symptomatibus urgentibus *spastico-conuulsivis*, diu iam sublatis, tandem per aluum secedens rarior. *Morbum* diutius durantem aequae ac *symptomata* alios morbos produxisse ex adductis cernimus. *Vermis* autem, cuius *femini*i exclusio promota humoribus ob partes *balsamicas* depressas, *putrilaginosas* assumpta, magis ad corruptionem tendentibus, hic inquam partim *irritatione dolores*, motus *spastico-conuulsivos* induxit, partim partium *laudabilium* *absuntione atrophiam* post se traxit, partim etiam ob humorum a recrementis acrioribus *conspurcationem* non modo *cruditatibus*, atque *flatulentiae* in primis uis; sed et in massa sanguinea *febri lentae*, imo *motibus conuulsivis* ansam dedit. Forte ob constrictiones *spasticas* et fibrae intestinorum ita in *spiram* contortae sunt, ut *angustatae* faeces non transmiserint, *obstructionemque* *alui* comitem habuerint. *Prognosis*, uel *subito*, terminando in morbum *acutum*, uel *successiue*, abeundo in morbum *chronicum* grauissimum, *funesta* contingere potuisset. Nam quid obstat, quod affectus iste non transierit in *ueram paralyin*, quod *scirrhus lienis*, *febris hectica* non superuenerint? Mirum est, quod *spastici mo-*



*tus* caput saepius affligentes, non et *rationis deprauationem* post se traxerint, uel, quod *uermis* uniuersum intestinorum systema fere occupans, atque tamdiu ibi haerens, non et *erosionem* praestiterit. Nonne *uomitibus cruentis*, maior *haemoptysis*, *inflammatio* interna grauior eo magis timenda erant, quo grauiora *pathemata* sese circa *lien*is confinia exeruere, quoue minus *patiens medicamenta* assumere uoluerit? Nihil tamen horum subsequutum est; sed facta decenti *motuum se- et excretoriorum* promotione, breui morbus soluebatur. Iam si totam *morbi historiam* perpendamus, probeque *nexum* atque conuenientiam *phaenomenorum* cum adductis *causis* ponderemus, statim circa *methodum medendi* patebit, ratione *causae humorosae* ante omnia *quantitatem sanguinis* primis temporibus fuisse *imminuendam*. Hoc autem per *Venae sectionem* obtineri non potuit, cum non modo facta semel ad hanc *praeperationem*; sed etiam alias audito saltim *sermone* de eadem, in *lipothymiam* incidere, atque terribilissima symptomata *hysterica* incurreret. Vnde uocatus eo omnem intentionem dirigendam censui, ut huic *indicationi* per *reuocationem mensum suppressorum* satisfacerem, quam quoque intra breue temporis spatium, imo illo adhuc *mense*, per *pilulas balsamicas Stahl*ii, nunquam satis laudandas, obtinuimus, subsequa imminutione atque alleuiatione *mali hysterici*. Deinde & *qualitas* uitiosa humorum corrigenda erat. Hinc partim *balsamicae*, atque *serosae* partes diluentes, demulcentes acriores *restituendae*, partim *heterogeneae*

tam

tam *uiscidae*, quam *biliosae*, quam etiam *tartareae incidendae*, *corrigendae*, atque ex corpore *proscribendae* fuissent. Ut autem plurima *medicamenta* prostant, quae huic *indicationi* sufficienter satisfaciant, tanta tamen hic fuit *auersatio* a medicamentis, ut neque ex regno *vegetabili*, neque ex reliquo *pharmaceutico* fonte quicquam fuerit, quod non recusauerit. Neque per remedia *diaetetica*, satis sufficientia alias huic *indicationi*, *motum* nempe et *potum* quicquam sperandum erat, cum motus ob *tremorem paralytodeum* institui non potuerit, ratione potus uero *praescriptum* non obseruauerit. Vnde ad *continuatum* usum *pilularum Stablianarum* confugiendum erat. Cum enim hae ex *amaricantibus extractis*, *gummi-resinis*, atque *aloë* sint concinnatae, *uiscidum*, sanguini spissitudinem inducens, optime *incidunt*, resoluunt, sicque partes *biliosas*, *tartareas*, aliasque heterogeneas ab hoc liberando per *uias urinarias*, *uterum*, *poros cutis*, *aluum*, blando modo proscripsere, ita, ut *balsamicae* partes denuo *praedominium* obtinuerint. His ipsis iunctus interdum *puluisculus absorbens* cum *nitro*, atque *antimonio diaphoretico* et partes *biliosas* temperauit, et per *poros cutis*, *uiasq. urinarias* excreuit; ut non dicam, hinc *nitrosa* non modo *motum intestinum* correxisse, sed et *progressuum* tam per se interdum *citationem* refraesasse, quam ratione *uiarum* laesum in ordinem reduxisse. Huic tamen pulueri in *uomitu* *antispasmodica*, *cinnabarina*, *corticem cascarillae*, *lumbricos terrestres praeparatos*, in *haemoptysi* uero, praeter lauda-

ta *corallia rubra*, species de *hyacintho*, aliaque cum successu addidimus. In *haemoptysi* quidem ipse *Celeberrimus Stablius pilularum balsamicarum* usum reiicit, nisi *plethora* per *Venae sectionem* prius imminuta fuerit, tantum tamen abest, ut *pilularum* adhibitioni superueniente etiam *leuiori haemoptysi*, neque *Venae sectione* ob superius adductas causas celebrata, earum continuationem interdixerim, ut potius, *mensibus* eodem tempore insimul in conspectum prodeuntibus, earum assumptionem ob *reuulsionem* sanguinis ad uterum, sanguinis copiosioris *depletionem*, spissioris *correctionem*, omni modo suaserim; quamuis *mensibus* denuo *disparentibus*, contra *haemoptysin* leuiorem interdum accedentem, *pilulis* laudatis *puluerem ex coralliis*, *cortice cascarillae*, *speciebus de hyacintho*, *nitro* atque *cinnabari concinnatum* optimo cum effectu interposuerim. Ratione causae *flatulentae* etiam adductae *pilulae* humores *uiscidos*, partim *resoluen-do*, partim *abstergendo*, partim etiam *educendo* officium suum praestitere. De cetero uti *tonum* partium nimis distentarum *interne* partibus reddidere *antispasmodica*: ita *externe* vel solus *spiritus serpilli*, atque *pedilunium ex rad. ualerian. angelic. pimpinell. alb. leuist. fraxinell. irid. Flor. cyper. herb. maioran. mari uer. beton. puleg. serpill. organ. meliss. fl. lil. conuall. chamom.* aliisque *neruinis plantis* paratum, atque *quinqies*, uel ad summum *sexies* usurpatum, pedibus *paralyticis* robur addiderunt. Quod tandem ad *diaetam* attinet, neque *cibum* atque *potum* uel decenti *quantitate*, uel decenti *qualitate* etiam sub ipsa curatione assumsit, neque ab *ira* sibi temperauit. His non obstantibus, tamen post adhibitionem laudatorum *medicamentorum*, et *excretio sanguinis per pulmones*, sublata *rarefactione*, et *excretio cibi per uomitum* spastica *strictura* sedata, et partium *serosarum* per *poros cutis* maior *dissipatio*, uitiosa *resolutione* humorum imminuta,

atque

atque *poris laxioribus* restitutis cessauit. *Retentio mensium* aequae ac *retentio faecum aluinarum* remota post usum *resoluentium, abstergentium, stimulum bilis*, obstructionem circa hepar tollendo, *restituentium, uermemque* ob specifica amara proscribentium *pilularum*. Vides ergo, PATRONE SVMME, praeter *pilulas Stahlianas, puluerem absorbentem nitroso-cinnabarinum*, pro diuersitate tamen circumstantiarum aliquatenus immutatum, atque praeter *pediluuium* adductum, nec quicquam a me fuisse adhibitum, imo per haec solâ *medicamenta* omnibus *indicationibus* nos satisfecisse. Quamuis autem sic breui *spastico-conuulsua pathemata, symptomata synoptica, tremor paralytodeus*, omniaque reliqua phaenomena successiue disparuerint, atque nostra virgo *paucissimis* medicamentis intra *mensis* spatium, licet *pedibus* ultra quadrantem anni ad gressum inualidis, quoad cetera restituta fuerit; *continuationem* tamen *remediorum* in hoc malo *chronico* suasi, etiam *praeseruandi* fine, decenti tempore quaedam commendaui. Haec uero neque *curationi* ulterius insistebat, neque *praeseruandi* fine quicquam iam ab aliquot annis adhibuit, neque *remediis dieteticis* auscultat, et tamen ad hunc usque diem *optima sanitate* fruitur, nulla amplius subsecuta *recidua*. Similes casus tragici tum in *Actis Hassniensibus*, tum a Theophilo Boneto, Pechlino, aliisque tum in specie in *Miscellaneis nostris* per omnes *Decades* recensentur. In eo tamen differt casus noster ab aliis, quod omnia ea, quae alii auctores separatim, atque in diuersis subiectis obseruarunt, hic coniuncta conspexerim. Sic *Naturae Curiosus* describunt *epilepsiam a uermibus*: adducunt *horrenda symptomata* quotidie circa horam tertiam pomeridianam sese exerentia, per horam durantia: recensent *loquellae difficultatem, mensium retardationem, mentis alienationem, contracturam, continuum atque*

con-

*contumacem horrorem a lumbricis*, quae omnia in *nostro subiecto* uisebantur. Dec. II. A.V. p. 10. App. legimus, puellam *chorea S. Viti lunatica a uermibus* laborasse, cum quolibet *nouilunio* per integrum diem saltauerit. *Chorea* finita leues superuenere *conuulsiones epilepticae*, quibus cessantibus suauis insecutus est *somnus*. Saltare nostra non potuit ob *tremorem paralytodeum*; animus tamen saltandi fuit sub *risu sardonio*, imo *cachinno* atque *delirio*; hoc de saltatione finito, superuenere etiam *conuulsiones epilepticae*, atque his perpeffis aliqualis *somnus*. Tandem et in *Actis Phys. Med. Acad. Caes. N. C. Volumine I. p. 287. obs. cxxxvi.* adducitur *casus*, nostro aliquatenus similis. Licet autem ille pro *magico*, atque ueneficis artibus producto habeatur; *uermis* tamen teres, longus excretus, cum *menstruo irregulari*, motus illos *epilepticos*, *paralysin dextri lateris imperfectam*, *aphoniam* sat diuturnam, *deglutiendi difficultatem*, *febrem intermittentem*, intercurrentibus *conuulsionibus*, uel solus producere potuit, confirmante id ipsum satis superque *observatione* nostra. Haec sunt, *Vir Excellentissime*, quae Illustri Tuo Nomini inscribere ausus sum. Hoc autem uehementer opto, ut et *inscriptionem* hanc benigne accipias, et inter maximos, *Te Domine*, Maecenates uenerari *Societati Nostrae* semper liceat. Ac sicut hanc singularem felicitatem spe maxima, nec uano omine expectamus: ita id studebimus semper, ut illustria Tua in remp. literariam merita, eminentissimaeque laudes, ad seros usque posterios referantur. Extremo precor Deum immortalem, cum, ut quicquid publice, priuatimque agis, ac suscipis, felicissimum semper sortiatur euentum, tum ut Remp. literariam meritorum gloria diutissime illustres: tum denique ut quicquid nomen meretur felicitatis, illud abunde semper cumulateque consequaris. Vale. Dab. Vin-

dobonae, d. vi. Febr. A. S. R. clb lcccxxx.

AD  
CONSUMMATAE ERVDITIONIS MEDICVM  
PERILLVSTREM MAGNIFICVM ATQVE EXCEL-  
LENTISSIMVM VIRVM

DOMINVM  
FRANCISCVM FRIDE-  
RICVM POSSINGER

S. R. I. EQVITEM DE PECHENSTEIN  
CONSILIARIVM ATQVE ARCHIATRVM  
CAESAREVM ETC.

DE  
MORBO PETECHIALI  
QVI ANNO 1683 EPIDEMICE  
POSONII GRASSATVS EST

EPISTOLA

CAROLI FRIDERICI LOEW  
NOB. HVNG.

SERENISSIMI DVCIS SAXO-MEININGENSIS  
CONSILIARII ACTVALIS ET ARCHIATRI  
S. R. I. ACAD. N. C. ADIVNCTI D. PITTALI.



COMMUNAL AND NATURAL HISTORY  
OF THE MOUNTAIN MOUNTAINS

FRANKLIN FIELD

RECEIVED  
U.S. DEPARTMENT OF AGRICULTURE  
WASHINGTON, D.C.  
JAN 10 1917



MORINO P. TECHNICAL

1951

CARROLL W. DEAN (1954)

CONFIDENTIAL

*Journal of Management Studies*, 19(6), 701-718.



VIR  
PERILLVSTRIS, MAGNIFICE,  
EXCELLENTISSIME.



eniam dabit audaciae meae, qua *ardua negotia Tua* turbare non sum ueritus, par *fastigio Tuo humanitas*: tanto facilius, quo maiori fide Tibi affirmare possum, non alia causa, quam *pietatis lege* impulsus me ad hoc *scriptionis* genus accessisse, ut extaret aliquando gratae mentis documentum, pro illo insigni *fauore Tuo*, quo Tibi me dudum tam in *publicis*, quam *pruatis consiliis* reddidisti obstrictissimum. Non facile succurrebat, qua ratione Tibi grati animi pietatem probarem: nihil ex propria supellectile, quamuis plurima sese offerrent, ad dandam erga Te mei significationem, di-

gnum esse censui : urgebat interim , quia relaturum me gratiam affirmare non audeo , habendae saltem , et quauis ratione declarandae gratiae officium. Malui proinde ex re , non tamen prorsus aliena , nempe beati parentis , *Virtutum Tuarum* ueneratoris , laboribus , aliquid depromere , quod *Magnifico Tuo Nomini* sacrum simul animi , referendae gratiae cupidissimi publicum esset documentum. Suscipe igitur serena fronte *historiam morbi petechialis* , qui anno 1683. *Posonii* epidemice grassatus est , a *Parente* meo pie defuncto , solícite conscriptam , *Illustrique Nomini Tuo* inscriptam in lucem publicam emittendam. Si quantum per *occupationes Tuas grauissimas* licuerit , hanc qualemcunque publico bono destinatam opellam perlustrare uolueris , inuenies forte non plane contemnenda , et digna , quae in publicum emitantur. Fiet autem hoc eo felicius , si , pace Tua , *Perillustri Nomine Tuo* sese hoc opusculum multis probauerit. Huius summa , ut supra monui , est *expositio morbi petechialis* , qui *Posonii* epidemice grassatus est , ad fidem scripti , a beato parente relictí. Initium huius historicae expositionis ducitur ab anno 1683 , quo per Dei gratiam soluta obsidione Viennensi , *regno Hungariae* , misero fatalique *bello* miserrime afflicto , sigillatim *mensē Septembr.* pax restituta fuit. Tunc uero *copiis militaribus* hyberne dimissis , et *Posonii* etiam per suburbia dispositis , mali semina sparsa sunt. *Milites* enim , quod *gregatim* in contuberniis *arctius* collocati erant , omnia *squalore* , *tetra*  
*immun-*

*immunditie*, et foedis odoribus compleuerunt, ipsumque quasi aerem inquinantes, *cateruatim*, et ueluti per manipulos in *febrem malignam petechialem* inciderunt. Morbus breui inualescens, quamplurimos ex illis consumens, in malum tandem *epidemiū* degenerauit, et in *incolas* plerosque, sine *aetatis* discrimine, maxime uero in *iuuenes*, maturae et robustae aetatis homines, non modo *plebeios*, uerum etiam *nobiles* et diuites, uehementer grassari coepit, ita, ut ferme nullam domum intactam reliquerit. Incepit morbus hic epidemius *menſe Nouembr. anni supra citati*, qui statim *horrore* artus corripuit, interdum *intensiore*, interdum *remissiore*, nonnunquam *per intervalla recurrente*, quem presso pede excepit *calor* in principio leuis, qui aegrum primis adhuc diebus uix a negotiis solitis detinuit, interiora tamen occupans sensim auctus est. Ob sanguinis ergo rarefactionem maiorem, et noxam uisceribus impressam multa statim oriebantur *periculosa symptomata*, *nausea*, *anorexia*, *uomitus*, *cardialgia*, *sitis*, nonnunquam remittens, *dolor capitis*, *uigiliae*, *lassitudo spontanea*, quae *symptomata* ad *iv diem* sensim aucta perdurabant, tanta interea nonnunquam lenitate, ut quamplurimi uim morbi laxatam crediderint, eiusque *causam in errorem externum* commissum reiecerint. Verum progressu temporis morbus *malignitatem* suam prodidit, *intensissimi caloris* sui effluuia per totum corpus diffundens, horrendeque producens symptomata. In unico

saltem homine *mitior uis morbi* obseruata fuit : in *blandissimo* per totum morbi decursum *calore* nulla *sitis*, nullum oriebatur *delirium*, de solo *capitis dolore*, et *prostratis uiribus* querela fuit. Ceterorum fere omnium, hoc morbo laborantium corpora quasi incendio fumare, *insolito calore* grauari ac corripì uisa sunt. Hinc obseruabatur *lassitudo* et *iacatio totius corporis*, *subita uirium prostratio*, in nonnullis *uigiliae diuturnae*, quas statim excepit *delirium*, nonnunquam in *incremento*, nonnunquam in *statu morbi*, aliquando *mitius*, et per *unum* saltem *diem* durans, aliquando *ferocius*, nonnunquam *missitando* proditum, nonnunquam *nullum* fuit obseruatum, ut in *pistoris* cuiusdam *uxore*, nunquam *delirio* correpta, et tamen *die VIII.* praegressis *conuulsionibus* mortua. Sed praestabat *delirium ante nonum* accessisse *diem*, quam *post nonum*; quoscunque enim *post hunc* inuasit, omnes fere mortui sunt. Horum *delirium* nonnunquam degenerauit in *furorem*, quo agitati surrexerunt, et robustissimorum alioqui hominum actiones ediderint. In *declinatione morbi* nonnunquam *somnus* obreperat continuus, ita, ut aegroti et cibum et potum neglexerint. Sic et *mentis emotiones taciturnae* in eo, qui alioqui facultate loquendi pollebat, ut plurimum erant *periculosae*, quale exemplum in *saponario* quodam habui. Porro *somnum* aegrotorum plerumque turbabat *inquietas nocturna*: hinc *delirare* coeperunt, et absurda loqui. *Tinnitus* et *susur-*

*rus aurium* ut plurimum in *incremento* iam huic morbo accedebat, quibus sese *auditus difficultas*, modo *salutaris*, modo *funesta*, collatis nempe reliquis *symptomatibus* periculosis, adiunxit, ut et *oculorum dolor* et *ardor*. Saepissime illis *conuscationes* uariique coloris figurae obuerfabantur. *Vultus*, inprimis apud moribundos, *ferox* fuit. *Tremor manuum frequens*, sed *labiorum continuus*, et semper *exitialis*, et intra xxiv horas imminenti mortis *nuncius*, quod uidere licuit in duobus *Viris illustribus*, ut aliorum exempla praeteramus. *Tremorem* autem statim uel sequebantur, uel praecedebant *conuulsiones*, non tamen adeo *funestae*, utut periculoso satis indicio *floccos legere* coeperint decumbentes. Quorum aliqui *motibus* tandem *conuulsivis* et ipsa *epilepsia* correpti, uiolentia morbi consumpti sunt, cuius exemplum praebuit quidam *iuuenis* xxi. annorum, qui post *conuulsiones* incidit in *motus conuulsivos*, et ipsam *epilepsiam* lv. horas durantem. Curatae tamen *epilepsiae* huic morbo die xii. superuenientis, et per integrum diem obseruatae exemplum habui in *iuvene* quodam pannifice. Ad unum fere omnes *caput rotari*, seque *uertigine* laborare dixerunt. *Vertiginis* inseparabilis comes erat *dolor capitis*, qui et in *artus* et *lumbos* nonnunquam sese diffundit, ut ingentes *nephritides*, *uterique affectus* adesse crediderint, quod in *uirgine* quadam obseruaui, *causam* tamen semper a *miasmate maligno* infestante sanguinem, quod in maioribus *venis*



nis et arteriis ad illas partes deuoluebatur, deducendam esse duxi. *Gustus* saepissime plane fuit *deprauatus* ac peruersus in hoc morbo, ut aegroti nonnunquam *aquam* pro *uino* biberint, *poma citrina* pro *uiuis recentibus*, quod meo exemplo testari possum, comederint. *Aphonia* quoque, non semper tamen *lethalis*, obseruabatur, cuius per *integrum* ferme *diem* durantis, et tamen *curatae* exemplum praebebat quidam *iuuenis* uiginti aliquot annorum. *Respiratio* saepenumero *difficilis* fuit, et *frequens*, *expiratio* uero nonnunquam quasi *flammea*, quae semper *mala*, uti uidere licuit in quodam *saponario*. *Pulsus* nonnunquam, imprimis in *principio*, *sanorum* fuit quam simillimus, nonnunquam *celer*, *frequens*, *intermittens*, *debilis*, *inaequalis*, ut saepissime iudicium de *signis morbi prognosticis* fefellerit. Erat tamen quoddam genus *pulsuum*, quo praesente *mortem* certo praesagire potuimus, si nempe decumbentes ad contrectationem *pulsus* aut *manus* retraxerint *tremulas*, easque *introrsum* duxerint, uitae quasi suae timentes, aut si *tremens*, *palpitans* et *caprizans* obseruatus fuerit *pulsus*. *Anxietates*, *lipothymiae*, *syncope*, in hoc morbo maximum cordi faceffiuiere negotium, ut nonnunquam per *tres dies* iteratis uicibus continuauerint. *Tussis* nonnunquam in *principio*, ut plurimum in *incremento* et *statu*, aliquando *humida*, aliquando *sicca*, sese exerebat, quarum *posterior* peior, et semper *malignitatis* arguebat praesentiam. *Cardial-*

gia correpti prae dolore ingenti solum de *dolore* et *grauissima mole pectoris* conquesti sunt, existimantes, hoc sublato se pristinam recuperaturos sanitatem. Morbi *principium* semper erat cum *anorexia*, *nausea*, interdum *uomitu*, qui si per *aliquot dies* durauit, nullisque *medicamentis* mitigari potuit, neque *macularum* eruptione superueniente cessauit, *funesti* semper exitus erat signum: aliquando *die septimo* aut *octauo* demum oboriebatur. *Sitis* in his symptomatibus cum morbo *incrementum* fumebat; nonnunquam tamen ferme *nulla*, praesente licet *ingenti* et totum corpus quasi corripiente *calore*, obseruata fuit, quod *peffimum* erat *signum*. *Singultu*, huic morbo ut plurimum *in statu* superueniente, plerique, quos sub mea habui cura, sunt *mortui*, quidam tamen etiam *seruati*, ut adeo *singultus* non semper *signum* imminenti *mortis* in *febris acutis* infallibile sit; ut refert *Epiphan. Ferdinandus*. *Haemorrhagia* quoque saepissime hunc morbum secuta est, *periculosa primis diebus*, et in ipso *morbi statu*, quod multis exemplis probare possemus, aliquando tamen *critica*, et sibi relicta, *salutaris*; sed imperitia *chirurgorum die septimo suppressa*, funesta. Sequiorem *sexum* morbus iste *duplo grauius* affligebat. Pleraque enim hoc tempore *mensēs* erant expertae, aliae *primis* statim *diebus*, aliae *nono* demum *die*, qui semper exacerbabant *symptomata*, ut paucissimae euaserint; *benignior* uero fuit morbi uis in *mensium fluxu* destitutis.

Sed nec *puerperae*, et *gravidae* ab hoc morbo fuere immunes, licet non omnibus *exitioso*. Soror enim mea hac *febre epidemiali* correpta per Dei gratiam conualuit, et robustum suo tempore enixa est puerum. *Aluus* quamplurimis per *aliquot dies* fuit *obstructa*, ut eam tandem *suppositorio* reserare debuerimus. Nonnulli aegrotorum iam in principio *diarrhoeam* perpeffi sunt, quae si nullis *medicamentis*, eiusmodi affectibus alioqui maxime accommodatis, cedere uoluit, *res desperata* fuit; saepissime tamen et in *principio*, *incremento*, et *statu*, remediis rite adhibitis, optimo cum successu *sedata* fuit, imo *diarrhoea critica*, die vii. cum aegri leuamine, quae sequentibus diebus sua sponte cessauit, oborta est. Et fateri quoque debemus, fluxum alui *moderatum* saepissime non fuisse attendendum. Sic *uermes* tam in *principio*, quam *statu* *uero* et *extremo* sat longos reiectos in duabus personis, quae tamen euasere, uidi. *Sudores* saepenumero sua sponte apparebant, interdum *critici*, qui omnes boni, interdum vere *resolutiui*, imminente inprimis morte, qui pessimi; totum enim corpus tunc temporis in uaporem et madorem resolui uidebatur. *Parotides* per multis oboriebantur utplurimum die xiv, et per xiv ferme *dies* durabant, nunquam tamen *lethales*. Adhibitis enim mox *sudoriferis* per insensibilem transpirationem discussae sunt, sine omni metu reciduae. *Lingua* saepissime erat fissa, nonnunquam *mucositate*

*cante indurato*, inprimis adulto iam morbo, quasi crusta quadam obducta, ut etiam *potulentorum*, ob membranarum oesophagi fibrarum a calore ingenti exiccatarum difficilem constrictionem, *laboriosa* fuerit *deglutitio*; aliquando *nigra*, quae et *faucibus* peregrinum huncce suum impressit characterem, ut tandem *sphacelo* correptae et exescae fuerint, quale exemplum in puero VII annorum, hoc *symptomate* affecto, et propterea metu dolorum *uiginti* ferme *dies* neque *cibum*, neque *potum*, neque *medicamentum* assumente, habuimus. *Exanthemata* tandem aliis iam II, quod meo exemplo testari possum, aliis et ut plurimum IV, aliis VII erupere die, in aliis non una uice exiere, sed *tractu* quorundam dierum; alii *secundam* quoque *eruptionem* die XIV experti sunt, cui aliquando superueniebat *uesica* in *dorso*, *nucis* magnitudinem aequans, et *aquam* limpidam continens, *funesta*, quam in *Barone de Nobis* conspeximus. Erant *maculae*, quantum ad *colorem* attinet, *uersicolores*, *rubrae*, *purpureae*, *fuscae* et quasi *crocei* coloris; *albae*, ut in *aethiopico* quodam, *nigrae*, *lividae*, quae duae posteriores *pessimae*, inprimis in *dorso*, *manibus*, *pectore*, *pedibus*, *natibus*, nonnunquam et *facie*, quae non semper *funestae*, interdum *magnae*, interdum *paruae*, *pulicum morsibus* similes, nullum tamen *punctum* in medio habentes, nonnunquam *sparsim*, nonnunquam *consertim* *milii solis* et *sudaminum* instar, (*aspredines milia-*

*ceae dictae*, ) quae etiam *malae*, per *septem*, *octo*, *no-*  
*uem dies*, conspiciendae. Sed cum *morbis* hic tam  
*uariis* ac *multiplex* fuerit, ut non tantum nullo *ae-*  
*tatis* discrimine facuierit; uerum etiam in omnes *spo-*  
*radicos morbos*, si qui aegrum uexabant, sese trans-  
formauerit, ut aliquando *tussim*, saepissime *catarrhum*,  
aliquando *colicam*, *podagram*, *pleuritidem*, *febrem ter-*  
*tianam*, seruando exactissime *periodicam exacerbatio-*  
*nem*, tempore nempe *aprexias* euanescentibus *macu-*  
*lis*, ingruente uero *paroxysmo* redeuntibus, mentita  
fuerit, quis quaeſo omnia *ſymptomata*, quibus hic mor-  
bus *auctus* et *exacerbatus* eſt, enarrare queat? Suffi-  
ciat ergo, haec fideliter, prout in *praxi mea* obser-  
uauit, annotaſſe. Morbus hic nonnunquam *cito*, non-  
nunquam *tardius* ſua decurrebat *tempora*, ut etiam  
*xxiv. dies*, licet rariffime, *funestus* fuerit; *die xii.*  
ac *xiii.* ut plurimum *grauiora* ac *uehementiora* erant  
*ſymptomata*, proindeque accuratius attendenda. Etſi  
uero in *Hungaria* frequens eſt hic *morbis*, et quot-  
*annis* obſeruandus, graſſari tamen *uehementius* more  
ſolito *hoc anno* cepit, ut ferme in ſolum *contagium*,  
corpora metu atque timore debilitata facilius corri-  
piens, reiicere *cauſam* auſi fuerimus. *Principium* qui-  
dem huic morbo dedere *militis*, utpote qui *temperiem*  
huius *regionis* nec obſeruantes, nec ferentes, ſed *uino*  
nimium indulgentes in *morbos* inciderunt *malignos*,  
*gregatim* deinceps in *contubernia* *arctiora* coniecti non  
modo

modo *commilitones*, uerum etiam *inquilinos* contagione infecerunt, quae latius serpendo et eundo tantas acquisiuit uires, ut in *morbum epidemicalem* degenerauerit, et plures e medio sustulerit. *Anni tempestas* malum hoc insigniter fouebat, nempe ut plurimum *humidior*, cum *pluuiis* copiosis et fere continuis, *nebulis* foetidissimis, creberrimis toto fere *Novembri* et *Decembri*, quo tempore *petechiae* in homines grauius debacchati sunt. Etsi uero uehementia *frigoris* subsecuti mali huius uim sublatam aut minutam arbitrati sumus, tantum tamen abfuit, ut cessauerit, ut potius ferme eandem noxam ac *uehementiam*, licet alter *mensis* prae altero fuerit *benignior*, exeruerit, in *mensē Iunium* usque eam protraxerit, plures non modo *familiarius* cum aegris uersantes, uerum etiam *nullam plane consuetudinem* cum *infectis* habentes, et homines, qui aegrotos uisitabant, fugientes, semperque domi quasi fixi haerentes, corripuerit, ut in eiusmodi homines ex sola *imaginatione contagium* manarit, correptosque sustulerit. *Remedium* praecipuum ac praesentissimum fuit *Venae sectio*, a qua et *curam* semper *ordiri*, eamque in *primis diebus* *repetere* debuimus. Quamprimum uero *maculae* sese in conspectum dedere, quamuis plerique *auctorum*, et inter eos praecipuus NEVKRANZ de *purp.* id suadeant, penitus tamen *abstinendum* erat ab hoc alioquin praestantissimo remedio. *Purgantia*, quae




ad unum fere omnes admittunt scriptores , *Vomitoria* , etiam *in principio* , nullum hic inuenere locum , imo omnes , quibus *Purgantia* exhibita sunt , *breui post expirarunt* ; eorum uero *exanthemata* semper apparebant *latiora* . Ex iis , qui *Vomitoria* assumsere , paucissimi , nempe ii solummodo , quorum *robur naturae* adhuc erat inconcussum , euasere , in quibus et *citius* morbus sua decurrit tempora . *Expellentia* , *alexipharmaca* , *confortantia* , *cordialia* , *temperata* , u. gr. *spec. liberant. sal uolat. C. C. fixat. unicorn. mar. C. C. philos. praepar.* item *Emulsiones* , *mixtura ex mithridatio* , *confect. alkerm.* et *aqua fumar.* inprimis tempore *continuarum uigiliarum* data , ac sequenti *die uesper* iterata , quae ad *somnum* placidum aegrotos disposuit , ac *deliria* mitigauit , *lap. bezoar orient.* praecipue ubi *cordis anxietates* uehementer urgebant , qui miraculosa fere ratione eas statim sustulit , omne hic tulere punctum . *Symptomatibus* ex proprio fonte erat succurrendum ; e contrario *calida* omnia , quae maiorem excitarunt efferuescentiam , uitanda . *Antimonium diaphoreticum* quoties fuit datum , fere semper excitauit *diarrhoeam* ; exhibitum uero *in febribus malignis sine exanthematibus* rarius , facile tamen *terr. sigillat.* uel *mithridat.* sedata fuit . Foeminis , *affectibus hystericis* obnoxiiis , *extract. castor.* praesentissimam tulit opem . *Vescicatoria* iusto tempore applicata , non modo in *aphonia* saepissime aegrotis ser-



monem

monem reddidere, uerum etiam ferociam *deliriorum*, ac quasi *phrenitides* debellarunt. *Opiatorum* usum, utpote in his *regionibus* merito suspectum, experiri nolui, *Topicis* quidem frequenter in perpetuis *uigiis* et *capitis doloribus*, cum successu admiscui. Quodsi iam ad *apex* peruenit *morb*, *sudoribus* probe elicitis tandem *spec. de gemm. frigid. de hyacinth.* cum *nitro* ordinaui, quorum usum, quousque *penitus remisit calor*, continuauimus. *Confortantia*, *cordialia balsama* in frequenti usu habui. *Restaurantia iuscula* interdum et noctu aliquoties aegris exhibenda suasi, *uini* ac *cereuisiae* usu omnes abstinere iussi, *aquam coctam* ex *rad. scorzon.* cum *C. C.* et *ras. ebor. sem. foenic.* etc. pro *potu ordinario* praescripsi. *Mutationem linteorum* mundorum et *indusiorum* crebram, etsi permittat NEVKRANZ *de purp.* p. 351, semper tamen ego, ob rationes certas et experientia stabilitas, dissuasi. Victo iam penitus morbo, et *uiribus* aliquantum iam redeuntibus, tandem ad *Purgantia* descendi, quibus reliqui *excrementitii humores*, ne *recidua* subsequeretur, cum emolumento aegrotantium expellerentur. Hac ratione *quamplurimos* per Dei gratiam *pristinæ sanitati* restitui. Haec, VIR, LECTIO-NE ET EXPERIENTIA CELEBERRIME, sunt, quae illis temporibus obseruauit, et bona fide de hoc *morbi* genere literis consignauit *beatus Parens*. Huius *paternae industriae* monumenta plura possideo, *grauissimo*

*uissimo Tuo iudicio*, una cum *meis rarioribus obseruationibus*, subiicienda, et, si Tibi ita uisum fuerit, *publico bono* non inuidenda. Nihil proinde auidius exspecto, quam, quod sine Tua molestia fiat, Tuum de hoc instituto *consilium*. Si Tibi placuisse intellexero, affirmo Tibi, me existimaturum, mihi *grauitate iudicii Tui*, et *conatus meos iuuandi facilitate* id, quod maxime inquam cupierim, contigisse. Quod superest, Tibi CAESAREAE NOSTRAE ACADEMIAE spes fortunaeque commendo, nihil dubitans, quin de hoc meo studio recte et benigne sis existimaturus. Dab. *Viennae* d. vii. Febr.

A.S.R. c1o lcccxxx,





ILLVSTRI VIRO

DOMINO

HANS SLOANE

SERENISSIMI ANGLIAE REGIS

PROTOMEDICO

SOCIET. REG. ANGLICAE ET COLLEGII REGII  
MEDICORVM PRAESIDI

OTIA AESTIVALIA

CIRCA

THERMAS BADENSES HELVET. ETC.

CONSECRAT

IO. IAC. SCHEVCHZERS.



olent ubique terrarum, qui *Balnea* adeunt,  
indulgere otio, computationibus, deambulationibus, saltationibus, proscribere animi corporisque labores serios. Ad *Thermas Badenses* invitavit me, imo traxit,

aestate nupera urgens pro familia necessitas, ubi indulgi & ego otio, sed pro more negotioso. Animus erat cum primis *donumotiar* instituere aquarum natura calidarum, quæ magno quotannis celebrantur affluxu, fama per orbem, & inde a Romanorum temporibus notæ, ut mirum omnino sit, non alia fere proflare quam experimentorum in corporibus tum ægrorum, tum sanorum examina, & constitisse vel parum vel nihil de genuinis harum aquarum ingredientibus. Sulphur tribue-

runt hactenus scriptores, Alumen & Nitrum. An recte, constabit ex sequentibus. De sulphure nulla est quæstio, prodit id odor, in nonnullis quidem fontibus, speciatim Curia posterioris, *des hintern Hofs*, fortior, in aliis debilior, fortior olim quoque in aliis fontibus, quam nunc est, testantibus id, qui ante 30 vel 40 annos his balneis usi sunt, & speciatim citiorem argenti denigrationem observarunt, quam quidem nunc, ut omnino probabile sit, & conceptu haud difficile, exhaustiri posse longo annorum seculorumve decursu subterraneas venas, per quarum strata aquæ fluunt, quam vel alterationem vel diminutionem observare liceret, si per lustra exacta institueretur nova semper *docimasia*. Ad ipsos quoque fontes saxi cooper-  
tos reperitur *sulphur nativum*, veluti sublimatum.

Rem esse difficilem admodum *docimasia* aquarum, norunt ii, qui in hac palæstra sese exercent; quot sunt in *Thermopoli Badensi* fontes ex utraque Limagi ripa, tot elaboravi docimastica themata, & summa quidem ut attentione, ita & patientia. Quid infusiones præstiterint, adjecta exhibet *Tabella I*. Cui adde, affusionem liquorum acidorum, spiritus nitri, vitrioli, aceti destillati, nullam dedisse mutationem, sedimentum per solutionem Lunæ, quam fixam sumsi, sive cupellatam, præcipitatum lactei coloris si aliquândiu steterit, commoto vitro surgentes exhibet e fundo albißimi coloris pilos & nebulas, quibuscum conferri merentur piliformes illi tractus vel setiformes, qui in crySTALLIS aliquando sese exhibent jucundo spectaculo, coloris vel viridis, vel nigri, vel flavi. Agitato magis in orbem liquido, nebulae surgentes & luci expositæ aureum sistunt & veluti lucentem colorem. Quas observavi mutationes cum decocto gallarum, turbati nempe liquidi in saturum virorem, incipiunt ex semper a suprema superficie, & exhibent initio circulum nigricantem,



TAB. I. ad Ap- pend. pag. 42.	Balneum S. Ve- renæ.	Balneum Libe- rum, Freybad.	Curia poste- rior, Hinderhof.	Curia Staden- sis, Stadthof.	Ad Vrfum. zum Bären.	Ad Bovem, zum Ochsen.	Leonculus & catulus urfi in curia Stadenfi.	Balnea minora, kleine Bäder.	Aqua Fontana trans Lima- gum.	Aqua Fontana urbis Marck- brunn.	Cordelibrum ex urbe.
Cum Decocto gallarum	nulla initio muta- tio, post 12 horas turbatur liquor, ex atro virefcit, præ- cipitato sedimento terrei coloris.	Id. cum No. 1.	Id. cum No. 1.	mox obscuratur, per noctem contra- hit virorem nigri- cantem, deposito ad fundum sedimento terreo.	Id. cum No. 1.		Id. cum No. 1.	Id. cum No. 1.	nulla mutatio, post satura viriditas cum sedimento terreo, feu lurido, ut in thermalibus aquis.	nulla mutatio, post biduum viridem in- ducit colorem opa- cum, fluitantibus hinc inde floccis terrei coloris.	nulla mutatio, post- ea parum turbatur in superficie.
Cum Syrupio vio- larum	nulla mutatio, post tenuem induit opa- citatem.	Id. cum No. 1. 3.	post aliquot horas parum virefcit.	Id. cum No. 3.	parum virefcit.	Id. cum No. 3.	Id. cum No. 3.	tenuis viror.	tenuis viror.	nulla mutatio, post in fundo rubellum inducit colorem.	nulla mutatio, tur- batur post in albi- dum liquorem.
Cum solutione Aluminis.	Enzorema lacteum in medio, quod postea sese demisit ad fundum.	lactescencia in sum- mo: præcipitatur lacteum sedimen- tum.	lactescencia in sum- mo, elapsis aliquot horis enzorema vi- scidum in medio li- quore.	Idem, suspensis quibusdam floccis.	nubes lactea in me- dio, postea descen- dit ad fundum, sus- pensis manentibus floccis.	illico parum lacte- fcit, mox magis & magis subsident postea flocci ad fun- dum.	Id. cum No. 5.	Id. cum No. 2. natantibus hinc in- de floccis.	tenuis opacitas la- ctea in medio sese diffundit, postea per totum liquo- rem.	Enzorema lacteum in medio, quod post biduum descendit, fluitantibus hinc in- de floccis.	Enzorema lacteum in medio, quod post descendit, suspensis hinc inde floccis & bullis ad parietes vitri.
Cum solutione Veneris.	levis lactescencia in summo, postea cla- rescit liquor, tin- cturæ virore ma- nente.			Id. cum No. 1.	Id. cum No. 1.	Id. cum No. 1. innumeris bullulis ad margines vitri hærentibus.	Id. cum No. 1.	Id. cum No. 1.	tenuis opacitas la- ctea in summo, postea clarescit.	parum in summo lactescit, post cla- rescit.	
Cum solutione Iovis.	præcipitatio copio- sa lactea, clarescen- te desuper liquore.	Id. cum No. 1. clarescente liquore surgunt ex lacteo sedimento bullulæ.		Id. cum No. 1.	Id. cum No. 1.	Id. cum No. 1.	Id. cum No. 1.		opacitas lactea satis copiosa in imo.	exigua opacitas, in medio surgunt mi- nutissimæ bullulæ, descendit post la- cteam sedimentum satis copiosum & spissum.	nulla mutatio, præ- cipitatur post sedi- mentum lacteum viscidiusculum.
Cum solutione Lunæ.	præcipitatio subita- nea & copiosa cal- cis lacteæ, liquore desuper obscure ter- reo: elapsis aliquot horis clarescit li- quor, manente cal- ce in fundo.	Id. cum No. 1.	Id. cum No. 1.	Id. cum No. 1.	Id. cum No. 1.	crassior lactescencia præcipitatur per no- ctem, copiosa calx albissima.		Id. cum No. 1.	tenuis opacitas la- ctea in summo sese diffundit, postea per totum liquo- rem, sed tenuissi- ma.	exigua opacitas, postea clarescit.	nulla mutatio.
Cum Oleo Tar- tari p. d.	præcipitatio lactea, clarescente desuper liquore.	clarescente aqua te- nuis supernatat cu- ticula, subsidente albissimi coloris pulvere. Id. cum No. 1.	lacteum præcipita- tur sedimentum sa- tis cohærens.	Id. cum No. 1.	Id. cum No. 1.	Id. cum No. 1. præcipitatum pul- verulentum potius quam floccosum.	Id. cum No. 1.	lactescencia fere per totum præcipita- tur, post cuticula tenui in summo.	tenuis opacitas la- ctea in medio sese diffundens post per totum liquorem.	parum lactescit in summo, post bi- dum in imo.	lactescit in medio, clarescit postea, bul- lis in fundo ad pa- rietes hærentibus.
Cum solutione Mercurii subl.	tenuis opacitas: postea parietibus adhærescunt subti- lissimi pulvisculi al- bi, supernatante cuticula varicolo- re.	Id. cum No. 1.	nulla mutatio: post aliquot horas levis opacitas, superna- tante cuticula va- ricolare.	Id. cum No. 3.	Id. cum No. 3.	nulla mutatio.	Id. cum No. 3.	Id. cum No. 3.	tenuis opacitas la- ctea in imo, tenuis- sima post superna- tante pellicula te- nui varicolore.	nulla mutatio: post biduum parietibus adhærent copiosæ bullæ, & superficiē tegit cuticula veluti reticularis sulphurei coloris.	lactescit ad fundū, hærente post tenui sedimento lutescen- tis coloris, innatan- te cuticula varico- lore, prædominan- te colore sulphu- reo.
Cum solutione Sacchari Sa- turni.	fusca opacitas, post- ea clarescit, adhæ- rentibus subtilissi- mis pulvisculis ad parietes.	Id. cum No. 1. 4.	deposito ad fundum paucō sedimento terreo.	nulla mutatio.	turbatur in lacteum liquorem: cætera ut No. 1.		Id. cum No. 1.	levis opacitas.	tenuis opacitas la- ctea in summo, post clarescit, manente pellicula tenui.	lactescit parum, postea clarescit, su- pernatante cuticu- la.	lactescit ad super- ficiem, post clare- fcit, bullulis ad pa- rietes hærentibus, & cuticula innan- tante.



**Experimenta Salis thermalis collati cum Sedlicensi, Anglico, communi.**

TAB. II. ad Appendix. pag. 48.	Figura.	Color solutionis saturatæ.	Syrup. violarum affusus solutioni dilutæ.	Lac.	Calcinatio in crucibulo ignito.	Spiritus vitrioli affusus solutioni dilutæ.	Spiritus vini rectiff. affusus solutioni dilutæ.	Spiritus Salis Arm. affusus solutioni dilutæ.	Spir. C. C. seu Sal. volat. aff. solutioni dilutæ.	Pondus in aere.	Inspir. vini rectiff.	Dimin. pondus.	Proportio ad sp.
Sal thermale.	cubica, quam formant sex pyramides tetragonæ.	pulchre flavus, qualis est Tinct. citri.	egregius illico viror, qui biduo exacto fere evanescit.	nulla ne per biduum coagulatio.	crepitat ab initio, fuit spatio 5', effusi color griseus.	nulla mutatio: clarus per biduum liquor, solvitur sal omne.	laetescencia in summo, quæ post biduum disparet adhærentibus copiosis bullis ad parietes.	nulla mutatio: post biduum levisima tinctura flava. Salis maior pars insoluta manet.	nulla mutatio: post biduum turbatur liquor, colorem induit flavescentem.	gr. 133	gr. 34	gr. 99.	$\frac{34}{99}$
Sal Sedlicense.		color flavus, liquor amarissimus.	tenuis viror, qui perstat, sed dilutior.	Id.	fuit 5', effusi color albus inclinans ad carneum.	egregie rubellum in fundo acquirit colorem, qui per biduum totus fere evanescit liquore clarescente.	Id.	Id.	turbatur liquor in parietibus, linit arbusculas salinas.	gr. 133	gr. 50	83	$\frac{50}{83}$
Sal Anglicum.	parallelepipedum seu prismata tetragona subinde in parvum & obtusum mucronem terminata.	nullus.	egregius viror, qui manet, sed dilutior redditur.	Id.	fuit 8'. Color idem.	nulla mutatio: defluus evaporata aqua liquor linit in parietibus vitri arbusculas frondosas, intermixtis lamellis tetragonis, passim cuspidatis.	laetescencia manet post biduum in medietate superiore, bullæ copiosæ ad parietes.	Id.	turbatur medietas liquoris superior subflavescens.	gr. 133	63	70	$\frac{63}{70}$
Sal commune.	cubica, evaporationi exposita solutione sal margines vitri exsuperat, & totam hujus superficiem obtegit, ut arbor ferri parari solet.	nullus.	nulla mutatio, biduo exacto dilutus viror versus fundum.	Id.	crepitat ab initio, fuit 4'. Color albidus.	parietibus adhærent copiosæ bullæ, clarescente liquore adhærentibus spiculis salinis ad parietes vitri.	laetescit in summo post biduum per totum, bullis adhærentibus, sed minus copiosis.	clarescit liquor subtilato sale ad margines vitri.	turbatur liquor, bullæ ad parietes.	gr. 133	77	56	$\frac{56}{77}$

Vt certior fierem *de origine aquarum thermalium*, incerta hætenus, subjeci examini meo aquas ipsas cis & trans *Limagum* fontanas, usui tum potatorio tum culinari inservientes, & patebit ex collatis experimentis, accedere propius ad naturam thermarum fontem trans-*Limaganum*, qui ad radices *Legerii montis* scaturit, & ad arcem quoque, quæ Præfecti est sedes, derivari solet, ut inde conjicere liceat, aquam per subterranea strata ex longo satis & eminenti *Legerii* jugo, sylvis & vineis obsito, ab oriente defluam, in utraque *Limagi* ripa demum imprægnari, & salibus, aliisq; mineralibus, & calorem adipisci, ut origini propiores sint, aquæ thermales minorum, ut vocant, *Balnearum*, *die kleinen Bäder*, reliqua aqua sub *Limagi* alveo transeunte ad majora, *grosse Bäder*, firmant conjecturam & aquæ abundantissima copia, de qua post, & fontes nonnulli in ipso *Limagi* alveo scaturientes, per totum fere annum rapido flumini sese tradentes. Accedit, quod fons ille trans *Limagum* per æstatem frigidus, hyeme sit tepidus, nive circa scaturiginem mox liquata, salis insuper ejusdem cum thermalis naturæ exigua portio, ut nihil fere huic fontanæ aquæ desit, præter sulphuris augmentum & calorem actualem pro transitu ad aquas thermales. Ponderus insuper addit, quod ad stateram examinatæ aquæ thermales minorum balnearum, sive *Trans-Limaganorum*, ejusdem sint ponderis præcise cum aqua ejusdem ripæ fontana. Tandem ipsum hujus *fontis trans-Limagani* sal est ut ipsum thermale, figuræ cubicæ, & color saturati liquoris & collati flavus. Patebit porro ex sequentibus, dicta balnea minora minori gaudere salis & terræ portione, ut inde judicare liceat, in via infra alveum *Limagi* & ipso *Balnearum* majorum loco accedere majorem tum salis tum terræ portionem. De aquis thermalibus omnibus id notari meretur, non misceri saponi, inidoneas proin esse barbitonforibus, *es gibt kein Lab.*

Examinatis ad *pondus* aquis thermalibus, & collatis cum aqua fontana *trans-Limagana*, hanc superari ab illis in uncia una

	granis
ad Vrsium . . . . .	2 358
ad Leunculum & catulum Vrsi <i>im Stadhof</i> . . .	1 871
in Balneo libero . . . . .	1649
in Curia posteriori . . . . .	480
in Balneo S. Verenæ . . . . .	1329
in Curia Stadenſi, <i>vom Kessel</i> . . . . .	480
ad Bovem . . . . .	1224
	438
	2 021
	900
	1343
	1333
	247

Correspondent fere sedimenta ex mensuris Badensibus  
7 evaporatione facta residua.

Ad Vrsium . . . 3. 2. 3. 3. gr. 17.

Curia posterioris 1. - 7. — 8.

Balnei S. Verenæ 1. - 6. — 39.

Curia Stadenſis 1. - 6. — 16.

Ad Florem . . . - 1. - 7. — 57.

Ad Solem . . . - 1. - 5. — 6.

Aq. F. trans Limag. — — — 38.

In Balneis minor. — 6. — 57. iterato 3. 7. gr. 10.

Continet autem mensura vinaria urbica Badensis, *Stadtmaß*, ex computo ad originalia facta 136583 lineas cubicas Parisinas. Respondet autem mensura Badensis 3. LIII pond. med. Vnde inferre licet, mensuram Badensem continere particularum heterogenearum

ad Vrsium . . . . .	grana 165 $\frac{2}{3}$
in Curia posteriori . . . . .	— 129 $\frac{5}{7}$
Balneo S. Verenæ . . . . .	— 125 $\frac{4}{7}$
Curia Stadenſi . . . . .	— 122 $\frac{2}{7}$

ad

ad Florem . . . . .	grana 136 $\frac{5}{7}$
ad Solem . . . . .	— 112 $\frac{2}{7}$
Aq. Font. trans Limag. . . . .	— 5 $\frac{3}{7}$
in Balneis minoribus . . . . .	gr. 59 $\frac{4}{7}$ . item 61 $\frac{3}{7}$

Redeo ad *Sedimenta* supra exposita, ex 7 mensuris Badensibus singula, quæ ut probe examinarem, super laminam ferream igni exposui, ex ponderis defectu iudicium laturus de portione particularum aquearum, sulphurearum, aliarumque forte subtiliorum: quod reliquum erat, decoxi in aqua fontana, extracturus ex filtrata ea Sal. Observavi autem adesse

*particulas avolare aptas, partes salinas, pure terreas.*

	5.	gr.	3.	3.	gr.	3.	gr.
ad Vrsium . . . . .	2.	40.	. . .	1.	4.	2.	4.
in Curia poster. . . . .	1.	37.	. . .	1.	1.	45.	3.
in S. Veren. baln. . . . .	. . .	58.	. . .	1.	2.	33.	3.
in Curia Stadenfi . . . . .	1.	48.	. . .	1.	1.	11.	3.
ad Florem . . . . .	1.	50.	. . .	1.	1.	30.	4.
ad Solem . . . . .	. . .	52.	. . .	. . .	7.	53.	4.
in Balneis minor. . . . .	. . .	. . .	. . .	. . .	4.	51.	2.

Iuxta hunc computum continebit mensura una aquæ, præter particulas eas, quæ quovis momento avolant, & pure terreas, quæ attentionem vix merentur, *salinas*, quæ præcipuum dant aquæ momentum, ut sequitur:

Ad Vrsium . . . . .	grana 103 $\frac{1}{7}$
in Curia posteriori . . . . .	93 $\frac{3}{7}$
in S. Verenz Balneo . . . . .	90 $\frac{3}{7}$
in Curia Stadenfi . . . . .	78 $\frac{5}{7}$
ad Florem . . . . .	83 $\frac{3}{7}$
ad Solem . . . . .	67 $\frac{4}{7}$
in Balneis minoribus . . . . .	41 $\frac{4}{7}$

Medium si assumas terminum inter extremos, assignabis mensuræ gr. 85 *Salis*, quod singulari prorsus attentione est dignum, & fortean applicatione ad praxin, quam tempus docebit & experimenta. Est *Sal* hoc *cubicum*, quale sal commune, & sæpissime in cubis tanquam basi, *crystalli tetrahedrici pyramidales, concavi*, ad instar infundibili. Et docuit me, dum *crystallisationes* tentavi, attentio ad circumstantias, formari cubos ex ipsis illis pyramidalibus corporibus, ex sex nempe in centro coeuntibus, cui genesi & Mathesis pollicem premit. Reperias cubos, in quorum hedris cavitas relicta est, ex materiæ defectu, quæ pyramides cavas implere debebat. Quamquam arduum sit, fateor, opus, demonstrare modum, quo particulæ salinæ primum in pyramides, dehinc in cubos vel parallelepipeda coeant. Videantur GVILIELMINVS, SVVEDENBORGIVS, & CAPPELLERVS: Potior inquisitio erit in *vires hujus salis medicas*, vel *Anglico, Sedlicensi*, aliivē surrogandas. Sternit viam vel sola *crystallorum* consideratio ad detegendam tum naturam, tum essentiam. Constat quippe esse *sal neutrum*, haud dubie magnarum virium ad detergendas primas vias, & referendas varii generis obstructions. Potior & *frequentissimus* est hodie aquarum harum *usus externus* pro balneatione, *rarior internus*, ad quem tamen propriis in se ipso factis experimentis viam stravit magnus noster CONRADVS GESNERVS, uti videre est in *Hydrographia* meæ *Helvet.* p. 403. Et nunc aliquando sunt, qui larga dosi assumpta primas vias eluunt, vel & urinas movent. Evanescit ex analysi, quam institui, omne, quod forte aluminis præsentia imprimere poterat, periculum: aluminosi quippe nihil inest his aquis, & ne his quidem ad Bovem, quæ propter alumen a nonnullis frequentari solent præ aliis. Latet *πρωτον ψευδες* in cremore, aquis nunc maiori nunc minori copia innatante, quæ *crusta*  
alba

*alba, mere calcaria, insipida*, aluminis thermalis, *Bad-Alet* nomine venit. Et est hæc communis in regionibus nostris fabula, aluminosas esse aquas, quæ coctæ lactescunt propter commixtam calcariam terram. Sane qui considerat salinum medium seu neutrum contentum, insignem observabit inter aquas nostras thermales & acidulas convenientiam, & amplam satis portionem salis, quæ usui esse possit, drachmæ scil.  $1\frac{1}{2}$  circiter in mensura Badensi. Et hæc portio si cui videatur, ut revera multis subjectis foret, nimium diffusa, poterit auxilio venire decoctio ad quartas; ita mensuræ uni inerunt  $3vj$  circiter salis, duabus  $12$ : quod sal albissimum crystallisatione redditur, & quodammodo amarum. Si alcalici quid, absque quo neutrum esse non posset, est admixtum, certum id, *alcali non prædominari*, quia a spiritibus acidis, nitri, vitrioli, ut & syrupo violarum nullam patitur mutationem: nam si prædominium obtineret, causarentur dicti spiritus effervescentiam, & daret violarum syrupus colorem viridem. Sed *sulphur, idque Marte combinatum*, in his aquis Lunæ solutio prodit, quæ eis dat lacteum coagulum, gallarum item decoctum, quod eas reddit atro-fusco-virentes. Accedit consideratio loci. Sunt in *Comitatu Badensi* ex utraque *Limagi* ripa *venæ Martis*, ejusque *globularis* seu *pisiformis* abundantissimæ, & in ipsis *Legerii* visceribus copiosi *pyritæ*, qui agris passim forma pisorum, aliave crystallisati undique & in pyramides quadratas erecti inspersi jacent. Idem, de quo nunc, sulphureum pingue, per consequens & acidi portionem in sale neutro detegit copiosa ex affuso oleo tartari per deliquium lactescencia, quam quidem mutationem, sed longe debiliorem, subeunt pleræque ex nostris fontanis, utpote calcaria terra imprægnatis. Digressionem hac haud forte incuriosa & inutili facta, redeo ad *Sal thermale*, quod exactius meretur examen, & parallelum cum *sale Sedli-*



*Sedlicensi & Anglico ita dicto, non Epsamensi illo, sed arte parato*, quod hoc salis Anglici nomine per totam Europam circumfertur, & ex sale communi, oleo vitrioli saturato parari dicitur, nec in Anglia duntaxat, sed alibi, nominatim in Saxonia *ex salinarum sedimento*. Experimenta sistet peculiaris *Tabula II.*

Stuporem incutit *ingens aquarum thermalium copia*, quæ quotidie effluit ex fontibus ad balnea, & hinc in Limagi alveum, mensurarum incirca Badensium urbicarum 463036, ruralium 420371, *calculus*, qui præcisus esse non potest; hoc eni fundamentum: Spatio horarum 24 influunt in unum ex balneis, effluuntque ex eodem 392688000 lin. cub. Paris., quarum 136583 dant mensuram urbicam Badensem, ruralem vero 150397 lin. Hujusmodi autem balnea numero 161, nempe

in Curia Stadenfi . . . . .	19
— — posteriori . . . . .	28
ad Vrsium . . . . .	11
ad Florem . . . . .	8
ad Bovem . . . . .	12
ad Corvum . . . . .	18
pro Verenæ balneo . . . . .	20
pro Balneo libero . . . . .	30
ad Solem . . . . .	13
pro Balneis minoribus . . . . .	6
pro Fonte in Limago . . . . .	1

Fuere hoc anno, qui siccioris per æstatem fuit constitutionis, *efflorescentia cutanea* frequentes & largæ, imo multis molestæ. De quibus observare velim, non pendere duntaxat a calore tubulos secretorios cutis laxante & ampliante, sed & a particulis in aqua contentis salinis, cutim blando quodam modo stimulantibus. Iuvat insuper aer ipse ob calorem, terra & balneis expirantem, rarior corpori

pori circumfluus. Sed observavi insuper *diarrhoeas*, frequentes in viris pariter ac foeminis, *vomitibus* aliquando stipatas, derivandas non solum a thermarum activitate, sed & a constitutione aeris inæquali, nunc suda serena, nunc frigida pluviosa, subinde tempestuosa: sed quoque acidulæ in his locis frequentes, vel solæ, vel maritata cum vino, excitabant facile diarrhoeas, sed quæ brevi cedebant tonicis, stomachicis, diætæ convenienti. Tractavi inter alios virum 62 circiter annorum, temperamenti biloso-hypochondriaci, qui d. 6 Aug. *Badam* se contulit acidulas potaturus, die 7 capiens libram unam, vel quod excurrit, prospero successu, ut transitum invenerint aquæ per urinam & bis per sedes. Sequentibus autem diebus supervenerat diarrhoea, quæ continuabat ad usque 11, absque siti, debilitate, cum *ἰσφορία* potius; sed obsidebat hominem metus, ut hoc hominum genus omnia metuit, & vel umbram venturi mali fugit. Voco d. 11, erigo meticulosum, jubeo abstinere a sistentibus alvi fluxum, judicans, quos expertus est hætenus, alvi fluxæ motus criticos esse potius, qui exonerent saburram vitiosorum humorum, connitente natura, ablaturus potius præcordiorum & ventris, quibuscum conflictatus hætenus, angustias, quam aucturos: suadeo usum pulveris digestivi nitrati absorbentis, animum curis liberum, continuationem acidularum in sequentibus diebus, bona spe fretus, transitum inventuras proxime per urinarias vias, sed prævaluit hypochondriacum discrucians sollicitudo: cessavit diarrhoea sponte, brevique convaluit, qui umbram mortis metuebat, æger. Labet & enarrare alium, qui mihi obtigit, casum.

*Dolor crurum ὀρεονόμος cum ponderis sensu a frigore.*

**R.** D. Fr. . . . . Pastor Herbishofæ in Suevia, nondum 30 annos natus, ante quadriennium, Aprili mense, coelo nivoso, frigido, humido, per pedes Apostolorum iter faciens, totisque cruribus madens, inde ab hoc tempore sensit in cruribus debilitates, dolores, eosque ὀρεονόμος, cum sensu gravis veluti ponderis, absque tamen tumore, rubore, aliisque inflammationis indiciis. Adhibet, ex suasu Medicorum, varia remedia, inprimis externa, inunctiones ex nervinis, spirituosis, oleosis, pediluvia, alia. In consilium vocatus & ego, ante semestre circiter, iudicavi, a frigore illo concepto angustatos fuisse & veluti constrictos crurum, ad ipsam forte medullam usque, tubulos, ut sanguis aliaque fluida non nisi ægre circulare possint. Suasi tunc *thermarum Badensium* usum, ut harum ope rediret calor partibus affectis, motus liberior fluidis, expansio pristina tubulis. Confert se illuc, sub finem Iulii, manet ultra mensem, eo quidem effectū, ut *efflorescentia cutanea*, quam vocare solemus, *die Ausschlechte*, potissimum sese manifestaverit in cruribus affectis, sed sub finem curæ cum intensiori doloris gradu, noctu inprimis, corpore bene tecto, qui effectus fuit novæ tubulorum dilationis. Monui amicum, bono esset animo & meliora speraret potius, quam graviora timeret, sicque Bada dimisi d. 14 Aug. hoc quidem solatio, posse tum thermas, quibus est usus, tum motum, redeunti in Sueviam necessarium, vires exerere sanitati proficuas: suasi interim, si forte non abigeretur malum, vesicatorii applicationem in sura, usum fonticuli in alterutro crure, inunctiones cum spirituosis, aliaque hujus generis resolventia, aperitiva, pro Ordinarii prudentia & ex ejus consilio applicanda.

Occul-

Occulta per diu latere in corpore humano nobis in-  
via & ignota, quotidiana testatur experientia, & nunc,  
qui mense Sept. hujus anni in Cantone ex vicinis

*Calculus renalis ingens absque nephritide prævia.*

**I**n Viro haud proletariæ Dignitatis, ischuria defuncto,  
nephriticis doloribus nunquam, quantum quidem Me-  
dici ordinarii observare poterant, antea vexato, cultro  
anatomico subjecto repertus est ren sinister digitis tribus  
longior dextro, & pelvi ejusdem renis impactus calculus  
pene 2 digitos longus, superna sui parte ultra digitum  
crassus, utrinque ramosus; in dextro rene alius semidigi-  
tum crassus, in substantia renum & pelvi serum nullum,  
licet sinister fuerit prætumidus, sed ureteres sabulo repleti,  
& haud longe a renibus rupti, ut urina in cavum effuxe-  
rit abdomen, vesica urina vacua. Lien tumidus, major  
sano. Communicata observatio Cl. D. HOTTINGERO,  
& D. VINHARTO, Einsidlensi. Hujusmodi observatio-  
nes habet BONETVS *Medic. Septentr. L. III. de imo ven-  
tre, Sect. 25. C. 6.* HEVRNIVS *Aphor. 34. Sect. 7.* & appo-  
sitæ Cl. VVILLIAM RUTTY *Treatise of the urinary pas-  
sages, p. 40:* Nay it is certain, that the stone may lie quiet a long  
time without creating any remarkable inconvenience from seve-  
ral examples in daily Practice, of such a Bod'ys being found in this  
which has fill'd the pelvis, all its branches, and even possess'd the  
greatest part of the kidney, and yet the subjects, from whom it  
was taken have labour'd under no very pain ful symptoms, nor  
have had but very little warning before some accidental shock has  
unfortunately alter'd its position, and so brought on paroxysm,  
that ended fatally.

*Aurora borealis.*

**D.** 2. Oct. h. 11. ad 12. p. m. visa in agro & urbe Tiguri-  
na, *Aurora borealis*, instar nubis splendide ruti-  
lantis,

lantis, quæ passim vibrabat radios, cometæ speciem vel simulans vel mentiens, Vitoduri visum primo phænomenon instar arcus, ex quo tandem in nubem illam fulgidam concentrato, projiciebantur sursum striæ, incendii e longinquo flagrantis mentiebatur speciem, ut passim in agro ad subsidia ferenda convocati fuerint rustici.

*S. Gothardi montis altitudo.*

**D**udum est, ex quo nobilem altitudines locorum respectivas dimetiendi Barometrium usum confirmat experientia. Experimenta bene multa passim in Helvetiæ montosis facta exhibent *Itinera mea Alpina*, sed sunt multa ex illis tumultuaria, semel plerumque uno in loco facta, aliis novis vel confirmanda, vel corrigenda. Proposui mihi, proprio meo satisfactorius desiderio, seligere *Montem S. Gothardi*, qui est ex *Helvetiæ* altissimis, & maxime frequentatus pro transitu ex *Helvetia* in *Italiam*. Iuvit me Illustrissimi atque Reverendissimi DOMINICI PASSIONEI, ArchiEpiscopi Ephesini, benevolentia plane singularis, & Rev. P. IOSEPHI MARIAE, Superioris in monte Gothardi, affectus, ut per nobiles emissarios medicinæ atque politicæ studiosos erigere potuerim in ipso Gothardi jugo, & Capucinorum domicilio, barometrum, ut ex collatis experimentis, tum heic *Tiguri*, tum in Gothardi monte factis & faciundis, elicere possem certi quid de dicti *montis altitudine*. Nec me, quod spero, fefellit eventus. Observationes ipsas *ὡς ἐν συνόψει* exhibet *Tabula III.* quibus illustrandis inservient, quæ nunc sequuntur.

Die 13 Aug. heic *Tiguri* fuit altitudo Mercurii eadem, quæ ad *Tuginum lacum*, 26". 8", qui lacus ejusdem erit horizontis cum Tigurino & Lucernensi. *Lucerne* d. 14 fuit altitudo Mercurii 26". 8", *Tiguri* 26". 7", ubi museum meum est 1" circiter elevatius lacu.

Minus



1728.	Dies.	Hor.	Tiguri Altit. Merc.	Constitutio cœli.	In Gotthardo monte Alt. f.	Constitutio cœli.	Diff. altit. f.	Tiguri altit. supra mare.	Gotthard. alt. supra mare.	
August.	12.	7 p.	26". 8"		21". 7"		5". 1"	1301.	5559.	juxta MARIOTTVM.
	18.	7 a. 6 p.	— 6	nubilo-serenum.	— 0. in al- tiori culmine supra Capuc.		5. 6	1410.	7692.	— CASSINVM.
	20.	per tot.	— 7	serenum.	21. 9	ventosum.	4. 10	1327.	5714.	— IOH. SCHEVCH- ZERVVM.
	21.	12	— 6	nubilo-serenum.	21. 9	frigidum valde.	4. 9			
		6 p.	— 7	nubilum.			— 10			
	22.	per tot.	— 6	nubilo-serenum.	21. 8	frigidum serenum.	4. 10			
	23.	7 p.	— 5	nubilum.	21. 7½		4. 9½			
	24.		NON OBSERVATÆ.		12. 7	serenissimum.				
	25.				21. 7					
	26.				21. 7	pluviosum, sed mite.				
	27.				21. 7	id.				
	28.				21. 7	id.				
	29.				21. 7	frigidum.				
	30.				— 7½					
	31.				21. 8	serenissimum.				
Sept.	1.	per tot.	26. 3	nubilo seren. ventosum.	21. 7½	frigidum serenum.	4. 7½			
	2.	8	— 4	nubilum.	21. 8	inconstans frigidum.	4. 8			
		7 p.	— 5	serenum.	— 7½		— 9½			
	3.	per tot.	— 4	nubilum, ventoso-pluvios.	21. 8	id.	4. 8			
	4.	11	— 5	serenum.	— 7½	a. m. serenum, post in- constans.	4. 8			
		7 p.	— 4		— 9		— 7			
	5.	per tot.	— 5	nubilo-serenum.	21. 8	inconst. pluv. temp.	4. 9			
	6.	per tot.	— 5	inconstans pluvium.	21. 8	inconstans.	4. 9			
	7.	6 p.	— 6	serenum frigidum.	21. 7	serenum ventosum.	4. 11			
		9 a.	— 5				10			
	8.	11	— 5	nubilo-serenum.	21. 8	serenum frigidum.	4. 9			
		6 p.	— 4				8			
	9.	5 p.	— 5	nubilum, ventosum.	21. 9	serenum.	4. 8			
	10.	8 a.	— 7	nubilo-serenum calidum.	21. 9	id.	4. 10			
		6 p.	— 6				9			
	11.	per tot.	— 5	serenum calidum.	21. 9	id.	4. 8			
	12.	per tot.	— 6	serenum calidum.	21. 9	id.	4. 9			
	13.	9 a.	— 6	idem.	21. 9	id.	4. 9			
		6 p.	— 4				7			
	14.	8 a.	— 4	nubilo-seren. ventosum.	21. 9	id.	4. 7			
		7 p.	— 5				8			
	15.	3 p.	26. 4	nubilo-seren. ventosum.	21. 9	serenum.	4. 7			
	16.	9 p.	— 5	nubilo-serenum.	21. 7	id.	4. 10			
	17.	9 a.	— 4	serenum.	21. 7	nubilum.	4. 9			
		6 p.	— 3				8			
	18.	per tot.	— 4	nubilum ventosum.	21. 6	frigid. ventos.	4. 10			
	19.	6 a.	— 4	nubilum frigidum.	21. 5	frigid. ventos. nivofum.	4. 11			
		7 p.	— 5				5. 0			
	20.	9 a.	— 6	nubilum.	21. 5	id.	5. 0			
		6 p.	— 5							
	21.	10 a.	— 8	pluvium.	21. 5	id.	5. 3			
		6 p.	— 7½				2½			
	22.	per tot.	— 7	pluvium frigidum.	21. 6	inconstans.	5. 1			
	23.	10 a.	— 7	nubilo-serenum.	21. 6	id.	5. 1			
		7 p.	— 6½				5. ½			
	24.	10 a.	— 5	nubilum pluvium.	21. 7	serenum.	4. 10			
		6 p.	— 4				9			
	25.	11.	— 5	serenius, calidius.	21. 6	idem.	4. 11			
		4 p.	— 4				10			
	26.	10	— 3½	serenius, frigidius, vesperi tenuis pluvia.	21. 6	id.	4. 9½			
		6 p.	— 4				10			
	27.	10	— 5	serenum.	21. 5	nix & pluvia.	5. 0			
		6 p.	— 4½				4. 11½			
	28.	tot.	— 5½	nubilo-seren. pluv. pauca.	21. 7	serenum.	4. 10½			
	29.	tot.	— 6	serenum.	21. 7	id.	4. 11			
	30.	tot.	— 6	serenum.	21. 7	id.	4. 11			
Octobr.	1.	12	26. 8½	serenum.	21. 5	serenum.	5. 3½			
		7 p.	— 8							
	2.	11	— 7½	serenum.	21. 6½	ventosum pluvium.	5. 1			
		6 p.	— 7							
	3.	tot.	— 6	nubilo-serenum.	21. 5	ventosum pluvium.	5. 1			
	4.	10 a.	— 5	nubilum ad mutationes prœnum.	21. 4	frigidissimum, nix & plu- via.	5. 1			
		7 p.	— 3							
	5.	11	— 11½	nubilo-serenum.	21. 4	id.	4. 9½			
		7 p.	25. 11½				4. 7½			
	6.	6 p.	26. 1	nubilum pluvium.	21. 4	id.	4. 9			
	7.	tot.	26. 1	nubilo-serenum.	21. 4	id.	4. 9			
	8.	tot.	— 3	pluvium post serenum.	21. 4	inconstans ventosum.	4. 11			
					5½		9½			
	9.	11	— 3½	sereno-nubilum.	21. 7	serenum tranquillum.	4. 8½			
		7 p.	— 5				10			
	10.	tot.	— 6½	id. mane nebula densa.	21. 7½	serenum frigidum.	4. 11			



Year	Month	Day	Time	Location	Remarks
1912	1	1	10:00	St. Paul	Arrived from Chicago
1912	1	2	10:00	St. Paul	Left for Chicago
1912	1	3	10:00	St. Paul	Arrived from Chicago
1912	1	4	10:00	St. Paul	Left for Chicago
1912	1	5	10:00	St. Paul	Arrived from Chicago
1912	1	6	10:00	St. Paul	Left for Chicago
1912	1	7	10:00	St. Paul	Arrived from Chicago
1912	1	8	10:00	St. Paul	Left for Chicago
1912	1	9	10:00	St. Paul	Arrived from Chicago
1912	1	10	10:00	St. Paul	Left for Chicago
1912	1	11	10:00	St. Paul	Arrived from Chicago
1912	1	12	10:00	St. Paul	Left for Chicago
1912	1	13	10:00	St. Paul	Arrived from Chicago
1912	1	14	10:00	St. Paul	Left for Chicago
1912	1	15	10:00	St. Paul	Arrived from Chicago
1912	1	16	10:00	St. Paul	Left for Chicago
1912	1	17	10:00	St. Paul	Arrived from Chicago
1912	1	18	10:00	St. Paul	Left for Chicago
1912	1	19	10:00	St. Paul	Arrived from Chicago
1912	1	20	10:00	St. Paul	Left for Chicago
1912	1	21	10:00	St. Paul	Arrived from Chicago
1912	1	22	10:00	St. Paul	Left for Chicago
1912	1	23	10:00	St. Paul	Arrived from Chicago
1912	1	24	10:00	St. Paul	Left for Chicago
1912	1	25	10:00	St. Paul	Arrived from Chicago
1912	1	26	10:00	St. Paul	Left for Chicago
1912	1	27	10:00	St. Paul	Arrived from Chicago
1912	1	28	10:00	St. Paul	Left for Chicago
1912	1	29	10:00	St. Paul	Arrived from Chicago
1912	1	30	10:00	St. Paul	Left for Chicago
1912	1	31	10:00	St. Paul	Arrived from Chicago
1912	2	1	10:00	St. Paul	Left for Chicago
1912	2	2	10:00	St. Paul	Arrived from Chicago
1912	2	3	10:00	St. Paul	Left for Chicago
1912	2	4	10:00	St. Paul	Arrived from Chicago
1912	2	5	10:00	St. Paul	Left for Chicago
1912	2	6	10:00	St. Paul	Arrived from Chicago
1912	2	7	10:00	St. Paul	Left for Chicago
1912	2	8	10:00	St. Paul	Arrived from Chicago
1912	2	9	10:00	St. Paul	Left for Chicago
1912	2	10	10:00	St. Paul	Arrived from Chicago
1912	2	11	10:00	St. Paul	Left for Chicago
1912	2	12	10:00	St. Paul	Arrived from Chicago
1912	2	13	10:00	St. Paul	Left for Chicago
1912	2	14	10:00	St. Paul	Arrived from Chicago
1912	2	15	10:00	St. Paul	Left for Chicago
1912	2	16	10:00	St. Paul	Arrived from Chicago
1912	2	17	10:00	St. Paul	Left for Chicago
1912	2	18	10:00	St. Paul	Arrived from Chicago
1912	2	19	10:00	St. Paul	Left for Chicago
1912	2	20	10:00	St. Paul	Arrived from Chicago
1912	2	21	10:00	St. Paul	Left for Chicago
1912	2	22	10:00	St. Paul	Arrived from Chicago
1912	2	23	10:00	St. Paul	Left for Chicago
1912	2	24	10:00	St. Paul	Arrived from Chicago
1912	2	25	10:00	St. Paul	Left for Chicago
1912	2	26	10:00	St. Paul	Arrived from Chicago
1912	2	27	10:00	St. Paul	Left for Chicago
1912	2	28	10:00	St. Paul	Arrived from Chicago
1912	2	29	10:00	St. Paul	Left for Chicago
1912	2	30	10:00	St. Paul	Arrived from Chicago
1912	2	31	10:00	St. Paul	Left for Chicago
1912	3	1	10:00	St. Paul	Arrived from Chicago
1912	3	2	10:00	St. Paul	Left for Chicago
1912	3	3	10:00	St. Paul	Arrived from Chicago
1912	3	4	10:00	St. Paul	Left for Chicago

Minus fida est observatio facta d. 15 Aug. quo Barometri altitudo fuit *Tiguri* 26". 5". 6". sed *Altorfii*, quod ejusdem est cum *Lucerna horizontis* 25". 11", ut differentia sit 6 vel 7".

Die 16 in pago *Wäsen*, ditionis *Vrania*, altit. Merc. fuit 24". 11", *Tiguri* 26". 4". Respondent pro dicto pago altitudines supra horizontem maris juxta

MARIOTTVM . . . . . 2463.

CASSINVM . . . . . 2923.

IOH. SCHEVCHZERVM, *Fr.* 2538.

Die 17 Aug. *Tiguri* altit. Mercurii 26". 5". in pago *Hospital*, *Vrseranæ Vallis* ad *Gothardi Radicem*, 23". 5" respondent altitudines supra horizontem maris

juxta MARIOTTVM . . . . . 3790.

CASSINVM . . . . . 4840.

IO. SCHEVCHZERVM . . . 3893.

Die 18 Aug. *Tiguri* altitudo Mercurii 26". 6" in *Gothardo monte* ad *Capucinos* 21". 7". Respondent pro *Capucinis* altitudines supra horizontem maris

juxta MARIOTTVM . . . . . 5488.

CASSINVM . . . . . 7623.

IOH. SCHEVCHZERVM . . . 5672.

Pro altiori culmine,

6100.

8580.

6264.

Cujusdam altitudinis est *Furcæ* culmen, in quo die 20 Aug. observarunt amici altitudinem Mercurii 21". 0". 9", erit id altius *Capucinis Gothardianis*, qui hoc die altitudinem Mercurii annotarunt 21". 9".

Sed erit *Difertinum Cœnobium Rhatia* profundius  
*Gothardo*  $1''. 10'''$ . *Tiguro*  $3''. 0'''$ . quandoquidem altitudi-  
 nes sunt *Tiguri* d. 22 Aug. . . . .  $26''. 6'''$

ad *Capucinos in Gothardo* . . . . .  $21. 8$

in *Difertino Cœnobio* . . . . .  $24. 5$ .

Ex *Tabula* adjecta constat, non unam eandemque  
 esse altitudinis inter *Tigurum* & *Gothardi Capucinos*  
 differentiam, sed variare inter  $4''. 7'''$  &  $5''. 6'''$ , ut maxima  
 variatio sit 11. Nimirum occurrit

$4''. 7'''$  quater.

$4''. 7\frac{1}{2}'''$  bis.

$4''. 8'''$  octies.

$4''. 8\frac{1}{2}'''$  semel.

$4''. 9'''$  undecies.

$4''. 9\frac{1}{2}'''$  quinquies.

$4''. 10'''$  undecies.

$4''. 10\frac{1}{2}'''$  semel.

$4''. 11'''$  septies.

$4''. 11\frac{1}{2}'''$  semel.

$5''. 0$  ter.

$5. \frac{1}{2}$  semel.

$5. 1$  sexies.

$5. 2\frac{1}{2}$  semel.

$5. 3$  semel.

$5. 3\frac{1}{2}$  semel.

$5. 6$  semel.

Vices si numeres, seliges pro *altitudinis differentia*  $4''. 9\frac{1}{2}'''$ ,  
 si terminum inter  $4''. 7'''$  &  $5''. 6'''$  medium, sumes,  $5''. \frac{1}{2}'''$ ,  
 quos inter differentia non est major  $3'''$ .

Summa intra prædictum tempus altitudinis differentia  
 est *Tiguri*  $9'''$ , nempe inter  $26''. 8\frac{1}{2}'''$ . &  $25''. 11\frac{1}{2}'''$ .  
 in *Gothardo*  $5'''$ , nempe inter  $21''. 9'''$  &  $21''. 4'''$ ;

Quæ observatio mihi haud videtur esse parvi momenti, & ansam præbet conjecturandi, haud fore tantam in altitudine differentiam in Gothardo monte, quam Tiguri, & hoc ipso altissimos montes intuitu hujus circumstantiæ & gravitantis aeris propius accedere ad zonæ torridæ constitutionem, propter distantiam a centro terræ utrobique majorem, quod idem confirmant Experimenta dilatationis aeris, de quibus in *Helvetiæ Stoi- cheiograph. p. 29.* Confirmabunt idem procul omni dubio pendula in jugis Alpium, uti sub æquatore decur- tanda; siquidem iis experimenta capere lubeat. Con- jecturavi hoc inde a pluribus annis, & insinuavi l. c. p. 31. Ex observationibus supra allegatis colligere licet, me- diam altitudinem *Tiguri* fore  $26'' . 4'''$ , quam alias inveni  $26'' . 2\frac{1}{2}'''$ ,  $26'' . 5'''$ . vid. pag. 30. l. c. in *Gothardo*  $21'' . 6\frac{1}{2}'''$ . Respondent pro altitudine supra maris horizontem

pro *Tiguro* juxta MARIOTTVM . . . . . 1301.

CASSINVM . . . . . 1410.

IOH. SCHEVCHZ. . . . . 1327.

pro *Gothardo monte* . . . . . 5559.

7692.

5714.

Certiora adhuc præstolor ex observationibus ulterius continuandis, si vitam dabit DEVS & vires.

### *Terræ motus.*

Panicum ut incussit terrorem, ita singularem atten- tionem meretur *terræ motus*, qui observatus fuit d. 3 Aug. horam inter 4 & 5 p. m. dignissimus rara sua ex- tensione, simul & violenta concussione, pro Europæ parte terræ motibus minus obnoxia. Referam, quæ observavimus cumprimis in Helvetia: *Tiguri* succussus fuere satis fortes bini ternive consecutive, quorum ul- timus

timus fuit fortissimus. Fremebant ædes, fenestræ: quibusdam visus spirare ventus validus, paucis tamen in locis projecta in terram corpora, vel alias nutantia, vel parietibus haud affixa. Observata hæc concussio ex utraque *ripa lacus Tigurini* ad castra usque Rhætica, & provinciam ad fines *die March* dictam, versus occasum ad *Rusam*, versus ortum ad *lacum* usque *Bodamicum*. Coelum fuit serenum: spirabat N. O., circa meridiem fuit N. N. W. in nubibus in atmosphæra ima N. O. Barometri altitudo in meo museo 26".5" circa meridiem 26".6". *Eglisovia*, loco terræ concussionibus frequentissime obnoxio, sequentia perscribit Rev. loci Pastor *Hugius*, sub 4 Aug. Fuit hora circiter media quinta, qua Pastor *Raszanus* forte mecum ad mensam sedens, sermonesque mecum alternans adesset, ut ædes pastorales neutiquam proviso modo tremere concussæ, filia mea adstante, & tremorem ædium mox dum admirante, una disquireremus, quid hoc rei sit, sine omni prævio sonitu, (quod alias terræ motibus nostris solenne est,) ædes denuo tremulo motu librari, nosque in scamnis, sedilibusque nostris, cumque iis hinc inde motis, cunarum motum imitante, moveri: idque non una vel altera vice, sed ad tempusculum idoneum redeuntibus commotionibus: quibus cessantibus illico nobis persuasum fuit, terram sub pedibus nostris motam esse. Paulo post Illustr. Præfectus ancillam misit, experturus, utrum & nos eam, quam in arce observant, commotionem persenserimus, vicinique omnes uno ore motionem & tempore & concussione omnes, quas hætenus experti sumus, superantem fateri. Qui in areis & sub ædium portis in propatulo steterant, primo sibi visi sunt ventum validum audire, mox ædium partes tremere, ut se invicem amplexi, alter alterum sustinere fuerint conati. Non uno tantum loco

loeo, etiam ex ipsa veteri arce, quæ moles non contemnenda, hæc motio & a tecto lapillos & murorum particulas dejecit : & quod ad cumulum accedit, quam hactenus motus Eglisoviani, fere intra limites oppidi semper ex utroque Rheni latere steterint, nunc & *Huntwanganis* & *Wylensibus* ædes suas etiam concusserunt. Id non levi pede transeundum, quod ad eandem 3 Aug. 1725 hora pomeridiana secunda, gravis etiam terræ motus hic fuerit observatus. Hæc Rev. HVGIVS.

*Richtensuile* & alibi ad *lacum Tigurinum*, ut & passim in urbe observatus in superioribus conclavibus veluti fragor quidam rumpendi tabulati, vel lapsui similis sonus, secuta mox libratione parietum, concussione fenestrarum, commota aqua vinove in vitris & cupis.

Extendit se hic *terra motus per totam Helvetiam*, nempe quæ inter Alpes jacet & *Juram*, nominatim *Cantones Tigurinum, Bernensem, Lucernensem, Friburgensem, Solodorensem, Basiliensem, Comitatum Badensem, Provincias liberas, Principatum Neocastrensem, lacus Lemani littora, Genevam* usque. *Bernæ* imprimis fuit concussio valde sensibilis, & biduo ante, nempe 1 Aug. micans ignibus & tonitribus resonans cœlum tempestuosum per totam fere noctem, & magnam 2 diei partem. Terrorem adhuc recentem auxit, de quo nunc, tremor adeo fortis, ut, qui in superioribus ædium contignationibus degebant, ebriorum ad instar nutarint, seu stantes, seu sedentes. Fuere bene multi, qui ædium suarum ruinas metuentes procurrerent in plateas; dejecta parietibus vasa vitrea, aliaque, librabuntur turre, & in iis campanæ, & resonavit aliquoties pulsata motu terræ una ex maximis.

*Neocastro* sequentia ad me perscribit Amicus optimus BOURQVET d. 25 Aug. *Nous remarquames, qu'après la secousse, qui fut assez subite, on vit les murailles, les choses suspendues,*



les portes , qui estoient ouvertes , les personnes debout dans les rues , & plusieurs de celles , qui estoient assises , dans les maisons : on vis dis je , toutes ces choses se balancer d'orient en occident , & d'occident en orient , alternativement. Je pense meme qu'il y eut quelques assiettes ou plats mal places dans quelques cuisines , qui tomberent ; la seconssse fit croire a bien de gens , que le bois de leur galetas estoit tombé. L'Epouvante fit courir quelques femmes hors de leurs maisons. Mais le grand nombre ne s'en appercut pas. Il n'y eut qu'une dame dant la chambre , ou j'etois & moi qui nous en appercumes. Mais je le sentis plus qu'elle , parce que j'avois le dos tourné contre une fenetre. Je me senti balance dans ma chaise , & je tournes la tete , ce qui me donna occasion d'appercevoir les vibrations de la muraille & des vitres , nous etions cependant je crois 7 ou 8 personnes , mais come la sale estoit grande , nous etions assez eloignes , les personnes qui sentirent les tremblements dans les rues , creurent que la tête leur tournoit , parcequ'elles se sentirent balancer , sans pouvoir demeurer fixes sur leurs pieds. Des gens près du lac dirent avoir remarque un mouvement dans l'eau , qui n'avoient jamais vu. Des Messieurs de la premiere consideration m'ont assurer d'avoir remarque le balancement d'occident en orient dans une maison ou ils estoient , a lors a deux lieues de la ville vers Creuer , c'etoit au village nomme Corneau. Mais ce qu'il y a de plus Physique se reduit a la comparaison que je fait de l'observation de Mad<sup>lle</sup> de l'or avec la mienne , elle estoit dans une maison , dont la largeurgit d'occident en orient & moy dans une quigit Nord & Sud , les balancements qu'elle appercut avec une autre Demoiselle furet si sensible , qu'elles en palirent , parceque leur semblat , que la maison sebercoit. Les vibrations donc , qu'elles virent , furent plus longues & plus lentes , ou miex mesurées. Les vibrations que j'apperCUS , furent plus subites , & me parurent plus nombreuses 6 ou 8.

Lucerna , referente Amico optimo , D. CAPPELLERO ,  
sub 11 Aug. observatus quoque terræ motus , & in toto  
Cantone :

*Cantone* : in urbe observatæ duæ concussiones ; prior durabat *duo Pater noster*, quæ sese manifestavit fragore tabulatorum & tectorum, ut plurimis visum fuerit grave pondus desuper capita dejectum, vel tumultuarius canum feliumque discursitantium motus ; secutus mox tremor, & minuti circiter intervallo post libratio, motusque corporum suspensorum, vel & stantium, & campanarum quarundam resonitus, speciatim in templo Iosuitarum. Infra *Basileam* protendit se tremendum hoc phænomenon *Francofordiam* usque, & *Coburgum Saxonie*, & fuit, quantum quidem relationes ferunt, concussio omnium fere maxima *Argentorati*, & heic quidem repetitis quater vicibus : prima h. 4½ p. m., secunda h. 9, quæ fuit priore mitior ; tertia post h. 2 d. 4 a. m. ; quarta circa horam 3, utraque iterum debilior. Heic ingentem numerant caminorum tectis dejectorum numerum, fornicem quoque templi cathedralis dicunt per media fissum. Observat ex optimis meis amicis Vir in Mathesi per orbem celeberrimus, terræ hunc motum viam tenuisse ejusdem Meridiani, atque conjectat a Septentrione progressum fuisse versus Meridiem, exitum autem invenisse materiam motus occasionalem vel in *Lotharingia* montosis, vel in Sylva nigra. Neque dubito ego, observari potius passim *chasma* vel simile quodpiam *meteoron ignitum*, si fortiores insultus, & primi, terram concussissent noctu : accensionem item factam in profundis terrarum visceribus, fortiorem tanto, ob aerem ibi compressiorem.

*Fulmen Mellingenſe.*

Vespera d. 25 Aug. quo *Bada* fui, & totum fulgebat ignibus coelum, paulo ante quartam, fulmine correptum templum *Mellinſe* oppidi cum adſtante turri. Primum fulminei glomeris inſultum experta fuit ſuprema muri pars in turri, dejecta turrim inter & templum ſaxa prægrandia, & ex his unum duorum fere centenariorum pondere projectum per medium tecti uſque in ipſam medii templi aream. Progreſſus fulmineus ignis ad locum, ubi campanæ tres pendent ſuſpenſæ; heic fuere trabes ſeu brachia, e quibus illæ pendent, dilacerata: hinc pergens ad tectum templi, quatuor circiter pedibus a turri diſtantis, dejecit ingentem tegularum numerum, dilaceravit cantherios ſupra templi ipſius tabulatum diſſindens ſe in ramos, quorum unus murum perforavit ſupra fenestræ aperturam. Tum proximam, perpendiculariter deſcendendo tum ſupra fenestræ, tum infra eam ad baſin uſque muri, ubi horizontalem invenit ad coemiterium exitum. Alio interim lædente murum ſupra cathedram, & infra eam, alio effectus exerente in tectum ante dicto oppoſitum, ubi interim tegulæ bene multæ fuere dejectæ, & iterum deſcenderat perforando fulminea terebra ad ostium uſque templi perpendiculariter, rurſumque horizontaliter egreſſa ad coemiterium. Alius ramorum, contignationem tecti hujus lateris derelinquens, perforabat iterum perpendiculariter murum, ex quo de-

jecit

jecit circiter fragmenta 8 pedum in longitudine. Exitus heic quoque fuit horizontalis ad coemiterium. Alius, cantherium linquens, retro organum musicum descenderat iterum perpendiculariter per medium murum, qui ostium quadantenus læsit. Ex tabulato ipsius templi superiori ligneo, ex asseribus composito laceratæ atque dejectæ fuere plures tabulæ. Eadem vespera grando dejecta *Tiguri*, juglandis fere magnitudine, sed rara, & absque impetuoso vento, exiguo damno.

### *Iris alba.*

**A**ccidit mihi, *Tiguro Badam* d. 12 Sept. concedenti, ut toto itinere a quinta usque matutina ad nonam nebula densa involutus, bihorio ultimo conspexerim in nebula *iridem lata zona, albi coloris*, quod phenomenon, mihi hætenus non visum, observavit quoque haud procul *Olavia in Silesia* d. 9 Sept. h. 7 a. m. 1717 Theologus quidam. vid. KANOLD. *Bresl. Samlung* ad ann. 1717 mens. Sept. p. 54.

### *Grilli thermales Badenses.*

**C**irca thermas, imprimis earum fontes, & hydrophy-lacia frequentes, sanie mucilaginosa, quæ parietibus sese affigit, victitantes, balneantibus haud ingrati musici, descriptione, quam exhibeo digniores tanto, quod speciem exhibeant ab aliis forte *grillis* distinctam.

Longitudo ab extrema cauda ad extremas antennis 2 poll., caput lineam Paris. longum, 2 latum, coloris luridi fasciis tribus castanei coloris transversis pictum: prima earum sese extendit ab una antennæ radice ad oppositam: secunda ab oculo ad oculum; tertia in occipite. Oculi prominuli ad latera capitis, coloris atrii splendentis. Antennæ radices habent albi coloris tumidas, antennæ ipsæ dilute fuscae obscurioribus annulis transversis pictæ.

Infra oculos ex collo prodit antennarum aliud genus coloris albi, tribus articulis distinctum, vel potius quatuor: primus est nodosus, ultimus tumidiusculus; infra hos ad oris basin sunt ejusdem generis binis constantes articulis, extremo abeunte in globulum rotundum.

Os, ranæ ad instar fere est latum, supra id tres descendunt striæ fuscae: utrinque defenditur id a descriptis modo antennis, quæ adesse videntur, ut cibos arripiant, & ori admoveant. Videtur oris structura plane singularis: labium inter superius & inferius transversim locatur mandibuliforme corpus album, pilis fulvis hispidum, in medio apertum.

Thoracem vestit in dorso clypeus quadratus fere  $1\frac{1}{2}$ " longus,  $2\frac{1}{2}$  latus, 5 maculis castanei coloris pictus, quarum supremæ duæ sunt semilunares, ex tribus inferioribus media triangularis: adsunt præterea juncta alia dicti coloris.

Alæ 5 lineas longæ ,  $2\frac{1}{2}$  latæ , siccæ membranaceæ , albidæ pellucidæ fuscis veluti venulis reticulatæ. Videtur mutuo alarum harum , quæ se invicem ex parte degunt , affrictu excitari sonus , quem hæc animalcula edunt.

Venter tumidus 4" latus , superne castanei coloris , striis transversim notatus veluti annulis : inferna sui parte sex septemve luridi coloris constat : ad cujus latera adsunt prominentiæ veluti farciminales coloris albi.

Definit venter in aculeum castanei coloris , tenuem , 5" longum , qui in extremo est bifurcatus , aperitque sese ad medium usque , terminatur colore atro-fusco. Ad latera defensionis loco adesse videntur duo alii aculei in acutum mucronem terminati , pilis hirti.

Pedes adsunt sex albidi , finguli constantes 4 articulis , pilis seu aculeis atronitentibus armati ; anteriores 4 ad secundi articuli finem armantur veluti duobus calcareibus ; ultimus est bifidus : Pedes bini postremi articulum primum habent crassum valde & musculosum , a quo inprimis salendi vis pendet ; secundus angustior , fortibus armatur aculeis utrinque porrectis , fusci coloris pellucidis ; ultimus articulus terminari videtur in tres digitos.

Foemella aculeo longo caudæ caret. Vidi d. 14 Aug. ex alvo pendulum ovum albi luridivi coloris.

*Aqua*



*Aqua fontana adis parochialis in pago Schönholzerischuweil, ditionis Abbatis S. Gallensis, in Turgovia superiore.*

**D**enigrat cuprea quævis vasa. Aqua decocta ingratum quendam exhibere dicitur saporem, forte a sedimento terreo-calcario-aluminoso derivandum.

Ex 3. 40. gr. 30. nempe ad siccitatem coctis, remanet pulvis subtilis levis albus gr. 5. subadstringentis in recessu saporis, ut proin libra medica non plus contineat quam gr. 1.

Per hydrostaticum experimentum deprehendi hanc aquam leviolem ipsa pluviali destillata: vitrum nempe pluviali repletum pondus exhibuit 3xij. 3vj. gr. 9. & aqua hæc fontana 3xij. 3vj. gr. vj. Vnde inferre licet, tenuium esse admodum partium hanc aquam, & unam ex levissimis, forsan non contemnendi usus *in affectibus ex obstructione tubulorum minimorum ortis*. Huic argumento si addideris subadstringentem saporem, dabis insuper huic aquæ *virtutes tonicas*. Ex solutione sacchari Saturni & aceto destillato nulla secuta mutatio. Ex solutione Lunæ & oleo tartari per del. lactescebat, præcipitato ad fundum pulvisculo albo.

Plura experimenta propter aquæ paucitatem, quam obtinui, facere non licuit.



IO. IAC. BAIERI  
SCIAGRAPHIA  
MVSEI SVI

ACCEDVNT

SVPPLEMENTA  
ORYCTOGRAPHIAE  
NORICAE.

IO. IAC. BAIERI

SCIAGRAPHIA


MVSEI SVI

ACQVEDIT

SVTPLEMENTA

OR YCTOGRAPHIAE

NORICA.



L. B. S.



Quod saepe multumque optavi, ut per assiduas mei muneris occupationes, liceret mihi aliquando propriis atque priuatis rebus meis prospicere, et SV- PELLECTILEM LIBRARIAM, atque COLLE- CTANEA RERVM NATVRALIVM, a tot an- nis, tanto, studio, nec sine sumptibus conquisita in or- dinem redigere, et sigillatim describere, quo haeredibus meis, et fortasse aliis maiori sic usui forent; id tandem ut serio firmoque proposito nunc protinus susciperem, admonuit morbus uehemens ille ac periculosus, e quo nuper admodum singulari beneficio DEI IMMORTALIS euasi. Verum enim uero dum mecum reputo, istam rerum diuersarum dispositionem, accuratamque designationem, requirere usuram temporis paulo longiorem, nec nisi subcesuiis horis a me peragi posse; tametsi ut singula sensim, neque segniter conficiantur, operam daturus sim;

interea placuit γινῶσθαι quasi quodam exhibere, breuiter adumbrando qualemcunque apparatus meum, hac imprimis animi intentione, ut *methodum*, quae mihi quidem optima uidetur, aliis earundem rerum studiosis traderem, secundum quam et ipsi *collectanea* sua ordinatim digerere queant.

Dum autem, quod in titulo promissi, SCIAGRAPHIAM MVSEI MEI dare instituo, utar hoc uocabulo, non strictiori Varroniana significatione, qua *locum Musis et studiis consecratum* denotat, sed latiori illa, hodie ubiuis recepta, quae praeter *Librarium*, quemlibet etiam alium, siue *Naturalium* siue *Artificialium*, *antiquarum* et *novarum Rerum* curiosiorem *apparatum* complectitur. Taceo a nonnullis amplius detorqueri uocem *Musei*; quemadmodum habemus prolixum nuperum opus, *Musei Museorum* titulo inscriptum, quod unice propemodum τὴν ὕλην ἱατρικὴν, seu *materiam simplicium remediorum*, euoluit.

Ceterum, quae proprie ad MVSÆVM pertinet,  
BIBLIOTHECA

non quidem admodum diffusa, sed tamen professioni ac studiis meis fere sufficiens mihi est: Eius *Catalogum* edere uellem accuratum, passim additis utilibus notis et epicrisibus, de libris ipsis uel autoribus, ex propria aut aliena obseruatione, sed breuiter et delectu adhibito. Distribui meam *supellectilem librariam* in hos fere ordines, ut I.) sint *Philologici*, et qui ad *humaniora studia* spectant, nec non ad *historiam literariam* et *Politicam*,  
subiun-

subiunētis *Philosophicis*, praeter *Physicos*. II.) *Geographici*, generales quidem pauci, speciales multo plures, si *Topographiae* et *Hodoeporica* connumerentur, quae singulari industria collegi, quo magis ad Historiam naturalem ipsamque rem medicam usum conferunt. III.) *Physici*, tam generales quam speciales haud exiguo numero, praesertim illi, qui *triplex*, uulgo dictum, *Natura regnum* illustrant, utpote *Oryctographi* seu *rerum fossilium scriptores*, quibus accedunt de *aquis fondibusque medicatis*, qui extant plerique: Porro *Botanici* (quos inter nonnulli sunt uiuis *stirpium* coloribus artificiose illuminati) ac tandem *Zoographi*, seu *historiae animalium scriptores*, in quibus classibus non admodum multi autores alicuius momenti desiderabuntur. IV.) *Physiologi* et *Anatomici*, quae naturam hominis, et corporis ipsius fabricam, partiumque historiam et usum dilucidant: V.) *Medici Theoretici*, qui Artis fundamenta, secundum uarias hypotheses edocent, atque communiter *Institutionum medicarum* nomine signantur. His subneētuntur *Pathologici*, tam generales quam speciales, omnis generis morborum historiam explicantes, itemque *Semiologici*, qui doctrinam signorum medicinalium, per genera et species declarant. VI.) *Therapeutici* generales, qui *methodum medendi* tradunt, et quibus fundamentis superstruendae sint morborum curationes, indicant. Sequuntur *Syntagmata Practica*, quae singulorum affectuum medelas et remedia ostendunt, diuersis Autoribus, partim *Dogmaticis*, theoriam necessariam praemittentibus, partim *Empiricis*, praeter-



missa illa, in sola experimentorum usuque probatorum remedium recensitione occupatis. VII.) Peculiarem sibi locum postulant, saltem ob numerum conspicuum, *Observationum* atque *Consiliorum medicinalium scriptores*, qui morbos *ἐν ἀτόμῳ* seu indiuiduo occurrentes describunt, et plerumque medicinam ipsis adhibitam enarrant. VIII.) Collocati sunt libri, qui *fontes*, uulgo dictos, *auxiliorum medicinalium exhauriunt*; nominatim *Diaetetici*, uictus salutaris instituendi rationem monstrantes; deinde *Pharmaceutici*, tam simplicium remedium notitiam, quam componendi eadem ac dispensandi artificium patefacientes; ad quos etiam referuntur *Chimici*, tam ipsi *Pharmaceutici*, quam *Philosophici*, *Alchimistarum* mysteria tractantes, amplo iterum numero; denique *Chirurgici* generales ac speciales, qui circa operationes, manu praesertim, instrumentis idoneis instructa peragendas uersantur. IX.) *Miscellanei Scriptores Medici*, qui ad certam aliquam superiorum classem reuocari commodum non poterant. Inter hos eminent *Autores Graeci*, *Latini*, *Arabes* ac *Barbari* ueteres plerique, diuersarum editionum, nec non *Recentiorum uariorum Opera omnia*, coniunctim edita, *Observationum item miscellanearum syntagmata*; quo pertinent inprimis *Ephemerides Acad. Nat. Curios.* *Acta Danica*, *Zodiacus Gallicus* etc. Adiunguntur insuper *Disputationum Academicarum uolumina*, prope ad Centuriam accedentia, pro quibus concinnatum iam habeo *accuratum indicem*, seu *repertorium*, ut uno obtutu non materiae solum, sed

et Praefides Disputationum ac Respondentes, loca porro ac tempora editionis, denique uolumen, quo singulae continentur, statim appareant.

Omitto commemorare *Libros Sacri Theologici argumenti*, numero quidem paucos, sed ad pias exercitationes, ac religiosum Dei cultum domesticum selectos, et separato a Bibliotheca loco repositos: Omitto etiam manipulum *Librorum*, ob impia, profana aut superstitiosa dogmata *prohibitorum*, inter quos quidem sunt nonnulli rariores, e. g. *C. Agrippae, Pomponatii, Vaninii, Campanella* etc.

Commemoranda iam ueniunt MANVS SCRIPTA, quae possideo, haud equidem peruetusta, & communiter magni aestimata; cuiusmodi sunt antiqui Autores Classici, Historici etc. quorum apud me nihil (utpote qui talium collectionem nunquam affectavi) reperitur. Ad sunt tamen *Codices medici argumenti* plures, tertio abhinc saeculo exarati, autoribus partim Italici partim Germanis, aliisque; nec desunt quaedam alicuius pretii *Anecdota*. Seorsim in deliciis habeo *apparatum* haud modicum, & aliquot centurias superantem *Epistolarum, propria manu scriptarum a Viris eruditissimis clarisque* in omni scientiarum ac Facultatum ordine. Neque minus oblector *Autographis Virorum eruditione ac uirtute clarorum*, minutioribus licet interdum, ac *schedulis* saltem; quarum ingentem copiam collegi e permultis libellis, quales *Philothecarum* et *Alborum* nomine circumferri solent a Studiosis Academicis. Et eiusmodi quidem paginulae, quia plerumque

rumque propria Clar. Virorum manu inscripta exhibent nomina et officia, cum tempore, quo unusquisque uixit ac floruit, non parum utilitatis ad historiam literariam conferre poterunt. Quare tanto studiosius digessi schedas illas, *secundum* quatuor, uulgo nuncupatas, *Facultates*; Vnde totidem mihi constructa sunt uolumina; *schedulis* nempe istis, et Autorum nominibus, *secundum Alphabeti* ordinem, charte purae agglutinatis. In separato Volumine collecta seruo *Professorum Altorfiorum* prope omnium, pariter *secundum* ordines suos ac aetates collocatorum nomina, praemissis *Rectoribus*, ex illustri prosapia qui fuerunt, plerisque, tum et *Academiae Procancellariis*, nec non illustribus personis, qui studiorum causa hic commoratae sunt. Aliud denique Volumen, non admodum curiose quidem conquistata complectitur *Autographa* et *Nomina* quorundam *Regum, Ducum, Principum* et *Comitum Imperii* etc. haud exiguo nihilominus numero. Sed de his minutiis iam plus satis; ut uerear me nimium disseruisse de uniuerfa pertenui mea *supellectile libraria*.

Superest tamen alia *Συναγωγή chartacea*, quam

### ICONOTHECAE

titulo designare consueui. Nimirum peculiaribus scriniis inclusa seruo *plura quam sexcenta Volumina* omnis generis *Iconum*, aeri aut ligno insculptarum et chartis impressarum. In his praestantiorum Artificum plerorumque extant specimina quaedam; *Alberti Dureri* in aere caelata propemodum omnia, *Lucae Leidenfis, Se-*  
*baldi*

*baldi Behaimii, Lucae Cranachii, H. Aldegreueri, Georgii Penzii* quamplurima. Occurrunt etiam *Marci Antonii* et *Augustini Veneti* non pauca imitamenta picturarum *Raphaelis de Urbino*; itemque *Titiani* et aliorum insignium Italiae pictorum, celeberrimae tabulae, a uariis artificibus caelo eleganter repraesentatae. Inter antiquissimas eminent *Andreae Mantegnae*, Itali, (cuius uidendi caussa *Durerus* longum iter, tametsi frustra, illo iam defuncto, suscepit) sculpturae ad antiquarum statuarum aliorumque optimi artificii monumentorum imitationem singulari modo elaboratae. Habeo autem adhuc uetustiores aliquot tabulas, in Germania aere expressas, luculentis indiciis literarum nostri idiomatis, et annorum, quibus diuulgatae sunt, uidelicet 1466. et 67. quibus nescio an priores aliquae, pari certitudine, possint demonstrari. Comparent praeterea *Israelis Mechlinensis*, et aliorum, qui ante *Durerum* uixerunt, aeneae figurae, in quibus tamen naturalis rerum designatarum proportio plurimum desideratur; uti fere cunctarum artium rudimenta et prima post inuentionem specimina obseruari solent ualde imperfecta. Ceterum *Iconothecam* meam distribui in duas praecipue partes, quarum altera *Historias sacras et profanas*, tum et *Mythologias, Emblemata, regionum et locorum prospectus*, et aliarum *Rerum*, tam *Naturalium*, e. g. plantarum, animalium, monstrorum etc. quam *Artificialium, aedium, instrumentorum, uestituum* etc. delineationes complectitur. Altera continet *Effigies hominum*, cuiuslibet quidem fere ordinis, sed ta-

men maiori ex parte *Virorum eruditione et doctrina insignium*. Huiusmodi *imaginum, separatis in foliis*, aliquot Chiliades non sine delectu collectas, in capsis commodis, et librorum maioris formae similitudinem gerentibus, secundum ordines suos diligenter disposui, ut prompte singulae euolui, et quae subinde incidunt nouae Icones inseri quam commodissime queant. Bonam uero collectionis partem utrobique constituunt *integra natorum Autorum opera et uolumina, figuris sculptis referta*, atque ex his solis coagmentata, aut expositionibus et commentariis instructa; quorum omnium et singulorum, adque adeo totius *Iconothecae* uberiores descriptionem peculiari opusculo in publicum proponam, additis passim animaduersionibus necessariis et utilibus.

Progredior nunc ad meam *Rerum naturalium collectionem* adumbrandam: Hanc malo

### PHYSIOTAMEON

quam Museum appellare: Illius enim etymologia ipsi rei utique conuenientior est; quasi dicas *Rerum Naturalium, aspectu et consideratione dignarum, capax repositoryum*. Plura de hoc uocabulo eiusque synonymis uid. in *dissertatione* singulari *Molleriana* A. 1704. hic euulgata. Ad meum autem quod attinet *Physiotameon*, id equidem, si locum spectes, angustum est, exiguique splendoris externi, neque tamen obscurum et rebus capiendis incommodum. Hoc saltem, pro eius conditione, curandum mihi fuit, ut tantam *Rerum Naturalium multitudinem*, et aliquot millia specierum tam arcto spatio coercerem. Quapropter *Serinia* mihi comparauit distincta *septem*, diuersae magnitudinis, pro maiori aut minori amplitudine Generum, quibus recipiendis destinata sunt. Altitudo eorum est a duobus cum dimidio circiter ad

tres quatuorue pedes ; latitudo bipedalis , profunditas sesquipedalis . Expleantur singula ista scrinia *cistis* congruis , duas uel tres , ad quatuor uncias altis , quibus inditae sunt *cistulae ex charta duplicata compaginatae* , amplitudinis diuersae , pro modulo rerum , quas continere debent , mobiles insuper , ut ad arbitrium libere eximi ac transponi queant.

Vt autem de ipsis Rebus , quas *scrinia singula* complectuntur , quodammodo constet , in *primo* disposita sunt decenti ordine MINERALIA , uulgo dicta , ac METALLICA .

I.) *Φλογισα* seu *inflammabilia* , *succi* uidelicet *pingues terrae* , e.g. Sulphur commune natium et minerae ipsius ; Auripigmentum et Arsenicum , praecipue rubrum ; Eiectamenta montium ardentium , Bitumina liquida et solida ; Lithanthraces , Turffum , Gagates , Succinum uarii coloris , idemque insecta diuersa et alias res includens etc.

II.) *Salia* omnis generis *natiua* , e. g. Sal commune fossile et marinum ; Sal Ammoniacum natium ; Nitrum ; Borax ; Alumen eiusque minerae ; Vitriolum natium uarii coloris et minerae ipsius , eidemque cognata Misy , Sory , Chalcitis ueterum etc.

III.) Nobilissimum inter Metalla *Aurum* idque natium , fluuiatile aut fossile , et huius minerae .

IV.) *Argentum* , pariter natium ac in suis mineris , ditioribus , e.g. rude nigrum (*Glas-Erz*) , rubrum (*roth-gülden Erz*) , album seu candidum (*weiß-gülden Erz*) , tum et reliquis compluribus diuersae speciei et appellationis .

V.) *Aes* siue *Cuprum* , et hoc etiam ab origine purum , aut in suis mineris immensae uarietatis .

VI.) *Ferrum* , et ipsum quasi natium , utpote magneti prompte adhaerens , multiplicesque ipsius minerae , inter quas et nobiliores , quae aciem seu chalybem coquendo

k 2

reddunt,



reddunt, Flores item Martis Styriaci natiui, niue candidiores. VII.) *Plumbum*, κατ' ἐξοχήν dictum, seu *nigrum*, etiam natiuum et in mineris plus minus diuitibus, non modo splendentibus (*Bley-Glanz*), sed diuersi coloris, albi, rubri, flauescantis, uiridis; recrementa denique illius et producta per ignem uaria. VIII.) *Stannum* seu *Plumbum candidum*, quod etsi leuissimi sit ponderis inter excocta metalla, mineras tamen quasdam habet ponderosissimas, ipsasque nigras et angulares plerumque (*Zinn-Graupen*) praeter reliquas communi nomine *Zuvitter* appellatas. IX.) *Metallis affinia*: inter quae proximum ab illis locum occupat *Bismuthum*, a Germanis ita nominatum (*Wismuth*), priscisque temporibus uix cognitum; alii *Marcasitam* albam nuncupant, alii fortasse aptiori titulo *plumbum cinereum*; quandoquidem instar plumbi aut stanni facile liquefcit, et huic prompte se associat, reddendo tamen simul rigidius, et minus ductile. Ad hanc quoque classem pertinet *Argentum uiuum* seu *hydrargyrum* (*Queck-Silber*), cuius etiam natiui ac puri particulae per mineram Carniensem dispersae ostendi possunt: ipsarum uero minerarum notabilis uarietas, praesertim in *Cinnabari* communiter dicta (quae *minium* est *ueterum*) spectatur. Adeff (porro *Sibium* seu *Antimonium* (*Spies-Glas*), tam natiuum Hungaricum Solare praestantissimum, et rarius Germanicum, quam in suis mineris delitescens aut plus minus euidens. Succedit *Cadmia*, et primo quidem *Metallica*, quae et *Cobaltum* audit, atque uel Arsenico abundat (*Giff-Cobalt*), uel coeruleum factitium siue Smaltum coquendo praebet (*blau-Farben Cobalt*); deinde *Cadmia fossilis* cognominata siue *Lapis calaminaris* (*Gallmey*), aes in orichalcum conuertens. Subiunguntur *Fossilia*, quae colore quidem

ac splendore metalla mentiuntur, sed sterilia sunt, e. g. Micæ auri et argenti (*Glimmer*, item *Katzen-Gold und Silber*); Galena et Plumbago inanis (*Blende*) sterile nigrum; quo etiam spectat Nigrica uulgo nuncupata fabrilis (*Wasser-Bley*): ut alia taceam. Agmen claudunt *Saxa Splendentia*, quæ in metallis frequenter nascuntur, uariisque ludunt elegantibus formis et coloribus. Eorum duo sunt præcipue genera, *Crystalli* nempe et *Marmoris metallici*, illud populari uocabulo *Quarz*, hoc uero *Spath*, utrinque ab inaequali superficie et cauernoso habitu *Dru-sen* appellant.

*Secundum scrinium* complectitur TERRAS ET LAPIDES. Illas diuidere placuit in *rudes*, parum aut nihil præparatas, saltem certa forma, humano artificio non præditas, et in *sigillatas* communiter dictas, quæ scilicet in pastillos, orbiculos aut laterculos concinnatae, et uariis imaginibus aut characteribus impressis notatae sunt, juxta locos natales ordinatae. Prioris autem ordinis *terras*, nempe *rudes* appellatas, dispertiui in *pingues* ad speciem siue *sebaceas*, et in *siccas* ad tactum atque *scabras*. Medium inter terras atque lapides locum attribui *Arenis*, consideratione dignis, tam fossitiis quam fluuiatilibus et marinis. LAPIDVM autem distributio, ad meam methodum, pro fundamento habet duritiem maiorem aut minorem; cuius respectu diuiduntur in *duriores* et *molliores*. Vtriusque generis *lapides* rursus aut *opaci* sunt aut *perlucidi*; utrinque porro secundum *colores* aliasque affectiones commode diuisi, ut *nobiliores* ac pretiosi *Gemmarum* nomine uenientes, haud interrupta serie coniungantur, nec reliquorum *ignobilium* et *minus pretiosorum* naturalis ordo turbetur. Scorsim reposita sunt *Marmora*, *polita* uidelicet in uno aut singulis lateribus, quod illorum differentiae et elegantiae citra polituram uix appareant.

*Tertium scrinium*, ceteris angustius, LAPIDES continet, qui *certas figuras* et diuersarum rerum *imagines* prae se ferunt, incertae quantumuis causae et originis; unde tales ad *Naturae lusum* uulgo referuntur. Dispositionem aliquam eorum in *Oryctographia Norica* exhibui, quae tamen ab illo tempore, propter uariorum speciminum accessionem extendi et immutari quodammodo debuit; tametsi talium, utpote *imaginationis humanae potius*, quam *naturae lusuum*, indagationi parum indulgeam.

In *quarto scrinio* asseruantur PETRIFICATA, communiter nuncupata, siue *ab alijs Naturae regnis, Vegetabili et Animali profecta corpora*, per uniuersalem terrarum Orbis Cataclysmum aliosue casus obruta, et immerfa in lutum, sabulum, aliamue materiam, quae idonea fuit ad inducendam *lapideam, aut aliorum fossilium naturam*, salua tamen relicta corporum susceptorum forma pristina, partim etiam substantia, eorum praecipue, quae corruptioni a natura minus obnoxia sunt; quamuis etiam nonnulla *petrificatis* associantur, quae talia proprie non sunt, et parum terreo - lapideae materiae adsciuerunt, diuturna tamen inclusione in gremio terrae mutationem aliquam, praesertim *calcinationem* subierunt. Minime uero putandum est, quasi cuncta eius generis specimina unum caperet illud scrinium; in quo quidem reposita sunt sequentia: I.) *Plantae, quae sub mari solent nasci, Corallia* et his cognata, passim e terra continenti eruta, sine dubio per uniuersale quondam diluuium aduecta et sepulta; quo etiam *Astroitae* et *Fungi submarini* pertinent. II.) *Plantae terrestres* pro imperfectis uulgo habitae, *Fungi* scilicet ac *Musci*; quamuis horum plerique non tam intus sint lapideae substantiae, sed eiusmodi saltem crusta extrinsecus obducti. III.) *Herbae uariae*, praesertim *capillares* nominatae,

minatae, *Adianta*, *Filices* etc. tum et *arborum folia*. IV.) *Ligna* diuersae speciei petrificata, seu *Lithoxyla*, molliora atque duriora, quorum quaedam gemmarum duritiem et colores penitus exprimunt. V.) Ad *Animale regnum* facto transitu, sistuntur *quadrupedum osseae partes*, e. g. *Ebur fossile* uerum, *dentes* diuersorum animalium maxillis aut infixi aut liberi, *Vertebrae* item ac *Ossa* uaria pedum anteriorum et posteriorum. Accedunt *Pisium* maiorum partes, *Cranii* fragmenta, *Vertebrae* seu *Ichthyospondyli*, *dentes*, quorum celebriora sunt specimina *Glossopetrae* et *Bufonitae*. VI.) *Pisium minorum*, diuersi generis et moduli, corpora quasi integra; et quidem apparentibus potissimum *squamis* et *carnibus*, in lapide fissili metallico Islebienti, Ilmenauienti etc. Magis autem conspicienda *compagine ossea et spinis*, ut plurimum a capite ad caudam usque, in tabulari marmore et saxo fissili Aichstadiensi. VII.) *Exanguia molliora*, *Lumbrici* seu *Vermes marini*, solitarii et conglomerati, *Stellae marinae* harumque ramosa membra et articuli, *Entrochorum* et *Asteriarum* nominibus notati. VIII.) *Animalia crustata*, *Plinio* dicta, uulgo *Crustacea*, quae totum genus *cancerum* comprehendunt: eius *species petrificatas* possideo uarias, e. g. *Cancerum marinum*, *Pagurum*, *Gammarum* siue *Astacum*, *Squillam*, *Locustam*: unam insuper, nondum haecenus (quantum mihi constat) descriptam, chelis uidelicet longissimis, harumque apicibus ualde disparibus: cuiusmodi figuram repraesentat in *Supplementis Oryctogr. Nor.* Tab. III.

*Quintum*, idque ceteris capacius, *Scrinium* includit TESTACEA PETRIFICATA. Primo loco repositi sunt *Echini marini*, uelut ambiguae inter crustosa atque testacea naturae. Multiplex eorum est differentia formae, nimirum rotundae, oblongae, fastigiatae, compressae etc. eorum.

eorundemque diuersi *alculei*, *radii* aut *clauis*. Quae uero stricte appellantur *Testacea petrificata*, sub duobus summis generibus, *uniualuium* ac *biualuium*, uaria continent subalterna, et *species propemodum infinitas*, quarum nonnullae inter natia conchylia nusquam haecenus deprehensa fuerunt, exemplo *Cornuum Ammonis*, *Gryphitarum* etc. Longum foret omnes illorum ordines singulatim exponere; sufficit hoc indicasse breuiter, apparatus esse amplissimum istius generis; quemadmodum ex Celeberrimi D. *Scheuchzeri Museo diluuiano* cognoscere licet, atque ex Catalogo ipsius meae collectionis propediem edendo constabit.

Proximum isti *Scrinio* est ordine *sextum*, quod e REGNO ANIMALI continet quaedam EXANGVIA, *Stellas* nempe *marinas* et *Crustata* quaedam, *Echinos* item uariae speciei. Deinde longa serie disposita sunt *Conchylia* omnis generis, ut pauca etiam ex rarioribus desiderari queant. Commode uero ita haec istis *petrificatis* finitima constitui, ut inter se collata facilem promptamque reddere possint illorum originis ac generis demonstrationem. Ceterum nolo nunc immorari prolixae recensitioni ordinis, secundum quem *Conchylia* mea disposui. Hoc ausim dicere, et probabo suo tempore, paulo conuenientiore esse meam dispositionem rerum naturae et characteribus, quam alias plerasque aliorum, e. g. *Bonanni* et *Listeri*; a quibus recedendum mihi subinde fuit. Fortasse *Methodus conchyliorum*, quam Celeberr. D. *Car. Nic. Langius* peculiari opusculo nuper adornauit, meliora quaedam edocebit, quæ lubens amplectar, ubi scriptum illud, sine dubio eruditum, haecenus frustra quaesitum, consecutus ero.

Iam *septimum* est recludendum *Scrinium*, quod equidem, interrupta quodammodo rerum serie, non animalis



malis sed VEGETABILIS REGNI specimina exhibet, cum alium commodiorem ei locum assignare non licuerit. In isto autem apparatu primas tenent *Litophyta* dicta, seu *plantae submarinae durioris, et lapidei habitus, Corallia* nempe omnis generis, rubra et alba, uariis elegantibus rarisque spectaculis, ipsum etiam rarissimum nigrum, ab illo, communiter hunc titulum ferente, ac *Dioscoridi* ἀλ-  
 γαδης nuncupato, faxea materia plane diuersum, cum id existat ligneo-bituminosum. Adsunt praeterea *Pori* et *Fungi corallini* uariae itidem differentiae. Sequuntur *Maritimae Plantae mollioris contextus, Halcyonia* cum primis, diuersae materiae et formae, ramosa, tuberosa conglobata, spongiosa, stuposa etc. porro *frutices submarini* retiformes, ramosi, crusta uaria tecti; *spongiae* item et *Fuci marini*. *Terrestrium* uero *stirpium florentes ramuli* non in hoc scrinio, sed in *hortis siccis* (uulgatiori nomine *Herbarii uiui* appellatis) repositi sunt. In illo autem spectantur praecipue *fructus exotici et rariores*, aliae minus obuia, partim monstrosa; seorsim alioque loco asseruatis, quae ad medicam materiam pertinent, partibus plantarum, radicibus, lignis, corticibus, succis, seminibus, fructibus etc. quemadmodum et separatam institui *Seminum* omnis generis *collectionem*, hortoque nostro Academico propriam dedicaui in *Seminario* nuper exstructo.

Hucusque summatim recensui *contenta septem scriniorum illorum*, quibus singulis in summitate seu uertice, gradatim superposita sunt, tam ornamenti qualiscunque gratia, quam spatii lucrandi caussa, earundem rerum, quae intus reconduntur, *specimina*, praesertim *grandiora*, ut primo etiam aspectu habeat curiosus contemplator, quod scriniis inclusum, sibi que ostendendum praefagire



queat. Ceterum in eodem conclauī *duo alia* collocata sunt *scrinia*, eum in modum aptata, ut non tam cistis, priorum exemplo compositis, sed per asseres transuersos factis loculis, includant *Animalia uaria*, *partim liquori balsamico immersa*, *partim alio artificio condita*, ut citra corruptionem durare exsiccata possint. In *quinquaginta separatis scatulis* quamplurima Germaniae indigena, partim etiam exotica *Insecta*, acubus transfixa, naturali positura, et secundum characteres suos accurata methodo disposita asseruantur. Nec desunt *ex aliis animalium generibus*, *Quadrupedum*, *Auium*, *Piscium*, consideratione digna specimina.

Nescio an operae pretium sit commemorare pauca quaedam ARTIFICIALIA, quod in iis comparandis non admodum curiosus unquam fuerim, sed quae forte nactus sum, negligentius asseruauerim; placet tamen aliqua eorum indicare: Et ex *Antiquitatis* quidem reliquiis e. g. *Osiridem* aeneum, elegantem, fere adhuc integrum, *Isides* Aegyptias fictiles, maiorem ac minores aliquot, itemque ligneas grandiores, aliaque populorum aliorum *Idola*, *urnas sepulchrales* et *Lampades* etc. Incepi etiam olim colligere *Gemmas antiquitus sculptas*, non tam artificii amore, sed ut quasdam lapidum species indagarem et nanciscerer, quae hodie uix ullibi locorum effodiuntur ac reperiuntur. Ista interim occasione factum est, ut in numerum haud exiguum cresceret *collectio Gemmarum*; quamuis inter has extent etiam nonnullae, ad imitationem antiquitatis nuper affabre exsculptae cum ab aliis, tum a praestantissimo apud Norimbergenses Caelatore *Dorschaeco*. *Nummorum antiquorum* conquisitio nunquam mihi curae fuit, partim sumptibus in eam faciendis deterrito, partim quod idem studium a tot curiosis nimium amatoribus exhaustum iam esse crederem.

Ex

Ex recentioribus autem (τῇ χαριστάτῃ καὶ πολυμαθείᾳ D. D. *Thomasi* exemplo incitatus) seponere institui *monetas ordinarii usus ac pretii aureas*, tum et argenteas, unciales nempe et minores, quae referunt *sententias et symbola* uaria magistratuum, qui cudi eosdem fecerunt. Pro adminiculo historiae literariae seorsim collegi ac repositui *ἐκτυπα Numismatum, quae effigies, nomina et elogia Clarorum literis Virorum exhibent*; non neglectis etiam *Pictorum* et insignium aliorum *Artificum* simili modo expressis uultibus. Qui uero in memoriam, honorem et gloriam Regum, Principum, et Heroum cusi sunt innumerabiles nummi, de his corrogandis nec cogitavi quidem, tametsi nihilominus rariores aliqui subinde se obtulerint, illis prioribus adiiciendi. Taceo nonnulla ex marmore, ligno, succino exsculpta simulacra, tum et cerea, quorum sane pulcherrima quaedam possideo exempla, uix amplius hodie imitabili artificio, uiuis seu naturalibus imbuta ubique coloribus cera nitidissime elaboratis imaginibus; quae tanto magis in pretio mihi sunt, quod aliquos ex Maioribus meis minuta forma eleganter repraesentant.

Sed desino plura edisserere de *meis Collectaneis*, obtestans serio L. B. ne existimet, me quicquam eorum attulisse in medium, uanae ostentationis causa; cum satis recte sciam, plures curiosos passim Viros multo plura et elegantiora et rariora possidere, quibuscum tenuem apparatus meum comparare neutiquam sustineo: Rationem uero et causam productae hactenus recensitionis, in principio iam declaratam, nil attinet hic repetere, aut operosam eius afferre excusationem. Ceterum non cunctabor, quamprimum per alia grauiora negotia licuerit, plenior *Physiotamei*, breuiter modo delineati, comprehensam iusto uolumine *descriptionem* edere, cuius illu-

strandis gratia non paucas iam acri incidendas curavi tabulas. Ad operis autem huius, certe non exiguos sumptus subleuandos, utar frequentato ubiuis hodie compendio *subscriptionis* eorum, qui fauent instituto et editioni; cuius aequas omnino conditiones propediem schedis publicis indicabo.

Interea pergam in ordinem meliorem redigere, et, quantum potero, locupletare ista *Collectanea mea*; quandoquidem a libertate Amicorum subinde aliquid profiscitur, quod eo conducit. Grato autem accipiam animo, quaecunque porro offerentur, atque aut regionis nostrae fossilium, aut aliorum, quibus abundo, imperititione compensabo, et humanitatem singulorum gratificantium publice praedicabo. Quemadmodum non possum, quin hac occasione gratus commemorem nomina Virorum quorundam, eruditione, dignitate famaque Illustrium, Excellentissimorum, atque Clarissimorum, partim quidem (non sine meo dolore) iam defunctorum, per quos aliqua Museo meo facta est accessio. Ita *Rerum Naturalium* curiosa specimen contulerunt, Anglica quidem D. Io. VWOODVARDVS, Societ. Reg. Lond. ad extremum Secretarius, et D. Io. Georg. KISNERVS, Francofurtensium Physicus, qui etiam Moguntiaca communicauit: D. Frid. RVYSCHVS, uenerabilis Senex, conchylia exotica et rariora: D. Io. Iac. SCHEVCHZERVS, Tigurinus, et D. Tob. DEGGELLERVS, Scaphusiensis, Heluetica: D. Petrus VVOLFARTVS, Hassiaca: Dn. Car. Christ. a TETTAV, Reg. Polon. Consiliar. et rerum metall. Elector. Saxon. sup. Praefectus, et D. Christ. VVOLFFIVS, nec non G. F. MYLIVS, Lipsienses, Saxonica: seorsim uero M. Dau. Sig. BVTTERNVS Querfurtensia: D. Frid. KALTSCHMIED, Vratislauiensis, et D. Georg. Ant. VOLCKMANN, Lignicensis, Silesiaca: Dn. Christ. Gabr. FISCHERVS, Regiomont, Prof. Publ.

Publ. et M. *Georg. Andr.* HELVVINGIVS, Prussica: D. *Io. Henr. a HEVCHER*, Consil. Aul. Reg. Polon. et Elect. Sax. Polonica et Lithuanica: D. *Theoph. Franc.* HEYBERGER, Em. Cardinalis de Schrottenbach Archiater, Salisburgensia: D. *Io. Barth. Adam.* BERINGERVUS, Consil. Archiat. et Prof. Publ. Herbipolensis, Franconica quaedam: D. *Balthasar* ERHARTVS, Memmingensis Physicus, quaedam Sueuica. Alii insuper plures alia beneuole obtulerunt; quorum, tametsi nunc non aequè recorder, non minus tamen ueneror liberalitatem, et cunctis aequam habeo gratiam: qualem etiam, imo amplissimam me debere profiteor illis Grauiissimis Humanissimisque Viris, qui nuper admodum filio meo, *Ferdinando Iacobo*, Medic. Licent. peregrinanti, suam erga Museum meum beneuolentiam reapse declararunt: nominatim Excell. D. *Io. Crafft* HIEGELL, Archiater Elect. Treuirensis, Confluent. ad Rhenum, communicando huius regionis et uicinae fossilia, inprimis hysterialithos etc. Generosissimus Dn. *Godofr. Balthasar ab HARZHEIM*, Reip. Colon. Agripp. Censor, itemque Rei Milit. et Redit. Commissarius, rariora uaria: Magnif. D. *Io. ANDERSON*, Consul Reip. Hamburgensis, curiosa itidem uaria, perinde ut Generos. et Consultiss. Dn. *Io. Henr. de SPRECKELSEN*, qui praesertim conchyliis petrificata Gallica et Anglica impertiuit: Maxime uenerabilis Dn. *Iacobus a MELLE*, Templi primarii apud Lubecenses Pastor ac Senior, *Cimbrica*. Excellentissimus D. *A. I. Hvgo*, Reg. M. Britann. Archiater, Hannouerae, et D. *Franc. Ern.* BRVCKMANNVS, Guelferbyti, multa et uaria, quae in terris *Brunsuig. Luneburg.* reperiuntur, *fossilia figurata et metallica*. Praeter haec alia quoque idem filius meus in itinere suo passim, per *Belgium* et alibi, conquisiuit, et prece aut pretio comparauit, in augmentum *Musei* haud exiguum. Quodsi ergo et in posterum simili-

liter adspirauerit fortuna labori, non poterit non amplificari plurimum collectio mea, et uberior hinc reddi promissa eius descriptio.

Iam nihil succurrit, quod pro instituti praesentis ratione adderem, et de *reculis meis* enarrarem, praeter unicam, plane distinctam ab indicatis haecenus, *collectionem*; de qua tamen fere dubito, utrum non praestet silere? quod uerear, ne multis futura sit ludibrio, illis praefertim, quibus non nisi grandia et oculos atque loculos liberaliter implentia arrident. In eo autem, de quo differere coepi, *apparatu*, contrario plane sunt omnia, cum non nisi *minutissima* quacuis *Rerum naturalium* inprimis *specimina* exhibeat. Confido tamen, cordatos Viros et aequos peritosque aestimatores ne hanc quidem studii historiae naturalis particulam despiciatui ducturos, quibus etiam solis scriptum uelim, quicquid circa singularem istam *collectionem* molitus sum. Occasio eandem suscipiendi se obtulit, cum aliquando Norimbergae haud modicam congeriem conchyliorum coemissem, et inter alia *copiosam minusculorum farraginem* obseruassem, cogitare coepi, iucundum fore spectaculum, si talia segregarentur, et conuenienti quadam naturae methodo disponerentur; posse enim sic angusto spatio comprehendi species complures, easque perfectas, si solam exceperis magnitudinem. Quare, tentata separatione, apparuit amplum satis et expectatione maiorem delituisse numerum specierum in ista farragine. Oblectatus hoc tam auspicato initio collectionis, amplius eidem operam dedi, quoties aliquid simile adipiscendi opportunitatem habui. Hinc annorum complurium decursu paulatim creuit adeo illa, ut *quingentas circiter species*, aut certe *differentias* euidentes delicatissimarum eiusmodi *minutiarum* numerare

rare nunc possim, praeter *Conchylia* scilicet, connumera-  
tis etiam *fossilium figuratorum*, et aliorum non minus  
raritate quam subtilitate se commendantium rerum spe-  
ciminibus. Pro his igitur, ordinatim asseruandis, *tria*  
mihi conficienda curavi *scriniola*, dimidum pedem alta  
aeque ac lata, et quatuor uncias profunda, singula *cistulis*  
e solido ligno paratis, loculis intus torno factis, instructa:  
Ceterum extrinsecus obducta sunt corio uariegato, quale  
nuncupatur Gallicum; ostiola lineis ac literis aureis ex-  
ornata, sequentibus sententiis inscriptis:

- I.) *Emicat e paruis diuina potentia rebus.*
- II.) *Rerum natura nusquam magis quam in minimis  
tota est: ex Plinio.*
- III.) *Comprehendere, quemadmodum maxima, ita mi-  
nima difficile est: ex Seneca.*

Vt autem de rerum, quae intus continentur, generibus  
nonnihil commemorem, *duo scriniola* referta sunt *testa-  
ceis naturalibus*, et primo quidem *non turbinatis* e.g. Tu-  
bulis marinorum uermium, Entaliis, Echinis, Patellis.  
Insequuntur longa serie *univaluia turbinata*, tam *compressa*  
(in quibus quaedam Cornubus Ammonis simillima) quam  
*in longum plus minus producta*, Conchae Venereae, co-  
nicae, cylindraceae, Neritae, Cochleae, Strombi, Trochi,  
Buccina etc. Porro *bivaluia*, et quidem *aequalibus ual-  
uis*, Musculi, Mytuli, Chamae, Tellinae, Pectunculi etc.  
deinde *ualuis inaequalibus*, Pectines quidam, Terebratu-  
lae, Ostreae. Adest inter alias Concha Anomia rarior, cui  
adnatum insistit corallium rubrum. Taceo *Astacos* et  
*Cancros* minimi pariter moduli, uti sunt recensita omnia,  
usque adeo, ut quaedam oculis, nisi armatis, nequeant  
discerni. Similiter comparatum est cum iis, quas *ter-  
tium* includit *scriniolum*, *minutulis rebus figuratis ex fos-  
silium*



*filium ordine repletum.* Spectantur hic exiles crystalli sex-angulae, Corallia fossilia diuersa et fungi corallini, Belemnitae, Alueoli, Entrochi, Astroitae: hinc Echini uarii, eorumque alulei et radioli; porro Conchyilia omnis generis, consimili ratione cum prioribus ordinata; quorum aliquae species inter maritima conchyilia uix usquam inveniuntur. Accedit conspicua uarietas Glossopetrarum, aliorumque denticulorum fossilium, nec non Ossium, diuersos Animalculorum artus clare designantium, cuiusmodi sunt uertebrae, scapula, humerus, femur etc. Infima denique cistula, non distincta loculis, praeter alia minuta continet Dendritas, Pisciculum, Gammarum, Stellam marinam, singula incredibilis pene subtilitatis. Ceterum ad imitationem maiorum, quae passim in Museis, et inter ornamenta fontium (*Grottenruverck*) occurrunt, Laruarum et monstroforum uultuum, e paruulis conchyliis istis effingi consimiles curauimus, ut *dignum* quasi praebeant *patella operculum*. Vix satis idoneum deprehendo meum calamus ad exprimendam *minutae illius collectionis* elegantiam. Vix etiam fidem inuenerit assertio, nisi prius perspectis circumstantiis antea memoratis, posse *quingentas et plures diuersas atque perfectas rerum naturalium species, et plus quam mille indiuidua*, distinctis loculis ordinate disposita, cum ipsis scriniis integris, tam exiguo coerceri spatio, ut omnia sub uno adulti hominis brachio contineri, aut in duabus manibus commodè gestari queant, sicuti quemuis, qui considerare ista dignabitur, autopsia docebit.

Habeo autem praeterea eiusdem subtilitatis *Artificialia* quaedam, separatis conceptaculis inclusa, quorum recensionem, pace *Lectoris Beneuoli*, breuiter subiiciam. Primum se offerunt *subtilissimae scriptiois specimina uaria*, quae nudo, quod dicitur, oculo uix legi possunt.

Inter

Inter haec Christianae Religionis et Confessionis capita, angustis perquam spatiis circumscripta, seorsim Oratio Dominica, duabus cum dimidia lineis in orbem adeo subtiliter ductis, ut margine nummuli (*eines Pfennings*) contegatur, scripta per senem t. t. annos LXXIX. natum, *Leonem Pronnerum*, Norimbergae. Porro asseruantur minutula diuersa e *membranis tenuibus excisa* s. *exsculpta*, Nauis praesertim, malo triplici, uelis ac funibus, aliisque requisitis instructa; Conuerfionis *Sauli* in Apostolum historia; Venationum item, ac peregrinantium *Turcarum* etc. minutissima pariter exempla. Taceo miniatulas politulasque itidem minutas *picturas*. Ex *Cera* autem per unum e duobus fratribus, *Danielem* aut *Ferdinandum Neubergerum*, effictas ineffabili propemodum subtilitate imagunculas non possum praeterire silentio. Scilicet in *putamine minoris auellanae* conspicitur *b. Virgo Maria*, ad mensam residens, euoluto libro, impendente capiti columba, *S. Spiritus* signo; ab altera parte accedens *Nuncius aethereus*, utrinque pulcherrimo habitu ex congrua proportionem, uiuis in cera coloribus. *Duae corticulae grani cannabis totidem capiunt equites*, quorum, et quibus insident *equorum* elegans positura et proportio per microscopium clare conspici potest. Porro notari merentur *officula cerasorum* mediocris magnitudinis, in quorum altero *exsculpta totius Orationis Dominicae uerba*, nec dum omnem implent superficiem: alterum cancellatim *exsculptum est instar corbulae*, cuius uertici nomen suum apposuit artifex laudatus *Pronnerus*: *Granum piperis* excauatum, et artificiose applicato ebore, in formam poculi seu calicis elatioris concinnatum, *quinquaginta circiter aureas patellas seu orbiculos includit*. Ex ebore autem insuper fabricata, paulo frequentioris exempli spectantur uaria, e. g. *carpentum*, rotis mobilibus alioque

apparatu, sex equis et aurigis duobus instructum, quod musca non incommode posset promouere: colus rotata, decenti pariter apparatu exornata, minima: camelus insuper, una cum rectore per acus foramen facile transiens: Duodecim cultelli plicatiles (Taschen-Messer) ex bona acie, manubriis eburneis, rite traiectis clauiculis, coniunctim uix dimidiam officuli cerasini cavitatem explentes. Mitto plures artificiosas eiusmodi minutias, earumque recensionem, non immerita traductus admiratione, ob signo epiphonemate Nicolai Tawrelli (\*):

*Ars saepe in paruis maxima rebus inest!*

Ceterum ad istam rerum paruularum, tam naturalium quam artificialium collectionem retro paulisper respicienti mihi liceat, nouae et ab aliis fortasse non tentatae rei, nouum confingere et imponere titulum, iocosa uocabuli compositione appellando

### MICROPHYSIOTECHNOTAMEVM.

In uniuersum autem, si uel maxime quis iudicauerit, me nimis curiosum et quasi ludibundum egisse collectorem, nihil addo, quo me excusem, praeter hanc Ciceronis (\*\*) sententiam: *Quis tandem me reprehendat, aut quis mihi iure succenseat, si quantum ceteris ad suas res obeundas, quantum ad festos dies ludorum celebrandos, quantum ad alias uoluptates, et ad ipsam requiem animi et corporis conceditur temporum: quantum alii tribuunt tempestiuis conuiuiis; quantum denique aleae; quantum pilae; tantum mihi egomet ad haec studia recollenda sumsero?*

SVP.

(\*) in praef. Discuss. de Mundo, (\*\*) pro Archia Poeta.

# SVPPLEMENTA ORYCTOGRAPHIAE NORICAE.



um ante hos uiginti atque duos annos in lucem protuliffem opusculum illud ORYCTOGRAPHIAE NORICAE titulo, statim in praefatione indicaui, supplemento id indigere, hoc magis, quo minus uel unicum historiae naturalis caput adeo perfecte elaboratum promitti potest, ut nulla inueniat locum additio. Tametsi autem non admodum multa se obtulerint ab eo tempore, iam traditis adiicienda, subinde tamen nonnulla occurrerunt, tum etiam corrigenda quaedam. De utrisque humaniter me admonuit, uix dum edito opusculo meo, Excell. DN. D. SCHEVCHZERVS, eleganti epistola, quam non possum, quin integram, una cum responso meo, praemittam ipsis supplementis reliquis. Haec omnia quidem uolebam, ut multo prius in publicum prodiiissent, sed alia negotia moram et impedimentum intulerunt; cum interim tabellae aeneae, opusculo illustrando destinatae, iam antepusculos annos, ea qua nunc comparent conditione, fuerint exsculptae, ipsa uero supplementi elaboratio propemodum neglecta. Quo minus tamen haec penitus omitteretur, frequentes Amicorum, istis studiis fauentium admonitiones effecerunt. Confido autem, quicquid eius tandem produxero, si fortasse opinioni Lectorum non satisfecerit, autori longe aliis grauioribusque occupationibus distento, condonatum iri. Sed nil moror amplius proferre laudatam epistolam.

VIRO NOBILISS. EXCELLENTISS.  
 DN. IOH. IACOBO BAIERO  
 PHILOS. ET MED. D.  
 HVIVSQUE IN ACAD. ALTORFINA PROF. PVBL.  
 ILLVSTRIS REIP. NORIMB. PHYSICO MERI-  
 TISSIMO

S. P. D.

ET DE

ΟΡΥΚΤΟΓΡΑΦΙΑ NORICA

EX ANIMO GRATVLATVR

ACARNAN.

**I**ungit nos, quae inuidum mortalium genus communiter  
 disiungit, animorum eadem ad idem studium propensio.  
 Exhibet Ορυκτογραφία Tua, VIR Celeberrime, quod  
 noui dudum, et aliquoties ad Ill. DN. LVCAM SCHROECKIVM,  
 Acad. Imperial. Nat. CurioI. PRAESIDEM meritissimum, in  
 expirantium Ephemeridum solatium perscripsi; specialis  
 nempe Historiae naturalis Germaniae speciem, quod cum  
 applausu excipiet orbis curiosus simul ac eruditus, auidis  
 certe amplectitur ulnis Norica terra, cuius curiosas diuitias  
 pandis. Perlegi ego hocce Tuum scriptum, quod a prelo  
 ferme madens accepi ab Excell. DN. MICH. FRID. LOCHNERO,  
 Amico nobis communi, amico, et magna cum uoluptate,  
 quam ut concepi animo, in amicum Tuum sinum sine mora  
 effundere uolui. Eadem est utrique nostrum circa hypo-  
 theses generales mens. Dulcem refricas rerum Altdorf.  
 sub auspiciis Virorum Excellentissimorum, Hoffmanno-  
 rum, Brunonis, Sturmii, VVagenseilii actarum, excur-  
 sionum

sionum botanicarum et lithologicarum per frequentium memoriam. Fossilia ipsa sistis aeri nitide sculpta, cui nitore ut addidisset typographus chartae simul bonitatem, uel pro honore Tuo uellem. Sic autem excurreret facilius labor in Galliam, Belgium et Angliam, ubi nunc terrarum studium hoc naturale historicum, et speciale fossilium figuratorum, iuxta cum, imo prae aliis maxime excolitur. Placent quoque descriptiones, quas rebus adiungis, et denominationes. Vnicum hoc pro mineralogia, quae indies accumulatur, in compendium contrahenda optassem, ut singulis speciebus sua ex uariis scriptoribus conquisiuissem synonyma, quorum collectio utique insigni foret discipulis adiumento. Optavi dudum, ut quis studiis expertus hanc in se susciperet pinacis mineralogici prouinciam, et ipse manum admonere coepi, sed quoque ob alia negotia remouere.

Patieris, VIR Humanissime, ut, quae ad specialio-rem quandam Oryctographiam Noricam, speciatim Altorfinam, pertinere mihi uidentur, addam, ueluti post messem Tuam spicilegium.

Lapidum ex lusu naturae productorum copiosam offendi, magna mea uoluptate, progeniem in agris circa Popperg, ditionis Solisbacensis, ubi sparsi per arua nobilioris cuiusdam generis filices, politura sua et duritie ad achates fere accedentes, singuli fere peculiari figura gaudent. Vidi, qui retulerunt caecos, panes uariae formae, pyra, pruna persica, aliaue mala, in externa flaua plerumque superficie pulcherrimos sistentes Dendrites: quorum lapi-



*dum aliquos adhuc apud me seruo. Vidi ibidem in fossula decliui dendrites in lapidibus fossilibus albis, et aliquos etiam mecum reportavi in patriam.*

*Ex crypta, Windloch dicta, uarios obtinui stalactitas, non semel eam ingressus: inter alios huius generis lapides est mihi, qui clare indicat stalactitae materiam uetustate temporis abire in uerum Lac Lunae; quam obseruationem insuper confirmant uariae in Helueticis cryptis institutae obseruationes.*

*Ichthyospondylum depingis Tab. VI. Fig. 32. Deduxit me aliquando λυθοφιλία, et mecum Amicum, curiosarum rerum participem, Langhansium, Myrtylletum - Palatinum, ad patibulum. Ingressus hic muros, inter alios congestos lapides offendit et foras proiecit, panico simul terrore perculsus, saxum cinereo-nigrum, cui medio inclusae erant uertebrae dorsales octo, atro ueluti uernice splendentes, eiusdem, ut uidetur, cum Tuis structurae et coloris, uere lapidefactae. Duas adhuc ex illis asseruo inter alia musei mei rariora, et nunc in manibus sunt sculptoris, exornaturae scriptum, quod intra paucas, ut spero, septimanas lucem uidebit, expositurum Querelas piscium. Meas autem uertebrae non pro piscium ossibus aspicio, sed quia omnes processus et integram figuram habent, pro humanis. Icones mitterem, nisi spem facere possem opusculi ipsius, quod originem lapidum ἰχθυοσπονδίου ex diluuio ad Mathematicam reducet certitudinem. Loquentes introducam pisces mutos. Videbis non figuram duntaxat externam umbratilem, sed aristas ipsas, carnem petrefactam,*

et ex characteribus genuinis cognosces lucios, percas, anguillas, imo uidebis plumam auis et scarabeum, lapidibus affabre impressas cataclysmi perraras reliquias. Pisces uidebis a digitali longitudine ad sesquipedalem fere integros cum uertebreis, aristis et pinnis.

Capite VII. describis primum cornu Ammonis, quos nautilitarum titulo baptizauit LVIDIVS. Horum ex omni plaga mundi ad quadraginta ferme species habeo, figura et specie differentes; et non ita pridem eas, quas Principatus Neocastrensis fert, cum suis synonymis singulas descripsi in peculiari, de Reliquiis Diluuiianis Comitatus Neocastrensis, ad Serenissimum PRUSSIAE REGEM gratulatione, affabre depingi curavi. Ex omnibus autem, quae possideo, Ammonis cornubus (hoc nomen seruo prae illo nauutilitae) rarissimum est, quod non semel quidem, sed saepius quinquagies reperi in lutifodina Altorfina. Permittes, VTR Celeberrime, ut picturam simul et descriptionem mittam, imo uero Tibi, ὀρυκτῶν τῆς παλαεοκώμης ruspatori sedulo, problematis loco offeram; quandoquidem non haecenus mihi obuenit fortius contra hypothesein nostram diluuiianam argumentum, non durior aries Altorfino hoc cornu, ut arma haec, nemini haecenus cognita, non in dias protraherem luminis auras, nisi ingenuae essem mentis, et simul de ueritate hypotheseos contra aduersariorum tela, ut persuasissimus, ita paratissimus. Tibi autem nunc nodum hunc soluendum offero. En descriptionem conferendam cum Fig. I. et II. imo et cum Tuis Fig. 4. et 5. Tab. III. ad quam pertinent ochracea illa cornua in Geode speciatim cellu-

celluloso, p. 33. reperiunda, et ipsa haec noua, si integre sint elaborata cornua. Haec colore sunt candida, uel ex albo et flauo diluta, sed textura singulari, quae constat ex plurimis quasi spiculis rigidioribus, salia uolatilia collo alembici adhaerescere solita aemulantibus, inordinate quidem, ut primo intuitu uidetur, et indistincte dispositis, nihilominus intra sphaeram sui orbis manentibus, et ordinatas strias efformantibus, composita, quam comparare quis posset cum ea pilarum pilosarum in uitulorum, caprarum et rupicaprarum uentriculis reperiri solitarum. Ut enim hic pili, quos deglutiunt lambendo uituli, sensim conglomerantur, indistincte quidem et sine ordine, pilam tamen rotundam componentes; ita hic uidentur fibrillae hae uel spicula ortum ducere ex materia selenitica et calcaria ~~mixta~~ interstitia suffarcinante, quae sensim abscedens, filaminum instar, idoneo loco cauo sese colligens peculiari motu uorticoso inducto cornuformem talem figuram effingit. Et en quam prouida sit Archei naturae figuratricis, aliusue qualequale sit idolum, principii Hylarchici solertia. Offendi nonnunquam spicula haec in geodis cavitae coni uel pyramidis in modum disposita, circa unicum punctum collecta, sed texturae adeo delicatae, ut leui tactu, imo solo aeris halitu, in pollinem collapsa fuerint. Nec silentio praetereo (uel ut in gratiam redeam cum aduersariis) plures me adhuc ostendere posse differentes cohaesionis gradus, in diuersis eiusmodi cornubus: imo quod maius est, et Archaeistis cum primis ad rhombum quadrat, offendi cornua, quorum pars casu forte diffracta, et exesa huiusmodi

modi spiculorum ueluti nutritiorum subsidio fuit, regenerata, uel in totum uel ex particula duntaxat; addo insuper, ne rarus hic nutritionis uel restitutionis consumptarum partium modus, in uorticem circulatorius, interturbetur, interstingui passim pleraque haec cornua selenitica materia, ueluti parietibus intergerinis, quibustamen ob miram Archaei prudentiam uortex minime impeditur, nec striae ipsae peruertuntur. Comparauit mecum aliquoties filamina haec limaturae ferri, sine ullo ordine Magneti adspersae, est circa hunc lapidem in regulares ueluti fibrarum ordines protinus collectae, et mecum cogitauit, annon magnetismo analogus quidam motus et hic locum habere possit? Phaenomenon saltem est inquisitione ulteriori, imo solutione Tua, quae acumini ingenii Tui respondeat, dignissimum. Rudimenta habes formationis prima, rudem cornu formandi ideam, Ideistis modernis magnum solatium, cornu formatum cum suis spiris, sed absque striarum ornatu, strias obiter delineatas, et uix dignoscibiles, striarum formam perfectius elaboratam, tandemque cornu ipsum cum striis, dorso eiusque spina, integrum ad ultimam perfectionem ductum. In memoriam hac occasione redit, quod de cornuum Ammonis figuratone indicabat ὁ χαερίστατος, Exc. Fratris Tui Antecessor, Ioh. Christophorus STURMIVS, Praeceptor meus in cineribus ipsis uenerandus. Praefigurabat sibi Magnus hic Vir, in planitie, tempestate pluuiosa aquam a uento undatim propelli, ita, ut ipsa terra undis his sese accommodet, et nunc in colliculum quendam ascendat, in uallectulam quasi descendat: a motu hoc recto aquae

Vol. II. App. n exca-

*excauari in luto strias istas cornuum: ast alio uento accedente, et aquam a motu suo recto deturbante, adque motum uorticosum dirigente, luto aquae motum sequente, talem figuram in uortice isto imprimi, striis interim aut rectam suam figuram seruantibus, uti in multis videre est, aut si motui uorticoso aliquatenus obsecundent, ad obliquitatem recuruam accedentibus. Posse etiam talem uorticosum motum luto imprimi ex aquae perrimas hiulcas delapsu. Ex luto et in luto fieri lapides hos, cornu instar in se ipsos reuolutos, inde patet, quod quandoque in medio luti, malleo diffissi offendantur cornua iam perfecte figurata, sed adhuc mollia, Cornua perfecta: et aliquando indurata figuram suam imprimere luto alii, quod matrix postea audit: sicque matricem in hoc casu generari demum post cornu. Haec de cornu Ammonis.*

*Pag. 76. cum Bucardite eundem facis Hysterolithum, qui tamen est diuersus. Hysterapetram meam ex pago Oberlohenstein exhibet Fig. III. plures alias eiusdem generis uidi apud alios.*

*Fig. IV. exhibet Pectinitam rarioribus striis LISTERI, in Cochlit. Angl. Tit. 48. in lapide arenoso ferrugineo, ex agris montis Heydenberg; una cum Musculo plano oblongo angusto.*

*Fig. V. sistit Musculum bivaluem fasciatum, ualuis aequalibus, terreum, quem unicum habeo ex millenis, quos aperui aëtitis lutifodinae Altorsinae.*

*Fig. VI. depingit clarius partem dorsi cornu Ammonis;*

nis, *rari, supra descripti, prouti* microscopii ope id *con-*  
*spexit pictor.*

*Plura non addo, ne epistolae iustae limites transgre-*  
*diam. Vale, VIR Clarissime, et de Republica literaria*  
*benè mereri perge, sed quoque amare*

Celeberrimi Nominis Tui

Tiguri d. 26. Mart.

1708.

*cultorem studiosissimum*

D. I. I. SCHEVCHZER.

\* \* \*

Hisceliteris humanissimis, tametsi ocyus respondere  
cupiebam, rerum tamen in illis propositarum, tam co-  
pia quam dignitas, me permouit, ut aliquid temporis  
sumerem ad disquirendum, proptereaue differrem  
meum responsum, usque dum de quibusdam momentis  
certior factus, mentem meam melius explicare possem.  
Neque tamen eius quicquam haëtenus uidit *Vir amicis-*  
*simus*; quod ipsi non nisi *typis impressam*, et in publicum  
editam *responsonem* exhibere constitueram. Atqui nunc  
demum haec prodit, dudum concepta, sequentem in  
modum:



VIRO NOBILISSIMO EXCELLEN-  
TISSIMO  
DN. D. IO. IACOBO SCHEVCH-  
ZERO

PHILOSOPHO ET MEDICO TIGVRINO  
CELEBERRIMO

ACAD. IMPERIAL. NAT. CVRIOS.

ITEMQVE

SOCIET. REGG. ANGL. AC PRVSS.  
SOCIO DIGNISSIMO

S. P. D.

EVGENIANVS.

**P**ergratae mihi sunt Literae Tuae, quod non solum significant, placere Tibi conatum meum, et opusculum nuper editum, sed etiam quod humaniter admoneant de aliquibus addendis pariter ac emendandis. Neque minus grata mihi est ingentia ista declaratio, quod coniungi nos sentias eadem animorum ad idem studium propensione: ita enim rectissime sentis cum GESNERO Tuo, quem et eruditione et φιλοπονία pulchre laudabiliterque imitaris: Ille autem etiam optauit, in eo studiorum genere, quo delectaretur ipse, uersari quamplurimos. Et cum *Historia* quidem *Naturali* ita omnino comparatum esse existimo, ut nulla ratione melius amplificari queat, quam si per singulas regiones unus alterue cordatus Vir indagaret singularia phaenomena physica, pluresque inter se amice conferrent, et alter alteri suas communicarent Observationes. Tu, *Celeberrime Vir*, exemplum dedisti nobile adeo, ut uel inuidi cogantur fateri, *Heluetiam* Tuam, neminem habuisse diligentiores Te,  
Scruta-

Scrutatorem. Eo ipso etiam me excitatum neutiquam diffiteor, ut *Fossilium rerum in Prouincia nostra*, disquisitioni uacarem; posteaquam in *Plantis* peruestigandis ac describendis immortalē operam nauauit beatus D. MAVR. HOFEMANNVS, et celeberr. D. D. VOLCKAMERVS; *Animalium* uero curiosam designationem, Excell. D. D. LOCHNERVS noster pollicitus est. Iudicium Tuum de *Oryctographia* mea, plurimis aliis antefero, utpote Viri in eo rerum genere uersatissimi; sed praeclarior est laudatio Tua, quam ut promereri opusculum uideatur. Tanto aequiori autem animo illa omnia excipio, quae in eodem animaduersione digna censuisti. Et iustum sane est Tuum desiderium conquisitionis *Synonymorum*, adeoque *Pinacis harmonici uocabulorum*, quibus *fossilia* appellantur. Tale quid in uotis pridem habuit ὁ πολυμαθής G. H. VELSCHIVS, & inter desiderata Medicinae *Oryctopinacem uniuersalem* retulit in *somnio Vindiciani*; quin et in epistola de suis Scriptis, num. XIX. promisit *Oryctonymiam*, et *Metallonymiam*; sed nihil eius in hunc usque diem comparuit. Haud uero contemnendum istius studii specimen, sine dubio mecum agnoscis exhibuisse GVALT. CHARLETONVM, in *appendice Exercitationum suarum de different. et nomin. Animalium*. Fortasse ipsimet Tibi, *Vir Clarissime*, tantum suppetet aliquando temporis ac otii, ut possis desiderio nostro & aliorum satisfacere?

Interea mihi gratulor de insigni accessione, ad meam *Oryctographiam* facta, indicio eruditissimae *Epistolae Tuae*. Huius ego ductu inuestigaui curiosius agros abs Te designatos circa pagum *Popperg*; et confirmata per autopsiam deprehendi, quae de *lapidibus ex naturae lusu mirifice figuratis* annotasti, quemadmodum et illa, quae circa *Stalactitem* et *Lac lunae*, in crypta *Windloch* Te

obseruasse scribis; tametsi apparuerit mihi cremor ille margaceus (quem *Lac Innæ* uocant) progressu temporis in lapidem potius solidescere, quam ut idem e *stalactite*, resoluta per uetustatem emergat; Veruntamen utrumque forsitan a diuersis causis ac circumstantiis accidere potest.

*Vertebrae*, quas in Epistola commemorasti, et paulo post in *piscium Querelis et Vindiciis* (quarum exemplar a liberalitate Tua profectum, nuper gratus accepi) delineandas curasti, eiusdem plane cum meis *Ichthyo-spondylis* formae et indolis esse ultro agnosco; aegre tamen largior, quod sint *hominis spinæ dorsi uertebrae*. A loco inuentionis, nempe patibulo, uix ullam probandi rationem Te uelle petere existimo; quale argumentum etiam eo minus ualeret, quo magis longe distitis a patibulo locis, in fabuleto scilicet prope molendinum, *Schleifmühl*, et pagum *Hagenhausen*, (cuius forte adhuc recordaberis) mei sunt reperti *spondyli*. Hos quidem non omisi conferre cum *humanis*, sed ab iisdem non parum differre obseruauī. Praeterquam enim, quod sinus illius, quem foramen commune pro transitu spinalis medullae efficit, nulla appareant in Tuis pariter ac meis *spondylis* uestigia, profundior cavitās in singulis, acetabuli adinstar, et eam congrue explens corpus, in centro notabiliter acuminatum, quicquam aliud quam humanae uertebrae conditionem naturalem prodit. Taceo, quod eiusdem substantiae alias, nondum delineatas habeam *uertas* diuersae magnitudinis, quarum figura et inprimis altitudo amplius adhuc ab *humanis* abludit, plurimum uero conuenit cum illis *Ichthyo-spondylis*, quas depinxit *August Scilla*, in Libro elegantissimo, cui titulum fecit: *la Vana Speculazione disingannata dal Senso*, Tab. XVIII., pag. 135. Ignoscant igitur mihi pisces Tui, quod in *Querelis*

*relis suis et Vindicis*, pag. 24. pronunciato ipsorum iudicio, subscribere dubitem, easque uertebras pro humanis uenditatas, paulo accuratius considerandas ipsis, bona pace Tua remittam, deprehensuris fortasse, ad quam demum speciem sui generis illae pertineant.

Quod circa synonymon *Cornu Ammonis*, a LVDIO introductum, admones, nempe displicere Tibi istud *Nautilitae* uocabulum, tanquam minus congruum, ad generis totius characterem declarandum; id quidem non iniuste sic statui, facile concedo; neque tamen prorsus ineptam esse appellationem *Nautilitae*, in ipsa *Oryctographia* demonstraui, tum etiam confirmat structurae analogia *Nautili* proprie dicti, et *Cornuum Ammonis*: Eadem enim est utrorumque ratio se circumuoluendi, et constituendi helices, nisi quod hae in *Nautilo*, atque adeo in *Nautilite* intus reconditae lateant, et ab extrema unica uoluta siue spira contegantur, in *Cornubus Ammonis* autem omnes explicitae pateant, a centro seu umbilico ad extimum usque ambitum; qualis quidem configuratio utique propius ad cornu arietini contorti, quam ad *Nautili* similitudinem accedit.

Venio nunc ad illud *Problema* Tuum, de *Cornu Ammonis in Geode celluloso*, lutifodinae nostratis, a Te saepius reperto. Hanc ipsam speciem recte Tecum obseruauim interdu[m] conflata[m] esse, quasi integram, ex *fluore striato albicante*, aut similis materiae uenis ac lineis traiectam, sicubi materia terreo-lapidea in continuationem *Cornu Ammonis* non suffecerit, sed hiatus rimasque reliquerit. Ad *fluorem* illum quod attinet, est omnino singularis eius conditio; quandoquidem ex meris ueluti spiculis coagmentatus est: ut horum quidem distinctae occurrunt congeries, inaequali plane situ compaginatae, totumque aliquod corpus rude componentes. Habeo quippe

quippe frustula eiusmodi fluoris, in quibus spiculorum fasciculi quaquauersum inordinate sunt dispositi. Aliquando eiusdem *fluoris* saltem crusta obtegit superficiem *Cornu Ammonis*, nec in huius interiora penetrat: saepe uero etiam solitarie offenditur in laudato Geode huiusque cellulis, praeter omne *Cornu Ammonis* consortium. Reliqua phaenomena prorsus cum Tua descriptione conueniunt. Ego autem defectum quendam *Oryctographiae* agnosco, quod *fluoris* illius nullam iniecerim mentionem, non omittendam certe in *Supplementis*. Ceterum ad hoc redit *problema* Tuum, an fluoris illius admistio et concretio in *Cornubus Ammonis*, argumentum suppeditet, quo comprobetur, ipsa *Cornua Ammonis* oriri ex naturae lusu? Locari Te satis intelligo, *mi sapientissime* ACARNAN, dum comiter infers, nullum istis cornubus Altorfinis obuuisse Tibi duriores arietem, ad concutiendam hypothesein nostram de origine testaceorum fossilium ab uniuersali diluuiio: Quasi uero materiae lulentae, quae in istis terrae stratis plus minus impleuit obrutorum conchyliorum cavitates, sensim exsiccatae, et hinc rimas agenti ac interstitia relinquenti, non potuerit ipsa quidem subtilior, sed ad coagulandum aptus humor succurrere, et loca uacua explere? Manifestum est in omnibus, quotquot examinaui, speciminibus, materiam istam heterogeneam et *spicula fluoris*, quocunque modo composita, se accommodasse ad figuram naturalem et *organicam cornuum Ammonis structuram*, neque exundasse, nisi testa forte prius confracta. Eandem uero materiam accidisse *cornubus Ammonis*, tanquam externam et aduentitiam, uel inde colligitur, quod nonnunquam crustae rudioris in modum ambiat illa, in se optime conformata. *O imbellem igitur et imbecillum arietem!* Nos potius *Naturae lusu* patronis soluendum remittimus

mus hunc nodum, quomodo inordinatam istam spiculorum congeſtionem, et inconditam diſpoſitionem, cum celebrata tantopere ludentis naturae ſuae prudentia et ſymmetria conciliare uelint? Mihi ne *magnetismi* quidem analogon quid illi phaenomeno ſubeſſe uidetur, propter iam indicatam ſpiculorum in omnes plagas directionem; cui efficiendi parem alicubi exiſtere magnetem haud temere credo. Beati STURMII noſtri opinionem, de modo mechanico quaſi, quo materia lutulenta liquida, in uorticem acta, conceperit *Cornuum Ammonis* formam, tanto Philoſopho minime dignam arbitror, et uelut abortum nudae ſpeculationis, neglecta rerum ipſarum contemplatione, optimo Viro excidiſſe puto.

In pagina 76. *Oryctographiae* meae non immerito Te offendit, quod *Bucarditae* ſynonymon fecerim *Hysterolithum*. Bene noui, apud Autores accuratius ſcribentes utrumque diſtingui: nec ignoro, quod lapidi a me delineato ac deſcripto rectius conueniat *bucarditae* uocabulum. *Hysterolithi* uero ſeu *hysterapetrae* appellationem eidem attribuit uterque BESLERVS, in ſuis Rerum Naturalium Collectionibus; ne exiſtimes, me citra autoritatem propoſuiſſe ſynonymon illud, quod etiam citatum inuenies a *Nehemia GREVV*, in *Museo Reg. Societ. Lond.* p. 263. Neque arduum fore puto indulgenti phantaſiae ſuae homini, e commiſſuris conchitae illius concipere ſibi et fingere aliquam ſimilitudinem naturalium muliebrium, perinde ac bouini cordis.



Quos *Num.* IV. et V. delineasti musculitas, suo quemque loco inseram ac recensebo in *Oryctographiae Supplementis*, pro quibus iam subinde aliquid colligo, ut tandem futuram sperem non poenitendam accessionem. Interim Te, *Vir Excellentissime*, incremento Historiae Naturalis, ac totius Rei Literariae ornamento natum, quam diutissime superesse opto et ualere iubeo, fauorique Tuo maiorem in modum me commendo;

Celeberrimi Nominis Tui

observantissimus cultor,

Altorfii Nor. d. vii. Octobris

IO. IAC. BAIERVS.

A. R. S. clb lccviii.

\* \* \*

## SEQVVTVR NVNC IPSA SUPPLEMENTA.

**T**ametſi multa ſint et varia, quae in SUPPLEMENTVM ORYCTOGRAPHIAE NORICAE accumulari poſſent; malo tamen inſtituere *delectum*, quam leuioris momenti quacumque libet ingerere. Lubet autem in proponendo ſequi *ordinem Capitum et paginarum*, atque ita quacumque notatu digna referre ad ſuos locos, nunc longiori, nunc breuiori rerum deſcriptione.

*Cap II. pag. 9. Aquis medicatis annumerare decet fontem*, haud ita pridem exploratum, proxime ad Arcem *Groß-Albers-Hof*, ubi SERENISSIMVS DVX PALATINO-SOLIS-BACENSIS, Dominus meus clementiſſimus, commorari ſolet. Iſte *ſons* ſubinde halitum ſulphureum ſpargit notabilem per uiciniam; ſaporis eſt blandi acidiuſculi, ut non ſolum ſtatim *a priori* (quod dicitur) naturam *acidularum*

*larum dilutiorum* prae se ferat, sed etiam *a posteriori*, ipso nempe usu et effectū salutari, multis uariisque in morbis, mirifice iam se commendet. Ego autem in praesenti omitto plura de eodem fonte commemorare ideo, quod spes sit, fore, ut plenior ipsius descriptio, singulari exhibenda opusculo, *Clementissimi Principis* iussu, aut mihi aut alii proferenda in publicum demandetur.

Cap. III. pag. 16. Testatus sum, me nec unicam *Terrae Veldenfis* pastillum, eo modo, quo CASP. HOFMANNVS indicauerat, signatum inuenire potuisse. Deprehendi autem postea in pharmacopolio quodam Norimbergensi, eiusdem prorsus *Terrae sigillatae* exempla, cuiusmodi unum inter *Icones* adhuc *supplementa* referendas *Tab. I. Num. 1.* delineatum sistit *montibus et arboribus notatum*, addita uitiosa inscriptione: *Tera Siglata*. Ceterum ad idem caput de *Terris* omnino pertinet, quod aliquando acceperim *glebam pallide flauam*, prope Coenobium Ord. S. Bened. *Weissenhohe* repertam, quae omnibus notis, praesertim *arenosa tenerrima aspredine*, ipsoque abstergendi ac poliendi effectū, *ueram Tripelam seu Tripolinam terram* repraesentat. Maiorem eius copiam, et quasi uenas, Domino fundi haud exiguo lucro futuras, diligenter quidem, ast perperam inquisiui.

Ad Caput IV. pag. 26. ubi de *Marmore* agitur, addendum est, quod ante paucos annos in monte nobis propinquo, *Heydenberg*, qua pagum *Pühlheim* spectat, *Marmoris* magna uis et praegrandia faxa sint detecta. Ipse Lapis est fere *cinerei coloris*, sed *maculis* ac *uenis* modo *flauis*, modo *rubicundis* aliisque eleganter distinctus; ut operae pretium minime sit defuturum, si quis in elaborationem uariarum rerum, utensilium aut crepundiorum, ex illo marmore, sumtum facere uellet, praesertim in conficiendos inde globulos lusorios. Et sane polituram

haud difficulter recipit, uix ullo uitio notatus; nisi quod frequenter sit rimosum. Deprehendi autem alibi in agris minora frustra *marmoris durissimi*, quod limam sustinet, omnesque notas habet *lapidis Porphyrii*.

In eodem *Capite* pag. 28. post *Silicum* recensionem admonui, quod cum his interdum uulgo confundantur *nobiliores* quidam *lapides*. Atqui tales non infrequenter occurrunt in agris montosis et lapidosis Palatinatus superioris, praecipue ditionis Solisbacensis; quandoquidem circa pagos *Popperg* et *Ilshwang* collegi *Achates* uarii coloris, *albicantis*, *grysei*, aut simplicis, aut distincti uenis rubentibus. Habeo enim *e gryseo coerulefcentem, uenis luteis eleganter uarieatum; Iaspides* insuper *hepatici, rubri, fusci coloris*, intercurfantibus diuersis uenulis. Scorsim prope oppidum *Erbendorf* copia est *obscurae uirentis Iaspidis*, itidem interdum uersicoloribus uenis. Hac occasione licebit etiam meminisse immanis illius *Achatae* molis, *ducentorum circiter centenariorum ponderis*, quem nuper admodum in Palatinatu superiori, qua *Potentissimo* BAVARIAE ELECTORI paret, inuentum, ingeniose excogitatis machinis adhibitis, in praedium suum transuehi curauit *Illustriss. Dominus COMES NITSCH de VVARTENBURG*, Electoralis Vicarius, ac Praeses Ambergensis Regiminis. (\*) Qualis autem color in *Achate* isto praeualeat, rescire nondum potui.

Ad calcem eiusdem *Capitis* IV. adiicio rariorem *fluoris speciem*, cuius meminit *Excell. D. SCHEVCHZERS* in Epistola praemissa, tum etiam ad hanc responsio mea pag. 39. Est autem *fluor* ille ex meris spiculis, ad similitudinem acuum, quales inter purgamenta lini conspiciuntur, aut scobis tenerioris, laxa cohaesione conflatu, et uelut in fasci-

(\*) Vid, *Regensparg. Historische Nachrichten* An. 1730. pag. 94.

fasciculos congestus, inaequali prorsus situ inter se iunctos. A nemine, quod sciam, descriptum *fluorem* eum uix alibi, quam in Geode celluloso, *Oryctogr.* p. 33. annotato reperire potui, aut solitarie, aut cornubus Ammonis interfusum, quemadmodum pluribus enarrat Epistola citata. Alium *fluorem striatum*, sed multo crassioribus, albis ac pellucidis partibus, firmiori nexu constantem deprehendi; cuius perinde ac prioris generandi aut concresecendi modum, nulla ratione physica me omnino assequi posse fateor.

Circa *Caput V.* plura occurrunt, partim emendanda partim addenda. Sic *Aëtitae* speciebus inferi debet *prae-grandis* quidam, ouatae figurae, cuius dimidium saltem attulit aliquando rusticus e Palatinatu superiori. Pondere ad sesqui libram accedit Lapis ualde durus, nec tamen limam sustinet, ex pallido flauescit; crassities parietum maxima fescuncialis est; consimilis amplitudo cauitatis, sed profunditas duplo maior; *Nucleum* includit *terreum* albicantem, *Tripolinae* *simillimum*.

Pag. 36. Post expositionem plurium *Belemnitae* differentiarum, declaraturus sententiam meam, de genere ad quod iste lapis, ratione originis pertineat, dubitauī quidem statuere cum iis, qui conchyliorum familiae *belemnitas* adscribunt: Veruntamen ab illo tempore, aliis atque aliis phaenomenis, accurate perpensis, inductus sum, ut in easdem transirem partes. Nimirum constans illa in singulis, non admodum mutilatis *belemnitae* indiuiduis, *organica dispositio*, praesertim quoad cauitatem in basi, et huius per *alueolum* expletio, insuper haec etiam *diuersa amplitudo*, a minima ad maximam, clare testantur *analogiam cum indubitatis animalium eiusdem generis speciebus*. Accedunt *siphunculi*, oras alueolorum traiicientis, uestigia, et *lamellarum* sibi incumbentium, et fasti-

fastigiatum corpus componentium proportio, similitudinem cellularum in Nautilis et quibusdam Cornubus Ammonis prae se ferens. Sed haec et alia, quae idem comprobant, argumenta scite proposuit Clariss. atque Experientiss. D. *Balthas* ERHARTVS, Memmingens. Physicus, in perquam erudita *de Belemnitis Suevicis* Dissertatione; quacum conferre iuuabit beati M. R. ROSINI *Animadversiones* posthumas *de Belemnitis et Alueolis*. Non parum uero ad opinionem istam corroborandam facere uidetur, quod lapides inuenerim in agris montosis, totos quasi ex innumeris minimis belemnitis conflatos, nisi quod aliorum conchyliorum species et fragmenta parcius interspersa sint. Isti autem, quos modo dixi, *Belemnitae minimi* plerique in extremitatibus suis manifestam ostendunt *cavitatem*, saepe satis profundam, comparente nihilominus ubiuis conica earundem configuratione. Taceo, quoties *grandioribus* praesertim *Belemnitae* fragmentis adhaerentes deprehendantur ostreae, aliaeue conchylia, et marinorum uermium tubuli, in testimonium *cognitionis cum genere testaceorum animalium*.

Prae caeteris autem, quae afferri possent, *Belemnitae differentis* non possum, quin commemorem *amplissima* quaedam *specimina*, illis certe in *Oryctographia* laudatis superiora, utpote *sex uncias per ambitum colligentia*. Sed raro talia coniunctam habent eximiam longitudinem, quae frequentior est minoribus et gracilioribus: huiusmodi unum habeo *quinque uncias longum*, nec tamen integrum, in lapide crustoso uariis repleto conchyliis.

Pag 38. In *Alueoli* recensione notauimus, eum apud nos haud *solitarium*, sed inter se *concretos* plures in figuram conicam reperiri. Obtulerunt autem se postea nonnulli  
etiam



etiam *solitarii*, aut *gemi*, operculum conuexum repraesentantes. Sunt mihi tales *per ampli*, unciam quippe diametro excedentes; et unus quidem est *mere pyritosus*, eleganter politus, praesente etiam *sphunculi* uestigio luculento. Ast omnino frequentiores occurrunt *concreti* seu *compositi*, grandiores quoque; cuiusmodi sane elegantem exprimit *Fig. 2. Tab. I.* Ex *minoribus* autem multis atque uariis, post editam *Oryctographiam* obseruatis, eos duntaxat annotare placet, qui plerumque lapidi calcario-tophaceo immersi, *distinctam* habent *crustam albicantem*, reuera *testaceam*, alueolo coëxtensam, sed *tenuem*, et a *Belemnitarum* substantia, forma striata et crassitie penitus abludentem, cum interim euidentissimos includant *alueoli conos*; quales quidem nudos saltem, et *crusta* laudata destitutos exhibet *Oryctogr. Tab. I. Fig. 9. 10. 11.* Ceterum *Alueolos*, *tali crusta siue testa instructos*, nondum hactenus ab ullo autore (quantum recorder) descriptos, uix auderem pro *peculiari specie* uenditare, nisi aliquammultis consimilibus collectis speciminibus conuincerem. Vnius uero et alterius accuratam delineationem, in *Tabulis*, ad haec *Supplementa* spectantibus praetermissam, exhibebit plenior *Physiotamei* nostri historia.

Pag. 41. et sequ. Eundem fere, quem modo circa *Belemnitem* et *Alueolum* agnoui, errorem quoque commisi circa *Astroitem* et *Entrochum* lapides; quandoquidem et ipsos *animalis esse prosapiae*, exploratum hodie satis habetur. Sunt enim nihil aliud, quam *fragmenta et articuli stellarum marinarum*, in multos ramos atque cirros abeuntium; quarum exemplar notabilius, nomine *Capitis Medusae* appellatur. Actum agerem, si ad illustrandam istorum lapidum naturalem historiam commentari quicquam uellem; posteaquam Vir Clarissimus et lon-



et longiori uita dignissimus *Mich. Reinhold. Rosmvs*, in suo de *Lithozois* ac *Lithophytis* Prodromo, eandem materiam adeo copiose ac diserte pertractauit, ut uix ullum Caput *Lithographiae*, a quoquam autore, maiori studio dilucidatum esse existimem. Ceterum post diuulgatam *Oryctographiam*, plura et elegantiora nactus sum *Astroitarum* exempla, eodem quo priora loco deprehensa, quae cernere licet in Tab. I. Fig. 3. 4. 5. 6. *Entrochorum* uero specimina sistunt eiusdem Tabulae Fig. 7. 8. 9. Inueni etiam *Asterias* secundum longitudinem uiolenter compressas; manifesto indicio mollioris olim substantiae, quae irruenti ac prementi forte ponderi quodammodo cedere potuit.

Quem uero *Oryctogr.* pag. 42. indigitauit et Tab. I. Fig. 15. 16. ibidem depictum dedi lapillum, tanquam *Entrocho cognatum*, neutiquam talem, sed *Fungi minimi Corallini* speciem esse; didici ex collatione inuentorum deinceps plurium, qui in *Historia Physiotamei* comparebunt: cum interim certum sit, quod de conuenientia istius lapillicum *Porpita Luidii* asserui.

De *Dendrite*, pag. 44. perpauca saltem notauit, quibus longe plura possent addi, siquidem ex innumeris uarietatibus in lapide fissili *Eichstettensi* et *Solenhofiensi* occurrentibus, praecipuas tantum exponere uellem. Ast breuitati studens, summatim saltem commemoro *differentias* 1) *ratione coloris*, qui flauus est in aliis, fuscus aut niger in aliis; et hi quidem fere sunt frequentiores *Dendritae*; 2) *ratione figurarum*, aut teneriores aut crassiores latioresue *arbuscularum*, *fruticum*, *sylularum* imagines raras, aut densas, in infinitum diuerfas referunt. Interdum alia lapidibus inclusa corpora, *Pisces*, *Cornua Ammonis* etc. ambiunt ac uelut exornant, tam flauis quam nigri coloris ramuli, saepe etiam permisti. Habeo nonnullos

nullos eius generis lapides, qui pulcherrimo spectaculo *insulas* repraesentant, tenerrimis quasi frutetis, monticulis, sinibus circumscriptas: Et unum quidem eiusmodi, uariae magnitudinis *insulas* copiose ac inordinate, diuersis interuallis referentem, iocoso titulo, *Archipelagitem*, signaui. Alium possideo, qui *stagnum* seu *piscinam arbusculis ac fruticibus circumseptam*, iucundissime exprimit: Taceo, qui *picturas minutulas amoenarum regionum*, passim arboribus, fruticibus, ericetis confitas exhibent, imminentibus supra nubium simulacris. Duo autem imprimis circa hosce *Dendritas* animaduertere conuenit, quod nempe paucissimorum figurae altius in lapidem penetrent, sed tantum *superlitae* quasi sint; deinde, quod arbusculae ut plurimum, in quacunque cum naturalibus analogia, non habeant *ueram proportionem*, sed truncos siue caudices angustiores ostendant ipsis ramis, saepe etiam extremis: unde statim colligitur, quod non sint indolis uere uegetabilis, sed imitamenta saltem et *lusu naturae*. Et quamuis interdum altius in lapidem descendisse appareant *arbusculae*, quod de *Marmore Florentino* abunde notum est, similiterque in aliquibus nostratium apparet, tantum tamen abest, ut hinc probabilitatis quidpiam emergat de uegetabili istarum figurarum natura, ut potius contrarium inde conficiatur, quoniam in dimensione altitudinis seu profunditatis illius, et latitudinis, nulla existit naturalis proportio. Plura in hanc rem, et pro uniuerfa *Dendritarum* historia legere desideranti suppeditabit *Herbarium diluuiianum* iterato editum ab Excell. D. SCHEYCHZERO.

Eadem pag. 44. *Lapides* quoque *Iudaicos* inter eos retuli, qui sunt *ex lusu naturae* figurati; quamuis utrum non potius sint *radioli* aut *clauis echinorum*, non improbabile iudicauerim. Et sane ab illo tempore in alia in-

cidi lapidum istorum specimina, quae hanc opinionem mihi reddiderunt uerosimiliorem, quantum quidem ad *graciliores* eius generis lapides attinet: De *crassioribus* enim et *simul breuioribus* (cuiusmodi habeo, qui *pyrum moschatellinum* referant) pronunciaui, dubiam mihi rem uideri. Est equidem et horum conuenientia quaedam cum tenuioribus, inprimis ratione inferioris extremitatis, qua uelut *acetabulum* exprimunt; tametsi nec idem in omnibus obseruetur. Praecipuum autem mihi dubium mouerat laudata ingens *crassities cum breuitate coniuncta*, excluso etiam omni apicis acumine, et acuminato *cacumine*, quale quidem de quouis radio, ne dum aculeo, prima statim notione praesumitur. Quapropter non est, quod magnopere curem censuram paulo liberiores dubitationi meae adhibitam a quodam *Wagnero*, t. r. Med. Candidato, in *Dissertatione Inaugurali, de Lapidibus Indaeis*, ante quinquennium edita; cuius palmarium uidetur esse argumentum, quod magis et minus crassum non uariant speciem, tum et quod existere nihilominus in maris profundo queant *Echini* tam crassis instructi clauis, etiamsi nondum in conspectum producti sint: Erit tamen tamdiu locus dubitandi, donec asserto conueniens aliquid demonstretur specimen, aut *naturalis* adhuc aut *petrificati Echini*, cuius papillae seu monticuli tam laxo distent, ut crassiores eiusmodi clauas, saluo motu libero ipsarum, sustinere queant. Mihi sane talis conditio ne utiquam occurrit in omnibus *Echinorum* atque *Echinitarum* differentiis, quarum fortasse plures habeo, quam Dominus *Wagnerus* ille unquam uidit; cui de cetero maiorem in iudicando et controuersis tractandis modestiam commendo.

Sed redeo nunc ad *Lapides*, qui meliori forsan iure *Insui naturae* adscribuntur. Horum complures possem

adii-

adiicere illis in *Oryctographia* memoratis. Sic ad *uegetabilium simulacra* pertinent, quae in *Tab. I.* hisce *Supplementis* accommodata, num. 10. et 11. conspiciuntur *figurae*, altera quidem *Pyrum* quoddam minus, altera *Malum Citrium* mentiens, et hoc certe adeo speciose, ut pomo eiusmodi uieto, etiam quoad colorem, nihil fingi possit similis. Taceo alios, ad *fructuum uariorum* formam accedentes lapides, quibus a me primitus impositum generale nomen, τῶν καρπολίθων, complures hodie lithographos usurpare uideo.

Qui uero *animalium partes* quasdam repraesentant, itidem multi ac diuersi succurrunt, ut nec *humani quidpiam* fingentes desint, e. g. *Cranium*, nonnullis etiam futurarum uestigiis apparentibus: Alium uero lapidem habeo, per medium suum exquisitè referentem *futuram cranii*, quem propterea ραφίτην appello; est enim ραφή Graecis *futura*: alium, qui *pedem pueruli cum crure*, haud inepta proportionè exhibet, proptereaque nominabitur λιθοπαῖδοποδίου: alium, qui *pedem rustici ocreatum* minuta forma exprimit, ideoque nuncupabitur γεωργιοκνημίτης. Ad sunt praeterea, qui *testiculos*, aut separatos, aut scroto inclusos geminos imitantur, quos licebit appellare ὀρχίτας et διδυμίτας: Alii *auium* repraesentant *corcula*; et hinc dici poterunt ὀρνιθοκαρδίται: Quidam *auium rostrata capita* referunt, quos uocare licebit ὀρνιθοκεφαλίτας. Quin, ne quid monstrorum desit, ostendi etiam potest *canini capitis simulacrum*, quod nominari merebitur κυνοκεφαλίτης: Alius lapis *renem ueruecinum* mentitur, et appellari debet νεφροειδής: Alius denique *farcimen* breuius et latiusculum, fumo induratum, (quale nobis Itali solent diuendere) figura exprimit, atque hinc ἄλλαντοειδής nuncupabitur. Mitto plura eiusmodi *Naturae lusuum lapidea specimina*, totas implentia cistas; a quibus contemplandis

solicite arceo Matronas et Viragines, tempore praesertim uespertino, ne conceptis forte firmitus ideis tam terribilibus ac monstrosis, per insomnia redeuntibus exagitantur. Ignoscant uero mihi *Lectores seueriores*, quod in istorum lusu enarratione prolixior fuerim; qua forsitan alii, phantasiae indulgentiores, nihilominus oblectabuntur. Ceterum hoc breuiter admoneo, quod plures eorum lapidum collegerim ex agris circa pagum *Popperg*, quorum etiam meminit *Epistola* praemissa.

Ego nunc ab isto *figuratorum fossilium* genere animum et calamum retraho, simul autem ab eodem abstraho, quos immiscui *Oryctogr.* p. 46. *Ficoides* a Clariss. SCHEVCHZERO nuncupatos, ipsosque cum aliis pluribus ad *Caput* sequens, in ordine *sextum* defero; utpote *fungorum maritimorum*, aut *Alcyoniorum species*, quibus etiam accedit delineatus in adiuncta *Tab. I. fig. 12.* profundiori umbilico praeditus lapis. Congeneres sunt, et omnino ex *fungitarum* familia, quamuis diuersae figurae, quarum imagines in modo citata *Tab. I. comparent, num. 13. 14. 15. 16. 17.* disparis etiam materiae ac duritiei: Sed reliquis mollior aut friabilior existit *num. 15*, cui respondet in *Tab. III. num. 1. gemellum* quidem, uti existimo, *Alcyonium*. Similes his nactus sum plures, etiam *tergeminos* lapides *Alcyonium tuberosum in forma ficus*, iam olim a *Ferr. IMPERATO Hist. Nat. Lib. XXVII. cap. 8.* notatum, minori forma referentes; praeterea uero diuersos alios *fungitas, pileatos, orbiculatos, striatos et crispatos*, cuiusmodi quosdam sistit *Excell. D. Car. Nic. LANGII Histor. Lap. figurat. Heluetiae, Tab. XI. et XII.* Accuratas autem praecipuorum ex meis imagines dabit *Physiotamei* promissa descriptio. Ad eandem *uegetabilium fossilium* seriem quoque pertinent nonnulla *Coralliis affinia*. post *Oryctographiam* editam reperta, quae pariter



ter isti Operi ampliori referuantur; quemadmodum etiam *Lithoxyli* differentiae nondum traditae.

Sub finem *Capitis* VI. O. N. pag. 56. mentionem inieci *Ichthyolithorum*, et me excusavi, quod apparatu ipforum sufficienti tunc non instructus, parum aut nihil speciatim de iisdem commemorauerim. Ab illo autem tempore tantarum copia et uarietas mihi obtigit, e uicinis *Eichstadio* montibus, ut peculiarem fere tractationem mereantur, et amplissima hinc fieri queat accessio ad *Querelas* et *Vindictas Piscium*, laudatissimo D. SCHEVCHZERO interprete, diuulgatas. Habeo iam paratas complures rariorum, *Tabulis aeneis* expressas icones, quae in *Physiotamei* expositione proferentur. Interea de Lapide, istas *piscium reliquias*, et plerumque *ossa* atque *spinas* saltem comprehendente, hoc annoto, quod sit *marmoris tabulati species*, cuius uastissima strata in istis montibus extant, inde uero erutae tabulae, non admodum crassae, tectis aedium construendis impenduntur; e crassioribus autem fragmentis pauimenta aliaque utensilia confiunt. Eum igitur in finem quando lapides fodiuntur, haud infrequenter in conspectum prodeunt tabulae, cum *Dendritas*, tum *Piscium*, *Cancrorum*, aliorumque *marinorum animalium exanquium*, quin et *conchyliorum* corpora includentes. Sunt mihi quaedam *Piscium* specimina, in quibus praeter ossa et spinas, *squamarum* etiam et *carnium uestigia* luculenter apparent; et in unius cranio ipsum *cerebrum petrificatum*; in alius cauda bifida naturalis color, a reliquo diuersus, nempe rufus. Non autem magnitudine solum, sed et ipsa forma multum differunt *Ichthyitae* nostri; quamuis difficile sit *species* singulas discernere, cum in plerisque indiuiduis sola supersit ossea compages, ac ne quidem haec semper integra, dilapsis passim carnum putredine partibus, aliis etiam su-



periori, aliis inferiori tabulae adhaerentibus. Ceterum permulti sunt admodum *distorti*, manifesto indicio uolentae necis, ab ingesta mole per diluuium materiae limosae, postea in saxum duratae.

*Piscibus* illis *κατ' ἐξοχήν* dictis, qui omnes quondam sine dubio sanguine fuerunt praediti, succedunt nunc *Exangia Animalia petrificata*, et primo quidem *molliora*, aut saltem a crustaceis atque testaceis diuersa. Inter haec eminent *Stellae marinae*, quarum unius et alterius speciei fragmenta et *articulos ramorum*, esse *Entrochos* et *Astroitas* nostrates, antea confessus sum. Integrā eiusmodi maiorem *Stellam fossilem* reperire hactenus nondum licuit, quin neque conspicuam eius portionem, cohaerentibus inter se aliquot ramis; qualem forte exhibuit beatus D. Eberh. Frid. HIEMERVS, peculiari opusculo *de capite Medusae*; quod uocabulum nouiter quidem a RUMPHIO introductum, nouam tamen rem neutiquam designat, sed pridem a RONDELETIO obseruatam ac delineatam, *Stellae Arborescantis* titulo. Cognatam uero huic speciem frequenter admodum inueni in laudato lapide fissili, sed perminutis speciminibus, quando maxima, mihi uisa, ab uno radiorum apice ad alterum, uix duas complent uncias: Medium ipsorum corpus siue centrum est pentagonum, modice elatum, ex quo interstitiis aequalibus prodeunt *quinque radii*, statim ab exitu *geminati*, ut primo aspectu *decem* appareant. Singulos radios ab exortu ad extremum usque transuersarii obfident cirri, sed qui plerisque in exemplaribus, forsan praegressae putredinis causa, deficiunt, in aliquibus tamen sic satis copiose conspiciuntur, ut ipsi radii uix queant discerni: utriusque conditionis schema sistitur in *Tab. III, num. 4. et 5.* Cum uero in hanc *Stellam* apud Autores inquirerem, deprehendi *Fab. COLVMNAM in Phytobasani*  
appen-

appendice pag. 12. & 13. primum proposuisse et figuram et descriptionem illius, apposito cognomine Graeco, *διὰ δακρυαζήσαντος*, q. d. *stellam decem combinatorum radiorum*. Non immerito igitur mihi gaudeo, quod primus declarauerim istam *stellae marinae speciem*, inter petrificata detectam, cuius deinde exempla cum Amicis communicavi, quemadmodum Clarissimus *Memorabilium Saxoniae subterraneae Scriptor*, G. F. MYLIVS, in Parte II. istius Operis pag. 34. ultro testatur, addita etiam communicati speciminis imagine; Aliorum autem complurium accuratas effigies meum repraesentabit *Physiotameum*.

Ad *Exanguium* porro seriem refero *Lumbricos marinos petrificatos*, quorum insignem habeo uarietatem in eodem lapidi fissili. Differunt autem longitudine, latitudine et figura plurimum. Nudos fuisse apparet, nullis testaceis habitaculis aut tubulis inclusos, magna cum nostris *terrestribus lumbricis* similitudine; Quidam non admodum longi sunt, nec multum intorti; quidam valde longi, ut, si explicari possint, aliquot pedum longitudinem prae se ferrent; sed plerumque sunt mirum in modum *contorti* et *conglomerati*; nonnunquam incertis interstitiis *coarctati* aut *geniculati* observantur (uid. *Tab. III. Num. 2*); aliquando ueluti granulis aspersis aspera superficie: Amplitudinem anserinae pennae pauciores aequant; complures multo sunt angustiores; lapidi concolores, paucis exceptis obscurioribus. Aliis uero etiam lapidibus adhaerentes reperi passim in montibus nostris, uariae magnitudinis; et tenuissimos quidem *Tab. III. fig. 3.* depictos. Vtrum enarrati hactenus *Lumbrici* toto genere discrepent ab illis, quorum domicilia *tubuli* existunt uere *testacei*, quibus egredi forte potuerint, non ausim decernere, nec tamen improbabile penitus arbitror.

Exem.

Exempla *tubulorum* eiusmodi *hermicularium* uidesis in *Oryctogr. Nor.* Tab. VI. Num. 15. & 16. descriptionem uero ipsorum pag. 72. quibus multo luculentiores postmodum inuentos, producere possem: Conferatur interim Clariss. LANGIUS l. c. pag. 160. Tab. 50.

Nihil in *Oryctographia* commemorauit de *Crustatis animalibus petrificatis*, quoniam tunc parum aut nihil eorum in nostra regione deprehenderam: ast ab illo tempore complures obtinui differentias eius generis, quod uulgo *cancrinum* uocant. *Gammari* quidem, siue *Astaci* nostratis et communioris, nulla nisi minima nactus sum specimina, quorum unum pedibus quasi insistens, sinistra forfice diducta, alterum inuerso situ ac in dorso recumbens spectatur. *Squillae* autem *gibbae minoris*, quali Oceanus Germanicus et mare Balthicum abundant, diuersas habeo magnitudines ad summam usque, tametsi haec uncias duas cum dimidia uix soleat excedere; singulae natiuum crustae colorem atque laeuorem pulchre ostendunt, quaedem brachia etiam et pedes conseruant. Habeo praeterea *squillis affine vel simile animalculum*, quod Steph. a SCHONEVELDE, in *Ichthyologia* pag. 73. annotauit, uulgo ad mare Balthicum nominari Schaff-worm, uel Scheffte seu Sprockwurm, *squillis minimis figura respondens, crustaque instar illarum contextum, uix transuersum digitum longum, sed piscatoribus esse infestum, quod nemperetia et tenticula, quibus hami affiguntur, arrodant.* Elegantissimum autem prae caeteris possideo exemplar *squillae gibbae maioris*, plurimum conueniens cum imagine ab ALDROVANDO, Lib. de *Crustatis* cap. 13. edit. Bonon. pag. 152. proposita: longitudo eius est sex unciarum circiter, non computatis corniculis praelongis, a capite porrectis. Proxime ad nostram accedit ea, quam *Museum Beslerianum* Tab. XXXII. exhibet, in eiusdem generis

generis lapide repertam, nisi quod haec paulo minor sit, et forficulas prae se ferat, a pictore forsitan temere affectas, cum squillae ipsis careant. *Dimidium* saltem accepi *specimen Cancrī*, exacte congruentis cum *Cancro flauo* RONDELETH; quod si haberem integrum, profecto elegantia pariter ac raritate foret nulli secundum. Vtique autem rarissima existit *species crustati generis*, quam delineatam sistit *fig. 6. Tabula mea III.* Nullam ipsi similem in ullo *Zoographorum*, quos omnes studiose peruolui, hactenus deprehendere potui: Brachiis atque *chelis* gaudet *longissimis*, toto nempe corpore reliquo duplo fere longioribus; apices chelarum ualde inaequales; reliqua propemodum omnia *Astaco simillima*. Aliud eiusdem exemplum habeo in situ contrario, ut supina corporis pars cum transuersis caudae plicis clare conspiciatur. Ceterum dubito, utrum ad *Astaci*, an ad *Locustae* familiam referri debeat? ueruntamen cum priori maior apparet conuenientia. Ad *Locustae* autem genus pertinere uidetur illa species, cuius duo nactus sum specimina; quorum maius quatuor unciarum longitudinem corpore superat; forcipibus angustis instructa brachia, aequalibus ferme apicibus; in dorso existit scutum quasi dentibus per ambitum profunde ferratum, papillis innumeris asperum. Icones plerorumque istorum cancrini generis fossilium, sane rarissimorum, *Physiotamei* descriptioni adjungam.

Nunc autem ad *Supplementa reliquis Oryctographiae Nor. capitibus* adornanda progredior. Circa *diuisionem uero testaceorum fossilium*, Tabula singulari propositam et *Capiti VII.* insertam, admoneo, illam quidem cognitis tunc mihi speciebus distinguendis sufficere, in aliquibus tamen articulis immutandam, passimque extendendam esse, si recentius obseruata sub eandem redigere uellem; quod etiam de Bivaluium Tabula similiter instituendum

foret. Ast enim uero praesentis temporis angustia, et negotiorum multitudo, ut id efficerem, non permittunt; dabo tamen operam, ut accessiones singulae ad loca sua congrua dirigantur.

Pag. 60. Fragmentum saltem ingentis *Nautilitae* indicaui; quod quidem aspernandum uel ideo non est, quoniam interiores helices perquam clare ostendit. Ante aliquot autem annos *integrum* eius generis accepi *Nautilitem* prope pagum *Peunding* repertum, cui sane similem nec ipse unquam uidi, nec ab ullo autore memoratum noui. Amplitudo eius in diametro pedem geometricum ad uncias duas excedit; *naturali* autem *testa*, excurrentibus per hanc a centro lineis siue striis euidentibus, maiori ex parte adhuc intectus conspicitur, ut profecto splendidius ac melius conseruatum specimen eiusmodi reliquiarum a diluuiio nullam habeam. Icon ipsius, aeri iam insculpta, comparebit in *Physiotope* nostro; quemadmodum et alius minoris *Nautili fossilis*, cuius alterum latus ad umbilicum usque deterendum ac depoliendum curauit, ut *concamerationes* tanto perfectius pateant, quae et in alterius lateris ambitu, qua destituitur testa, manifestae satis sunt.

Prope accedit ad *Nautili* configurationem in *Tab. Suppl. I. num. 18.* propositum *Ammonis Cornu*, nisi quod praeter extimam helicem amplissimam, interiorum quoque nonnihil in umbilico appareat; quam conditionem ego unicum inter *Nautilitem* proprie dictum et *Cornua Ammonis* quaelibet, distinctionis fundamentum agnosco. Habere non pauca, siue species nouas, siue notabiles saltem *uarietates Cornuum Ammonis*, sed quia icones ipsarum in hisce tabulis non extant, designationem *Physiotope* referuatam uolo. Ceterum, quod in O. N. pag. 64. insinuaui, quod nempe *Cornuum Ammonis* quaedam species *uastae magnitudinis* inueniantur, idem nunc pluribus exem-



exemplis confirmare possum; siquidem integra possideo ex *Monte Mauritiano* effossa, sesquipedalis, quin et amplioris diametri; unum etiam cum *matrice* sua pariter integra. Obtinui quoque ex aliis speciebus eiusdem generis *per ampla specimina*, illius praesertim *Cornu Ammonis*, quod spina per dorsum non articulata gaudet, undosis uero per helicum latera excurrentibus striis praeditum, in *Tab. III. O. N. fig. 6.* delineatum et pag. 65. indicatum est; huius unum alterumque complet dimidium pedem ac in latere depolito cameras transuersas pulchre ostendit. Ast in *Tabula III. supplementis hisce* iungenda, *fig. 7.* cernere licet duo *Ammonis cornua* sibi incumbentia et arctissime concreta, eius speciei, quae *O. N. Tab. III. fig. 4.* depingitur.

Quo minus ad alia statim pergam, detinet me tantisper promissum pag. 68. factum, uidelicet fore, ut amantissimus Frater meus D. IO. GVIL. BAIERVS b. m. *Originem Fossilium figuratorum plerumque ab uniuersali diluuiio*, argumentis firmioribus demonstraret, contra dissentientes. Et ille quidem ad hunc finem iam iam inceperat anno huius saeculi XII. materiam istam, edita *Dissertatione prima* sic tractare, ut, propositis ordine quodam phaenomenis, secutura Dissertatione una aut altera, contrarias hypotheses mathematica quasi methodo expendere, dilueret, ac illam saniozem prudenti obseruationum applicatione dilucidaret; Neque dubium erat, quin potuisset idem cuncta expedire sufficienter, utpote necessariis adminiculis scientiae, ac rerum ex mea collectione exemplis instructus, tum et egregia *du d'un epuyruulux* praeditus; at enim uero, laborum in officio sacro quotidie ferendorum cumulus, indeque fracta sensim ualetudo ita impediuerunt optimum Virum, ut anno superiori aerumnosam hanc uitam cum meliori commutans, non



nisi ualde imperfectum opus relinqueret in schedis aliquibus parum digestis ; quibus equidem ordinandis , et quantum potero , supplendis ut operam dem , ipsa iubet pietas , ac indelebilis fraterni amoris recordatio , quae uel plura ut ei statuerem monumenta deposcit.

Reuertor autem nunc eo , quo digressus sum , ac *fossilibus testaceis uniuersalibus* , et quidem *turbinatis* longius productis , annumero *Buccinum exiguum* , sed formosissimum , saxo adhaerens , cuius elegantiam chalcographus minime assecutus est. Alteri turbinatorum ordini adscribo luculentissimum specimen *Cochleae* , quam *caelata* ab externo habitu cognominant : Effossum illud e monte oppido *Herspruccensi* opposito , mihiq; ad delineandum saltem fuit concessum a ciue quodam istius loci. Habeo etiam alibi in regione nostra deprehensos exquisitos *conicos* , *trochisq; dictis simillimos Conchitas* , in quorum uno etiam interior *cochlidii structura* pulchre apparet.

*Echinitarum* autem , non tam nouas species , quam descriptarum iam in O. N. pag. 70. et seqq. exempla notabiliora inueni , quale est illud in *Tab. I. num. 21.* propositum , *Echini* scilicet , non paucis adhuc integris papillis , quae aculei infederant , conspicui. *Radium* uero seu *aculeum* plane singularem atque rarum , neutiquam clauatum , satis tamen crassum , in extremitate breuibus spinis oblitum , manifesto ad basin *acetabulo* , exhibet *Tab. II. fig. 1.*

Ad Caput VIII. O. N. plura occurrunt adiicienda , *Bilauium* scilicet *fossilium testaceorum* generis specimina , tam eorum , *ualuis aequalibus* , quam *inaequalibus* praedictorum. Et prioris quidem ordinis diuersae admodum species pulcherrimae sistuntur in *Tabula II.* ubi num. 2. *Conchites* quasi medius inter *Mytilum* et *Musculum* , quandoquidem altero extremo acuminatus , prope id a latere cardi-

cardinem suum ostendit. *Fig. 3.* conuenit fere cum *fig. 14. Tab. IV. O.N. pag. 75.* sed tamen non tam *Pholadis* quam *Tellinae* uidetur esse species. *Num. 4.* extat *Musculus* ualde conuexus ac tumidus, ualuis in utroque extremo rotundatis; *Num. autem 5. et 6.* sunt *Musculitae* exigui, et hoc fere tantum nomine discrepantes ab illo, qui *O.N. Tab. 4. fig. 11.* notatur. Quod uero in hac, ad *Supplementa* spectante *Tabula num. 10.* occurrit *Conchylum* oppido rarum, nec nisi hoc unico specimine hactenus mihi cognitum, quo referre debeam, haereo, afine tamen iudicauerim *Mytilis*, nisi obstarent profundiores striae. Ast *multo rarissimum et elegantissimum* est *Conchilium*, quod *Num. 11.* ab utroque latere contueri licet. In medio secundum longitudinem clare apparent commissurae et *γυγλυμοί*, quos ambae ualuae mutuo crenarum concursu et amplexu formant, sicut in *pectinibus* atque *pectunculis* plerumque obseruatur. Ea autem est conditio ualuarum eius, ut exiguam et ualde compressam habeant latitudinem, tanto maiorem uero profunditatem, a margine ad dorsum, quod leuiter conuexum utrinque existit. Ipsae testae, quemadmodum crenis, ita etiam transuersim incuruatis striis alterne sibi respondent. Vix duo integra huius *conchylī* exemplaria nactus hucusque sum, et alterum quidem delineato in *Tabula* paulo maius, de cetero autem per omnia simile; Habeo etiam alterutram ualuarum solitariam, et a socia casu separatam, quin et in alio lapide expressam alius *formam* siue *matricem*. Haec mea exemplaria posteaquam contuli cum istius *figurati fossilis*, ab Excell. D. Io. Frid. HENCKELIO, in *Flora saturnizante*, pag. 561. et seqq. descripti, tum etiam ab ipsomet mihi transmissio specimine, in saxo arenario, haud obscura conuenientiae momenta collegi, quamuis in amplitudine discrimen sit, ac figurae l. c. aere

expressae multum abludant, fortasse non minori pictoris aut calcographi errore, quam rerum ipsarum dissimilitudine. Quare, quod laudatus Vir in suis ad me literis perscripsit, beatum ROSINVM istud figuratum, pro *insecto marino* uenditatum, maluisse *testaceis* inseri, nunc apud me saltem omni caret dubio. Ad quem uero ordinem illud nostrum pertineat, non adeo difficile erit decernere, si consideretur insignis analogia eius cum *conchis cordiformibus*, alias *Cartissis* nuncupatis; qualium differentias in mea *Tabula* III. num. 7. 8. 9. proposui.

Sed ut reliquas in eadem *Tabula* exhibitas *Bivaluium aequalium* species explicem, notare decet, quod Num. 12. et 13. ratione striarum transversalium atque rugarum, prope accedant ad O. N. pag. 76. et *Tab.* IV. num. 33. uitiose quidem pro 23. indicatum *Conchitem*, nisi quod ille nouus, fig. 12. designatus, paulo magis sit conuexus; uidentur tamen omnes *Musculitis* quam *Pectinitis* esse propinquiore; quo etiam referri debet *Musculus fasciatus ualuis aequalibus* a DN. SCHEVCHZERO notatus in *Epistola* praemissa, sub Num. V. in *Tab.* uero adiecta uitiose per chalcographum Num. VI. signatus, quemadmodum eiusdem errore *Pectinites rarioribus striis*, una cum *Musculo plano, oblongo, angusto*, ibidem fig. V. indicatus est, cum poni debuisset Num. IV; quas aberrationes leuiculas attentus Lector facile agnoscat atque corriget.

Sequuntur nunc Additamenta ad alterum genus *Testaceorum Bivaluium*, nempe *inaequalium*; ubi prae multis aliis occurrit specimen integrum ac prorsus incomparabile *Pectinis utrinque auriti et conuexi*, altero tamen latere notabiliter planioris: latitudinem habet quatuor fere unciarum, longitudinem uix minorem: Hoc insigne totius meae collectionis ornamentum, ex quadam cella Herspruccensi effossum, haud modico acquisitum pretio inter

inter rariora *Physiotamei* delineatum comparebit. Interim minoris cuiusdam *Pectinis* imaginem sistit *Tab. II. fig. 18.* reliquæ omnes in eadem *Tabula* propositæ, sunt *species Conchæ Anomiæ*, transuersim saltem striatæ seu rugosæ, *rostrato uertice*, ad pag. 71. O. N. referendæ: Et *Num. 14.* quidem singularis est latitudinis; *Num. 17.* rotundæ propemodum figuræ, margine confracta; *Num. 16.* ab utroque latere *Trigonellam* sistit.

In *Tabula* sequenti *tertia* occurrunt diuersa *Conchitarum bivaluium* et inaequalium striatorum exempla, et *Num. 8.* quidem est elegantissimum *Ostreum* pusillum, perquam simile isti, quod in SCHEVCHZ. *Oryctogr. Helvet. fig. 130.* extat, nisi quod meum non aequè sit spinosum: *Num. 9.* est nucleus prægrandis *Terebratulæ*, cui similem apud alios *Lithographos* me uidisse non memini. *Num. 10.* repræsentat *Pectunculum raris et elegantissimis striis* donatum, certe pulchriorem, quam *chalcographus* expressit; uidetur autem cognatus *Pectunculo minimo* *Clar. D. LANGII l. c. Tab. 45.* Ast *Num. 11.* eiusdem *Pectunculi* testa orbatî sistit iconem. *Num. 12.* a priori potissimum gracilitate differt; *Num. 13.* perpulchre imbricata est *Terebratula*; *Num. 15.* autem densissime striatam ac ueluti spinis obtusioribus obsitam exhibet *Terebratulam*.

Insuper hæc plura alia possem commemorare noua specimina *Oryctographiæ* inserenda, *Bivaluium fossilium* utriusque generis, e. g. ex regularibus *Chamas*, *Tellinas*, et *Musculos striatos* perelegantes in marmore tabulato *Eichstadiensî*; ex altero autem ordine *Ostreas*, ut magnitudine sic forma uaria conspicuas, imbricatas etiam, seorsim unam, quæ *Lapidi Lyncis* prægrandi se firmiter agglutinauit. Verum enim uero, quia effigies ipsorum, certas ob causas, hisce supplementis adiungere non licuit, omitto

nunc

nunc recensionem prolixiorem; quae tamen, una cum Iconibus iam iam sculptis, indubitate exhibebitur in *Catalogo Physiotamei* toties promisso, ac propediem elaborando.

Ad Caput IX. *Oryctogr. Nor. de Fossilibus salinis et sulphureis*, referenda quaedam succurrunt, nempe de *Lithanthrace* ac *Pyrite*, quibus in proxima uicinia nostra eruen-  
dis, ante perpaucos annos operam denuo fuisse datam nouimus, nec tamen optato satis successu. Singularia per conatus istos detecta phænomena hic exponerem, nisi factum iam id scirem ab Excell. Collega DN. D. SCHVLZIO nostro, cuius Obseruationes ex *Collect. Vratisslau. num. xxx.* Clariss. D. BRVCKMANNVS, *Magnal. Dei in Loc. subterr.* Part. I. pag. 92. recensuit, quae cum nostris in *Oryctogr. l. c.* propositis conferri merentur.

Tentata quoque fuit, eodem tempore, *Cespitum bituminosorum* (quos uulgo *Turffum* nuncupant) inuestigatio, multumque istius materiae deprehensum in locis paludosis *Altorsio* propinquis, ad uiam, quae ducit uersus pagum *Rieden*. Bonitas illius *Turffi* certe tanta est, ut Belgico, aut cuius alii ad ignem commode alendum idoneo, parum aut nihil concedat. Fortasse autem diutius latebit hic thesaurus subterraneus, quamdiu syluae nostrae sufficientem lignorum copiam elargiuntur; neque enim *Prouidentissimus REIP. NORIMBERG. SENATVS* ac *Præ-Illustres DOMINI PROVINCIALES* in effossionem eius liberam consentire adhuc opportunum censuerunt.

De *Metallicis*, quae post diuulgatam *Oryctographiam*, in regionibus nostris inuenta fuerint, nil habeo, quod *Capiti ultimo* adiuicerem: Quamuis enim passim, ac praecipue in *Palatinatu Solisba-censi*, quaedam uestigia eorum sese obtulerunt, uix tamen aliud reapse comparuit, praeter *pyritosas mineras*, partim *Vitrioli*, partim *Aluminis* naturam prodentes. Et ex huius quidem abundanti uena, prope arcem pagumque *Wildenreut*, non sine lucro posset excoqui Alumen, dummodo adessent, qui sumptus, non adeo magnos, in hoc opus necessarios facere uellent. Ego autem nunc

*Supplementis Oryctographiae meae impono*

F I N E M.

GEOR.






Suplem. Oryctogr.

Ner.

TAB. I.




TAB. II. Supplem. Oryctog. Nor.






TAB. III. Supplem. Cryptogr. Nor.

Figure ad Epist. Celeberr. D. Scheuchzeri pertinentes.







GEORGII FRIDERICI FRANCI  
DE FRANKENAV

MED. D. ET PROF.

S. REG. MAIEST. IN SVPREMO IVSTITIAE TRIBVNALI  
ET COLL. CONSISTOR. ASSESSORIS  
ACADEMICI CVRIOSI

DE

INCENDIO FATALI NV-  
PERO VRBIS HAFNIENSIS  
ET INSIGNI BIBLIOTHE-  
CAE TAM PROPRIAE QVAM  
PRIVATAE IACTVRA

*LVGVBRIS EPISTOLA*  
SCRIPTA

AD

*VIRVM PERILLVSTREM ATQVE MAGNIFICVM*  
D. D. LVCAM SCHROECKIVM  
ARCHIATRV M ET COM. PALAT. CAESAR.


S. R. I. NOBILEM

ATQVE ACADEMIAE IMPERIALIS NAT.  
CVRIOSOR. PRAESIDEM

REIPVBL. AVGVSTANAE PHYSICVM  
PRIMARIVM ETC.







PRAESES PERILLVSTRIS  
ATQVE MAGNIFICE,  
SENEX VENERANDE,



Memoratu imprimis dignum est, quod *Arnobius Lib. 9. adversus gentes* quærit, cur ædes frequentissime sacras, atque urbium potiores, (quibus jure merito adjungimus Bibliothecarum), ad cinerem flammaram voracitate patitur collabi iratum Numen, ut nulli amplius mortalium usui inservire possint, adeoque jactura oriatur, quæ potissimum tangit publicum, & pro qua nemo mortalium pacisci queat, irreparabilis.

Ea profecto calamitas nos nec sola mansit, nec dici potest commune naufragium, ut est in proverbio, dulce, sed acerbissimum potius luctuosissimumque, quod tot Templis, tot Collegiis, Bibliothecis publicis instructissimis, tot Viris eruditis in hac Academia, mihi que ex parte accidit præteriti anni vigesimo primo Octobris, die Musis nostris admodum exitiali, fatali, atroque ea propter carbone notando, imo ex fastis expungendo, dum scilicet intra nycthemeri spatium melior ac cultior urbis pars, Vulcani invidia, ventorumque sævitia, in cineres,

neres, in tristia rudera, immo in nihilum redacta fuit. Phaëtonis iam imminere seculum putaram, de quo Mystarum quidam prodidere, mundum hunc ad extremum omnem ignescere, vel igne consumendum; quod præter pagana, sacra etiam luculenter nobis persuadent monumenta: in illis quidem *Naso Lib. I. Metamorph.*

*Esse quoque in fatis reminiscitur, affore tempus,  
Quo mare, quo tellus, correptaque regia cæli  
Ardeat, & mundi moles operosa labore.*

Etenim (patere, VIR ILLUSTRIS ATQUE MAGNIFICE, ut horridæ, tetricæ ac terribilis illius noctis faciem, qualem proh dolor! expertus ipse fui, levi penicillo depingam) adeo copiose imber igneus per aëra dispergebatur, ut nemo ab ejus casu plateas tutus obambulare posset sine vestium detrimento. Fateor, dolendi præ ceteris mihi tum temporis plures fuisse causas, omni humana ope fidorumque hominum consortio penitus destituto, quibus bona mea concredi possent, dum nec currus nec equi iisdem ulterius prouehendis, vel ab amicis precibus obtineri, vel ordinariis aurigis ære liberalius licet profuso promissoque conduci poterant; verum communi fato moerorem justissimum, assistente sola Supremi Numinis gratia, temperavi, optimum existimans ea patienter ferre, quæ corrigere nefas, DEVMQUE propitium, quo Autore cuncta proveniunt, sine murmure quidem, sed non sine lacrymis, comitari; Quare advolantibus quantocytus flammis, quinque liberorum, sororis, propriæque ut salutis consulerem, easque evaderem salvus ac incolumis, habitationi, quæ commoda oppido & nullis Collegarum contigua, necessaria etiam ac speciosa supellectile satis superque instructa mihi erat, præter Bibliothecam Medicam selectissimam, qualem sub Arcto meliorem vix invenires

nires (absit jactantia verbo), Manuscriptorum optimorum farraginem, Museum rariorum, Instrumenta varia Anatomica, Chirurgica, Mathematica, curiosaque Anatomica, multum temporis ac laboris olim quæ absumserant, his quidem bonisque quæ in terris possidebam omnibus, terga vertere, adeoque æternum valedicere cogebar.

Vt autem, PRAESES PERILLVSTRIS SVMMEQVE VENERANDE, Cui quondam cum B. Parente sinceræ & non fucatæ intercessit amicitiae vinculum atque nexus indissolubilis, aliqua constet ratio Bibliothecæ ipsius a me multis sumtibus adauctæ, paucos quosdam nominare saltim licebit, quorum tituli etiamnum memoriæ, nimis alias ærumnis debilitatæ, inhærent, ut ex hoc specimine de reliquis facilius judicare possis: Potueram quidem, cum a sæviante Vulcano ædibus meis expellerer, geminum quem habebam Catalogum librorum, non adeo difficili labore mecum auferre, sed tristis librorum recordatio, quos relinquere flammis cogebar, me a proposito absterruit. Inter præcipuos merito numerabam *magni Hippocratis nostri & Claudii Galeni Pergameni, Archiattrōn* universa quæ extant *Opera in fol. 13. Tomis comprehensa, & Lutetia Parisiorum A. 1639. a Renato Charterio edita, cum Matthæi Pini indice gemino in omnia Hippocratis Opera, Venet. in fol. libro rarissimo. Dein ejusdem Galeni Opera seorsim Basileæ in fol. edita Græce 5. Tom. ut & eadem Opera Latina nitidissime Venetiis apud Iuntas impressa 4. Voluminibus grandioribus. Henrici Stephani Principes Artis Medicæ post Hippocratem & Galenum, Græce & Latine 2. Volum. in fol. Lutetia impressa. P. Æginetæ Opera, Græce, ex Aldina Edit. Venet. Vlyssis Aldrovandi Opera in fol. edit. Francofurt. Petri Gassendi Opera V. Tom. in fol. edit. Lugdunens. Dan. Sen-*

nerti Opera omnia in fol. 2. Tom. Lugduni impressa. Hevelii Selenographiam & de Cometis, in fol. Lubienitzkii Theatrum Cometicum, in fol. Amstelod. Franc. Tertii de Lanis Magisterium Artis & Nat. 3. Tomis in fol. P. Athanasii Kircheri Mundum subterraneum, Musurgiam, de Arte Magnetica, item Artem Lucis & Vmbra, in fol. P. Mersenni ac Galilei de Galileis Opera omnia. P. Schotti Opera Physica & Mathematica. Ioh. Alph. Borelli Opera Physico-Mathematica in 4t. Gesneri Opera in fol. Avicennæ Opera Arabice, Romæ, in fol. impressa. Franc. Bayle Opera omnia in 4t. Tholosæ edita 3. Volum. Gvern. Hap-pelii Relat. Cur. VI. Tom. Ioh. Ions-toni Opera 3. Volum. comprehensa cum fig. Miscellanea Acad. Nat. Cur. ab initio usque ad nostra tempora continuata, una cum Indice in 4t. Acta Eruditor. Lipsiens. in 4t. cum Indicibus & Supplement. suis ultra 50. Tomos. Journal des Sçavans Tom. 60. in 12. Dissertationum Physico-Medicarum ex variis Academiis Germaniæ, Daniæ ac Belgii collectarum Tom. 150. Claud. Salmasii Exercitatt. Plinianas in Caji Iulii Solini Polyhistora in fol. 2. Vol. Parisiis edita. C. Plinii, Cardani, Avicennæ, Mesuë, Vidi Vidii, Foëssii, Fallopii, Cesaris Magati, M. Aurel. Severini, Riucrii, Ballonii, P. Zacchiæ, Cassp. & Thom. Bartholini, Borrichii, Horstii, Etmüllerii, Dolei, Waldschmidii, Bohnii, Wedelii, Schelhammeri, Valentini & plurimorum doctissimorum Virorum Opera omnia, una cum Museis Wormii, Besleri, Calceolarii, Bonani &c. rarissimis, Blaëu Atlantem una cum Collectione 300. mapparum Geographicarum novissimarum & accuratissimarum, ut & iconibus pulcherrimis Principum, Virorum illustrium & toto orbe celeberrimorum.

Ex Auctorum, qui *Anatomen* illustrarunt, numero saltem præcipuos recensebimus, inter quos eminebant  
in

in apparatu nostro librario *Vesalius*, *Fabritius ab Aquapendente*, *Spigelius*, *Bidloo Anatome* cum fig. nitidissimis in fol. *Bourdon Tabb. Anatom.* majores in fol. *Bibliotheca Anatomica* in fol. 2. Tomis constans. *Marc. Malpighii Opera omnia*; *Caroli Stephani Anatome* in fol. *Raym. Vieussens Neurographia* in fol. & 8v. *du Verney de auditu.* *Frider. Ruyschii scripta varia cum Epistolis ac thesauris suis*, *Verheyen*, *Blancardus*, & *Blasii Anatome brutorum*, ceterique plures.

In studio Botanico conspiciebantur apud me *Besleri Hortus Eystettensis* cum fig. accuratissimis in charta majori. *Ioh. Bauhini Hist. Plantarum* 3. Tomi. *Aug. Quir. Rivini Hist. Plantar.* 3. Tom. in fol. *Ioh. Razi Hist. Plantar.* 2. Tomi. *Ioh. Breynii Centuria & Prodrum plantarum exoticarum* in fol. *Horti Malabarici* in fol. IV. Tomi. *Ferrarii Hesperides* in fol. *Morisonus*, *Fuchsius*, *Clusius*, *Tabernaemontanus*, *Dodonaeus*, *Petrus Andr. Matthiolus* figuris & plantis coloribus suis nitide distinctis. *Tournefort Elementa Botanica* 3. Tom. *P. Hermannii Flora Batava.* *Gottsched Flora Prussica.* *Volckamerus* &c. plures, una cum *Herbarii viui* 3. Volum. & plantis chartæ agglutinatissimis plurimis indigenis & exoticis.

Ex *Chimicis* & *Pharmaceuticis* aderant *Theophrasti Paracelsi Opera omnia*, *Theatri Chimici* Tom. VI. *Valentini Museum Museorum* in fol. *Lemerii Pharmacia & Chimia*, cum magno numero auctorum *Chimicorum Latinorum*, *Germanicorum* & *Gallicorum* &c. adeo ut numerus totius *Bibliothecæ Medicæ*, exceptis *MStis Codicibus*, excreverit ultra sex mille Volumina.

Inter *Manuscripta* asseruabantur VI. Tomi majores in fol. *Locorum Commun. Medicor.* 3. Tomi, *Physicorum*, *Consultationum* ac *Responsorum medicinalium* Tomi 2. *Vitæ Medicorum* a B. Parente collectæ, & in  
3. To-



3. Tomos distinctæ. D. *Matthæi Fabri*, Medici Hailbron-  
 nensis, *Entaphiocrustica*, *Notæ* item in *Calium Aurelianum*,  
 ut & *Aristeneti Epistolas amatorias* notæ propriæ, et cum  
*Lambecii* notis collatæ cum exemplari e Bibliotheca Cæ-  
 sareæ Vindobonnensi. Neque mihi soli incendium istud  
 fuit ferele & damnosum, sed & insidias struxit Fratris mei  
 carissimi reliquiis Bibliothecæ ac MStis variis in Hispania  
 & Gallia, non sine magno labore collectis & custodiæ  
 meæ concreditis ante abitum 8. abhinc annis ad aulam  
 Cæsaream, ex quibus præcipue nominari merentur *No-*  
*tarum & Observationum in universam S. Scripturam ve-*  
*teris & novi Testamenti Volumina XXIV.* magno studio,  
 & continuata plurium annorum opera a B. Parente con-  
 scripta, quibus permulta postea inseruit & adjecit pari in-  
 dustria & sacrarum literarum notitia instructus filius ejus,  
 frater mihi unice dilectus, *Gerhardus Ernestus de Fran-*  
*kenau*, Serenissimo ac Potentissimo Regi nostro in Aula  
 Imperatoria Viennensi a Legationis Secretis. Præterea  
 in scriniis ejus custodiebantur *Orationes variæ* Panegy-  
 ricæ habitæ olim in Academiis Heidelbergensi & Witte-  
 bergensi, ut & *Epistolarum Latinarum* a Parente & ad  
 eundem exaratarum a personis illustribus, Virisque, tam  
 intra quam extra Germaniam Daniamque celeberrimis,  
 Tomi aliquot, cujus rei, PRAESES VENERANDE, testis  
 ipse esse poteris omni exceptione major, quocum quippe  
 creberrimum, dum vivebat, literarum intercessit com-  
 mercium. Eiusdem infesti infaustique ignis aviditatem  
 elidere non potuere *duo Diplomata Cæsareæ*, ab Augu-  
 stissimo quondam Imperatore LEOPOLDO glôr. mem.  
 Familiae nostræ clementissime concessa, *alterum S. R. I.*  
*Nobilitatis immediata*, *alterum Comitum S. Rom. Palatii,*  
*tum & Matricula Facultatis Med.* cui adscripti fuere,  
 quamdiu eidem præfui, 20. Med. Doctores, quibus ego  
 Præses

Præses Dissertationum ac Brabeuta, supremos in Arte honores contuli; 4. item Doctorandi ad consueta examina admissi, ut & ultra centum Chirurgiæ & 90. aliquot Pharmaciciæ & Chimiciæ Candidati in Magistrorum numerum relati, præter ingentem obstetricum juratarum numerum. Talismodi fuit actorum & laborum meorum hac in Academia exantlatorum ultra 5. lustra finis atque exitus.

Ast quid mea pluribus jactito, meamque deploro jacturam, quæ minima fuere respectu Academiae & honoratissimorum Collegarum meorum, pari fato tristissimo tunc temporis expositorum; amisit enim fatali hocce Urbis incendio Academia bina templa urbis primaria, scil. D. Mariæ alterum, alterum SS. Trinitati sacrum, in cujus posterius nominati superiore parte exstabant doctorum usibus expositæ 1°. *Bibliotheca Academiae major*, Regale donarium gloriosissimæ quondam memoriæ Serenissimi Regis CHRISTIANI IV. cum turri Astronomica, Stellæburgo nostro, variis instrumentis, tubis, machinis, planetarum, ut & satellitum *B. Olai Römeri*, quadrantes majores, *B. Tychois Brahe* Globus coelestis major, aurichalceus, in gradus & minuta divisus curiosissimus. Cæterum ingentem librorum selectissimorum copiam commendabant varia emblemata, Virorumque doctissimorum effigies rarissimæ pictæ ac æri insculptæ, simulac optimorum MStorum farrago. Aderant præterea in eodem conclavi splendidissimo atque amplissimo visendæ *Bibliotheca, Brochmandiana, Muleniana, Reseniana, Dietericianæ, Fuireniana triplex*, scil. *Henrici, Thomæ & Theodori Fuirenii* Mathematico-Physico-Medica selectissima, in qua *Gomezii Pereira* Hispani *Antoniana Margarita*, opus alias rarissime oculis libandum, occurrebat, *Methymna* in fol. 1554. impressum. Proxime ædem Marianam sita erat *Bibliotheca Albertina, Lemvicanæ & Gels-*

*trupiana* *vetus* cum *Hæpneriana*, *Iuridica* & *Historica*, in quibus codices pervetusti circa *Typographiæ* incubula impressi deprehenduntur, quæ omnes cum *Borrichiana* et *Elerfiana* earundemque *MStis* misere uno eodemque die periire.

Eandem *Vulcani*, *Minervæ* destructoris inimicissimi, violentiam ac tyrannidem expertæ sunt *Bibliotheca privata*, inque his præcipue nominandæ instructissima illa summe *Venerabilis Seelandiæ Episcopi Dn. Christiani Wormii*, paucissimis privatorum hominum in orbe literato inferior credita, nec non illa *Venerandi Dn. Præpositi, Martini Reenberg*, utriusque t. t. in *Synodo Roskildensi* absentis. Post hasce etiam *D. Ioh. Bartholini*, & *Ioh. Steenbuchii* *Theol. Prof. celeberrimorum*; *Dn. Andr. Frölundii*, h. t. *Rect. Magnif. Dn. Matthie Anchersen*, *D. Henr. Dykscopii* & *Matthie Schreiberi*, *Pastorum* hujus loci vigilantissimorum; *Collegarum* item honoratissimorum, *Dn. Prof. Arne Magnæi* *historica selectissima* cum multis *MStis* curiosis, ut & *M. Ioh. Grammii*, *P. P. Græcæ Linguae*, cujus tamen supellectilis *librariæ* melior pars, magno nobis solatio, flammæ adhuc evasit.

Deplorat insuper funesti hujus destructoris sævitiam *Museum Academiæ rariorum* curiosissimum, meæ curæ a 20. jam annis concreditum, & cujus sine suspiriis ac lacrymis vix recordari licet; erat enim multis abhinc annis magnisque sumtibus & labore *Wormiorum, Fuireniorum, Bartholinorum, Paullinorum, Iacobaorum* conquisitum, & affabre instructum elegantioribus ac rarioribus mineris, metallis, lapidibus, terris, conchyliis, marinis, diversis figuris catoptriciis, & microscopiis, sceletis variis humanis, foetuum, embryonum, monstrorum, rariorum item animalium, utpote leonis, equi,

equi, cervi, apri, lupi, melis, canis, simiæ, struthionis avis, cygni, variorumque artefactorum.

Similiter aderant systemata omnium arteriarum, venarum, nervorum, venæ portæ & cavæ, ex homine extractorum, tabulis agglutinatorum, atque hoc modo ex Italia ad nos advectorum, una cum X. Tabulis Anatomicis omnium viscerum ac musculorum humanorum, ad vivum ab Appelle quondam Regio, *Carolo von Mandern* famigeratissimo, egregie depictorum, ita, ut nulla industria humana melius exprimere posset, discentium utilitati apprime inservientibus, nec non speculis causticis majoribus, machina digestoria Papiniana, atque Antlia Pneumatica in diametro 6. pollices possidente, cum hemisphæriis æneis grandioribus, campanis, vitris, omnibusque ad hanc pertinentibus requisitis necessariis, mea cura aliquot hinc annis adornata, adhuc variis siphonibus, rebusque artificialibus plurimis constabat, cunctis in usum Philosophiæ experimentalis ulterius provehendæ Curatorum Academiæ munificentia dicatis & accommodatis.

Pluribus communis hujus calamitatis meminisse piget, temporisque calamitosi angustia id vetat. Adeo paucos novit secura quies, dum ubique naufragium Aeolus, & incendium Vulcanus, inimicus Musarum debellator parat, etiam maxime cautos interdum opprimens, ut si ipse Tibi domi caveas, foris scintillæ cumulative advolent, cunctaque devastent. Solum nunc superest, ut eidem consolationis generi, quo usus olim magnus noster B. *Thomas Bartholinus*, assuescam, postque deploratam frustra optimarum rerum jacturam in hæc verba erumpam: Sic me immenso onere gravique sarcina sublevavit Omnipotentis provida cura, omnia nunc mecum quæ scio, portantem, atque jussit, ut dato quasi per  
s 2 ignem

ignem exploratorium signo, de alio post fata hæc vivendi genere serio cogitem, spretisque mundanis, quæ hæc-  
 nus vel mentem turbarunt, vel calamum delassarunt, ad  
 immortales de DEO animæque salute curas suscipiendas,  
 me totum imposterum componam, haud unquam im-  
 memorem *inscriptionis* illius fatidicæ *Bartholinianæ*, li-  
 bro de incendio *Bibliothecæ*, hic subnexæ, qua ultimum  
 cineribus valedixit.

D. M.

QVI TRANSIS SPECTATOR

FAVILLAS ERVDITAS VIDE ET INGEMISCE

HEIC CINERES DOCTI PROFANIS MISTI

LOQVI NON CESSANT

QVANQVAM ET LITERÆ DESINT AC LINGVÆ

QVOS POSTERI LOQVENTVR

ETIAM COLLVCTANTES CVM PROPRIIS CINERIBVS

QVORVM FLAMMA ABSVMERE POTVIT CONTEXTVM

NEVTIQVAM IN ORBE LOCVM

NVNQVAM MEMORIAM

ABI OCYVS

NE PVLVERE MOTO OCVLIVS FRVSTRA OFFENDANTVR TVI

QVI SE IN HOC LIBRORVM PVLVERE

ANTE CINERES

CVM VOLVPTATE OCCVPARVNT SÆPIVS.

Ex busto Hafniensi

d. 14. Mart. A. C. 1729.

---

NB. In huius Epistolæ titulo lin. 12. pro PRIVATAE  
 leg. ACADEMICAÆ.



WILHELMI HVLDERICI *Baldschmidt*  
MED. DOCT. ET IN ACADEMIA HOLSAT.  
PROFESSORIS PRIMARIJ

*DE*

**SVPERFOETATIONE  
FALSO PRAETENSA  
*DISSERTATIO***

CVI IN FINE ACCESSIT

**EXTRACTVS PROTOCOLLI  
IVDICI INQUISITORII IN PVNCTO  
SVPPOSITI PARTVS STELLIONATVS  
ET ACCELERATAE MORTIS INFANTIS  
PROPRII.**



WILLIAM L. DICKSON  
MED. DOCT. IN A. M. D. 1861  
1861

SUPERFECTATION  
FALSO EMBELLISHMENT  
DISSEMINATION

ONE IN FINE COLLECTION  
EXTRACTIVE OF THE  
INDICATED IN THE  
EXTRACTIVE OF THE  
EXTRACTIVE OF THE



*VIRO NOBILISSIMO ET EXPERIENTISSIMO*  
**DN. CHRISTIANO IOACHIMO**  
**LOSSAV**  
**MEDICINAE DOCTORI**  
**ARCHIATRO DVCALI ET PRACTICO HAM-**  
**BVRGENSI CELEBERRIMO**  
*SALVTEM ET OFFICIA.*

P. P.

**N**osti, VIR EXPERIENTISSIME, quæ de superfœ-  
 tatione in vicinia nostra, currente anno  
 1725. acta fuisse non vago rumore, sed tes-  
 tibus & circumstantiis omni exceptione  
 majoribus divulgabantur. Pauperculam  
 ante triennium abortum passam, ante biennium vero fi-  
 liam vivacem enixam, anno supra dicto die 18. mensis  
 Maji peperisse filiam, & tertio Octobris ejusdem anni,  
 fausta Lucina, filium, utrosque justo & naturali termino  
 editos, perfectos & vitales. Rem ut oppido raram, in  
 programme intimatorio Inauguralis Tuæ, de *Valore*  
*Medicina & Chemia*, historice & physice, sed breviter,

ut scopus & charta ferre poterant, eruditæ proposueram, additis tribus superfoetationis exemplis ex relatione personarum, fide quam maxime dignarum, una cum causa superfoetationis frequentissima, ab ipso Hippocrate libro de superfoetatione adducta. Mirabatur orbis eruditus rem insolitam, & de veritate ejus solliciti medicorum celebrium plurimi, per literas certiores reddi a me cupiebant, quibus communicato programme rem, ut acta erat, perscribebam. Sed, ut fit in rebus humanis, licet omnis adhibeatur circumspectio, omnesque circumstantiæ perpendantur quam diligentissime, & quicquid præcautionis adhibeamus, tamen nonnunquam decipimur: fallere enim & falli non est alienum ab hominis ingenio. Ecquis fraudis quicquam hic subesse vel suspicari poterat? Mulier paupercula, uxor rustici tenuissimæ conditionis, mater filiæ ante biennium prognatæ, cui victum vix suppeditare poterat, se denuo sentit gravidam, accedit pastorem loci & confessionarium, Virum ut eruditum, ita sane prudentem, ipsique aperit, se esse imprægnatam, confitetur peccata sua, & obtenta absolutione ad sacram coenam admittitur, seque deinde publicis precibus per Verbi Divini ministrum singulis dominicis commendat. Postquam vero tempus partus, quod instituto calculo sibi præfixerat, per plures septimanas præterlapsum erat, fraudem cogitavit, nulla alia de causa, quam ut vexationes & irrisiones vicinorum & vicinarum evitaret; nam ignominia & dedecori cedere existimabat mulieri nuptæ, si unquam se gravidam esse frustra sibi fuerit imaginata. Occasione igitur ita ferente, meretricis, itidem egenæ, infantem recens natum pro suo venditat, & marito, totius rei ignaro, ut filiam ab ipso conceptam obtrudit, firmiter persuasa, se non amplius esse gravidam. Sed quæ alios decipiebat, illa egregie iterum decepta est:

sensit

sensit enim post aliquot septimanas , se utero gestare , & revera esse gravidam , id quod rumori de superfoetatione primam dedit occasionem cum hoc marito , agnatis , vicinis , Pastoribus loci & Domino prædii patefaceret , fraudemque priorem callide cunctis occultaret , ita , ut post viginti septimanarum a primo prætenso partu spatio filium ediderit , ut omnes credebant , superfoetatum . Atque hæc tota est illa historia , quam mirati sunt omnes , quamque nemo , cui circumstantiæ notæ erant , in dubium vocare ausus fuerit , nisi meretrix ista , cujus prior & supposititius est infans , eundem repetere voluisset & sibi vendicare , & hoc ipso detectioni fraudis & inquisitioni judiciali ansam præbuisset ; testantibus actorum excerptis , in fine adjectis , unde & circumstantiæ cunctæ , & mulieris vafrities , imposturæ , mendacia , horumque poena per judicis sententiam promulgata , pluribus curiosis patebunt . Adeo verum est proverbium , Virorum astutias esse subtiles , mulierum vero infinitas .

Quid igitur sentiendum est de medicorum observationibus ? quarum fide tota nititur experientia . Magna scilicet opus est circumspectione , magno judicio , in hisce colligendis , aliisque obtrudendis : quemadmodum etiam ab altera parte cauti esse debemus in fide iis adhibenda . Neque enim assentiendum est hujusmodi historiis , quæ per rerum naturam sunt impossibiles , quæque naturæ prorsus sunt contrariæ , ut de brutorum partu a mulierculis factò , MAIOL. dier. canicul. f. 1. coll. 3. p. 42. M. N. C. Dec. 2. ann. 4. p. 193. VAN DER WIEL cent. 1. obs. 72. p. 310. SALMVTHVS cent. 1. obs. 62. p. 39. De muliere Angla *Maria Taffs* , 17. cuniculos pariente : vid. relat. Schiffbec. a. c. No. 24. hæc enim ficta & ingeniorum Græciæ afflatu corruptorum producta videntur . Hoc nomine etiam suspectæ sunt BORELLI quædam observationes : ipse THO-

MAS BARTHOLINVS, Vir summe eruditus, credulitatis nimiae nonnullis est suspectus, adductis ex observationibus, epistolis, actisque Hafniensibus hanc in rem testimoniis. Quin & aliae passim corrasae sunt ejusmodi historiae, fidei quam maxime sublesta & suspecta, quarum exempla cum odiosa sint, non lubet impraesentiarum adducere. Quod si humani quid hac in re passi aliquando simus, facili assensu & credulitate nimia inducti, officium boni viri est, detecta veritate, errorem agnoscere, rei que prout gesta est, genuinas circumstantias publico communicare, ne in sanitatem, vitam, famam proximi peccemus, & aliis errandi autores existamus.

Quod si vero a personis fide dignis, ea, quae nec plane nova atque inaudita, nec per naturam impossibilia existunt, & quorum ipsi per propriam experientiam convictos sese affirmant, tradantur, ecquis quaeso de talibus dubitabit? nisi fidem historicam omnem proscribere velimus; inprimis si nulla fraudis aut mendacii suppetat ratio. Atque haec erant illae causae, illa momenta, quibus ego cum aliis inductus, superfoetationi huic praetensae subscribebam. Nec plane impossibile erat hoc epicyema, superfoetatio, aut secundi foetus conceptus, gravida jam existente muliere, aut, quando intra pauciores dies, hebdomadas vel menses, post prioris foetus alicujus conceptionem, unus, vel etiam plures adhuc foetus ex diversis congressibus concipiuntur. Ita enim recte definitur Illustri FRANKENAVIO, Satyr. medic. 13. Quippe si auctoritatem postules, quantus non inter eruditos horum observatur numerus, quorum catalogum suppeditat PAVLVS ZACCHIAS, quaest. medic. legal. l. 1. tit. 3. quaest. 3. Inter veteres agmen ducunt *Hippocrates, Aristoteles, Plinius*, & alii. Inter recentiores plurimi, de quibus infra commodior dabitur dicendi occasio. Quamvis enim alii possibilitatem

tem superfoetationis negent, exemplo VALVERDAE, anat. l. 3. c. 14. risu dignam hanc rem existimantis : hic tamen suam sententiam nullo affirmavit medio, & ratio de grano unico, ex quo plures nascuntur, & tamen non omnes simul: ita foetus multiplices ex uno semine posse concipi, & diversis temporibus in lucem prodire, unus antea ut præcox, alius postea ut tardior, in maturitate & perfectione consequendus, nihil valet, & recte ad hæc PETR. GARCIA de loc. disp. 72. c. 4. ex Valverda hoc concludit, posse ex eodem semine diversos foetus, diversis temporibus in lucem edi, non vero probari inde, superfoetationem esse impossibilem. BLASIVS, veram superfoetationem nec unquam se vidisse, neque possibilem esse judicat, c. 7. ad Syntagma anatomicum VESLINGII. Hæc tamen affirmantium partibus nihil plane derogant, cum fundamento sane lubrico & male intellectis aut interpretatis HIPPOCRATIS æque ac aliorum autorum sententiis innitantur. Chirurgum in embryulcia exercitatissimum, Valoniensem Gallum LA MOTTE, anno seculi hujus decimo octavo Parisiis dissertationem de generatione & superfoetatione, in lucem edidisse loquitur *diarium eruditorum* (*Journal des Sçavans*) anni supra memorati mense Julio, p. 95. Sed ut verum fatear, ex sola recensione ibidem facta, ipsum enim librum videre non licuit, medium terminum hujus negationis invenire hactenus non potui. Demonstrare annititur contra HIPPOCRATEM, ut lego p. 100. hujus diarii, orificium uteri internum non magis clausum esse quam ante factam conceptionem, & quod nulla unquam contingere queat superfoetatio. Certe ex hisce, & paucissimis aliis, quæ refert diarium, nihil plane de argumentorum pondere, & quod hæc tanto majore attentione digna æstimentur, quanto unice observationibus & experienciis innitantur, dijudicare valeo.



Ipsum quod attinet HIPPOCRATEM, aut male intellectum, aut pessime interpretatum eum esse existimo, quando hi, qui superfoetationem negant, patrocinium ex L. de superfoetatione expectant, & uteri statim a conceptione firmissimam clausuram sibi imaginantur. Nunquam negavit bonus ille senex, quique nihil in Arte ignorasse nonnullis existimatur, superfoetationem, sed *illas mulieres tantum superfoetare dicit, in quibus uteri os post primum conceptum non ita valde clauditur.* Adeoque os uteri internum in gravidis ita semper claudi noluit, ut ne quidem stylum minutissimum admittere possit, nec forte unquam id fieri affirmavit: verbum enim *συνμυσσεται*, quo utitur, non clausum esse os uteri, sed connivere, ut nos palpebris, cum dormimus, significat. Vteri os, inquit Adrianus Spigelius, corp. hum. Fabric. l. 8. c. 22. gravidis hiat, tantoque magis, quanto sunt partui viciniore, quicquid etiam alii crepent ex Hippocrate, cum ipsi nec recte eum intelligant, neque experientiam, quæ veterum scriptorum, inprimis autem divini Hippocratis fidissimus est interpres, consulant.

Ad negantium partes nonnulli etiam trahunt Divum Augustinum, quando contra Chaldaeos & ariolos disputat, l. de Civit. Dei c. 6. Tanta naturæ vis est, inquit, ut cum conceperit foemina, deinde alterum concipere minime possit, unde necesse est eadem esse in genuinis conceptionis momenta. Hunc autem optime ab impostoribus vindicat Bonaventura l. 9. c. 25. ostendens pluribus, nihil aliud hic docuisse Augustinum, quam quod *in gemellorum conceptione* non possit dari superfoetatio. vid. Alphons. a Caranza, l. C. Hispanicus, de partu natural. & legit. c. 19. p. m. 628. Missis vero illis, quibus impossibilis visa est superfoetatio, antequam ad affirmantes accedam, e dubitantium numero unicum Mauricæum, celebrem embryul-

bryulciae practicum Gallum adducere liceat. Hujus meminit Dionis de generatione & partu l. i. c. 18. p. 160. putat conterraneum suum praegnantem dubitandi causas habuisse, siquidem conceptionem ex miscela utriusque sexus feminis fieri cum veteribus statuatur: ubi si semen novum in altero coitu, aperto denuo utero admitteretur, prius necessario elabi iterum, aut si id non fiat, nullam suppetere rationem, quae semina ista a sui permixtione arceat, ut distincti exinde exoriantur foetus. Imo hanc esse rationem, cur ante diem septimum impossibilem esse superfoetationem existimet autor, post hunc autem eandem cum Hippocrate admittat. Quare Mauricæum affirmantibus potius quam dubitantibus annumerandum esse censeo, siquidem l. i. c. 9. pag. 119. signa adducit, unde colligere possumus, num gemelli uno partu editi etiam simul, num successive fuerint concepti. Confer. l. c. pag. 113. Tandem pag. 114. ita inquit: Ut autem superfoetationem non plane negem, dicam saltem, fieri eandem quam rarissime, ita, ut inter centum mulieres, quae geminos pariunt, ultra octoginta reperiantur, quibus unica sit secundina, tanquam signo infallibili, ut putat, non esse superfoetatos, sed unico coitu conceptos. Quamvis nec hoc etiam perpetuæ veritatis esse arbitror. Hoc loco præterire non possum sententiam Dionis, quando l. c. p. 163. existimat, generationem ex ovo superfoetationi prorsus contrariam esse; siquidem gemelli oriantur, si duo ovula simul foecundata in uterum dilabuntur. Sed nullam ego hic video consequentiam: ex foecundatione simultanea duorum ovulorum fit gemellorum conceptio, ergo stante hypothesi de generatione hominis ex ovo, nulla potest fieri superfoetatio. Non jam dicam, rarissime generari gemellos ex duplici ovo, quoniam communiter iisdem obvolvuntur membranis, testante experientia,

rientia, ut vero quam maxime sit simile, unico ovulo nonnunquam inexistere duplicis foetus rudimenta, id quod in oviparis haud raro contingit. Alias explicatu difficilissimus foret ortus monstrorum bicorporeorum, una vel altera sui parte sibimet cohaerentium aut duplici capite, quatuor cruribus aut brachiis praeditorum. Igitur ita potius sentiendum est: si uno congressu ovulum foecundum redditur, simplex fit conceptio, aut gemellorum, caeteris tamen paribus; si duorum vel plurium foetuum rudimenta praexistiterint in tali ovulo: id quod etiam, sed multo infrequentius contingit, si unum, duo, tria ovula unico coitu impraegnatur. E contrario fit superfoetatio, si a prima ovuli cujusdam foecundatione & conceptione, a nova cohabitatione post temporis aliquod intervallum instituta, novum impraegnatur ovulum, novaque fit super priorem conceptionem conceptio.

Quod si ex vermiculis seu animalculis virili semini in-existentibus, cum Levvenhoeckio, Hartsoeckero & aliis conceptionem fieri quis statuatur, nec haec hypothesis superfoetationi ullo modo ob stare potest: si enim ex tot animalculorum myriadibus, coitu unico in uterum admissis vel unicum locum in utero offenderit, cui firmiter adherere possit, aut secundum alios ovulum ingrediatur, facta est conceptio simplex; si pluribus ejusmodi animalculis forte fortuna idem obtigerit beneficium gemelli, trigemini aut plures concipiuntur: sin vero praevia conceptione denuo concelebre tur coitus, quid vetat, quo minus de novo tale animalculum ovulum, in quod se abscondat reperire, aut uteri parieti adherere possit? Verum non placet mihi verminosa ista philosophia, quamvis illa ipsa animalcula in semine diversorum animalium non solum, sed etiam in aceto, imo in ipsa aqua simplici cernere mihi licuerit: propter diversas & summe praegnantes

gnantes rationes, quas tamen inpræsentiarum adducere non licet.

Accedendum potius est ad illos superfoetationis testes, qui a partibus affirmantium stant, quasque beatiores censet laudatus illustris Dn. A FRANKENAV, Satyr. med. 13. pag. 222. quippe qui se tuentur 1. autoritate; 2. exemplis & historiis; 3. ratione. Et quantum ad autoritatem attingit, ponderis sane maximi est hæc, quæ ex ipso Iuris corpore desumitur, quando PAVLVS Ictus in l. antiqui. 3. D. si pars hereditatis petatur, a LAELIO refert, in Palatio Imperatoris HADRIANI visam Aegyptiam, ab Alexandria perductam cum quinque liberis, ex quibus quatuor eodem tempore enixa dicebatur, quintum post quadragesimum diem. vid. Caranzam l. c. pag. 627. ubi ad superfoetationem referenda censet illa Vlpiani in l. cum quidam 308. suum heredem, D. de acquirenda hereditate: & cum unum gerit, nec per naturam humane conditionis alium partum formare potest, quod quidem post certum tempus conceptionis eveniet. Citantur simul medici plurimi superfoetationis existentiam pluribus rationibus probantes, & ex Ictis post ACCVRSIVM in dicta l. antiqui, idem astruunt cæteri fere ordinarii in eadem lege, & in d. l. cum quidam, 8. suum heredem.

Medicos inter plerosque ab affirmantium partibus stare evincit prolixus eorundem catalogus a ZACCHIA, quæst. medic. legal. l. 1. tit. 3. quæst. 3. & a Dn. de FRANKENAV l. c. p. 223. adductus. Hoc loco nominare saltem liceat BORRICHIVM, Act. Hafn. Vol. 5. ubi tria adducit exempla: Ephemer. Nat. Cur. 2. 7. obs. 31. 165. BONET. Sepulchret. l. 3. 37. obs. 6. HARDERVM Ephemer. l. 2. obs. 185. FOREST. Schol. ad l. 28. obs. 45. HORSTIVM de causis similitudinis. LAVRENTIVM Anat. l. 8. qu. 22. PLATERVM prax. tom. 3. l. 2. c. 1. p. 473. FOESIUM ad Hippocr. de superfoetatione

tatione, f. 114. Et præter HIPPOCRATEM ARISTOTELES 7. de histor. animal. c. 4. & PLINIUS 7. natur. histor. c. 2. admittunt superfætationem. Neque difficile foret plures adducere tum medicos tum philosophos, quorum auctoritate possibilitas superfætationis stabilita est, nisi in re adeo manifesta, & ubi tot adsunt testimonia, id plane superfluum & supervacaneum esset. Historiæ & exempla factæ superfætationis omni exceptione majora hinc inde apud medicos occurrunt, quorum pauca, sed notatu quam maxime digna, adducere, operæ erit pretium. Nolo vero exempla in programme supra citato prolata, denuo hic repetere, id saltem monendum esse duco, quod superfætationis vocabulo non tam molam, una cum foetu conjunctam, ut Hippocrati l. de superfætatione, & l. 5. Epidem. de Gorgiæ uxore in Larissa visum fuit: sed conceptum secundum foetus, grauida jam existente muliere me intellectum velle; nam de priore nullus nobis hic est sermo. Posterioris & propriæ dictæ superfætationis exemplum maxime singulare legitur apud Herculem Saxon. practic. medic. l. 4. c. 27. de Nobilis cujusdam uxore, quæ filium peperit nono mense, vivum & perfectum, octavo die a primo partu alium itidem, & non omnino absolutum, post 15 dies iterum alios duos. Et cum reconvaluisset, anno sequenti, cum iterum utero gereret, habuit eosdem omnino partus, & singuli eorum in propria tunica erant involuti. Cum tertio concepisset, & filium edidisset primo, & adhuc esset uterus filiis plenus, amplius parere non potuit, & obiit. Bartholinus hist. medic. p. 398. uxoris cujusdam honestæ meminit, quæ enixa est filium 31. Julii anno 1637. perfectum, anno 1638. 9. Febr. iterum enixa est eadem mulier filiam, sequente anno adhuc superstitem perfectam. Et idem Bartholinus epist. medic. cent. 4. epist. 56. alterius cujusdam mentionem injicit,

jicit, quæ anno 1662. post Michaelis festum abortum exclusit, remanente tumore quodam, pro hypochondriaco affectu habito: aucto autem quotidie in majorem molem ventre, Aprili anni subsequents sanum alium, vivumque foetum natum vidit. LOSSIVS obs. medic. l. 4. obs. 14. p. 355. de uxore juvene refert, eam statò naturæ terminò peperisse filiolum recte formatum, integrum, & bene sanum: nono vero a partu die iterum enixam fuisse seu perdidisse foetum adhuc immaturum, quem nondum trium mensium maturitatem complevisse conjecturabat.

Chirurgus Gallus & in arte obstetricandi versatissimus PAVLLVS PORTAL, dans la pratique des accouchemens, partum, cui præfuit, recenset, quo pariens enixa est partum vivum justo termino, ac duos alios, quorum alter extractus est, ut loquitur, instar halecis, juxta caudam apprehensæ, longitudine pedem regium circiter æquans: tertius adhuc minor priore, crassitie halecem passam seu fumo induratum, longitudine vix sex aut septem pollices æquavit. Et ROVSSETVS itidem Gallus, sect. 6. c. 7. tr. de partu cæsareo, nobilis cujusdam foeminæ mentionem facit, novem liberorum matris, ex priore matrimonio: hæc, postquam ad secunda vota concessit, & circiter quintum mensem abortum passa est, cui medicus, ad expurganda, ut putabat, lochia, post octavam ab abortu, forte medicamentum dedit, quod abortum secundum aliorum duorum filiorum produxit, qui adeo integri & vivaces fuerunt, ut ipsemet medicus, quem consilii sui poenitebat, testaretur, nisi medicamentum purgans vim ipsis intulisset, quod absque dubio ad rectam pervenissent maturitatem. Infantium hoc modo nascentium postremum Romanos, ut monet PLINIVS, *Vopiscum* cognominem fecisse, quasi *ὡς ὁ πρῶτος κρύβμενον*, infantem post natum, existimat autor. Mihi vero non tam ultimo e superfoetatis, sed isti gemellorum,



qui solus in utero restitat, & adeo ultimo prodit, Vopisci nomen ex mente Plinii 7. 10. competere videtur. confer. etiam SALMASIVS in *Solinum*, p. 32.

Quin & attentionem meretur sequens observatio, & rarissimum superfoetationis exemplum, quod STALPARTVS VAN DER WIEL, Cent. I. obs. 74. ex D. S. *Viresii* theatro magno dulcium atque utilium historiarum c. 61. p. 433. affert; Vtar autem partim *Stalparti*, partim *Schenckii* verbis, observ. l. 4. p. 562. hic enim eandem refert historiam, quamvis sub circumstantiis paulo aliis. Anno 1584. Viro nobili *Philippo Ludovico ab Hirshorn* (cujus sedes fuit oppidulum in Palatinatu, tribus ab Heidelberga milliaribus, quod ejusdem Viri nobilis nomen sibi vendicat) rebus humanis exempto, agnati & feudorum successores viduæ, relictæ gravidæ, immatutam mariti mortem lugenti, in domo sua claves ad cryptas & cellas e lumbis, non sine vi & violentia detraxerunt. Quæ res adeo miseram & tristem viduam affecit, ut coniectis in verticem suum manibus, vociferari & ejulare magis cœperit; paucis interjectis diebus peperit egregium puerum, sed mortuum, & calvaria carentem. Atque adeo insolentiores facti proximi, tanquam de jure feuda inter se partiti sunt, atque iis etiam viduam intervertere cœpere, quæ ad ipsam testamenti vi pertinebant. Cum vero huic venter post partum illum etiamnum tumeret valde, ut balnea Badensia (*bey Eifall am Rhein*) peteret, consulere medici. Illa itaque Badenam profecta, degentibus id temporis ibi forte Moguntino ac Saxone Electoribus, secundo post adventum die parturientis dolores sibi supervenire sensit, advocataque obstetrice pulchrum, valentemque optime, edidit filium, qui octavo post genitoris obitum mense, undecimaque post ultimum partum prodiit hebdomada. Mirafatis rei fama illico ad Electorum pervenit aures, voluitque Mogun-

Moguntinus infanti, cum S. baptismatis lavaretur fonte, adesse compater: Saxo eidem mille imperiales (quos vocant) donavit, deditque Heidelbergam ad Palatinum literas, ut ipse avidos illos, rei que non suæ inhiantes nimium, possessione feudorum dimoveat, viduæque illa, utpote Ferdinandi recens nati Vasalli matri, restituat. Quod continuo quidem factum fuit, nec sua tantum damna, noxia cupiditate orta, doluere agnati, sed, quod longe durius malum, cachinni dolores auxere.

Omnem autem fidem superare videtur historia illa multiplicis partus cum numerosa superfoetatione, a VELSCHIO observ. med. epistagm. 75. p. 47. adducta, mulieris ab ætatis suæ anno 18. ad 36. hoc est, 18. annorum spatio, parientis 29. & a 36 ad 44. hoc est, octennii spatio, enixæ 24. e quibus mares erant 38. omnes sacris lymphis tincti, & 15. foemellæ, quarum novem his caruere, morte præventæ. Vterque conjugum una cum liberis omnibus ad vivum depictus cernitur in templo Monachorum ordinis S. Francisci in oppido Binninga, (Binningheimio) duobus milliariibus Heilbronna distante. Liceat vero ea quoque brevibus de eadem hac historia subjungere, quæ EISENMENGERVS epist. ad HORSTIVM de foetu Mussipontano recenset. Scilicet civem huncce cum uxore 53. liberos progenuisse, vicibus 28. singulos, quinque vicibus binos, quatuor ternos; eandemque mulierem aliquando mense sexto, cum sex peperisset, nono postea die unicum, & rursus undecim septimanis post adhuc unum, partu edidisse: sextum rursus post decem hebdomadas; tandemque simul septem in utero habuisse, quorum tres septimana vigesima, absoluto puerperio adhuc duos, & rursus post 24. dies ultimum, cujus magnitudo ultra ulnam cum tribus transversis digitis se extendit, edidisse.

Apparet ex hisce, quæ numero satis magno adductæ sunt observationibus, superfoetationem non solum non esse impossibilem, sed haud ita raro etiam observari: nemo igitur negabit, dari circa partus negotium quandoque miracula, & ipsius hominis conceptionem, generationem, partum res esse plenas miraculi, nec omnino ista aut fortuita esse, aut vi quadam & industria solius cuiusdam naturæ formatricis & plasticæ dirigi. Quare nemo omnia vocabit in dubium, quamvis non diffitear, multa sæpe sub veritatis specie tradita esse, quæ assensum vix ac ne vix quidem merentur, licet historicorum testimoniis æque ac publicis sint confirmata. Huc forte pertinet memorabilis Hollandiæ Comitissæ historia, ex marmore descripta Losdunæ haud procul a Lugduno in Batavis in æde sacra legenda. Et quidem in fronte Epitaphii literis majusculis:

EN TIBI MONSTROSVN NIMIS ET MEMORABILE FACTVM:

QVALE NEC A MVNDI CONDITIONE DATVM.

*Margareta, Hermannii, Comitissæ Henneberga uxore, Quarti Florentii, Comitissæ Hollandiæ & Selandiæ filia, Guilielmi Regis Romanorum, ac postea Caesaris seu Gubernatoris Imperii, atque Aletheia Comitissæ Hannoniæ soror; cuius patrum Episcopus Traiectensis, avunculi autem filius Dux Brabantiae, & Comes Thuringiae. &c. Hac autem illustrissima Comitissa annos XL. circiter nata, ipso die Parasceves, nonam circiter horam, anno millesimo ducentesimo LXXVI. trecentos & LXV. enixa est liberos, qui prius a Guidone, suffraganeo Traiectensi, omnes in duabus ex ære pelvibus baptizati sunt, quorum masculi quotquot erant, Ioannes, puella autem omnes Elisabetha vocata sunt: quin simul omnes cum matre uno eodemque die fato concesserunt, atque in Lausdunensi templo sepulti jacent. Quod quidem accidit ob pauperculam quandam feminam, quæ ex uno partu gemellos in ulnis gestabat pueros, quam rem admirata Comitissa dicebat, id per unum virum fieri non posse, ipsamque contumeliose rejecit.*

*fecit. Vnde hac paupercula animo perturbata ac percussa, mox tantum prolium numerum ac multitudinem ex uno partu apprecabatur, quot vel totius anni numerentur dies. Quod quidem prae natura cursum obstupenda quadam ratione ita est factum, sicut in hac tabula in perpetuam huius rei memoriam, ex vetustis, tam manuscriptis, quam typis excusis chronicis, breviter positum & enarratum est. Deus ille Ter Maximus hac de re suspiciendus, honorandus, ac laudibus extollendus in sempiterna saecula! Amen.*

HAEC LEGE, MOX ANIMO LECTOR STUPEFACTVS ABIBIS. Atque hæc est illa memorabilis & miraculosa Hollandiæ Comitissæ historia, inquit SCHENCKIUS observ. l. 4. p. 584. ex archetypo marmoreo Lausdunensi velut ex vivi radice ad plenum descripta. Lector candidus cum hac ipsa pugnantibus auctorum, qui chronica scripsere, sententias circa annum, numerum prolium, nomen matris & Episcopi, conciliabit. Redeundum autem est, unde digressus sum, & pauca adhuc superfoetationis exempla erunt adducenda. LENTILIUS miscell. part. 3. p. 301. ex *Welschii*, Physici Nordlingensis, communicatione, superfoetationis suspicionem adducit foeminæ 35. annorum. Hæc filiam peperit vivam & alacrem, remanente in utero secundina, cessantibus etiam partus doloribus; biduo vero elapso profiliebat vesica aqua plena, & puella alia, debilis quidem, post vero vivida nascebatur, & secundinæ binæ separatæ sequebantur. HOFFMANNVS Halensis Academiae & literaturæ insignis ornamentum, medic. consultat. p. 3. cas. 9. admittit superfoetationem. Quamvis, inquit, assertum Hippocratis de clausura uteri post factam conceptionem non sit omni exceptione majus, postquam a facta imprægnatione nonnunquam superfoetationes fiunt. Et in relationibus eruditis (*denen gelehrten Zeitungen*) anno 1723. No. 95. mens. Novembr. p. 933. Coburgo perscribitur, Doctorem ALBRECHTUM referre, in pago Ahorn Catharinam Wolfiam,

fiam, Ernesti Motschmanni conjugem, uno partu continuo edidisse in lucem quatuor filios, quorum tres, primus scilicet, tertius & quartus, secundum ordinem nativitatis, longitudine pedis unius cum dimidio, vivi prodierint, quamvis post S. lavacrum statim obierint. Secundum in ordine fuisse embryonem, pedem dimidium vix æquantem. KERKRINGIUS obs. 2, fol. 4. sceleta ostendebat geminorum, uno partu editorum, quorum alter erat 8. mensium, alter e toto corporis habitu apparebat, quartum mensem non attigisse. Denique CARDANVS comment. ad aphor. 36. l. 5. Hipp. Superfoetatio, inquit, res est rara, visa tamen Mediolani nostris temporibus. BIERLINGIUS thesaur. theoret. practic. obs. 69. foeminam ter gravidam, semper superfoetationem in utero gestasse, eamque viginti septimanis post partum priorem edidisse commemorat. Rarioribus autem id accensendum monet p. 900. Nec in brutis desunt superfoetationis exempla evidentissima. RIEDLINVS lin. med. 25. mens. Iulii anno 1694. equam adducit, quæ binos diversos uno partu edidit foetus, cum bis antea marem admisisset. Simile quid de equa superfoetante legitur in Act. Erud. Lips. Anno 5. p. 475. De gallinis res est notissima, Ephem. N. C. decad. 2. anno 8. p. 259. Gallina una cum ovo ordinario, viginti quatuor alia ova, perdicis ova magnitudine æquantia, perfecta, atque putamine obducta, simul exclusit. Et notatu maxime digna est hoc loco observatio, cui occasionem præbuit anno 1724. die 13. Decembr. Consiliarius Ducalis, Vir mihi amicissimus, commonstrando systema quoddam ovorum aut vitellorum potius, quasi coctione induratorum, sibi met invicem coherentium, & ex compressione coarctatorum, ita tamen, ut singula divelli haud ægre se paterentur. Totum corpus ex gallina recens mactata extractum, duos pugnos magnitudine æquabat, & ovula diversissimæ

erant



erant magnitudinis, evidentissimo superfoetationis testimonio. Lepores sapissime superfoetant, sunt enim animalia salacissima, & quanquam semel conceperint, coitum tamen celebrant, unde contingit, ut semen in uterum injectum a vasis capillaribus absorbeatur & ad ovaria deponatur, ut habet LEIGHIUS histor. natural. Lancastriæ, Cestriæ & Iugerum Darbiæ, l. 2. c. 1. Vidi leporem foeminam foetus in utero gerentem, in ovariis restitanti-  
bus cicatriculis, ab ovulorum foecundatione relictis, & ovulis aliis imprægnatis, orobi aut pisi majoris & minorum magnitudine. Nec mirum esse arbitror, animal hocce ut salacissimum, ita foecundissimum esse, cum teste Ioh. FABRO Lynceo histor. Mexican. p. 812. inter centum lepores vix quatuor masculos invenire liceat. Distinctissimum enim habent sexum, & vana sunt illa omnia, quæ de mutatione ejus, aut quod omnes utroque sexu gaudeant, dicuntur, teste eodem Lynceo, & propria mea experientia. Lepores autem & sues omnium animalium superfoetatiores esse, ex ARISTOTELE docet LAVRENTIUS hist. anat. c. 5. qu. 22. An ab atra bile salacitas ista in leporibus proveniat, cum succo melancholico maxime abundare illos Aristotel. problem. tradiderit, ego merito ambigo. Post istos vero, sit comparationi venia, foeminæ omnium animalium magis superfoetant, ut quæ post conceptum, maris congressum præ ceteris animalibus curent aut patiantur, PLINIO teste, hist. natur. l. 7. c. 11. Causam lepidam suppeditat *Popilia*, *M. Agrippæ* filia: bruta ubi conceperint ideo non coire, quia bestiae sunt.

Causa vero physica superfoetationum varia ab autoribus allegatur: PARAEVS oper. chir. l. 23. c. 32. p. 689. esse quosdam dicit, qui putant, uterum post conceptionem certis temporum intervallis dehiscere, itaque gravidam, quæ tum in viri amplexus venerit, concipere. Alii ajunt,

uterum



uterum ex sese & natura sua seminis & Veneris avidiorem, vel jucunda quæ a viro fit titillatione, præ fervida libidine efferatum & incitatum denuo dehiscere ad seminis virilis exceptionem. Optime rem hancce dilucidare videtur VIARDEL *de partu humano* c. 6. p. 24. Causam superfœtationis incertam esse, inquit, nec ab autoribus hactenus detectam: horum aliqui existimant, repletam esse matricem a facta fœcundatione & adeo arte clausam, ut nulla amplius fieri queat conceptio. Alii vero ita sentiunt: internum uteri os, muliere gravida existente, clausum quidem esse, sed aperiri illud subinde, & si eodem momento seminis fiat communicatio, subsequi superfœtationem. Mulieres autem plethoricas superfœtationi maxime obnoxias esse, cum in hisce, licet gravidis, sanguis abundet, & uterum dilatare soleat; & si hocce tempore vir mulieri cohabitaret, semen ejus admitti non solum, sed conceptionem novam, aut superfœtationem fieri posse quam facillime.

Superfœtationis possibilitatem sufficienter probatam & stabilitam esse existimo; de tempore autem, quando illa fieri possit, inter medicos controversitur. Si communi opinioni fidem adhibere voluissem, ex ipso inter primum & prætersum partum viginti septimanarum intervallo fraudem subesse, aut hujus suspicionem mihi suboriri potuisse, etiam ex amicis quidam monuerunt. Nec diffiteor, ipsum Hippocratem intra dies priores undecim, aut minimum intra terminum quatuor mensium, fieri posse aut debere superfœtationem, existimasse: alios vero terminum 20. 30. 40. dierum constituisse; ita, ut id ipsum a primo partu temporis intervallum viginti septimanarum, de fraude & mendacio mulieris facile suspicionem, mihi æque ac aliis movere debuisset. Sed, bona verba, quæso! Neque enim inter medicos, qui superfœtationem admit-

admittunt, de tempore satis constat, quo fieri illa possit. Superfoetatio non solum in primo mense, sed & in quarto & quinto contingit, teste PEREDA, schol. ad c. 55. Paschal. l. 1. de curand. morb. Vt enim multa taceam exempla, uxor Doctoris cujusdam, qui Valentiae Regiae Cancellariae praesidebat, *Gallart* appellati, post quatuor menses ab obitu viri, filium peperit, & deinde nono mense alterum. Neque enim, subjungit, causa superfoetationis consistit in eo, quod orificium uteri sit apertum aliquantulum, (ut simul etiam voluit VALESIVS lib. 5. epidem. comm. 11.) quae semper evenit orificio ita clauso, ut ne specilli cuspidem admittat: sed in uteri attractione, quae tunc contingit, quia dilatatur in coitu, in fricatione & calore orificium uteri, & ita semen attractum, potest uteri cavitatem subire. Illustris, quem supra citavi, FRANKENAVIVS, superfoetationem omnibus ferme mensibus fieri posse arbitratur, magis tamen in prioribus, priore foetu adhuc minore, l. c. p. 231. Placent, quae hanc in rem profert CARANZA l. c. p. 637. sub hac, inquit, intrat illa singularis disquisitio, an superfoetatio statis certisque temporibus accidat post primum conceptum? In qua VLPIANVS in dicta l. cum quidam, 8. suum heredem, D. de acquirenda hereditate, quaestionem affirmative resolvisse videtur in verbis illis: quod quidem post certum tempus conceptionis eveniet. Sed variant medici & philosophi in designando isto certo tempore. BONAVENTURA l. 9. de octimestri partu, c. 32. 33. existimavit, superfoetationem, nisi post plures dies a priori conceptu, contingere non posse, puta post quatuor aut tres menses, duosve ad minus, & probare contendit ex ARISTOTELE l. 7. hist. animal. c. 4. Qui longo post tempore concepti sunt, non perficiuntur. GARCIA de loc. affect. disp. 72. c. 5. ita sentire videtur, superfoetationem in initio prioris conceptus, & reliquo tempore posse contingere: quod si proxime a primo conceptu secundus ob-

veniat, superfoetatum absolvi & feliciter edi, longo vero post tempore conceptum, non perfici notat; utriusque autem eam reddit causam, quia in priore suppetit ad alterutrius formationem nutrimentum, in posteriore non ita. Et porro infert idem, fieri posse, ut, licet conceptus sit magnus, superfoetatus perficiatur, ex pluribus ab eo adductis, optimeque consideratis. Quare ita concludit CARANZA l. cit. p. 631. sit ergo omnium prædictorum summa: *superfoetationem prioribus diebus contingere non posse: ast post illos priores quocunque gravidationis tempore evenire posse.*

Rarissimum autem esse arbitror, quod de superfoetatione asserit BRASSAVOL. ad aph. 38. l. 5. fuisse illam quandoque epidemiam, & hoc verum esse suadere rationem. Cum enim sit res quasi præter naturam, indiget, ut foveatur a causis communibus & potentibus, quare ab his prodeunt consimiles effectus. Illud idem de monstris adeo legitur apud LIVIUM: cum unum apparebat monstrum, semper plura fuisse. CARDANVS ad prædictum aphorismum. PAVLVS PORTAL l. cit. obs. 90. p. 353. de gemellis memorat, quod anno 1683. permultæ mulieres duos vel tres infantes uno partu ediderint. Dantur igitur causæ quædam communes, ut recte judicat, quem modo allegavi, CARDANVS, effectuum istorum, quibus aut superfoetationes aut gemellorum partus fiunt frequentiores & quasi epidemii. Quemadmodum partus difficiles uno eodemque tempore frequentiores a me sunt observati, ita, ut intra biduum tres in hac urbe mulieres difficillime & cum vitæ periculo foetus mortuos ediderint. Quin & Hamburgi ante viginti & plures annos multæ e puerperis, quasi contagio tactæ, vitam cum morte commutarunt, quare AMPLISSIMVM COLLEGIVM MEDICVM, habito consilio, tum temporis, & laudabili instituto, serio de causis & remediis cogitavit. Quamvis  
difficil-

difficillimum omnino sit, causas ejusmodi communes de-  
tegere, quæ vel in aëre ut plurimum hærent, vel ab astris  
horumque aspectibus vulgo petuntur. Certe cum apud  
nos difficiles partus populariter quasi grassati sunt, ab in-  
felicioribus Lunæ, Martis & Saturni aspectibus nonnulli  
hoc deducere volebant: an rem acu, quod dicitur, te-  
tigerint, ego hac vice nolo determinare.

Rectius vero cura superfoetationis in consideratio-  
nem forte veniet, imminet enim & matri & foetibus  
maximum periculum, adeoque præservative æque ac cu-  
rative illud, quantum est in Arte, averti debet. Ad ipsam  
curationem quod attinet, SENNERTVS, Germanorum  
*Hippocrates*, & in scholis Medicorum Vir magni nomi-  
nis, practic. lib. 4. part. 2. sect. 4. cap. 6. Naturæ totum  
negotium committendum esse censet, si superfoetatio ac-  
cidat: Interim accuratum regimen, quale gravidis præ-  
scribi solet, observare debent gravidæ. Tutissimum ta-  
men esse foeminis cavere putat, ne facile superfoetent,  
& proinde ubi se concepisse animadvertunt, coitum & am-  
plexus lasciviores vitare. An autem *Sennertus*, & Medicus  
taliam cum illo suadens, apud sexum pulchriorem magnam  
initurus sit gratiam, de hoc ego fere dubito; & si toties to-  
tiesque id moneat, surdis tamen narrabit fabulam.

Sed manum de tabula!

## EXTRACTVS PROTOCOLLI

*In Inquisitiones - Sachen vvider Stiencke Hedewwig  
Bullen, Carsten Bullens Käteners in Revenstorff, zum  
Hoch-Adelichen Guthe Lindau gehörig, Ehefrau.*

*in puncto suppositi partus, stillionatus  
und causirten Todes ihres eigenen Kindes.*

**E**s hat Stiencke Hedewwig Bullen, Carsten Bullens Käteners in Re-  
venstorff Ehefrau, ihres Alters drey bis 34. Jahr, die vor ohn-

gesehr fünf Jahren zu erst mit ihrem Mann ein todgebohrnes Kind, als einen Sohn, und hiernechst eine Tochter, so annoch im Leben, gezeuget,

Inquis. in dep. summar. ad art. inqu. 2. 5. & 6. in anno 1725.

ohngefahr 14 Tage vor Fastlabend inquis. ad art. inqu. 18. solche Bewegungen in ihrem Leibe verspühret, als wenn sie wirklich schwanger und ein lebendiges Kind im Leibe trüge, daher sie sich nicht anders eingebildet, als daß deme also sey, in welcher Meinung sie um so mehr gestärcket worden, da sie seit der Heuernde des 1724sten Jahrs, wie man die Mühlen Wische angefangen zu meyen, und sie damahls daselbst mit gearbeitet, ihre ordentliche Zeit nicht gehabt, (welche sie auch nicht eher wieder bekommen, bis sie ihr eigenes und nunmehr seeliges Kind gebohren gehabt, inqu. ad art. inquif. 30.) und sie damahls starcken Leibes geworden, wvobey sie immer gekränkert, eine schwere Brust gehabt und immer übel und wehe gewesen.

Inquis. in depof. summar. & ad artic. inqu. 9. 10. 11.

12. 13. 16. 17. 18. 29. 30. III. & IIII.

Diesen bey ihr sich eräugnenden Umständen nach hat dieselbe gerechnet, daß sie etwa 14. Tage nach Maytag 1725. niederkommen würde, desßhalben sie auch in der Meinung, daß sie wirklich schwanger, vier Sonntage nacheinander auf der Cantzel vor sich bitten lassen, auch wie die Vorbitte zum erstenmal geschehen, das Heil. Abendmahl empfangen, zumahlen sie zur selben Zeit noch alle Zeichen einer bevorstehenden Niederkunft gemercket.

Inq. in depof. summar. & ad artic. inq. 15. 20. 21. 22 & 24.

Etwa 14. Tage hernach, hat Strienske Büllen keine weitere Bewegungen in ihrem Leibe wahrgenommen, sondern es ist alles stille worden, und der Leib ganz wieder weg gesunken;

Inquis. in depof. summar. & ad artic. 25. 27. & 31.

Derwegen dieselbe aus Beyforgen, daß sie von denen Leuten wegen der eingebildeten Schwangerschaft allzuviel vexiret werden würde: (wie es dann einer Frauen aus Blickstädt auch einmal so gegangen,

gen, da viel Schnak in Kirchspiel davon gewesen, dergleichen Nachrede sie, weil sie schon für sich bitten lassen, und zum Heil. Abendmahl gewesen, verhüten wollen) mit einer Hure Namens Anna Catharina Danielsen, so sich damahls in Gettorff aufgehalten und grobes Fusses gegangen, einig geworden, ihr das Kind abzunehmen, welches sich Anna Catharina auch gefallen lassen.

Inq. in depof. summar. & ad art. 32. 38. & ad art. 111.

Carsten Büll. in depof. summar.

Der Vatter zu dem vor der Danielsen gebohrnen Kinde hat als Knecht auf dem Hammer vor Kiel gedienet, woselbst die Hure zur selbigen Zeit auch gedienet.

Sophia Dorothea Matthiessen in depof. summar. inqvis.

ad artic. 42.

Wie nun bemeldte Anna Catharina den Freytag vor Pfingsten als den 17. Maji in Stiencke Büllens Hause, Abends zwischen 6. und 7. Uhr ein lebendiges Kind zur Welt gebohren, und zwar ein Mädchen, so hat Stiencke Büllen dem Kinde die Nabelschnur verbunden, and die Nachgebuhrt verbrandt, auch das Kind abgewaschen und angezogen, das Mensch aber hat sich in der Stube ins Bette gelegt, hernach ist selbige, nachdem Inqvisitin Schwieger-Mutter zu Bette, und die inqvisitin ihr zuvor den Leib mit einer Heedenen Dwele gebunden, auf den Boden gangen, hat sich daselbst ins Stroh gelegt, und ist biß auf den dritten Tag allda geblieben, da sie sich inzwischen mit Bier, so sie selbst vor 1. Schilk. holen lassen und Brodt, welches sie bey sich gehabt, erhalten; hiernächst hat sie sich wieder von dannen wegbegeben, und das Kind der Inqvisitin gelassen.

Inqvis. in depof. summar. & ad art. 44. 49. 57. 59. & 60.

Als inqvisitin Schwieger-Mutter zu Bette, hat selbige das Kind wieder ausgezogen, in ein faules Schürz-Tuch gewunden, solches in ihr Bett und zugleich sich selbst hinein gelegt, darauf ihren Mann, welcher laut Protocolli, Num. I. pag. 3. bey dem Hn. Pastor Ottenfen in Gettorff dero Zeit gedienet, nebst einer Bade Mutter ruffen lassen. Sobald diese bryde gekommen und gefraget, wie es mit ihr



*stünde, hat sie ihnen mit Vorzeigung des Kindes zur Antwort gegeben, sie hätte ihr Kind schon im Bette.*

Inq. in depof. summar. & ad art. 65. 66. 67. 68. 69. & 71.

*Da aber die Bade-Mutter Maria Gnschen ihr den Leib verbinden wollen, hat selbige gesagt: ihr Leib wäre schon gebunden, wie jene darauf regeriret, das wäre nicht genug, ist Inquisitin etwas im Bette hervorgekommen, da dann die Bade-Mutter ihr eine Dwele über das Hemd um den Leib gebunden, und das Halß-Tuch so sie darum gehabt, weggenommen, wobey dennoch Stiencke sich sowol der Bade-Mutter als ihrem Manne, glaubend gemachet, daß es ihr eigen Kind sey.*

Maria Gnschen in depof. summar.

Inqvif. in depof. summar. & ad art. 72. 73. 77. 78. & 79,  
& art. 126.

*Dieses Kind hat ferner Inquisitin als ein von ihr gebohrnes Kind beym Kirchen-Buch angegeben, als ihr eigenes Taufen, auch vor ihre glückliche Entbindung Gott auf der Cantzel danken lassen,*

Inqv. ad art. 83. 84. 85. & 86.

*Nachgehends hat Inquisitin zinnerne Döpfle gebraucht, um durch deren Aufsetzung aus den Brüsten Milch heraus zu zwingen, immittelst das Kind so lange biß sie Sucht bekommen mit Milch, so sie theils im Munde, theils in einem Löffel genommen, unterhalten.*

Inqv. ad art. 87. 88. 89 92. & 93.

*Einige Tage hernach hat Inquisitin wieder Bewegungen im Leibe verspüret, ist auch deshalb mit dem Hn. Pastor Ottensen nach Kiel zum Hn. Doctor Waldtschmiedt gereiset, welcher dann dieselbe schwanger befunden, und hat sie noch damahls nicht das Herz gehabt von sich zu sagen, daß das erstere Kind von ihr angenommen sey, und das aus Furcht einiger Straffe;*

Inqv. ad art. 95. 99. 101. 102. 103. & 104.

*Nichts desto weniger hat Inquisitin mit dem Säugen des fremdden Kindes continuiret, auch so gar biß zur würcklichen Gebuhr ihres eigenen Kindes, welche ohngefähr vor Michaelis A. 1725. geschehen.*

Inq. ad art. 98. 106. 107. & 108.

*Letzteres und der Inquisitin eigenes Kind ist bey der Gebuhr klein und gering, ja dünn und schwächlig gewesen; nachhero aber hat es gut zugenommen, und weil Inquisitin so viel Sucht gehabt, daß das Ihrige es nicht über werden können, so hat dieselbe das angenommene Kind immer mit an der Brust behalten,*

*Inq. ad art. 118. 119. 120. 121. & 122.*

*nachhero ist der Inquisitin eigenes Kind ausgeschlagen, und wie solches wieder eingeschlagen, hat es die Brust-Seuche bekommen, woran es 8. oder 14. Tage vor Pfingsten An. 1726. gestorben, inzwischen ist selbiges nach seinem Tode noch so fett wie eine Pflaume gewesen.*

*Inq. ad art. 123. 124. & 125.*

*Nachdeme nun die rechte Mutter des ersten Kindes in Kiel zu des Tischlers in Gettorff Matthisen Ehefrau gesaget, daß sie ihr Kind in Stiencke Baaschen oder Büllen Haus zu Revenstorff gebohren und bey ihr gethan, sie wolte ihr Kind wieder haben, und könte sie eher nicht ruhen,*

*Sophia Dorothea Matthiesen & Maria Goschen in depof. summar. so ist die gantze Sache ruchbar und die Stiencke Büllen dannenhero in die inquisition gezogen, auch zu mehrer Untersuchung ein ordentliches Gericht geleyet, anbey Fiscalis & Defensor constituiret worden.*

*Fiscalis hat Inquisitin in puncto partus suppositi, stellionatus und causirten Todes ihres eigenen Kindes angeklaget, mit Bitte dieselbe mit Straffe des Brandmarckes, Staupenschlages und Landes Verweisung zu belegen.*

*Defensor excipiret, daß ratione praesenti partus suppositi, die requisita solches Verbrechens als dolus & damnum hoc casu mangelten, & dolus quidem ex ea ratione, weil Inquisitin nicht ex mala intentione, sondern nur bloß die Vexirung und Nachrede anderer Leute zu vermeiden, diese List erdacht. Damnum cessirte, da zumahlen maritus vor ihr intercediret. Crimen stellionatus anlangend, daß Inquisitin ordentlich auf der Cantzel vor sich bitten, auch nachhero vor die glückliche Entbindung Gott dancken lassen, so merirte dieses eine poenam ecclesiasticam, nullam civilem. Und endlich*

*den*

den verursachten Tod ihres Kindes anlangend, wäre ein solches un-  
erweislich, vielmehr das Gegentheil, da das Kind ganzer 3. vier-  
tel Jahr gelebet, gut zugenommen, auch nach dem Tode ganz fett ge-  
wesen, ex actis klahr zu sehen. Num. Act. 2.

Nach weiteren, hinc inde geschlossenen recessen, ist von dem Hoch-Adeli-  
chen constituirten Gerichte ein informatorium von der Hochlöblichen Juristen-  
Facultät zu Kiel verlanget worden, welche eine ordentliche Sententz, cum ra-  
tionibus dubitandi & decidendi zurück gesandt, worinnen Inquisiti pure ab-  
solviret.

### Rationes Decidendi.

Wann die in gegenwärtiger Sachu verhandelte Acta zur Gnüge ergeben,  
welcher gestalten die peinlich Beklagte ein von einer andern Weibs-Persohn,  
Nabmens Anna Catharina Danielsen, in ihrem Hause den 17ten Maji 1725.  
gebohrnes unehliches Kind angenommen, solches als ihr eigen im Gettorffschen  
Kirchen-Buch eingeschrieben, daselbst auf ihren Ehemann öffentlich taufen,  
und vor ihre glückliche Entbindung Gott dancken lassen, zwanzig Wochen  
aber darauf einen Knaben selbst würcklich zur Welt gebracht habe, mitbin  
solchemnach das materiale und corpus delicti Sonnen-klahr an dem Tage lie-  
get; So will es zwar anfänglich kein geringes Ansehen gewinneu, als wann  
die von Hn. Fiscali gebetene poena fustigationis & relegationis, womit die-  
jenige, so des criminis suppositi partus schuldig, alten Gebrauch nach bestraf-  
fet zu werden pflegen,

Teste Carpz. Pr. Crim. P. 2. Qu. 93. n. 29.

allerdings statt haben solte, da bevorab peinlich Beklagte über die von ihr be-  
gangene suppositionem partus nicht nur allein durch die in der Kirche zu Get-  
torff geschehene öffentliche Dancksagung des Allerhöchsten selber zu spotten  
und der ganzen Gemeine eine grosse Ärgerniß zu geben sich nicht gescheuet,  
sondern auch selbige sich durch Aufsetzung der Töpfe und continuirte Säugung  
des frembden Kindes, als wann sie ibrem eigenen Kinde die gnugsame Nabrung  
entzogen, und mitbin dessen erfolgten Tod verursachet hätte, nicht wenig ver-  
dächtig gemacht zu haben scheint.

Alldiweilen aber jeddenoch bekannten Rechts, daß zu einem crimine  
falsi (cujus species est crimen suppositi partus) præter specialem legis notatio-  
nem, hauptsächlich auch, daß ein solches (1) dolo malo und boshaftiger wei-  
se, und sodann (2) in damnum & præjudicium alterius begangen und commit-  
tirt sey, erfordert und requiriret werde,

Carpz. d. Qu. 93. num. 6. seqq.

Lauterb. Colleg. Theor. Pract. lib. 48. tit. 10. thes. 4. & 9.

und

und hingegen diese beyde nothwendige Requisita sich bey gegenwärtigem facto nicht befinden, massen ex Actis durch und durch erbellet, wie peinlich Beklagte nicht aus böser intention oder jemanden an seinen Rechten zu schaden, dieses fremde Kind an- und aufgenommen, hiernächst auch das hierunter versirende præjudicium durch ihres Ehemanns angesuchte freywillige intercession geboben wird und gäntzlich wegfället; Als haben wir auch, daß die gemeldte Straffe allhier keinen Platz finde, sondern vielmehr die peinlich Beklagte von wegen dieser ihrer unbedachtsamen That, über die bereits durch die Gefängniß erlittene Molestien weiter mit einiger Straffe nicht zu belegen, und nunmehr gäntzlich zu absolviren sey, denen Rechten gemäß zu seyn erachtet.

Dann ob zwar allerforderst, quoad Primum Requisitum, Dn. Fiscalis sich nicht wenige Mühe gegeben, den erforderlichen Dolum mit verschiedenen Beweis - Gründen darzuthun, so ergiebet hingegen dennoch insonderheit die von der peinlich beklagten gethane Aussage, welcher gestalten selbige allbereits im Jahr 1724. in der Heu-Erndte am Leibe stärker geworden,

Inq. ad artic. 9. 10. 11. & 12.

und von derselben Zeit an ihre Menstrua ordinaria nicht gehabt, auch im folgenden 1725ten Jahr einige Bewegungen im Leibe verspühret,

Inq. ad Art. 16. 17. & 18.

und dabero, daß sie würcklich schwanger sey, zu muthmassen, dessentwegen auch für sich auf der Canzel bitten zu lassen, und das H. Abendmahl zu nehmen wahrscheinlich Ursache gehabt,

Inq. ad Art. 20. 21. 22. 23. & 24.

hernach aber, nachdem sie etwa 14. Tage nach empfangenen Heil. Abendmahl keine weitere motus in utero mehr verspühret, und der Leib wiederum weggesunken,

Inq. ad Artic. 25. 26. 27. 28. & 41.

daß ihre Schwangerschaft nichts wäre geschlossen,

Inq. ad Artic. 31.

und dessentwegen mit der bereits gedachten Anna Catharina Danielsen, welche eben dazumahl grob schwanger gegangen, wegen Übernehmung des Kindes einig geworden sey;

Inq. ad artic. 31. 38. & 43.

Aus welchen Umständen dann klar erbellet, daß der peinlich Beklachten öfters repetirtes Vorgeben, wwie sie nemlich das fremde Kind bloß aus Besorgen, daß sie von den Leuten, und insonderheit andern Weibern, wegen ihrer einge-

bildeten Schwangerschaft allzuviel vexiret vverden möchte, angenommen habe, sich in der That vvabr befinde, und demnach nicht der allergeringste dolus vorhanden sey.

cum secundum jura notoria, qualiscunque etiam fatua  
causa a dolo excusare soleat, L. 47. §. 1. ff. de furt.  
Carpzov. Pr. Crim. Qu. 39. n. 10. ibique alleg.  
Dd. com.

So viel aber das andere Haupt-requisitum concerniret, so mag zwar aller-  
forderst nicht in Zweifel gezogen werden, vvie daß sich solches anfänglich  
bey gegenvvärtigen facto allerdings befinde, vvoblerovogen nicht nur allein  
der peinlich beklagten Ebemann, durch das bisherige onus alimetandi albe-  
reits vvürrklicher Schaden zugefüget, sondern auch ohne dem die D.D. com-  
muniter lehren: quod ad incurrendam pœnam falsi satis sit, falsitatem præju-  
dicare potuisse, licet actu non præjudicaverit.

Carpz. d. Qu. 93. n. 12.

Theoric. Colleg. crim. Cap. 8. aphor. 3. n. 2.

Nachdemahlen aber ex Actis nicht vveniger zu erlernen, vvclcher gestal-  
ten der peinlich Beklagten Ebemann Carsten Büll sovvobl coram Proto-  
collo,

vid. Carsten Büll. depof. summ. d. d. 25. April. a. c.  
in fin.

als auch vermittelt des den 29sten Jun. a. c. eingegebenen Memorials sub Lit.  
L. vor seine Frau intercediret, und dadurch ihr den ihm zugefügten Scha-  
den und Unrecht remittiret und vergeben; als fällt dieses requisitum eben-  
falls von selbstn vveg; und mag darvvider nichts versangen, vvas Hr. Fi-  
scalis insonderheit eingewandt, vwie daß nemlich die intercessio Conjugis  
in keinem andern delicto als dem crimine adulterii etwas helfen möge; sin-  
temahlen allhier nur die frage ist: Ob das von der Beklagten durch die sup-  
positionem falsi partus ibrem Mann zugefügte præjudicium durch dessen in-  
tercession und Erlassung cessire oder nicht? vvclche dann allerdings nicht an-  
ders als affirmative beantwortet vverden kan.

volenti enim non fit injuria, L. 178. de R. I. & per re-  
missionem injuriam extingui certum & indubi-  
tatum est.

Berlich. Part. 5. conclus. 70. n. 14.

Eine gleiche Bevvandniß hat es auch endlich mit dem letzteren, und  
vom Hn. Fiscali so starck irgirten puncto, da nemlich derselbe der peinlich  
Beklagten den Tod ihres Kindes dessentvvegen, vvellen Sie vvebrender ib-

rer Schwangerschaft sowohl als nachhero das supponirte Kind mit ihrer eigenen Milch gesäuet, zu imputiren, und dadurch ihr begangenes Verbrechen zu aggraviren vermeynet, vvohlbetracht es eines Theils gar nicht unmöglich, sondern vielmehr, teste experientia, sehr frequent ist, daß eine Frau zu zwey Kinder mit ihrer Milch ernähre, zumalen wann selbige daran abundiret, vwie ein solches die peinlich Beklagte

ad Artic. inq. 122.

von sich ausgesaget, andern theils aber das Kind bey nahe 3. viertel Jahr alt vworden.

Inq. ad Artic. 123.

kurtz vor seinem Tode noch gantz fett und frisch gevvesen,

Inq. ad Artic. 124.

und endlich an einem besondern Accident nemlich der sogenannten Brust-Seuche verstorben;

Inq. ad Artic. 125.

mithin also das von Hr. Fiscali zu diesem Ende angeführte Axioma, quod dans operam rei illicitæ de omni eo teneatur, quod sequitur etiam præter illius intentionem & voluntatem, allhier nicht appliciret vwerden kan, nachdem man aus jetztberührten vom Hn. Fiscali nicht elidirten Umständen, daß das Kind aus Mangel der Nabrung gestorben, keinesvveges zu glauben oder zu præsumiren ist, und demnechst das gedachte Axioma nur in dem Fall angehet, si quis mortis causam propinquam præbeat, & eventus ex opere illi- cito per se immediate & necessario sequatur, hingegen aber in dem allhier nicht einmahl erwiesenen casu, si quis causam saltem præbeat remotam, que non ordinata est ad subsecutum eventum allerdingß cessiren muß;

cum ea, quæ per accidens veniunt ex opere aliquo, tanquam effectus remoti proveniant ab illo & agenti non imputentur.

Carpz. Qu. 25. n. 55.

Also daß vvir es solchemnach, da insonderheit wegen des der peinlich Beklagten mit imputirten Criminis extraordinarii stellionatus, gleiche rationes decidendi fürvvalten, und in Praxi nach der heutigen Rechts-Lehrer Meynung inter Crimen stellionatus & falsi, in ordine ad dictandam pœnam gar kein Unterscheid zu attendiren nöthig ist,

teste Kresf. in Comment. ad Ordin. Crimin. artic. 112.

113. §. 6.



bey vorstehender Urtheil billig bevvenden lassen, und zuvar um so viel mehr, als nicht nur allein die peinlich Beklagte eine geringe Bauer-Frau, vvelche die atrocitatem ihres Verbrechens nicht reifflich gnug ervvogen, und also ob imbecillitatem sexus eine gelindere Abndung merittiret,

per vulgata

sondern auch noch darzu allbereits eine geraume Zeit in gefänglicher Ver-  
bassit, und zuvar nach Anzeige der Acten, an Hals und Beinen sehr hart ge-  
schlossen gewvesen; mitbm also dasjenige vvas die Rechts-Lehrer communi-  
ter zu lehren pflegen: Quod scilicet ob diutnam detentionem poena pro ra-  
tione circumstantiarum vel mitigari, vel plane remitti posset, allerdings statt  
haben muß; vvir aber, daß solches alles denen Rechten und Uns zugesandten  
Actis gemäß, hiermit nochmalen bezeugen. In Urkund Unsers vorge-  
druckten gewöhnlichen Facultäts Innsiegels. Actum Kiel den 14. Augu-  
sti 1726.

(L.S.)

Decanus Doctores und Pro-  
fessores der Juristen Fa-  
cultæt allhier.

Indessen bat gemeldtes Gericht den 24. Augusti 1726. eine andere Ur-  
thel wieder Inquisitin publiciret, des Inhalts, daß Inquisitin mit 14. täg-  
ger Gefängniß im Keller bey Wasser und Brodt, mit Vorbehalt der öffentlichen  
Kirchen-Busse zu belegen sey.








Mort 1696

Bornat 1724





## MEMORIA RIEDLINIANA.

**I**nterest omnino etiam Medicinæ, ut, qui de eadem optime merentur, non tantum, quoad vivunt, omni condecorentur honore, sed & ut ipsorum memoria, quando vivere desierunt, posteritati de meliori commendetur, quo hæc etiam habeat, quod imitetur, & ad exquisitiorem salutaris illius scientiæ culturam excitetur. Quos longè saluberrimos fines cum *Illustris Academia Imperialis Naturæ Curiosorum* sibi habeat præfixos; intermittere nec potuimus, nec debuimus, quin extremum simul pietatis & observantiæ munus *Viro Prænobilissimo, Excellentissimo atque Experientissimo Domino VITO RIEDLINO, Philosoph. & Med. Doctori,* laudatæ modo *Academiae Adjuncto, Collegii Medici Ulmensis Decano, Gymnasiique Scholarchæ &c.* persoluturi, levi penicillo adumbremus ea, quæ ad veram illius laudem apprime facere nobis videbantur. Prodiit in hanc

lucem provida, quam Deus etiam de ingressu nostræ vitæ gerit, cura, in Medicæ artis splendorem atque incrementa, quod postea comprobavit eventus, d. xix. Martii A. S. R. MDCLVI. Patre usus est, Domino *Vito Riedlino*, Med. Doct. & Physico Ulmensi Excellentissimo meritissimoque, gavissus quoque Avo, Abavo, Tritavoque Chirurgis & Lithotomis primariis Ulmensibus, suo tempore sat celebribus. Matrem coluit *Annam Mariam Blossam*, Matronam omnibus virtutibus, quæ sequiorem sexum ornant, oppido conspicuam, Cujus Avus Tubingæ Professoris munere functus, Pater autem Physicam scientiam in Gymnasio Ulmensi professus, Medicam simul artem non sine nominis celebritate ambo exercuerunt, eandemque in majus meliusve provehere pro viribus allaborarunt. Verbis exprimi vix potest, quanta sollicitudine recens natum & sacro aquæ lavacro ablutum, subcrescentibus postea annis, educandum nostrum curarint optimi Parentes, probe perpendentes, in pia & circumspecta liberorum educatione situm esse plurimum. In Gymnasium, quod *Ulma* floret, satis mature, ceu generosa indolis planta translatus, mature etiam, magis tamen magisque temporum progressu qualis futurus esset, præceptoribus suis, quos habuit, longe fidelissimis aperuit. Fuit etenim in nostro adhuc puero non ea tantum ingenii docilitas, ut feliciter & velociter arriperet, quæ ei tradebantur, sed & illa in eo fulsit virtus, ut raræ eum a pietatis tramite, discendi ardore & Classicorum, quos vocant Autorum lectione avocarint deliciar. His igitur

igitur doctrinis artibusque, quibus puerilis ætas inter Christianos impertiri debet, præmunitus, demum in Amplissimos Philosophiæ campos exspaciatus noster est tam felici successu, ut & Medicinam, ad quam singulari ferebatur propensione, viam ei pandente Domino *Joanne Pfauzio*, Phil. & Med. Doctore & Prof. in Gymnasio Ulmenfi celeberrimo, primoribus gustaverit labris. Solidiores postea *Tubinga*, quam A. MDCLXXIV. mense Februario petiit, ei præbuit cibos Excell. imprimis Dn. *D. Georg Balthasar Mezgerus*, quos & intra biennium tanta aviditate ingessit, ut indies majora hinc in arte Medica profectuum senserit incrementa, quæ tam grato memorique animo agnovit, ut huic Præceptori & hospiti suo maximas se debere gratias sæpenumero fassus fuerit. At enim vero cum ob rariores Anatomicas exercitationes famem suæ φιλομαθείας ibi non omnino explere posset, *Patavinum Lyceum* A. MDCLXXVI. adiit, ibidemque ab ore *Raym. Joh. Fortis P. de Marchettis*, *Montagnana* aliorumque Virorum celeberrimorum sedulus pependit, cum iisque crebros sermones, tam privatos quam publicos miscuit; cujus rei duplicem hunc quoque tulit fructum, ut a Natione Germanica *Consiliarius Anconitanus*, a Facultate vero Medica, prævio examine consueto, sine tamen disputatione publice habita, A. MDCLXXVI. d. 27. Sept. Phil. & Med. Doctor creatus fuerit. Quemadmodum vero alias res angusta domi bonis sæpe mentibus, sorte meliore dignis, obstaculo est, quo minus studiorum stadium ex animi sententia

eme-



emetiri queant : ita noster, domesticis destitutis subsidiis, patriam suam A. MDCLXXVII. repetere coactus fuit, in qua cum præter opinionem omnem non inveniret, unde pro dignitate vivere posset, *Augustam Vindelicorum* se contulit, ubi brevi temporis spatio variis honoris & officii titulis se condecoratum vidit. Etenim ex singulari, quo Vir quidam Illustis, cujus memoriam *Riedlinus* perpetuo suspexit, ipsum exceperat favore, in Collegium Medicum A. MDCLXXIX. d. 4. Maij gratiose receptus est, & magno illius modo laudati Illustis viri patrocinio suffultus, in munere Physici ordinarii B. D. D. *Joh. Ludovico Henisio*, A. MDCLXXXII. d. 19. Sept. successit; A. MDCLXXXII. d. 5. Nov. primum, atque iterum A. MDCLXXXIX. per vota majora collegii Medici Decanus electus; A. MDCLXXXIX. d. 29. Maij, in locum beate defuncti D. D. *Luca Schræckii Senioris*, examini obstetricum præfectus, & ab *illustri Natura Curiosorum Academia Præsidente* immortaliter merito, D. D. *Schræckio* F. in hoc celebratissimum Collegium, tanquam socius, Crateris agnomine cooptatus, eademque porro benevolentia A. MDCCIX. mense Sept. ejusdem laudatæ societatis Adjunctus denominatus est. Licet igitur *Augusta Vindelicorum* noster in omnibus negotiis Practicis ea gauderet felicitate, & ab omnibus tanti existimaretur, ut se Augustanum Physicum felicem, suamque familiam sat laute sustentatam prædicare potuerit : divinæ tamen benignitati Nostrum Patriæ suæ reddere placuit. Anno enim MDCCIV. d. 19. Sept. benevolis ab *Inclyto Senatu Ulmenfi* literis, quas dicunt,

*Voca-*

*Vocatoris* acceptis, & divino nutui & voluntati Patriæ nostræ Patrum obtemperaturus, mense exacto, cum tota sua Familia *Ulmam* repetiit, quæ non ita multo post Civium numero iterum adscriptum, non honorifico solum salario dotavit, sed & ad varios, tam Medicos quam scholasticos, per distincta temporum intervalla evexit honores. Namque illa præstantissima ingeniorum nutrix A. MDCCVII. examini Chirurgorum Nostrum præfecit, postea A. MDCCXIII. d. 6. Apr. in locum pie denati *Alphonfi Kohnii*, Med. Doct. Excellentissimi, *Seniorem Collegii Medici* suffecit, tum & A. MDCCIX. *Conventui*, quem nominant, *Scholastico Visitorum in Gymnasio* adjunxit, & denique A. MDCCXIII. *Triumvirali Scholarcharum* numero adscripsit. Quanta cura, sollicitudine atque alacritate Clafsicorum æque ac provectorum Studiosorum saluti atque commodis, Medicique Collegii Autoritati ac splendori invigilaverit noster, animo adhuc agnoscunt longe gratissimo ad unum omnes illi, qui singulares prorsus RIEDLINI nostri dotes atque eruditionem recte æstimare didicerunt. Non est quod de Praxi ejus medica multum dicamus, cum de illius frequentia & felici successu, vel solæ typis jam impressæ tot observationes testentur, & multo plures nondum editæ amplius testarentur. Mitimus etiam, quanto amore & qua veneratione noster a singulis fere exceptus fuerit, qui illius circumspeditionem, solertiam, dexteritatemque, & ut paucis multa complectamur, methodum, cito, tuto & jucunde curandi, in semetipsis animadverterunt. Quibus virtutibus

cum noster enituerit, mirandum non est, si etiam *Principes, Comites, Liberos Barones & Nobiles* sibi faventes habuit, eorumque clementiam, gratiam ac favorem ad finem usque vitæ suæ quam felicissime conservavit.

Præter has virtutes medicum Virum exornantes longe major virtutis splendor enituit ex singulari pietatis zelo & divini Numinis cultu, quem assidue sectatus est: Verbi namque Divini quotidianus ferme fuit Auditor non solum, sed & indefessus scrutator; Biblia namque sacra plus quam trigesies perlegit, atque commentariis in usum domesticum illustravit; meditationes super Emphatica verba & nomina Biblica conscripsit; singula capita totius sacri Libri versibus germanicis comprehendit, innumera dicta in ligatum sermonem eleganti vena transtulit. Non dicam de reliquis ejus quotidianis meditationibus matutinis & vespertinis, quibus quotidie primam & ultimam diei horam dicaverat, relictis etiam scripto multis voluminibus.

Neque vero omittendus est, singularis ejus amor erga proximum, & in pauperes liberalitas; cujus innumeri adfuerunt testes: ipse vero sæpius doluit vehementer, quod non æquali erga omnes lenitate semper usus fuerit, utpote ad iracundiam natura paulo proclivior.

Ad matrimonii foedus quod attinet, conjugem propitio Deo, sibi An. MDCLXXIX. elegit virginem virtutibus sexum ornantibus condecoratissimam, *Annam Magdalenam*, Viri amplissimi *Davidis Milleri*, mercatoris apud Ulmenenses spectatæ integritatis filiam, ex qua fidissima Crucis

&

& Lucis socia undecim filios & septem filias progeneravit quidem, sed tamen præmaturam plerorumque mortem luxit; inprimis, vero obitum filii maximæ spei jamjam Medicinæ Candidati, quoties facta fuit illius mentio. Superfuerunt dum viveret, unicus filius natu maximus, officialis Cæsareus, ac tres filiæ; quarum natu minima *Jeremia Adamo*, Medicinæ Doctore & Physico Ulmenfi nupta, ex qua duos sibi natos nepotes magno cum gaudio suo vidit.

Restat, ut paucis subnectamus ea, quæ ad morbi, cui tandem Noster succubuit, historiam pertinent. Duobus autem ante mortem annis, maximam partem cum morbo molestissimo, Arthritide scilicet, conflictandum ipsi fuit. Inceperat affectus ille A. MDCCXXII. mense Decembris, magno cum Urinæ ardore, ut non immerito de Calculo, aut minimum nephritide metus subortus fuerit; medicamentis interea, licet frustra oppositis, huic morbo alias quam maxime idoneis. Tandem mense Februario in scenam prodiit ille Protheus, arthritidis nempe, & primo quidem in pede sinistro, deinde in nucha & tandem manu dextra tantos cruciatus per tres quatuorve menses attulit, ut ab iis per longum tempus illud domi se continere fuerit coactus. Varia equidem remedia identidem applicabanrur, non omissa diætâ fere scrupulosa & nimis accurata; sed tantum abfuit, ut hisce restitutus fuerit pristinus corporis animique vigor, & aquæ medicatæ Bollenfes manus hebetudinem & atrophiam sustulerint, ut indies major naturæ & totius Oecono-

miæ animalis infirmitas observari potuerit, ex eo etiam colligenda, quod herniæ, per viginti jam annos gestatæ & machina sat idonea custoditæ, sæpius acciderit prolapsus, magna cum virium prostratione & dolorosis symptomatibus, conjunctus; qualis etiam ultima septimana ante ejus obitum contigerat; cito quidem tunc restituebatur. Cum autem non ita post iter instituere ad agrum Illustrem, duo milliaria abhinc habitantem cogeretur, novumque ex consuetudinis & manualis operationis defectu passus esset prolapsum, mox sequentibus vomitibus, insuper temporis & tempestatis inclementia nec non viæ salebrosæ incommodis concurrentibus, unde, herniæ refrigeratæ ac prolapsæ post reditum tentata repositio perfici non potuit. Cum præterea etiam alvus ab illo tempore ad vitæ finem usque, neque internis neque externis medicamentis & clysteribus fortissimis referari potuerit, hinc sensim sensimque intra spatium V. dierum ingens abdominis inflatio subsecuta est, febrisque inflammatoriæ apparebant indicia & metus iliacæ passionis non frustra ipsi etiam ægroto injiciebatur. Hisce igitur periculosis rerum circumstantiis nil magis quam beatam ἀνάλυσιν optavit, quam per plures jam annos die nocteque animo meditatus erat; Hunc in finem ea, qua decet hominem Christianum, poenitentia, peccata sua confessus est, veniamque ipsorum a Deo serio petiit, ac certa hujus spe fretus, sacro-sanctam Eucharistiam cum maximo pioque desiderio excepit ore cordeque; quibus peractis, jam moribundus nihil superesse existimavit, nisi ut moestissimis adstantibus, conjugi nempe, Filio, Filiabus, cate-

cæterisque suis omnibus ultimum diceret vale, atque adeo fidei plenus & Christi merito confusus, animam placide efflavit, quum vixisset annos LXVIII. Medicinam autem fecisset per annos XLIII. Tu vero nunc o terque quaterque beate VITE RIEDLINE, ad meliorem perductæ vitæ, mactæ gloria Tua, fruiere quiete, lætare felicitate quam plenè manibus a Deo collatam possides, & possidebis æternum. Nos autem, qui Te viventem maximo tuo merito æstimavimus, posteaquam fato ereptus nobis es, memoriam Tui perpetuo recolemus, virtutesque tuas gratæ commendabimus posteritati!

### LIBROS B. RIEDLINVS EDIDIT SEQUENTES.

**L**inearum quotidie ductarum Anni vi. totidem voluminibus comprehensæ ab anno 1696. usque ad annum 1702. 8vo.

Observationum Medicarum Millenarius. Ulmæ. 1709. 4to.

Methodus curandi febres. Ulm. 1705. 8vo.

Iter Medicum, sanitatis causa institutum, Augst. Vind. 1702. 8vo.

Medulla Pharmacopœiæ Augustanæ, Ulmæ, 1707. 8vo.

Manuductio ad studium Medicum, a Patre D. *Vito Riedlino* conscripta, & a Filio homonymo notis necessariis illustrata. Aug. Vindel. 1706. 8vo.

de Embrochis, Ulmæ, 1706.

Observationum medicarum Cent. I. Augst. Videl. 1682. 12.

— — — Cent. II. Ulm. 1721. 12.

Von dem Augspurger Maurbad. Augspurg. 1722.

Jatrophihi sinceri, kurtze und gründliche Unterweisung, wie die meisten Kranckheiten zu curiren &c. Ulm. 1714. 1717. 1719. 1728. 8.



Observationes præterea varias, plures quam L. contulit subinde ad *Ephemerides Academ. Nat. Curios.* quarum quidem titulos, evitandæ prolixitatis causa, hic non apponimus, sed curioso Lectori in voluminum istorum Indicibus evolvendos relinquimus.

*Advenda sunt*

Observationum Medicarum Chillas II. III. & IV.

Observationum selectarum Centuria III. IV. V. VI. & VII.

Descriptio nova Balnei Bollenfis.

Tacemus complures *exercitationes Theologici argumenti*; Animadversiones in *SS. Biblia*; Meditationes pias de *Passione Dominica*, & rebus variis derepente objectis; *Pœmata* item *sacra*, bene multa; quibus omnibus, per diversa volumina digestis, & otium suum, si quod a medicina facienda concessum erat, *Vir optimus* consumpsit, & pietatis suæ documentum dedit egregium.







*JOH. MAURICII, P.R. R. M. A. N. I. I.*  
*Sac. Caes. Illust. Archicamer. Sereniss. Marchion. Onoldo.*  
*Brandeb. Comitis iustitiae ac Mathias Primarii Sacri*  
*Palatii Lateran. Aulic. Caesar. et Consistor. Imperialis*  
*Comes. S. R. I. Nobilis. et abbas. Leopold. Carolino*  
*Caesareo Natus. Curiosus. Director*  
*Ning. abbas. et d. Oecumen.*

MEMORIA  
VIRI ILLUSTRIS  
IOHANNIS MAVRITII  
HOFFMANNI

PHILOSOPHIAE ET MEDICINAE DOCTORIS  
SACRAE CAESAREAE MAIESTATIS  
ARCHIATRI

SERENISSIMAE DOMVS MARCHIONVM  
ONOLDO-BRANDENBVRGICORVM MEDICI  
SENIORIS PRIMARII ET CONSILIARII AVLICI

SACRI PALATII LATERANENSIS AVLAE CAESAREAE  
ET CONSISTORII IMPERIALIS COMITIS  
S. R. I. NOBILIS

EPHEMERIDVM ACADEMIAE LEOPOLDINO-  
CAROLINAE NATVRAE CVRIOSORVM  
DIRECTORIS GRAVISSIMI

VNIVERSITATIS ALTORFINAE QVONDAM SENIORIS  
ET FACVLTATIS MEDICAE PROFESSORIS PV-  
BLICI PRIMARII

*IMMORTALIBVS MERITIS CONSECRATA*

SCRIPTORE

ALCMAEONE.





Alma Musarum sedes Altorfina, ad ipsas Palatinorum montium radices, non minus pia quam prouida Perillustris liberæ Reipublicæ Norimbergensis munificentia, ante hos centum et quinquaginta admodum annos posita, Augustissimorumque Imperatorum gratia inde ab incunabulis suis amplissime & identidem exornata, inque maius fastigium euecta, illud diuinitus habuit beneficium, vt numquam ipsi deessent doctores in suo quisque genere ac disciplina ita exculti, vt non solum sufficerent bonis artibus ac doctrinis auditorum mentibus feliciter instilandis, verum etiam famæ per omnem terrarum orbem ebuccinandam Academiæ gloriæ tradere possent. Nulli autem concessit medicorum in illa ordo, vt maiorem sibi aut præcipuam illius gloriæ partem vindicare posset: sed plane, ni fallor, effecit, vt ad auctoritatem illam, quam pridem hæc Academia consequuta est, et cum dignitate tuetur, vel ultra ratam portionem contulisse videatur. Inter illos vero Hygeæ sacerdotes, qui Asclepieum Altorfinum ornauerunt, gloriæque insignem immortalibus meritis consequuti sunt, tres HOFFMANNOS, CASPARVM, MAVRITIVM, huiusque filium IOANNEM MAVRITIVM, iure optimo maximo tantum elucere dicamus, quantum in lucido



Orionis sidere supra reliquas stellas illæ præfulgent, quæ balteus ipsius esse nobis adspicientibus videntur. Hi enim triumviri per centum, & qui excurrunt, annos, continua & numquam interrupta serie, cathedram medicam apud nos tenuerunt, sic, vt Mauritius, cum Casparo, quondam præceptore suo, collega per aliquod tempus vixerit, rursusque Ioannem Mauritium, vltimis vitæ suæ longævitæ viginti annis, socium in medicina tam tradenda quam facienda habuerit.

Quum vero tam clarorum virorum memoriam, virtutis ingeniorum suorum monumentis iam olim immortalem redditam, insuper etiam non minus diligenter quam eleganter scriptis vitæ factorumque historiis, ante paucos annos, posteritati commendauerit Illustris S. R. I. Academia nostræ Dominus PRAESES illo volumine, quo *biographias professorum medicinae, qui in Academia Altorfina umquam vixerunt*, complexus est: cur de IO. MAVRITIO aliqua huic operi inferenda commentari aggressus sim, causas haud nullius plane momenti habere mihi videor. Atque illud in primis æquum erat, vt, qui selectis optimisque observationibus has ephemerides tot retro annis instruxerat, illo gratæ commemorationis officio non præteriretur: præsertim quum non solum socium se strenuum præstiterit, verum etiam, Adiuncti honore exornatus, in rebus Academiae recto consilio iuuandis, per annos complures operam indefessam nauauerit; tandemque non minus honorificum, quam laboriosum, officium Directoris Ephemeridum Academiae nostræ pigne gnauiterque gesserit. Accessit autem maximumque pondus addidit, quod ea, quæ exstat, biographia a pie defuncto maximam partem consignata, ipso Illustri Editore id ægre ferente, adeo concise & humiliter de omnibus exponat, vt longe plura & luculentiora de laudato viro commemora-

moranda desiderari queant. His Idemque causis maximum pondus adiecit pietas illa, qua τὸν μακαρίτην viuum semper colui, & desiderium iusta persoluendi, quantum equidem valeo, insigni amoris quo me coram aliquoties, & per amantissimas litteras subinde, complecti dignatus est: cuius memoria effecit, ut illud a me officium efflagrantibus nobilissimis heredibus denegare operam meam non potuerim. Atque utinam ea mihi sit eleganter composque scribendi facultas, quæ requiritur ad illum viuis coloribus depingendum virum, qui summa, quæ contingere illius ordinis hominibus posse videntur, mature consequutus, cum tanta gravitate & dignitate ad senectutem tuitus est, ut, quum Deo vocante ex statione discederet, triste sui desiderium omnibus bonis, etiam summi ordinis, relinqueret. Enimuero mihi neutiquam constitutum est professâ laudatione ea obterere, quæ natia pulcritudine radiant: nec irritò conamine ea eloquendo efferre tentabo, quæ supra meas & omnes laudes posita agnosco: satis habiturus, si bona integraque fide de vita, fatis & meritis tam Illustris quondam viri exposuero, quæ certa cognitione, & pleraque ex biographia ab ipso consignata, aut ex litteris ad eundem scriptis, tum vero etiam ex fide vel nobilissimorum heredum, vel ore eorum, qui bene ipsum nouerant, accepta & in me deriuata sunt.

Bene nascendi sortem noster diuinitus consequutus est: quippe in vrbe Altorfina, multis quidem magnitudine plurimum concedente, sed, postquam Musarum Noricarum sedes facta est, per totum orbem celeberrima, lucem adspexit, a. d. vi. Octobris superioris sæculi anno supra quinquagesimum tertio, quo Academiæ fasces summa cum laude tenebat Ictus magni nominis NICOLAUS RITTERSHVSIVS, magni CONRADI dignissimus filius. Parentes optimos & nobilissimos sortitus fuit. Patrem quidem

MAVRITIVM HOFFMANNVM, *Fürstenwalda-Meso-Marchicum*, Medicinæ Doctorem & in Vniuersitate hæc eiusdem artis professorem, tunc quidem nondum integro lustro spectatum, ita tamen omnibus iam probatum, vt non minus tunc amaretur & coleretur, quam cum duobus supra quinquaginta annis in hoc munere consumtis ad æternam requiem captandam, vitæ honorumque fatur, concederet. Huic viro nescio utrum maiori gloriæ apud posteros futurum sit, si ipsum Potentissimi Electoris Brandenburgici, Serenissimorumque ex eadem domo Marchionum, qui in Franconia longe lateque dominantur, vt & Ducis Würtembergici, Consiliarium & Archiatrum fuisse recognouerint, an maiorem gratiam habituri sint, quod ductum pancreatis excretorium, primus omnium post renatas litteras, Patauî feliciter detexit & IO. GEORGIO VVÏRSVNGO, suo tunc hospiti, præmonstrauit: quodque, ad medicinam publice docendam adhibitus, primus in hac schola fuit, qui salutarem artem circulationi sanguinis, haud ita pridem publice propositæ, accommodaret. Ita certè in fatis fuit, vt nobilissimum illud inuentum, quum apud nos in publicum, quinquennio prius, quam in Britannia, prodire niteretur, ab vno HOFFMANNO suppressum, & postea numquam per eundem admissum, per HOFFMANNVM tamen, nemine amplius reluctantæ, introduceretur, totaque ars ad hanc lucernam, felici eiusdem manu, refingeretur.

Matrem habuit feminam nobilissimam ANNAM MARGARETAM, IOHANNIS SAMPSTAGH, dicti SAMPFERII, qui inter nobiliores Ciues Norimbergenses referebatur, & Per-Illustri Reipublicæ ab officiis tributariis erat, vnicam filiam, totius antiquæ stirpis vltimum germen, quam parens nostri MAVRITIVS primam ex tribus coniugem duxerat, tantoque amore, etiam morte sibi ereptam, prosequen-

batur,

batur, vt ad illius potissimum latus in coemiterio requiescere, eiusque solius nomen sepulcrali marmori inscribi voluerit. Si vero credimus auctoribus illis, qui non parum referre contendunt, virum ex valentibus & pleno ætatis vigore gaudentibus natus sis, an parentes iam laboribus & senio fractos ac quasi cariosos habueris: non male forte illud insigne corporis robur, quot tot itineribus faciendis, laboribusque ferendis, per septuaginta annos, & qui excurrunt, par fuit, illumque sollertissimi ingenii impetum, per omnia feliciter versatum & numquam deficientem, ex eo deriuauerimus, quod ambo parentes optimæ & florentissimæ ætatis vires æqualiter contulerunt, e castique tori luculentis flammis in fomitem durabilem & perennaturum scintillas viuidas propagauerunt.

Quum a. d. vii. Octobris Christo Seruatori recens natus offerretur per lauacrum mysticum regenerandus, sponso rem fidei habuit IO. CAROLVM FRAVENBURGERVM, tunc I. V. Candidatum, postea Illustrissimorum Raugrafiorum Palatinorum Consiliarium, B. IO. GERHARDI FRAVENBURGERI, I. V. D. & Prof. P. filium, & fratrem MARIAE MAGDALENÆ, quæ Nostri defunctæ matri in toro Hoffmanniano, ad breue quidem tempus, quippe altero statim anno morte eidem erepta, successit.

Teneram deinceps ætatem, quam primum animi vires explicari cœperunt, parentes optimi pia sedulitate ad homine & christiano digno mores, verumque de Deo sensum, formauerunt, adscitis etiam, quum vsus id postularet, honestis præceptoribus, qui inspicientibus ipsis operam darent, ne animi agellus, quod nimis promte fieri assolet vbi disciplina adductior deficit, & institutio nimium differtur, vitiis obsessus ad semina virtutum meliorumque scientiarum suscipienda & producenda ineptior redderetur. Accidit autem nostro, nouem admodum

annos nato, illa calamitas, ut amantissima matre orbaretur prius, quam intelligere satis posset, quantam hoc præmaturo eius obitu iacturam faceret. Quumque in fatis esset, ut parens nostri vnius lustrum decursu amantissimis vxoribus exsequias bis irèt, & nuptias nouas toties celebraret; quæ vicissitudines virum domi forisque occupatissimum a carissimorum liberorum sollicita cura subinde nimis auocant, mentemque ita distrahunt, ut plus optare quam efficere in educationis negotio liceat: hanc puto causam potissimam fuisse, cur amantissimus parens nostri tam sibi dilectum filium, in optimam spem adolescentem, e domo sua omnino dimittendum ad tempus existimaret. Florebat tunc in vicino oppido Heresbruccensi ludus litterarius, quem vir doctus & ingeniorum formandorum artis in primis gnarus IO. LVDOV. FABER, poeta laureatus Cæsareus, regebat: ad quem deductus a suo parente Noster, in eius viri convictu & disciplina tam diu hæsit. & linguarum Græcæ ac Latinæ, optimarumque artium fundamenta illa, quibus maiora in Academicis superstrui debent, feliciter iecit, donec dignus & idoneus esset, qui ad Academicam institutionem admitteretur. Factum hoc est, quum ætatis decimum sextum annum IO. MAVRITIUS noster ageret, anno superioris sæculi sexagesimo nono, quæ cætui Academico apud Altorfinos præerat Theologus grauissimus & doctissimus M. LVCAS FRIDERICVS REINHARTVS, apud quem nomen suum professus Musarum cultoribus adiungi merebatur. Ordine autem recto ad eruditionis culmen adscensusurus, initio quidem illa subsellia præcipue occupabat, in quibus ad bene ratiocinandum ac differendum, aut ad Græcæ linguæ intimiorem cognitionem, pangendiue carminis facultatem, vel naturalium rerum scientiam, pertinentia præcepta auscultando accipere aut rerum ante nostra tempora gestarum notitiam



titiam acquirere liceret: quorum quidem singulorum cupiditate ductus doctores & professores celeberrimos tunc assidue frequentabat IOH. CHRISTOPH. WAGENSEILIVM, IOH. PAVLVM FELWINGERVm, GEORG. MATHIAM KOENIGIVm, CHRISTOPHORVM MOLITOREM, & qui tunc recens accedebat, IO. CHRISTOPH. STVRMIVm. Præ ceteris autem vnum sibi, ex Parentis consilio, eligebat, philosophum ac theologum acutissimum non minus quam moderatissimum, IO. CONR. DVRRIVm, in cuius priuatissimis scholis plerasque philosophiæ partes ita pertractabat, vt & docendo ille vnus nostri perspecto iam ingenio se accommodaret, frequenterque interrogando de recte perceptis certior reddi cuperet, non recte intellecta suppleret vel corrigeret: noster autem maiori fiducia cum suo hoc cognato communicaret, si quod dubium sibi residere cognosceret. Quantopere huius sui DVRRII memoriam per omnem suam vitam coluerit *ὁ μακαρίτης* Noster, plures testantur, quibus æque ac mihi deprædicauit illius in docendo dexteritatem, in admonendo sinceritatem, in corrigendo humanitatem: quam vero ipsemet DVRRIVS nostrum amauerit, iamque schola sua egressum desiderauerit, testes habeo familiares litteras ad ipsum exaratas, amorem feruidissimum vndiquaque spirantes.

33. Biennium huius generis laboribus vtiliter iucundæque noster exegerat, quum iam ingenii vires tentare, suadentibus ita præceptoribus suis, aggredieretur. Atque vt athletæ quondam solebant a leuioribus certaminibus ad grauiora per gradus progredi, sic Noster initium sui ostendendi illud fecit, quod omni tempore doctis viris dignissimum fuit habitum, & cui in nostra hac Vniuersitate aliquanto fortasse maior, quam alibi, honor habetur, vt studiose elaboratam orationem *de causis longæuitatis maiorum nostrorum* in patrum Academicorum splen-



splendidissimo confessu, & ciuium litterariæ reipublicæ frequenti conspectu, applaudentibus & congratulantibus omnibus, recitaret. Mox alterum, maioris momenti certamen, philosophorum amplissimo ordine moderante, aggressus, examina legitima subiit, cumque laudatus hinc discessisset, ex publica cathedra *de magnorum mundi corporum magnetismo*, moderante STVRMIO supra laudato, disputauit, & rei bene gestæ præmium, Magisterialem laurum, in proxima panegyri Petro-Paulina, quem natalem suum hæc Academia sollemni ritu celebrat, honoribusque distribuendis tribuere solet, ex manu spectatissimi IO. CONRADI DVRII, ordinis philosophici tunc quartum decani, inter duodecim candidatos, nondum octauo supra decimum anno exacto, reportauit.

Tam bene præparatus Noster toto iam impetu ad salutarem artem addiscendam sese conferebat, quum antea, ita impellente proprio instinctu & approbante parente suo, animum subinde eo iam appulisset, quin a teneris vnguiculis de rebus medicis differenti, aut in horto academici cultissimo forte occupato, aut animalium hominumue corpora dissecanti patri auidus auditor & spectator adstitisset, illumque fructum, haud sane modicum, reportasset, quem Asclepiadarum quondam filii, qui longo vsu rerum, quem inde a primis annis habebant, & ipsi Asclepiadæ, id est patrum similes medici, reddebantur. Neque tamen solum parentis sui scholas frequentabat, verum etiam D. D. IO. PANCRATIO BRVNONI, medico celeberrimo, diligentem operam nauabat, nec vquam subterfugiebat occasiones in circulo disputatorio, siue defendendo propositas theses, siue erudite impugnando, fructum & profectum vberiore acquirendi.

Enimuero exstimulabat nostrum, extra patris ædes viuere iam pridem aduetum, ardens desiderium alias porro

porro vrbes Musarumque celebriores coetus perlustrandi: cuius sui desiderii causas quum Parenti suo & amicis satis comprobasset, eiusdem anni auctumno dimittebatur, vt voto suo, quantum posset ac vellet, satisfaceret. Præ reliquis autem terris illas lustrare cupiebat, quæ parenti ipsius, vt & GEORGIO NOESLERO, itidem claro apud nos medicinæ Doctori, Mauritiî Hoffmanni aunculo, originem dederant, & in quibus non paucos superesse nouerat cognationis iure ad se pertinentes. Celeriter itaque pertransibat Ienam & Lipsiam, vt & Wittebergam, neque aliud ibi, nisi doctos viros salutare & cognoscere, tunc quidem curæ habebat. Berolini, in splendidissima illa Electorali sede, aliquando longius moratus, ibique salutatis paternis amicis, visisque quæ in aula, vrbe & vicinia curioso spectatore digna essent, vsque ad Silesiæ metropolin Vratislauiam accessit, paternos in illo tractu illaque vrbe amicos salutaturus: quo facto, ad Francofurtum Viadro adiacens mentem direxit, vt Musarum sedem tunc florentissimam non inuiseret, vt priores illas, aut percurreret, sed, commorationi diuturniori iam antea a parente sibi destinata, ad tempus aliquod placide inhabitaret. Et sane magna alacritate ad hæc loca contenderat noster, quippe cui Parens sæpe commemorauerat patriæ suæ & Heliconis illius iucunditatem, cuique porro optimam spem fecerat sibi in paternis ædibus cognita humanitas IRENAEI VEHRH, qui apud nos honores doctores ante paucos annos consequutus, tunc medicinam in illa Vniuersitate maxima cum laude docebat. Ab hoc autem viro, quæcunque exspectauerat, abunde consequutus est, quum in ædibus & conuictu eius non minus iucunde quam fructuose degeret, & ex doctrinis eius tam publicis quam priuatis ad vtilitatem suam multa colligeret. Neque minus ipsi commodum & facilem se præbebat. CHRISTOPHO-

RVS VRSINVS, Facultatis medicæ alter Professor, a cuius ore Hoffmannus noster cupide pendeat. Sed quo minus satis iucunde hic viueret, primum efficiebat anceps & difficilis, quo corripiebatur, morbus, quem tamen Dei auxilio & laudatorum virorum, qui impense ipsum amabant, diligenti cura & præsidio superauit. Valetudinem pristinam adeptus cupide optabat a philosophorum amplissimo ordine impetrare, vt sibi liceret disputando & prælegendo ingenii vires periclitari, sicque docendo porro discere; quod consilium ipsi fidelissimus præceptor DVRRIVS dederat: sed consuetudo illius academix contraria obstabat. Satis itaque habebat bonas horas, quas huic exercitationi daturus fuerat, sibi conseruare, & in bibliothecæ tam publicæ Academicæ, quam Pelargianæ, crebra visitatione, non sine insigni emolumento suo, consumere.

Anno integro sic Francofurti transacto, quum iterum iterumque valetudo hic vacillaret, consilia agitabantur de alia Academia visitanda. Et DVRRIVS quidem, philosophiæ præcipue intuitu, Helmstadium litteris familiariter scriptis commendabat: ibi enim sibi promte quondam permissum fuisse, vt se disputando & acroases instituendo exerceret, gratissime prædicabat, volebatque Hoffmannum idem iter tenentem ad philosophiæ palmam porro decurrere: ipse vero, approbante parente, Belgium Britanniamque inuisere optabat. Enimuero bellicæ turbæ, a Gallis tunc concitatæ & Belgium in primis affligentes, destinatis eius intercedebant, efficiebantque, vt tantisper domi euentum expectare, & de tota re maturius cum parente & amicis deliberare, statuerit. Post non adeo longam in patria moram, quæ comparandis itineri necessariis danda erat, Italiam ingredi statuebat, præcipuorum, qui Norimbergæ & Altdorffii ad illud vsque tempus commorabantur, medicorum exemplo, quorum vix quisquam erat,

erat, qui non Alpes transiisset. Atque hunc quidem morem paulo superioribus temporibus omnibus fere Germanis communem, & ex parte necessarium, quum apud nos Academiae pauciores essent, deinceps tamen diutius obseruasse Norimbergenses hanc potissimum ob causam videntur, quod Italia commerciorum causa huic emporio longe magis coniuncta & commoda est, quam vel Gallia vel Belgium, omninoque facile est Patauii gentibus per mercatores Venetiis aliisque in locis habitantes a suis necessaria tempestiue seu rescire seu consequi. Neque vero Hoffmannum nostrum hæc solum rationes hæcque exempla ad Italos inuitabant, sed potissimum valebat, quod Patauinum gymnasium, prouida Serenissimæ Reip. Venetæ cura, optimis & celeberrimis viris abundabat, a quibus in medicinæ studiis operæ pretium facturi insignes scientiæ accessiones sperare sibi que promittere possent. Neque spem Hoffmanni nostri frustrabatur euentus: sed ita plane singula sibi ad votum comparata inueniebat, vt toto biennio minime exsatiari posset. Atque huius temporis maximam partem Patauii consumsit, audiendo Illustrissimos Comites, HIERONYMVM FRIGIMELICAM, nationis Germanicæ Protectorem, & ALEXANDRVM BORROMAEVM: tum & alios medicinæ Professores inclytos, RAYMUNDVM IOANNEM FORTEM, ANTONIVM MOLINETVM, DOMINICVM & ANTONIVM DE MARCHETTIS. Sed in primis se adiungebat Medico & Polyhistori eximio, CAROLO OFFREDO, cuius contubernio & conuictu fruebatur. Anatomicis sollennibus anniuersariis, ductu MOLINETTI habitis, neque minus botanicis demonstrationibus, quas in horto Academico GEORGIUS A TURRE habebat, assiduus aderat. Fovebat etiam & adiuuabat industriam eius in anatomico studio ANTONIVS DE MARCHETTIS, qui priuatæ exercitationi aliquot hominum cadauera suppeditabat, ipsique methodum

dum extrahendi venas, arterias & neruos, artem vtique subtilem & laboriosa patientia circumspicte exercendam, præmonstrabat: quemadmodum ab eodem etiam in nosocomium, ad D. Franciscum Maiorem dictum, non exiguo suo bono, deducebatur: præsertim quum antea a DOMINICO, Antonii fratre, singularum chirurgiæ operationum rationes addidicisset, sicque præparatus de exercitio earum iudicare valeret. Ad chemiam excolendam admittebatur a IACOBO BARNERO, auctore chymiciæ philosophicæ, haud contemnendi scripti, & EBERHARDO MELCHIORE, Germanis natione, & tunc artem illam, post IO. ZWELFERVM & OTTONEM TACHENIVM, itidem Germanos, in Patauina Academia docentibus. Quin desiderium videndi TACHENII, qui tunc Venetiis locupleti prouentu praxin medicam exercebat, & inclytum nomen ex chemiæ professione consequutus erat, nostrum in hanc ipsam urbem pertrahebat, vt aliquanto familiarius hunc virum pernosceret. Ibidem vero innotescebat viro integerrimo IOANNI BEHMIO, medico celeberrimo & in primis curioso, qui, quantum ægrotorum desideria gemitusque permittebant, chemiæ, vt & anatomicæ & botanicæ rei, aliisque ad naturalem historiam pertinentibus, magno studio & iucunditate impendebat, & ab illo tempore, quo HOFFMANNI virtutes primum cognouit, eidem impense semper fuit, litterisque familiariter scriptis amicitiam eius coluit: quæ posthæc magis confirmata fuit, cum ciuis Hoffmanni nostri, eiusdemque postea affinis, IO. FABRICIVS, Venetias paulo post iret, & eandem cum hoc humanissimo medico amicitiam, proxeneta HOFFMANNO, contraheret, quotidiana & familiari consuetudine multorum annorum confirmandam. Ex quo factum est, vt Hoffmannus postea per FABRICIVM maxime amicitias cum Italis contractas conseruaret, ipseque FABRICIVS nostro ad plures ineundas

viam



viam sterneret. Sed & hæc res toti Altorfinæ Academiae emolumento cessit: quippe BEHMIVS tam dilectum sibi amicum iam Professorum Altorfinorum collegio adscriptum, etiam absentem perpetuo colens, quum post aliquod tempus etiam FABRICIVS in idem cooptaretur, tam *ἡμολίφωρ* in amore Almæ matris Altorfinæ amicorum memoriæ illud ultro dedit, vt sui perpetuam recordationem apud illos exstare cuperet, beneficio quodam insigni & semper profuturo. Scilicet Excellentissimus BEHMIVS, vna cum præcipuæ dignitatis mercatore Germano, Vennetj habitante, CONRADO POMMERO, qui FABRICIVM vnice dilexerat, abeunti mille florenos hac lege dederunt, vt quamdiu ipsemet, vna cum coniuge quam ducturus esset, (duxit autem HOFFMANNI nostri sororem,) viueret, fructibus illius pecuniæ vteretur fruereturque: ambobus vero mortuis, illa summa Altorfinæ Academiae perpetuo vsui elocaretur.

Sed e breui diuerticulo ad HOFFMANNVM, & cum ipso Patauium, redimus. Is præter iam laudatos viros, medico futuro proxime inseruientes, insigni etiam modo admirabatur & colebat præstantissimum oratorem OCTAVIVM FERRARIVM, cuius suauissima eloquentia tantopere ipsum in admirationem eius rapiebat, vt numquam deinceps, etiam valde iam senex, sine insigni delectatione & fructu lucubrationes eiusdem euolueret, & ad hoc bene ornateque dicendi exemplar se potissimum componeret. Ceterum non sine honorum accessione Patauii HOFFMANNVS noster vixit, quandoquidem inclytæ nationis Germanicæ Artistarum bibliothecarius primarius, & Bohemicæ Consiliarius legitime constitutus fuit. Quam vero cupide elaborauerit his officiis rectissime præesse, vel illud perpetuo comprobabit monumentum, quod ipsi sudore & labore suo statuit, quum bibliothecam sibi per-



missam in ordinem meliorem redegerit, & a se conscriptum illius indicem primus omnium typis excudendum curauerit: ut omnes, ad quos ille apparatus pertinet, bona sua nosse, &, quicquid optarent, ad usum suum conuertere facilius possent.

Patauio relicto, reliquas per florentissimam Italiam Musarum sedes, si per tempus liceret, inuisere serio cupiebat: ne vero his diutius immoranti aliquid accideret, quod efficere posset, ne Romam, cuius lustrandæ præcipuo desiderio flagrabat, satis diu frequentare deinceps sibi liceret, per Ferrariam, Bononiam & Lauretanam domum celerius transiit, quo citius ad urbem perueniret. Heic vero summum Pontificem, CLEMENTEM X. consistorio publico præsidentem, contuitus, omnia deinceps antiquæ Romæ vestigia & rudera, nouæque decora, curiose lustrabat. Potissimum autem ipsum iuuabat viros adiisse, a quibus discere aliquid ad futuram vtilitatem suam posset. Atque hos inter præcipue faciles sibi fauentes habuit R. P. ATHANASIVM KIRCHERV, & GVIL. RIVAM S. Pontificis chirurgum, quorum consuetudinem plurimum sibi delectationis & fructus attulisse sæpe prædicare solebat. Bibliothecæ Vaticanæ cupidus spectator, quum ad illam liberum aditum impetrasset, subinde admiratus est eius amplitudinem, atque librorum omnis generis copiam atque splendorem. In primis vero auide perlustrauit longe elegantissimum codicem MStum PLINII *Historiæ naturalis*, qui artificiosis picturis passim illustratus est. Sæpissime etiam intrauit celeberrimum *Nosocomium ad Spiritum S.* ut omnis generis morborum ac curationum exempla oculis ibidem vsurparet.

Volebat Noster Neapolin etiam adire, nisi viarum minus tuta conditio, & nuncius de morbo contagioso ibi grassante, ac denique dissensus parentis, obstitisset, qui

qui reditum in patriam maturare repetitis vicibus iuebat. Cuius voluntati obsequutus noster ita itineris rationes instituebat, vt per Viterbum, Senas, Florentiam & Pisam, ad portum Liburnum pergeret: vnde per Luccam progressus Bononiam iterum contigit, maioriq[ue] otio hac quoque Academia perlustrata, ad Patauinam remeavit, vbi sarcinis collectis itineri in patriam sese accingebat, illudq[ue] post non longam moram ingressus feliciter absoluebat.

Post biennem absentiam patriæ suæ auctumno A. c[ho] lxxiii. redditus IO MAVRITIUS noster, iubente patre & hortantibus amicis, profectuum specimen publicum edere conabatur. Conscrip[ta]m igitur a se thesium medicarum *de pinguedine semicenturiam* offerebat optimo præceptor[um] suo IACOBO PANCRATIO BRVNONI, qui tunc Vniuersitatis huius sce[pt]ra tenebat, atq[ue] ab eo petebat, vt, censura earum instituta, deinceps publicæ disquisitioni præfideret: in quo cum beneuole assentientem habuisset, ipsum publicum hoc specimen a. d. xxv. Nouembris, applaudentibus omnibus, edebatur.

Sequenti anno sese præparabat honoribus Doctoralibus cape[ss]endis; quumq[ue] a gratiosa Facultate per examina legibus præscripta exploratus ac comprobatus esset, publicum inaugurale specimen, *de paroxysmis frequentioribus & vehementioribus*, a. d. x. Iunii sollemni disquisitioni subiiciebat. Hoc facto, doctorales honores in proxima panegyri Petro-Paulina, a brabeuta MAVRITIO HOFFMANNO, parente sui amantissimo, conseq[ue]batur.

Quam primum Doctoris titulo exornatus erat, totum sese comparabat, vt iis, quas tamdiu discendo & peregrinando comparauerat, eruditionis opibus in studiosæ iuuentutis plurimum fructum & solatium ægrotorum amplis-

amplissime vteretur. Approbante igitur patre suo, dissectionibus in primis diligentem operam nauabat, atque philiatris, in hoc genere exercitationum institui desiderantibus, non minus perita manu, quam diserto & facundo ore, corporis nostri fabricam proponebat. Quum istis inter priuatos parietes bene peractis, impetrasset, vt iam philiatri non tam bene de ipso sperarent, quam dexteritati eius & fidei plane confiderent; amplius etiam comprobandi artem & industriam suam occasio subnascebatur. Obtingebat scilicet Parenti ipsius cadauer humanum studiosæ iuuentutis bono in theatro anatomico publice disseccandum: ad quem laborem parens doctissimus filium ita in partes vocabat, vt præparationem omnium ipsi peragendum relinqueret: sibi nihil prorsus, præter demonstrationem, reseruaret. Quin cathedram etiam medicam, approbante Asclepiadeo ordine sæpius conscendebat & thesium a se propositarum defensionibus præsidebat. Huiusmodi laboribus per duos annos, non minus diligenter quam fructuose, defuncto, ad studii sui fructus amplissime percipiendos aditum parari æquissimum erat: præsertim quum is tunc esset medicæ Facultatis status, vt per novendecim annos omnis medicinam docendi faciendique labor duorum Professorum humeris incumberet, nostri autem parens, post triginta fere annorum Academicos labores, sensim debilitari se sentiret, & insuper aularum complurium iussis crebro auocaretur. Facile igitur impetrauit, vt sibi iam fatiscienti adiungeretur IO. MAVRITIUS suus, cui Illustres Academiae Altorfinæ Domini CVRATORES A. CLO MDCLXXVII. ad Panegyrim Petro-Paulinam suâ præsentia ornandam huc profecti, medicinæ professoris publici extraordinarii munus honorifico ritu tribuebant, cum peculiari mandato, vt in anatome docenda ac facienda parentem sublevaret; chemi-

chemiam autem, quæ sola ad hunc diem inculta hic manserat, primus in patriam Academiam deduceret. Huius autem tantopere a se adamatæ disciplinæ causa multum laborauit, donec commodam ipsi ac stabilem sedem compararet. Et initio quidem domi suæ, mox in horto Academico, quam bene fieri poterat, nidum ipsi struebat. Enimuero ea est huiusmodi laborum conditio, vt multa plane omittenda sint, si commodo & apto loco destituaris: plurima non sine molestia & periculo peragantur, si desit exquisitè aptatum ad huius philosophiæ culturam laboratorium. Hæc cum munificentissimis Academiæ Dominis Curatoribus exposuisset, atque simul locum commodissimum exstruendæ officinæ Vulcaniæ ostendisset, totiusque operis ichnographiam exhibuisset, tantum abest, vt rem tam vtilem intra pia desideria & vota subsistere permiserint, ut potius ardorem illum HOFFMANNI, collata a. d. xii. Ian. clō lōclxxxī. ordinarii Professoris dignitate, compensauerint, ac memorabili & numquam satis laudibus extollenda benignitate votis eius plenissime assenserint. Sub ipsis itaque oppidi moenibus, ex saxo quadrato & firmo constructis, ædificabatur illud, quod omnes laudant & admirantur, Laboratorium chemicum, totum lapideum, satis spaciosum, satis luminosum, superius fornicato opere clausum, & tam probe munitum, vt nullum sit ab igne etiam fortiori periculum. Huius iam constructæ & A. clō lōclxxxii. absolutæ officinæ quam frequens & occupatissimus incola ὁ μακαρίτης deinceps fuerit, æternum loquentur edita ab ipso, post discessum ex hac Vniuersitate, *Acta laboratorii chymici Altorfini*, in quibus labores ibi a se peractos, vna cum rationibus illorum, ita accurate, &, neruoso quidem dicendi genere, copiose describit, vt nesciam quis plura, veriora & medicinæ vtiliora, absque pompa tamen & vanitate, ad hanc

disciplinam illustrandam in medium contulerit. Atque ut discerent auditores chemicis medicamentis ad salutem ægrotantium recte uti, tunc, vel certe non multo post, coepit IO. HARTMANNI *praxin chymiatricam* prælectionibus suis illustrare: quod inde potissimum colligo, quia subinde in litteris suorum quondam auditorum circa finem superioris sæculi scriptis mentio illarum occurrit. Auxit vero & perpoliuit illum laborem quotidie, donec in lucem tandem edere hunc foetum, vltimis vitæ suæ annis decreuit.

Atque ab hoc tempore non lento gradu ad nominis celebritatem consequendam Noster procedebat, sed plane concitato cursu pulcherrimum dolichodromum decurrebat. Et anatomen quidem publico in theatro, & domi suæ, summa diligentia excolebat; quumque *microcosmus* celeberrimi IOHANNIS VAN HORNE præ reliquis commodus visus esset, quo duce suos in topographia corporis humani cognoscenda institueret: suarum ad compendium hoc prælectionum & lucubrationum specimina edebat, duodecim disputationibus publicis proposita, quæ tandem A. c1515CLXXXV. absolutæ & vni fasciculo inclusæ, sub titulo *dissertationum anatomico-physiologicarum ad HORNII microcosmum*, prodierunt; auctoriq; suo non exiguum famæ incrementum dederunt.

Quumque eodem tempore medicinæ cupidorum satis magnus esset in hac Vniuersitate numerus, quorum non pauci absoluto hic studiorum curriculo ad alias Germaniæ scholas visendas, nonnulli etiam ad Italos, Gallos, vel Batauos excurrerant, fieri non poterat, quin præceptoris sibi tantopere chari nomen vbicunque prædicarent: ad ipsum autem datis literis multam pietatem spirantibus subinde referrent, si quid vllibi nouiter inuentum publicaretur, aut si instrumenta prius cognitis aptiora excogitata



tata essent, aut si plantarum in Altdorffino horto nondum visarum semina adipiscerentur, aut denique si medicinarum arcaniorum descriptiones nacti essent, aut curationes maioris momenti rescuissent vel intuiti essent. Multas inspexi huius generis epistolas, a viris tunc iuuenibus, Hoffmannianæ scholæ primis alumni, celebre deinceps nomen adeptis, ex itineribus scriptas, ex quibus nominibus suis MICH. FRID. LOCHNERVM Norimbergensem, CHR. DAN. METZGERVM Ratisbonensem, BERNH. MATTH. FRANCKIVM Kiloniensem, DAV. ZOLLICOFFERVM Heluetium, & IO. BENED. DE ZAPOTH Magni Czarii deinceps Archiatrum, laudasse sufficiat.

Quin summi etiam ordinis & nominis medici, alique celeberrimi viri, HOFFMANNI amicitiam frequentibus litteris colebant, quibus simul vel filios aut cognatos scholæ eius commendabant, vel ex horto academico Floræ suæ suppetias quærebant, vel ad dignitates & officia alibi suscipienda ipsum sollicitabant, vel pro iuuenibus antea commendatis gratias ipsi agebant. Ex multis, quæ ad manus sunt, indicabo GEORGIVM FRANCVM, tunc Wittebergæ professorem, qui in causa filii hic commorantis sæpius amantissime scripsit, & circa annum 1691. serio & repetito Nostrum ad professionem anatomicam atque botanicam invitavit: quemadmodum antea etiam GEORG. VVOLFGANGVS VVEDELIVS ultro significabat, Facultatem medicam Ienensem Nostrum in litteris ad Serenissimos Nutritores scriptis inter illos posuisse, ex quibus seligi optarent, qui in locum GVNTHERI CHRIST. SCHELHAMMERI discessu vacuefactum surrogaretur; idemque postea crebris litteris filium disciplinæ Hoffmannianæ traditum commendauit. Iam laudatus SCHELHAMMERVS botanicæ rei adminicula sibi Helmstadium mitti rogabat; & pro impetratis ex sua suppellectile paria reponebat. ANTONIVS MAGLIABECCHIVS ami-



citiam nostri sponte quærebat, litteris per IOANNEM FABRICIVM missis: quas primas crebræ deinceps aliæ subsequabantur, multis nouitatibus litterariis repletæ, sæpissime nouissimis libris comitatæ.

Sed longe honorificentissimum Nostro erat ab inelyta Academia Cæsarea Naturæ Curiosorum collegam A. clō lōc lxxxiii. adscitum fuisse, & strenua industria in transmittendis obseruationibus selectissimis commeruisse, vt quinto anno post illam adscriptionem, diplomate ab Illustri tunc Præsidi IO. GEORGIO VOLCKAMERO transmissio, inter illos referretur, quorum consilio res maioris momenti ad vniuersam Societatem pertinentes administrantur, vnde Præsidi Adiunctorum nomine insi-  
gniuntur.

Atque hæc fere sunt, quæ primis publicæ professionis suæ annis IO. MAVRITIUS noster diligentia assiduæ specimina dedit, hique fructus, quos collegit. Neque tamen docendo tantum aut commentando adstrictus domi perpetuo residebat, & artis exercitium negligebat: sed cuius operam suam expetenti in hac etiam medici officii parte satisfaciebat: cuius rei documento sunt quam plurimæ litteræ a Serenissimis & Illustrissimis personis ad Nostrum exarata. Enimuero Noster huius generis laboribus libenter superfedebat, quamdiu Parentis optimæ vires erant, ut ad se confugientibus ægrotis succurreret. Postea vero quam ille annis & laboribus attritus nimium requiem desiderare cœpit, quod molestioribus itineribus ineptum sese sentiebat, quod fere ab A. clō lōc xc. accidebat, a tranquilliori cum Musis consuetudine & prælectionum ac commentationum Academicarum assiduitate sæpe nimis longe discedere cogebatur. Huius etiam actiuæ magis & distractæ vitæ rationes dare iuuerit. Accidebat anno antea indicato, vt vernali tempore Serenissi-  
mus

mus Marchio Onoldo-Brandenburgicus D. GEORGIVS FRIDERICVS variolatum epidemio morbo, pluribus ex Serenissima hac domo antea fatali, corriperebatur : vnde IO. MAVRITIUS noster ipsis feriis Pentecostalibus quam celerissimis nuntiis aduocabatur, vt tanti Principis valetudinis curam gereret. Superato feliciter hoc morbo clementissimus Princeps, HOFFMANNI in arte spectatam peritiam, morumque recte compositorum elegantiam, vsque adeo adamabat & admirabatur, vt ipsum Consilarii & Archiatri honoribus exornaret, stipendio honorifico clementissime adiecto. Eiusdem anni autumno cum eodem Principe ac Domino suo concedente Perillustri Magistratu Norico, iter in Italiam suscipiebat, quo primum *Mediolanum* visebatur, hinc castra ad *Casale S. Euasii*, quod munitissimum propugnaculum, tunc iam ad extremum discrimen redactum Foederatorum exercituum diuturna oppugnatione, tandem penitus solo æquatum fuit, lustrabatur: deinde aulam *Taurinensem* cum Principe suo visitauit: ab hac per Aulam Pompeiam & montanum, qui interiacet, tractum, satis difficili itinere, Genuam perueniunt. In hoc amplissimo & elegantissimo emporio, virium reficiendarum causa, aliquantisper morati, hinc porro, ad Principum in illa Italiae Cispadanae parte aulas ordine inuifendas, iter per Parmam, Guastallam, Mantuam & Mutinam prosequiebantur, donec anno illo exeunte ad florentissimum emporium Venetum appulerunt. Huius vero amoenitas, & hospitum, qui eo confluerant, frequentia ac varietas, tantopere Serenissimum Principem delectabat, vs ultra trimestre temporis spatium iucunde hic transigeret: HOFFMANNO nostro, quantum a Principe abesse licebat, fere consumente familiari cum BEHMIO suo consuetudine, aut cum aliis eruditis viris, in quorum cognitionem recens peruenerat. Venetiis relictis, per Bo-

noniam & Lauretanam domum, recto itinere Neapolin petebant, vt hanc adeo decantatam totius regni metropolin, cum circumiacentibus locis, monteque igniuomo Vesuuio, oculis vsurparent. His spectaculis satiatos Roma ad se vocabat, vt quæ ibi Dominica Palmarum, die Viridium & paschali sollemniter religioseque quotannis fiunt, coram intuerentur, & deinceps reliqua amplissimæ vrbis decora per otium considerarent. Nostrium maxime tunc iuuabat innotuisse LVCAE TOZZIO, S. Pontificis cubiculario medico, cui tunc recens editorum Miscellaneorum Acad. Nat. Curiosorum volumen, ab Illustri SCHROECKIO Venetias transmissum, offerebat; & IO. MARIAM LANCISIVM, qui TOZZIO postea in eodem munere successit, virum eruditissimum, & litterarum patronum maximum; & IO. BAPT. TRIVMFETTI, botanicum celeberrimum, cognouisse, cum quo postea crebrum ipsi fuit litterarum commercium, ita vt semina plantarum noster Romam, ille Altorfium mitteret, tandemque humanissimum virum Academiæ N. C. sociis adscribi apud Illustrem Præsidentem LVCAM SCHROECKIVM efficeret. Roma discedentes per Hetruriam itinere celeriori pergebant, nullibi, nisi in Florentina metropoli, multum commorati, vt ante in Germaniam reuerterentur, quam magni calores Italos exurere inciperent. Sed hic iucundissimum Nostro erat cum ANTONIO MAGLIABECCHIO, Magni Ducis bibliothecario, veteri suo amico, cum FRANCISCO REDI, nobili Aretino, NICOL. BELLINO, anatomes totiusque medicinæ gnarissimo viro, colloqui, etsi bibliothecam toto orbe celeberrimam, quantum vel ipse videre, vel Præfectus illius humanissimus ostendere gestiebat, ob festinandi legitimas causas, vsurpare non licebat, quod proximis litteris suis Magliabecchius valde deplorabat: quemadmodum etiam DOMINICVS GVGLIELMINVS officiose  
scriptis

scriptis litteris significabat, quantopere doleat, quod præfens in vrbe non fuisset, cum Hoffmannus noster Mutinam anno superiori transiens inuisere ipsum vellet.

A tam longa & difficili excursionē saluus & incolumis noster Altorfium a. d. xx. Iunii clō lxxcvi. reuertebatur, nihilque magis curæ habebat, quam vt diuturnam absentiam maiori diligentia pensaret, eoque alacrius ad labores secum obeundos deduceret philiatros, quo diutius feriatī essent. Enimuero inuitum ab hac industria retrahebat Nostrum Celsissimus Princeps suus, qui nunc in castris ad Rhenum copiis foederatorum aduersus Gallos bellantium præerat, &, ob morbos ingruentes sibi metuens, exeunte Augusto mandabat, vt quam celerime ad se excurreret; quæ tamen absentia breuior fuit & mediō Octobris finem consequuta est. Sperabat iam noster fore, vt sine noua auocatione secum, & cum Musis suis, habitare sibi per hybernos menses liceret: sed longe aliter accidebat. Serenissimus enim Dux Würtembergico-Weiltingensis, FRIDERICVS FERDINANDVS eodem mense exeunte mittebat aliquem ex aulico ministerio, qui Nostrum, vna cum Norimbergensi medico per celebri, SEPTIMO ANDREA FABRICIO, ad se adduceret, vt in commune consulerent, quo pacto Serenissimæ coniugi suæ, a melancholia grauiter uexatæ, succurrendum esset.

Quum sequenti anno per pacem Ryswicensem omnis Europa ab armis auocaretur, ad Nostrum etiam tranquillitatis redditæ ille fructus redundabat, vt per quatuor fere annos pauciores auocationes essent, quibus a consueta industria retraheretur: fereque sufficeret ad inuisendum Serenissimum Principem suum aliquot dies impendere. Isto temporis interuallo contigit Nostro rara illa felicitas, vt feminæ grauidæ, quæ seipsam in Pegnesi vndas

vndas præcipitem dederat, cadauer in theatro anatomico disseccandum exeunte mense Martio A. clō lxxcvii. nancisceretur. Huius alacriter susceptæ & feliciter absolutæ dissectionis gaudium magna calamitas domestica, subito in Nostrum incidens, nimium turbabat. Ipso enim Parasceues die, Dei nutu, accidebat, ut Parens nostri dilectissimus, MAVRITIUS, forti apoplexia corripereetur & vitæ laudabilis finem faceret, ex se autem prognatorum, & nepotum suorum, pectora graui luctu obrueret. Huius obitu vacuefactam Horti medici præfecturam, & cum ea coniunctam botanices professionem, gratiosissime in Nostrum contulerunt Illustres Academiae Domini CVRATORES, idque insuper leuando dolori, & ceteris insignibus Viri meritis, dederunt, vt commodissimam Collegii academici partem, a beato Parente habitatam, et theatro anatomico ac laboratorio chemico arctissime coniunctam, Nostro attribuerent. Quam parum præmeditatus hunc euentum is fuerit, quamque ab inquirendo in patrios annos aliena pietas eius manserit, vel hoc argumento cognosci poterit, quod affinis sui IO. FABRICII, eodem anno ad Professionem theologicam in alma IVLIA capeffendam ire parantis, commodas & ab ipso fundamento recens constructas ædes, ad forum sitas, magno ære comparauerat: quarum nunc possessio omnis fere superuacua, imo oneri Nostro reddebatur. Nec hæc sola erat, quæ in nostrum hoc anno conferebatur, honorum accessio: verum etiam Rectoris Vniuersitatis Altorfinæ graue munus, quod A. clō lxxlxxxvi. primum gesserat, in humeros eius, ordine sic postulante, secundum imponebatur, iusto integri anni spacio ferendum.

Annus noui sæculi primus ad itinera frequentiora Nostrum reuocabat. Aestatis enim initio iubebatur cum Serenissima Principe ac Domina WILHELMINA CAROLI-



ROLINA, nunc Magnæ Britanniae Regina pia, felici, ad thermas Emsenses abire, ibique potandarum acidularum Sualbacensium vsum consilio moderari: quæ peregrinatio vel propterea Nostro iucundissima esse debuit, quod ipsi Summos & Cellissimos Imperii Principes Electores, Moguntinum & Treuirenses, ut & Serenissimum Landgraviū Hasso-Darmstadiensē, submisit salutandi & splendidissimas illorum aulas videndi copiam fecit.

Enimuero paulo molestius ipsum præstolabatur iter iam adulto auctumno, in gratiam Serenissimi sui Principis, suscipiendum. Exarserat in Italia magnum belli incendium, postquam Rex Hispaniarum CAROLVS II. mortaliū rebus exemptus erat. Ad hoc extinguendum Augustissimus Imperator LEOPOLDVS, cum aliis fortissimis copiarum suarum ductoribus, etiam Serenissimum Marchionem GEORG. FRIDERICVM, Generalis campi Marefchalli Locumtenentis munere fungentem, quam celerime miserat, qui, cum exercitus variis morbis castrensis diuexaretur, ad hunc medicum suum, iam toties sibi salutarem, scribebat, ut celerrimo itinere, omnibus rebus posthabitis, ad se deuolaret. Tanta promptitudine Noster iussa capebat, ut, quum a. d. x. Octobris hinc abiisset, Principi suo ac Domino eiusdem mensis die xix. de salute ac incolumitate coelitus conseruata in castris ad *Chiarā* gratularetur. Tunc quidem multis fortissimis Ducibus consiliis suis plurimum proderat, præcipue autem ad Serenissimi Principis ac Domini FRIDERICI, Landgrafiatus Hasso-Casselani Heredis, qui nunc Suecici regni habenas fortiter & feliciter tenet, valetudinem restituendam consilium & operam suam cum aliis feliciter se contulisse, subinde gaudebat. Expeditione illius anni, circa Decembris exitum, tandem finita, Principem suum ad hyberna in Mantuanum Ducatum sequebatur: inde



vero, impetrata venia domum remeandi, Venetias properabat, ipsisque Kalendis Ianuariis A. clocccii. ex hac vrbe profectus, octauo die Onoldum attingebat, & paucis interiectis Altorfium ingrediebatur.

Exeunte Martio mense ad castra Cæsareorum in Italia, inque iis Principem suum Clementissimum, concedente Perillustri Reip. Norimbergensis Senatu, abeundum erat. Hoc vero anno, non minus quam superiori, plurimis, quos nominibus suis recensere longum esset, summi ordinis Principibus & Ducibus Cæsareis arte salutaris succurrebat, subinde cum maximo suo periculo, si vel prope loca ab hostibus occupata transeundum esset, vel in palantium militum, aut prædas agentium, cateruas incideret: vt Deo magnas grates persoluendi causas haberet, quod aliquoties tormentorum missiles globos et sclopetorum glandes illæsus pertransiuerit. Aestatis initio Augustissimus Imperator Serenissimum Marchionem Onoldinum ex Italia reuocabat, vt Landauio obsidione a nostris cingendo & expugnando operam atque consilia conferret. Hac re fiebat, vt & Nostro HOFFMANNO liceret ad patriam reuerti, qui tamen, quam inter medios hostes euitauerat, immaturam mortem vix effugiebat, vbi a telis hostium nihil metuendum amplius erat. Nam cum prope Oenipontem vehiculum, cui insidebat, subuerteretur, & per decliua magno impetu deuolucretur, graui lapsu caput allidebatur, vt sublatus tandem & Oenipontem deuectus, ibi aliquantisper morari, & medicinam sibimet facere, cogeretur. Vbi primum vires collegerat, iter tamen, quamuis vacillante corpore, & tertiana febre correptus, prosequabatur, donec Onoldi & deinceps Altorfii, quo exeunte Iulio venerat, maiori otio sui rationem habere & morbum profligare liceret.

Sequen-

Sequenti anno cło lccc iii. per ipsa viscera Germaniæ truculentus Mars grassabatur, idque belli incendium Altorfinam urbem nimis prope attingebat. Tunc Serenissimus Marchio GEORG. FRIDERICVS aduersus hostiles in Bauaria exercitus fortiter pugnans, in velitatione aliqua iuxta Schmidmuhlen, Palatinatus superioris oppidum, grauissime vulneratus a. d. xxviii. Martii animam Creatori reddiderat: ad quem vocatus quidem Noster nihil amplius valebat iam demortuo præstare, quam vt pro ea temporis ac loci commoditate, quæ in pago, & proxime confidentibus hostibus, dabatur, corpus ad longiorem durationem, mille interspersis lacrymis suis, condiret. Enimuero tantum aberat vt gratia Serenissimæ Domus in ipsum cum hac morte expiraret, vt potius Serenissimus successor, Dominus WILHELMVS FRIDERICVS, illico Nostrum, ad idem sibi munus in posterum præstandum, clementissime allegeret: cuius exemplum sequenti anno imitabatur Serenissimus Dux Solisbaco-Palatinus, Dominus THEODORVS, qui quum suum archiatrium D. D. IO. LVDOVICVM APINVM, apud nos medicinæ professorem, dignissimum longiori vita virum, amisisset, valetudinis suæ curam Nostro pariter committebat: quemadmodum A. cło lcccvi. a Serenissimo Marchione Culmbaco-Brandenburgico, Domino CHRISTIANO ERNESTO etiam vocabatur, vt Consiliarii atque Archiatri sui dignitates susciperet. Tot aularum ministeriis ordinariis impeditum & distractum insuper alii Proceres Imperii certatim expetebant, vt sibi suisque succurrere vellet: quumque Ipsum nossent ita animum, vt a munere Academico non nisi valde inuitus discederet, subinde apud Principes, quorum ministerio addictus erat, precibus suis efficiebant, vt ab his ad se mitteretur, vt cognoui ex pluribus Illustrissimorum Comitum & Ba-

ronum, quas inspexi, litteris. Et sane multos habeo testes, quam cupide, ardentique studio satisfacere philatrorum desideriis optauerit: Vix pedem ædibus suis, ab itinere redux, intulerat, quum iam ad philatrorum musea excurreret famulus, qui simul aduentum & prælectionum horas indiceret. Certe industriam comprobare, si aliud nullum exstaret argumentum, abunde debet, dissertationum ab ipso elaboratarum numerus, quarum in *Idea machine humane anatomico-physiologica*, quæ cl. hcc iii. in publicum prodiit, viginti, totum disciplinæ ambitum complexæ, & ab anno cl. lclxxxvi. in ordine circulari propositæ, iunctim exhibentur: præter quas tamen eodem interuallo editæ publicæ disputationes tredecim inueniuntur. Atque hæc inter nec anatomica exercitia cessabant, nec laboratorium chemicum frigeat, nec hortus cultura destituebatur: quin potius summa industria curabatur, vt in maius & melius proueretur; florebat commercio botanico cum Italis per laudatum TRIUMFETIVM & BEHMIVM, cum Lutetiensibus per ANDREAM GVNDELSEIMERVM, qui tunc ab itinere per orientales prouincias, cum TOURNEFORTIO peracto, redierat, & præceptorem hunc suum τὸν μακαρίτην Nostrium, crebris ac officiosissimis litteris salutabat: quibus deinceps etiam accesserunt, vt ex litteris excerpere licuit, HERMANNVS BÖERHAAVE, professor Lugdunensis, & IO. HENR. HEYCHFRVS, tunc Wittebergensis Professor, nunc Potentissimi Regis Poloniae Electoris Saxoniae Archiater dignissimus, vt & IO. SIGISMVNDVS HENNINGERVS, Argentoratensis Vniuersitatis Professor, de medicinali materia in primis bene meritus: vt taceam multos Floræ amatores priuatos, qui subinde suas huc mittebant plantas, vt alias ex nostro horto reciperent.

His laboribus continuo deditus HOFFMANNVS Noster annum huius sæculi nonum contingebat, quo meritissimus vir IACOBVS PANCRATIVS BRVNO, optimus Senex, & non solum ordinis sui, sed & Vniuersitatis totius, Senior, mortalibus rebus eximebatur: quo facto non solum ad primariam Facultatis medicæ cathedram promouebatur, verum etiam omnium in tota Academia docentium, si officii annos numeres, Senior reddebatur. Sed & tacite iam tunc Nostro subreperat senectus, atque ætatis vigor languescere incipiebat: in primis autem oculorum acies, quæ in anatomes professore requiritur, imminui coeperat. Quare, ad praxin medicam docendam vocatus, tanto æquiori animo dimittebat anatomes administrationem, quo certius prouidebat, fore vt ea nihil detrimenti caperet, ad D. D. LAVRENTIVM HEISTERVM deferenda. Hoc ultimo vitæ academicæ studio omnem operam studiumque conferebat ad *disquisitionem corporis humani anatomico-pathologicam, rationibus & observationibus veterum & recentiorum, singulari studio collectis, confirmatam*, quam quidem viginti dissertationibus, in circulo Academico, per partes ordine exhibuit: absolutam deinde cl. lccc xiii. vno fasciculo complexus est. Dici facile non potest, quanti laboris, quantius iudicii, sit opus illud, non vagis & subito enatis cogitationibus, sed sollicite conquisitis ex optimis scriptoribus, innixum & superstructum observationibus, vt non possim non exosculari iudicium beati viri D. D. LVCAE SCHROECKII, Illustris Acad. Nat. Curiosor. Præsidis meritissimi, qui Ephemeridum nostrarum fucum quasi & sanguinem hic inueniri grauer agnouit & ingenue professus est.

Atque hoc quasi cygneo cantu, dulcissimo sane & omni posteritati delectabili futuro, Academicæ stationi vale dixisse à *mandatis* Noster mihi videtur. Etsi enim

nihil magis in votis habebat, quam in patria consenescere, & ad beate defuncti parentis latus mortalitatis suæ spolia deponere : aliter tamen visum fuit illi, (propria eius verba reddo,) qui res mundanas sapientissime temperat, cuius sanctissimo nutui obtemperare, alio migrare, patriosque relinquere fines quasi coactus fuit. Serenissimus enim Marchio Onoldo-Brandenburgicus, Dominus WILHELMVS FRIDERICVS, e re sua, atque Celsissimæ Domus suæ, maxime futurum existimabat, si tam spectatæ probatæque fidei & peritiæ medicum continenter præsentem haberet : vtque tandem impetraret, præter reliquas honestas lautasque conditiones, Consiliarii etiam aulici dignitatem adiiciebat. Quum igitur τῷ μακαρίῳ Nostro incolumitas tam celsæ domus, sibi que & parenti suo semper clementissimæ, vnice curæ cordique esset, firmiterque persuasum haberet, fore vt familiæ suæ optime, sub tanti Principis tutela, consultum esset, DEI se nutu ad nouam stationem euocari nullus dubitans, a Perillustribus Reip. Norimbergensis Senatu honorifice dimissus, domicilium optima spe ac fiducia Onoldum, exeunte anno sæculi huius xiii. transferebat, haud quidem ratus fore, vt tanta negotiorum mole mox obrueretur, quæ ipsum impediret officiosum Vale illi Vniuersitati dicere, in qua tamdiu vixerat, vt omnes, quos cooptatus collegas coluerat, eosdem morte ablatos cerneret, solusque in orchestra remaneret, non feretro auferendus, sed DEI nutu in viciniam dimittendus. Quum vero præter opinionem id accideret, vt optato reditu intercluderetur, officiose scriptis ad Senatum Academicum literis, Vniuersitati huic pietatem suam ostendebat, excusationeque ab ineuitabili necessitate petita veniam omissæ publicæ sollemnisque valedictionis deprecabatur. His vero Senatus Academicus a. d. xxi. Martii clc lccc xiv. proli-

prolixa significatione voluntatis suæ in HOFFMANNVM suos-  
que perpetuo propensissimæ respondebat, simulque osten-  
debat, quantopere optaret, vt Collegæ suo Seniori, per  
tot annos spectatissimo, fausta omnia & fortunata eue-  
nirent.

Restat itaque vltima quasi scena vitæ laudabilis τὸ μα-  
ναε/τς HOFFMANNI, in ipso splendidissimæ aulæ conspectu  
transactæ. Primarius ipsi, imo vel solitarius, labor esse  
debebat, vt valetudini Celsissimi Principis WILHELMI  
FRIDERICI, atque Serenissimæ familiæ eius, inque hac  
vnici hæredis & iuventutis Principis, Domini CAROLI  
GVIL. FRIDERICI, qui nunc rerum potitur, inuigilaret.  
Atque huic tanti vtique momenti officio tam alacriter tan-  
taque fide & industria satisfecit, vt Clementissimi Principis  
gratiam abunde promeruerit, atque, postquam apoplexia  
mortalibus rebus eum eripuerat, constanti tamen gratia  
apud Serenissimam Principem Marchionissam floruerit.  
Enimuero tam spectati viri consiliis & opera vt quoque  
aliæ summi ordinis personæ discupiebant, adeoque apud  
Dominum eius precibus suis efflagitabant, vt frui illo ad  
tempus aliquod liceret. Id præcipue faciebat Serenis-  
sima Poloniæ Regina, Domina CHRISTINA EBER-  
HARDINA, quæ fontis Burgbernheimensis vsum, ex  
consilio Hoffmanni nostri, A. clo lccc xvii. vt & sequenti  
anno, salutarem sibi experta est, atque operam sibi tam  
proficuum largissima remuneratione compensauit. Non  
dicam, quoties ad proxime vicinos Illustrissimos Comi-  
tes & Nobiles excurrerit, aut per litteras in grauissimis  
sæpe morbis consultus, ea præscripserit, quæ saluti recu-  
perandæ proficua essent, quamque vtilem sæpe operam  
aulæ florentissimæ Proceribus in valetudinis discrimine  
constitutis nauauerit.



Quicquid autem ab his laboribus relinquebatur temporis, id vtilissime consumebat scriptorum suorum recensione & elimatione, quæ satis domi perpolita, in communem reipublicæ litterariæ vtilitatem, publica luce donabat. Non parum otii sui consumebat condendis observationibus pulcerrimis, quibus Ephemerides Academiae nostræ exornaret, quas tam diligenter exhibuit, ut vix quisquam Ipsi industriam & in communicando *diphthongas* vicerit: de quo multa hoc loco dicere non opus est, quum cuius commentarios istos euoluenti facile sint obuia isthæc diligentiae Hoffmannianæ documenta, ære & marmore quouis perenniora. Sed maius restabat officium Illustri Societati huic præstandum. Scilicet ad meliorem vitam translato illustri LOCHNERO, circumspiciendum erat, quis ipsius in locum surrogari posset, qui officio *Directoris Ephemeridum Academiae Naturæ Curiosorum* digne fungeretur. Quumque & venerandus Præses, & excellentissimi Domini Adiuncti, nullum digniorem in suo ordine viderent HOFFMANNO nostro, communibus votis hoc munus, non parum laboriosum, ipsi decernebant: quorum suffragiis iunctæ preces tandem effecerunt, ut onus illud humeris suis imponi A. clō lccc xxi. pateretur, & cum ipso honorificos titulos Augustissimorum Cæsarum clementissimo decreto Directori adiunctos, *Sacra Cæsarea Maiestatis Archiatri, S. Palatii Lateranensis, Aulaque Cæsarea & Consistorii Imperialis Comititis, ac S. R. I. Nobilis*, adipisceretur.

Quam vero sollicitè omnibus huius muneris partibus satisfacere studuerit, quamque sedulo cum Venerando Præside, & Nestore illo Societatis nostræ, illustri D. D. GODOFREDO THOMASIO, consilia in rebus ad societatem pertinentibus communicauerit, eius rei testes habeo crebras litteras a duumviris hisce ad ipsum datas, tunc maxime, quum

quum Ephemeridum nostrarum volumen ab ipso procuratum, sub titulo *Actorum physico-medicorum Academiae Casareae Naturae Curiosorum*, Norimbergæ A. clō lccc xxvii. sub prælo sudaret.

Tantopere occupati viri valetudinem, senectute iam ingrauescente, articularis morbus, hæreditate in ipsum translatus, grauiter vexabat: sed ad subruendas vires iustus dolor ex casibus aduersis non parum subinde faciebat: in primis autem cum patriæ Serenissimus Parens, idemque Dominus Nostri Clementissimus, nemine expectante, forti apoplexia clō lccc xxi. abriperetur; & sequente anno vnicus Nostri filius, Serenissimi Principis Consiliarius & aulæ medicus, immatura morte, quam hydrops pectoris produxerat, viuientium commercio eximeretur. Vt igitur animum recrearet, simulque corporis vires refocillaret, ætate A. clō lccc xxiii. ad dulcissimam patriam suam tantisper excurrebat, vt gaudii incredibilis, quo tunc Vniuersitas illa, Sæcularia sua sollemniter celebrans, perfruebatur, ipse quoque particeps redderetur. Et sane omnibus acceptissimus, neque privato solum nomine, aderat, quum personam legati Academiae Heidelbergensis sustineret, atque inter omnes, qui splendorem istis sollemnibus honorifica præsentia sua addebant, primo loco haberetur.

Sequenti anno ὁ μακαρίτης iuebatur ad thermas Carolinas, cum Serenissima Principe terrarum Onoldo-Brandenburgicarum tutrice, proficisci, ibique vsum fontis illius ad instaurandam & confirmandam valetudinem Eius, iam tunc vacillantem, consilio suo moderari. Ad hanc curationem in partes tunc vocabatur vir experientia multorum annorum fontis illius naturam plenissime edoctus, D. LIC. IMMANUEL HENR. GARMANNVS, Schneebergensis ciuitatis medicus & consul meritissimus: cuius

dexteritatem nunc experta, probitate autem & morum elegantia delectata Princeps Serenissima, mox coepit cogitare de hoc viro aulae suae adscribendo, ut HOFFMANNVM senem subleuaret, illique aliquando succederet. Et sane gratissimum hunc sibi collegam dari ipse quoque Hoffmannus noster vnice optabat, ideoque nullum arietem, expugnando proposito eius idoneum, non adhibebat: tandemque ad aulam accedentem ita colebat, ut mutuis inter se amicitiae officiis certarent.

Hæc inter annum ætatis septuagesimum quartum Vir optimus attigerat, nec parum decrescere in dies corporis sui vires satis iam intelligebat: quo magis de exitu ex hac vita proxime expectando cogitabat. Ut autem, qui tota sua vita, docendo & exercendo salutarem artem, aliis profuerat, sub ipsum eius finem aliquid perageret, quod duraturo fructu medicinae addictos iuuare ac erudire posset, ad incudem reuocabat ea, quæ florente ætate ad praxin chymiatricam HARTMANNI commentatus fuerat, quæque in gratiam filii FRIDERICI MAVRITH multis accessionibus auctiora reddiderat, eaque typographo excudenda permittebat: cui subiungebat longe elegantissimum, & summo cum iudicio elaboratum opusculum, cui titulum fecerat: *Prolusiones de remediorum delectu*. Quum illius operis editionem iam absolutam vidisset, & Serenissimo Principi, Domino CAROLO GVILIELMO FRIDERICO, Principatus Onoldo-Brandenburgici vnico hæredi, obtulisset, breui post in extremam ægritudinem incidebat. Nam quum podagrico morbo a multis iam retro annis stans temporibus laborasset, nunc a triennio factum fuerat, ut fatiscientes corporis vires, ad extremos artus proicere hunc hostem, & impuritates ibi despumando, interiora tuta præstare non amplius valerent. Hinc varii irregulares spastici motus pas-

sim emicabant, & non raro extremum vitæ periculum, pectoris præcipue constrictione & angustia incredibili invalescentibus, afferebant: qui tamen atroces morbi impetus, diuina adspirante gratia, facilius superabantur, donec Octobri mense A. cdo lccc xxvii. grauissimo impetu, totisque viribus, diri spastici motus ipsum corriperent, moxque lingua quasi paralyticum quid pateretur, vt loquela fere tota sublata videretur. Quantum territa his tam fonticis malis fuerat nobilissima eius familia, tantam spem recipiebat, quum podagrici dolores, pleno impetu, in manus pedesque irruerent, adeoque linguam & interiores partes tantisper liberarent. Sed quam fallaces sunt spes hominum! quam parum natura senio fracta aduersus gravitatem morbi, virilem vegetamque ætatem requirentem, valet! hacque succumbente quid optimi medici & medicinæ efficacissimæ iuuant! Nimirum mox retrocedens ab artubus noxia materia, motusque ad interiora viscera conuersi, febrem lentam accendebant, perpetua oris & faucium siccitate molestissimam: pectus adeo constringebatur, vt vix spiritum amplius duceret, artus tremebant, nulla a somno recreatio impetrari poterat, viresque in singula momenta magis magisque prosternebantur, donec inter pias preces & amplexus carissimæ coniugis ac filiarum nobilissimarum, coniunctissimorumque amicorum, animam placide cœlo reddidit a. d. vltimum mensis Octobris, quum illam testaceo fragilique domicilio corporis inclusam per septuaginta & quatuor annos, diesque viginti quinque, circumtulisset numquam otiosam, numquam diuinæ originis nobilitate indigna agitantem.

Superest, vt de animi corporisque dotibus eximiis, quæ in beato Viro eluxerunt, deque re ipsius familiari, paucula subiungam, & enarratis scriptis, quæ in lucem

edidit, hanc commentatiunculam meam concludam. Corpus a natura nactus fuit mediocriter procerum, firmum, & ad robur æque ac aptam agilitatem honestis & liberaliter educato homine dignis exercitiis confirmatum. Vultum gerebat liberalem, decorum & ad gratiam ac grauitatem æqualiter compositum. Habitus corporis is erat, qui nec inertī mole oneraret, nec ferendis laboribus impar esset, parum obesus, ad venustatem tamen sufficienter plenus, quique inter ipsas seniles rugas charites suas ostendebat. Incessus erat placidus & moderatus. Sermonem facilitas & gratia commendabat; ipsa voce virilem grauitatem, cum admirabili quadam suauitate temperatam, comprobante. Temperamentum nactus erat melancholico-sanguineum, quod sequutæ omnes eius actiones facilitatem aliquam nativam, cum constantia & assiduitate iunctam, prodiderunt. Animi affectibus, ex philosophiæ diligenti cultura & Christianæ pietatis disciplina, ita imperare didicerat, vt nulli ipsum succubuisse vel seruisse vmquam compertum sit. DEVM sincera mente pieque colebat, sacra omnia reuerenter habebat; societati ita se aptum idoneumque præstabat, vt omnes beneuolentia & humanitate alliceret: amicos omni officiorum genere colebat, neque vinci se ab aliquo promittitudine inseruiendi patiebatur. Nemo in ipsum immemorem beneficium vmquam contulit: si vero sibi contingeret nullam vel malam pro meritis gratiam referre, æquo animo sic perferebat, vt acerbe conquerentem aut beneficium exprobrantem nemo audiret. Opis suæ indigos consilio, commendatione, &, si res ita ferret, ipso opere adiuuabat. A vana iactantia tantum aberat Vir omni ex parte meritiſſimus, vt numquam in scriptis suis, etiam vbi vere sua & a se inuenta tradit, intento quasi in semet digito sibi

sibi ea vindicet & adscribat : tantumque aberat, vt aliorum inuenta sibi arrogaret, vt potius iam valde senex ingenue fateretur, si quid etiam a iunioribus accepisset. Superiores ingenuo & liberali obsequio ita colebat, vt nec adulando, vel intempestiue obtemperando, aut tacendo, salutem ipsorum pessundaret. Si res postularet, ad omnes itinerum vigiliarumque molestias promte accedebat, easdemque constanter tolerabat. Nihil sanctius & attentius obseruauit tempore, cuius tam erat avarus dispensator, vt vel horulam sibi elabi, quam non optime collocare liceret, impense doleret. Prælectiones summa fide & alacritate, statis horis, instituebat : sique inuito surreptæ fuissent aliquæ, alias commodè surrogando damnum refarcire solebat. Absentibus amicis, per litteras secum colloquentibus, facilem sese præbebat, omninoque gaudebat commercio hoc litterario cum viris eruditionis laude conspicuis : quorum aliquos superius indicandi occasionem habui, quibus nunc aliorum, qui inter multos frequentius occurrunt, nomina, vt se forte oculis per litteras excurrentibus ingerunt, subnectam. Offerunt autem se ADOLPHVS VISCHERVS, ELIAS RVDOLPHVS CAMERARIVS, IOHANNES BOHNIVS, IO. IAC. VVEPFERVS, EBERHARDVS GOCKELIVS, LVCAS TOZZIVS, IO. CONRADVS BRVNNERVS, ROSINVS LENTILIVS, FRIDERICVS HOFFMANNVS, IO. GEORGIVS VOLCKAMMERVS, IO. ADOLPHVS VVEDELIVS, W. ZAPFIVS : quos ex magno numero paucos indicasse sufficiat. Atque hi omnes de grauissimis rebus vel quærunt, vel quæsiiti respondent. Si numerare vellem principes Personas, quarum aliquæ ad Regium fastigium euectæ sunt, quæ per litteras cum beato Viro egerunt, aut Illustrissimorum Comitum & Comitissarum epistolas recensere, quæ magno numero adsunt, vereor vt ostentationi magis quam veræ utili-



tati seruiſſe videar. Quare progredior potius ad exponendum de familia τῆ μακαρίτη. Is tori ſociam ſibi iungebat A. clō lōclxxxī. a. d. xxvi. Aprilis, virginem lectiſſimam & nobiliſſimam ANNAM MARIAM EYSELIAM, Viri Nobiliſſimi FRIDERICI EYSELII, Conſiliarii Marchionis Onoldo-Brandenburgici, filiam, ex qua quinque liberorum pater factus eſt. In lucem edebatur MARGARETHA SIBYLLA a. d. xx. Sept. clō lōclxxxii. duobuſque menſibus exactis animulam DEO creatori reddebat. Sequebatur A. clō lōclxxxiii. FRIDERICVS MAVRITIYS, qui in optimam ſpem adoleuit, litterarumque ac philoſophiæ ſtudiis probe imbutus ad medicinam, patris auique exemplo, animum appulit. Quum honores Doctores rite conſequutus eſſet, tam fauentem clementemque Principem Onoldinum experiebatur, vt ipſum Conſiliarii dignitate ornaret & aulæ ſuæ medicum conſtitueret. Academia Nat. Curioſorum ab Illuſtri Præſide SCHROECKIO clō lōccxxi. adſcribebatur: omninoque magnam de eo ſpem concipere licebat, fore vt ad paterna veſtigia eniteretur, quum mors præmatura intercederet, ipſumque, ab hydrope pectoris occaſione arrepta, mortalium coetui eximeret. Sequebantur tres filiæ, quarum prima, CATHARINA CHARLOTTA, a. d. vi. Ianuarii clō lōclxxxvi. in hanc lucem edita, matrimonio iuncta A. clō lōccciii. Viro Prænobiliſſimo & Conſultiffimo IO. GEORGIO FICHTNERO, Conſiliario Reipubl. Norimbergensis, & Pandectarum in Academia Altorfina Profeſſori publico, τῶν μακαρίτην auum fecit duorum nepotum, in optimam ſpem adultorum, IO. MAVRITII, I. V. L. & STEPHANI FERDINANDI, Philoſophiæ & Iuriſprudentiæ ſtudioſi. Altera, SOPHIA MARGARETHA, a. d. vi. Iunii clō lōclxxxix. lucem hanc adſpiciebat, & clō lōcccxxiii. elocabatur matrimonio Viri Prænobiliſſimi FRANCISCI BYTNERI, Medici-  
cine

cina Doctoris & Acad. N. C. Socii : vitam autem cum morte permutabat A. clō 1688 xxviii. Tertia, FRIDERICA IULIANA, communis auræ vsuram capiebat a. d. xiii. Iunii A. clō 1688 xvi. & clō 1688 xxii. in tori societatem assumebatur a Viro strenuissimo & nobilissimo IO. LEONARDO FELLHORNIO, supremo excubiarum reique tormentariæ Præfecto, & in arce Coburgensi Præsidis vicem gerente, quæ itidem nepotes beato parenti ex se progeniuit.

Viuit itaque beatus Senex in liberis & ex his prognatis nepotibus : viuit vero non minus immortalibus ingenii sui monumentis : quorum præcipua quidem, sic ferente dicendorum ordine, iam attigimus : nunc vno conspectu intuenenda subiiciemus.

\* \* \*

SCRIPTA IO. MAVRITII HOFFMANNI  
EDITA.

1. Dissertationes Anatomico-Physiologicæ, ad IOH. VAN HORNE *Microscopium* annotatæ, A. 1685 in 4t.
2. *Idea Machine humane Anatomico-Physiologica*, ad obseruationes recentiores conformata, & ad methodum lectionum sollemnium accommodata, A. 1703. in 4t. (\*)
3. *Flora Altorfina delitiæ hortenses, locupletiores facta*, siue Appendix Catalogi Horti Medici Altorfni, plantarum nouarum accessione aucta, A. 1703. in 4t.
4. *Disquisitio corporis humani Anatomico-Pathologica*, rationibus & obseruationibus veterum ac recentiorum confirmata, A. 1713. in 4t. (\*\*)
5. *Acta Laboratorii Chimici Altorfni*, Chimie fundamenta, operationes præcipuas, & tentamina curiosa ; ratione & experientia suffulta, complectentia, A. 1720. in 4to. (\*\*\*)

6. Syn-

(\*) Honorifica huius operis recensio extat in *Alt. Erud. Lipsens.* A. 1704. p. 63. seq.

(\*\*) vid. eorund. *Actorum* A. 1713. p. 452.

(\*\*\*) vid. A. 1720. p. 31. seq.

6. *Syntagma Pathologico-Therapeuticum*, ad IO. HARTMANNI *Præxin Chimiaticam* concinnatum; Morborum ibidem propositorum, & plurium omissorum, nunc additorum, subiectum, causas, signa & curationem, probatissimorum remediorum accessione auctam complectens: vna cum *Prolusionibus XLIV. de remediorum delectu*, Lipsiæ, 1728. in 4t.

*Disputationes publicæ sub eiusdem directione & præsidio habitæ.*

1. De *Aspergella*, seu Microcosmi *Aeolia*, Respondente *Matthia Henrico Winter*, Creilshemio-Franco, 1680.
2. De *Aegro Althmatico*, Resp. *Io. Bartholom. Cramer*, Vlmenſi, 1681.
3. De *Ossium Carie*, Resp. *Magno Maffon*, Stutgard. Sueuo, 1681.
4. De *Naso*, faciei promontorio, Resp. *Mich. Frid. Lochnero*, Furth-Norico, 1681.
5. De dolore, Resp. *Daniele Zollicofero*, Sangallo-Helueto, 1682.
6. De *Glandulis renalibus*, Resp. *Frid. Iac. Brunone*, Altorf. 1682.
7. De *Cuticula & Cute*, Resp. *Christoph. Dan. Metzgero*, Polonienſe Hungaro, 1685.
8. De *Medicamentis martialibus*, Resp. *Io. Georg. Beutel*, Ratisb. 1685.
9. De *Anorexia*, Resp. *Io. Iusto Kornmanno* de Hornsbach, Alsfeldia-Haſſo, 1685.
10. De *Odoramentis & Suffimentis*, Resp. *Io. Iacobo Cnopff*, Vienneſi-Auſtrio, 1686.
11. De *Vena Portæ*, Resp. *Io. Guil. Ayser*, Norimbergenſi, 1687.
12. De *Gustu*, Resp. *Bern. Matthia Franco*, Kilon. Holſato, 1689.
13. De *Liquore gastrico*, Resp. *Adamo Vnzelmänn*, Delmenhorſtenſe.
14. De *Pericardio*, Resp. *Georg. Frid. Franco de Franckenau*, Argentoratēſe, 1690.
15. De *Suturis cranii humani*, Resp. *Dan. Henr. Meibomio*, Helmſtadienſe, 1691.
16. De *Saluatione mercuriali*, R. *Ad. Vnzelmänno*, Delmenh. 1691.

17. De

17. De Neruis, Resp. *Io. Pauero*, Vratislauiense. 1692.
18. De Aëre morbifico, R. *Christoph. Erasmo Gockelio*, Vlmense, 1694.
19. De Omento, Resp. *Io. Vierzigmanno*, 1695.
20. De fluidorum catholicorum foetus motu, Resp. *Carolo Rayger*,  
Poson. Hung. 1695.
21. De Diluio Microcosmi peculiari, siue Hydrocephalo, Resp. *Mel-  
chiore Cunrado Cramer*, Onold. Franc. 1695.
22. De Secretione animali, R. *Erhardo Huber*, Dissenhof. Helu. 1695.
23. De Pancreate, Resp. *Io. Sam. Römhild*, Coburg. Fr. 1706.
24. De Ptarmographia, R. *Ioseph. Iac. Hämpel*, Pilsna-Bohemo, 1711.
25. Sciagraphia methodi medendi, primis designata lineis, Resp. *Chri-  
stoph. Iac. Treuv*, Lauffa-Norico, d. 2, Dec. 1713.

\* \* \*

Quamplurimas elegantissimas obseruationes, argumenti anato-  
mici, chemici vel practici, Academiae Nostrae Ephemeridibus inser-  
tas, hic ordine recensere supersedeo, vt tempori chartaeque parcam.  
Vltimum etiam ante hunc illarum Ephemeridum tomum, qui *Acto-  
rum physico-medicorum Acad. Cas. N. C. volumen primum* inscribitur,  
a Nostro, tamquam Directore, procuratum fuisse iam supra monuimus.

\* \*

*Nondum edita, elaborata tamen scripta, beatus Autor  
reliquit sequentia:*

Annotationes breues, cum selectiorum remediorum apparatu, ad  
*monita medica IO. IAC. VVALDSCHMIDII.*

*Sciagraphiam Institutionum Medicarum*, per quaestiones ac respon-  
siones designatam.

PAULI BARBETTE *Chirurgiam*, notis & remediis dilucidatam.



INDEX ALPHABETICVS RERVM NOTATV  
DIGNIORVM,

vbi asteriscus numero adiectus ad appendicem  
remittit.

<b>A</b> abortus ex alui obstructione neglecta	374	Ambustio a puluere pyrio	436
Abortum præcauens	436	Anatome anasarca olim corre-	
Abcessus mesenterii lienteriz cau-		pti	38
sa	242	— apoplectici senis	243
— faccatus in pleura	46	— arsenico necati	361
Absorbentium abusus	316	— <i>αυτοχρησος</i>	170
Aciculæ deglutitæ, 13. per ve-		— cephalæ laborantis <i>αυτοχρη-</i>	
sicam redduntur	14	<i>πος</i>	84
Acidularum Deinacensium abu-		— exomphalo demortui	415
sus	372	— foetus monstrosi	283
— vsus in spasms noxius	132	— fracturam spinæ passî	120
Aëris iniuriæ ad spasticos motus		— hominis pinguis	19
dispositis conspicue nocent		— — sclopeti lardo & cannabi	
	192	infarcti ictu necati	424
Alaudarum esus an innoxius	278	— hydropici	48. 89
Aloe Americana femine propaga-		— hydropicæ ex ovario	187
ta	408	— hydropicæ	462
Alui fluxus colliquatius	40	— orthopnoici	47
— — paroxysmum febrilem		— partus monstrosi	43
orditur	313	— pueri atrophici	164
— segnities	436	Androgynos	397
— solutio in variolis	418	Angina stipata	173
Aluus neglecta abortus causa	374	Anginæ remedium	437
Amaurosis V. Snem nimiam sub-		Anima rhabbari	440
sequitur	108	Anthelmintici externi effectus.	6
— subitanea post vomitum cru-		Annulus innoxie deglutitus	373
entum	122	Aortæ ossescentia	243
		Apho-	

# INDEX.

Aphonia a catarrho	168	Cæcitas ex calculo	196
— a vermicibus	145	— a draſtico vomitorio	109
Aphoniæ remedium	437	Calcis viuæ vapor ſternutare fa-	
Apoplexiæ præſeruatiuum	438	cit	195
Apoſtema panis melliti eſu cura-		Calculi fellei	376
tum	431	— remedium	438
Aqua calcis viuæ	16	— veſicæ dignotio difficilis	138
— fontis Schönholzersvveilenſis	*64	Calculus renal. cæcitatſ cauſa	196
— vulneraria	255	— per anum reiectus	286
Aſſenici noxæ 361. ſeorſim ca-		— abſque nephritide præuia	*51
pillis inſperſi	23	Callus in pene	402
Artemiſia ambuſtis confert	436	Calor nimius purpuram retro-	
Arteriola ſponte reſoluitur	349	pellit	87
Arthritis fixa ex vnguento mer-		Cancer ex tumore pendulo male	
curiali	100	tractato	98
— maxillæ inferioris	367	Canis clauus per caput tranſadigi-	
Arthritidi vagæ ſuperuenientia ex-		tur	257
anthemata	185	Canis varioloſus ex contagio	426
Aſtaci chela tribus apicibus præ-		Capitis tumor a carne fungoſa	225
dicta	285	Caput obſtipum cum carie	219
Aſtaco fluuiatili quomodo ſomnus			221
inducatur	192	Cardialgia V. S. ne curata	368
Aſthma ſpaſticum periodicum	189	Cardialgiæ euporiſton	439
Aſtroicæ quid?	83	Caries cranii carnem fungoſam	
Auis Indica tribus pedibus	200	emittit. 225. ſterni, clauic-	
Aurora borealis	*51	ulæ, brachii, manus, genu	
Balfamum vitæ Auguſtanor.	132		240
Belladonnæ radix	274	Caries oſſis in Iſchiadico	208
Bregmatis os exeuſum	225	— — occipitis	219
Cachexia cum carie	240	— vertebrarum colli	219
— icteritia a martialibus	103	Carnifex medicaſter ſtrages edit	
Cæcitas a capitis contuſione	172	98. 102. 105. 107. 109	
		Carnium ſapor ſtercoreus	426
		ff 2	Caro



Caro pecorum morbo extincto- rum noxia 39	Constitutio epidemica Ferrarien- sis anni 1729. 465
Catarrhi euporiston 439	Contagium diarrhoea & sudore eneruatum 433
Causæ nondum finitæ controuer- sæ: an bruta habeant sensus & rationem 91	Convulsiones a sanguine nimium misso 108
Cephalæa ab hydropo ventriculo- rum cerebri 83	— puerorum epilepticæ 442
Cerasi fructus pilis & insectis ob- situs 270	Convulsiva dispositio ex usu dra- stici 105
Chamæmelum monstrosus 407	Cor adipe obductum 18
Chirurgastrorum inscitia propu- diola 205	— arrosus & exulceratus in or- thopnoico 47
Cinnabaris nativa non semper pura 365	— totum suppuratum 51
Cirsocele sanata 13	Cordis bubuli frustum post bien- nium e ventriculo reiectum 460
Clavi remedium euporiston 41. 42	— prava conformatio 5
Claucula cariola 240	Cortex Peruvianus dolores in- ducit 287
Clyster vinosus inebriat 178	Costarum a sterno separatarum novus coalitus 238
Cobaltum qua cautione venden- dum 281	Cranii excrecentia osseo-spongio- sa 222
Coli prolapsus in intestinum re- ctum 239	— periculosa læsiones tarde ne- cantes 345
Colica stas temporibus recur- rens 301	Cranium cariosum 50
Colicæ nephritico-hæmorrhoida- lis remedium 440	Crurum dolor osteocopus * 50
Columbarum esus facit melan- choliā 456	Crus rigidum ex vesicantium ab- usu 100
Complicatio morborum chroni- ca 341	Crystallus inter grandines 280
Concrementū ligamentosum sub lingua canum excisum 453	Cistis fellea magna in boue 268
	<b>D</b> ens ex medio palati 262
	265
	Den-

# INDEX.

Dentes in sexagenaria renati	21	Exostosis cranii	222
Diabeticum quid a martialibus	104	Extractio vera Solis	404
Diarrhoea a sudore suppressio	430	Extractum Scyllæ	135
— cruenta a vermibus	145	<b>F</b> abariæ radix	447
Diemerbroeckii de dentibus opinio	262	Fames canina post hydropho-	458
refutata	262	biam	458
Docimasia aquarum Badenſium	* 42	Febris cacatoria	314
Dorrhoe	352	— continuæ euporistum	443
Drastica ad convulsiones dispo-	105	— tertiana annuatim recurrens	386
nunt	105	— — clystere vinoſo ſedata	178
<b>E</b> brietas a clystere vinoſo	178	Femina 46. annorum, diu non	52
Embryo 6. septimanarum in-	326	menſtruata, parit	52
tegris artubus	326	Femoris offis luxatio 292. eius	232
Emmenagogum noxium	28	capituli plenarius defectus	ibid.
Emplaſtrorum incaute adhibito-	107	rum noxæ	107
Empyema	242	Flatulentia prolapſum vteri indu-	152
Empyus abſceſſu ſponte orto ſa-	45	cit	152
natus	45	Flatulentia remedia	154
Enteroschecele fortuito caſu ſa-	62	— euporiston	447
nata	62	Fœtus, an per os nutriatur 211. ſqq.	217
Entrochi quid ?	83	— bicorporeus	217
Epiglottis indurata deglutitionis	194	— & ſecundinarum in cavitatem	112
difficilis cauſa	194	abdominis excluſio	112
Epileſia viſa epileptica	302	Fracturæ ſpinæ dorsi effectus mor-	117
Epileſiæ remedium	442	boſi	117
Euporiſtorum ſylloge 435. ſeqq.	443	Frigus naſi virium defectum præ-	261
Exanthemata arthritidi vagæ ſu-	185	nuncians	261
peruenientia	185	Fulmen Mellingenſe	* 60
Excoriationis euporiston	443	Funiculus umbilicalis prope abdo-	115
		men impune abruptus	115
		ff 3	Gem-

# INDEX

<b>G</b> emma figurata 244. seq.	Hydatides in plexu chorioide 85
— Aegyptiacæ in mumia	Hydrophobia a pelle canis rabiosi 303
Gothana reperta 251	— sine morfu orta 458
Genæ pustula variolarum vicia 433	Hydrops ascites diuresi solutus 434
Germinatio vegetabilium in vegetabili 176	— diureticis curatus 15
Gotthardi montis altitudo *52	— lapsu curatus 461
Grauidarum ptyalismus 457	— pericardii, palpitationis cordis causa 17
Grauiditas cum surditate 179	
Grylli thermales Badenses *61	
<b>H</b> alecum appetitus & nausea 457	<b>I</b> steri remedium 448
Hæmorrhoidarius insignis 181	Impotentia virilis a fascino 455
Hæmorrhoides a iuuentute liberales 429	Incendium Hafniense *131. seqq.
— a V. Sine brachii motæ 428	Infans ore clauso natus 210
— vesicæ 157	Infanticidii scrutinium 63
Hæmorrhoidum cæcarum euporiston 447	Iris alba *61
— irregulares motus tumorum herniosorum causa 188	Ischiadicum malum a carie ossis 208
Hemicranie euporiston 447	— — ulcere tibie solutum 429
Hepar corruptum in homine pingui 19	Ischuria ex plethora 367
— scirrhum & calculosum 411	Insectum cerasi fructui adhærens 270
Hernie endemie 355	Instrumentum ad phimosis 111
Hernia varicofo-humorsa 187	Intestinorum scirrhus 164
— umbilicalis, pro tumore cystico habita 204	Intestinum ileon habet valvulas conniuentes 127
Hirudines clauum exsugunt 42	<b>L</b> ac in vberibus canis extra impregnationem 279
Hornbergæ situs 357. tractus illius endemii morbi 352	Lactiferorum tubulorum examen 125
	Lactis abundantie & defectus remedium 448
	Lapi-

# INDEX.

Lapides farciminales	80	Mellis cum pane vsus scarabæos generat	324
— figurati montis <i>Hausberg</i> .	78	Mellitius panis apostema curat	431
— solaris figuræ	83	Membranzæ tympani tegumentum	128. an sit pars cuticulæ? ib.
Lienis ruptura lethalis	49	Memoria I. M. Hoffmanni	* 185
Lienteria ex abscessu mesenterii	242		seqq.
Linguzæ paralytis a vermibus	369	Memoria Riedliniana	* 173. seqq.
Lipothymia a soluta ligatura venæ sectæ	370	Mensium insolitæ viæ	369
Liquor vulnerarius Dippelii	255	Menstrua innoxie retenta	52
Lumborum spasmus biennalis	131	— putatitia	13
Lumbricorum euporista	449	Menstruorum suppressorum noxæ	53
Lues tremula	350		
Luxatio ossis femoris	229	Mercurii diuturnus vsus absque salivatione	36
<b>M</b> ammæ examinatz	124	Mictus cruentus hæmorrhoidalis	157
Mammarum affectibus proficuum	449	Molam pellens	436
Mammillarum excoariatio & fissura	449	Mons <i>Hausberg</i> dictus	78
Margæ arsenicalis examen	364	Morbi endemii quidam	355
— terræ cautus vsus	364	Morborum complicatio chronica	341
Margaritarum auerfatio	464	Morbus complicatissimus	* 3. seqq.
Mars fulminans	220	— epidemius Lipsiæ 1710.	296
Martialium abusus cachexiam icteritiam inducit	103	— — singularis	350
Martis solutio ab alcali sicco	319	— petechialis, Pofonii A. 1683.	
Maxillæ inferioris arthritidis	367	grassatus	* 27. seqq.
Medulla spinalis exarescens	234	Mors a percussione hepatis	16
	seqq.	Mumia Gothana	251
Melancholia ex esu columbarum	456	Musei Baieriani sciagraphia	* 67
Melancholici exemplum	143		seqq.
		Mytulorum esus noxius	52

- N**ebula morbilifera 303  
 Nephritis purpuræ retrocedenti superueniens 287  
 Nidus vesparum 285  
 Nigellæ semen euporiston 448  
**O**culi ruptura 28. a drastico vomitorio 109  
 Oculorum vitium in infantem ex matre illatum 196  
 Odontalgia magica 454  
 Oleum formicarum æthereum 304  
 Ophthalmia visum hebetiorem emendat 109  
 Opii mirabilis efficacia 202  
 Opium aduetis non adimendum 203  
 Orthopnoici anatomie 47  
 Oryctographiæ Noricæ D. D. Bæieri supplementa \*91. seqq.  
 Os concretum in recens nato 210  
 Ovarii hydrops 186  
**P**alpitationis cordis causa 17  
 Panaritii remedium 449  
 Pancreas corruptum in homine pingui 19  
 — scirrhum 241  
 Pannus oculi curatus 180  
 Paralysis ab exarescentia medullæ spinalis 234  
 — a fractura spinæ dorsi 117  
 Paralysis linguæ a vermibus 369  
 Pareira braua in podagra utilis 133  
 Parotides exulceratæ cum vomitibus pulmonum & mesenterii 241  
 Partum facilitans 450  
 Penis callus 402  
 Pericardium cartilagineum & cordi coactum 48  
 — sanguine extrahato plenum 242  
 Phimosis noua methode curata 110  
 Phthiriasis insolita 396  
 Pili & insectum peculiare cerasi 270  
 Pinguis vir, corruptis præcipuis visceribus 20  
 Plantæ rariores Vogtlandiæ 390  
 Podagra retrocedens 133  
 Podagram soluens scabies 370  
 Polyposæ sanguinis concretiones 123  
 Polypus cordis 170  
 — magnus mortis causa 198  
 Prolapsus vteri a flatulentia 152  
 Ptyalismus grauidarum 457  
 Pueri insolita magnitudo 90  
 Pulmo crasso velamento tectus 26  
 Purgantium drasticorum noxia 101. 102  
 — superadditio noxia 197  
 Purpura puerperarum 328. seqq.  
 Purpuræ malignæ ac variolarum complicatio 338  
 Purpu-

# INDEX.


Purpuræ non rite decurrentis var- riæ successiones	86	Scirthus intestinorum	164
— superueniunt parotides	87	Sclopeti lardo & cannabi infarcti ictus lethalis	423
Purpuram retrocedentem suble- quens hæmorrhagia	87	Scorbutica ulcera sinuosa	239
Pustula genæ variolarum vicaria	433	Scorbuticus iuuenis drasticis occi- sus	96
Quartana polyporum cordis	171	Scorbutus endemius	356
Rabies a pelle canis rabiosi	303	Scyllæ extractum	135
Raucedinis euporiston	439	Singultus remedium	450
Renis ruptura lethalis	49	Solani furiosi radix	274
Rhachitis endemia	355	Solis vera extractio	404
Rubigo sanitati noxia	130	Spasmus lumborum biennalis	131
Sabina an emmenagoga	271	Species pro tabaco ad raucedinem	439
Sal sympatheticus	256	Sphacelus vteri	328. seq.
Salacitas insignis	425	Spirituosorum potuum desiderium extinguens	450
Salia media sine visibili acido	318	Sterilitas a male curata tertiana	321
Saluatio inexpectata & funesta	167	— ab ulcere antiquo pedis	314
Saluationis effectus in scorbutico	34. 50	saluatione curata	ibid.
Saluatione tollitur sterilitas	314	Sternum cariosum	50. 240
Sambuci auersatio	456	Sternutatio insolens a vapore cal- cis viuæ	195
Sanguinis egressus insoliti	348	— crebrior ab ingluuie	432
Satyrialis epileptica infantis	402	Stranguriæ grauidarum patholo- gia	283
Scabies scorbutica, mercuriali vn- guento tractata, in arthriti- dem abit	101	Strumarum euporiston	450
— podagram soluens	370	Sudor colliquatiuus 40. insoli- tus	194
— vino Hungarico curata	406	— singularis variolis superue- niens	77
Scarabæi albi eiekti	324	Suffocatio a mytilis	52
Schaben-Safft	364	gg	Sugil-



# INDEX.

Sugillatio spontanea labii inferioris & menti	88	Valuulæ coniuventes ilei	127
Sulphur antimonij auratum	444	Variolæ anomalæ	268
	446	— canem contagio inuadunt	426
Superfoetatio abortiua	282	— verrucosæ	358
— falso perhibita	* 143	Variolarum ac purpuræ complicatio	338
Surditas in grauida	179	Variolis superueniens sudor	77
<b>T</b> abaci pulueris noxæ	179	V. Snis nimix noxæ	108
Tabificæ villæ	352	Venæ sponte resolutæ sanguinem fundunt	349
Terræ motus	* 55	Venena qua cautione vendenda	281
— — Argentoratensis historia	398	Ventriculus cerebri tertius vesicæ vrinariæ vices in partu monstroso gerens	43
Tertianæ chronicæ remediū	444	Ventris tumor fictus	207
Testiculus scirrhusus	12	Vermes aphoniam inducunt	145
Tibiæ inflammatio ab hirudinibus crematis	454	— paralyfin linguæ inducunt	369
Tincturæ rhabbarbari laudes	440	— tremorem inducunt	322
— metallorum	16	Vermiculi plexum choroidem perreptantes	35
Tormina hysterica abscessu bubonode soluta	421	Vermis , post variolas , e cantho oculi	270
Tremor epidemicus	350	Vertebrarum colli caries	219
— a vermibus	322	Vesicatoria erysipelati male adhibita	100
Trepanationis difficultas	347	— oculo immediate imposita	172
Trigonometriam concernens observatio	177	Vesicatorii ad podagram fixandam destinati effectus	174
Tumor palpebræ insignis absque sectione curatus	169	Vesicula fellis magna in boue	268
— pendens in cancrum abit	98	Vesparum nidus	285
— strumosus mercurio curatus	32. 34	Villæ tabificæ	352
Tussis pediluulo calido excitata	44	Vini cupreis particulis imbuti noxæ	28
— remedium euporiston	451		
<b>V</b> acca ante partum lac copiose præbens	279		

# INDEX.

Vinum Hungaricum scabiei me- dela	406	Vomitus e fulgure	455
— Rhenanum vulnerarium	260	Vlcera sinuosa scorbuticorum	239
Vifus debilitatem emendans	451	Vteri impuritates tollens eupori- ston	451
— duplicatus	1	— prolapsus a flatibus	152
— hebetior, curatur ophthal- mia	109	— ruptura	112
Vita sine cibo & potu diu acta	56	— sphacelus	328
Vitulus monstrosus	201	Vulnerarius liquor Dippelii	255
Vomitoriorum diuerfus effectus	434	Vuulæ procidentis remedium	452
Vomitus cruentus amaurofin in- ducit	122	 urm der Hunde	453
		Wurfsteine	80

## SPHALMATA TYPOGRAPHICA.

B. L. Velis, pro æquitate Tua, condonare typi crebros errores, quibus hoc indice potius mederi voluimus, quam dissimulando TE suspensum tenere. Qui curam editionis gessit, Director, a prælo absuit; neque vmquam metuit posse fieri, vt exstantiora errata remanerent, quum typographus summam industriam esset pollicitus. Sed animaduersis, qui in primas plagas irreperant, erroribus, opera data est, vt singula folia ad ipsum mitterentur: quumque nec hoc sufficeret ad aberrationes crebras satis præcauendas, appendix tandem prælo hic dari debuit: quam liberam ab eiusmodi hallucinationibus Te deprehensurum esse confidimus. Vale.

Pag. 2. lin. 13. lege *praternaturalem*. p. 6. l. 29. 30. lege *spuriam*.  
p. 7. l. 21. *lectum*. p. 8. l. 15. *minimum*. p. 10. l. 32. *lipoth*. p. 14.  
l. 23. *melissa*. p. 15. l. 25. *vt*. l. 26. *tale*. l. 28. *Mutiniensis*. p. 16.  
l. 18. *paratur*. l. 28. *alium*. p. 21. l. 27. *defectum*. p. 22. l. 11.  
*prorump*. p. 23. l. 6. *quot*. p. 30. l. 14. *noxis*. l. 24. *oui*, *aqua*.  
p. 33. l. 19. & 21. *pharmac*. l. 31. *saluatoriam*. p. 34. l. 10. *dubitau*.  
p. 36. l. 24. *constabant* p. 40. l. 29. *agebantur*. p. 43. l. 15. *supplebat*.  
p. 50. l. 3. *cariosum*. p. 53. l. 3. *vtro*. p. 54. l. 25. *ingerere*. p. 63.  
gg 2 l. 26.

l. 26. *graviditatis*. p. 68. l. 20. *extincto*. p. 72. l. 12. *stagnans*.  
 l. 19. *dabatur*. l. 21. *exteriorum*. p. 75. l. 27. *accedit*. p. 76. l. 21.  
*obtulit*. p. 77. l. 11. *augmentum*. p. 81. l. 6. *interdum*. p. 83. l. 5.  
*cirrata*. p. 87. l. 26. *depulerit*. p. 92. l. 5. *desituti*. p. 100. l. 7.  
*del. affectus*. p. 106. l. 24. *totius*. p. 116. l. 7. *profudisse*. p. 118.  
 l. 16. *animaduertens*. p. 122. l. 25. *vsa*. p. 129. l. 26. *Tab. III.*  
*Fig. 3.* p. 141. l. 5. *spermatis*. p. 143. l. 29. *impeditiore* p. 144. l. 10.  
*cum*. l. 17. *cum*. p. 160. l. 8. *restitueretur*. l. 31. *auxi*. p. 177.  
 l. 12. *vit*. l. 13. *ex*. p. 186. l. 12. *mane*. p. 198. l. 7. *cholera*. p. 199.  
 l. 22. *color*. p. 206. l. 24. *ruptura*. l. 26. *suos*. p. 213. l. 16. *De-*  
*monstr.* p. 221. l. 18. *lamella*. l. 20. *ve*. l. 21. *indicia*. p. 231. l. 32.  
*luxatum*. p. 235. l. 7. *hepar*. p. 243. l. 4. *reperiebatur*. l. 16. *tuber-*  
*cula*. p. 247. l. 22. *Silesiacis*. p. 257. l. 4. *del. loh*. p. 276. l. 1. *im-*  
*pune*. p. 289. l. 11. *ubi*. p. 291. l. 18. *ab*. p. 327. l. 2. *expulerint*.  
 l. 27. *observato*. p. 340. l. 3. *obuiam*. p. 343. l. 6. *violenta*. l. 15. *imo*.  
 p. 344. l. 1. *aphonia*. p. 345. l. 6. *conspicabantur*. p. 359. l. 1. *suc-*  
*cessu*. p. 365. l. 26. *diffutis*. p. 374. l. 3. *lauationem*. p. 378. l. 28.  
*tribus*. p. 381. l. 16. *vero*. p. 393. l. 3. *inclusum*. p. 400. l. 21. *ultro*.  
 p. 401. l. 30. *succussus*. p. 403. l. 16. *mirabilem*. l. 18. *meatu*. l. 23.  
*prandium*. l. 25. *meatum*. p. 405. l. 14. *innoxium*. p. 423. l. 19.  
 & 20. GOTTH. ERNESTI STRV VII. p. 424. l. 31. *effecerat*. p. 435. l. 9.  
*convulsus*. l. 26. *penitus*. p. 456. l. 8. *columbis*. p. 457. l. 16. *par-*  
*tum*. p. 465. l. 2. *apport*. l. 4. *aderat*. p. 466. l. 1. *eruca*. l. 20. *le-*  
*ctionibus*. p. 467. l. 8. *egrotabant*. p. 468. l. 11. *viui* — *indiciu*.  
 p. 469. l. 27. *fraxini*. p. 470. l. 15. *currenti*. *Tabula aenea III.*  
*Fig. 11. ddd lege: rubicunda e e Solanum nigrum.*

F I N I S.

